


Lëk yam



New Testament in Dinka, Southwestern (SU:dik:Dinka,
Southwestern)

Lëk yam

New Testament in Dinka, Southwestern (SU:dik:Dinka, Southwestern)

copyright © 2006 Wycliffe Bible Translators, Inc.

Language: Dinka, Southwestern

Translation by: Wycliffe Bible Translators, Inc.

Dinka, Southwestern

dik

Sudan

Copyright Information

© 2006, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dinka, Southwestern

© 2006, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files dated 29 Jan 2022

d94b9d26-33ff-5c4e-819f-5bfe86ac9e55

Contents

Matheo	1
Marko	31
Luka	50
Joon	82
Lusi Atuuc	105
Kac pan Roma	137
1 Korinth	151
2 Korinth	165
Galatia	174
Epethuth	179
Pilipi	184
Kolothia	188
1 Thethalonika	192
2 Thethalonika	195
1 Timothĭ	197
2 Timothĭ	201
Tito	204
Pilemon	206
Athör cĭ gät kac Itharel cĭ gam	207
Jemith	218
1 Pĭter	222
2 Pĭter	226
1 Joon	229
2 Joon	233
3 Joon	234
Jut	235
Nyuuth tĕnĕ Joon	237

Wël Jethu cï Matheo göt Wët nom

Athör Matheo ë jam Wët Puøth Yam ye Jethu raan cï lueel, yen bi kœc waar yiëth kârac yiic, raan yen cï kâŋ kenhüm tiεεŋ thïn, kâk cï Nhialic thïn kacke. Kâkkâ, aa yeku yök athör theεr wël Nhialic yiic. Wët Puøth Yam kënë acie tënë kœc Itharel kepεc, kœc kek ke dhiëeth Jethu thïn ku dïit kamken, ee wët puøth lœk thëi ëbën pinyinhom.

Athör Matheo aci ηiec guiir. Ee rot jœœk dhiënh Jethu, ku teet miœc nom ë Jethu ku tœ cï jœŋrac ye them thïn. Ku wëetden yen kœc lœk tœ bi kœc pïr thïn aköldä, ku piœcde ku tœ yen kœc kuony thïn Galilia. Ku ë kâkkâ cœk ciëen, Matheo aci tœwäär jiël Jethu Galilia bi la Jeruthalem göt aya, cimën kâk cï röt looi tënë ye wäär bi ye guo nœk, cï bën la thök piëet cï ye bën piäät tim cï riüu kœu. Ku jœl aa jœn cï yen rot bën jœt.

Athör Matheo ë Jethu nyuøth ke yen raan piœœc ril ηic kâŋ apœi, ke la riël yen lœŋ Nhialic teet yic bi löœny kœc puøth apath, ku ë piœœc kâk Bääny Nhialic aya. Abaŋdït piœœcde yic aci Matheo tek yic dhiœc ku gœt kœlä,

Piœœcde göt nom rin ηiec ciεεŋ ku tœ bi kœc ye Bääny pan Nhialic kœden la thïn aköldä. (cœkdït 5-7)

Lœk tënë atuuc kathiäär ku rou ë luœiden bïk looi. (cœkdït 10)

Kœŋ rin Bääny pan Nhialic. (cœkdït 13)

Piœœc rin atuuc. (cœkdït 18)

Piœœc rin thök piny, ku Bääny pan Nhialic bi bën. (cœkdït 24-25)

Kâk tœ thïn

Kuat Jethu ku dhiënhde 1:1-2:23

Piœœc Joon raan kœc muœœc nhïim 3:1-12

Miœc nom Jethu ku tœ cï jœŋrac ye them thïn. 3:13-4:11

Piœœc Jethu Galilia 4:12-18:35

Jäl Jethu Galilia bi la Jeruthalem 19:1-20:34

Nïn ciëen kadhorou thuœnde nom tuεŋ 21:1-27:66

Jœn rot ku nyooth rot ë Bányda 28:1-20

*Kuat Jethu raan cï lœc ku dœc
(Lk 3:23-38)*

¹ Kâkkâ aa rin kuat kœc ke dhiëeth Jethu thïn, kuat Bënyŋaknom Debit bœ cœk tënë Abaram.

² Abaram ë ye wun Ithäk.

Ithäk ë ye wun Jakop.

Yen cï Juda bën dhiëeth kek wämäthakën kœk.

³ Juda ë ye wun pandiεεt, Peredh ku Dhara ku manden ë cœl Tamar,

Peredh ë ye wun Yedhron
ku Yedhron ë ye wun Ram.

⁴ Ram ë ye wun Aminadap,
ku Aminadap ë ye wun Nacon,
ku Nacon ë ye wun Thalmon.

⁵ Thalmon ë ye wun Boath,
ku man ë cœl Rayäp.

Boath ë ye wun Obet,
ku man ë cœl Ruth,

ku Obet ë ye wun Jethe.

⁶ Ku Jethe ë wun Bënyŋaknom Debit,
ku Debit ë ye wun Tholomon, ku man ë cï
kâŋ aa tiŋ Uria.

⁷ Tholomon ë ye wun Raboam,
ku Raboam ë ye wun Abija,

ku Abija ë ye wun Atha.

⁸ Atha ë ye wun Jocatap,

Jocatap ë ye wun Joram,
ku Joram ë ye wun Udhia.

⁹ Udhia ë ye wun Jotham,

Jotham ë ye wun Ayath,

ku Ayath ë ye wun Yedhekia.

¹⁰ Yedhekia ë ye wun Manathe,

Manathe ë ye wun Amon,

ku Amon ë ye wun Jothia.

¹¹ Jothia ë ye wun Jekonia, ku wämäthakën
kœk, ku jœl ke peec ku yëth ke Babilo-
nia.

¹² Wën cï ke yäth Babilonia aaci la dhiëth
kœlä, Jekonia aci Cealtiel la dhiëeth.

Cealtiel ë ye wun Dherubabel.

¹³ Dherubabel ë ye wun Abiœt

ku Abiœt ë ye wun Eliakim.

Ku Eliakim ë ye wun Adhor.

¹⁴ Adhor ë ye wun Dhadok.

Dhadok ë ye wun Acim,

ku Acim ë ye wun Eliœt.

¹⁵ Eliœt ë ye wun Aliadhër
ku Aliadhër ë ye wun Mathan.

Ku Mathan ë ye wun Jakop.

¹⁶ Ku Jakop ë ye wun Jothep mony Maria,
ku ë yen aci Jethu cœl Raan cï lœc ku dœc bën
dhiëeth.

¹⁷ Kœya, kuat Jethu ë kith, ee ye yic thiäär
ku ŋuan jœœk Abaram yeet Debit, ku bën
yic aa thiäär ku ŋuan yeet tœwäär cï ke peec
Babilonia, ku bën yic aa thiäär ku ŋuan jœœk
kœc cï dhiëeth Babilonia yet dhiënh Jethu
raan cï lœc ku dœc.

*Maria aci meth yök ke cïn moc
(Lk 2:1-7)*

¹⁸ Dhiënh Jethu ë loi rot kœlä. Maria ë wïc
Jothep bi thiaak. Tëwën kœc ye gam, ke yök
ke cï liœc ë manh yök tënë Wëi Nhialic.

¹⁹ Jothep, raan awën wïc ye bi thiaak ë ye
raan path, ku akœc wïc bi Maria yœœr guœp,
go wïc bi puœl ke cïn raan piŋ ye.

²⁰ Tëwën wïc yen kënë bi looi, ka atuny
Nhialic nyuth rot ye nyuøth yic ku lueel,
"Jothep, manh Debit, duk riœc ba Maria cïi

thiak, rin ë riel Wëi Nhialic yen ayök yen manh tš yeyäc.

²¹ Yeen abí mənħ moc dhiëëth, ku aba cäk ke cöl Jethu rin yen ë raan bī kəc wëër bei adumušmken yiaic."

²² Kënë aci rot looi këya, bī wët Nhialic cī raan kärke tīj lueel yenhom tiëeŋ. Ku wët kënë ëcī lueel ëlä,

²³ "Nyan bīm abī liëc, ku abī manh moc dhiëëth ku abī cöl Emanuel. Ku wëtde yic, Nhialic atš kek yook."

²⁴ Këya, Jothep aci kē cī atuny Nhialic lək ye gam, ku yëth Maria baai.

²⁵ Ku aa kēc rëër cīmēn tik ke moc yet tē dhiëëth Maria wēnde, ku ciëk Jothep ke cöl Jethu.

2

Jethu aci nyuəth kəc thāi

¹ Tëwēn cī Jethu dhiëëth gen Bethalem pan Judia, wäär ye Yërot Bēny. Ke bāny kək ŋic kək Nhialic bš piny ciëen ku yëetkē Jeruthalem,

² ku thiëckē, "Tš Bēnyŋaknhom kəc Itharel puəc dhiëëth tēno? Ciëerde acuk tīj piny ciëen, yen abī yok buk bēn door."

³ Nawēn piŋ Bēny Yërot ë wët kënë, ke jieth pušu, agut kəcđit kək Nhialic Jeruthalem aya.

⁴ Go bānyđit kək Nhialic, ku kəc piöoc lööŋ cöl ëbēn ku thiëc ke, "Ye tēnen bī Raan cī lac ku dac dhiëëth thīn?"

⁵ Gokē lueel, "Abī dhiëëth gen Bethalem pan Judia, cit wët cī raan kək Nhialic tīj gōt ëlä,

⁶ Yīn Bethalem pan Judia, na cək alən koor yīn kam gēstđit pan Judia, ke yīn abī bēny məc thāndiēn Itharel tušl thīn.' "

⁷ Go Yërot bāny wēn bš ciëen cöl ë rōt, ku thiëc ke aköl tīj kek ciëer panden.

⁸ Ku cöl ke aa bēr Bethalem ku thən ke ëlä, "Lak wiëckē meth apei ku na yökkē, ke we dhuk bāk bēn lək ya, ba la aya, ba la door."

⁹ Nawēn cik wët Bēny Yërot piŋ ë ke lööny dhöl, ku tīŋkē ciëer wäär cik tīj ciëen panden ke wat kenhūim, ku ler ku kēëc yōt nhom, yōn tš meth thīn,

¹⁰ ku mitkē pušth apei.

¹¹ Ku lek yōt ku yökkē meth kek man, ku gutkē kenhil piny ku dorkē, ku liepkē jögəoken thook ku juërkē milšöŋthith, ku adōŋ ŋir mit tuəlde ku adōŋ kec.

¹² Nawēn ke nyuəth ku lək ke bik cīi dhuk tēnē Yërot, gokē dhuk panden dhël dēt.

Meth aci riëeŋ Ijip

¹³ Wēn cī kek jāl ka atuny ë Nhialic nyuth rot Jothep ku nyuëth ëlä, "Jot rot ku luəc rot

wei kek meth ku man ku lak Ijip, ku rëër kē thīn yet aköl bī yen we lək bāk dhuk, rin Yërot awic meth bī nök."

¹⁴ Go Jothep rot jot ku nyëei meth kek man ë wëër kënë, ku lek Ijip.

¹⁵ Ku rëër kē thīn yet aköl thou Yërot, rin bī wët raan kək Nhialic tīj, cī lueel thëer ëlä yenhom tiëeŋ, "Yen abī Wëndië cöl Ijip."

¹⁶ Nawēn tīj Yërot lən cī bāny ke bš ciëen ye ruëeny, ke riääk pušu. Ku cöl mīth rōör aa nek ëbēn Bethalem, ku bēi kək thiääk kek ye, mīth ye rušnken rou, ayī mīth kək kēc run karou dööt, cit tē ye tāk ye tēwäär piŋ yen wët tēnē bāny ciëen.

¹⁷ Ku kək ke cī Jeremia raan kək Nhialic tīj lueel thëer, aaci kenhūim tiëeŋ thīn. Ku ëcī lueel ëlä,

¹⁸ "Dhiëeu ëcī piŋ gen Rama,

dhiëeu ku kieeu ë đit apei.

Kəc Itharel aake dhur miëthken,

Ku aaci węc ë pušu ye gam,

rin cī kek thou ëbēn."

Meth aci dhuk

¹⁹ Nawēn cī Yërot thou, ka atuny Nhialic ben rot nyuəth Jothep pan Ijip,

²⁰ ku lueel ëlä, "Jot rot, ku dhušk meth kek man pan Itharel, rin kəc wäär wic ye bik nök aaci thou."

²¹ Go Jothep rot jot, ku jiël kek meth ku man, ku dhuk pan Itharel.

²² Nawēn piŋ lən ye Arkelao bēny Judia nyin wun, go rišöc bī la Judia, ku ben nyuääth, go mušl la Judia ku ler Gallia,

²³ ku ler ku rëer gen cöl Nadharet. Këya, wël ke cī raan kək Nhialic tīj lueel aaci kenhūim tiëeŋ thīn, "Lən bī Jethu aa raan Nadharet."

3

Piöoc Joon raan kəc muəc nhūim

(Mk 1:1-8; Lk 3:1-18; Jn 1:19-28)

¹ Ye nīnkä, Joon raan kəc muəc nhūim ëcī pišöcde jək pan Judia, roor tē cīi ceŋ, ku lək kəc ëlä,

² "Pälkē luai kārac rin Bääny Nhialic aci thišk."

³ Mony kënë, yen ëcī Ithaya raan kək Nhialic tīj jam rienke thëer wäär lueel yen ye ëlä,

"Raan kākkië tīj abī piŋ röl ke jam roor tē cī ceŋ,

'Guiërkē dhël ë Bēny, luai kē dhölke bik la cök.' "

⁴ Joon ë ye ceŋ alēth cī looi nhiēm thöršl, ku ceŋ gəop ye aŋum, ku mīth ke ye cam, aa koryam ku kiëc.

⁵ Kəc Jeruthalem ku kəc juëc pan Judia, ku ləŋ Jordan ëbēn aaci wet tēnē ye,

6 ku lekkë adumuşmken, ku jøl Joon ke muşoc nhïim wår Jordan.

7 Wën tiŋ Joon kəc juęc akut Parathï ku Thaduthï ke bş tēnē ye bï ke bēn muşoc nhïim, ke lək ke, “Awek dhiēn kăpieny! Yeŋa lək we bāk kat kēreec bş?”

8 Luwikē kāk ye nyooth lōn cï wek muşl kārıc yakē ke looi.

9 Ku duşkkē wepuşth tōŋ ku luлкē yok aa mïth Abaram. Alək we, lōn alēu Nhialic bï aleelkă cəl aaye mïth Abaram.

10 Ku emēn yēp acï ther bï ke tiim yep, rin na ye tim cie luşk mïth path, ka yep ku cuet ē mεεc.

11 Wek aa ya muşoc nhïim ē piu bāk luoi kārıc puşl, ku raan bş ciēēn yacōk abï we muşoc nhïim ē Wēi Nhialic ku mac. Yeen adit apeï tēnē ya, ku yen acïi path na cək a warke ka cā lēu ba ke dşk.

12 Yeen acit raan muk lək ē kām, ye rap kşm bï rap tek thook ke miēl. Ku wiuu rap ku tşşu ke. Ku yoot miēl many cie thou.”

Jethu acï muşoc nhom
(Mk 1:9-11; Lk 3:21-22)

13 Nawēn ke Jethu jiēl Galilia bi la Jordan bi Joon la muşoc nhom.

14 Go Joon them bi Jethu yenhom waar ku lək ye, “Awiēc bi ya yin muşoc ŷanhom. Yeŋō bïi yin tēnē ya?”

15 Go Jethu dhuşk ye, “Cəl aloi rot kēya. Ee tēde bi rot looi kēlā rin bi yok kē wic Nhialic tiēŋ nhom.” Go Joon gam.

16 Kaam wēn ci Jethu muşoc nhom, ke bş bei wïr ku tiŋ nhial ke liep rot, ku tiŋ Wēi Nhialic ke bş yenhom kecit kuur ē dit.

17 Ku piŋ rōl Nhialic nhial ke lueel, “Kēnē ē manhdiēn nhiaar, ŷen amit puşu tēnē ye.”

4

Jethu acï jōŋrac them
(Mk 1:12-13; Lk 4:1-13)

1 Kaam wēn ke Wēi Nhialic la Jethu guşp, ku ŷeth roor tē cïi cen bï jōŋrac la them.

2 Ku jøl miēth theek nin thiārŋuan, akōl ku wēŋer go cək nōk.

3 Go jōŋrac rot cuşth ye ku lueel, “Na ye Wēn Nhialic, ke lək aleelkă bik rōt wel bik ya ayuşp.”

4 Go Jethu bēŋer, “Acï gōt thεεr ēlā, ‘Raan acie pir ayup ē rot, ee pir wēl bēn bei ēbēn Nhialic thok.’ ”

5 Go jōŋrac ŷāth gendit ku tēŋu luar Nhialic nhom,

6 ku lueel tēnē ye, “Na ye wēn Nhialic, ke yï cuet rot piny, rin ēci gōt ēlā,

‘Nhialic abā atuşocke lək bik yï muk kecın, ba yicōk cïi deeny alēl.’ ”

7 Go Jethu lək ye, “Acï gōt ēlā aya, ‘Duk Nhialic Bānydu them ē path.’ ”

8 Go jōŋrac ben ŷāth gōn bār apeï nhom, ku nyuth bēŋi pinyhom ēbēn ke diεekden.

9 Ku lueel tēnē ye, “Kākkă ēbēn aba yiēk yï tē cuet yin rot piny ku door ya.”

10 Go Jethu lək ye, “Jālē, Jōŋ ater, rin acï gōt ēlā, ‘Yin abï Nhialic Bānydu door ku loi wētde yetōk!’ ”

11 Go jōŋrac nyāāŋ piny, ku bş atuuc nhial ku konykē.

Jethu acï luoidē jōak Galilia
(Mk 1:14-15; Lk 4:14-15)

12 Nawēn piŋ Jethu lōn cï Joon dōm, ke dhuk Galilia.

13 Ku jiēl Nadharet gēnden ku le rēer Kapernaum, gen thiāāk kek wār Galilia, lōŋ Dhebulun ku Naptali.

14 Kēnē ēci rot looi, bi wēt cï Ithaya raan kāk Nhialic tiŋ lueel yenhom tiēŋ,

15 “Piny ē Dhebulun ku piny Naptali, tē la wïr, wār Jordan aloŋtui, Galilia, wun thāi juēc kuc Nhialic!

16 Kēc ke rēer muşōth yic acï rueldit apeï tiŋ.

Ku kəc ciēŋ piiny muşōth yic tēn thou, ruel acï bēn.”

17 Ku ē nūnkă, Jethu acï pişōcde jōak, ku lək kəc ēlā, “Pālkē luoi kārıc, rin Bāāny Nhialic acï thiōk.”

Jethu acā amēi karŋuan cōl
(Mk 1:16-20; Lk 5:1-11)

18 Tēwēn kueny Jethu wār Galilia ŷou, ke tiŋ amēi karou, Thaimon, ku ē cəl Pīter aya, kek Andria wāmēnh ke dōm rec buoi.

19 Go lək ke, “Biathkē ŷa ku wek aaba pişōc bāk kəc aa dōm.”

20 Gokē biaiken nyāāŋ piny nyin yic ku buothkē Jethu.

21 Wēn jiēl yen ē tēn, ke tiŋ Jemith ku Joon kek wunden Dhubedi riāi yic, ke guir biaiken. Go Jethu ke cōl.

22 Gokē lōōny dhōl nyin yic kek ye, ku nyiēŋkē wunden piny riāi yic.

Jethu ē piōoc ku kony kəc tuany
(Lk 6:17-19)

23 Ku jøl Jethu pan Galilia kuany yic, ke ye piōoc ŷōn amat yiic, ku lək kəc Wēt Puōth Yam ē Bāāny Nhialic, ku kony kəc kuat tu-aany ēbēn bik pial.

24 Go lεcde thiēi piny pan Thiria ēbēn, go kəc ke tuany tueny juēc, kəc ke rem gup apeï, ku kəc cï jakreεc dōm, ku kəc la gup nok ku kəc cï ruai, bēŋi tēnē ye. Goke kony bik pial.

3:7 Mt 12:34; 23:33 3:9 Jn 8:33 3:10 Mt 7:19 3:17 Cāk 22:2; Wk 2:7; Ith 42:1; Mt 12:18; 17:5; Mk 1:11; Lk 9:35
4:1 ŷēb 2:18; 4:15 4:4 L.rou 8:3 4:6 Wk 91:11-12 4:7 L.rou 6:16 4:10 L.rou 6:13 4:12 Mt 14:3; Mk 6:17; Lk 3:19-20 4:13 Jn 2:12 4:16 Ith 9:1-2 4:17 Mt 3:2 4:23 Mt 9:35; Mk 1:39

²⁵ Go koc juëc apei pan Galilia, ku gæeth kathiäär yiic, ku Jeruthalem ku Judia ku bëëi kâk lôn Jordan, buæth.

5

*Këŋ miët ë puðu cï Jethu piöss
(Lk 6:20-23)*

¹ Wën tiŋ Jethu koc juëc apei, go la tæthöny gõt nhom. Ku nyuuc ku mët kocken ye buæth röt ye,

² go jam ku piöôc ke ëlä,
³ “Koc mit gup aa koc ë lôn kepuüth, rin ye Bääny pan Nhialic këden!

⁴ Koc mit gup aa koc dhuüör rin bi Nhialic ke waac puüth!

⁵ Koc mit gup aa koc ë lôn puüth, rin bi kek kë cï Nhialic thôn yök!

⁶ Koc mit gup aa koc nëk tuil puün la cök, ku aabi kueth yeen!

⁷ Koc mit gup aa koc abiökruel, rin bi keek kony aya!

⁸ Koc mit gup aa koc yer puüth, rin bi kek Nhialic tiŋ!

⁹ Koc mit gup aa koc ë koc döör, rin bi keek aa cöl mïth Nhialic!

¹⁰ Koc mit gup aa koc ye jöör rin wët path, rin ye pan Nhialic këden!

¹¹ “Wek aa mit gup tæ lëët we ku näk we, ku tör koc kâk wegup wël lueth ë rienkie.

¹² Yakë puüth miët ku dalkë wepuüth, rin bi ariþundun düt apei pan Nhialic. Yen ë tæwäär jöör kek koc kâk Nhialic tiŋ thün aya.

¹³ “Wek aa cit awai pinyinhom. Ku na thöök kðu alëi, ke ben dhuük thün këdé? Awan cit këné acie ben piath. Aye puük wei bi ya dum koc cök.

¹⁴ Wek aa mermer pinyinhom ëbën. Gen cï buth gõt nhom acie thiaan.

¹⁵ Acin raan mermer dæp ku kum nyin, aye tæðu tën ë yen yöt mer yic thün tënë koc tæ yööt ëbën.

¹⁶ Këya, mermer adhil tiŋ koc ëbën, rin na tiŋkë luaidun path la cök ka lec Wuurdun tő nhial.

Piöôc Jethu rin ë löŋ

¹⁷ “Yakë tak lôn cï yen bën, ba löŋ Mothith ayi kâk ye koc kâk Nhialic tiŋ piöss bën rac? Acie tæde, yen akëc bën ba ke bën rac, yen aci bën ba ke bën thääp.

¹⁸ Alëk we alanden, agut tæ bi nhial ku piny liu, acin wët koor ayi këthiin tő löŋ yic, bi kan määp ke këc gußt nhom.

¹⁹ Këya, raan dhon löŋ tök kðu, cök a löŋ thün koor, ku piöôc koc kâk bik löŋ dhon kðu aya, acin tæpeth bi yök pan Nhialic. Ku raan

thek ke, ku ye ke piöss abi ya raandit apei pan Nhialic.

²⁰ Alëk we, na cïi piathdun ku luaidun la cök, abi luoi koc piöôc lööŋ Nhialic ku luoi Parathï waan thok, ke wek aaciï la pan Nhialic alanaŋon.

Löŋ yam awär löŋ theer

²¹ “Acäk piŋ lôn cï ye lëk wärkuan düt theer ëlä, ‘Duk raandä näk, ku na ye raan näk raan dët ka bi luük wei.’

²² Ku wek aa lëk wët këné, raan la puðu agöth tënë raandä, abi luük wei aya. Ku na ye raan lat wäménh, ‘Yin acin nhom!’ Ka tëm thou, ku na ye raan lat raan dët, ‘Yin acin puðu,’ Ka bi yäth pan mac.

²³ Na lö juar ariäk nhom, ku lö tak lôn cï wämuuth puðu riääk tënë yi,

²⁴ ke yi nyiëëŋ këdu ariäk lööm ku löör bäk kan la döör wek wämuuth, ku jöl dhuk ba Nhialic la juër.

²⁵ “Löc wët waar yic ku döörkë wek raan yëth yi luk yic. Na cïi löc looi këlä, ka yëth yi luk yic tënë bëny. Ku bëny abi yi la thün apuruuk, ku mac yi.

²⁶ Yin alëk yic, yin aciï bi kan lony yet tæ bi yin këthiin köny tënë yi kan cool.

Jethu ajai ë kör

²⁷ “Acäk piŋ lôn cï ye lueel theer ëlä, ‘Duk tiŋ raandä kör.’

²⁸ Ku alëk we, raan döt tik ku tuuil ye, kacit raan cï tik köör aya rin tő yen yepuðu.

²⁹ Këya, na ye nyindun cuëc yi cöl aloi awuüc, ke nuët bei ku cuat wei! Anjüëen ba cör nyien tök, tënë lôn bi yi cuat pan mac ëbën.

³⁰ Ku na ye cindun cuëc yi cöl aloi awuüc, ke tæem wei. Anjüëen ba la ciëen tök, tënë lôn bi yin la pan mac.

Jethu ajai ë liösi

(Mt 19:9; Mk 10:11-12; Lk 16:18)

³¹ “Aci lueel aya ëlä theer, ‘Raan päl tiëŋde adhil athör ë liösi gõt tënë tik.’

³² Ku alëk we, na ye raan cï tiëŋde liösi ke këc wic mony dët, ka bi ye cöl aloi adumuüöm, ku raan thiak tiŋ cï liösi ka cä akör looi.

Jethu ajai ë kuëŋ

³³ “Acäk piŋ aya lôn cï ye lëk köckun theer ëlä, ‘Duk mël kuëŋ ë lueth, muk kuëŋdun ca looi tënë Bëny.’

³⁴ Ku alëk we, duükkë mël kuëŋ, tæde rin pan Nhialic tæde rin ë Bäänyde,

³⁵ tæde rin piny, rin yen ë tæ mac Nhialic ku duk kuëŋ Jeruthalem rin ë gen Bënydüt.

5:4 Ith 61:2	5:5 Wk 37:11	5:6 Ith 55:1-2	5:8 Wk 24:3-4	5:10 1Pit 3:14	5:11 1Pit 4:14	5:12 2Lëk
36:16; Luoi 7:52	5:14 Jn 8:12; 9:5	5:15 Mk 4:21; Lk 8:16; 11:33	5:16 1Pit 2:12	5:18 Lk 16:17	5:21 B.bei	
20:13; Lrou 5:17	5:27 B.bei 20:14; Lrou 5:18	5:29 Mt 18:9; Mk 9:47	5:30 Mt 18:8; Mk 9:43	5:31 Lrou		
24:1-4; Mt 19:7; Mk 10:4	5:32 Mt 19:9; Mk 10:11-12; Lk 16:18; 1Kor 7:10-11	5:33 Leb 19:12; Kn 30:2; Lrou 23:21				
5:34 Jem 5:12; Ith 66:1; Mt 23:22	5:35 Ith 66:1; Wk 48:2					

³⁶ Duk kuëñj ë cöskdu rin acie yin yi cak ye.

³⁷ Jamdu ë lön bi yin ye lueel amäath ë path, 'Ee këya' ku, 'Acie këya,' Kë ye juak thün, ee bën tënë jöñrac.

Jethu ajai ë guur
(Lk 6:29-30)

³⁸ "Acäk piñ aya ke ci lueel ëlä, 'Na yup raan yi nyin ke yup nyin aya, na dhoñ yilëc ke dhoñ lëc.'

³⁹ Ku wek alëk këñë, duk kërac col kërec dët. Na gut raan gëmdun cuëc ke wël gëm dët aya.

⁴⁰ Na wic raan dët bi këdun path tuöör nyin, ke mat këdun dët puath nhiair aya.

⁴¹ Na col raan yi ba këthiek muk tënë ye, ke ruac ba yäth tëmec.

⁴² Muoc raan lim yi, ku na wic raan këdäj tënë yi, ke gäm ye.

Nhiar koc man yün
(Lk 6:27-28, 32-36)

⁴³ "Acäk piñ ke ci lueel ëlä, 'Nhiar koc mäath kek yi ku man koc ater.'

⁴⁴ Ku alëk we, nhiarkë koc aterdun ku röökkë rin koc jör we,

⁴⁵ rin bi wek jäl ciët mïth Wuurdun tñ nhial, rin ë piny col abak tënë koc path ku koc rec kedhie, ku col deñ atueny tënë koc ë luui kápah ku koc luui kárac aya.

⁴⁶ Na nhiair ke ë koc nhiair yi kepëc, ke ye rin nõ bi Nhialic yi kony? Cii koc kut ajuër ye looi këlä aya?

⁴⁷ Na yeke muöth ë koc mäath kek yi ë röt, ke la këpeth ca looi wër yin koc kök? Cii koc cie koc Itharel këcüt këñë ye looi aya?

⁴⁸ Yin adhil piath cimën puath Wuur tñ nhial!

6

Duk nhiam ë kuöny ca gam

¹ "Tietkë röt bák kápah cii ye looi ë koc nhüm rin bi we tiñ. Na luoi këya, ka cín ariöp bák yök tënë Wuurdun tñ nhial.

² "Na le raan nõñ ca kony, ke yi duk nhiam ba ya cath ke luel cimën koc alueth, ye looi tën amat ku dhöl yiic, rin bi ke leec. Detkë apath, kek ë kockä acín ariöp dët benkë yök.

³ Ku na gäm raan nõñ këdäj, ku cök a mähdu ke duk col anic.

⁴ Rin bi këdun ci yin raandä kony cii njic. Na loi këya, ke yin abi Nhialic cuööt, raan yen këriëc ëbën njic, agut kë ci moony.

Jethu anyuth yo tē bi yok ya röök thün
(Lk 11:2-4)

⁵ "Ku tē röök yin, duk koc alueth kiit, anhiarkë bik röök ke kääc tén amat ku dhöl yöth, rin bi ke tiñ. Ku alëk we, keek aacä ariöpdén yök.

⁶ "Tē röök yin, ke yi la tēdu ë rot, ku röök tēñë Wuur Nhialic cie tiñ, rēer ë tēñë, ku yen Wuur daai yi, yen abi cuööt.

⁷ "Ku tē röök yin, duk wël ye ber yiic ë path cimën koc kuc wët Nhialic, koc ye tak lön na luelkë wël juëc, ke yen bi Nhialic röökken piñ?

⁸ Duk rot loi ba ciët ke, rin Nhialic ë kë tñ yipuöu guö njic ke këc cak thiëc.

⁹ Këya, yin adhil röök ëlä, 'Wädan tñ nhial, bi rienku aleec,

¹⁰ bi bäänydu bën yoyiic, bi wëtdu alooi piiny cimën nhial.

¹¹ Muoc yook miëth yaköl.

¹² Päl wët piny tënë yook, cimën ye yok ye puöl tënë koc rec yook.

¹³ Ku duk yook col athem kërac, ku ba yook lac waar kërac yic.'

¹⁴ "Rin na ye wët päl piny tënë koc kök, ke Nhialic abi wët päl piny tënë yi aya.

¹⁵ Ku na cii wët ye päl piny tënë koc kök, ke Nhialic acii wët päl piny tënë yi.

Duk nyooth lön thëk yin

¹⁶ "Tē thëk yin, duk rēer yi nõñ nyin cimën ye koc ruëeny ye looi. Aake nyin looi nuarar bik nyuöth lön thëk kek. Alëk we, keek aacä ariöpdén yök.

¹⁷ Tē thëk yin, rēer ë path ku duk nyooth lön nëc cök yi,

¹⁸ bi ciën raan njic ye lön thëk yin, ku Nhialic Acieñ yen kë ye nek looi ë rot njic, yen abi yiek ariöpdü.

Jiesk cie riäk atz pan Nhialic
(Lk 12:33-34)

¹⁹ "Duökkë jak käk tñ pinyinhom rin ye aruöp ku keth ke rac, ku aaye cuër kual aya.

²⁰ Këya, apath bi ya jiesk pan Nhialic yen wic, yen acín kë bi ye rac.

²¹ Rin piändu abi ya rēer akölaköl tē tñ jaakdu thün.

²² "Këya, puñ path acit nyin path, raan path nyin ee daai apath, acii thöñ kek raan ci cor. Raan la puñ yer acit raan path nyin,

²³ ku raan ye njic këde ë rot, ee raan col puöu cit cor cie piny ë tiñ!

Nhialic ku jiesk
(Lk 16:13; 12:22-31)

²⁴ "Acín raan bány karou luöoi ë tök, tēde ka man bány tök ku nhieer bëny dëetë, tēde ka thek raan tök ku dhöl raan dët. Acii raan lëu bi Nhialic ku jiesk nhiair kedhie.

²⁵ "Këya, alëk we bák cii ye diëer kë bák cam, ku kë bák dek, rin bi wek rēer we pir, tēde ke we diëer kák bák ceñ. Wëi anuëñ tënë miëth. Ku guöp raan cii nuëñ tënë alëth?

²⁶ Daai kë diët ë pär nhial, aa cie pur, ku aa cín miith yekë ke tōöu, ee Wuur tñ nhial yen

ë diëer ë ke! Na week cäk ye kädit apei tënë ke?

²⁷ Yeŋa kamkun na diir piërde, ke juak ruönke?

²⁸ “Ku yeŋö ye wek diëer käk bäk ceŋ? Tiëŋkë yök peth ë cil roor, aa cie luui ku aa cie alëth ë kôoc ë rienken.

²⁹ Ku adhiel lëk we na cök a Bënyŋaknhom Tholomon wäär ë jaakde yic, ee cii cit ke.

³⁰ Ku na ye Nhialic wel tō roor cal adhëŋ këya, wel tō thin ëmën, ku na nhiäk nin lik ke ril wei ku took ke mac, ke yeen cii we bi kuëc nhüm? Ye gam thiin koor nō be rëer kek we këya!

³¹ “Duökkë ye diëer ku luëkë, ‘Yeŋö buk cam? Yeŋö buk dek? Buk kë ceŋku yök tēno?’

³² (Aa koc kuc wët Nhialic kek aa kepuöth yiëk ë käckä.) Ku anjic Wuurdun tō nhial lon wic wek käckä ëbën.

³³ Yakë wepuöth wël bäänyde kek käk wic ke tënë we, käjuëc wiëckë ke aabi yiëk we.

³⁴ Këya duökkë ye diëer ë nhiäk, nhiäk abi bën kek kække. Aköl ëbën ala yic këraacde ë rot.

7

Köŋ käcku guiir ba raan dët jäl wëët
(Lk 6:37-38, 41-42)

¹ “Duk koc kök ye nyieeny kârac cik looi käk ye ke looi aya, rin bi yi cii gut nyin,

² rin tē ye luäk koc kök, yen ë tē bi Nhialic yi luäk thin aya.

³ Yeŋö, ye yin këreec dit ye looi kuc, ku ye tñj këreec koor ye wämuuth looi?

⁴ Ye kädë bi yin ke menhkui dok kârac ye looi, ku keek aaye looi aya?

⁵ Awëŋkui! Kanjë kârac yakë ke looi puäl, yen abi wek ye lëu bäk miëthakun jäl wëët.

⁶ “Duk jök gëm kënë Nhialic, ku duk rot göu ba wët lëk koc cii ye bi gam, tädë aabi kuc ku näkkë yiin.

Röök yen wic Nhialic
(Lk 11:9-13)

⁷ “Thiëc, ku abi gäm yi, wic ku aba yök, gut yöt thok ku abi ŋany thok tënë yi.

⁸ Raan ë thiëc, aye gäm këdän, ku raan wic këdän, ee kë wic yök, ku raan yöt tōŋ thok aye ŋany thok ye aköläköl.

⁹ Nadë le raan kamkun gëm manhde dööt tē wic yen miëth?

¹⁰ Nadë, ke gëm këpiny, tē cii yen ye thiëc ë rëc?

¹¹ Na yakë ŋic wek koc cii path bäk miëthkun aa gäm kâpath wickë ke, ke Wuur tō nhial cii käjuëc path bi gäm koc ye thiëc!

Löŋ la cök

¹² “Loi kâpath tënë koc kök, cimën nhiëer yin ye bik kâpath looi tënë yi aya, käckä kek aaci lueel thëer athör Nhialic yic.

Kuany dhël la pan Nhialic yic
(Lk 13:24)

¹³ “Kuany dhël ye koc gum thin yic, rin dhël cii koc ye gum thin, ee koc yäth pan mac, ku ë yen aye koc juëc mër thin.”

¹⁴ Ku dhël ye koc gum thin yen ë la pan Nhialic, ku aa koc lik kek aaye kuany yic.

Tietkë röt bi week cii wëŋ
(Lk 6:43-44)

¹⁵ “Tietkë röt koc piöoc wël ë lueth, koc bën tënë we ku luëkë wël puoth ci la lailäi, ku käk rëer keyäac arac apei.

¹⁶ Aa bäk ŋic tēden ye kek luui thin. Acin mith tim ye cam, ye bet tim dët cie ye nhom.

¹⁷ Këya, tim ye miëthke cam ë luäk mith path, ku tim rac cii miëthke ye cam, acin kë ye yök tënë ye.

¹⁸ Tim peth ye miëthke cam aaci lëu bi dhiëth mith rëc, ku tim cii miëthke ye cam acie kan luäk mith ye cam.

¹⁹ Ku quat tim cin kë ye kuany tënë ye aye yep ku tok.

²⁰ Aben lëk we, koc aa lueth, aa bäk ŋic tēden ye kek luui thin.

Wek aa këc kan ŋic
(Lk 13:25-27)

²¹ “Acie kuat raan ya cööl, ‘Bëny, Bëny,’ Yen bi la pan Nhialic, aa koc kë wic Wä tō nhial looi kek aabi Bääny Nhialic yök.

²² Tē le aköl kënë bën, abi koc juëc lueel tënë ya, ‘Bëny, Bëny!’ Yök aaci wët Nhialic piöoc ë rienku. Ku yök aaci jakrec cuop wei ë rienku, ku loiku käjuëc koc göi!”

²³ Ku aba lëk ke, ‘Wek aa këc kan ŋic. Jälkë yalööm, koc ë luui kârac!’

Käŋ rin koc karou ci bëi keer
(Lk 6:47-49)

²⁴ “Këya, kuat raan wëlkiën kä piŋ, ku luui ë wëlkä, abi ciët raan ŋic kän ci paande looi tēthöny.

²⁵ Go deŋ tueny ku bō aboor ku yomdit apei. Ku paande akëc wiik rin ci ye buth tēthöny.

²⁶ Ku kuat raan wëlkiën kä piŋ ku cii lui ë ke, abi ciët raan abëel ci paande looi tēthuth.

²⁷ Go deŋ tueny apei ku bō aboor ku yomdit, go baai wiik ëbën abi ciën yon tōŋ dōŋ!”

Thän awën tō thin aci gäi

²⁸ Wën cii Jethu wël ke wic bi keek lueel thöl, go thän awën tō thin gäi tē ci yen ke piöoc thin,

²⁹ rin Jethu aaci cit kocken piöoc ë lööŋ, rin aci piöoc ke la riel Nhialic.

8

Jethu acā atuēt cāl apuəl
(Mk 1:40-45; Lk 5:12-16)

¹ Wēn cī yen bēn piny got nhom, ēcī kōc juēc apei buōth.

² Go raan cī tuēt bēn tēnē ye ku gut yenhiaal piny yenhom ku lueel, “Bēny, na wīc ke yin cāl ē tuen kēnē adem.”

³ Go Jethu yekōk riny ku gōot, ku lueel, “Ee yic awiēc, Piaalē!” Go tuēt guō dem nyin yic.

⁴ Ku lēk Jethu ye, “Muk yinhom apath duk kēnē lēk raan dēt, lōor ku nyuōth rot raan kāk Nhialic bī caath, ku juar kāñ cīt tē ye lōñ Mothith ye lueel thīn, bī kōc ēbēn njic lōn cī yīn pial.”

Jethu acī raan lui pan bēny apuruuk kony
(Lk 7:1-10)

⁵ Wēn cī yen yet Kapernaum, ke bēny mēc apuruuk juēc bō tēnē ye ku lēñ,

⁶ “Bēny, raan lui paandīē atō baai ke tuany, acīn tē ye yen rot cak jōt, adhēl apei.”

⁷ Go Jethu lueel. “Yēn abī la ba kony bī pial.”

⁸ Go bēny apuruuk bēēr, “Bēny, duk rot nāk cāth, rin yēn acīe raan path nadē ke yī bō atiēndīē yic, toc wētdu ē path ku yēen abī pial.

⁹ Rin yēn aya, yēn arēēr bānydīt cōk, ku yēn ala apuruuk rēēr yacōk. Ku aya lēk njek. ‘Lōor!’ Ka la, ku lēk njek, ‘Bāār tēn!’ Ka bō. Ku lēk raan lui paandīē, ‘Loi kēnē!’ Ka looi.”

¹⁰ Kaam wēn piñ Jethu wēl raan kēnē ke gēi, ku lēk kōc awēn buōth ye, “Alēk we ayic, acīn raan tōñ ca kan yōk Itharel ke la gamdīt cīt kēnē.

¹¹ Muōkkē kēnē nhom, kōc juēc aabī bēn pinyinhom ēbēn ku nyuuckē ē tōk kek Abaram, ku Ithāk, ku Jakop yai yic bāāny yic pan Nhialic.

¹² Ku kōc ke bī rēēr bāāny yic aabī cīēc ayeer muōōth yic, tē bī kek rēēr thīn ke dhiau bīk kethook aa kac, ke cī nhīim la cōt.”

¹³ Ku wēl yethok bēny apuruuk ku lueel, “Lōor, dhuōk baai, yīn acī gam, ku kēnē abī looi tēnē yī.”

Ku raanden luai acī guō pial ē tēn awēn.

Jethu acī kōc tuany kony
(Mk 1:29-34; Lk 4:38-41)

¹⁴ Tēwēn le Jethu pan Pīter, ke yōk man tiñ Pīter piiny biōōk yic ke cī juai gōōk.

¹⁵ Go gōot, go juai jāl, ku jōt rot ku looi miēth tēnē ke.

¹⁶ Nayoñ thēēi, ke kōc juēc la gup jakrēc bīi tēnē ye. Go jakrēc cuōp wei kegup wēt thok ē path, ku kony kōc tuany bīk pial.

¹⁷ Kēnē acī rot looi rin bī wēt cī Ithaya lueel thēer yenhom tiēēñ, “Acī kuat arēem ku tuany ēbēn jat yeyeth.”

Raan buōth Jethu adhīl puōu riel
(Lk 9:57-62)

¹⁸ Nawēn tiñ Jethu thāndīt apei yelōōm, ke lēk kacke bīk teem wār alōñtui.

¹⁹ Go raan piōōc lōōñ bēn tēnē ye ku lueel, “Bānydiē, yīn aba biaath kuat tē ler yīn thīn.”

²⁰ Go Jethu bēēr, “Luony roor aala yōōtken yekē ke wuut, ku diet pār aala yōōtken, ku Manh Raan acin nhom baai pinyinhom tēn.”

²¹ Go raan dēt kam kōc ye buōth lueel tēnē ye, “Bēny, cāl ya akōñ wā la thiōk.”

²² Go Jethu bēēr, “Buōth ya, ku pāl kōc cīt kōc cī thou bīk kacken thiōk.”

Jethu acī yom cāl akāāc
(Mk 4:35-41; Lk 8:22-25)

²³ Go Jethu la riāi yic, ku buōth kōcken ye buōth.

²⁴ Kaam awēn, ke yomdīt ril apei jōt rot, ku loi atiaktiak rot bī riāi duēr puk yic, ku Jethu ē nin.

²⁵ Go kōcken ye buōth la tēnē ye ku puōckē ke dhiau, “Luāk yo, Bēny, yok aa diūr!”

²⁶ Go lēk ke, “Wek kōc koor gamdun, yēñō ye wek riōōc kēlā?” Ku jōt rot ku rēl yom ku atiaktiak, gokē la dīl.

²⁷ Go kōc awēn gāi ku thiōckē rōt, “Ye raan la guōp njō kēnē? Na cak a yom ku atiaktiak ē ke piñ wētde!”

Kōc pan Gadara la gup jakrēc
(Mk 5:1-20; Lk 8:26-29)

²⁸ Wēn cī Jethu yet pan Gadara tō wār alōñtui, ke rām kek rōōr karou ke bō bei rēñ nhīim. Ku rōōrkā aake la gup jakrēc ē ke riir nhīim apeī, abī kōc aa riōōc ke, abī ciēn raan tēēk ē dhēl kēnē.

²⁹ Gokē duōt looi wēn tiñ kek Jethu, “Yēñō wīc tēnē yo Wēn Nhialic? Ca bēn ba yo bēn tēm awuōc ke tēn awuōc ñoot?”

³⁰ Ku duut dīr baai ē nyuāth tēthiōk.

³¹ Go jakrēc Jethu lōñ, “Na wīc ba yo cuōp wei ē rōōrkā gup, ke yī cop yo ē dīrkā gup.”

³² Go lēk ke, “Lak,” Gokē bēn bei ku lek ē dīr gup, ku tēn awēn, ke duut diēēr riñ agōr yic ku thoōtkē wīir ku moukē ēbēn.

³³ Go rōōr ke biōōk dīr kat ku riñkē geeu, ku lek kē cī rot looi tēnē dīr ku tēnē rōōr awēn karou la gup jakrēc tēt kōc.

³⁴ Go kōc juēc apei geeu la bīk rōm kek Jethu. Nawēn tiñkē, ke lāñkē bī jāl panden.

9

Jethu acī raan cī ruai kony
(Mk 2:1-12; Lk 5:17-26)

¹ Go Jethu dhuk riāi yic, ku teem wār, ku ler genden Kapernaum.

² Go kōc kōk mony cī ruai bēēi tēnē ye ke ketkē, ke cī tōc biōōk alom yic. Tēwēn tiñ

Jethu gamdüt tã ke ke, ke lueel tēnē mony aduany, “Deet yīpušu manhdīē! Adumušōmku aaci pāl piny.”

³ Tēwēn piŋ kōc piōōc ē lōōŋ ē wēt kēnē, gokē jam kamken ēlā, “Mony kēnē adhāl Nhialic!”

⁴ Go Jethu lēk ke wēn ŋic yen kē yekē tak, “Yenō ye wek tak kārāc cīt kākkā?”

⁵ Ēmēn ye kēnen puol yic kākkā yiic, ba lueel, “Adumušōmku aaci pāl piny, Tēdē ke luēel, ‘Jot rot ku cathē?’

⁶ Ku aba nyuōth we lōn le Manh Raan riel pinynhom ba adumušōm pāl piny.” Ku lēk mony aduany, “Jot rot ku kuany biōŋdu ku lōr baai!”

⁷ Go mony kēnē rot jot ku dhuk baai.

⁸ Go thān awēn rišōc wēn tiŋ kek mony kēnē, ku leckē Nhialic rin cī yen rieldiūt cīt kēnē gām raan ē path.

Jethu aci Matheo cōl

(Mk 2:13-17; Lk 5:27-32)

⁹ Tēwēn jiēl Jethu tēn awēn, ke tiŋ mony ajuēr kut cōl Matheo ke rēēr tēden luoi, go lēk ye, “Buōth ya.” Go Matheo rot jot ku buōth.

¹⁰ Tēwēn mīth Jethu pan Matheo kek kōcken ye buōth, ke kōc ajuēr kut, ku kōc kōk la gup anyon, mēt rōt ke bīk mīth ē tōk.

¹¹ Nawēn tiŋ Parathī ē kēnē, ke thiēc kōcken ye buōth, “Yenō ye raandun piōōc mīth kek kōc ajuēr kut ku kōc kōk la gup adumušōm?”

¹² Go Jethu wēlken piŋ ku bēer, “Aacie kōc puol kek la tēnē akīim, aa kōc tuany.

¹³ Lak bāk wēlkā la deet yiic, kē wiēc ē ŷer pušu, acā wēk bī ya nāk ŷōk. ŷen akēc bēn ba kōc path bēn cōl, aa kōc la gup adumušōm.”

Wēt lōŋ thēk ē miēth

(Mk 2:18-22; Lk 5:33-39)

¹⁴ Go kōc Joon raan kōc muōc nhīim bēn tēnē Jethu ku thiēcē, “ŷook, ku kōc Parathī ŷok aa thek buk cī mīth, ku kōckun yī buōth aacie thek, yenō?”

¹⁵ Go Jethu lōŋden bēēr ēlā, “Yakē tak lōn bī kōc cī bēn ruāāi yic rēer ke cī mīth, ku ŷen athiēcē nhom ya rēer ke ke? Acie tēde! Akōl bī athiēcē dōm ku nyēi keyiic, yen akōl bī kek thek.

¹⁶ “ŷen aci bēn ba we bēn lēk, lōn nadē acin raan bī abāŋ alanh rēt wei alanh yam kōu bī la bušōp ē dhiāth alath kōu.

¹⁷ Ku acin raan bī mušn abiēc ē yam pušk tōny theer yic, na looi kēya, ke tōny abī yic pāt ku pušk mōu wei, ku riēcēkkē kedhie. Mušn yam adhīl pušk tōny ē yam yic. Ku na ye mušn abiēc ē yam, ka ye tāāu tōny ē yam yic, ku keek ēbēn aaci bī riāāk.”

Jethu aci tik kony ku cōl meth aben pīr

(Mk 5:21-43; Lk 8:40-56)

¹⁸ Tēwēn lēk Jethu ke ē wēlkā, ke bēny tēn amat kōc Itharel bō tēnē ye ku gut yenhil piny yenhom ku lēŋ, “Nyaandiē apuōc thou ēmēn thiin, bāār ba yicin la tāāu yenhom bī bēn pīr.”

¹⁹ Go Jethu rot jot kek kōcken ye buōth ku buōthkē.

²⁰ Nawēn ke tiŋ tuany, cī thēkde kōu ye tēem rušōn thiāār ku rou, bō Jethu kōu ciēēn ku gōot alanhde.

²¹ Rin ēci jam yepušu ēlā, “Na gaat alanhde ke ŷen abī pial.”

²² Go Jethu yenhom wel, ku tiŋ ku lueel tēnē ye, “Deet yīpušu nyaandiē gamdu aci cōl apuol.” Ku kaam awēn ke riēm kāāc.

²³ Tēwēn cī Jethu ŷet pan bēny tēn amat kōc Itharel, ke ŷōk kōc ke nāk rōt ke dhiau apēi, go lēk ke,

²⁴ “Jālkē tēn! Nyanthiin kēnē akēc thou, anin!” Gokē dōl guōp.

²⁵ Go la ŷōt wēn cī kōc la aŷeer ēbēn, ku dōm nyanthiin cin. Go rot jot.

²⁶ Ku thiēi thoŋ kēnē piny pan awēn.

Jethu aci cōōr karou kony bīk daai

²⁷ Wēn cī Jethu jāl pan mony awēn ke ber tuenŋ, go cōōr karou buōth cōk ke dhiau. “ŷīn anōthku, kony yo Wēn Debit.”

²⁸ Nawēn le ŷet ŷōt, ke buōthkē thiin, goke thiēc, “Yakē gam wepuōth lōn bī ŷen kēnē looi?”

Gokē rek yic, “Bēny, ayeku gam!”

²⁹ Goke gōot nyin ku lueel, “Abī rot looi kēya, cimēn cī wek ye gam!”

³⁰ Gokē guo daai nyin yic, ku thoŋ ke ēlā, “Duškkē ē kēnē lēk raan dēt!”

³¹ Nawēn lek jāl tēnē Jethu, ke la jam rīenke baai yic ēbēn.

Jethu aci mony cie jam kony bī jam

³² Kaam wēn puōc kōc awēn karou jāl, ke mony la guōp jōŋrac cie jam bī tēnē ye.

³³ Ku kam thiin cī Jethu jōŋrac cuōp wei yeguōp, go guō jam, go kōc gāi ēbēn ku luellkē, “ŷok aa kēc kēcīt kēnē kaŋ tiŋ Itharel ē tēn!”

³⁴ Go Parathī ŷōŋ yic ku luellkē, “Ee bēny jakrēc yen ē ye yiēc riel bī ke aa cuōp wei kōc gup.”

Rap tem ajuēc ku kōc tem ke aa lik

³⁵ Ku jōl Jethu gēth ku baai kuany yiic ke ye piōōc tēn amat kōc Itharel. Ku lēk kōc Wēt Puōth Yam rin bāāny Nhialic, ku kony kōc ē tueny yiic ēbēn.

³⁶ Nawēn tiŋ thāndiūt guēer tēnē ye, ke ŋēer yic tēnē ke, rin aaci tiŋ ke cin raan piōōc ke, kecīt amēl pap cin nhīim abiōōk.

³⁷ Ku lueel tēnē kōcken ye buōth, “Kāk tem ajuēc ku kōc luoi aa lik.

³⁸ Kēya, rōōkkē Bēny la nhom kāk tem, bī kōc luoi cōl ajuak rōt.”

10

Atuuc kathiäär ku rou

(Mk 3:13-19; Lk 6:12-16)

¹ Go Jethu kocken ye buoath kathiäär ku rou cööl, ku yik ke riel bi kek jakrac aa cuap wei, ku konykë koc tuany bik pial.

² Rin koc ke ci kuany aa kik. Thaimon, ci Jethu bën cäk ke col Piter. Ku wämënh Andria ku wëät Dhubedï, Jemith ku Joon.

³ Pilipo ku Bartholomeo. Thomath ku Matheo raan ajuer kut. Jemith Alpawuth, Thadawuth,

⁴ Thaimon (raan la pušu ater) ku jöl a Judath Ithkariöt raan wäär ci Jethu bën luom bi döm.

Luoi Atuuc kathiäär ku rou

(Mk 6:7-13; Lk 9:1-6)

⁵ Keek kathiäär ku rou aake ci Jethu tooc ku yöök ke ëlä, "Duökkë bëï koc cie koc Itharel këc yiic, ku duökkë la gëeth Thamaria yiic.

⁶ Lakkë tënë koc Itharel kuc Wët Puoth Yam Nhialic.

⁷ Të le wek ke lëkkë ke, 'Lon ci bäány Nhialic thiäsk!'

⁸ Kuonykë koc tuany bik pial, ku calkë koc ci thou aa ben pir, ku calkë koc la gup tuet aa dem, ku cuäpkë jakrac wei koc gup. Duökkë röt col aye riöp të looi wek käckä, rin riel ye wek ke looi ë cäk yoc.

⁹ Duökkë muk wëüu ku duökkë muk jökgöö ye wek lim müith dhël yic.

¹⁰ Muökkë alëth ku wa cenjëc kepëc, ku wai tök ë path. Rin raan ë luoi aye gäm këden ci yen luui.

¹¹ "Kuat gëu, ayi pan ye wek la thün, yakë thiëc raan puoth bi we lor, ku rëärkë kek ye yet aköl bi wek jäl.

¹² Të ye wek la bëï yiic, yakë koc kanj ün lon bi kek we lor ku nyuuckë we.

¹³ Ku na lor koc baai we, ke we rëär ku nyuüthkë ke Wët Puoth Yam, ku na cik nyin la we, ka cün wët lëkkë ke.

¹⁴ Ku na cii koc baai, ayi koc gëu we lor ku pinjë wët cieth wek, ke we jiël ku tenjëc wëcök.

¹⁵ Ku wek aa lëk këñë! Aköl lunjüt, Nhialic abi koc rec pan Thodom ku Gomora nuaän tënë ë cöckäl

Acï Jethu lëk atuöocke lon bi kek gum

(Mk 13:9-13; Lk 21:12-17)

¹⁶ "Pieñkë këñë! Wek aa tuöoc bëï yiic cimën amël la gal yiic. Këya, cökkë wepuüth ku luwikë röt bäk aa koc path njic kanj, njic luui.

¹⁷ Ku alëk we aya bäk njic lon bi we aa döm ku yëth we luk yic, ku thatkë we teden amat.

¹⁸ Ku wek aabi kööc bäny nhüim ë rienkië, bäk Wët Puoth Yam lëk ke ku koc cie koc Itharel.

¹⁹ Ku të yëth kek we luk yic, duökkë diëer të bi wek la jieëm thün, rin wët bäk lueel abi guo bën wenhüim të jieëm wek.

²⁰ Rin wël bäk lueel aacie wëlkun, aabi bën tënë Wëi Nhialic yen bi jam wegup.

²¹ "Raan kek wämënh aabi röt gaany bik röt col aa näk, ku wärken mith aabi miëthken luom, ku mith aabi koc ke dhiëth ke luom bik ke col aa näk.

²² Koc ëbën aabi we maan rienkië. Ku raan bi yepuü deet yet të bi yen thou, abi pir akölrüëc ëbën.

²³ Na wickë bik we näk gen ci wek la thün, ke we rin gen dët. Ku na näkkë we ë gen këñë aya, ke we rin gen dëëtë. Alëk we ayic, wek aci luoidun bi thöl pan Itharel, ke Manh Raan këc bën.

²⁴ "Acin manh piöoc wär raan piöoc ye, ku acin alony dit tënë bänyde.

²⁵ Këya, apath bi raan biöth ciët raanden ë piöoc, ku alony kecit bänyde. Na ye wun baai cööl ke Beldhebul bëny jakrac, ke kacke bi cööl rin yindël!

Duökkë riöc

(Lk 12:2-7)

²⁶ "Këya, duökkë riöc ke. Rin käk ye moony ëmën aa not ke bi njic aköldä, rin acin kë ye thiaan bi cii njic.

²⁷ Yakë käk ya lëk we ë röt lueel koc nhüim ëbën ke cün riöc, ku luellë käk ye njäi weyith, bi koc kök ke pinj aya.

²⁸ Duökkë riöc koc we näk, wëikun aa liu kecin. Anjëñ bäk riöc ë Nhialic, yen la riel we col apir pinynhom ku kony wëiku ë pan mac aköldä.

²⁹ Acin këthiin koor lëu bi määär ke kuc Wuur tñ nhial. Na cok ajinh thün koor tñ baai ka njic.

³⁰ Ku week aya, na cok a këthiin tñ wegup cimën nhüm tñ wenhüim, ka njic Wuur tñ nhial.

³¹ Këya, duökkë riöc, wek aa wär käckä ëbën!

³² "Na ye raan wëtdië piöoc ku cii guöp riöc, ke yen acii guöp riöc ye ë Wä nhom nhial.

³³ Ku na ye raan jei ya koc nhüim lon cii yen ye raandië, ka ba jai aya ë Wä nhom nhial.

³⁴ "Duökkë ye tak lon ci yen bën ba döör bën looi pinynhom. Yen akëc bën ba kanj bën col aa puöl yiic, ee gum bi raan ëbën gum.

³⁵ Rin yen aci bën ba meth kek wun, ku nya kek man col aman röt, ku man athiëek kek tinj wënde aabi röt maan aya,

³⁶ Koc bi raan aa maan aa kocken rëär kek ye baai.

10:7 Lk 10:4-12 10:10 1Kor 9:14; 1Tim 5:18 10:14 Luoi 13:51 10:15 Mt 11:24; Cäk 19:24-28 10:16 Lk 10:3 10:20 Mk 13:9-11; Lk 12:11-12; 21:12-15 10:21 Mk 13:12; Lk 21:16 10:22 Mt 24:9, 13; Mk 13:13; Lk 21:17 10:24 Lk 6:40; Jn 13:16; 15:20 10:25 Mt 9:34; 12:24; Mk 3:22; Lk 11:15 10:26 Mk 4:22; Lk 8:17 10:33 2Tim 2:12 10:36 Mai 7:6

³⁷ “Raan ye nhiaar bi aa koc ke dhieth ye kek nhiεr apeɪ tēnē ɣa, ka cie raandiē, ku na ye raan miēthke nhiaar apeɪ tēnē ɣa, ka cie raandiē aya.

³⁸ Raan cie kārac ye guum wētdiē ku looi wētdiē acie raandiē.

³⁹ Raan ye wic bi wēike njεc muk pinynhom ē tēn, aciɪ pīr akōldā bi yōk, ku raan bi gum ē wētdiē, abi pīr akōlriēēc ēbēn yōk.

⁴⁰ “Raan we lor ē ɣan aye lor, ku koc ɣa lor, ee Wā raan toc ɣa yen aye kē lor.

⁴¹ Raan atuŋydiē lor rin njc yen ye lōn ē yen atuŋydiē, abi la abak ariōp bi yiēk atuuc yiic.

⁴² Muškkē kēnē na gem raan piu col nyin ē path tēnē raan thiin koor kam koc ɣa buōth, rin ye yen raan ɣa buōth, ka bā ariōpde dhiel yōk.”

11

*Joon aci koc tuōc tēnē Jethu
(Lk 7:18-35)*

¹ Wēn cī Jethu wēlkā jal lēk kōcken ye buōth kathiāār ku rou, ke jiēl ē tēn bi la piōoc ku le koc lēk geeth Gallia yiic.

² Ee nīnkā, tēwēn tō Joon raan koc muōc nhīm yōōt ke mac, ke piŋ kāk looi Jethu. Go koc abēk, kōcken ye buōth tuōc tēnē ye bik la thiēēc wēt kēnē.

³ “Ye yin raan yi bi bēn, aye raan dēt yen buk tiit?”

⁴ Go Jethu bēēr, “Dhuškkē ku lēkkē Joon, kāk cāk piŋ ku kāk cāk tiŋ.

⁵ Cōr aci ben daai ku aduany aci ya cath. Ku koc cī tuet aaci tuet jāl kegup. Ku miŋ aci ya piŋ ku koc cī thou aaci rōt jōt. Ku Wēt Puath Yam Nhialic alēk koc njōn nyin.

⁶ Raan mit guōp ē raan cie puōu ē rou wētdiē yic!”

⁷ Kaam wēn jiēl atuuc Joon, ke Jethu jam ku tēt koc Joon, “Ye raan yindē yen cī wek la ror cīi ceŋ bāk la tiŋ? Ye raan puol yic ye wel nhom ē path cimēn ye yom aruōōr wel nhom? Acie tēde, acie yen kēnē ler wek.

⁸ Ye raan yindē yen lak tiŋ? Ye mony ceŋ alēth path? Anōt cie tēde, koc ceŋ alēth dhēŋ aa koc tō bēēi bāny yiic!

⁹ Na cie kēya, ke yeŋō yen ler wek? Ye raan kāk Nhialic tiŋ? Ee yic, ku alēk we, yeen adiēt tēnē raan kāk Nhialic tiŋ.

¹⁰ Yen Joon, yen ē raan cī wēl gōt ē rienke thēer ēlā, ‘ɣen abā atuŋydiē tuōc yinhom tuen, ku yeen abi dhēl la guiir tēnē yī.’

¹¹ “Ku wek aba lēk yiny kēnē, Joon raan koc muōc nhīm aril, aciɪ raan kuat koc cī dhiēeth pinynhom dit tēnē Joon. Ku raan koor bāāny Nhialic yic adiēt tēnē ye.

¹² Tēwāār piōoc Joon raan koc muōc nhīm agut cī akōlē, bāāny Nhialic ala tuen, ku aye koc rεc kōk la riel them bik dhušk ciēēn.

¹³ Rin lōŋ Mothith, ku koc ke kāk Nhialic tiŋ ēbēn agut tē yēēt yen Joon, aake ye jam rin bāāny Nhialic,

¹⁴ ku na tōu wepuōth bāk wētdiē gam, ke yen Joon yen ē Elija wāār cī bēnde lēk thāi.

¹⁵ Piεŋkē tē le wek yiŋ!

¹⁶ “Yeŋō ba thōŋ kek riēēc akōlē? Aa cī mīth cī kēnhīm mat laar yic leŋ kegup, ye lueel ēlā,

¹⁷ ‘Yok aaci waak peth ye keek ket tē looi ruāai ket,

ku wek aa kēc dier!

Ku yok aaci kāk ye keek looi thuōu yic thōōŋ, ku wek aa kēc dhiau!’

¹⁸ “Rin Joon aci tuōl ku ēcie bēēi kuany yiic ke mīth ku dēk, go raan ēbēn lueel, ‘Joon ala guōp jōŋrac!’

¹⁹ Nawēn bō Manh Raan ku ye mīth ke koc ku dēk ke ke, gokē lueel, ‘Tiεŋkē mony kēnē! Yeen akok ku a dek māāu, ku amāāth kek koc ajuēr kut ku koc la gup adumuōōm!’ Ku luoi puōth Nhialic ē rot nyuōth kāk ya looi yiic.”

*Geeth kēc luoi kārec puōl thiŋ
(Lk 10:13-15)*

²⁰ Tēwēn, go Jethu puōu dak ku nyieeny koc geeth cī yen kājuēc jāŋ gōi looi thiŋ, rin kēc kek luoi kārec puōl.

²¹ “Wek koc gen Koradhin! Ku Bethaida! Wek aa tiit kārac apeɪ, rin kājuēc jāŋ gōi cāk tiŋ cī looi geethkun yiic, ku ke cī looi Tire ku Thidon geeth wāār ceŋ koc rεc, ŋuōt koc ē geethkā aaci kepuōth dhušk ciēēn thēer ku pālkē luoi kārac!

²² Ku wek aa lēk kēnē, akōl luŋdīt, Nhialic abi koc Tire ku Thidon ŋuāān!

²³ Ku wek koc gen Kapernaum! Yakē tak lōn bi we jat nhial? Wek abi cuat pan mac. Rin kāk jāŋ gōi cī looi wenyin cāk ke tiŋ, ku ke cī looi Thodom, ŋuōt aciɪ kē cie rac agut ēmēn!

²⁴ Ku aben lēk we, kāŋ aaci yiic bi riel apeɪ tēnē ke akōl luŋdīt, cimēn tē bi kek yiic ril thiŋ tēnē we!”

*Bāk tēnē ɣa bāk bēn lōŋ
(Lk 10:21-22)*

²⁵ Ku ē tēn awēn ke lueel Jethu, “Wā, Bēny nhial ku piny! Yin aleεc rin cī yin kāk ca thiaan tēnē koc njc kāŋ cī piōc, nyuōth koc kor kēc piōc.

²⁶ Ee yic Wā, yen ē kēn yī yuum puōu.

²⁷ “Kēriēēc ēbēn aci Wā gām ɣa. Ku aciɪ raan njc Wēnde, ee Wun ē rot, cimēn cīn yen

raan njic Wun, ee Wende ku koc ci Wende loc bik njic.

28 “Bak tenē ya ebēn, wek koc ci jāt yiēth kathiēc bak ke yāac, wek aba col alōj.

29 Gamkē pišōcdiē bak yith njic, rin yen acii la ruathruath, yen alir pušu, ku wek aabi wēikun pīr.

30 Rin pišōcdiē acii ril, apuol yic.”

12

Jethu aci kucet lōj akōl lōj koc Itharel (Mk 2:23-28; Lk 6:1-5)

1 Nayon akāl tōk ē ninkā, Jethu ē cath kek kocken ye buōth, ke kuany dhēl yic kam dum akōl lōj. Ku kocken ye buōth aake nēk cok, gokē rap lek cam dhoj.

2 Nawēn tīj koc akut Parathī, gokē Jethu thiēc, “Tīj, kockun yī buōth aa loi kē cie looi akōl lōj!”

3 Go bēer ku lueel, “Kēckē kē ci Debit looi thēer kañ kuen, wāar nēk cok ye ke kocken cath kek ye?”

4 Acī bēn la luaj Nhialic, ku ciem ayum yath ci tōsu tenē Nhialic, kek kacke. Ayum kēnē ecii Debit lēu bī cam kek kacke, aa koc kāk Nhialic looi kek aake ye cam ē rōt.

5 Dēt aya, kēckē kuen lōj Mothith yic lōn akōl lōj thok ebēn, koc kāk Nhialic looi luaj Nhialic aa lōj akōl lōj dhoj kōu, ku aacii ke ye nyieeny?

6 Ku Manh Raan jam kek we, adit tenē luaj Nhialic.

7 Na we ci wēl ci gōt thēer deet yiic, lōn kē wic Nhialic ē nhiēr ye koc rōt nhiaar, aacie yōk ye nāk ye, nūst wek aa kēc koc cīn awuōc cik looi nyieeny,

8 rin Manh Raan adit tenē akōl lōj.”

Jethu aci mony ci cin ruai kony (Mk 3:1-6; Lk 6:6-11)

9 Nayon akōl dēt ke Jethu jiēl tenē awēn ku ler tēn amat koc Itharel,

10 ku mony ci cin ruai ē tō thīn. Ku koc kōk ke wic Jethu bīk gaany kē ci wuōōc, aake tō tēn amat aya, gokē Jethu thiēc. “Ye lōnda pēēn bī raan kony akōl lōj?”

11 Go Jethu bēer, “Na la raan tōk kamkun ē tēn amāl tōk, ku lōōny yiith akōl lōj, ke cii bii bei yiith?”

12 Raan adit apeī tenē lēi! Kēya, lōnda acie yō ye pēēn buk raan cii kony akōl lōj.”

13 Ku lēk mony wēn ci cin ruai, “Nyoth yicin.” Go yecin nyooth, go cin piath abī ciēt ciin kēc ruai.

14 Go Parathī jāl tēn amat, ku lek mat tē bī kek Jethu nāk thīn.

Jethu alony ci Nhialic loc

11:29 Jer 6:16 12:1 L.rou 23:25 12:3 1Tha 21:1-6 12:4 Leb 24:9 12:5 Kn 28:9-10 12:7 Mt 9:13; Yoth 6:6
12:11 Lk 14:5 12:21 Ith 42:1-4 12:24 Mt 9:34; 10:25 12:30 Mk 9:40 12:32 Lk 12:10 12:33 Mt 7:20; Lk

15 Go Jethu kē loikē njic, ku jiēl tēn awēn, go koc juēc buōth. Ku kony koc tuany bīk pial, ku thōn ke apeī bīk cii la lēk koc kōk, bī cii njic.

17 Rin bī kē ci Ithaya lueel wāthēer elā ē riēnke yenhom tiēj,

18 “Yen akīn yen alonydiēn ca loc, raan tōj yen nhiaar, mit yen pušu tenē yeen.

Yen abī Wēikiē col alōōny yeguōp, ku abī gam ē yic lēk thāi ebēn.

19 Acii bī ya gōth ku rēem koc nhīm wēl cie yiith,

acii bī ya piñ rōl ē dhāl yiic.

20 Acin kēthiin bī kañ tuōšr nyin, cok ayiny koc kor ka cii dhāl.

Acii bī kañ dhār yet tē bī yienyde njic,

21 ku abī wuōōt ebēn nōōth.”

Jethu aye yōk lōn le yen guōp jōjrac (Mk 3:20-30; Lk 11:14-23)

22 Nawēn ke koc kōk bii mony ci cōr tenē Jethu, ku ecie jam aya rin tō jōjrac yeguōp. Go Jethu kony, yet bī jam ku dēei.

23 Go koc awēn tō thīn gāi ebēn ku thiēckē rōt. “Nadē ke bī ya Manh Debit?”

24 Nawēn piñ Parathī ē wēt kēnē, ke luelkē, “Yeen ē jakrēc cuōp wei koc gup, rin ye bēny jakrēc, col Beldhebul ye yiēk riēl.”

25 Go Jethu kē takkē njic ku lueel, “Pan yeyic tek ku thār koc ē kamken, ē lac riāāk. Ku na tek gen tōk yeyic, ayi dhiēn tōk ku tuumkē kēnhīm ku thērkkē, ka puōk.

26 Na ye jōjrac jōjrēc dēt cuōp wei, ka ci keyiic tek. Kēya, lēu panden bī kōōc kēdē!

27 Ku na ye riēl Beldhebul yen ye yen jakrēc cuōp wei, ke ye riēl ŋa yen ye kockun yakē buōth ke cuōp wei? Calkē ke aa lēk we yic.

28 Ku na ye riēl Wēi Nhialic yen ye yen jakrēc cuōp wei, ke njieckē lōn ci bāāny Nhialic bēn tenē we.

29 “Acin raan lēu ye bī yōn raan ril dhoj ku nyēei kākke, akōj raan ril kēnē dōm ku der, ku jōl kāk tō baai nyaai.

30 “Raan kēc rot māt ya acie raandiē, ku raan cii ya kony bī koc lēk wēt Nhialic, ee koc thiāi.

31 Kēya, wek aa lēk yic lōn nadē adumuōōm ē koc, ku kārac yekē ke lueel, aa lēu bī ke pāl piny. Ku kuat raan kārēc lueel Wēi Nhialic guōp, acii bī pāl piny tenē ye.

32 Ku na ye raan lueel wēt rac Manh Raan guōp, ka pēl piny. Ku raan ye lueel lōn ye Wēi Nhialic jōjrac, ka cii kōj pāl piny acin emēn agut akōlriēc ebēn.

33 “Com tim tēpath bī miēthke piath. Tēdē ke com tērac bī miēthke rēēc. Kēya, tim aye njic miēthke.

³⁴ Wek mīth kāpieny, mīth koc cie yith ye gam, lēukē bāk kēpath lueel, ke we ye jakrēc emēndun? Rin kē ye thok lueel ē bēn bei raan pušu.

³⁵ Raan path ē luui kāpath, rin kāpuoth tē yepušu. Ku raan rac ē luui kārac rin kārēc tō yepušu.

³⁶ “Alēk we, raan ēbēn abī thiēec akōl luṅdīt ē wēl rēc cī lueel.

³⁷ Rin wēlku kek aabi yāth tēpath, ku aa kek aabi cōl atēm awuōc akōl luṅdīt.”

Jethu aci kuc bi kēnē jāṅ gōi looi
(Mk 8:11-12; Lk 11:29-32)

³⁸ Go koc kōk piōoc lōōṅ ku Parathī lueel tēnē ye, “Raan piōoc awīcku ba kēnē jāṅ gōi looi buk tīṅ.”

³⁹ Go Jethu bēēr, “Aa koc la gup anyon ku gam koor kek aa thiēc kāk tīṅkē! Acin kēn jāṅ gōi bī nyuōth we, ee kēwāār cī rot looi tēnē Jona, raan kāk Nhialic tīṅ yen abī rot looi.

⁴⁰ Cīmēn wāār cī Jona rēēr akōōl kadiāk ku wēr kadiāk rēcđit apeī yic, ke Manh Raan aya abī rēēr nīn kadiāk ē raṅ yic.

⁴¹ Akōl luṅdīt koc gen Nīnibe, aabi we gōk rin cī kek kepuōth waar ku pālke luoi kārac wāār cī Jona ke lēk. Ku alēk we, yēn jam kēnē, yēn adīt tēnē Jona!

⁴² Tīṅđit ē bēny wāār jiēl pan Athia bī la Jeruthalem, abī we gōk akōl luṅdīt rin cī yen jāl tēmec apeī bī wēl puoth bēnyṅaknhom Tholomon la piṅ, ku yēn jam, yēn adīt tēnē Tholomon!

⁴³ “Tē cī jōṅrac jāl raan guōp, ee piny yōōp tēđēt bī yen lōṅ thīn. Na cū yōk,

⁴⁴ ke lueel, ‘Yēn abī dhuk tēwāār jiēl yēn thīn.’ Kēya, ke dhuk ku yōk tēn bī yen rēēr thīn ke cīn raan tō thīn, ku aci guiir.

⁴⁵ Ku dhuk, ku le bēn kek jakrēc apeī kōk kadhrou wār ye, bīk bēn ceṅ baai. Ku pīr ē raan kēnē ē jāl rēēc apeī tēnē pīrden tuēṅ. Yēn ē tēn ben rot luōoi thīn aya tēnē kuat akōlē.”

Man Jethu ku wāmāthakēn aaci Jethu nyaai

(Mk 3:31-35; Lk 8:19-21)

⁴⁶ Jethu ee ṅot jam kek koc tēwēn yēēt man kek wāmāthakēn. Ku kēēckē ayeer, ku thiēckē bīk jam kek ye.

⁴⁷ Go raan tōk kam koc awēn lēk ye, “Moor ku wāmāthakui aa kāac ayeer, ku awīckē bīk jam kek yī.”

⁴⁸ Go Jethu bēēr, “Yeṅa ē ma? Ku ye yīṅa paan ē ma?”

⁴⁹ Ku nyooth kōcken ye buōoth ku lueel, “Kōckā! Kek aa ma ku wāmāthakāi!

⁵⁰ Kuat raan ē wēt Wā tō nhial looi yen ē wāmāāth, ku nyankāi, ku ma.”

13

Kāāṅ dom path ku dom rac
(Mk 4:1-9; Lk 8:4-8)

¹ Ku akōl tōṅ awēn, ke Jethu jiēl baai ku ler wār Galilia you ku nyuuc, ku piōoc.

² Ku gōōm koc juēc apeī, go la riāi yic ku nyuuc thīn, ku kāac thān awēn ē piū thook ayeer.

³ Ku jōl Jethu kēṅ aa lueel bī yen koc piōōc kājuēc.

Ku lēk ke, “Raan puōr ēcī la dom bī la pur.

⁴ Tēwēn yen rap wēer dom, ke kōth abēk lōōny dhēl yic. Go diet bēn ku tetkē ke.

⁵ Ku lōōny kōth kōk alēl nhom, tē koor tiōp thīn. Gokē guō cil rin tiōp ēcīđ dīt thīn.

⁶ Nawēn la akōl ruel apeī ke rap awēn yuōm, ku riēukē rin kēc meiken yet piny.

⁷ Ku lōōny kōth abēk tē ye yuōōt lac dīt thīn, nawēn la yuōōt dīt ke nāk rap.

⁸ Ku lōōny kōth kōk ē tōm path yic, ku lokkē apath, kōk ke dīt nhīim ku kōk ke thōōṅ rōt ku kōk ke thoi nhīim!”

⁹ Ku wit Jethu wētde ēlā, “Piēṅkē tē le wek yīth!”

Wēt thōōth ē kāāṅ
(Mk 4:10-12; Lk 8:9-10)

¹⁰ Nawēn ke kōcken ye buōoth bō tēnē ye ku thiēckē, “Yēṅō ye yīn jam ē waal tēnē ke?”

¹¹ Go dhuk nhom ku lueel, “Njēēc kāk bāāny Nhialic aci gām we ku akēc gām ke.

¹² Rin raan la kēđāṅ abī bēn muōoc bī kākke juēc apeī, ku raan cīn kēđāṅ, ke thiēin ye tak lōn tō yen tēnē ye, abī nyaai aya.

¹³ Kēnē ye yēn jam waal tēnē ke, rin keek aa daai ku acin kē yekē tīṅ, aa piṅ ku aa cīn kē yekē piṅ, tēđē ke detkē yic.

¹⁴ Kēya, wēt cī Ithaya raan kāk Nhialic tīṅ lueel wāthēer ē riēnken ēlā atiiṅ yēnhom,

‘Na cōk alon ye kōckā wēt piṅ ku benkē piṅ, ka cīk bī deet yic,

na cōk alon ye kōckā daai, ku cockē keek ka cī kēṅ bī tīṅ,

¹⁵ rin cī kek kepuōth wēl wei, ku aaci keyiṅ cuōk bīk cū ye piṅ

ku niinkē kenyīn. Na kēckē looi kēya,

ṅuōt aa daai ku piṅkē, ku detkē kāṅ yīic,

ku ṅuōt aaci rōt thōn Nhialic, ku kony keek.’

¹⁶ “Ku wekkā, wek aa mit gup, rin wek aa daai ku piēṅkē.

¹⁷ Ku alēk we, aci koc juēc kāk Nhialic tīṅ, ku koc path ṅic Nhialic wīc bīk tīṅ kāk yakē tīṅ, ku aa kēckē tīṅ, acik wīc bīk piṅ kāk yakē piṅ, ku aa kēckē piṅ.”

Jethu aci kāāṅ raan ē puōr teet yīic
(Mk 4:13-20; Lk 8:11-15)

18 Go Jethu lueel, “Ëmèn piengkë tē teet yen kääñ kënë yic thïn.

19 Koc ë wēt bäány Nhialic piñ ku cik det yic, aa cit köth ci lööny dhël yic. Jɔnrac ë bën ku nyeei wēt awën kepuäth.

20 Köth ci lööny alel nom aa cit koc wēt Nhialic gam nyin yic ku mitkë puäth.

21 Ku acie kepuäth ye deet, aa löñ Nhialic guo wai wei tē looi aliääp rot, ku tē nek ke rin wēt Nhialic.

22 Köth ci lööny tē ye yuäst lac dit thïn, aa cit koc ë wēt Nhialic piñ, ku käjuéc ke diir rin pir pinynhom, ku nhier jieek aa bën thïn, ku reckë löñ Nhialic kepuäth.

23 Ku köth ci puur tiom path yic, aa cit koc ë wēt Nhialic piñ ku detkë yic apath, ku käjuéc aye yök tēnë ke, cimën rap ci njec luok ke dit nhïim, ku rap kök thöñj kenhïim ku kök ke thoi nhïim.”

Kääñ yuäst ci cil dom yic

24 Ku ben Jethu ke lëk kääñ dët, “Bääny Nhialic acit raan ci köth path com duomde.

25 Nayon aköu ke raan ëbën nin, ke raan aterde bö ku weer abaar rap cök ku jiël.

26 Nawën la rap cil ke abaar cil aya.

27 Go raan lui dom yic bën tēnë wun dom ku lueel, ‘Bëny, wäär pur yin, cie rap path kek ca weer dom yic? Na ye këya ka abaar kënë cil kädë dom yic?’

28 Go bëer, ‘Ee raan man ya yen aci kënë looi,’ Go raan ë luoi lueel, ‘Wic buk abaar nyuän wei dom yic?’

29 Go wun dom bëer, acie tēde, ‘Rin tē nyuän yin abaar, ke yin amat rap wei ke ke.

30 Col rap ku abaar aa dit kedhie agut tē bi kek luok, ku aba lëk koc tēm ëlä, kanjë abaar nyuän ku duätkë ke bi ke yoot, ku jalkë rap tem ku täaukë ke kändië yic.’ ”

Kääñ käu koor nyin ye tiemde dit apeï
(Mk 4:30-32; Lk 13:18-19)

31 Ku benke lëk kääñ dët ëlä, “Bääny Nhialic acit käu koor nyin ci raan com duomde.

32 Yeen akoor nyin apeï kam köth ëbën. Ku na le dit ka wär tiim ëbën, ee la nhial ke loi kerdit apeï abi diet yootken aa yik thïn.”

33 Ku ben lueel, “Bääny Nhialic acit luou ci tik puur ayumdit tet yic, na lä ke piäär ëbën.”

34 Këya, Jethu ë ye këñ lueel ku bi yen koc lëk wälke ëbën, acin kë ye lueel ke cii kääñ thöth.

35 Ee ye looi këya rin bi wēt ci raan käk Nhialic tiñ lueel theer yenhom tiern, “Yen abi jam këñ tēnë week, bi yen ke käk kuc tēwäär ciek nhial ku piny teet yiic.”

Jethu aci kääñ yuäst teet yic

36 Go Jethu koc nyääñ ayeer ku ler yöt, go kocken ye buäth bën tēnë ye ku luelkë, “Tët yo kääñ abaar yic.”

37 Go bëer, “Raan ë puär ci köth path weer dom, ee Manh Raan.

38 Dom ë pinynhom, ku köth path aa koc njic Nhialic, ye bäány Nhialic këden, ku abaar aa koc ë jakrec,

39 ku raan cá abaar mat dom yic ë jɔnrac. Ku tēmtēm ë thök ë piny, ku koc tēm atuuc Nhialic.

40 Këya, cimën ye abaar nyuän wei dom yic ku yat, yen abi ya tēde aköl thöök piny.

41 Manh Raan abä atuuc Nhialic tooc, ku aabi koc rec ë koc yäth kárac yiic, ku koc luui kárec tët bei koc path yiic,

42 ku cuet ke many dëp ci löklök apeï, bi kek aa dhiau thïn ke njeny kelec akölríëéc ëbën.

43 Ku koc path aabi ruel cimën aköl bäány Wunden yic nhial.”

Ku wit löñde ëlä, “Piengkë tē le wek yith!”

Kääñ ë jieek ci thiaan dom yic

44 Ku thöth Jethu kääñ dët ëlä, “Bääny Nhialic acit jieek ci wec piny dom yic. Go raandä yök ku nyeei ku ben thiaan ku jiël ke ci puu miät apeï, ku le kákke yaac ëbën, ku yooç dom wën, rin nhier yen jieek kënë apeï.”

45 Ku ben Jethu lueel, “Bääny Nhialic acit raan yöc, wic kápath apeï,

46 nawën yök këtöñj path apeï ke la kákke yaac wei ëbën ku yooç kënë awën.”

Kääñ buon ë rec dom ëbën

47 “Bääny Nhialic aya, acit buon ci cuat wïir ku dom kuat ë rëc ëbën.

48 Të ci yen thiäng, ke miit amëi agör nom ku nyuuckë bik rec kuany yiic, ku tēyukë rec path gac yic, ku cuetkë rec cii path wei.

49 Kënë, yen ë tē bi yen rot luoi thïn aköldä thöök piny. Atuuc Nhialic aabi tuöl ku kuénykë koc rec bei ë koc yiic,

50 ku cuetkë ke pan mac tē bi kek dhiau thïn ke njeny kelec akölríëéc ëbën.”

Wët thöök wël

51 Ku thiëc Jethu ke, “Cäk wëlkä deet yic apath?” Gokë gam.

52 Go lëk ke, “Na ye këya, ke raan piöoc ë löñj ci piöoc käk bäány Nhialic, acit raan baai kákken yam ku káthær bëei ayeer ëbën paande.”

Koc Nadharet aa këc Jethu gam
(Mk 6:1-6; Lk 4:16-30)

53 Wën ci Jethu thök luel ë këñkä, ke jiël,

54 ku dhuk genden. Ku piöoc koc tēn amat, piöoc ci koc ke tã thïn bën göi ëbën ku luelkë, “Ci mony kënë këñ bën aa njic nen, ku yök riel ë yen käk jäng göi looi tēnen?”

⁵⁵ Kēnē, cie wēn raan dhie ē guan? Ku man cie tiŋ dhie cəl Maria, ku yeen cie mēnh ē Jemith ku Jothep ku Thaimon ku Judath?

⁵⁶ Ku nyiērakēn aya, cik tōu ē tēn kek yō? Yōk kākā ēbēn tēnen?”

⁵⁷ Ku kueeckē ē ye.

Go Jethu lueel tēnē ke, “Raan cī Nhialic lōöny yeguŋp aye baai ēbēn theek, ka koc genden ku koc ruāāi kek ye, kek aacie ye ye theek.”

⁵⁸ Ku akēc kajuēc jāŋ gōi looi tēnē rin cīn kek gam.

14

Nāāk ē Joon raan koc muəc nhūm (Mk 6:14-29; Lk 9:7-9)

¹ Tēwēn ke bēnyŋaknhom Antipāth Yērot, bēny Galilia ēcī wēt cī Jethu ŋic apei piŋ.

² Go lēk bānyken luk, “Kēnē ē Joon raan koc muəc nhūm guŋp, yen acī ben pīr. Ee yen le yen riel yen kākā looi.”

³ Antipāth Yērot ēcī Joon cəl adām ku rek ku mac, rin wēt Yērodia tiŋ Pilipo wāmēnh cī rum bī ya tiēŋde.

⁴ Rin cī Joon ye lēk ye ēlā, “Acī path ba tiŋ wāmuuth rum ke pīr!”

⁵ Go Antipāth Yērot wīc bī Joon nōk, ku ē riēc koc Itharel, rin ŋic kek Joon ke ye raan kāk Nhialic tiŋ.

⁶ Nawēn akōl yan dhiēeth Antipāth Yērot, ke nyan Yērodia diēr koc nhūm, abi Antipāth Yērot puŋu miēt apei,

⁷ ku kuēēŋ lōn bī yen ye gām kuat kēden bī wīc!

⁸ Go lēk ye tē cit tē cī man ye than thīn, “Yiēk ya nhom Joon ēmēn ke cī tāāu adušk yic!”

⁹ Kēnē ēcī bēny rac puŋu, ku rin cī yen kuēēŋ ē jōl nhūm, acī gam bī nhom Joon gām ye.

¹⁰ Ku cəl Joon ala tōk yeth tēwēn mēc yen thīn.

¹¹ Ku būi nhom ke cī tāāu adušk yic, ku gēm nya ku le gām man.

¹² Go koc Joon buəoth bēn ku nyēēikē guāpde, ku lek tōŋu, ku lek lēk Jethu.

Jethu acī miēth koor juak bī koc juēc cam (Mk 6:30-44; Lk 9:10-17; Jn 6:1-14)

¹³ Wēn piŋ Jethu kē cī rot looi, go jāl ē riāi bī la tēde ē rot. Ku tēwēn piŋ koc ē kēnē, ke jiēl gēethken yiic kecōk ku buəthkē.

¹⁴ Nawēn keec Jethu piŋy ē riāi yic, ke tiŋ koc juēc apei, go yic ŋēer ē ke, ku kony koccken tuany.

¹⁵ Nawēn col piŋy, ke koccken ye buəoth bō tēnē ye ku luelkē, “Piŋy acī cuəl, ku tēn ē ror cīn kē kuany thīn. Cəl koc aa thiēi bīk la bēēi yiic ku bīk rōt la yōc miēthden.”

¹⁶ Go Jethu bēer, “Acīn tē bī kek jāl, na le miēth ke gām kē ke!”

¹⁷ Gokē bēer, “Kāk mukku ēbēn, aa ayuŋp kadhiēc ku rec karou.”

¹⁸ Go Jethu lueel, “Bēēikē ke tēn tēnē ya.”

¹⁹ Ku yōök koc bīk nyuc ē noon nhom, ku lōöm ayuŋp awēn kadhiēc ku rec karou, ku dōt nhial ku leec Nhialic. Ku bēny ayuŋp yiic, ku gēm ke koccken ye buəoth bīk ke tek agut rec, tēnē thān awēn.

²⁰ Ku miŋhkē ēbēn abi miēth ke gōök, ku jāl koccken ye buəoth awuthueei ayuŋp ku rec cī dōŋ piŋy, kuany gāac kathiāār ku rou.

²¹ Kac ke cī miŋh ēbēn, rōör rōt aake ye tiim kadhiēc.

Jethu acath piū nhūm (Mk 6:45-52; Jn 6:15-21)

²² Ku kaam awēn ke Jethu yōök koccken ye buəoth bīk la riāi yic, ku lek tuēŋ yenhom agōr alōŋtui, ku cəl thēi ajiēl.

²³ Wēn cī yen koc cəl athiēi, ke la gōt nhom ē rot bī la rōök. Nawēn la thēi bēn, ke Jethu ē rēer ē tēen yetōk,

²⁴ ku riāi ke cī yet tēmec, ke cīi cath apath rin lor yen yom nhom.

²⁵ Nawēn bēer piŋy ke Jethu bō tēnē ke ke cath piū nhūm.

²⁶ Nawēn tiŋ koccken ye buəoth ke cath piū nhūm gokē riēc apei, ku luelkē, “Atūm raan cī thou,” ku dhiēukē rin cī kek riēc.

²⁷ Ku kaam awēn ke lēk Jethu ke, “Deetkē wēpuŋth, ee ŋen Jethu, Duškkē riēc!”

²⁸ Go Pīter lueel, “Bēny, na ye yī ayic, ke yī yīk ya riel ba la tēnē yī, ya cath piū nhūm.”

²⁹ Go Jethu lueel, “Bäär!” Go Pīter bēn bei riāi yic, ku cieth piū nhūm ke la tēnē Jethu.

³⁰ Ku wēn tiŋ yen yom ke biök apei, go riēc ku duēr diŋr, go dhiau, “Luāk ya Bēny!”

³¹ Go Jethu dām nyin yic ku lueel, “Yīn raan la gam koor, yeŋō diiu yīn?”

³² Ku wēn le kek riāi yic, ke yom kāac.

³³ Go atuuc ke tō riāi yic Jethu door ku luelkē, “Yīn ē Manh Nhialic alanden.”

Jethu acī koc tuany Jenetharet kony (Mk 6:53-56)

³⁴ Gokē wār teem ku lek Jenetharet.

³⁵ Nawēn ŋic koc Jenetharet Jethu, gokē koc thiāāk ke ke lēk, ku yēthkē koc tuany ēbēn tēnē ye.

³⁶ Ku lāŋkē bīk gōot, cək alanhde thok ē path, ku kuat raan cī ye gōot ēbēn ee pial.

15

Jethu acī ciēŋ kōk wārkuan diŋ dhōl yic (Mk 7:1-13)

¹ Go Parathī ku koc piōoc ē ciēŋ koc Itharel bō Jeruthalem la tēnē Jethu ku thiēckē,

² “Yeŋō ye kocckun yī buəoth ciēŋ theer wārkuan diŋ dhōl yic? Keek aacie kecin ē lōök tuēŋ tē miŋh kek!”

³ Go Jethu b̄ēēr, “Ku yerjō ye wek kuc lōŋ ē Nhialic, ku yakē buōth yic ē ciēŋdun thēēr?”

⁴ Rin aci Nhialic lueel, “Thek wuur ku moor, ku raan wun ku man jāām guōp kārec ka dhil nāk bī thou.”

⁵ Ku ayakē lueel aya lōn na la raan kēn bī yen wun ku man kony, ku lueel, ‘Acin tē kuōny we, rin kē muōk kēnē ē kēn ē Nhialic,’

⁶ ka kēc wun ku man theek. Yen ē tē ye wek wēt Nhialic dhāl yic thīn, ku ye ciēŋdun thēēr yen biathkē yic.

⁷ Awēēŋ kui, Ithaya aci yic lueel ē rienkun wāar lueel yen wēt ēlā!

⁸ Kōckā, aa ŋa leec kethook ku aliu kepuōth.

⁹ Keek aa ŋa door ku acie duōr ē yic, rin keek aa kōc piōōc lōōŋ ciēŋ raan ciēt ke ye lōōŋkiē!”

¹⁰ Go Jethu kōc juēc bēn cōl ku lēk ke, “Pieŋkē wētdiē wedhie ku dētkē yic.

¹¹ Acie kē ye raan cam, yen ye cōl aye raan rac, aa kāk ye tak ku kāk ye lueel, ku kāk ye looi kek aaye cōl aye raan rac.”

¹² Nawēn ke kōcken ye buōth bō tēnē ye ku luelkē, “Ŋic lōn cī Parathī puōth riāāk wēn piŋ kek kē ca lueel?”

¹³ Go b̄ēēr, “Kuat raan cī wēt Wā tō nhial loi, aci pīr akōlriēēc ēbēn bī yōk.

¹⁴ Duōkkē diēr ē ke! Aa cīt cōōr thel rōt, ku na thel cōr, cōr dēt, ka lōōny adhuōm yic kedhie.”

¹⁵ Nawēn cī lōŋde wit, ke thiēēc Pīter, “Tēt ŋo kāāŋ kēnē yic.”

¹⁶ Go Jethu lēk ke, “Cāk kāŋ ye deet yiic aya?”

¹⁷ Cāk ye tiŋ lōn kē ye raan cam acie la yepuō, ee la yeyāc ku le bēn bei?

¹⁸ Ku kāk ye raan lueel aa bēn bei yepuō, ku aa kek raan cōl ala guōp adumuōōm.

¹⁹ Rin puō, yen aye kārec ye raan looi bēn bei thīn, cimēn bal ku nāk raan ē path ku kōr ē diāār, ku cuēer ku jam lueth.

²⁰ Kākkā kek aa raan cōl aloi kārec. Ku miēth ye raan miēth ke kēc yecin lōōc acie adumuōōm.”

Tiŋ cī gam lōn bī Jethu nyaande kony (Mk 7:24-30)

²¹ Ku jōl Jethu jāl ku ler wun dēt tēthiāāk kek Tire ku Thidon.

²² Go tiŋ wun Kanaan ciēŋ ē tēnē bēn tēnē ye ku lēŋ, “Bēny, wēn Debit, kony ŋa! Nyaandiē aci jōŋrac la yeguōp, ku yeen adhēl apeī.”

²³ Go Jethu wētdē cī bēēr. Go atuōōcke bēn tēnē ye ku lāŋkē, “Gām kē wic ku cōl ajiēl! Abuōth ŋo ke rēēm yōnhūm tēthēēr awēn!”

²⁴ Go Jethu b̄ēēr, “Ŋen aci tuōōc tēnē kōc Itharel kuc Nhialic kepēc.”

²⁵ Kaam wēn ke tik bō ku cuet rot piny yecōk ku lēŋ, “Kony ŋa Bēny.”

15:4 B.bei 20:12; 21:17; L.rou 5:16; Leb 20:9 15:9 Ith 29:13 15:14 Lk 6:39 15:18 Mt 12:34 16:1 Mt 12:38; Lk 11:16 16:4 Mt 12:39; Lk 11:29

²⁶ Go Jethu b̄ēēr, “Acī path bī miēth ē miēth gām jōk.”

²⁷ Go b̄ēēr, “Ee yic Bēny, ku jōk rēēr tē miēth kōc thīn awuthueei cī lōōny piny kuany aya.”

²⁸ Go Jethu lēk ye. “Ŋin ee tiŋ la gam dit apeī. Kē wic abi looi tēnē yī.” Ku kaam thiin awēn ke nyaande pēl kēdāŋ piny.

Jethu aci kōc juēc tuany kony

²⁹ Go Jethu jāl ē tēnē ke kuany wār Galilia kōu. Nawēn ke la got nhom ku nyuuc.

³⁰ Go kōc juēc kōcken tuany b̄ēēi tēnē ye, kōc cī ŋōl ku cōōr ku kōc cī ruai ē rōc piiny, ku miŋ cie jam ku kōc juēc kōk. Ku nyuuckē ke yelōōm, goke kony bīk pial.

³¹ Go thān awēn gāi wēn tiŋ kek miŋ ke jam, ku aduany ke cī la cōk, ku ŋōl ke keth path ku cōr ke daai, ku leckē Nhialic Itharel.

Jethu aci raan tiim kaŋuan cōl aa kueth (Mk 8:1-10)

³² Ku cōl Jethu kōcken ye buōth ku lueel, “Ŋen aci guōp ŋōŋ, rin kōckā aaci rēēr kek ŋen nīn kadiāk ēmēn, ku acin kē camkē. Ku acā wic ba ke cōl ajiēl ke nēk cok, tēdē ka la wīk dhēl yic.”

³³ Go kōcken ye buōth lēk ye, “Ye tēnen bī yōk miēth yōk thīn roor ē tēn bī kōc juēcā cam?”

³⁴ Go Jethu ke thiēēc, “Lak ayuōp kadē?” Gokē lueel, “Aa dhorou ku rec thiī lik.”

³⁵ Go lēk thān awēn bīk nyuc piiny.

³⁶ Ku lōōm ayuōp awēn kadhoro ku rec thiī awēn, ku rōōk Nhialic ku bēny keyiic, ku gēm ke kōcken ye buōth bīk ke tēk kōc.

³⁷ Ku jōlkē miēth ēbēn bīk kueth. Ku kuany kōc Jethu buōth awuthueei ayuōp cī dōŋ piny gāac kadhoro.

³⁸ Kōc ke cī miēth, rōōr ē rōt aake ye tiim kaŋuan, ke diāār ku miēth kēc mat thīn.

³⁹ Ku jōl Jethu kōc cōl ajiēl, ku ler riāi yic ku ler wun cōl Magadan.

16

Jethu aci kuc bī kēnē jāŋ gōi looi (Mk 8:11-13; Lk 12:54-56)

¹ Tēwēn ke Parathī ku Thaduthī bō tēnē Jethu, ku wickē bīk deep ē wēt, ku yōōkkē bī kēnē jāŋ gōi looi, bī nyuōth ke lōn ye Nhialic wēlke gam.

² Go Jethu b̄ēēr, “Ayakē lueel tē lōōny akōl piny. Abā aliir path b̄ēēi, akōl aci nyaany looi.”

³ Ku na ye nhiāknhiāk ka luelkē, Abi tuany akōlē, rin aci piny dōm bī la dīl ku looi luāāt. Wek aa kē bī rot looi ŋic tē tiŋ wek kākkā nhial, ku wek aacie kāk loi rōt ēmēn ye ŋic!

⁴ Aa kōc la gup anyon ku gam koor kek aa thiēc kē tiŋkē. Acin kēn jāŋ gōi bī nyuōth we,

ee kēwäär ci rot looi tēnē Jona. Ku nyiēēŋ ke piny ku jjiel.

Duōkkē ye tak cimēn Parathī ku Thaduthī (Mk 8:14-21)

⁵ Kaam wēn yeet kek wār aləŋtui, ke tek kocken ye buəoth lən ci kek nhūim mäǟr bik miēth cū muk.

⁶ Go Jethu lək ke, “Tiēērkē nhūim, ku tietkē rōt bāk cī nhiam cimēn Parathī ku Thaduthī, nhiaamden ke cəl ago pušōr cimēn ayum cī yiēk yic luəu.”

⁷ Gokē jam ē kamken, “Ee ɣo yōök kēlā, rin cīn yen ayušp cuk bēi.”

⁸ Go Jethu kē takkē guəŋic ku lək ke, “Wek kōc koor gamdun! Yeŋō ye wek diēer lən cīn wek miēth? Nōt we cie kāŋ ye deet?”

⁹ Cāk lēu ku bāk tak yen tēwäär kueth ayušp kadhiēc rōōr tiim kadhiēc, ku gāācdit cī bēn thiāŋ awuthueei cī dōŋ piny?

¹⁰ Ku jəl aa yušp kadhōrou wäär cī rōōr tiim kanuan cam bik kuth, ku gāāc thiāŋ awuthueei cāk bēn kuany?

¹¹ Yeŋō kēc wek ye deet yic, lən yen a ɣa cīi jam tēnē we rin ayušp? Kē ca lueel akīn, aben ber yic, tietkē rōt bāk cī nhiam cimēn Parathī ku Thaduthī!”

¹² Go atušscke jəl deet yic, lən acī Jethu lək ke bik rōt tiit lon dhie ye tāau ayup yic bī pušōr, ee lən bī kek rōt tiit piōōc rēec Parathī ku Thaduthī.

Pīter aci Jethu ŋic

(Mk 8:27-30; Lk 9:18-21)

¹³ Wēn cī Jethu ɣet Cetharia tō Pilipi, ke thiēc kocken ye buəoth ēlā, “Ye jāŋ tak ye Manh Raan ŋa?”

¹⁴ Gokē bēēr, “Ayekē lueel lən ye yen Joon raan kōc muəoc nhūim, ku lueel kōc kōk lən ye yen Elija, ku aye kōc kōk lueel lən ye yen Jeremia, tēdē ke ye raan tōŋ kam kōc kāk Nhialic tūŋ.”

¹⁵ Goke thiēc, “Na week, yakē tak lən ye yen ŋa?”

¹⁶ Go Pīter bēēr, “Yin ē Raan cī lōc ku dōc, Manh Nhialic pīr.”

¹⁷ Go Jethu lueel, “Yin aci Nhialic dōoc wēn Jona, rin yic kēnē ēcī tak ē rot, ee Wā tō nhial yen anyuth ye yī ba lueel kēya.

¹⁸ Ku alēk yī ēmēn. Yin acəl Pīter, ku wētde yic, alēl, ku alēl kēnē nhom yen bī luanđiē buth thīn, ku acīi riel ē jəŋrac bī lēu bī thušr piny.

¹⁹ Ku yīn aba gām riel bāāny pan Nhialic, kē cīi bī pāl piny pinyndhom acīi bī pušl nhial, ku kē ba pušl pinyndhom abī pušl nhial aya.”

²⁰ Ku yōōk kocken ye buəoth bik cīl lək raan dēt, lən ye yen Raan cī lōc ku dōc.

Jethu ē jam Arēemde ku Thuənde

(Mk 8:31-9:1; Lk 9:22-27)

²¹ Ku jəl Jethu wēt agai yic tēnē kocken ye buəoth, “Yen abī dhiel la Jeruthalem. Ku yen abī gum apei kōcdit ē baai cīn, ku kōc kāk Nhialic, ku kōc piōōc lōōŋ cīn aya. Ku yen abī nōk ba thou, ku na ye akōl ye nīn diāk ke yen abī bēn pīr.”

²² Go Pīter miēet wei kōc yiic, ku dāk bī cīi ye jam kēlā, ku lueel, “Bēny, acīi Nhialic bī pušl bī rot looi. Kēnē acīi rot bī dhiel looi tēnē yī!”

²³ Go Jethu yenhom wel ku lək Pīter, “Jāl ɣalšōm jəŋrac! Wic ba kē cī Nhialic guuir rienkiē waar yic. Kāk ye tak aacie kāk Nhialic aa wēl raan ē path.”

²⁴ Ku jəl Jethu lək kocken ye buəoth, “Na ye raan wic bā buəoth, ka dhil nhom mäǟr kāpuoth bī yōk ē piērde yic pinyndhom ē tēn. Ku dhil pušu riel ku buəoth ɣa, cək alon wic kōc kōk ye bik nōk ē rienkiē.

²⁵ Rin raan wic ye bī wēike ē rot ŋic muk pinyndhom ē tēn, ka cīi pīr akōldā bī yōk, ku na ye raan mār wēike ē rienkiē, ku rin ē pišōcdiē ka bī wēike muk akōlriēēc ēbēn.

²⁶ Yeŋō bī raan yōk thīn, tē jīek yen apei pinyndhom ē tēn ku mēr wēike? Tēdē, ye kēpiath ŋō bī yōk bī yen wēike waar?

²⁷ Rin akōl bī Manh Raan bēn kek duaar ē Wun kek atuuc nhial, ke yeen abī raan ēbēn yiēk ariōp thōŋ kek kēden cī looi.

²⁸ Ku le tuēŋ ku lueel, wek aa lək yic, ala kōc kōk rēēr ē tēn acīi bī thou agut tē bī kek Manh Raan tūŋ ke bō ke ye Bēnyŋaknhom.”

17

Jethu aci guāpde rot waan

(Mk 9:2-13; Lk 9:28-36)

¹ Nawēn nīn kadātem cōk, ke Jethu cəl Pīter ku Jemith kek wāmēnh Joon, ku lek gōn bār apei nhom kepēc.

² Tēwēn rēēr kek, ke Jethu wan rot, ku yer nyin cimēn akōl, ku jəl alāthke ɣer apei bik la diardiar.

³ Kaam awēn ke Mothith ku Elija tul, ku jīēemkē kek Jethu.

⁴ Go Pīter lək Jethu, “Bēny, apath buk rēēr ē tēn. Na wic ke yen aloi duēl kadiāk ē tēn, tōk kek yī, ku tōk kek Mothith ku tōŋ dēt kek Elija.”

⁵ Kaam wēn ŋot jīēem yen, ke kēcīt rur pat piny abī ciēn tē yekē tūŋ, ku piŋkē Nhialic ke jam ēlā, “Kēnē ē Wēndiēn nhiaar, mit yen pušu tēnē ye piēŋkē wētde.”

⁶ Nawēn piŋ kōc Jethu buəoth wēt kēnē, gokē rišōc apei ku wūkkē.

7 Go Jethu bēn tēnē ke ku gōot ke ku lueel, "Jatkē rōt. Duškkē rišc."

8 Nawēn jōtkē kenyin, ke cīn raan dēt tūjkē, ke ye Jethu ē rot.

9 Tēwēn dhuk kek piny ē gōt nhom, ke lēk Jethu ke, "Duškkē kāk cāk tūj lēk raan dēt yet akōl bī Manh Raan jōt raŋ yic."

10 Go kocken ye buōoth thiēc, "Yenō ye kōc piōoc lōōŋ kōc Itharel ye lueel, lōn ē yen Elija yen bī kaŋ bēn tuen?"

11 Go bēer ēlā, "Ee yic Elija akōŋ bēn rin bi yen dhēl bēn guuir.

12 Ku alēk we lōn cī Elija bēn theer, ku akēc kōckā bēn ŋic ku luikē kēden nhiarkē. Cīt ēmēn aya, Manh Raan abik cōl arem apeī."

13 Go kocken ye buōoth deet yic lōn nadē ka jam tēnē ke rin Joon raan kōc muōoc nhūim.

Jethu aci dhōŋ la guōp jōŋrac kony
(Mk 9:14-29; Lk 9:37-43)

14 Nawēn lek dhuk piny gōt nhom, ke yōk kōc juēc ke tit ke. Go raan tōk bēn ku gut yenhial piny Jethu nhom,

15 ku lueel, "Bēny, kony manhdiē. Ala guōp nok ku aci ye gōōk apeī. Aye lac wiet mēec, tēdē ke le wiet wīir.

16 Ku ē ca bēēi tēnē kōckun yī buōoth ku akēckē lēu bī pial."

17 Go Jethu lēk ke, "Wek kōc cie lac gam, yakē tak ba rēer kek we yet nen? Bēēi dhōŋ kēnē tēnē ya."

18 Nawēn lek bēēi, ke Jethu rēl jōŋrac, go jāl meth guōp, ku go pial nyin yic.

19 Nawēn ke kōc Jethu buōoth bō tēnē ye ē rot ku thiēckē, "Yenō kēc yōk ye lēu buk jōŋ kēnē cuōp wei?"

20-21 Go lēk ke, "Ee rin koor gamdun," Ku le tuenŋ ku lueel, "Na we la gam cak kuur cīmēn manh ŋaap koor nyin, ka lēkkē ē gōn kēnē, 'Jālē ē tēn!' Ka lēu bī jāl. Acin kē dhal we bāk cīi loi." Ku lēk ke, "Jōŋ cit kēnē ē yēn alēu ye ba cuōp wei, rin ye yēn cool ē rōōk!"

Jethu aci ben jam ē Thuōnde
(Mk 9:30-32; Lk 9:43-45)

22 Nayōn akāl tōk, wēn ŋoot kek Galilia, ke lēk Jethu ke, "Manh Raan abī thōn kōc,

23 ku abik nōk, ku na akōl ye nīn diāk, ka bī jōt raŋ yic." Gokē puōth dak apeī.

Ajuēr luaj Nhialic

24 Nawēn cī Jethu kek atuōōcke yet Kaper-naum, ke kōc ē kutajuēr luaj Nhialic bō tēnē Pīter ku thiēckē, "Ye raandun piōocajuēr luaj Nhialic tāāu piny?"

25 Go Pīter bēer, "Aye tāāu piny." Ku le yōt bī la lēk Jethu. Go Jethu guō kaŋ wei ku thiēc, "Ye tak kēdē Pīter? Yeŋa bāny pinynhom juēr? Ye kōcken baai aye kōc thāi kōk?"

26 Go Pīter bēer, "Aa kōc ē thāi." Go Jethu lueel, "Na ye kēya ke kōc baai aacieajuēr ē tāāu piny.

27 Ku yen acuk wīc buk kōckā rac puōth. Lōr wīir ku cuat bīdho, ku mīit rēc ba dōm tuenŋ bei ku ŋam thok, ku yīn abī wēēu lēuajuēr diē kuajuērdu yōk thīn. Yāth ke tēnē ke ye yaajuērda yodhie."

18

Kōc Jethu buōoth aaci wēt teer
(Mk 9:33-37; Lk 9:46-48)

1 Kaam wēn ke kōc Jethu buōoth bō tēnē ye ku thiēckē ēlā, "Yeŋa yen dīt apeī kam kōc tō bāāny pan Nhialic yic?"

2 Go Jethu meth cōl, ku cōl akāāc kenhūim,

3 ku lueel, "Wek alēk yic, na cāk rōt war bāk ciēt mīth kor, ke wek aacī bāāny Nhialic bī kaŋ yōk.

4 Kēya raan rot dhuōk piny bī ciēt ē manh kēnē yen adīt apeī pan Nhialic.

5 Ku raan manh koor cīt manh kēnē lor rienkiē, acā lor.

Ba raan dēt thōōc kērac yic
(Mk 9:42-48; Lk 17:1-2)

6 "Na ye raan wēŋ menh tōk kam ē mīthkā, ku bā maan ka ŋuēēn tēnē ē raan cīt kēnē diēt cī ruōk yeth alēdīt tet, ku pik wīir bī mou.

7 Ye kēreec yīndē pinynhom ye kōc kōk kōc wēŋ kārec yīic. Kākkā aabī rōt dhiel aa looi akōlakōl, ku bī yīēn dē tēnē kōc kākkā looi!

8 "Ku na ye ciēndu ayī cōōkdu yī cōl aloi awuōc, ka tēēm bei ku cuat ke wei. Rin ŋuēēn ba pīr pīr path ke yī ye ŋōl, tēnē tē bī yīn la cīn karou ku cōk karou ku cuet yī many dēp yic akōlriēēc ēbēn.

9 Ku na ye nyiendu yī cal aloi adumuōōm, ke ŋuēt bei ku cuat wei. Rin ŋuēēn ba pīr yōk ke yī la nyīen tōk, tēn tē bī yīn la nyīn karou, ku bī yī la cuat pan mac.

Kāāŋ amēl cī mār

10 "Duškkē them bāk mīth thiikā bui. Alēk we bāk ŋic lōn atuōōcken nhial aa rēer Wā lōōm akōlakōl pan Nhialic.

11 Ku yēn Manh Raan yēn aci bēn ba kōc cī mār bēn gām pīr.

12 "Lēk ya yic. Na raan ala amāāl buōot ku mār amāl tōk ke cīi thiārdhoŋuan ku dhoŋuan nyiēēŋ piny, ku le amāl kēnē wīc?

13 Ku na le yōk ka mit puōu apeī, miēt puōu wār miēt puōu wār tō amēl kōk thīn.

14 Kēlā aya, acī Wuurdun tō nhial nhīar, bī menh tōk kam ee mīth thiikā mār.

Tē looi wāmuuth awuōc tēnē yī

15 "Na loi wāmuuth awuōc tēnē yī, ke yī la tēnē ye ku lēk kē cī wuōōc tēdun wēpēc. Na piŋ wētdu, ke wek aaci dōōr.

¹⁶ Na cii wëtdu piñ, ke yi cöl raan tök ayi kóc karou ku dhuškkë tēnē ye, 'Rin bi awušč ci looi tēnē yi njic kóc karou ayi diäk.'

¹⁷ Na ɲot kuec bi wëtden cii piñ, ke lëk akut, ku na kueec bi wët akut cii piñ aya, ke päl bi ciët raan thäi ku raan ajuër kut, kóc kuc wët Nhialic.

¹⁸ "Ku wek aa lëk kēnē, awušč cäk bi päl piny pinyndhom, acii bi päl piny nhial, ku awušč bāk päl piny ē tēn abi päl piny nhial.

¹⁹ "Ku aben lëk we, na māt kóc karou kamkun pinyndhom ē tēn, ku thiëckë kē wickë ka gēm Wä tō nhial ke.

²⁰ Rin tē ye kóc karou ayi diäk kenhüim mat ē wëtde ke yen abi rēer kamken."

Kääñ aluañ cie wët ye päl piny

²¹ Nawēn ke Piter bō tēnē Jethu ku thiëc, "Bēny, ya arak dē lēu bi yen wët päl piny tēnē wāmāath cā awušč looi tēnē ya? Ye arak dhorou?"

²² Go Jethu bēer, "Alëk yi, aca arak dhorou, ee thiärdhorou arak dhorou,

²³ rin bääny Nhialic acit bēnyñakndhom wic ye bi kākke kuēen nyin kek aluakke.

²⁴ Kaam wēn kuēen kek käh nyin, ka aluañ tök ci wēu juēc apaidit mušr bi tēnē ye.

²⁵ Ku yen ē cīn wēu cool yen wēu ci mušr, go bānyde lueel bi yaac wei kek tieñde ku mišthke ku kākke ebēn bi kāny cool.

²⁶ Nawēn piñ ē wët kēnē ke lāñ bānyde apei ku lueel elä, 'Päl ya kaam thün koor, ku yen abi kākka cool bēny.'

²⁷ Go bēnyñakndhom tē mēem yen thün tün, ku päl kānyde tēnē ye ku cöl ajiël.

²⁸ "Kaam wēn le aluañ kēnē ayeer, ke rām kek aluañ dēt rēer kek baai kōšny wēu reen lik. Go pac yeth ku yōök bi wēūuke cool nyin yic.

²⁹ Go lōñ apei ku lueel, 'Päl ya kaam ku yen abi wēūuku cool!'

³⁰ Go cii gam, ku cöl amac yet tē bi yen wēūuke cool.

³¹ Nawēn tün aluek kōk kē cī rot looi, ke riääk pušth apei ku lek tēnē bānyden ku lëkkë kēriëc ebēn cī rot looi.

³² Go bēnyñakndhom aluañ kēnē cöl ku lueel, 'Yin acin pušu, yen acī wēu juēc kääny ke tēnē yi päl piny rin cī yin ya lōñ.

³³ Cii lēu ba kāny päl piny tēnē raandun rēer wek, cimēn kēwäär ca luši yi?"

³⁴ Ku wēn cī yen pušu riääk apei, ke cöl amac yet tē bi yen kāny cool ebēn."

³⁵ Ku wit Jethu wëtde elä, "Yen ē tē bi Wä tō nhial luši we, tē cī wek awušč ye päl piny kamkun pušu ebēn."

19

Jethu apiöc wët ē lišši (Mk 10:1-12)

¹ Wēn cī Jethu wët wic bi lueel thöl, go jäl Galilia ku ler Judia ku teem wär Jordan.

² Go kóc juēc apei buoñh, goke kony.

³ Go Parathī kōk bēn tēnē ye, ku wickë bik deep ē wët ku thiëckë elä, "Ye lōñda raan pušl bi tieñde lišši ē path?"

⁴ Go Jethu bēer, "Kēckë kañ kueen athöör yic lōn wär ciek Aciek kóc wäthēer, aaci cak moc ku tik.

⁵ Ku lueel, 'Rin ē wët kēnē yen abi raan wun ku man nyääñ piny ku le ker kek tieñde, ku keek karou aabi ya many tök.'

⁶ Kēya, aacii ɲot ke ben aa rou, ee tök. Ku kēya, na cī Nhialic ke pušl bi ya moc ku tik, ka cīn raan päl ɲek ē kamken."

⁷ Go Parathī ben thiëc, "Na ye kēya, yeñō päl Mothith ye bi raan athör lišši göt ku päl tik?"

⁸ Go Jethu bēer, "Mothith acī wärkuan dīt pušl bik diäärken aa lišši rin aake cie yith ye lac gam. Ku ēcie kēya wäthēer ciek kóc.

⁹ Ku aba lëk we emēn, na ye mony liši tieñde, ke kēc wic mony dēt, ka cī kērac looi."

¹⁰ Go kōcken ye buoñh lëk ye elä, "Na ye yen tēn ye käh röt luši thün kam moc ku tik akan, ka ɲuēen bi raan cii thiëk."

¹¹ Go dhušk ke ku lueel, "Acie raan ebēn yen bi kē ca lueel gam, aa kóc ye Nhialic kuony.

¹² Raan dēt aye dhiëeth ke ya aboi, na cök thiëek tē le yen dīt ka cii dhiëth, ku kóc kōk aaye roc bik cii dhiëth tē cök kek thiëek. Ku kóc kōk aacie thiëek rin wic kek ye bik wët Nhialic yāth tuen. Kēya, na ye raan gam ē wët kēnē, ke gēm ku piöc."

Jethu adoc mith (Mk 10:13-16; Lk 18:15-17)

¹³ Kōc kōk aake cī mith bēer tēnē Jethu bi ke bēn dōc, go kóc Jethu buoñh kóc läät.

¹⁴ Go Jethu lueel tēnē ke, "Calkë mith aabō tēnē ya, duškkë ke pēn. Raan wic ye bi la pan Nhialic adhil gam cimēn ee mith thiikä."

¹⁵ Ku cöl mith yelšōm ku tēu yecin kenhüim, ku dōc ke ku jiël.

Raan ajak (Mk 10:17-31; Lk 18:18-30)

¹⁶ Go mony dēt kañ ndhom ku thiëc elä, "Raan piöc ye kēpiath ɲō ba looi ba pir akölrüëc ebēn yök?"

¹⁷ Go Jethu bēer, "Yeñō ye yin ya thiëc kēpath ba looi? Ee Nhialic rot yen apath. Na wic ba pir akölrüëc ebēn yök, ke yi thek lōñke."

18 Go mony kënë Jethu ben thiëc ëlä, “Ye lööñ nen?” Go Jethu bëër, “Duk raan näk, duk tiñ raan dët kør, duk cuëër, duk kuëëñ wët ë lueth.

19 Thek wuur ku moor, ku nhiar raan dët cimën nhüer yin rot.”

20 Go riënythii awën dhuşk ye ku lueel ëlä, “Lööñkä aaca muk nhüim ëbën. Ye kë nen ba ben looi?”

21 Go Jethu bëër, “Na wïc ba la cök tënë Nhialic, ke yï la ba käkku la yaac ëbën, ku gam wëüu tënë koc nşñ, yin abi jiek la yök pan Nhialic, ku bäär buoth ya.”

22 Nawën piñ ë wëlkä ke mæen, ku jiël ke ci puşu dak rin ë la kajuëc apeï.

23 Go Jethu yenhom wël kacken ye buoath ku lëk ke, “Abi riel tënë raan ajak bi la pan Nhialic.

24 Ku aben lëk we, apuol yic bi thörl bak with cök, tënë lon bi raan ajak la pan Nhialic.”

25 Nawën piñ kacken ye buoath ë kënë, ke geï apeï ku luelkë, “Na ye këya, ke yeja bi la pan Nhialic.”

26 Go Jethu ke döt ku bëër, “Acii raan bi lëu ë rot, bi gam të këc Nhialic ye kony, rin Nhialic ë këriëc ëbën lëu, acin kë dhal ye.”

27 Go Piter rot jat ku lueel, “Na yook, yok koc ci käkku ëbën nyään piny ku buoathku yï, yeñö bi ya këda?”

28 Go Jethu bëër, “Wek alëk kënë, të le käñ röt waar, ke Manh Raan abi nyuc thönyde nom ë diik yic pan Nhialic, ku week wathiäär ku rou, wek aabi nyuc thöc nhüim aya bäk luñ kuat Itharel kathiäär ku rou looi.

29 Ku kuat raan ci paande nyään wei kek paan ë man ku nyiërakën, ku wun ku man ku miethke ku dum ë rienkië, abi kajuëc yok arak buoat, ku abi pir akölrüëc ëbën yok aya.

30 Ku koc juëc tş tuen emën aabi döñ ciëën, ku koc kşk juëc tş ciëën aabi la tuen.”

20

Kääñ koc lui dom yic

1 Ku ben Jethu bäany Nhialic thöññ ëlä, “Raan dom ëci rial bi la wïc koc bi duomde bën tem.

2 Ku ciëk ariöp bi ya gam ke akäl tök, ku tooc ke dom.

3 Nawën tşcit lunyluny ë yok, ke la tş ye koc yooç thün, go koc kşk tiñ thün ke kääc ke cin kë loikë,

4 go lëk ke ëlä, ‘Lak dom yic aya bäk la tem, ku wek aaba yiëk ariöp thöñ ke luşidun.’

5 Gokë la. Nawën akäl ciel yic, ku tääh akäl aya, ke la ayeer ku le bën ke koc kşk.

6 Nayon thëi ke la ayeer ku yok koc kşk ke kääc ë path go lëk ke, ‘Yeñö rëer wek tşwën aköl ke cin kë luşikë?’

7 Gokë lëk ye ëlä, ‘Acin raan ci yo çol buk la luui.’ Go lëk ke bik la luui aya.

8 “Nayon thëi ke wun dom çol raanden koc dşm ku lueel, ‘Çol koc luşu, ba ke dşm wëşuken, ku jok koc ë ke bş ciëën, bi jal la thök koc wën anhiäk jok luşu ë rial.’

9 Go koc ke bş luşu yic ciëën bën ku gëm ke wëşuken.

10 Nawën la koc ke jok luşu ë rial bën bi ke bën riop, ke takkë lon bi ke gam wëüu juëc, ku keek aaci bën riop wëüu cit wëüu ci gam koc ke lök bën luşu yic ciëën.

11 “Gokë wëüu dşm ke dak puşth, ku jiëmkë wun dom guşp ëlä,

12 ‘Koc ke lök bën ciëën, cin luşu diit cik looi, aaca thöññ nhüim kek yo, yok koc ci luui aköl yic tşwën anhiäk agut tş col piny cit emën!’

13 “Go wët raan tök bëër ëlä, ‘Mäthdië, yin açä jör, ciët yo ci tş bi yen yï riap thün akäl tök çäk.

14 Dşm arişpdu ku jalë. Aca tak ba raan lök bën ciëën gam ariöp cit arişpdu.

15 Çä la yic ba wëşukië gam tşcit tş wiëc ye? Yeñö ye tiel yï dşm tş muooç yen koc?’ ”

16 Ku wit Jethu wëtde ëlä, “Këya, koc tş ciëën aabi tş tuen ku koc tş tuen aabi tş ciëën.”

Jethu ajam ë Thuonde kënyic diäk (Mk 10:32-34; Lk 18:31-34)

17 Nayon aköl dët ke Jethu cath kek kacken ye buoath ke la Jeruthalem, ke çol ke tşden ë röt ku lëk ke,

18 “Emën yok aala Jeruthalem, ku Manh Raan abi la dşm ku yëth koc kāk Nhialic nhüim, ku koc piöoc ë lööñ. Ku abik tşm thou,

19 ku thönkë bāny koc cie koc Itharel bik läät ku thatkë ku piëtkë tim ci riüu kşu. Ku na ye nin kadiäk cök ka bi pir ku jöt bei ë ran yic.”

Man wëet Dhubedi aci Jethu thiëc këden wïc

(Mk 10:35-45)

20 Nawën ke man wëet Dhubedi bş tënë Jethu kek wätke, ku gut yenhiaal piny ku thiëc bi luşu kë wïc.

21 Go Jethu thiëc, “Yeñö wïc?” Go bëër ëlä, “Tş nyuuc yin thönydu nom bäany Nhialic yic aköldä, ke yï ton yipuşu lon bi yin wëtkiën kë karou çol aa nyuc yilşöş, raan tök köñ cuëc ku raan dët köñ ë cam.”

22 Go Jethu dhuşk ke ëlä, “Wek aakuc kë thiëckë, yen abi ban apeï ë ninkä ku yen abi nök. Lëükë bāk gum cimëndië?” Gokë bëër, “Alëuku.”

23 Go Jethu lëk ke, “Na cökkë we nāk ayic ka lëükë bāk gum, ku acie yen la riel ba raan

bī nyuc kōŋdiēn cuēc ku kōŋdiēn cam kuany. Thōckä aa kāk kōc ci Wä guiēr ke.”

24 Nawēn le atuuc kōk kathiäär piŋ, ke riääk puōth tēnē wēt Dhubedi.

25 Go Jethu ke cōl ku lēk ke, “Anjēckē lōn kōc ci gam bīk aa bāny kōc cie kōc Itharel aala riel kōc nhūm, ku aciī path bāk ciēt ke.

26 Ku kēnē aciī rot bi looi kamkun. Raan wic ye bi ya raandit kamkun, adhil rot dhuōk piny bi ya luui rin kōc kōk,

27 ku na ye raan wic ye bi ya bēny wen-hiim, ka dhil ya aluanḡun.

28 Cīmēn Manh Raan aya akēc bēn bi kōc bēn loony, aci bēn bi kōc bēn kony, ku gem wēike bi kōc juēc waar thou yic.”

Jethu akony cōor karou bīk daai

29 Tēwēn jiēl Jethu Jeriko kek kōcken ye buōth, ke buōth kōc juēc apēi.

30 Ku kōc ci cōr karou aake rēēr ē dhēl kēc. Nawēn piŋkē lōn ci Jethu yēt, ke cōt rōldit, “Bēny, Wēn Debit, kony ɣo!”

31 Go kōc kōk ke rēl ku yōōkkē ke bīk biēt. Gokē ŋot ke kiu apēi, “Wēn Debit! Kony ɣo.”

32 Go Jethu kōc ku cōl ke, ku thiēc ke, “Yeŋō wiēcckē ba looi tēnē we?”

33 Gokē lēk ye, “Bēny awicku buk bēn daai.”

34 Go Jethu gam, ku gōot kenyin, gokē daai nyin yic ku buōthkē.

21

Jethu aci la Jeruthalem ke ciēm yai

(Mk 11:1-11; Lk 19:28-40; Jn 12:12-19)

1 Tēwēn ci kek thiēc kek Jeruthalem, ke bō Bethpeec tēthiääk kek gon Olip, ke Jethu ēci kōcken ye buōth karou tuōc tuēŋ,

2 ku lēk ke, “Lak bēi tō tuēŋ yiic, ku wek aabä akaja yōk ke mac ku manhde yelōōm. Luonykē ke ku bēikē ke tēnē ya.

3 Na le raan thiēc we ke luelkē, keek aa wic Bēny ku aabi dhuk emēn.”

4 Kēnē aci rot looi kēya rin bi wēt ci luel elä theer raan kāk Nhialic tiŋ yenhom tiēŋ,

5 “Lēk kōc Itharel, emēn bēnyŋaknhom dun abō tēnē week!

Alir pušu ee cath akaja, manh akaja.”

6 Go kōc Jethu buōth la ku loikē cīmēn ci Jethu ye lēk ke,

7 ku biikē akaja ke manhde ku kumkē kekōth alāthken, ku nyuc Jethu manh akaja kōu.

8 Kōc juēc aacä alāthken thieth dhēl yic, ku kōc kōk aacä ayōr tiim dhoŋ ku thiethkē ke dhēl yic aya.

9 Go kōc ke tō tuēŋ yenhom ku kōc ke buōth ye, yai looi ku yekē wak elä,

“Lecku wēn Debit! Bēny dōc raan bō riēnku lecku Nhialic Madhōl!”

20:26 Lk 22:25-26 20:27 Mt 23:11; Mk 9:35; Lk 22:26 Jer 7:11 21:16 Wk 8:2 21:21 Mt 17:20; 1Kor 13:2

10 Nawēn yeet geeu Jeruthalem, ke kōc gēi apēi ku yekē thiēc elä, “Yeŋa kēnē?”

11 Ke bēer kōc ŋic ye ku luelkē, “Yen ē raan kāk Nhialic tiŋ cōl Jethu pan Nadharet, wun Galilia.”

Jethu aci la luŋ Nhialic

(Mk 11:15-19; Lk 19:45-48; Jn 2:13-22)

12 Nawēn lek yet Jeruthalem ke Jethu la luŋ Nhialic, ku cop kōc kŋŋ yaac ku kōc yōōc ayeer kal luŋ Nhialic yic. Ku wel agen kōc wēēu waar yiic piny, ku thōc kōc ɣōc wei ē kuōr.

13 Ku lēk ke, “Aci gōt elä athōr theer wēl Nhialic yiic, ‘Kal luŋdiē aci looi bi ya tēn ye kōc wuōt ebēn rōōk thiin,’ ku yen acäk wel bi ya tēn cuēr.”

14 Kōc ci cōr ku kōc ci duany aake ci bēn tēnē ye kal yic luŋ Nhialic, goke kony.

15 Kōc dit kāk Nhialic ku kōc gēt löōŋ aake ci puōth dak tēwēn tiŋ kek kăpuath ci Jethu looi, ku wēn ye mīth ket kal yic luŋ Nhialic elä, “Lecku Wēn Debit.”

16 Ku luelkē tēnē Jethu, “Ye kē luel ē mīthkă piŋ?” Go bēer, “Aya piŋ. Ku kēckē kēnē kaŋ kueen,

‘Yin aci mīth agut mīth thiū kor piōc bīk lec la cōk aa luel.’ ”

17 Kaam wēn ci Jethu wēlkă luel, ke jiēl geeu ku ler Bethani tē ci yen bēn anin thiin.

Jethu aci tim wak bi riau

(Mk 11:12-14, 20-24)

18 Naŋon nhiäk, tēwēn dhuk kek geeu, Jethu ē nēk cōk.

19 Nawēn tiŋ tim cit ŋaap dhēl ɣou, go la cōl bi yōk ke ci luok, go yōk ke ayōr kepēc. Go Jethu luel, “Yin aci mīth kōŋ bēn tiŋ athēr!” Ku nyin yic tēwēn ke tim riau.

20 Tēwēn tiŋ kōcken ye buōth ē kēnē, ke gēi apēi, ku thiēcckē rōt, “Yeŋō ci tim kēnē guo riau?”

21 Go Jethu bēer, “Na gamkē ke cin diu, ka cie kē ca looi tēnē ē tim kēnē yen luoiē ē rot, na cōk a gon kēnē yen yōōkkē elä, ‘Jot rot ku cuat rot wūr,’ ka loi rot.

22 Ku na lak gam, ke keriēēc ebēn yakē ke thiēcckē tē rōōk wek, aa yōkkē.”

Bāny Itharel aa riel Jethu yōōŋ yic

(Mk 11:27-33; Lk 20:1-8)

23 Go Jethu bēn dhuk kal yic luŋ Nhialic, ku tēwēn piōc yen, ke bānydit kāk Nhialic ku kōc baai bō tēnē ye ku thiēcckē elä, “Ee yin, ye riel ŋō tō yiguōp ye yin luui kēlä? Ku yeŋa yiŋ yi ē riel kēnē?”

24 Go Jethu bēer, “Wek aba thiēcckē wēt tōk aya, na bēerckē apath, ke wek aba lēk raan cä gām riel ye yen kākă looi.

21:5 Dhäk 9:9 21:9 Wk 118:25, 26 21:13 Ith 56:7;

25 Lëkkë ya, Joon yök riel yen koc gäm läkwëi tēnen, ye tēnē Nhialic aye rielde ē rot?”

Gokē guēek yic kamken ku luelkē, “Na luelku, ke yök tēnē Nhialic, ka thiēc, ‘Aye njo kēc wek wētde gam?’

26 Ku na luelku, ‘Ke rielde ē rot,’ ke yök aa jōny ke rin cī raan ēbēn ye gam.”

27 Gokē dhušk Jethu, “Akucku.”

Go Jethu lēk ke, “Na ye kēya, ke wek aacā lēk riel ye yen kakkā looi.”

Kääŋ cī Jethu luel rin mīth karou

28 Ku ben Jethu ke thiēc, “Yenō yakē tak wēt kēnē yic? Monytui ē la dhāk karou. Go la tēnē wēndīt ku lēk ye, ‘Manhdiē lōr lui dom yic ya akōl.’

29 Go bēēr, ‘Yen acī la,’ nawēn ke ben yenhom waar ku ler.

30 Go bēn la tēnē wēnden koor ku lēk wēt awēn cī kanj lēk wēndīt. Go gam ku cī la.

31 Yenja kamken karou cī kē wīc wun looi?” Gokē bēēr, “Ee wēndīt.”

Go Jethu lēk ke, “Koc ajuēr kut ku adējōk ē tōc kek kuat moc ē path, aa kek aabī rōt kanj mat ē bāāny Nhialic yic tēnē we.

32 Rin Joon raan wāār koc muōoc nhīim ēcī bēn tēnē we bī we nyuōth dhēl ē yic, ku wek aa kēc wētde gam. Nawēn ke ye koc ajuēr kut ku adējōk kek gam ye. Ku na cōk awēn cī wek kakkā tīj ke loī rōt, ke wek aa kēc wepuōth waar ku pālkē luai kārec ku gamkē wētde.”

Jethu acī jam ē waal bī rēēc bāny nyuōoth (Mk 12:1-12; Lk 20:9-19)

33 Ku ben Jethu jam waal ku luel tēnē koc man ye ēlä, “Monytui ēcī dom looi ku cum yic tīim luak ku rok. Ku wec tē ye mīth tīim guār thīn bīk ya miōk, ku looi kāt. Ku jōl dom riōp yic koc kōk, ku le keny wun dēt.

34 Nawēn le tē cī tīim luak thōŋ, ke tooc aluōnyke tēnē ke bīk la gām abākke.

35 Go koc awēn cī riōp dom yic aloony dōm, ku thatkē aluony tōk, ku nākkē alony dēt ku biōōkkē alony ye kek diāk aleel.

36 Go aloony juēc tēnē aloony tuen bēn tooc, ku ŋot ke looi kē ke tēwāār.

37 Nawēn ciēen ke wun dom jōl wēnde tooc, ku tēk lōn bī kek ye theek.

38 Go koc awēn cī riōp dom yic luel kamken wēn tīj kek ye, ‘Kēnē ee manh raan la dom, bī kāŋ lōk thōn akōldā. Bāk nāku ku kākke aabī dōŋ ke yo.’

39 Gokē dōm ku thelkē ayeer dom yic ku nākkē.”

40 Ku jōl Jethu ke thiēc, “Na bō raan la dom ke loī njo tēnē ke?”

41 Gokē bēēr, “Abī kōckā nōk, ku riōp dom yic wei tēnē koc bī ye ayiēk abākke tē cī kāŋ luak.”

42 Ku lēk Jethu ke, “Kēckē wēt cī gōt athōr theēr wēl Nhialic yic ēlä, kanj kueen?”

‘Mēn wāār yen cī atēēt kuc yen aci bēn a mēn ril apei,

kēnē ē ye luai Bēny, ayeku tīj ke path ku dhēēj yonyīn!’ ”

43 Ku la Jethu tuenj ku luel, “Kēya alēk we, bāāny Nhialic abī nyaai tēnē we ku gēm koc wūōt kōk bī wētdiē piŋ ku loikē.

44 Ku raan bī lōny alel kēnē nhom, ka duōony bī ruōth, ku raan bī alel kēnē lōōny yenhom ka niōon yic.”

45 Nawēn piŋ kōcdīt kāk Nhialic ku koc gēt lōōj ē jam kēnē, ke ŋickē lōn jīēm Jethu riēken,

46 ku na cōk alōn wīc kek ye bīk dōm, ka ke cī riōōc koc juēc tō thīn ē Jethu tīj ke ye raan kāk Nhialic tīj.

22

Jethu acī bāāny Nhialic thōŋ yan thiēc (Lk 14:15-24)

1 Go Jethu bēn jam tēnē ke ē waal ku luel.

2 “Bāāny Nhialic ē duēr thōŋ kek yan thiēc cī bēnyŋaknhom looi tēnē wēnde.

3 Ku tooc aluōnyke bī koc cī cōl la lēk bīk bēn yai yic. Gokē kuc ku cīk bō yeēi.

4 Go aloony juēc bēn tooc ku thōnke ēlä, ‘Lak, lēkkē koc cī cōl lōn mīth acī thōk ē guēr, muōar ku nyōk cuai aaci nōk, kēriēc ēbēn acī guir. Bāk yai yic!’

5 Ku keek aake liu puōth thīn, ku puōkkē bī ŋek ala duōmde, ku la raandā luōide yic.

6 Ku dōm koc kōk aloony bēnyŋaknhom, ku banjē ke ku nākkē ke.

7 Go bēnyŋaknhom puōu riāāk apei, ku tooc apuruōōkke ku lek koc awēn nāk aluōnyke nōk, ku cuānykē genden.

8 Ku cōl aluōnyke ku lēk ke, ‘Yai acī thōk ē guēr, ku koc ke cī cōl aa kēc aa koc path, aaci kuc ē bēn.

9 Lak geeu ku calkē kuat koc bāk yōk dhōl yiic bīk bēn yai yic.’

10 Go aloony la dhōl yiic ku cōlkē kuat raan cīk yōk ēbēn, abī yai thiāŋ apei.

11 “Nawēn bō bēnyŋaknhom bī thān cī guēr yeēi bēn tīj, ke tīj raan tōk ke kēc alēth yai ruōk.

12 Go bēnyŋaknhom luel, ‘Māthdiē, yī bō tēn kēdē ke yī cī alēth yai ceŋ?’ Go mony awēn biēt ku cī wēt bēēr.

13 Go bēnyŋaknhom lēk aluōnyke, ‘Derkē cin ku cōk ku cuatkē muōōth yic ayeer, tē bī yen dhiau thīn ke ŋeny yelec.’ ”

14 Ku wit Jethu wētde ēlä, “Rin koc juēc aaye cōl, ku aa koc lik kek aaye lōc.”

Jethu awīc bī wēēj wēt ajuēr (Mk 12:13-17; Lk 20:20-26)

15 Go Parathī la tēden ē rōt bīk tē bī kek Jethu dam thīn, wētēden bī lueel, la mat.

16 Ku toočkē kocken abēk ke buōōth tēnē ye, ku kōc Antipāth Yērot bīk la wēēn bī wēt rac luēel kegup bī ye dōm. Ku bīk ku luelkē ēlā, “Raan piōōc, anjicku yīn ē raan la cōk jam ē yith. Yīn ē kōc piōōc bīk kāk wīc Nhialic looi dhēl la cōk, ke yī cīī diēer kāk ye kōc kōk tak. Ku yīn acie diētēden ye kuēēc nhom.

17 Lēk yō na ye tāktākdu, buk ajuēr aa gam yok kōc Itharel tēnē Cithēr Bēnyjakhnom, tēdē ke cuk bī ya gām ye?”

18 Ku Jethu ēcī ruēēnyden njic, ku bēer, “Yenō wīc wek ye bāk ya deep wēt?”

19 Calkē ya atīn wēnh yakē tāau piny ajuēr!” Gokē yiēk wēēth.

20 Goke thiēc, “Ye nhom na, ku ye rin nja kākā cī giēet wēēth kōu?”

21 Gokē bēēr, “Aa kāk Cithēr Bēnyjakhnom.” Go Jethu lēk ke, “Na njiečkē kēya, gāmkē Cithēr Bēnyjakhnom kēde, ku gāmkē Nhialic kēde.”

22 Gokē gāi, tē cī Jethu wēt bēer thīn, ku nyiēēnkē piny ku jiēlkē.

Nhialic abī kōc cī thou cōl aa ben pīr (Mk 12:18-27; Lk 20:27-40)

23 Akōl tōj awēn ke kōc kōk akut Thaduthī, akut cīī ye ye gam lōn bī Nhialic kōc cī thou ben cōl apīr, bō tēnē Jethu ku thiēčkē ēlā,

24 “Raan piōōc, aci Mothith lēk yō ēlā, Na thou raan ku nyiēēn tik piny ke cīn mīth, ke wāmēnh koor ala yōt tik bī mīth dhiēēth yōn mēnhē.

25 Na thoōnku lōn tō mīth tik thīn kadhorou, ku thiēk wēndīt ku thou ke cīn mīth, ku dōn tēndē ke wāmēnh buōth ye,

26 ku thou aya ke cīn mīth cī dhiēēth. Ku looi rot kēya tēnē raan ye kek diāk, agut wāmēnh kun ye kek dhorou.

27 Nawēn ke tik thou aya.”

28 Ku lek tuēn ku thiēčkē, “Tē le kōc cī thou rōt jōt akōldā, bī ya tīn nja, rin cī yen rēer ke ke ēbēn kadhorou?”

29 Go Jethu bēēr, “Wek aa kōc ril nhīim cīn kē njiečkē, rin cīī wek athōr thēer wēl Nhialic cī gōt ye gam. Ku acāk ye gam aya lōn bī Nhialic kē ye lueel ke bī looi, lēu bī looi.

30 Rin tē le kōc cī thou rōt jōt, aacīī bī thiēčkē ku aacīī bī thiaak, aabī rēer kecīt atuuc nhial.

31 Ku na ye rin wēt bī kōc cī thou rōt jōt, ke we kēc wēt cī Nhialic lēk we thēer kueen? Acī lueel,

32 ‘Yēn ē Nhialic Abaram ku Ithāk ku Jakop.’ Kōc cī thou ke njic Nhialic, aa pīr alanden. Yeen ē Nhialic kōc pīr, ku kōc cī thou aya.”

33 Nawēn piñ thān tō thīn wēt kēnē, ke gēi ē piōōcde.

22:23 Lusi 23:8 22:24 L.rou 25:5 22:32 B.bei 3:6
22:44 Wk 110:1 23:5 Mt 6:1; Kn 15:38; L.rou 6:8

Lōj ril lēu bī theek kam ē lōōj (Mk 12:28-34; Lk 10:25-28)

34 Nawēn piñ Parathī lōn cī Jethu Thaduthī thōl nhīim, ke mat kenhīim bīk Jethu thiēčkē aya,

35 ku jōl raan tōk kamken,

36 raan piōōc lōōj, Jethu thiēčkē, “Ye lōj nen yen ril kam ē lōōj?”

37 Go Jethu bēēr, “Yīn adhīl Bānydu Nhialic nhiaar piāndu ēbēn, ku wēiku ēbēn, ku nhi-amdu ēbēn.”

38 Kēnē, yen ē lōj ril tuēn.

39 Lōj dēt ril ye kek rou thōj kek ē lōj kēnē akīn, yīn adhīl raan dēt nhiaar cimēn nhīer yīn rot.

40 Lōōnkā karou kek aa ye lōōj Mothith ēbēn, ku lōōj ye kōc kāk Nhialic tīn piōōc, kēr bei thīn.

Jethu aci kōc piōōc lōn yen raan ē tooc Nhialic

(Mk 12:35-37; Lk 20:41-44)

41 Kaam wēn cī Parathī kenhīim kut Jethu lōōm ke thiēčkē ke wēt kēnē,

42 “Yakē tak Raan cī lōc ku dōc yēna? Ye wēn nja?” Gokē lēk ye, “Ee wēn Debit?”

43 Go dhušk ke ku lueel, “Na ye kēya, yējō ye Wēi Nhialic Debit yōšk bī cōl Bānydiē. Rin ēcī Debit lueel ēlā,

44 ‘Acī Nhialic lueel tēnē Bānydiē, ‘Nyuc ē tēn kōndiēn cuēc,

yet tē bī yēn kōc aterdu dhušk ciēēn yīcōk.’

45 “Na ye Debit cōl, ‘Bānydiē,’ Ke lēu bī ya wēnde kēdē?”

46 Go ciēn mēn raan tōj bēer wētde, ku wēn akōlē yet tuēn acīn raan tōj cī yethok ben kuek bī thiēčkē.

23

Duōkkē nhiam cimēn Parathī ku Thaduthī (Mk 12:38-39; Lk 11:43, 46; 20:45-46)

1 Ku jōl Jethu lueel tēnē kōc juēc awēn ku kocken ye buōōth.

2 “Kōc piōōc lōōj ku Parathī kek aatō nyin Mothith.

3 Kēya, aa dhielkē ke theek ku luōikē kē yekē lēk we, ku piēnkē kē yekē lēk we, ku duōkkē kākken yekē ke looi ye kiēēt, rin aacie kāk yekē lēk kōc kek yekē ke looi.

4 Aa kōc piōōc kārīl yīic bī ke looi, ku aa cie kōc ē kony bīk ke looi.

5 Kēriēc ēbēn yekē ke looi, ayekē ke looi rin bī kek kōc wēj. Aa cath ke muk athōr thēer wēl Nhialic. Ku rukkē alēth path, ku muklē athōr kecin bīk nyuōōth lōn ye kek kōc path thek lōj Mothith.

6 Ayekē nhiaar bīk nyuc tuēn thōc kōcdīt tēnē amat, ku yōn path akōl yai.

7 Ayekē nhiaar bī ke aa muōōth athēēk yōn yōc yīic, ku yeke cōl, ‘Kōc piōōc.’

22:35 Lk 10:25-28 22:37 L.rou 6:5 22:39 Leb 19:18

8 “Duškkë röt cöl aye cöl, ‘Koc piöoc,’ Rin wek aa nek ke wämënhë, ku wek aa la raan piöoc tök.

9 Ku acin raan dhielkë cöl pinynhom tën, ‘Wä,’ Rin ë Nhialic tš nhial yen ee Wuurdun yetök.

10 Ku duškkë röt cöl aye cöl, ‘Koc piöoc,’ Rin wek aa la raan piöoc tök, ‘Raan ci loc ku döc.’

11 Raandit apei kamkun adhil rot dhušk piny bi luui rienkun.

12 Kwat raan rot yäth tuenj ë rot abi dhušk ciëen, ku raan lir pušu rot tšöu ciëen, abi yäth tuenj.

Jethu aci rëec Parathï ku koc gät lööj nyuwooth

(Mk 12:40; Lk 11:39-42, 44, 52; 20:47)

13 “Koc piöoc lööj ku wek Parathï, Awëenjkuil! Ee kërac apei yen ayakë looi, rin ye wek koc piöoc dhël cii kek bi met bäany Nhialic yic. Rin wek aacii bi met thün aya. Na cok koc kök wic bik met thün, ka yakë ke wel nhüim ë piöocdun cii la cök!

14 Koc piöoc lööj ku wek Parathï, Awëenjkuil! Wek aa cath we rök apei dhöl yiic bäk koc wënj lön ye wek koc path, ku wek aa bëii lër tuöör nyin bik aa kakkun. Wek aabi tëm awuščdit tet apei rin kërec yakë looiká!

15 “Koc piöoc ku wek Parathï, Awëenjkuil! Wek aa piny kuany yic rin bi la raan tönj yökkë bi piöocdun gam. Na yökkë, ke tš ye wek ye piöoc thün, ee ye cöl aye raan pan mac, abi we duër waan thook!

16 “Awëenjkuil, wek koc ë koc kök wat nhüim ke we ye cöör aya, ku luellkë, raan mël kuëenj rin luaj Nhialic, ke rot mac wëtde.

17 Wek aa mušöl ku cöör! Yenjö dit? Ye mäläj thith aye luak?

18 Ku benkë luel elä, raan mël kuëenj rin yik ka cün wëtde yic, ku na kuëenj mël rin ajuër ci tääu yenhom, ke rot mac wëtde.

19 Wek koc ci cör wepušth! Yenjö dit? Ye ajuër ci tääu yik nhom aye yik gušp ë loi bi ajuër ci tääu yenhom ya kën ë Nhialic?

20 Këya, tš kuëenj raan yik, ka kuëenj ye, ku käk ci juaar yenhom.

21 Ku tš kuëenj raan luaj Nhialic ka kuëenj ye ku Nhialic yen rëer thün,

22 ku tš kuëenj raan pan Nhialic, ka kuëenj mäacde, ku yenhom gušp.

23 “Koc piöoc lööj ku wek Parathï Awëenjkuil! Wek aa kälük kakkun cak puur yiic juër Nhialic, ku wek aacie käril ye lönj luel ye kuëec nhüim, cimën bi raan dhiel la cök ku lir pušu, ku kony koc kök ku cii koc ye ruëeny. Wek aa dhil kakkä muk nhüim, ke we cii mäl ë juër käj aya tënë Nhialic.

24 Koc mär koc, wek aacie käk wic Nhialic ye looi, ku aa käk puul yiic kek aa yakë ke kuëec nhüim.

25 “Koc piöoc lööj ku wek Parathï! Awëenjkuil! Wek aacii pušth la cök, wek aa cit biiny ku aduuk ye löok ksth, ku aa thiäj müith ye rum riel ku müith ye ke tušör nyin.

26 Wek koc Parathï ci cör wepušth! Kanjë biiny ku aduuk löok yiic, yen aabi kek ksth la wic aya!

27 “Koc piöoc lööj ku wek Parathï! Awëenjkuil! Wek aa thönj kek rënj ci buth, na tünj keksth ke dhënj apei, ku keyiic alönjthün aaci thiäj yom koc ci thou ku kërec kök.

28 Këya, wek aa cit rënjkä aya. Wek aaye raan ebën tünj we path gup ayeer, ku piäthkun alönjthün aaci thiäj ruëeny ku kërec kök ebën.

29 “Koc piöoc lööj ku wek Parathï! Awëenjkuil! Wek aa rënj buth tënë koc käk Nhialic tünj. Ku giätkä rënj koc path bik dhënj apei,

30 ku luellkë elä, na yo tš thün wäär nek wärkuan dit koc käk Nhialic tünj, nušt yok aa këc röt mat ë näakden yic.

31 Këya, ayakë gam ayic lön ye wek müth koc wäär näk koc käk Nhialic tünj!

32 Ku cit mënë ye wek koc ril nhüim, cün kë yakë gam, këriëec ebën atš wecin, thääpkë kërec wäär ci wärkušn dit juök!

33 Mith kapieny! Yakë tak bäk poth la pan mac këdë?

34 Ku rin ë wët kënë yen aci Wä we tušc koc käk Nhialic tünj. Ku ë köckä yiic, koc kök aa bäk nök, ku piäatkë koc kök tim ci rüu kšu, ku thatkë koc kök yönkušn amat yiic, ku yakë ke yöšp geeth yiic ebën.

35 Ku tädun ye wek luui thün kënë, abi awušč bi teem rin koc ci nök lööny weyiëth, juök nääk wäär nek Abel yet nääk Dhäkaria wën Barakia wäär näkkë luaj Nhialic.

36 Ku lëk Jethu ke, awušč bi gam rin ë kakkä ebën abi bën ë riëec kënë yeth.

Jethu ee koc gen Jeruthalem lëk (Lk 13:34-35)

37 “Wek koc gen Jeruthalem, wek aa koc käk Nhialic tünj nök, ku biöškkë koc ci Nhialic tušc we aleel. Aca wic arak juëc, ba we kony cimën dhie ye ajith miäthke kušm piny yewuk bi ke kony bi ke cii gop, ku wek aaci kuc.

38 Emën abäk tünj ke Nhialic ci yecin miëët bei, ku nyiënj pandun we.

39 Ku emën alëk we, ‘Wek acii ya bi ben tünj yet aköl bi wek röt guiir bäk ya lor tš ben yen dhuk.’ ”

24

Luaŋ Nhialic Jeruthalem abī thuŋr piny
(Mk 13:1-2; Lk 21:5-6)

¹ Tēwēn jiēl Jethu kal luaŋ Nhialic yic, ke kocken ye buoath bō tēnē ye ku luelkē, “Raan plōoc, tīŋ, ye luaŋdīt dhēēŋ nō kēnē!”

² Go Jethu bēēr, “Alēk we, yōōt dīt yakē tīŋkā aabī thuŋr piny ēbēn ka cīn alel tōŋ bī kōōc alel dēt nhom.”

Acī Jethu lēk atuōōcke lōn bī ke maan
(Mk 13:3-13; Lk 21:7-19)

³ Tēwēn rēēr Jethu gōn Olip nhom ē rot, ke kocken ye buoath bō tēnē ye ku thiēckē, “Lēk yo ye nēn bī kākā rōt looi, ku yenjō bī tē bī yīn dhuk pinyinhom ku thōk piny, nyuoath?”

⁴ Go Jethu lēk ke, “Duōōkkē rōt cōl aduēŋ.

⁵ Rin kōc juēc aabī bēn rienkiē, ku ye ŋek lueel, ‘Ke yen Raan cī lōc ku dōc.’ Ku aabī kōc juēc duōōŋ.

⁶ Duōōkkē diēer tē tīŋ wek tōŋ ke loi rōt, ku tē piŋ wek tōŋ kōk wuōt mec yiic. Kākā aa dhīl rōt looi, ku acie yen bēn thōk ē piny.

⁷ Rin wuōt aabī thōr kamken ku pan bēnyŋaknhom kek pan bēnyŋaknhom dēt aabī thōr aya. Cōŋdīt apeī abī tō thīn, ku ayiēkyiēk piny abī rot looi bēi juēc yiic.

⁸ Kākā kek aa kāk tuēŋ.

⁹ “Ku dēt, wek aabī dōm ku yēth we luk yic, ku wek aabī nōk. Ku wuōt ēbēn aabī we maan rienkiē.

¹⁰ Ku ē tēēn, kōc juēc cī wētdiē gam aabī rōt waar, ku kōc kōk aabī ŋek raandā aluōm ku man raandā ŋek.

¹¹ Ku awēŋ juēc aabī tuōl aya, ku aabī kōc juēc rac nhūm.

¹² Ku luoi kārec abī rot juak apeī, kōc juēc aabī gamden wai wei.

¹³ Ku raan bī yepuōu dēt yet tē bī yen thou, abī pīr akōlriēēc ēbēn.

¹⁴ Ku Wēt Puōth Yam kēnē rin bāāny Nhialic, abī kaŋ lēk kōc ēbēn pinyinhom bīk piŋ, ku jōl thōk piny bēn.

Kērec bī rot looi tēnē kōc Jeruthalem
(Mk 13:14-23; Lk 21:20-24)

¹⁵ “Ala akōl bī wek kērac apeī tīŋ, kēwāār cī Daniel raan kāk Nhialic tīŋ jam ē ye.” (Raan kuēn adhil kēnē deet yic!)

¹⁶ “Kōc rēēr Judia, ku tīŋkē ē kēnē, ka dhīl riŋ gat nhūm roor bīk la thiaān.

¹⁷ Ku na rēēr raan ayeer, ka cī ben la yōt bī la guik kē muk.

¹⁸ Ku na tō raan dom yic, ka cī ben dhuk baai bā alanhde la lōōm.

¹⁹ Diāār liēc ku diāār muk mīthkor aabī gum apeidīt ye nīnkā.

²⁰ Rōōkkē bī rot cīi loi wiir yic rut, tēdē akōl cīi kōc ye luui.

²¹ Kōc aabī gum apeī ye nīnkā, gum kēckē kaŋ yōk tēwāār cik Nhialic kōc agut cīt ēmēn. Ku acīi rot bī ben looi.

²² Na kēc Nhialic looi bī nīnkā cōl alik, ŋuōt acīn raan cī pīr. Ku rin kocken cī lōc, acī nīn cōl alik.

²³ “Wek aa lēk, na le raan yōōk we, ‘Tiēŋkē Raan cī lōc ku dōc kīn, tēdē ke lueel, tiēŋkē yen akan!’ Ke duōōkkē gam.

²⁴ Rin kōc juēc aabī bēn ku lueel ŋek, ee yen Raan cī lōc ku dōc, ku lueel raan dēt, ee yen raan kāk Nhialic tīŋ, ku loikē kāril kōc gōi, na lēukē, ke mār kōc cī Nhialic kuany.

²⁵ Tietkē rōt, kēriēēc ēbēn alēk we ēmēn bāk nhūm tīr kē bī bēn.

²⁶ “Kēya, na le raan lēk yī ēlā, ‘Yen akan atō roor tēēn!’ Ke yī duk la, tēdē, ‘Yen akīn acī thiaān tēn,’ Ke duk gam.

²⁷ Rin tē dhuk Manh Raan ka guōkē ŋic. Abāk tīŋ cīmēn bir deŋ dhie yen nhial reet yic, ku tīŋ lōŋ ku lōŋē.

²⁸ “Dēt aya, abī ciēt mēn dhie na cī cuōr kenhūm kut, ka la kē ŋuetkē.

Akōl bī Manh Raan bēn
(Mk 13:24-27; Lk 21:25-28)

²⁹ “Awiēc ku bāk ŋic aya, ye nīnkā, tē cī kōc jāl gum apeī, akōl abī kum nyin bī piny cuōl, ku pēi acīi bī ruēl. Ku kuēl aabī rōt yāāk ku lōōnykē.

³⁰ Kē bī bēn Manh Raan cōl aŋic abī tīŋ nhial, ku kōc ēbēn pinyinhom aabī yiic ŋēer kākken rac cik looi. Ku keek aabī Manh Raan tīŋ ke bō pial yiic nhial ke diik ku rieldīt apeī.

³¹ Ku abā atuōōcke tooc bīk kēcīt lōōr yup yic, bī kek kocken cī lōc kuōōt yiic pinyinhom ēbēn.

³² “Ŋiēckē ē kēnē tim cīt ŋaap, tē looi yen yōōk ku looi yīth, ke kēr acī thiōk.

³³ Kēya, tē tīŋ wek kākā ke loi rōt aya, ke ŋiēckē lōn cī yen thiōk apeī.

³⁴ Alēk we, wek aacīi bī mār tē cōk kākā rōt looi.

³⁵ Nhial ku piny aabī liu, ku wētdiē acīi bī kaŋ mār.

Rēēr yī cī rot guir
(Mk 13:32-37; Lk 17:26-30, 34-36)

³⁶ “Acīn raan ŋic akōl bī kākā rōt looi. Na cōk atuuc nhial, ayī Wēnde, ka cik ŋic. Ee Wā ē rot yen aŋic ye.

³⁷ Bēn Manh Raan abī ciēt kēwāār loi rot wāār pūr Noa.

³⁸ Ee nīnkā, aboōdīt nhom tuēŋ, kōc aake rēēr ke mīt puōth, ke ye luui ruēi ku yēi yet akōl le Noa riāi yic,

³⁹ ku ē cīn kēn ŋic yet tē bīi aboor. Ku muōu kōc ēbēn. Yen abī ciēt bēn Manh Raan aya.

40 Tëen na cök koc karou luui dom yic, ke raan tók yen abí nyaai ku nyiëej raan dët piny.

41 Ku diäär karou lui tëtök aabi ke tienj tók nyaai, ku nyiëej tinj dët piny.

42 “Këya, guierkë röt ku tiëerkë nhüm, rin wek aa kuc aköl bi Bänydun bën.

43 Yen acit kën na raan la baai njic tẽ bi cuär bën thün wakou, ka rëer ke yiën, ku cii cuär päl bi kärke nyaai.

44 Ke week aya, wek aa dhil rëer we tit, rin acäk njic ye nen bi Manh Raan bën.

Njic Bäny ku loi luuide akölaköl (Lk 12:41-48)

45 “Na ye këya, yeja alony path ku njic kähn apei, bi bëny nyäänj paande, bi kacke aa gäm miëth akölaköl?”

46 Alony mit guöp, alony bi bëny yök ke loi luuide apath tẽ dhuk yen!

47 Alëk we, abí alony këne tääu kärke yiic ebën.

48 Ku alony cii luuide bi njic looi, rin yen ye tak lon cii bënyde bi lac dhuk,

49 ku kuc koc pan bëny ciëej, ku ye cool wiet kek koc dek ë mäü,

50 ke bënyde abí la luät yeguöp aköl cii ye tak lon yen aköl bi yen bën.

51 Ku yeen abí bëny tẽm awuöcdit, ku met tẽ rëer koc rec thün, ë tẽen koc aa rëer ke dhiau ke njeny kelec.”

25

Käänj nyiir kathiaär

1 Ku ben Jethu kähn dët thösth, ku thööhj bëany Nhialic ëlä, “Nyiir kathiaär aake ci karken ye kek mer lööm ku lek yan thiëek yic.

2 Kam ë nyiirkä, nyiir kadhiëc aake pel nyin, ku nyiir kadhiëc aa cii nyin pel.

3 Nyiir aa bëlkä aake ci mermerken lööm ku cik miök dit muk.

4 Ku nyiir njic kähn aake muk mermerken ku miök dit tet aya.

5 Nawën ka athiëek gäüu bi cii loc bën, gokë tõe bik nin.

6 “Nawën wëer ciel yic, ke pinj duöot, ‘Athiëek abö, bäk ayeer ku luarké!’

7 Go nyiir awën kathiaär röt jot kedhie ku deëpkë mermerken.

8 Go mermer nyiir aabël cii dëp apath rin cin kek yiic miök. Gokë nyiir kökkä lim, ‘Miackë yo ë miök, mermerkua aaci dëp.’

9 Gokë bëer, ‘Miök acii yo thöj, lak tẽ ye miök yaac thün bäk la yööc miökdu.’

10 Go nyiir aabël la bik la yööc miök, ku go athiëek guö lök bën kecök. Go nyiir awën ci röt guiir la kal yic kek athiëek tẽwën dieer yai thün, ku thiök kal thok.

11 “Nawën la nyiir awën ci la yööc miök dhuk ke cöt, ‘Bëny, Bëny, njany yo kal thok!’

12 Go athiëek bëer, ‘Ye wek yija?’ Wek aacä njic!”

13 Ku wit Jethu wätde ëlä, “Rëerkë we ci röt guiir, rin wek aa kuc aköl bi yen bën.”

14 Ku ben Jethu kähn dët ben thösth ku lueel, “Bäany Nhialic abí thöj ke mony la keny wun dët, cä aluönyke cööl ku gëm ke wëüu bi kek lök luui.

15 Ku yik aluöny tók tim buöot. Ku gëm alony dët tim thiärdhiëc, ku gëm alony ye kek diäk tim thiäär. Ací wëüu tek këya cit tẽ njic njek luui thün, ku jiël bi la keny.

16 Go alony ci yiëk tim buöot, wëëuke la luööl ku yök tim buöot dët.

17 Ku lui alony ci gäm tim thiärdhiëc cimën alony wën aya, ku yök tim thiärdhiëc dët.

18 Ku la alony ci gäm tim thiäär wëüu bënyde la wuööt piny ebën.

19 “Nawën ke bënyden jöl dhuk, ku cööl aluönyke bi wëëuke bën kuëen nyin.

20 Go alony wäär ci gäm tim buöot bën ku lueel, ‘Bëny, wäär yin acä gäm tim buöot, ku emën tinj, yen ací tim buöot dët juak thün.’

21 Go bënyde leec luuiden peth ci looi ku lueel, ‘Yin ací wëüu lik njic muk apath ku juak keyiic, këya emën yin aba tääu kajuëc yiic ba ke muk. Bäär rëerku yo mit puöth yodhie.’

22 “Ku ben alony ci gäm tim thiärdhiëc bën ku lueel, ‘Bëny yin acä yiëk tim thiärdhiëc wäär le yin keny, ku yen ací lök luui ku juak tim thiärdhiëc dët thün.’

23 Go bëny leec luuiden ci njic looi ku lueel, ‘Yin alony puöth kähn tiit apath. Yin ací kälük tiit apath, ku emën yin abí tääu kajuëc nhüm, bäär miët puöu ë bëany bënydu yic.’

24 “Go raan ci tim thiäär lööm bën ku lueel, ‘Bëny, aca pinj lon ye yin raan col puöu rap këc puur tem, ku kuany käk ke këc ke wëer piny.

25 Këya, yen ací riööc ku la wëëuku wec piny, Njöl! Wëüu wäär ca kuëi ya aa kük.’

26 Go bëny lëk ye ëlä, ‘Alony rac, ku ye adak rot aya. Na njic lon ye yen rap tem, rap këc puur, ku lon ye yen kähn kuany, ku aa këc pok.

27 Nuöt yin ací wëëukië dhieel gäm raan njic luoi wëüu, na la dhuk ciëen, ke ya yök wëëukië ke ci keyiic juak.

28 Nyaaikë wëüu tënë ye ku gämke ke raan la tim buöot.

29 Rin raan kälük njic muk abí kärke juak yiic, ku raan cii kähn ye njic muk, abí këden tõe thün nyaai.

30 Ku cuatkë alony rëec këne muösth yic ayeer, ku tẽen dhiëüu abí tõe thün, ke kac yelec.’

Luñdüt

³¹ “Aköl bī Manh Raan bēn ke duaar, ku atuuc nhialic ēbēn ke cath ke ye, abī nyuc thōnyde nhom ke duaar pan Nhialic,

³² ku thāi ēbēn aabī guēer yenhom. Ku aabī tek yīc akuut karou, cīmēn raan la thōk, yen amēl ku apīyeem tek thook.

³³ Ku tēēu amēl kōjden cuēc ku apīyeem kōj cam.

³⁴ Ku Bēny abī kōc kääc lōj cuēc lēk, ‘Bāk, kōc cī Wā dōoc ku lōmkē bāāny cī guuir tēnē we tēwäär cik piny.

³⁵ Wēn cī cōk ya nōk, wek aacā muōoc kēcam. Ku wēn cī rou ya nōk wek aacā muōoc kēdek, ku wēn ye yen jāl, wek aacā lor pandun,

³⁶ ku wēn cīn yen lubo wek aacā rušk kōu, ku wēn tuēeny ya wek aacā la neem, ku wēn cī ya mac, wek aacā bēn tīj.’

³⁷ “Ku kōc wēn aabī wētde dhuk nhom ēlä, ‘Bēny, yī cuk tīj nen yī nēk cōk buk yī muōoc kēcam? Ku nēk rou yī buk yī muōoc kēdek,

³⁸ ku cuk yī tīj nen ke yī bō keny yic buk yī lor? Ku yīn acīn lubo goku yī rušk kōu?

³⁹ Yī cuk tīj nen ke yī tuany, ke yī cī mac buk yī la neem?”

⁴⁰ Ku abī Bēnyjahnōm lēk ke, wēt yic alēk we, ‘Kēriēc ēbēn cāk luši raan tōk kam wāmāthkiē thiikā, aa cāk luši ya aya.’

⁴¹ “Ku abī lēk kōc lōj cam, ‘Aa wek kōc cī cieen, jālke ē tēn bāk la many dēp yic akōlriēc ēbēn, many cī guuir tēnē jōnrac ku atuōocke ēbēn.

⁴² Rin wäär nēk cōk ya, wek aa kēc ya muōoc kēcam, ku nēk rou ya ku wek aa kēc ya muōoc kēdek.

⁴³ Ku wäär yen ē jāl ku wek aa kēc ya gōoj pandun, ku yen ya cīn kōu alath, wek aa kēc ya rušk kōu, ku yen a ya cī tuany, ku mac ya ku wek aa kēc bēn bāk ya neem.’

⁴⁴ Ku kōckui aya aabī thiēc, ‘Bēny, yī cuk tīj nen ke yī nēk cōk ku rou, ku ye nen yī bō keny yic, ku cīn alanh cej, ku tuany yī ku mac yī ku yīn akēcku kony?”

⁴⁵ Ku abī bēer, tēnē ke, ‘Wēt yic alēk we, kēriēc ēbēn kēckē luši wāmāthkiē thiikā, ka kēckē luši yen aya.’

⁴⁶ Ku keek aabī la tē bī ke reem thīn akōlriēc ēbēn, ku kōc path aabī la tē bī kek pīr thīn akōlriēc ēbēn.”

26

Amat nēk Jethu

(Mk 14:1-2; Lk 22:1-2; Jn 11:45-53)

¹ Nawēn cī Jethu thōk jam kek kōcken ye buōoth, ke lēk ke,

² “Cīmēn njic wek ye, Yan Ayum cīn yic luōu abī yecōk jōck nīn karou bī bēn. Ku Manh Raan abī luōm tēnē kōc rec bīk piāat tim cī rīūu kōu.”

³ Kaam awēn ke kōcdit kāk Nhialic ku kōcdit baai Itharel, aake mēt pan raandit kāk Nhialic cōl Kaipa,

⁴ ku guirkē tē bī kek Jethu dam thīn ke cī njic ku nāk.

⁵ Ku luelkē, “Acuk dām akōl yai. Yōk aabī tīit bī kōc kañ jāl, rin na dōmkū, ke kōc njoot yai yic, tēdē ke kōc juēc aa thār kek yō.”

Maria aci tē theek yen Jethu thīn nyuōoth
(Mk 14:3-9; Jn 12:1-8)

⁶ Tēwēn rēer Jethu Bethanī pan raan atuēt cōl Thaimon,

⁷ ke tik bō tēwēn mīth yen, ke muk tōny koor cī cuēc tōm ril la yic miōk njir ye yōoc wēū juēc apeī, ku kuem thok ku luuj miōk Jethu nhom ēbēn.

⁸ Go kōc Jethu buōoth puōth dak wēn tīj kek kēnē, ku jīemkē kamken, “Yenō tuuk yen miōk njir?”

⁹ “Miōk njir kēnē njōt aci yaac wēū juēc ku gēm wēū kōc njōj.”

¹⁰ Go Jethu kē luelkē njic, ku luelē tēnē ke, “Pālke, yenō nyieeny wek ye? Kē cī looi tēnē ya yen tīj, ee kēpath apeī.

¹¹ Kōc njōj aabī rēer kamkun akōlakōl, ku yen acī bī rēer kek we akōlakōl.

¹² Wēn luuj tīj kēnē miōk yaguōp, ee looi kēya bā tōc bī guāpdiē guuir bī jal thiēk.

¹³ Wek alēk yic, kuat tē bī Wēt Puōth Yam piōoc thīn pinyinhom, kē cī tīj kēnē looi, abī ya luelē bī ye atak.”

Judath aci Jethu yaac

(Mk 14:10-11; Lk 22:3-6)

¹⁴ Nawēn ke raan tōk kam atuuc kathiäär ku rou, cōl Judath Ithkariōt la tēnē kōcdit kāk Nhialic

¹⁵ ku luelē, “Yenō bāk yiēk ya tē thōn yen we Jethu?”

¹⁶ Gokē gām wēū juēc. Ku jal tē bī yen Jethu dām thīn wic.

Jethu aci miēth yai cam kek atuōocke

(Mk 14:12-21; Lk 22:7-14, 21-23; Jn 13:21-30)

¹⁷ Nawēn akōl tuēj Yandit Ayum cīn yic luōu, ke kōc Jethu buōoth bō tēnē ye, ku thiēcēk, “Ye tēnen wic bī yōk miēth yai guuir thīn tēnē yī?”

¹⁸ Go bēer, “Lak geeu tēnē njēkdīt ku lēkkē ye, ‘Aye Bānyda luelē, akōl bī luōidiē thōk aci bēn. Ee paandu yen abī yen Yan Ayum cīn yic luōu cam thīn kek kōckiēn ya buōoth.’ ”

¹⁹ Go kōc ē biōōth kē cī Jethu lēk ke looi, ku guirkē miēth yai.

²⁰ Nawēn la thēi bēn ke Jethu nyuc kek kōcken ye buōoth kathiäär ku rou bīk mīth.

²¹ Tēwēn mīth kek ke luelē Jethu, “Wek alēk yic, raan tōk kamkun abā luōm.”

22 Gokë puŝth riääk apei ku gëikë, ku thiëckë tók-tók, “Makei! Ye yic? Ye ʒen Bëny?”

23 Go Jethu bëër, “Ee raan tók kamkun lut yecin kek ʒa adušk yic, yen ë raan bi ʒa gaany.

24 Ee yic, Manh Raan abi nök cit tē ci gät ye rienke athör theer yiic. Ku raan bi ye luom abi gum apei! Ku anuëin tēnē ye diët kēc kan dhiëth.”

25 Ku Judath aya, ëci Jethu thiëc, “Raan piöoc, ye ʒa?” Go Jethu bëër, “Ee yi.”

Guirku röt apath buk gušp Bëny rom

26 Tëwën mith kek, ke Jethu lóm ayup ku döoc ku beny yic, ku gëm kacken ye buoath ku lueel, “Lömkë kënë, ku camkë, kënë ee guäpdie.”

27 Ku lööm aduŋ ci thiän mušn abiëc, ku leec Nhialic ku gëm ke ku lueel, “Dëkkë thün ëbën.”

28 “Kënë ë riemdië, riem döör kek Nhialic, bi kuër rin bi adumušm koc ëbën päl piny.

29 Alëk we, ʒen acii bi ben dek mušn abiëc pinynhom tēn kek we, ʒet aköl bi ʒok ye dek ʒodhie pan Nhialic.”

Jethu aci kë bi Piter ye jai lueel

(Mk 14:27-31; Lk 22:31-34; Jn 13:36-38)

30 Nawën cik jäl thök ke ket waak ku lek gon Olip cök.

31 Ku lueel Jethu tēnē ke, “Wek kackië, wek aabi kat ʒa ë wëër kënë cimën këwäär ci gät athör theer wël Nhialic yic ëlä, “ʒen abä abiöök cöl anäk ku amël aabi wëer.”

32 Ku tē ci ʒen rot ʒot ran ʒic, ke ʒen abi kan ʒa Galilia ba we la tiit thün.”

33 Go Piter lueel tēnē Jethu, “ʒen acii bi kat tē cök koc ëbën kat yi!”

34 Go Jethu bëër, “Alëk yi, ee wëër kënë, ke thün ajith këc kiu, yin abä jai arak diäk.”

35 Go Piter dhušk ye, “Na cök ʒa nök kek yi, ke yin acä bi kan jai.” Ku lueel kacken cök ye buoath ëbën këya.

Jethu arösk ke ʒic lon bi ye nök

(Mk 14:32-42; Lk 22:39-46)

36 Kaam wën ke Jethu kek kacken ye buoath la tē cöl Jethemani, ku lueel tēnē ke, “Nyušöckë tēn, ku yiënkë, ʒen ala tēen ba la röök.”

37 Ku cöol Piter ku wëët Dhubedi karou, ku ʒol rëer ke nek atiëel, ku dhiëcu apei yepušu.

38 Ku lueel tēnē ke, “ʒen adhiau pušu apei, ee thou gušp. Rëerke tēn ku yiënkë.”

39 Ku le tuen ʒethin-nyoat, ku rëeny rot piny ke gut yenhom piny ku röök ëlä, “Wä, na lëu rot ke yi cöl këreec tit ʒa acii bö. Ku acie wët piändië, ee wët piändu.”

40 Nawën ke dhuk tēnē ke kadiäk ku ʒök ke ke nin. Go lueel tēnē Piter, “Niënkë! Cäk yiën ʒethin-nyoat? Yen ʒo ye wek nin këlä?”

41 Yiënkë ku röökkë bi we cii them jakreec. Pušu ë gam ku gušp acin riël.”

42 Ku ben jäl ku le röök ëlä, “Wä, na cii këreec kënë jiël, ke wët piändu abi rot looi.”

43 Ku ben dhuk tēnē ke, ku ben ke ʒök ke nin, rin ci nin ke göök apei.

44 Goke nyään piny ku ben jäl, ku ben la röök cimën awën, kën ye kek diäk.

45 Ku dhuk tēnē kacken ye buoath ku lueel, “Not we nin! Läänkë? Tēn nin aci thök, tiënkë Manh Raan aci luom koc rec. Ëmën tē bi ʒa jal thün koc rec aci ʒëet.

46 Raan cä luom aci bën. Jatkë röt, lokku buk röml!”

Jethu aci döm

(Mk 14:43-50; Lk 22:47-53; Jn 18:3-12)

47 Tëwën not ʒiëem yen, ku Judath raan tön koc atuuc kathiäär ku rou ʒëet. Ku yeen ë cath kek koc juëc muk paal ku atuel, ke ci kocdit käk Nhialic ku kocdit baai tooc.

48 Ku Judath aci koc awën cath kek ye, lëk tē bi kek raan wickë bik bën döm ʒiëc thün, ëlä, “Raan ba mušöth ku ciëem yen ë raan wickë. Damkë ku kuathkë.”

49 Kaam wën ʒëet Judath, ke la tēnē Jethu nyin yic ku lueel, “Bëny,” ku mušöth ku ciim.

50 Go Jethu bëër, “Mäthdië, loi kënë bi yin ë tēn.” Go koc awën bën ku dömkë Jethu ku derkë.

51 Go raan tók kam koc awën rëër kek Jethu palde miëet bei, ku tók alony lui pan raandit käk Nhialic yic, abi tæem yic wei.

52 Go Jethu lëk ye, “Dhušk paldu tēden awën, koc ye wic bik koc nök, aabi thou aya këya.

53 Cäk ë tak lon nadë, ka lëu ba Wä thiëc bi ʒa tuëc atuuc nhial juëc apei bik ʒa bën kony?”

54 Ku na ye këya, ke wël athör theer Nhialic bi röt tiëen, wël ye lueel ka dhil rot looi këlä?”

55 Ku kaam wën ke lueel Jethu tēnē ke ëlä, “Cäk bën we muk atuel ku paal bäk ʒa bën döm, ciët ʒa ye raan koc rum? ʒen ee rëer kek we akölaköl ʒa piöoc koc luon Nhialic, ku wek aa këc ʒa döm.

56 Ku kënë aci rot looi bi kë ci gät athör theer wël Nhialic yiic yenhom tiëen.” Ku ʒol kacken ye buoath ëbën nyään piny ku ketkë.

Jethu aci ʒath luŋ bany Itharel yic

(Mk 14:53-65; Lk 22:54-55, 63-71; Jn 18:13-14, 19-24)

57 Ku ʒol koc awën ci Jethu döm, Jethu ʒath pan Kaipa luk yic, ci bany käk Nhialic Itharel, ku koc piöoc löön kenhiim mat thün.

58 Ku Piter ë biöth, ke mec koc cök ciëen agut tē ʒëet yen pan bëny luk yic. Ku nyuuc kek koc bëny tiit, ku ʒol rëer bi kë lui Jethu tün.

⁵⁹ Bány luk ku kócdit kák Nhialic aake cí nyuc bík Jethu wíc gušp awušč cí looi, rin bí kek ye tēm thou.

⁶⁰ Ku acín awušč cí bēn yók, cək alán ye kəc juēc ye luəm lueth, ke wəlken akēc rəm. Nawēn ke kəc karou jət röt,

⁶¹ ku luelkē, “Acuk piŋ ke lueel, ‘Yen abi luəŋ Nhialic kēnē thušr piny, ku na ye akól ye nín diäk ke yen abi dēt buth nyiende.’ ”

⁶² Go Kaipa raandit kák Nhialic rot jot ku thiēc Jethu, “Cín wēt dhuk nhom ē wəl cí lueel yigušpká yiic?”

⁶³ Go Jethu biət. Go Kaipa bēn lək ye, “Yin athiēc rin Nhialic ba lək yo lón ye yin Raan cí lóc ku dəc, Manh Nhialic.”

⁶⁴ Go Jethu lək ye, “Ee yic, cit tē ca luəl ye. Ku anot lək we ebēn lón emēn yet tuen, wek abā Manh Raan jāl tūŋ ke cí nyuc cuēny Nhialic ŋic kəŋ looi ebēn, ku bii puəl nhūm nhial.”

⁶⁵ Go Kaipa aláthke ret yiic yekəu ku lueel, “Ací Nhialic təon gušp. Yenō ŋot wícku kəc kək bí bēn jam kək cí looi emēn? Ku wek aaci tē təon yen Nhialic thín piŋ.

⁶⁶ Yenō yen wētđun?” Gokē bēer, “Ala gušp awušč, adhil nək.”

⁶⁷ Ku jəl kəc kək aa ŋušt nysin ku guutkē kecin. Ku lək kəc kək ye tēwēn ye kek ye gut,

⁶⁸ “Raan cí lóc ku dəc, meək raan yí gut?”

Piter ajei Jethu

(Mk 14:66-72; Lk 22:56-62; Jn 18:15-18, 25-27)

⁶⁹ Kaam wēn ŋot rēer Piter piiny kal yic pan bēny, ke nyen lui pan Kaipa bō tēnē ye ku lueel, “Yiin aya, yin yí rēer kek Jethu raan Galilia.”

⁷⁰ Go jai kenhūm ebēn ku lueel əlä, “Yen acii raandun ye lueel ŋic dien. Ku kē ye lueel acā cak deet yic aya.”

⁷¹ Ku ler ayeer. Go nyen dēt alony bēn ku lək kəc awēn káac thín, “Mony kēnē ē ye rēer kek Jethu raan Nadharet.”

⁷² Go Piter bēn jai ku kuēŋ ku lueel, “Yen akuc mony kēnē.”

⁷³ Ku kaam awēn, ke lueel kəc káac thín tēnē Piter. “Ee yic, yin ē raanden rin yin ē raan Galilia, yin ē jam cimēnden.”

⁷⁴ Go Piter rot bēn kuēŋ, “Nhialic abā nək tē cí yen yic luel! Yen akuc raan jleem wek riənke!” Nyin yic tēwēn ke thən ajith kiu.

⁷⁵ Go Piter kēwäär cí Jethu lək ye tak. “Tuen ke thən ajith kēc kiu, ke yin abā jai arak diäk.” Ku ler ayeer ke cí gušp yār ku dhieeu.

27

Kəc Itharel aaci Jethu gaany tēnē Pilato
(Mk 15:1; Lk 23:1-2; Jn 18:28-32)

¹ Nayon nhiäk rial yic, ke bánydit kák Nhialic, ku kócdit baai mēt tē bík luši Jethu ku bík nək.

² Gokē rek ku kuēthkē tēnē bēnydit Pilato, raan Roma.

Judath aci thou

(Luoi 1:18-19)

³ Nawēn ke Judath, raan wäär goony Jethu tūŋ, lón cí Jethu tēm thou, ke riáak pušu apei ku dhuk wēeu ke cí ye riəp ciēen tēnē bány luk.

⁴ Ku lueel, “Yen aci kērac looi rin cí yen raan cín gušp awušč luom ē lueth.” Gokē bēer, “Ee wētđu, acín kēda thín.”

⁵ Go Judath wēeu cuat kal luəŋ Nhialic yic, ku le rot nōök.

⁶ Go bány kák Nhialic wēeu kuany ku luelkē, “Acii path buk wēeuká mat wēeu ye juaar yiic yon Nhialic, rin ye kek wēeu ē riem.”

⁷ Ku jolkē tē bí kek wēeu luəoi thín guēek yic. Nawēn ke matkē yic bík piny ye ke tiəp wec thín kəc cuēc ē tony, yəoc ē wēeuká, ku bí ya tē ye kəc thái cí thou Jeruthalem thiək thín.

⁸ Ku ē yen kē ye dom kēnē cəol, ke cəl, “Tiam Riem,” agut ya akólē.

⁹ Ku kēnē cí Jeremia, raan kák Nhialic tūŋ, lueel əlä theer aci yenhom tiεŋŋ,

“Aaci wēeu lööm, wēeu kek ke cí kəc Itharel gam bí ya kek yəoc yeen,

¹⁰ ku yəoc kek piny raan cuēc ē tony cimēn cí Bēny ye lək yen.”

Pilato aci Jethu thiēc

(Mk 15:2-5; Lk 23:3-5; Jn 18:33-38)

¹¹ Ku Jethu ē káac Pilato nhom. Go Pilato thiēc, “Ye yin Bēnyŋaknhom kəc Itharel?”

Go Jethu bēer, “Ee yen, cit tē ca luəl ye.”

¹² Ku acín wēt cí bēer wəl juēc ke ye bány Itharel lueel yegušp.

¹³ Go Pilato thiēc, “Cii kajuēc cí yí gaanyká ye piŋ?”

¹⁴ Go Jethu biət ke cí wēt Pilato bēer. Go Pilato gái apei.

Jethu aci tēm thou

(Mk 15:6-15; Lk 23:13-25; Jn 18:39-19:16)

¹⁵ Rušən ebēn, akól Yan Ayum cín yic luəu, bēnyŋaknhom ee raan tók kam kəc cí mac lony, tē wíc kəc baai ye bí lony.

¹⁶ Ku ē rušən kēnē raan cí käreç apei looi cəl Barabath ē mac.

¹⁷ Nawēn cí kəc kenhūm kut, ke thiēc Pilato əlä, “Yenə wičkē ba lony tēnē we, ye Barabath aye Jethu, ye cəl Raan cí lóc ku dəc?”

¹⁸ Rin ee ŋic Pilato lón ē yen tiεl yen ē thón kek Jethu ye.

19 Tëwën cî Pilato nyuc thönyde nhom luk yic, ke tuc tieŋde wët, “Duk them ba yithok mat raan cîn kē cî wuöc kēnē guöp, kēde ē bēn yanhom kecīt nyuöth wēn aköu bā pēn nīn.”

20 Ku kōc ater Jethu aake kōc kuööt thook bīk lēk Pilato bī ya Barabath yen lony, ku cōl Jethu anāk.

21 Nawēn thiēc Pilato ke, “Yeŋa kamken karou wiäckē ba lony tēnē we?” Gokē lueel, “Ee Barabath.”

22 Go Pilato ke thiēc, “Yeŋö ba looi tēnē Jethu raan ye lueel ka cî loc ku döc?”

Gokē rek yic ēbēn, “Apiēēt tim cî rīiu kōu.”

23 Go Pilato ke bēn thiēc, “Yeŋö? Ye awāc ŋö cî looi?” Gokē bēn rek yic röldīt apeī, “Apiēēt tim cî rīiu kōu.”

24 Nawēn tīŋ Pilato ke cīi bī lēu, ku tīŋ aya ka aliäap bī rot looi, ke cōl piū ku lök yecin kenhīim ke dēci kek ēbēn ku lueel, “Thon ē raan kēnē aliū yacin! Arēēr wecin.”

25 Gokē dhušk ye ēbēn ke ke cî puöth dak, “Riemde abī tāu yocin ku miethkua cin aya.”

26 Go Pilato Barabath lony. Ku wēn cī yen apuruuk yōök bīk that ku ŋakkē nhom kuöoth, ke gēm ke bīk la piäät tim cî rīiu kōu.

*Apuruuk aaci Jethu bui
(Mk 15:16-20; Jn 19:2-3)*

27 Go apuruuk Pilato, Jethu kuaath pan bēnyŋaknhom. Ku jōl apuruuk ēbēn gōömm piny.

28 Ku dēkkē alāthke bei ku rukkē alanh thith lual yekōu.

29 Ku cuäckē kou ku ŋek kek yenhom, ku tēükē wai ciinden cuēc. Ku gutkē kenhiäl piny yenhom bīk nyuöoth ciēt leckē ku buikē, “Mādho Bēnyŋaknhom, Bēny Itharel.”

30 Ku ŋuutkē guöp ku yuupkē nhom wai.

31 Wēn cī kek ye jal bui kēlä, ke dēk alanh wēn bei, ku dhukkē alāthke yekōu. Ku kuathkē bīk la piäät tim cî rīiu kōu.

*Jethu aci piäät tim cî rīiu kōu
(Mk 15:21-32; Lk 23:26-43; Jn 19:17-27)*

32 Tëwën le kek tē ye kōc la nōk thīn, ke rām kek mony cōl Thaimon raan pan Thirene, gokē dōm riäl bī tim cî rīiu ket.

33 Ku yeetkē tē cōl Golgotha. (Ku wētde yic, gon la guen-ŋen cīt apen nhom raan.)

34 Ku gēm kē Jethu muön abiēc cī liäap wäl kec cōl gal bī dek, nawēn thiēp ke kuēc ye.

35 Gokē piäät tim cî rīiu kōu, ku cuetkē gek bīk alāthke tek kamken.

36 Ku jōlkē rēer bīk tiit.

37 Ku jōlkē awuöc yekē tak ke cī Jethu looi göt yenhom nhial tim cî rīiu kōu ēlä, “KĒNĒ Ē JETHU BĒNYŊAKNHOM ITHAREL.”

38 Ku piēetkē cuēr karou kek Jethu tiim cī rīiu kōöth aya, raan tōk lōŋ cuēc ku raan tōk lōŋ cam.

39 Ku jōl kōc ke ye tēek tēwēn, Jethu aa cuiit ku latkē ku luelkē,

40 “Ee yīn wäär ye lueel lōn bī yīn luanŋ Nhialic thuör piny ku buh nīn kadiäk! Kony rot tē ye yīn Manh Nhialic! Bäär piny tim cī rīiu kōu!”

41 Ku bui kōc kāk Nhialic, ku kōc gāt lööŋ ku kōcīt baai.

42 “Ee kōc kāk kony ku cīi rot kony! Cie yen Bēnyŋaknhom Itharel? Cōl abō piny tim cī rīiu kōu ēmēn, ku abuk jāl gam!”

43 Yeen ē Nhialic ŋösth, cōl ajōl Nhialic kony ēmēn tē wīc yen ye. Rin aye lueel ēlä, yen ē Manh Nhialic.”

44 Agut cuēr awēn cī piäät tiim kōöth kek ye, ee yekē tōn guöp aya.

*Jethu aci thou ayic
(Mk 15:33-41; Lk 23:44-49; Jn 19:28-30)*

45 Nawēn akōl ciel yic ke muösth loi rot yet tään akōl pan awēn.

46 Nawēn tään akōl ke Jethu cōt röldīt, “Eli, Eli, lama thabakthani?” Ku wētde yic, “Nhialicdiē, Nhialicdiē, yeŋö pēl yīn ya wei.”

47 Nawēn piŋ kōc kōk ke kääc ē tēnē, ke luelkē, “Mony kēnē acōl Elija.”

48 Go raan tōk kat ku lut alath muön wac yic, ku tēu wai thok ku yōök Jethu thok.

49 Ku lueel kōc kōk, “Titku buk tīŋ lōn bī Elija bēn bī bēn kony!”

50 Ku jōl Jethu keŋ apeī ku thou.

51 Kaam wēn ka alanh ye gēēŋ bī luanŋ Nhialic tek yic alōŋ thīn rēet yic rou, jōök nhial yeet piny. Ku loi ayiēkyiēk dīt rot ku yer piny yic.

52 Ku ŋany rēŋ kenhīim, ku gup kōc juēc, kōc path wäär cī thou aaci bēn pīr ku jōtkē rōt.

53 Ku wēn cī Jethu rot jōt, ke jiäl rēŋ nhīim ku lek Jeruthalem ku nyuthkē rōt kōc juēc.

54 Nawēn tīŋ bēny apuruuk ku apuruukken ke tit Jethu, ayiēkyiēk piny ku kāk cī rōt looi ēbēn ke riśc apeī, ku luelkē, “Yeen ē Manh Nhialic guöp alanden.”

55 Diäär juēc aake tō thīn, ku keek aake daai tēmec. Wäär rēer Jethu Galilia, ē ye diäärkā buöth bīk mieth aa looi tēnē ye.

56 Kam ē diäärkā, Maria Magdalena ku Maria man Jemith ku Jothep, ku jōl a man wētē Dhubedi aake tō thīn aya.

*Jethu aci thiök
(Mk 15:42-47; Lk 23:50-56; Jn 19:38-42)*

57 Wēn col piny, ke mony ajak gen Ari-matheo cōl Jothep cī wēt Jethu gam bō.

58 Ku ler tēnē Pilato ku thiēc guöp Jethu bī la thiök. Go Pilato lēk apuruuk bīk gām ye.

⁵⁹ Go Jothep guşp Jethu b̄ēi piny tim k̄su ku der alanh ʔer,

⁶⁰ ku t̄ēu raŋ cī wec kuur yic. Ku l̄or kuur d̄ittet raŋ thok ku jiēl.

⁶¹ Maria Magdalena ku Maria d̄ēētē aake cī nyuc ke cī kenh̄im w̄el raŋ.

Koc tit raŋ

⁶² Nawēn akōl Dātem akōl b̄ō akōl Dhiēc cōk, ke kocd̄it kāk Nhialic ku koc akut Parath̄i la tēnē Pilato,

⁶³ ku luelkē, “Bēny, acuk tak, wāār p̄ir aluenh kēnē ēci luelēl ēlā, ‘ʔen ab̄i b̄en p̄ir n̄in kadiāk cōk.’

⁶⁴ Kēya, l̄ek apuruuk b̄ik raŋ tiit apath ʔet akōl ye n̄in diāk, rin b̄i kocken ye buōth guāpde c̄i kual ku tōrkē tēnē koc l̄on cī ye j̄ot thou yic. Ku luenh ciēen ab̄i d̄it ap̄ei tēnē luenh tuen.’”

⁶⁵ Go Pilato l̄ek ke, “Calkē apuruuk b̄ik raŋ la tiit apath c̄it tē w̄ic wek ye th̄in.”

⁶⁶ Gokē la ku buthkē raŋ thok ku thanykē thok ē kiēnden ku t̄ēukē apuruuk raŋ nhom b̄ik tiit.

28

Jethu ac̄i rot j̄ot raŋ yic

(Mk 16:1-10; Lk 24:1-12; Jn 20:1-10)

¹ Naʔon nhiāk rial akōl Nhialic ke Maria Magdalena ku Maria d̄ēētē, la b̄ik raŋ la neem.

² Ku kaam awēn ka ayiēkyiēk piny d̄it ap̄ei loi rot, ku b̄ō atuny Nhialic ku l̄or alēl wei raŋ thok, ku nyuuc yenhom,

³ ke ceŋ alēth ʔer ap̄ei la toptop, ku d̄ep nyin c̄it ye deŋ b̄ier.

⁴ Go apuruuk puōth jieth ku riōckē ap̄ei ab̄ik ril wei ciēt koc cī thou.

⁵ Go atuny Nhialic jam tēnē diāār ku luelēl, “Duōckē riōc, aŋiēc wek aa w̄ic Jethu wāār c̄i piāat tim cī riū.

⁶ Aliu tēn, ac̄i rot j̄ot c̄it tēwāār cī luēl ye. Bāk, tiēŋkē tēwāār cī ye tāau th̄in.

⁷ Lackē la bāk la l̄ek kocken ye buōth, ‘L̄on cī yen rot j̄ot raŋ yic ku ala Galilia b̄ik la r̄om th̄in.’ Lak l̄ekkē ke kēya.”

⁸ Go diāār jāl raŋ nhom ke ban kekōth ke cī riōc, ku keek ke mit puōth aya, b̄ik thok riēeŋ tēnē kocken ye buōth.

⁹ Kaam awēn ke Jethu r̄am ke ke ku luelēl, “B̄i d̄ōr arēer kek we.” Gokē b̄en tēnē ye ku cuetkē r̄ot piny yenhom ku d̄amkē cōk ku dorkē.

¹⁰ Go Jethu l̄ek ke, “Duōckē riōc,” “Lak l̄ekkē wāmāthkiē b̄ik lac la Galilia tē b̄i ʔok la r̄om th̄in.”

Apuruuk aac̄i kē c̄i rot looi la luel

¹¹ Tēwēn ŋoot diāār dh̄el yic ke la geeu, ka apuruuk ab̄ek, apuruuk ke tit raŋ yiic, la geeu ku lek b̄any l̄ek kāk cī r̄ot looi ēbēn.

¹² Go b̄any Itharel amat c̄ool. Nawēn c̄ik kē c̄i rot looi jāam yic, ke matkē yic b̄ik apuruuk gām wēū juēc ap̄ei,

¹³ ku b̄ik luelēl, “L̄on ē niin kek nawēn ke koc Jethu buōth b̄ō wak̄su ku kualkē guāpde ʔo nin.

¹⁴ Ku na piŋ Bēnyŋaknhom ē wēt kēnē, ke ʔok aabi jam ke ye b̄i ciēn kēreec ʔok we.”

¹⁵ Go apuruuk wēū d̄om ku j̄olkē wēt awēn c̄i b̄any ke kuōt thook aa luel. Ku j̄ol wētden thiēi koc Itharel ȳith. Ku ē yen kē yekē luelēl agut ya akōl.

Jethu ac̄i rot nyuōth kocken ye buōth

¹⁶ Nawēn ke kocken ye buōth kathiāār ku t̄ok l̄ōny dh̄ol b̄ik la Galilia. Ku lek got nhom tē c̄i Jethu l̄ek ke b̄i kek la r̄om th̄in.

¹⁷ Tēwēn tiŋ kek ye ke dorkē, ku koc k̄ok keyiic aake diu ciēt cie Jethu ayic.

¹⁸ Go Jethu rot cuōt ke ku luelēl, “ʔen ac̄i yiēk riel nhial ku piny.

¹⁹ Lak pinyinhom ēbēn ku l̄ekkē koc wēt diē. Ku miackē kenh̄im Rin Wun, ku Wēnde ku Wēi Nhialic,

²⁰ ku piōckē ke b̄ik k̄ajuēc ca l̄ek we gam. Ku muōkkē wenh̄im l̄on ʔen ab̄i rēer kek we akōlakōl ʔet th̄ok ē piny.”

Wël Jethu cî Marko gôt Wët nom

Wël path kôc cöl amit puõth, kek ye kôc cî gam piõcc rin Jethu cî Marko gôt, aaye jôck wët cî yen ye lueel ëlä, “Wët Puõth Yam rin Jethu raan cî löc ku döc, Wën Nhialic.” Jethu acî nyuõath lön ye yen raan ë luui ku ala riël. Rielde aye tîj piõccde yic, ku rielden yen jakrec cuõp wei kôc gup, ku lön yen adumuõõm cî looi päl piny. Jethu ë ye jam rienke lön yen ke Manh Nhialic cî bën, ku bî rot gam bî nõk, bî kôc poth la pan mac.

Marko acî wël Jethu gôt dhël la cök, cîn yic lueht. Ku acî kâk cî Jethu looi teet yiic apath, ku aacie wël cî lueel ku kâk cî piõcc kek cî gôt kepëc. Yeen aya, acî wël kôk cit maany kañ gôt rin Joon raan kôc muõcc nhüim, ku lön cî Jethu them ë jöñrac. Ku gët kâk cî Jethu looi, cimën piöcc ku kë ye yen kôc tuany kony bik pial. Tëwën cî Jethu kôc piõcc, ke kôc cî wëtde gam, aake cî kâk ke ye looi ya deet yiic, ku kôc ke man Jethu aaci puõth bën riääk apei. Wël abëk cî Marko gôt athör yic ciëen, aa kâñ karou cî rôt looi tënë Jethu wäär pinyhom nün kadhrou thuände nom tuenj, kë cî kôc man ye ye döm ku piëët tim cî rüu kôu bî thou, ku kë cî yen ben pîr ku jöt rot ranj yic.

Ala kâñ karou, wël Jethu cî Marko gôt thik kecök, aye tak kôc juëc ciët ye raan dët yen met ke thün.

Kâk tã thün

- Jâk cök Wël Puõth Yam 1:1-13
- Piöcc ë Jethu Galilia 1:14-9:50
- Jäl Jethu Galilia bî la Jeruthalem 10:1-52
- Nün ciëen kadhrou thuände nom tuenj 11:1-15:47
- Jethu acî rot jöt thou yic 16:1-8
- Jethu acî rot nyuõath ku jöt nhial 16:9-20

Piöcc Joon raan kôc muõcc nhüim (Mt 3:1-12; Lk 3:1-18; Jn 1:19-28)

¹ Wët kënë ë Wët Puõth Yam rin Jethu raan cî löc ku döc Wën Nhialic.

²⁻⁴ Wäär këc Jethu piõccde guõ jôck Joon raan kôc muõcc nhüim ëcî piõccde jôck roor tã cüi ceñ. Ku wëët kôc ëlä, “Pälkë luoi kârec, ku calkë röt aa muõcc nhüim rin bî adumuõõmkun päl piny tënë we.”

Ku tuenj ëcî Ithaya raan kâk Nhialic tîj gôt ku lueel ëlä, “Të ler yün, yen abî raan tök kam kôc kâkkië luëel cöl alëk kôc, bik yün tiit.”

Ku ben Nhialic lueel aköl dët ëlä, “Raan kâkkië tîj abî kë cit löör gut yic bî yen kôc caal tãde ë rot, ku lëk keek ëlä,

‘Guiërkë dhël ë Bëny, luoiëkë dhülke bik la cök.’”

Tëën, go Joon kôc aa piõcc tãde ë rot.

Nawën gamkë wëtde ke muõcc nhüim, ku ye lëk ke ëlä,

“Pälkë luoi adumuõõm ku calkë röt aa muõcc nhüim,

yen abî Nhialic adumuõõmkun päl piny.”

⁵ Kôc juëc pan Judia ku gen Jeruthalem aaci wët tënë ye, ku lekkë adumuõõmken, ku jöl Joon ke muõcc nhüim wär Jordan.

⁶ Joon ë ye ceñ alëth cî looi nhiëm thärl, ku ceñ gôop yen anjum, ku müth ke ye cam aa koryom ku kiëc.

⁷ Ku ë ye lëk kôc, “Raan bî bën ë nün thioökkä adit ku aril tënë ya apei. Yen acî thöñ kek ye, nadë ke ya cök guñ ba warke dök.

⁸ Wek aaya muõcc nhüim piü, ku yeen abî we muõcc nhüim Wëi Nhialic.”

Jethu acî muõcc nom ku acî jöñrac them (Mt 3:13-4:11; Lk 3:21-22; 4:1-13)

⁹ Ye ninkä yiic ke Jethu bö gen Nadharet tã pan Galilia tënë Joon, ku muõcc Joon nom wär Jordan.

¹⁰ Tëwën bî Jethu bei wüir, ke tîj nhial ke liep rot ku tîj Wëi Nhialic ke bö yenhom ke cit kuur ë dit.

¹¹ Ku pinj rôl Nhialic nhial ke lueel, “Yin ë manhdien nhiaar, yen amit puõu ke yi.”

¹² Kaam awën ke Wëi Nhialic la yeguõp ku yëth roor tã cüi ceñ.

¹³ Ku jöl Jethu rëer roor tã cüi ceñ nün thiärñuan kek lääi, ku ë ye jöñrac them. Ku atuuc nhial aaci bën ku konykë.

Jethu acä amëi kañuan cöl (Mt 4:12-22; Lk 4:14-15; 5:1-11)

¹⁴ Wën cî Joon döm, ke Jethu dhuk pan Galilia ku le kôc piõcc Wët Puõth Yam.

¹⁵ Ke ye lueel, “Aköl la cök acî bën, bäany Nhialic athioök! Pälkë luoi kârec ku gamkë Wët Puõth Yam.”

¹⁶ Tëwën kueny Jethu wär Galilia you, ke tîj amëi karou, Thaimon kek Andria wämënh ke döm rec buoi.

¹⁷ Go Jethu lëk ke, “Biathkë ya ku wek aba piõcc bäk kôc aa döm.”

¹⁸ Gokë biaiken nyääñ piny nyin yic ku buathkë Jethu.

¹⁹ Wën le Jethu tuenj tëthin-nyoot, ke tîj Jemith wën Dhubedi ku Joon wämënh ke tã riäi yic ke guir biaiken.

²⁰ Go Jethu ke cöl bik jäl ke ye. Gokë wunden Dhubedi nyääñ piny riäi yic kek kôc cik riöp, ku buathkë Jethu.

Jethu ala riël yen jöñrac cuõp wei (Lk 4:31-37)

²¹ Goké la Kapernaum. Nawën aköl cii kóc Itharel ye luui, ke Jethu la tē ye kóc Itharel kenhiiim mat thün ku piöoc.

²² Go kóc gäi ē piöocde, rin aaci piöoc apath ke la riel Nhialic, cii thöj kek kacken piöoc ē lööj.

²³ Kaam thiin awën, ke raan tō kam kóc tēn amat kóc Itharel, ke la guöp jorrac, jam ke ci yeröl jöt apei älä,

²⁴ “Yenö wic tēnē yo Jethu raan gen Nadharet? Ca bēn ba yo bēn rac? Yin anjiec, yin ē raan puoth la cök bō tēnē Nhialic.”

²⁵ Go Jethu jorrac duüm thok piny, “Biet, ku bäär bei yeguöp!”

²⁶ Go jorrac mony awën lath ku wit piny, ku bii bei yeguöp ke dhiau.

²⁷ Go kóc gäi apei ku thiäckē röt, “Yenö kēnē? Ye piöoc yam kek riel Nhialic. Mony kēnē ala riel ye yen jak yöök ku gamkē wētde aya!”

²⁸ Kēya, lec ku piathde aaci guo thiēi piny pan Galilia ebën.

Jethu aci kóc tuany kony
(Mt 8:14-17; Lk 4:32-41)

²⁹ Kaam awën jiël kek tēn amat kóc Itharel, ke Jethu ku Jemith ku Joon la pan yi Thaimon kek Andria.

³⁰ Nawën yeetkē baai ke yök man tinj Thaimon piiny ke ci tōc, ke ci juai göök. Goké lēk Jethu.

³¹ Go Jethu la tēnē ye ku dam cin ku döoc ku kony bi rot jöt. Go juai guo päl piny, ku bii mieth tēnē ke.

³² Wēn ci aköl lööny piny, ke kóc guēr tēnē Jethu kek kóc tuany, ku kóc la gup jakrēc.

³³ Ku jöl kóc juēc geeu kenhiiim kut yöt thok.

³⁴ Go Jethu kóc juēc awën la gup tueny juēc ci bēi tēnē ye kony bik pial. Ku cop jakrēc juēc wei kóc gup. Ku cii jakrēc päl bik jam rin njic kek ye.

Jethu ē kóc Galilia lēk wēt Nhialic
(Lk 4:42-44)

³⁵ Naḡon nhiäk riel, akēc piny bak, ke Jethu jöt rot ku jiël baai. Ku le tēde ē rot bi la röök.

³⁶ Go Thaimon kek kóc kōk Jethu buoath bik la wic.

³⁷ Nawën lek yök, ke luelkē, “Raan ebën awic yi.”

³⁸ Go Jethu bēer, “Lokku bēi kōk tō tuenj yiic, ku ba la piöoc thün aya, yen ee kēn bii yen.”

³⁹ Ku jöl Jethu pan Galilia kuany yic ke piöoc ḡonken amat yiic, ku cop jakrēc wei.

Jethu acä atuet cöl apuäl
(Mt 8:1-4; Lk 5:12-16)

⁴⁰ Tēwēn kueny Jethu bēi yiic ke piöoc, ke raan ci tuet bō tēnē ye, ku gut yenhil piny

ku lēj, “Anjiec alēu ba ya kony bēny, ba pial. Kony ya.”

⁴¹ Go Jethu njäär nyinde tinj ku wic bi kony. Ku jöt yecin ku gōt ku luel, “Awiēc, piaalē!”

⁴² Kaam thiin awën, ke tuet jiël.

⁴³ Ku jöl Jethu cöl aloc jöl ku than apei älä,

⁴⁴ “Duk kēnē la lēk raan dēt. Lōor ku nyuōth rot raan kāk Nhialic bi caath, ku juar kār cīt tē ye löj Mothith ye luēl thün, bi kóc ebën njic lon ci yin pial.”

⁴⁵ Go jöl ku ḡot la kē ci rot looi lēk raan ebën. Ku thiēi wēt piny abi Jethu cii ben la geeu ke njic. Ku ye rēer tēde ē rot tē cin yic kóc ē rēer thün. Go kóc juēc ḡot ke ye bēn tēnē ye baai yic ebën.

2

Jethu aci raan ci ruai kony
(Mt 9:1-8; Lk 5:17-26)

¹ Nin juēc cök, ke Jethu ben dhuk Kapernaum. Go guo pinj lon ci yen dhuk baai.

² Go kóc juēc wet tēnē ye abi ciēn tē lääu, ye cök cak la piny yōöt agut yöt thok ayeer. Ku Jethu ē piöoc kóc Wēl Puoth Yam ē Nhialic.

³ Tēwēn ke raan aduany ke ket kóc kanjuan bii tēnē Jethu.

⁴ Nawën cin tē yēth kek ye tēnē Jethu, rin ci yöt thok thiāj kóc, goké la ku njanykē yöt nhom löj awën rēer Jethu thün. Ku luēckē raan aduany piny yenhom.

⁵ Tēwēn tinj Jethu gamdit tō ke ke, ke luel tēnē mony aduany, “Manhdiē, adumuöömku aaci päl piny.”

⁶ Go kóc piöoc lööj kóc Itharel ke tō thün, jöl tak ku luelkē kepuōth,

⁷ “Yenö ye mony kēnē jam kēlä. Adhāl Nhialic! Yenja adumuööm päl piny? Ciet ē Nhialic ē rot.”

⁸ Go Jethu kāk yekē tak guo njic ku luel, “Yenö ye wek ye tak lon luel yen lueth?”

⁹ Ye kēnen ril yic ē kākka yiic ba luel tēnē raan aduany, ‘Adumuöömku aaci päl piny,’ Tēde ke luēl, ‘Jöt rot ku löm biḡndu ku cathē?’

¹⁰ Aba nyuōth we emēn lon Manh Raan ala riel pinynhom ba adumuööm päl piny.” Ku luel tēnē mony aduany,

¹¹ “Alēk yi, jöt rot ku kuany biḡndu ku lōor baai.”

¹² Go rot jöt ku kueny biḡnde ke dēi kek ebën. Kēnē aci raan ebën gōi. Ku leckē Nhialic ku luelkē, “Yok aakēc kēcīt kēnē kanj tinj.”

Jethu aci Lebī cöl
(Mt 9:9-13; Lk 5:27-32)

¹³ Nawën ke Jethu ben dhuk wär Galilia yōu. Go kóc juēc apei bēn tēnē ye. Goke piöoc.

¹⁴ Wēn ben yen la tuenj ke dhuk geeu, ke tinj raan ajuēr kut cöl Lebī Alpawuth ke rēer tēden luai. Go Jethu lēk ye, “Buoath ya.” Go rot jöt ku buoath.

¹⁵ Tëwën mïth Jethu pan Lebī, kek kōc juēc ajuēr kut, ku kōc kōk la gup anyon, ke kōcken ye buōōth ku kōc juēc kōk ye buōōth aya, aake mïth kek ye è tōk.*

¹⁶ Wën tïj kōc piōōc lōōj, kōc akut Parathī ye, ke mïth kek kōc la gup adumuōōm ku kōc ajuēr kut, gokē kōcken ye buōōth thiēēc, “Yenō ye bānydun mïth kek kōc ajuēr kut ku kōc kōk la gup adumuōōm?”

¹⁷ Wën piñ Jethu wēt kēnē, go lēk ke, “Acie kōc puōk kek akīm wīc, aa kōc tuany. Yen akēc bēn ba kōc path bēn cōōl, aa kōc la gup adumuōōm.”

*Wēt lōj thēk è miēth
(Mt 9:14-17; Lk 5:33-39)*

¹⁸ Ye nīnkā, kōc Joon raan kōc muōōc nhūim buōōth ku jōl aa Parathī, aake la nīn ye kek thek bīk cī mïth. Go kōc kōk bēn tēnē Jethu ku thiēcē, “Yok kōc abiōth Parathī ku abiōth Joon yok aa thek, ku yīn ku kacku wek aacie thek, yenō?”

¹⁹ Go Jethu bēēr ku lueel, “Yakē wīc bī kōc cī bēn ruāāi yic rēēr ke cī mïth? Acie tēde! Na rēēr raan thiēc ke ke, ka cik loi kēya.

²⁰ Akōl bī athiēc dōm ku nyēēi keyiic, yen akōl bī kek thek.

²¹ “Acīn raan alanh thiin è yam buōōp alanh theēr kōu, rin alanh thiin yam abī rot rot ku abī abanj alanh theēr rēt bei.

²² Ku acīn raan muōn abiēc è yam puōk tōny theēr yic, rin muōn abiēc abī tōny puōt yic, ku riāāk muōn abiēc kek tōny kedhie. Ku acī bī ya kēya, muōn abiēc è yam adhil puōk tōny yam yic.”

*Jethu aci kuc lōj akōl lōj kōc Itharel
(Mt 12:18; Lk 6:1-5)*

²³ Nayōn akōl cī kōc Itharel ye luui, ke Jethu kek kōcken ye buōōth aake cath ke kuany dhēl yic kam è dum. Go kōc Jethu buōōth rap lek cam dhonj.

²⁴ Go Parathī ke cath ke ke Jethu thiēcē, “Yenō ye kacku luui akōl cī lōjdan Itharel pēēn bī kōc cī ye luui thīn?”

²⁵ Go Jethu bēēr, “Kēckē kē cī Debit looi wāthēēr kanj kueen? Wāār nēk cōk ye kek kōcken ke cath ke ye, ku wīckē miēth camkē,

²⁶ go la luanj Nhialic ku ciem ayum è yath cī tōōu tēnē Nhialic, kēnē aloi rot wāār ye Abiathār raandit kāk Nhialic. Ayum kēnē ee raan kāk Nhialic è rot yen è ye cam. Ku yeen aci Debit bēn cam, ku gem abak tēnē kōcken awēn cath kek ye. Kēya, acīn kērēc cī kackiē looi aya.”

²⁷ Ku jōl Jethu lēk ke, “Akōl lōj aci looi ke ye akōl lōj path tēnē raan. Akēc looi bī kōc rōt aa banj thīn.

²⁸ Kēya, Manh Raan è bēny kēriēcē ebēn agut akōl è lōj.”

* 2:15 Lebī acōl Matheo aya.

2:23 L.rou 23:25

2:25 1Tha 21:1-6

2:26 Leb 24:9

3:11 Mk 4:1; Lk 5:1-3

* 3:17 Ee duēr thōj kek tuōc puōu.

3

*Jethu aci mony cī cin ruai kony
(Mt 12:9-14; Lk 6:6-11)*

¹ Nayōn akōl dēt, akōl cī kōc Itharel ye luui, ke Jethu la tēn amat kōc Itharel, ku mony cī cin ruai è tō thīn.

² Ku kōc kōk aake tō thīn, ku è wīckē bīk tīj lōn bī Jethu mony kēnē kony bīk la luom, rin cī yen ye kony akōl cī kōc ye luui.

³ Wën njic Jethu kē tō kepuōth, ke lēk mony awēn cī cin ruai, “Jōt rot ku bāār tuenj tēn kōc nhūim.”

⁴ Ku lēk Jethu Parathī elā, “Wek kōc ŋoot nhūim lōōj theēr yic, ye kēnen yic lēu bī looi akōl cī kōc ye luui, ye kēpath aye kērac, bī raan kony bī pir, kua pēl wei bī thou?”

Gokē biet ebēn.

⁵ Go Jethu ke dōt ke cī puōu riāāk apēi, rin njic kek yic ku cik luel. Ku lēk mony awēn cī cin ruai, “Nyoth yicin.” Go yecin nyooth. Go ciēēde piath.

⁶ Go Parathī, kōc wīc ye bī Jethu nāk jāl tēn amat ku lek tēnē kōc Yērot. Ku lek mat ke ke tē bī kek Jethu nāk thīn.

Jethu ee jakrēc cuōp wei kōc gup

⁷ Go Jethu jāl kek kōcken ye buōōth ku lek wār Gallilia kōu. Go kōc juēc pan Gallilia ke buōōth.

⁸ Wën piñ kek kajuēc ye Jethu looi, ke kōc juēc apēi bō tēnē ye pan Judia, ku gen Jeruthalem ku Idumie, ku jōl aa bēēi tō wār Jordan kōu, ayī gen Tire ku Thidon.

⁹ Go Jethu lēk kōcken ye buōōth bīk riāi guir tēnē ye bī yen la thīn, bīk cī bēr piny,

¹⁰ rin Jethu ēci kōc juēc tuany kony. Go kōc juēc kōk tuany wīc bīk la tēnē ye bīk la gōōt.

¹¹ Na tīj kōc la gup jakrēc è ke cuet rōt piny yenhom ku dhieēukē, “Yin ee Manh Nhialic.”

¹² Go Jethu jakrēc yōōk bīk cī nyooth.

*Jethu acā atuuc kathiāār ku rou kuany
(Mt 10:1-4; Lk 6:12-16)*

¹³ Go Jethu kōcken wīc cōōl ku jiēl ke ke, ku lek gat nhūim tē cī cenj. Wën cī kek yet tēn awēn,

¹⁴ ke kuēny raan thiāār ku rou bei kōc yīic. Ku ciēk ke ke cōl atuuc ku lēk ke, “Wek aca kuany bāk rēēr ke ya. Ku wek aba ya tuōōc ayeēr bāk wētēē aa la piōōc.

¹⁵ Ku wek aabī la riēl bāk jakrēc aa cuōp wei kōc gup.”

¹⁶ Kōc ke cī Jethu kuany bīk ya atuōōcke aayī, Thaimon (cī Jethu bēn cāk ke cōl Pīrēt.)

¹⁷ Jemith Dhubedī kek wālēmnh koor cōl Joon (ke kōc acī Jethu cāk ke cōl Boanergeth, ku wētde yic kōc è mār denj).*

¹⁸ Ku Andria, Pilipo, Bartholomeo, Matheo, (cōl Lebī) Thomath, Jemith wēn Alpawuth, Thadawuth, Thaimon,

19 ku jəl a Judath Ithkariöt, raan wäär ci Jethu bën luom bi döm.

*Jethu aye yöök lön le yen guöp jəŋrac
(Mt 12:22-32; Lk 11:14-23; 12:10)*

20 Nawën ke Jethu dhuk Kapernaum. Go kəc juéc apei bën buoath abi ciën tē cək yen nhom lääu kek kacke bük mith.

21 Nawën piŋ kəc ruäai kek Jethu lön ye kəc rëer kek ye ye lueel, lön ciï yen nhom path, gokë la nyaai.

22 Ku ëci kəc kək piöc lööŋ Itharel bə Jeruthalem lueel, “Ala guöp riël Beldhebul. Ee yen bəny jakrəc, yen ye yiék riël bi ke aa cuöp wei.”

23 Go Jethu ke yöök, ku thöön wët ëlä, “Ye jəŋrac jəŋ rəc dët cuöp wei kədə.

24 Na tek kəc paan tők keyiic ku thërkë kamken, ke pan kënë abi riääk.

25 Na tuum dhiënh tők yenhom aya ku thërkë kamken ë röt, ke dhiënh kënë abi wër aya.

26 Këya, na tek jakrəc keyiic ku thërkë kamken, ka thök.

27 “Acin raan lëu ye bi yön raan ril dhoŋ ku nyeci kække, akəŋ raan ril kënë döm ku der, ku jəl kək tš baai nyaai.

28 “Wek aa lək yic lön nadë adumuššom, ku kərəc yekë ke looi, ku kək yekë lueel, aa lëu bi ke päl piny ëbën tənë kəc.

29 Ku na ye raan Wëi Nhalic yöök lön ye yen jəŋrac, ka adumuššmke aaciï kəŋ päl piny akölrëec ëbën.”

30 Ee lueel Jethu këlä ë rin ci kəc kək ye lueel, “Ka la guöp jakrəc.”

Man Jethu ku wämäthakën aaci Jethu nyaai

(Mt 12:46-50; Lk 8:9-21)

31 Go man Jethu kek wämäthakën ë Jethu bën ku kërəkë ayeer ku tockë raan bi Jethu la cöl.

32 Go kəc ke rëer, ke ci ye gööm lək ye, “Moor ku wämäthakui aatš ayeer, ku aa wïc yil.”

33 Go Jethu bëer, “Yeŋa ë ma ku wämäthakäi?

34 Ku kë wiéc bək njic, kəc rëer kek ya aa nhiaar, aa cit paan ë ma.

35 Kuat raan wët Nhalic looi yen ë wämäath, ku nyankäi ku ma.”

4

Käaŋ dom path ku dom rac

(Mt 13:1-9; Lk 8:4-8)

1 Go Jethu bën piöc wär Galilia yəu. Nawën le kəc juéc apei gööm, ke la riäi yic ë piu thook ku nyuuc thün, ku jəl kəc ëbën nyuc piiny ë piu thook ayeer.

2 Ku jəl Jethu kəŋ aa lueel bi yen kəc piššc kajuéc, ku lək ke.

3 “Pieŋkë! Raan pušr ëci la dom bi la pur.

4 Ke wën yen rap wër dom yic, ke kəth abək lööny dhël yic. Go diet bën ku tetkë ke.

5 Ku lööny kəth kək aləl nhom tē koor tiöp thün. Gokë guo cil.

6 Nawën la aköl ruel apei ke rap awën go yom, ku riëukë rin kəc meiken yet piny apath.

7 Ku lööny kəth abək tē ye tiim la kuoath cil thün, na la tiim juäk ke dec rap ku cik lok apath.

8 Ku lööny kəth kək tiəm path yic, ku ciilkë apath ku diitkë ku lokkë apath. Rap abək aake ci luok ke thoi nhüim, ku kək ke thöön röt, ku rap kək ke dit nhüim.”

9 Ku wit Jethu ləŋde ëlä, “Pieŋkë tē le wek yith.”

Wët thösth ë käaŋ

(Mt 13:10-17; Lk 8:9-10)

10 Nawën ci kəc juéc jäl, go atuššcke kathiäär ku rou, ku kəc ke ci döŋ kek ye, thiéc bi kəŋ teet yic tənë ke.

11 Go lək ke, “Wek aaci nyuöth kë ci rot moony ë bäany Nhalic yic, ku kəc kək kəc gam aabi kəŋ njic tē lək ke kəŋ,

12 këya, rin na cək alən ye kockä daai, ka ciï kəŋ bi tün. Ku na cək alən ye kek wët piŋ, ka cik bi deet yic. Na ke bi röt waar, nušt aa kəŋ tün ku detkë keyiic. Ku nušt aaci röt thön Nhalic, ku pël wët piny tənë ke.”

Jethu aci käaŋ raan pušr teet yic

(Mt 13:18-23; Lk 8:11-15)

13 Go Jethu lək ke, “Na këckë käaŋ kënë deet yic ke wek aaciï kəŋ kək bi deet yic.

14 Kəth ci com aa cit wët diën ya piššc tənë we.

15 Kəc kək aa cit kəth ci lööny dhël yic, ye diet ke tet. Tē piŋ kek wët Nhalic, ke jəŋrac bš ku nyeci wët awën kepuöth ku mërəkë nhüim wët ë Nhalic.

16 Kəc kək aya aa cit kəth ci lööny aləl la nhom tiəm koor ye rap guo yom thün, rin kəc meiken yet piny. Ku kəc kək aaciï kəth ci com aləl nhom, aa löŋ Nhalic gam nyin yic ke mit puöth.

17 Ku aacie kepuöth ye dæet, aa wët Nhalic guo wai wei tē looi aliäap rot, ku tē yəŋ ke rin wët Nhalic.

18 Kəc kək aya aa cit kəth ci lööny tē ye tiim la kuoath cil thün, keek aa wët Nhalic piŋ,

19 ku kajuéc ke diir, rin pir pinyinhom ë tən, nhier jiek, ku kəpuöth yekë wïc aa bën thün, ku rëckë löŋ Nhalic kepuöth.

20 Ku kəc kək aa cit kəth ci puur tiəm path yic, keek aa löŋ Nhalic piŋ ku gamkë apei, ku kajuéc path aaye yök tənë ke, cimën rap ci njic luok ke thoi nhüim, ku rap kək ke thöön kenhüim ku kək ke dit nhüim.”

*Kääñ mermer**(Lk 8:16-18)*

²¹ Ku ben ke thiëc, “Le raan cī mermer kañ yāth yōt ku kum nyin, nadē ke tēēu agen tōc cōk, cie tōsu yōt ciel yic?”

²² Kuat kē cī thiaan, aṇot bī rot nyuōoth, ku wēt Nhialic aṇot bīk piōc.

²³ Piēñkē, tē le wek yīth!”

Kääñ tē ye kāñ thōñ thīn

²⁴ Ku ben lēk ke ēlä, “Tē ye wek kōc kōk luōoi thīn yen ē tē bī Nhialic we luōoi thīn aya. Dētkē kāk yakē ke piñ!”

²⁵ Rin raan la kēdāñ abī bēn muōoc, ku na ye raan cīn kēdāñ, ke kēthiin ye tak lōn tō yen tēnē ye, abī nyaai aya.”

Jethu aci kääñ lueel rin wēt Nhialic

²⁶ Ku la Jethu tuēñ ku lueel, “Bääny Nhialic ē duēr thōñ kek kēnē. Monytui ēcī kōth wēer dom yic.

²⁷ Ee rēer akōlakōl ku kōth awēn cī com aa la tuēñ ke cil ē rōt, ke pīr ku dīitkē ku akuc kēn ē ke looi kēya.

²⁸ Kōth ēbēn aa cil piiny tiōp yic. Kāu ē kañ lou ku bīi yiēny tōk bei, ku jōl la tuēñ ke dīt agut tē bī yen deer ku yeer ku lok.

²⁹ Ku tē cī kek luak aaye tem rin cī tēn tēmtēm bēn.”

*Kääñ kāu koor nyin ye tiēnde dīt apeī**(Mt 13:31-32, 34; Lk 13:18-19)*

³⁰ Ku ben lueel, “Yēñō buk thōñ bääny Nhialic? Ye kääñ piath nō buk thōñ ye?”

³¹ Bääny ē Nhialic acīt kāu koor nyin cī raan com duōmde.

³² Ku na le dīt ka la nhial ke loī kēr ku yīth dīt apeī, abī diet yōstken aa yīk thīn.”

³³ Jethu aci Wēt Puoth Yam piōc tēnē kōc ē kēñ cīt kēñkā. Aake cī lēk kājuēc lēukē bīk ke deet yīc.

³⁴ Ee ye kōc jāām ē kēñ tē piōoc yen kōc, ku na ye yeen ē rot kek kōcken ye buōoth, ka ye tēt kēriēc ēbēn yīc.

*Jethu aci yom cōl akāāc**(Mt 8:23-27; Lk 8:22-25)*

³⁵ Na akōl dēt yōnthēēi, ke lēk Jethu atuōōcke, “Lok teemku wār alōñtui.”

³⁶ Gokē kōc kōk nyāāñ piny, ku lek riān awēn rēer Jethu thīn yic, ku tēmkē agut Jethu. Ku riēth kōk ke tō thīn aacī tem aya.

³⁷ Kaam thīin awēn ke yomdīt apeī jōt rot, ku jōt atiaktiak rot abī riāi duēr thīñ ē pīu.

³⁸ Tēwēn looi kēnē rot, Jethu ē nin riāi yic ciēen, ke cī yēnhom kan. Gokē puōc ku luelkē, “Bānyda! Yōk aa muōu, cīi diēer ē yō?”

³⁹ Go Jethu rot jōt ku rēl yom, “Lō dīl!” Ku rēl atiaktiak, “Kāāc!” Go yom kōc ku le dīl.

⁴⁰ Ku thiēc ke, “Yēñō riōōc wek ciēt we bī mou? Cāk njic lōn bī yēn we kony?”

⁴¹ Gokē nhūim la cōt riēldīt cīt kēnē ku jiēmkē kamken, “Ye raan yīndē kēnē? Na cōk a yom ku atiaktiak ē ke piñ wētde!”

5*Jethu aci raan la guōp jakrēc kony**(Mt 8:28-34; Lk 8:26-39)*

¹ Gokē wār Galilia teem ku lek tē cōl Jeratha.

² Kaam wēn kēer Jethu piny riāi yic, ke tiñ mony la guōp jakrēc, ke bā bei rēñ nhūim.

³ Mony kēnē ē ye rēer rēñ nhūim, ku acīn raan ye lēu bī rēēk.

⁴ Ee ye rēēk cōk ku cīn arak juēc, ku ṇot ke tueny, ku dhon luōñ kōth yēcōk. Ee ril apeī, acīn raan ye lēu bī rēēk.

⁵ Akōl ku wēer thok ēbēn, ee ye cool ku ruu kat rēñ nhūim, ke looi duōot ku ye rot dēeny aleel bī rot nōk.

⁶ Wēn tiñ yen Jethu tēmec, ke lor ku cuet rot piny yēnhom,

⁷⁻⁸ ku lueel Jethu, “Jōñrac, bāār bei ē mony kēnē guōp.” Go kīēu looi apeī, “Jethu Wēn Madhōl, yēñō wīc ba looi tēnē ya? Yīn alāñ ē rin Nhialic duk ya tēm awuōc.”

⁹ Go Jethu jāl thiēc, “Cōl yī ṇa?” Go bēer, “Yēn aa kut rin yōk ajuēc.”

¹⁰ Ku jōl mony kēnē Jethu ya lōñ bī jakrēc cīi cōp wei tēden rēer kek thīn.

¹¹ Ku duut dīr baai ē nyuāth gōt cōk ē tēn awēn.

¹² Go jakrēc Jethu lōñ, “Tuōoc yo ē dīrkā gup, ku cōl yo aa lur keyiic.”

¹³ Goke puōl, ku jōl jakrēc bēn bei mony awēn guōp ku lek dīr gup. Go duut diēer, kecīt tiim karou riñ agōr yic, ku thootkē wūr ku moukē ēbēn.

¹⁴ Go rōor ke biōōk dīr kat, ku lek kē cī rot looi lueel tēnē kōc rēer geeu, ku kōc tō bēēl yīc. Go kōc ēbēn jal wet bīk kē cī rot looi la tiñ.

¹⁵ Nawēn lek yet tēnē Jethu, ke yōk mony wāār la guōp jakrēc ke rēer, ke ceñ alath, ke la nhom cōk. Gokē riōōc.

¹⁶ Go kōc ke cī kēn cī rot looi tēnē mony awēn ku dīr tiñ, la lēk kōc kōk.

¹⁷ Ku wēn piñ kōc baai ē wēt kēnē ē ke riōc, ku lek tēnē Jethu ku lāñkē bī jāl panden.

¹⁸ Tēwēn le Jethu riāi yic, go mony wēn cī Jethu jōñrac cōl ajiēl yeguōp bēn tēnē Jethu, ku lēñ bī cath kek ye.

¹⁹ Go Jethu jai, ku lēk ye, “Lōr baai tēnē kacku ku lēk ke kājuēc cī Bēny looi tēnē yī, ku tēpuoth cī luōi yī.”

²⁰ Go jāl ku le panden Dekapolith la yic gēu thiāār. Ku kuēny keyiic ēbēn ke ye kōc lēk kāk cī Jethu looi tēnē ye. Go kōc gāi.

*Jethu aci tik kony ku cōl nya aben pīr**(Mt 9:18-26; Lk 8:40-56)*

21 Wën cī Jethu bēn tem riāi bī dhuk Kaper-naum, ke koc juēc apei bō tēnē ye wār yōu.

22 Kaam wën ke raan cōl Jariōth, bēny tēn amat kōc Itharel bō aya. Nawēn tīj Jethu, ke cūet rot piny yecōk.

23 Ku lēj, “Nyandiēn thīn koor acī dhal apei, athou. Bäär ba yīcin la tāāu yenhom bī pial.”

24 Go Jethu gam ku lōōny dhōl kek ye. Ku buoθh koc juēc ke, ke cīk kum apei.

25 Ku tīj tuany, cīi thēkde kōu ye tēem ruōōn thiāār ku rou, ee tō koc yiic,

26 ku yeen ēcī wēū juēc gām akīm rin bī tuanyde ŋuēēn, ku tuanyde akēc ŋuēēn, ēcī rot jal juak.

27 Ku yeen ēcī kāk ye Jethu looi piñ. Go bēn Jethu kōu ku gōot alanhde,

28 rin ēcī jam ē rot yepuōu ēlā, “Na gaat alanhde, ke ŋen abī pial.”

29 Kaam thiin awēn ke riem cīi ben kuēr, ku yōk rot ke cī pial.

30 Go Jethu yōk lōn cīi riēl jāl yeguōp. Go yenhom wel ku thiēēc kōc, “Yeŋa cā alanhdiē gōot?”

31 Go kōcken ye buoθh lēk ye, “Yīn ē koc juēc tīj ke cī yī kum ku ye thiēc, Yeŋa cā gōot?”

32 Go Jethu ŋot dōt kōc bī tīj yeŋa cī ye looi.

33 Wën ŋic tīj awēn tuany ye ke tuany cī jāl yeguōp, go bēn tēnē Jethu ke cī riōōc, ke lēth, ku gut yenhiaal piny Jethu nhom. Ku lēk ye lōn ē yen cī ye gōot.

34 Go Jethu lueel tēnē ye, “Nyaandiē, gamdu acī kony ba pial, lōar, kek dōōr.”

35 Kaam wën jīēm Jethu, ke koc rīj pan Jariōth ku lēkkē ye, “Nyaandu acī yet wei, duk raan piōōc ben rāām nhom.”

36 Ku Jethu ē kēc kē cīk lueel kuēēc nhom, ku lēk ye, “Duk riēc, dēt yīpuōu ku gam wēt yīc.”

37 Ku ē cīn koc juēc cīi puōl bīk cath kek ye, ee Pīter ku Jemith ku Joon kepēc.

38 Tēwēn yeet kek pan Jariōth ke Jethu yōk koc ke nār rōt, ke dhiau apei.

39 Ku rin yōt ku lēk ke, “Yeŋō nēk wek rōt? Ye dhiēndīt ŋō kēnē? Meth akēc thou, anin.”

40 Gokē dōl guōp. Go Jethu ke cōl ala ayeer, ku cōl wun meth kek man meth ku kōcken awēn kadiāk, ku lek yōt tēwēn cī meth tāēc thīn.

41 Ku dām cin ku lēk ye, “Nyan thiin, alēk yī, jōt rot!”

42 Go rot jōt nyin yīc ku cīsth. Go koc awēn tō yōōt kek Jethu gāi apei wēn tīj kek kē cī rot looi (ē ye run thiāār ku rou.)

43 Ku thōn Jethu ke bīk cīi lēk koc kōk. Ku lēk ke bīk yiēk miēth.

6

Kōc Nadharet aa kēc Jethu gam

(Mt 13:53-58; Lk 4:16-30)

1 Go Jethu jāl tēden awēn ku ler genden Nadharet, ku buoθh kōcken ye buoθh.

2 Nawēn akōl ē lōj, ke piōōc tēn amat. Ku koc juēc aake tō thīn. Nawēn piñkē piōōcde ke gēi, ku luelkē, “Cī kāj bēn aa ŋic nēn?” “Ku ye kākā looi kēdē?”

3 Yen ē raan guēnguēj tiim, ku ē wēn Maria, ku ē mēnh ē Jemith, ku Jothep, ku Jut ku Thaimon. Ku cie yīērakēn kā ēēr ē tēn kek yo?” Ku jōlkē jai bīk piōōcde cīi gam.

4 Go Jethu lēk ke, “Raan cī Nhialic lōōny yeguōp aye baai ēbēn theek, ka koc genden ku koc ruāāi kek ye, ku paan wun kek paan man kek aaciī ye ye theek.”

5-6 Ku akēc lēu bī kāk jāj gōi looi, ka koc tuany lik kek aaci yen yecin tāāu kenhīim, ku kony ke bīk pial. Ee cī gāi apei rin kēc kek ye gam.

Jethu acā atuōōcke kathiāār ku rou tooc

(Mt 10:5-15; Lk 9:1-6)

Go Jethu jāl ku ler bēi kāk yiic ku le koc piōōc thīn.

7 Ku tuum atuōōcke ku tooc ke wei, bī koc karou aa cath ē tōk bīk aala piōōc Wēt Puōth Yam ē Nhialic, ku yīk ke riēl bīk kek koc aala kony.

8 Ku lēk ke apei. “Duōkkē muk ē mūith yakē cam dhēl yīc, muōkkē ke wei kepēc.

9 Cēŋkē war ku duōkkē muk alēth kāk.”

10 Ku lēk ke aya, “Yakē rēer pan ye we lor thīn yet tē bī wek jāl.

11 Ku na lak pan cīi we lor thīn, ku pan cīi wēlkun ye piñ thīn, ke we jīel ku tēŋkē wecōk. Ku abī nyooth lōn cī wek kuec ē ke!”

12 Ku jīēlkē ku lek koc piōōc bīk luōi adumuōōm puōl.

13 Ku copkē jakrēc juēc wei, ku tōckē koc juēc tuany nhīim. Ku rōōkkē bī ke kony bīk pial.

Nāāk ē Joon raan koc muōōc nhīim

(Mt 14:1-12; Lk 9:7-9)

14 Ku bēny Antipāth Yērot ēcī wēt piñ rin cī ke Jethu ŋic apei. Ku ē ye koc kōk lueel, “Joon raan koc muōōc nhīim acī ben pīr, ee yen ale yen riēl yen kākā looi.”

15 Ku lueel koc kōk, “Mony kēnē adhl a Elija raan wāār kāk Nhialic tīj.” Ku ben koc kōk lueel, “Ee raan tōk kam koc theer, koc kāk Nhialic tīj.”

16 Ku wēn piñ Antipāth Yērot ē wēt kēnē go lueel, “Ee Joon raan koc muōōc nhīim wāār ca cōl atōk yeth yen acī jōt thou yīc.”

17 Antipāth Yērot ēcī Joon cōl anak kēlā, ee cī cōl adōm ku rek, ku cōl amac rin wēt Yērodia tīj Pilipo wāmēnh cī rum bī ya tīerjde,

18 rin cī Joon ye lueel tēnē ye ēlā, “Acīi path ba tiŋ wāmuuth rum ke piŋ.”

19 Ku Yērodia ecīi pušu mit tēnē Joon rin ē wēt kēnē. Ku wic diēt nek ku cī lēu,

20 rin Yērot ē rišc Joon, rin ye Joon raan puoth wēt Nhialic, ku kony bi cīen kē nāk ye. Nawēn piŋ Yērot wēt Joon, ke gēi apei ku ŋot nhīer bi wēt Joon aa piŋ.

21 Nawēn ke Yērodia jol tē bi yen Joon nāk thīn yōk, ku ē ye akōl looi Antipāth Yērot yan akōlden dhiēth ye, tēnē kacken diēt mec kek baai, ku bāny apuruuk ku jol aa kocdiēt pan Galīlia.

22 Ku nyan Yērodia nhom gušp, ee cī bēn yeēi bi bēn dier. Go Yērot kek jāalke puōth miēt apei tēnē ye. Go Antipāth Yērot bēny lēk ē nyan ēlā, “Na le ke wic, ke lueel tēnē ya ku ba gām yī.”

23 Ku kuēēŋ tēnē ye jōsl nhīim ku lueel, “Kuat kēdun ba thiēec tēnē ya aba dhiel yiēk yī, cak aln ē yen aban ē bānydiē.”

24 Go nya la ayeer ku lēk man, “Yeŋō ba thiēec?” Go man lueel, “Lēk ye bi Joon raan koc muōc nhīim tōk yeth, ku gēm yī nhiamde ba bēēi.”

25 Go nya dhuk tēnē bēny nyin yic ku lueel, “Yīn awiēc ba gām nhom Joon raan koc muōc nhīim tēn ēmēn thiin, ke cī tāāu adušk yic!”

26 Kēnē acī bēny rac pušu apei, ku akēc kuc rin cī yen mēl kuēēŋ ē jōsl nhīim.

27 Go bēny apuruške tooc nyin yic, ku lēk ye bi nhom Joon raan koc muōc nhīim bēēi. Go apuruk la tēwēn mec yen thīn ku tōk yeth.

28 Ku biī nhom ke cī tāāu adušk yic, ku yīk nya, ku jol nya gām man.

29 Nawēn piŋ koc Joon buōth lōn cī ye nōk, gokē la ku nyēikē guāpde ku thiākkē.

*Jethu acī miēth koor juak bi koc juēc cam
(Mt 14:13-21; Lk 9:10-17; Jn 6:1-14)*

30 Koc Jethu buōth aake ye bēn yenhom ku lēkkē kāk cik looi, ku kāk cik pišc ēbēn.

31 Koc juēc apei aake ye wāac, koc jīēl ku koc bō tēnē Jethu bi ke bēn kony, abi Jethu kek atušccke cī lāau bik cak mīth. Go lēk atušccke, “Jīēlku buk la tē cīn yic koc buk la lōŋ.”

32 Gokē jāl ē riāi ē rōt bik la tē cī cen, ku aake kēc koc lēk tē ler kek thīn.

33 Go koc juēc ke tiŋ, ku ŋickē ke. Gokē miōōt geeth yiic ku riŋkē tuen ke kuany wār kōu, ke la tēwēn cī Jethu kek atušccke kenhīim wel thīn. Ku ye kek koŋ yet tēwēn.

34 Wēn kēc Jethu piŋy riāi yic, ke tiŋ koc juēcā. Go wic bi ke kony rin acī tiŋ kecīt amēl pap cīn nhīim abiōōk. Ku jolke pišc kajuēc.

35 Nawēn col piŋy, ke kacken ye buōth bō tēnē ye ku luelkē, “Piŋy acī cūl ku tēn ē ror cīn kē kuany thīn,

36 col koc aa jīēl bik la bēēi yiic bik la yōc miēth camkē.”

37 Go bēer, “Miackē ke ē miēth.” Gokē lēk ye, “Wic buk ayušp lēu ē koc kithkā yōc tēnē ke bik ke cam? Aa wic wēū juēc apei.”

38 Go Jethu ke thiēec, “Ye ayušp kadē tō thīn? Lak bāk ke la tiŋ.” Gokē dhuk ku lēkkē ye, “Aa yušp kadhiēc ku rec karou.”

39 Go lēk ke bik koc col anyuc piŋy akuut noon tōc nhom.

40 Gokē nyuc piŋy akuut buot ku akuut thiārthiēc.

41 Go ayušp awēn kadhiēc ku rec karou lōōm, ku dōt nhial ku leec Nhialic. Ku bēny ayušp yiic ku gēm ke kacken ye buōth bik ke tek agut rec, tēnē koc.

42 Ku mīthkē abi miēth ke gōōk.

43 Ku jol kacken ye buōth awuthueei ayušp ku rec cī dōŋ piŋy kuany gāac kathiāar ku rou.

44 Koc ke cī mīth ēbēn, rōor rōt aake ye tiim kadhiēc.

*Jethu acī cath piū nhīim
(Mt 14:22-33; Jn 6:15-21)*

45 Kaam thīn awēn, ke Jethu yōōk kacken ye buōth bik la riāi yic, ku lek tuen yenhom agōr alōŋtui gen col Bethaida. Ku col thēi ajiēl.

46 Wēn cī yen koc tōōŋ, ke jīēl bi la got nhom bi la rōōk.

47 Nawēn la thēi bēn, ke atušccke aake ŋoot ē riāi yic wār ciel yic, ku yeen ē rot agōr nhom.

48 Gokē tiŋ ke cī gōk gēr ē riāi rin cī kek kenhīim wēt yom. Nawēn bāāk ē piŋy, ke bō tēnē ke ke cath piū nhīim, ku ē wic bi ke waan thook.

49 Ku wēn tiŋ kek ye ke cath wīir piū nhīim, ke tiŋkē kecīt atim raan cī thou, ku dhēekē,

50 rin ē cik tiŋ kedhie ku rišcckē.

Go guo jam tēnē ke ku lueel, “Deetkē wepuōth, ee yen Jethu, duškkē rišc.”

51 Ku met rot riāi yic tēnē ke. Go yom kōōc. Gokē gai apei,

52 ē rin kēc kek kēnē ayušp wāar cī gām rōor tiim kadhiēc deet yic, rin ril kek nhīim.

*Jethu acī koc tuany Jenetharet kony
(Mt 14:34-36)*

53 Nawēn akōl dēt cī kek wār teem, ke yet Jenetharet tō agōr nhom ku dōmkē riāi.

54 Nawēn bikkē bei ē riāi yic, go Jethu guo ŋic koc ēbēn.

55 Gokē kat ku riŋkē bēēi yiic ku lek koc tuany kēt, ku yēthkē ke tē cī kek ye piŋy thīn.

56 Ku kuat tēn cī Jethu la thīn ēbēn, bēēi yiic ku geeth yiic, koc juēc tuany aake ye tāac tēnē yōc ku dhōl yiic, ku lāŋkē bik goot, cak alanhdē thok ē path. Ku kuat raan cī ye goot ēbēn, ee ye pial.

7

Jethu aci cïeɛŋ kək wärkuan düt dhölyiic
(Mt 15:1-9)

¹ Wën cï Parathï kek kəc piöoc lööŋ kəc Itharel, ke cï bën Jeruthalem Jethu gšöŋ piny.

² Ke tïŋ kəc Jethu buəth ke mïth ke kęc kecin lək apath, bik ajuëc nyaai kegup cüt tē ye kəc Itharel ye luəi thïn.

³ Kəckä aake cï kē cï atuuc Jethu looi rac puəth, rin kəc Itharel kek Parathï, aake cïi ye mïth tē kęc kek kecin kan lək kecit cïeɛŋ theer kəcken düt.

⁴ Ku na le müith cik la bēi geeu, ka cik cam ke kęc kəc kan lək kəth. Ku keek aake ye kək cï kəcken düt theer lək ke looi, cimēn lək büny ku töny ku aduuk ē miēth.

⁵ Go Parathï ku kəc piöoc ē lööŋ Jethu thiëc, “Yenö cïi kəckun yï buəth ye ceŋ ē cïeɛŋ wärkuan düt, ku yekē müith juäk ke kęc kecin lək?”

⁶ Go Jethu bēer, “Ithaya aci yic lueel ē rienkun lən ye wek awēŋ puəth rou, ku gēt ēlä,

‘Kəckä aa ya leec kethook ku aliu kepuəth.

⁷ Keek aa ya door ku acie dušör ē yic, rin keek aa kəc piöoc lööŋ cïeɛŋ wärkuan düt ciet ke ye löŋkiē!

⁸ “Ee yic, wek aacit kəc ye Ithaya jam ē rienken. Wek aaci kuc lööŋ Nhialic ku ye lööŋ cïeɛŋdun kek yakē gam.”

⁹ Ku lək Jethu ke, “Ayakē tak lən ē yen kəpath yen cäk looi ye wek kuc lööŋ Nhialic, ku muškkē cïeɛŋdun theer.

¹⁰ Rin aci Mothith lueel, ‘Thek wuur kek moor, ku na ye raan wun kek man jääŋ gup käreç, ka dhil nək bi thou.’

¹¹ Ku ayakē lueel aya lən ye yen yic, bi raan wun kek man jai tē wïc kek kəpür kek tēnē ye, ‘Acin tē kušny we, rin yen aci Nhialic gäm kēn ba yiēk we.’

¹² Ke wek aa kuc bi kəkkä cïi loi tēnē wun ku man.

¹³ Kēya, tē ye wek kəc pišöc thïn acii thöŋ kek wēl ye Nhialic lueel. Ku wek aa käreç juēc kək cüt kəkkä looi aya.”

¹⁴ Go Jethu kəc juēc bən cöl ku lək ke, “Pieŋkē wēdiē wedhie ku detkē yic.

¹⁵ Acie kē ye raan cam, yen ye cöl aye raan rac, aa kək ye tak ku kək ye lueel, ku kək ye looi kek aaye cöl aye raan rac. [

¹⁶ Pieŋkē tē le wek yith.”]

¹⁷ Wën cï yen kəc nyääŋ piny ayeer ku ler yöt, ke thiëc kəcken ye buəth bi wēt awēn cï lueel teet yic tēnē ke.

¹⁸ Go lək ke, “Cäk käh ye deet yiic aya? Acie miēth ye raan cam yen ye cöl ala gušp adumušöŋ,

¹⁹ rin acie la yepušu, ee la yeyäc ku le bën bei.” Kēya, aci Jethu nyuəth lən miēth ebën apath.

²⁰ Ku ben lək ke, “Aa kək ye raan tak ku looi ke, kek aa rəc.

²¹ Rin pušu yen aye käreç ye looi bën bei thïn, cimēn bal ku rušöŋ, ku nääk raan ē path, ku kər diää.

²² Ku kook ku wēŋ ku nhiam ku tieel, ku yik yepušu kēnē raandä, ku luəŋm ku kuat käreç ebën.

²³ Kəkkä ebën aa bën bei raan pušu, ku looi ke ku rəc kē ye.”

Tiŋ cï gam lən bi Jethu nyaande kony
(Mt 15:21-28)

²⁴ Ku jöl Jethu jäl ku ler wundēt tēthiääk kek Tire ku Thidon, ku ler yöt. Ku cïi wïc bi la raan njic ye. Ku akęc lēu bi thiaan.

²⁵ Go tiŋ la nyanden koor njot kęc kuäc cï jöŋrac la yegušp, Jethu piŋ. Go bën tēnē ye ku gut yenhial piny Jethu nhom.

²⁶ Tiŋ kēnē ē ye jam thoŋ Giriç, ku ee nyan pan Ponicia. Go bën ku lēŋ Jethu ēlä, “Bēny, cək a lən cï yen ye tiŋ pandun ke yï bö ba jöŋrac cuəp wei nyaandiē gušp.”*

²⁷ Go Jethu lueel, “Yen ya cïi bö ba miēth mïth bën gäm jək. Acie yic bi miēthden yiēk jək, ke kęc kueth.”

²⁸ Go bēer, “Ee yic Bēny, ku jək rēer tē mïth kəc thïn awuthueei cï lööny piny kuany.”

²⁹ Go Jethu lək ye, “Rin cï yin ye njic bēer kēya, dhušk baai, yin abi jöŋrac yök ke cï jäl nyaandu gušp!”

³⁰ Go dhuk baai ku yök nyaande ke cï təc biöök yic, ku jöŋrac ke cï jäl yegušp.

Jethu aci raan miŋ cie jam kony

³¹ Go Jethu jäl Tire ku dhuk wär Galilia ke kuany geeth kathiäär Dekapolith yiic ku Thidon.

³² Tēwēn ke kəc kək bü raan cï miŋ tēnē Jethu, ku läŋkē bi gəot.

³³ Go Jethu nyaai kəc yiic ku yēth tēde ē rot, ku tēŋu yecin yeyic, ku njuat ku gəot liep.

³⁴ Ku döt nhial ku wēi apei ku lək ye, “Pieŋ!”

³⁵ Kaam thiin awēn, ke yör yith ku jieem.

³⁶ Ku yöök Jethu kəc awēn tš thïn bik cïi lək raan dēt. Ku njot lek lueel.

³⁷ Ku kəc cï ye piŋ aaci gäi apeidit ku luekē, “Mony cöl Jethu kēnē aci keriëc ebën lēu. Kəc cï miŋ aa piŋ emēn, ku kəc ke cie jam, aaci ya jam aya.”

8

Jethu aci raan tiim karjan cöl akueth
(Mt 15:32-39)

¹ Ye ninkä, ke kɔc juēc mat kenhüim. Nawēn cīn miēth ke Jethu cɔl kɔcken ye buəθth ku lueel,

² “Yēn aci guəp nōŋ, rin kɔckä aaci rēēr kek ya nīn kadiäk ēmēn, ku acin kē camkē.

³ Na cal ke aa dhuk bāāiken yiic, ke cīn kē cik cam, ka la wüik dhēl yic, rin kɔc kɔk aabō tēmec.”

⁴ Go kɔcken ye buəθth lēk ye, “Ye tēnen roor ē tēn bī raan miēth yök thīn bī kɔc juēcä cam?”

⁵ Go Jethu ke thiēc, “Lak ayuəp kadē?” Gokē lueel, “Aa dhorou.”

⁶⁻⁷ Go lēk thān awēn bīk nyuc piiny. Ku lööm ayuəp awēn kadhoro ku rec thii lik ku rōök Nhialic, ku bēny keyiic, ku gēm ke kɔcken ye buəθth bīk ke tēk kɔc. Gokē looi kēya.

⁸⁻⁹ Ku jɔl thān awēn, kecīt tiim kanuan mīth bīk kuēth. Ku jɔl kɔc Jethu buəθth awuthueei ayuəp cī dōŋ kuany gāac kadhoro. Ku jɔl Jethu kɔc cɔl ajiēl,

¹⁰ ku ler riāi yic kek kɔcken ye buəθth, ku lek pan cɔl Dalmanutha.

Jethu aci kuc bī kēnē jāŋ gāi looi
(Mt 16:1-4)

¹¹ Tēwēn ke Parathī kɔk ben bēn tēnē Jethu ku teerkē wēt kek ye, ku wickē bīk deep ē wēt, gokē yōk bī kēnē jāŋ gāi looi, bī nyuəθth ke lōn ye Nhialic wēlke gam.

¹² Go Jethu keŋ apei ku lueel, “Yenō ye riēc akōl thiēc kēnē jāŋ gāi. Wek alēk yic. Acin kecīt kēnē bī nyuəθth ke.”

¹³ Ku nyiēēŋ ke piny, ku dhuk riāi yic, bī teem wār alōŋtui.

Duökkē ye tak cimēn Parathī ku Antipāth
Yērot

(Mt 16:5-12)

¹⁴ Kɔc Jethu buəθth aake cī nhüim mää r bīk ayuəp juēc cī muk wēn ler kek riāi yic, ku mukkē ayuəm tōk gilij.

¹⁵ Go Jethu lēk ke, “Tiēerkē nhüim, ku tietkē rōt bāk cī nhiam cimēn Parathī ku Antipāth Yērot, nhiaamden ke cɔl ago puər cimēn ayum cī yiēk yic luəu.”

¹⁶ Gokē jam kamken ēlä, “Ee wēt kēnē lueel rin cīn yok ayup.”

¹⁷ Go Jethu kē luekē guə ŋic, ku thiēc ke, “Yenō ye wek ye tak wek acin ayup. Cäk kāj ye tak lōn bī yēn we muəc ayup. Cäk kāj ye tīŋ ku datkē keyiic, kua cäk puəθth cɔr?”

¹⁸ Wek aala nyīn, cäk ye daai? Ku wek aala yiθh, cäk ye piŋ ku cäk ye tak?

¹⁹ Ye gāac awuthueei kadē cäk bēn kuany wāar bēny yēn ayuəp kathiēc yiic tēnē rōör tiim kadhiēc?” Gokē bēer, “Ee gāc thiāār ku rou.”

²⁰ “Na wāar bēny yēn ayuəp kadhoro yiic tēnē raan tiim kanuan, ye gāac awuthueei ayuəp cī dōŋ piny kadē cäk bēn kuany?” Gokē lueel, “Aa dhorou.”

²¹ Go Jethu ke thiēc, “Ku kēya ēmēn ŋot cäk ye deet lōn le yēn riel ba miēth gām we?”

Jethu aci mony cɔr pan Bethaida kony

²² Gokē bēn Bethaida. Go kɔc kɔk mony cī cɔr thel tēnē Jethu, ku lāŋkē bī gōot.

²³ Go Jethu cɔr dām cīn ku thel wei baai. Nawēn cī ŋuəöt nyin, ke tēu yecin yenyin ku thiēc, “Le kē ye tīŋ?”

²⁴ Go yenhom jɔt ku lueel, “Yēn acie daai apath, yēn ē kɔc tīŋ kecīt tiim kek cath.”

²⁵ Go Jethu yecin bēn tāu yenyin, go daai ku tīŋ kēriēc ēbēn apath.

²⁶ Go Jethu cɔl adhuk paande ku thōn bī cīi la lēk kɔc kɔk.

Pīter aci Jethu ŋic

(Mt 16:13-20; Lk 9:18-21)

²⁷ Go Jethu kek kɔcken ye buəθth la Cetharia Pilipi. Tēwēn cieth kek, ke thiēc Jethu, “Lēkkē ya, ye jāŋ tak ye yēn ē ŋa?”

²⁸ Gokē lueel, “Ayekē lueel lōn ye yīn Joon raan kɔc muəc nhüim. Ku lueel kuat dēt lōn ye yīn Elija, ku kɔc kɔk ayekē lueel lōn ye yīn raan tōŋ kam kɔc kāk Nhialic tīŋ.”

²⁹ Gokē thiēc, “Na week yakē lueel lōn ye yēn ŋa?” Go Pīter bēer, “Yīn nhom guəp, yīn ē Raan cī lōc ku dac.”

³⁰ “Kē ca lueel ē yic Pīter.” Ku lēk ke, “Duökkē lēk raan dēt.”

Jethu ē jam Arēemde ku Thuənde

(Mt 16:21-28; Lk 9:22-27)

³¹ Nawēn ke jɔl Jethu piəc ēlä, “Manh Raan abī dhiel reem, ku yeen abī kɔcīt baai, ku bāny kāk Nhialic ku jɔl aa kɔc piöc lööŋ kɔc Itharel jai, ku nākkē. Ku yeen abī nīn kadiäk nōk piiny ē raŋ yic, ku ben pīr ku jɔt rot raŋ yic.”

³² Ku teet kēnē yic apath tēnē ke. Go Pīter miēt wei kɔc yiic ku yōök bī cīi ye jam kēya.

³³ Go Jethu yenhom wel ku tīŋ kɔcken ye buəθth ku rēl Pīter ku lueel, “Jāl yalōm jōŋrac. Wīc ba kāk cī Nhialic guir waar yiic! Kāk ye tak aacie kāk Nhialic, aa wēl raan ē path.”

³⁴ Ku jɔl Jethu kɔcken ye buəθth cɔl ku lēk ke, “Na le raan wīc bā buəθth, ka dhil nhom mää r kəpuəθth bī yök piēre yic pinyinhom ē tēn. Ku dhil puə riel ku buəθth ya, cak alōn wīc kɔc kōk ye bīk nōk ē rienkiē.

³⁵ Rin raan wīc ye bī wēlke kony aabi muər, ku na ye raan mār wēlke ē rienkiē ku rin piəc diē, ka bī wēlke muk akōl riēc ēbēn.

³⁶ Yenō bī raan kuany thin, bī jak apei pinyinhom ku mēr wēlke?

³⁷ Pîr wêi akölrîëec apath, acîn kê lêu bi ye waar.

³⁸ Na ye raan guöp yâr ya ku piöccdië ë riëec cii ye wïc bi wët Nhialic gam, ke Manh Raan abi guöp yâr ye aya, aköl dhuk yen kek diik Wun kek atuuc Nhialic.”

9

¹ Ku le tuen ku lueel, “Wek alëk yic, ala koc kök rëer ë tën, aaciî bi thou agut të bi kek ya tîj kek riel ye nyuöoth lön ye yen bëny ci Nhialic löc.”

Jethu aci guäpde rot waan
(Mt 17:1-13; Lk 9:28-36)

² Nawën nin kadätem cök, ke Jethu cöl Piter ku Jemith ku jöl a Joon, ku lek gön bär apeî nhom kepëc. Kaam wën röök kek, ke tîj Jethu ke ci rot waan,

³ ku jöl aläthke yer apeî abik la diardiar.

⁴ Nawën ë ke tîj Elija ku Mothith ke jam kek Jethu.

⁵ Wën ci kek rëer kaam thin-nyöot, go Piter lëk Jethu, “Raan piöoc, apath buk rëer ë tën. Yok abi duël kadiäk looi, tök tënë yî, ku tök kek Mothith, ku tönj dët kek Elija.”

⁶ Kënë jicem yen kälä, ee rin kuc yen wët peth bi lueel, rin këpuoth cik tîj ci ke nyöj nhüm wël.

⁷ Go këcît rur piny paat abi ciën të yekë tîj, ku pinjë Nhialic ke jam ëlä, “Kënë ë Wëndiën nhiaar, piënkë wëtde.”

⁸ Nawën tîjkë piny kaam thiin awën, ke ye Jethu yen tîjkë yetök.

⁹ Tëwën dhuk kek piny göt nhom, go Jethu lëk ke, “Duökkë käk cäk tîj lëk raan dët yet aköl bi Manh Raan jöt ran yic.”

¹⁰ Gokë wët Jethu gam, ku jolkë röt aa thiëec ëlä, “Yenö wïc Jethu bi lueel wën ye yen jam jön rot ë ran yic?”

¹¹ Ku thiëckë Jethu, “Yenö ye koc piöoc lööj ye lueel lön ye yen Elija yen bi kanj bën tuen, ku ëmën aci lök bën yicök?”

¹² Go bëer ëlä, “Ee yic, Elija akonj bën tuen, rin bi yen dhël bën guuir. Ku yenö gët ye aya, lön Manh Raan abi koc Itharel jai, ku abik cöl arem apeî?”

¹³ Alëk we lön ci Elija bën theer ku acik luöoi teden nhiarkë, cit të ci ye gät thin theer rienke.”

Jethu aci dhön la guöp jönrac kony
(Mt 17:14-21; Lk 9:39-43)

¹⁴ Nawën dhukkë tënë abiöth Jethu käk awën, ke yökkë ke ke ci koc juëc apeî gööm, ku koc piöoc lööj ke teer wël ke ke.

¹⁵ Tëwën tîj kek Jethu, gokë puüth miät apeî ku lorkë ku muüthkë.

¹⁶ Nawën yëët Jethu tënë atuöocke ke thiëec, “Yenö teerkë wek ke?”

¹⁷ Go raan tök thän awën yic wët dët tëem thin ku lueel, “Raan piöoc, yen aci manhdiën ca kanj bëei tënë köckun yi buöoth, bën bëei tënë yî, rin këc kek jön tö yeguöp lêu bik cuöp wei. Yeen aci jönrac la yeguöp ku ye pën jam.

¹⁸ Të däm ë jön këné ye, aye wiet piny ku yik thok ayök, ku reem yelec ku riny. Yen aci köckun yi buöoth thiëec bik jök cuöp wei, ku akëckë lêu.”

¹⁹ Go Jethu lëk ke, “Wek koc cie lac gam, yakë tak ba rëer kek we yet nen, bäk jäl gam. Bëiikë dhön këné tënë yen.”

²⁰ Gokë bëei tënë ye.

Kaam wën tîj jönrac Jethu, ke leth dhök ku wit piny ku löc ku yik thok ayök.

²¹ Go Jethu wun thiëec, “Ye nen däm jön këné ye?” Go bëer, “Tëwäär ye yen meth.

²² Aci jön këné duër nök, aye wiet meec, ku le wiet wüir bi duër mou. Na lêu ke yi kony yo.”

²³ Go Jethu lëk ye, “Yenö ye yin ye lueel, lön na lêu! Ee yic, këriëec ëbën apual yic tënë raan ci gam.”

²⁴ Go wun meth dhiau, “Yen ala gam ku akoor, kony ya bi gamdië rot juak.”

²⁵ Nawën tîj Jethu koc juëc ke bö tethiäak kek ye, ke rël jönrac ku lueel, “Ee yin jön minj cie jam. Yin ayöök, bäär bei dhök guöp, ku duk ben dhuk yeguöp.”

²⁶ Go jönrac dhiau yeröl ku wit piny, ku leth, ku bëi bei. Ku jöl dhök ananjan piiny abi koc kök aa lueel, ka ci thou.

²⁷ Go Jethu däm cin ku kony bi rot jöt. Go rot jöt ku këcc.

²⁸ Tëwën rëer Jethu kek köcken ye buöoth ë röt, ke thiëckë, “Yenö këc yok ye lêu buk jön këné cuöp wei?”

²⁹ Go lëk ke, “Jön cit këné acäk lêu bäk cuöp wei. Ee röök ë rot yen ë ye alëu bi jak cit kakkä cuöp wei.”

Jethu aci bën jam ë Thuönde
(Mt 17:22-23; Lk 9:43-45)

³⁰ Go Jethu kek köcken ye buöoth jäl tëwën ke ke ret pan Galilia yic, ku cii wïc bi la raan njic ye.

³¹ Rin ë ninkä ë piöoc köcken ye buöoth kë bi rot luü ye, “Manh Raan abi thän koc bi ye nök, ku na aköl ye nin diäk ka bi rot jöt ran yic.”

³² Ku aa këc wëtde bën deet yic, ku riöockë bik thiëec.

Koc Jethu buöoth aaci wët teer
(Mt 18:1-5; Lk 9:46-48)

³³ Gokë yet Kapernaum. Nawën lek yet yöt, ke thiëc atuöocke, “Yenö këné teerkë wën dhël yic?”

³⁴ Gokë gup riöoc ku bitkë, rin wën cieth kek, aake teer wët lön, yeja kamken yen dit apeî.

35 Go nyuc ku cəɔl atuššcke kathiäär ku rou ku lək ke, “Piənķē, na ye raan wïc ye bi tšu tueŋ, ka dhil dhuk ciēen ku luui rin kəc ebēn.”

36 Ku dəm meth ku cəl akääc kenhiim ku tēšu yecin yekēt ku lək ke,

37 “Raan manh koor cit manh kēnē lor ē rienkiē, acā lor, ku raan ya lor, acie ŷen ye lor, ee Wā Aciēŋ toc ŷa.”

38 Nawēn akōl dēt ke lək Joon ye, “Raan piöoc, ŷok aaci mony dēt tiŋ keye jakrac cuəp wei kəc gup ē rienku ku acuk pēen rin acie raanda.”

39 Go Jethu lueel, “Duškkē ye pēen rin raan kəŋ looi rienkiē, aci lēu bi rot guə wel ku lək ŷa kērac.

40 Rin raan cii ŷo man, ee raanda.

41 Wek alək yic, raan we muəoc piū ē rin ye wek kəc Raan ci ləc ku dəc, abā arišpde ŷok.”

Ba raan dēt thöšc kērac yic (Mt 18:6-9; Lk 17:1-2)

42 Na ye raan wēŋ menh tək kam ē mīthkā ku bā maan, ka ŋuēŋ tēnē ē raan cit kēnē, diēt ci rušk yeth alel dīt tet, ku pik wīir bi mou. [

43 tē cii kāmden ē thou thīn, ku mac acie thou akōlriēec ebēn.]

44 Ku na ye ciēendu yī cəl aloi awušc, ke tēem wei, aŋuēŋ ba pīr pīr path kek ciēen tək, kek tē bi yīn la cin karou ku cuet yī pan many cie thou akōlriēec ebēn. [

45 tē cii kāmden ē thou thīn, ku mac acie thou akōlriēec ebēn.]

46 Ku na ye cšškdu yī ŷäth awušc yic, ke tēem wei, rin aŋuēŋ ba pīr pīr path ke yī ye ŋəl, kek tē bi yīn la cök karou ku cuet yī pan mac.

47 Ku na ye nyiendu yī cəl aloi awušc, ke ŋuēt bei. Aŋuēŋ ba rot mat bääny Nhialic yic kek nyien tək, kek tē bi yīn la nyīn karou ku cuet yī pan mac.

48 Ee tēen arēem yekē ŷok thīn acie thök, ē rin many pan mac acie many ye yor.

49 Raan ebēn abī lək ē mac cimēn ye ajuēr lək awai.

50 Awai apath. Ku na thöök kšu alēi ke ben dhušk thīn kēdē? Rēərķē kek awan määth kamkun ku lakkē dšör kamkun.

10

Jethu apiöoc wēt lišši (Mt 19:1-12; Lk 16:8)

1 Go Jethu jäl tēwēn ku ler Judia ku teem wār Jordan. Go kəc juēc apei bən guēēr tēnē ye. Goke piššc cimēnden thēer.

2 Go Parathī kək bēn tēnē ye ku wickē bik deep wēt ku thiēckē, “Na päl raan tiēde ke cii path?”

3 Go Jethu bēer, “Yeŋö cī Mothith lək we wäthēer?”

4 Gokē lueel, “Acī Mothith pušl bi moc athör lišši gšt, ku pēl tik.”

5 Go Jethu dhušk ke, “Mothith aci lōŋ kēnē gāt we ē rin wärkuan dīt aake cie yith ye lac gam.

6 Ku wäär tueŋ cək Nhialic kəc aaci cak moc ku tik.

7 ‘Ku rin ē wēt kēnē raan abī wun ku man nyääŋ piny, ku le ker kek tiēde,

8 ku keek karou aabi ya many tək.’ Kēya aaci ben ya rou aa tək.

9 Kēya, na cī Nhialic ke pušl bi ya moc ku tik, ka cin raan päl ŋək kamken.”

10 Ku wēn cī kek dhuk baai, ke thiēec kocken ye buəoth ē wēt kēnē.

11 Go lək ke, “Na ye raan liši tiēde ku thiēek tiŋ dēt, ka cī kērac looi tēnē tiŋden tueŋ.

12 Ku na ye tiŋ päl muənyde ku le mony dēt thiaak, ka cī akər looi.”

Jethu adoc mīth

13 Kək kək aake ye mīth bēi tēnē Jethu bi ke bēn dəoc, go kəc Jethu buəoth ke läät.

14 Nawēn la Jethu kē looi atuššcke tiŋ, ke dak pušu ku lueel tēnē ke, “Calkē mīth aabš tēnē ŷa, duškkē ke pēn. Raan wïc ye bi la bääny Nhialic yic adhil gam cimēn ē mīth thiikā.

15 Alək we, raan wïc ye bi bääny Nhialic ŷok adhil wēt Nhialic gam, cimēn ye manh koor wēt kəc ke dhiēth ye gam.”

16 Ku cəɔl mīth yelššm ku tēšu yecin kenhiim ku dəoc ke.

Raan ajak

(Mt 19:16-30; Lk 18:18-30)

17 Tēwēn jiēl Jethu geeu, ke raan riŋ tēnē ye ku gut yenhiaal piny ku lueel, “Raan piöoc path yeŋö ba looi ba pīr akōlriēec ebēn ŷok?”

18 Go Jethu thiēec, “Yeŋö yīn ye lueel lan ŷen apath? Acin raan path, ee Nhialic ē rot yen apath.

19 Yīn aŋic lööŋ Nhialic, ‘Duk raan nək, duk tiŋ raan dēt kər, duk kuēēŋ wēt lueth, duk cuēer, thek wuur ke moor.’ ”

20 Go bēer, “Raan piöoc, lööŋkā aaya thek tēwäär koor ŷen agut cit emēn.”

21 Go Jethu döt apei, ku nhier ku lueel, “Ee tək yen akēc looi, lər ŷaac kəkku wei ebēn ku gam wēu tēnē kəc ŋəŋ, yīn abī jiek la ŷok pan Nhialic, ku bäär buəoth ŷa.”

22 Wēn piŋ yen wēt kēnē, ke mēen ku jiēl ke cī pušu dak, rin ē la kajuēc apei.

²³ Go Jethu yenhom wël kacken ye buoath ku lëk ke, “Abi yic riel tēnē ajiëek bik la bäany Nhialic yic.”

²⁴ Go kacken ye buoath gai ē wëlkä. Go Jethu ben ber yic tēnē ke, “Miëthkië, yenjō ril yen këya bi raan la bäany Nhialic yic!”

²⁵ Apuol yic bi thöröl bak with cök, tēnē tē bi raan ajak la bäany Nhialic yic.”

²⁶ Gokë njet ke gai apei, ku thiëckë, “Na ye këya, ke yenja bi la pan Nhialic?”

²⁷ Go Jethu ke dot ku bëer, “Acii raan bi lëu ē rot, bi gam tē kēc Nhialic ye kony, rin Nhialic ē kəriëec ebën lëu, acin kē dhal ye.”

²⁸ Go Piter rot jot ku lueel, “Na yo, yok koc ci kakkua ebën nyään piny ku buothku yi?”

²⁹ Go Jethu bëer, “Ee yic, ku alëk we, kuat raan ci panden nyään wei kek paan ē man ku nyierakën, ku wun ku man ku miëthke ku kacke ebën ē rienkië, ku rin wët Nhialic,

³⁰ cii kajuëc bi yök pan Nhialic. Abi bëei juëc ku wämäthakën ku nyierakën ku märkeñ juëc, ku mith ku dum, ku kuöc ciëen bi ye kuöc ciëen aabi yök aya arak buoat. Kakkä aabi yök pinyinhom ē tēn, ku abi pir akölrüëc ebën yök aköldä.

³¹ Ku koc juëc tō tuenj emën aabi dñj ciëen, ku koc kōk juëc tō ciëen aabi la tuenj.”

*Jethu ajam ē Thuande kën yic diäk
(Mt 20:17-19; Lk 18:31-34)*

³² Nayon aköl dët Jethu kek kacken ye buoath, ku koc kōk aake kuany dhël yic, ke la Jeruthalem. Ku Jethu ē tō tuenj ku buoath kacken ye buoath ke ci nhüm mum. Ku koc awën biöth, ke ci riöc. Go Jethu atuöccke kathiaär ku rou ben caal tēden röt, ku lëk ke kē bi rot la looi tēnē ye.

³³ Ku lëk ke, “Emën, yok aala Jeruthalem tē bi Manh Raan la dam ku yēth bäny Itharel nhüm, ku koc piöoc ē lööj. Ku abik tēm thou, ku thönkë bënyaknhom Roma mac baai bi la nök.

³⁴ Ku abik läät ku buikë, ku njuatkë ku thatkë, ku näkkë, ku na ye nün kadiäk cök, ka bi pir ku jot rot ranj yic.”

*Käk wic Jemith ku Joon
(Mt 20:2-28)*

³⁵ Nayon thëei ke Jemith ku Joon wëët Dhubedi bō tēnē Jethu, ku luelkë tēnē ye, “Raan piöoc, awicku ba yo luüi kē buk thiëc tēnē yi.”

³⁶ Go Jethu ke thiëc, “Yenjō wiëckë ba looi tēnē we?”

³⁷ Gokë dhuk ëlä, “Tē nyuc yin thönydu nhom dieëkdu yic nhial, ke yi cöl yo aa nyuc kek yi, raan tök löj cuëc, ku raan dët löj cam.”

³⁸ Go Jethu lëk ke, “Wek aa kuc kē thiëckë, yen abi banj apei ē ninkä ku yen abi nök. Lëukë bāk gum cimëndië?”

³⁹ Gokë bëer, “Alëuku.” Go Jethu lëk ke, “Na cōkkë we nök ayic, ka lëukë bāk gum,

⁴⁰ ku acie yen la riel ba raan nyuc köñdiën cuëc ku köñdiën cam kuany, ee Nhialic yen abi ke yiëk kacken ci guiër ke.”

⁴¹ Nawën le atuuc kōk kathiaär pinj, ke riääk puöth tēnē Jemith ku Joon.

⁴² Go Jethu ke cöl ebën ku lueel, “Anjickë löñ koc ci gam bik aa bäny koc cie koc Itharel aala riel koc nhüm, ku acii path bāk ciët ke.

⁴³ Ku kēnē acii rot bi looi kamkun. Raan wic ye bi ya raandit kamkun adhil rot dhuök piny bi ya luui rin koc kōk.

⁴⁴ Ku na ye raan wic ye bi ya bëny koc nhüm, ka dhil ya aluanj koc ebën.

⁴⁵ Cimën Manh Raan aya akëc bën bi koc bën loony, aci bën bi koc bën kony, ku gem wäike bi koc juëc waar thou yic.”

*Jethu akony cöör bi daai
(Mt 20:29-34; Lk 18:35-43)*

⁴⁶ Go Jethu kek kacken ye buoath, ku koc juëc kōk yet gen Jeriko. Kaam wën jiel kek geeu, ke mony cöör ē koc lim, cöl Timawuth ē rëer dhël you ke lim.

⁴⁷ Nawën pinj löñ ci Jethu raan pan Nadharet yëët, ke cöt röl dit, “Bëny Jethu yin anjääth apei. Yin ē wën Debit ci Nhialic tooc. Kony ya.”

⁴⁸ Go koc kōk rël ku yöökkë bi biet, go jot kiu apei, “Wën Debit kony ya.”

⁴⁹ Go Jethu kōc ku lueel, “Cöökë.” Gokë cöl, “Jot rot, yin aye bëny cöl.”

⁵⁰ Go rot puur abä alanhden acuat lööny wei yeköu ku rinj tēnē Jethu.

⁵¹ Go Jethu thiëc, “Yenjō wic ba looi tēnē yi?” Go cöör lueel, “Bänydië, awiëc ba ben daai.”

⁵² Go Jethu lëk ye, “Löör, gamdu aci cöl apuol.” Go daai nyin yic, ku buoath Jethu.

11

*Jethu aci la Jeruthalem ke ciëm yai
(Mt 21:1-11; Lk 19:28-40; Jn 12:12-19)*

¹ Nawën nün kōk cök ciëen, ke Jethu kek kacken ye buoath la Jeruthalem. Ku tēwën ci kek thiök kek Bethpeec ku Bethani, tēthiääk kek gön Olip, ke Jethu tooc kacken ye buoath karou tuenj,

² ku lëk ke, “Lak bëei tō tuenj yiic ku tē yeet wek, ke wek aabi akaja cün raan ci kanj cath ye yök ke mac. Luonykë ku bëëikë.

³ Na le raan thiëc we, ke luelkë, awic Bänyda, ku abi dhuk emën thiin.”

⁴ Gokë la ku yökkë manh akaja ke mac yöt thok, dhël you. Tēwën löny kek ye,

⁵ go koc ke kääc tēthiäk ke thiëc, “Yenjō luöikë, löny wek manh akaja?”

⁶ Gokë lëk ke cit tēwën ci Jethu ke than thiin. Go päl ke ku jielkë.

⁷ Gokë manh akaja yäth tēnē Jethu ku kumkē kōu aläthken, ku nyuc Jethu yekōu.

⁸ Kōc juēc aacā aläthken thieth dhēl yic, ku kōc kōk aacā ayōr tiim dhoŋ dum yiic, ku thiethkē ke dhēl yic aya.

⁹ Go kōc ke tō yenhom tuen, ku kōc ke buōth Jethu, yai looi ku yekē wak ēlä,

“Lecku Nhialic! Bēny dōc raan bō ē riēnku,

¹⁰ Nhialic dōc bāāny wāda Debit bō! Lecku Nhialic!”

¹¹ Ku jōl la Jeruthalem ku bek luan Nhialic ku ciēth kēriēc ēbēn. Nawēn cī piny guō cuäl, ke dhuk Bethanī kek atuōōcke kathiāār ku rou.

Jethu aci tim wak bi riau

(Mt 21:18-19)

¹² Nayōn nhiäk, tēwēn jiēl kek Bethanī, Jethu ē nēk cōk.

¹³ Nawēn ke tiŋ tim cīt ŋaap ke cī nhom thiāŋ ayōr, go la cōl bī yōk ke cī luok. Nawēn le yet ke yōk ke ayōr kepēc, rin tēden ye yen luok aŋoot.

¹⁴ Go Jethu lueel, “Acin raan kōŋ miēthku ben cam lanayōn.” Ku wēt kēnē ēcī kōcken ye buōth piŋ.

Jethu aci la luan Nhialic

(Mt 21:12-17; Lk 19:45-48; Jn 2:13-22)

¹⁵ Nawēn lek yet Jeruthalem, ke Jethu la luan Nhialic, ku cop kōc kāŋ yaac ayeer kal luan Nhialic yic. Ku wel agen kōc war wēēu yiic, ku thōc kōc yōōc wei ē kuōr.

¹⁶ Ku cī kuat raan la kē muk pāl bī ret luan Nhialic lōōm.

¹⁷ Ku jōl kōc piōōc, “Acī gōt ēlä athōr theer wēl Nhialic yiic, ‘Luanđiē aci looi bī ya tēn ye kōc wuōt ēbēn rōōk thiin, ku yeen acāk wel bī ya luan cuēr.’”

¹⁸ Wēt kēnē aci kōc kāk Nhialic ku kōc piōōc lōōŋ piŋ ku wickē dhēl nēk kek ye. Ku keek aake cī riōōc Jethu rin cī kōc ēbēn puōth miēt piōōcde yic.

¹⁹ Nawēn la thēi bēn, ke Jethu kek atuōōcke jiēl geeu.

Atuuc Jethu aaci tim wäär tiŋ ke ci riau

(Mt 21:20-22)

²⁰ Nayōn nhiäk dēēt, tēwēn kuēny kek dhēl yic, ke ke tiŋ tim cīt ŋaap wäär cī Jethu wak ke cī riau.

²¹ Go Pīter kēwäär cī Jethu lueel tak ku lueel, “Raan piōōc tiŋ tim wäär ca wak aci riau.”

²² Go Jethu bēēr, “Gamkē Nhialic.

²³ Wek alēk yic, na le raan yōōk gōn kēnē, cuat rot wūr, ku cī diu ku gēm lōn bī kē cī lueel rot looi, ka tiŋ rot.

²⁴ Kēya, alēk we, kuat kē thiēc tē rōōk yin, gam lōn bī yin ye yōk, ku kē wic aba yōk.

²⁵ Ku tē rōōk yin, ke yī pēl wēt piny tēnē raan dēt, rin bī Nhialic adumuōōmku pāl piny aya. [

²⁶ Na cī wēt ye pāl piny tēnē kōc kōk, ke Nhialic aci awācdu pēl piny.”]

Bāny Itharel aa riel Jethu yōōŋ yic

(Mt 21:23-27; Lk 20:1-8)

²⁷ Gokē ben dhuk Jeruthalem, ku tēwēn ciēth Jethu kal luan Nhialic yic, ke bānydīt kāk Nhialic ku kōc piōōc ē lōōŋ ku jōl aa kōcdīt baai, bō tēnē ye.

²⁸ Ku thiēcē ēlä, “Ee yin ye riel ŋō tō yigūōp ye yin luui kēlä? Ku yerja yik yī ē riel kēnē ba keek aa looi?”

²⁹ Go Jethu bēēr tēnē ke, “Wek aba thiēc wēt kēnē aya, na bēēr kē, ke wek aba lēk raan cā yiēk riel ye yen kākka looi.”

³⁰ Lēkkē ya, “Joon raan kōc muōōc nhūm, yōk riel yen kōc gām lōkwēi tēnē Nhialic, aye rielde ē rot?”

³¹ Gokē guēek yic kamken ku luelkē, “Na luelku, ‘Ke yōk tēnē Nhialic,’ Ka thiēc, ‘Aye ŋō kēc wek wētde gam?”

³² Ku na luelku, ‘Ke rielde ē rot,’ ke yōk aa jōny keek rin cī raan ēbēn ye gam.”

³³ Gokē dhuōk Jethu, “Akucku.”

Go Jethu lēk ke, “Na ye kēya, ke wek aacā lēk riel ye yen kākka looi.”

12

Jethu aci jam ē waal bi rēēc bāny nyuōōth

(Mt 21:33-46; Lk 20:9-19)

¹ Nawēn ke Jethu jam waal tēnē kōc man ye ēlä, “Monytui ēcī dom looi ku cum yic tiim ē luok ku rōk. Ku looi tēn ye miŋ tim guōr thiin bīk ya mōu. Ku wec kāt piny. Ku jōl dom riōp yic kōc kōk, ku le kēny wun dēt.

² Nawēn le tē cī tiim luok thōōŋ, ke tooc alonyde tēnē ke bīk la gām abākke.

³ Gokē alony dōm ku thatkē ku copkē ciēēn yecin.

⁴ Go raan la dom alony dēt ben tooc, gokē yup nhom, ku banjē apei.

⁵ Go alony dēt ben tooc, gokē nōk, ku jōlkē alony kōk aa that ku nākkē alony kōk.

⁶ Ku ē manhde yen ēcī jal dōŋ bī ben tooc. Go jal tooc ku lueel, ‘Anjēc abik la theek,’

⁷ Go kōc awēn cī riōp dom yic lueel ē kamken, ‘Kēnē ē manh raan la dom, bī kāŋ lōk thōn akōldā. Bāk nākku ku kākka aabi dōŋ kek yoi!’

⁸ Gokē dōm ku nākkē ku cuetkē guāpde wei.”

⁹ Ku jōl Jethu ke thiēc, “Yenō bī raan la dom looi? Abi bēn ku nēk kōc awēn cī riōp dom yic. Ku riōp dom yic kōc kōk.

¹⁰ Kēckē wēt cī gāt athōr theer wēl Nhialic yic kēnē kaŋ kueen?”

‘Mën wäär yen cī atēēt kuec, yen acī bēn a mēn ril apeī.

11 Kēnē ē ye luai Bēny, ayeku tiŋ ke path ku dhēēŋ yonyinl’ ”

12 Go bāny Itharel puŋth dak ku wickē bik dām, rin acīk ŋic lōn jīem Jethu ē rienken. Ku rin rišōc kek koc juēc tō thīn, gokē puŋl ku jīelkē.

Jethu awīc bī wēēŋ wēt ajuēr (Mt 22:15-22; Lk 20:20-26)

13 Go koc ke man Jethu, Parathī kōk, ku koc Antipāth Yērot tuōōc tēnē ye bik la wēēŋ, bī wēt rac lueel.

14 Ku bik ku luelkē tēnē ye, “Raan piōōc, aŋicku yīn ē jam yith. Yīn acie diēer kāk ye koc kōk tak. Ku yīn acie diēden ye kuēc nhom. Ku yīn ē koc pišōc bik kāk wīc Nhialic looi dhēl la cōk. Lēk ŋo na ye tāktākdu, buk ajuēr dhiel aa gam, yok koc Itharel tēnē Cithēr Bēnyŋaknhom, kua cuk bī gām ye?”

15 Ku Jethu ēcī ruēnyden ŋic, ku bēēr, “Yeŋō wīc wek ye bāk ya deep ē wēt? Bēēikē ē wēnh kēnē ba tiŋ.”

16 Gokē jal yiēk wēēth. Goke thiēc, “Ye nhom ŋa, ku ye rin ŋa kākā cī giēt wēēth kōu?” Gokē bēēr, “Aa kāk Cithēr Bēnyŋaknhom.”

17 Go Jethu lēk ke, “Gāmē Cithēr Bēnyŋaknhom kēde, ku gāmē Nhialic kēde.”

Gokē puŋth dak rin cī Jethu ruēnyden ŋic.

Nhialic abī koc cī thou cal aa ben pīr (Mt 22:23-33; Lk 20:27-40)

18 Nawēn ke koc kōk akut Thaduthī. Akut cī ye ye gam lōn bī Nhialic koc cī thou ben cal apīr, bō tēnē Jethu ku thiēckē ēlā,

19 “Raan piōōc, Mothith acī lōŋ gōt ēlā tēnē ŋo, ‘Na thou wāmēnh ē raan, ku nyiēēŋ tik piny ke cīn mīth, ke wāmēnh koor ala ŋōt tik bī mīth dhiēēth ŋōn mēnhē.’

20 Na thōōŋku lōn tō mīth tik thīn kadhorou. Ku thiēk wēn dīt ku thou ke cīn mīth.

21 Go wēn buŋth ye la ŋōt tik ku thou aya ke cīn mīth cī dhiēēth. Ku loi kēnē rot aya tēnē mēnh ye kek diāk.

22 Ku looi rot kēya tēnē wāmāthakēn kōk, keek ēbēn kadhorou acīn mīth cīk nyāāŋ piny.

23 Ku lek tuēŋ ku thiēckē, tē le koc cī thou rōt jōt akōldā, bī ya tiŋ ŋa rin cī yen rēēr ke ke ēbēn kadhorou?”

24 Go Jethu bēēr, “Wek aa koc ril nhīim cīn kē ŋiēckē, rin cī wēk wēl cī gōt athōr thēer wēl Nhialic yic ye gam. Ku acāk ye gam aya lōn bī Nhialic kē ye lueel ka bī looi, lēu bī looi.

25 Rin tē le koc cī thou rōt jōt, aacī bī thiēēk ku aacī bī thiaak, aabī rēēr kecīt atuuc nhial.

26 Ku na ye rin wēt bī koc cī thou rōt jōt, ke we kēc athōr cī Mothith gōt kueen rin bun dēp, tēwäär cī Nhialic jam tēnē ye ēlā, ‘Ųen ē Nhialic Abaram, ku Ithāk ku Jakop.’

27 Koc cī thou ke ŋic Nhialic aa pīr alanden. Yeen ee Nhialic koc pīr, ku koc cī thou aya. Acāk wušōc!”

Lōŋ ril lēu bī theek kam ē lōōŋ (Mt 22:34-40; Lk 10:25-28)

28 Raan piōōc lōōŋ koc Itharel ē tō thīn tēwēn teer Jethu wēl kek Thaduthī. Na le tiŋ ke Jethu ye wēlken ŋic bēēr, go bēn tēnē ye ku thiēc, “Ye lōŋ nen yen ril apeī kam lōōŋ?”

29 Go Jethu bēēr, lōŋ ril akīn, “Piēŋkē koc Itharel, Bānyda ē Nhialic ku ee tōk.

30 Nhiar Bēny, Nhialicdu pušu ēbēn, ku wēiku ēbēn, ku nhiamdu ēbēn, ku riēldu ēbēn.

31 Lōŋ dēt ril ye kek rou akīn, yīn adhil raan dēt nhiaar cimēn nhīer yīn rot. Acīn lōŋ dēt ril apeī wār ē lōōŋkā karou.”

32 Go raan piōōc ē lōōŋ lueel tēnē Jethu, “Ee yic raan piōōc cīt tē ca luēl ye, acīn Nhialic dēt, Nhialic ē tōk.

33 Ku raan adhil Nhialic nhiaar piānde ēbēn, ku nhiamde ēbēn, ku riēlde ēbēn. Ku adhil raan dēt nhiaar cimēn nhīer yen rot. Lōōŋkā karou kek adhil ē theek, tēn tē bī Nhialic nāk ŋōk ku dor ē yīik nhīim.”

34 Wēn tiŋ Jethu ye ke cī bēēr apath, go lēk ye, “Yīn acī mec kek bāny Nhialic.” Ku tēēn acīn raan kam koc man Jethu cie ben thiēc.

Jethu acī koc pišōc lōn yen raan ē tooc Nhialic (Mt 22:41-46; Lk 20:41-44)

35 Tēwēn piōōc Jethu luanŋ Nhialic, ke lueel, “Aŋiēckē lōn ye koc piōōc ē lōōŋ koc Itharel ye lueel lōn Raan cī lōc ku dōc, abī ya raan dhiēnh Debit?”

36 Debit gušp ēcī Wēi Nhialic yōōk bī lueel ēlā,

‘Acī Nhialic lueel tēnē Bānydiē, “Nyuc ē tēn kōŋdiēn cuēc,

yet tē bī ŋen koc aterdu dhušk ciēēn yīcōk.” ’

37 “Ye kēdē ye Raan cī lōc ku dōc manh Debit, ku yeen aye Debit cōl ‘Bānydiē?’ ”

Jethu alēk koc bik rōt tiit koc gēt lōōŋ Itharel (Mt 23:1-36; Lk 20:45-47)

Ku koc juēc awēn cī wēt Jethu piŋ aacī puŋth miēt.

38 Tēwēn piōōc yen ke ke lueel, “Tiētkē rōt, ku duškkē koc piōōc lōōŋ koc Itharel ye kiēēt. Koc cath kek alēthken dīt bār, rōt teem ŋōn ŋōc yīic bī ke aa mušōth athēēk.

39 Ayekē nhiaar bik nyuc tuēŋ thōc kocdīt tēn amat, ku ŋōn path akōl yai,

⁴⁰ku keek aa kāk lēer tušor nyin, ku röökkē apei bik kōc wēy lōn puath kek. Kōckā, aabi tēm awuśdūt tet apeī!”

*Ajuēr lēēr
(Lk 21:1-4)*

⁴¹Tēwēn cī Jethu nyuc tē ye wēū juaar thīn luanj Nhialic, ke dōt kōc juēc wēū cuat kēnē ajuēr yic. Ku kōc juēc ajēek aake cī wēū juēc ya tāū thīn.

⁴²Nawēn ke lēer anāj bō ku cuet wēū reen lik thīn.

⁴³Go Jethu lueel tēnē kōcken ye buōth ēlā, “Wek alēk yic, lēer kēnē aci Nhialic kēden cī juaar nhiaar tēnē kōc kōk ēbēn.

⁴⁴Rin keek aa cik juaar wēūken juēc yiic, ku yen anājē, aci kēnē bī yen pīr dhuol thīn ēbēn.”

13

*Luanj Nhialic Jeruthalem abi thušor piny
(Mt 24:1-2; Lk 21:5-6)*

¹Tēwēn jīēl Jethu luanj Nhialic, ke lueel raanden tōj ye buōth tēnē ye, “Raan piōōc, tīj, ye luanj dīt dhēēj nō kēnē!”

²Go Jethu bēēr, “Yōōdīt dhēēj ye tījkā, aabi thušor piny ēbēn, ka cīn alēl tōj bī kōōc alēl dēt nhom.”

*Acī Jethu lēk atuśōcke lōn bī ke maan
(Mt 24:3-14; Lk 21:7-19)*

³Tēwēn rēēr Jethu gōn Olip nhom, ke cī yenhom wēl luanj ē Nhialic, ke thiēēc Pīter ku Jemīth ku Joon ku Andria wēn rēēr kek ē rōt.

⁴“Lēk yō, ye nēn bī kēnē rot looi? Ku yenō bī ye nyuōth lōn cī tēn bī kākā rōt looi thiōk?”

⁵Go Jethu lēk ke, “Tiēēr kē nhūm ku duōkkē rōt cōl aduōj.

⁶Kōc juēc aabi bēn ē rienkiē, ku ye űek lueel, ‘Ke yen Raan cī lōc ku dōc,’ ku aabi kōc juēc duōj.

⁷Tē tīj wek tōōj ke loī rōt akōldā, bī dhiēēth ayī kōc wuōn tōk rōt nōk, ke duōkkē diēer, kākā adhīl rōt looi. Ku kārēc kōk aabi rōt looi aya, ku acīe lōn cī thōk ē piny bēn.

⁸Rin kōc paan tōk aabi kenhūm tuōōm ku thēr kē, ku wuōt aabi thōr kamken. Ayīēkyīēk piny juēc aabi rōt looi bēēl juēc yiic. Ku cōj dīt apeī abi tōu thīn. Kākā kek aa kāk tuēj.”

⁹⁻¹⁰Ku lēk Jethu atuśōcke, “Wēt Nhialic abi kaű lēk kōc ē piny nhom ēbēn, ke thōk ē piny kēc bēn. Muōkkē wenhūm bāk puōth rīel kārēc bī we yōk yiic. Wek aabi kōōc bāny nhūm ē rienkiē bāk ke lēk Wēt Puōth Yam.

¹¹Ku tē dōm we ku yēth we luk yic, duōkkē diēer tē bī wek la jīēm thīn. Lak tuēj ke we

piōōc wēt diē piny nhom ēbēn rin acīe wek jam, ee Wēi Nhialic.”

¹²Ku ben Jethu lueel, “Raan kek wāmēnh aabi rōt aa gaany bik rōt cōl anāk. Ku wārken mīth aabi mīethken luōm, ku mīth aabi kōc ke dhiēth ke luōm bī ke cōl aa nāk aya.

¹³Kōc ēbēn aabi we maan rienkiē. Ku raan bī ye puōu dēet agut tē bī yen thou, abi pīr akōl rīēēc ēbēn.”

*Kēēēc bī rot looi tēnē kōc Jeruthalem
(Mt 24:15-28; Lk 21:20-24)*

¹⁴Pīējkē alēk we aya, “Ala akōl bī wek kērac apeī tīj. (Raan kuēn adhīl wēt kēnē deet yic.) Na rēēr Judia ku tīj ē kēnē, ke yīn adhīl rīj gat nhūm roor ba la thīaan.

¹⁵⁻¹⁶“Ku raan tō dom yic acī ben dhuk baai bā alan hde la lōōm. Ku raan rēēr ayeer, acī ben la yōt bī la guik kē nyīēl.

¹⁷Diār līec ku diār muk mīthkor aabi gum apēdīt ye nīnkā.

¹⁸Rōōkkē bī rōt cī loī wiir yic rut.

¹⁹Kōc aabi gum apeī ye nīnkā, gum kēc kē kaű yōk tēwāār cēk Nhialic kōc agut cīt ēmēn. Ku acī rot bī ben loī.

²⁰Na kēc Bēny looi bī nīnkā cōl alīk, űōt acīn raan cī pīr. Ku rin kōcken cī kuany, acī nīn cōl alīk.

²¹“Wek alēk kēnē, ‘Na le raan yōōk we tiējkē Raan cī lōc ku dōc kīn,’ tēdē ke lueel, ‘Tiējkē yen akan!’ Ke duōkkē gam.

²²Rin kōc juēc abi bēn ku lueel űek, ee yen Raan cī lōc ku dōc, ku lueel raan dēt ē yen raan kāk Nhialic tīj, ku looi kārīl apeī kōc gāi. Ku mār kē kōc cī Nhialic kuany, tē lēu kek ye.

²³Tīet kē rōt, kēriēēc ēbēn alēk we ēmēn bāk wenhūm tīt kāk bī bēn!

*Akōl bī Manh Raan bēn
(Mt 24:29-31; Lk 21:25-28)*

²⁴“Awiēc ku bāk űic aya, ye nīnkā, tē cī kōc jal gum apeī, akōl abi kum nyin bī piny cuōl, ku pēēl acī bī ruēl.

²⁵Kuēl aabi rōt yāāk ku lōōnykē.

²⁶Ku Manh Raan abi tīj ke bō pīal yiic kek diik ku rīēdīt apeī.

²⁷Ku yēn abā atuuc nhial tooc bik kōcken cī lōc kuōōt yiic piny nhom ēbēn.

²⁸“űieckē ē kēnē tim cīt űaap, tē looi yen yōōk ku looi yīth, ke kēr acī thiōk.

²⁹Kēya, tē tīj wek kākā ke loī rōt, ke űieckē lōn cī yen thiōk apeī.

³⁰Alēk we, wek aacī bī māār tē cōk kākā rōt looi.

³¹Nhial ku piny aabi liu, ku wēt diē acī bī kaű māār.

*Rēēr yī cī rot guīr
(Mt 24:36-44)*

³² “Acin raan njic aköl bi kakkä röt looi. Na cak atuuc nhial, ayi Wände, ka cik njic, ë Wä rot yen anjic ye.

³³ Rëërkë we ci röt guuir rin wek akuc aköl bi kënë rot looi.

³⁴ Kënë, acit kënë rot looi tënë raan la keny, ku nyiëënj aluönyke baai, njek ke luöide. Ku lëk raan ci nyiäänj baai thok bi rëer ke tit akölaköl.

³⁵ Këya, wek adhil rëer we tit aya, rin acäk njic yen të bi Bänydun bën thün, lon bi yen bën thëei, ku lon bi yen bën wëer ciel yic, ku lon yen dhiën than ajith, ku lon yen nhiäknhiaäk ë rial.

³⁶ Na guö bën, ke we cä yök we nin.

³⁷ Kë ya lëk we, alëk koc ëbën. Rëërkë we tit, ke we tir nhüim!”

14

Amat nek Jethu

(Mt 26:1-5; Lk 22:1-2; Jn 11:45-53)

¹ Nin karou Yan Ayum cin yic luou nhom tuenj, kocdit käk Nhialic ku koc piöoc lööj aake wic të bi kek Jethu dëep thün, bik däm ke kuc ku näkkë.

² Ku luelkë, “Acuk däm aköl yai, yok aabi tüit bi koc juëc kanj jäl, rin na dämku ku näkku, ke koc njoot yai yic, tädë ke koc juëc aa thär kek yo.”

Maria aci të theek yen Jethu thün nyuöoth

(Mt 26:6-13; Jn 12:1-8)

³ Ku tēwën rëer Jethu Bethani pan raan atuuc cäl Thaimon, tēwën mīth yen, ke tik bō kek tōny koor cī cuëëc ë tiam ril la yic miök njir cäl naar, ye yōoc wēëu juëc apēi. Ku kuem thok ku luuj miök Jethu nhom ëbën.

⁴ Go koc kək ke rëer thün pusth dak ku jiemkë kamken. “Yenjö tuuk yen miök njir?”

⁵ Miök njir kënë njüt aci yaaac wēëu juëc wär wēëu ye däm raan ë rušön tök, ku yik wēëu koc njōj.” Ku nyienykë tik apēi.

⁶ Go Jethu lueel, “Pälkë, yenjö nyieeny wek ye? Acī kēpath looi tënë ya.

⁷ Rin koc njōj aabi rëer kek we akölaköl. Ku na wiëckë bäk ke kony ka luökë. Ku yen acii bi rëer kek we akölaköl.

⁸ Tinj kënë, aci kē lēu bi looi tënë ya looi. Acī bën bā bën tōc bi guäpdie guuir bi jal thiäk.

⁹ Wek alëk yic, kuat të bi Wët Puoth Yam pišoc thün pinyinhom, kē cī tinj kënë looi, abi ya lueel bi ye a tak.”

Judath aci Jethu yaaac

(Mt 26:14-16; Lk 22:3-6)

¹⁰ Nawën ke Judath, raan tōj atuuc kathiäär ku rou, la tënë kocdit käk Nhialic bi Jethu la luom tënë ke.

¹¹ Gokë pusth miët apēi wën pinj kek wëtde, ku thōnkë lon bi kek ye gām wēëu juëc. Ku jal tē bi yen Jethu däm thün wic.

Jethu aci miëth yai cam kek atušöcke

(Mt 26:17-25; Lk 22:7-14, 21-23; Jn 13:21-30)

¹² Nawën aköl tuenj Yandit Ayum cin yic luou, nek amël rin yai, ke Jethu thiëec kocken ye buöoth ëlä, “Ye tēnan wic yin yo buk miëth yai la guuir thün?”

¹³ Go Jethu kocken ye buöoth tooc karou ku lëk ke, “Lak geeu Jeruthalem, ku wek abi röm kek raan yëëc tōöny piu, biaathkë,

¹⁴ pan le yen thün, ku lëkkë raan la baai. Aye Raan piöoc lueel, ‘Ye yōn nen bi yen miëth yai cam thün yok kockiën ya buöoth?’

¹⁵ Ku abi we nyuöth yōn nhial läau yic cī guuir yic. Guierkë miëthda ë tēën.”

¹⁶ Go koc ye buöoth jäl ku lek geeu Jeruthalem, ku yökë këriëëc ëbën cit tēwën cī Jethu ye lëk ke thün. Ku jolkë miëth yai guuir.

¹⁷ Nawën la thëi bën, ke Jethu bō kek atušöcke thiäär ku rou.

¹⁸ Tēwën mīth kek, ke lueel Jethu, “Wek alëk yic, raan tök kamkun abā luom ku ë raan mīth kek ya.”

¹⁹ Gokë pusth riääk ku jolkë gäi ku thiëckë tök-tök, “Makei! Ye yic? Ye yen?” Ku riëëkkë pusth apēi.

²⁰ Go Jethu bëer, “Ee raan tök kamkun wathiäär ku rou, raan yecin rek adušk yic kek ya.

²¹ Ee yic, Manh Raan abi nök cit tē cī gät ye rienke athör theer wël Nhialic yiic. Ku raan bi ye luom abi gum apēi. Ku anjüëen tënë ye diët këc cak dhiëëth.”

Guirku röt apath buk guöp Bëny röm

(Mt 26:26-30; Lk 22:14-20; 1Kor 11:23-25)

²² Tēwën mīth kek, ke Jethu löm ayup ku döc, ku bény yic ku gëm ke ku lueel, “Lömkë kënë, ku camkë, kënë ee guäpdie.”

²³ Ku lööm aduj cī thiäj mušn abiëc, ku leec Nhialic ku gëm ke, ku dëkkë thün ëbën,

²⁴ ku lueel tënë ke, “Kënë ë riämdië, riem ë döör kek Nhialic, bi kuër rin koc ëbën.

²⁵ Alëk we, yen acii bi bën dek mušn abiëc pinyinhom tēn kek we, yet aköl bi yok ye dek yodhie pan Nhialic.”

²⁶ Nawën cik jal thök ke ket waak, ku lek gon Olip cök.

Jethu aci kē bi Piter ye jai lueel

(Mt 26:51-35; Lk 22:31-34; Jn 13:36-38)

²⁷ Ku lueel Jethu tënë ke, “Wek kackië, wek aabi kat ya cimën këwäär cī gät athör theer wël Nhialic yic ëlä, ‘Yen abā abiöök cäl anäk ku amël abi wëer.’”

²⁸ Ku tē cī ʁen jət ranj yic, ke ʁen abī kanj la Galilīa ba we la tiit thīn.”

²⁹ Go Pīter lueel tēnē ye, “ʁen acīī bī kat tē cak kōc ēbēn kat!”

³⁰ Go Jethu lueel tēnē ye, “Alēk yī, ē wēēr kēnē, ke thōn ajīth kēc kiū rou, yīn abā jai arak diāk.”

³¹ Go Pīter dhušk ye, “Na cak ʁa nōk kek yī, ke yīn acā bī kanj jai.” Ku lueel atuuc kōk ēbēn kēya.

*Jethu arōšk ke ɳic lōn bī ye nōk
(Mt 26:36-46; Lk 22:39-46)*

³² Nawēn ke Jethu kek kōcken ye buōth la tē ye cāl Jethemani, ku lueel tēnē ke, “Nyuōšckē tēn ku yiēnkē, ʁen ala rōōk.”

³³ Ku cōl Pīter ku Jemīth ku Joon bīk la kek ye. Ku jəl rēēr ke nēk atiēēl, ku dhīeεu apēi yepušu.

³⁴ Ku lueel tēnē ke, “ʁen adhiau pušu apēi, ee thou gušp. Rēēr kē tēn ku yiēnkē.”

³⁵ Ku le tuenj tēthin-nyōt, ku rēēny rot piny ku rōōk ēlā, “Na lēu rot, ke kēreεc tit ʁa acīī bō.”

³⁶ Ku lueel, “Wā, yīn ē kēriēēc ēbēn lēu, nyaai ē kēreεc kēnē tēnē ʁa. Ku acie wēt piāndī ē wēt piāndu.”

³⁷ Nawēn ke dhuk tēnē ke ku yōkke ke nīn. Go lueel tēnē Pīter, “Thaimon, niēnkē? Cāk yiēn tēthin-nyōt?”

³⁸ Ku lueel tēnē ke, “Yiēnkē ku rōōkkē bī we cīī them jakreεc. Pušu ē gam ku gušp acīn riel.”

³⁹ Ku ben jāl ku le rōōk cīmēn awēn.

⁴⁰ Go ben dhuk tēnē ke, ku ben ke yōk ke nīn, rin cī nīn ke gōōk apēi. Ku muumkē nhīim kē bīk lēk ye, rin cī kek gup riōōc.

⁴¹ Nawēn dhuk tēnē ke kēn ye kek diāk, ke thiēēc ke, “Ńot we nīn! Lāānkē? Njēckē lōn cī tēn nīn thōk, tiēnkē Manh Raan acī luōm kōc rec. Emēn, tē bī ye jāl thōn kōc rec acī yēēt.

⁴² Raan cā luōm acī bēn. Jatkē rōt, lokku buk rōm.”

Jethu acī dōm

(Mt 26:47-56; Lk 22:47-53; Jn 18:3-12)

⁴³ Tēwēn ɳot jīeem yen, ke Judath raan ye kek thiāār ku rou bō ke cath kek kōc juēc muk paal ku atuel, ke cī kōcdīt kāk Nhialic, ku kōc gāt lōōj, ku kōcdīt baai tooc.

⁴⁴ Ku Judath ēcī kōc awēn cath kek ye, lēk tē bī kek raan wīckē bīk bēn dōm ɳic thīn, ēlā, “Raan ba muōth ku ciεem yen ē raan wīckē, damkē ku kuathkē ku tietkē rōt ē kacke apath.”

⁴⁵ Kaam wēn yēēt Judath, ke la tēnē Jethu nyīn yic ku lueel, “Bēny.” Ku muōth ke ciim.

⁴⁶ Gokē dōm ku derkē.

⁴⁷ Go raan tōk kam kōc ye buōth wēn kāāc thīn palde miēēt bei ku tōk alony lui pan raandīt kāk Nhialic yīc abī tēem wei

⁴⁸ Go Jethu ke thiēēc, “Cāk bēn we muk atuel ku paal bāk ʁa bēn dōm. Cāk tak lōn ye ʁen raan kōc rum?”

⁴⁹ ʁen ē rēēr ke we akōlakōl ʁa piōōc luāj Nhialic, ku wek aa kēc ʁa dōm. Ku kēnē acī rot looi ē rin bī kē cī gōt athōr theēr wēl Nhialic yīic yenhom tiεεj.”

⁵⁰ Ku jəl kōcken ye buōth nyāāj piny ku ketkē.

⁵¹ Ku riēnythīi dēt cej alanh acuat ē buōth Jethu. Nawēn wīc kōc awēn kuath Jethu bīk dōm,

⁵² ke nyiēēj alath kecin ku ket kecin kē cej.

Jethu acī ʁāth luj bāny Itharel yic

(Mt 26:5-68; Lk 22:54-55, 63-71; Jn 18:13-14, 19-24)

⁵³ Ku jōlkē Jethu ʁāth pan Kaipa luk yic, cī bāny kāk Nhialic ku kōc piōōc lōōj, ku kōcdīt baai kenhīim mat thīn.

⁵⁴ Ku Pīter ē biōth ke mec kōc cōk ciēēn agut tē yeet yen luk yic. Ku nyuuc bī ʁōc aya tēwēn ʁōc kōc bāny tiit thīn.

⁵⁵ Bāny kāk Nhialic aake cī nyuc bīk Jethu wīc gušp awuōc cī looi, rin bī kek ye tēm thou, ku acīn awuōc cīk yōk.

⁵⁶ Kōc juēc aake cī Jethu luōm ē lueth ku wēlken akēc rōm.

⁵⁷ Nawēn ke kōc kōk jōt rōt, ku lueelkē luenh kēnē Jethu gušp.

⁵⁸ Acuk piŋ ke lueel, “ʁen abī luāj Nhialic cī raan looi kēnē thušr piny, ku na ye akōl ye nīn diāk, ke ʁen abī dēt buth nyiende, ke cie kēnē ē looi raan.”

⁵⁹ Agut ke aya aa kēc wēlken rōm.

⁶⁰ Go Kaipa rot jōt kenhīim ku thiēēc Jethu, “Cīn kē dhuk nhom wēl cī lueel yīgušpkā yīic?”

⁶¹ Go Jethu biēt ku cīī jam. Go Kaipa bēn thiēēc, “Ye yōk yīpušu ye yīn Raan cī lac ku dōc, Manh Nhialic yeku door?”

⁶² Go Jethu bēēr, “Ee ʁen, ku wek aabi Manh Raan tīj ke cī nyuc cuēny Nhialic ɳic kāj looi ēbēn, ku bīī ke pial nhial.”

⁶³ Go Kaipa alāthke ret yīic yekōu ku lueel, “Yeŋō ɳot wīcku kōc kōk bī bēn jam kāk cī looi.

⁶⁴ Wek acī tē tōn yen Nhialic thīn piŋ. Yeŋō yen wēt dun?” Gokē mat yic kedhie bī dhīel nōk.

⁶⁵ Ku jəl kōc kōk Jethu aa ɳuōt. Ku derkē nyīn ku guutkē kecin ku yōōkkē, “Mēek raan yī gut.” Ku dōm apuruuk ku biēkkē.

Pīter ajei Jethu

(Mt 26:69-75; Lk 22:56-62; Jn 18:15-18, 25-27)

⁶⁶⁻⁶⁷ Tēwēn rēēr Pīter piiny ke ʁōc mac, ke nyan lui pan Kaipa bō. Ku tēwēn tīj yen Pīter,

ke döt apei ku lueel, “Yiin aya, yin yi rëer kek Jethu raan Nadharet.”

⁶⁸ Go jai, ku lueel, “Yen acii raandun ye lueel njic dian. Ku kë ye lueel acä cak deet yic aya.” Ku ler ayeer. Ku kaam thiin awën, ke thon ajith kiu.

⁶⁹ Go nyan awën tij ku ben lek koc kaac thün, “Mony këné é raanden.”

⁷⁰ Go Piter ben jai. Ku kaam awën, ke lueel koc ke kaac thün téné Piter, “Ee yic, yin é raanden, rin yin ee raan Galilia.”

⁷¹ Go Piter rot kuëej, “Nhialic abä nöc të cii yen yic luel. Yen akuc raan jicem wek é rienke.”

⁷² Nyin yic, tëwën ye dhien ajith yic rou bëek piny, ke Piter tak këwäär ci Jethu lek ye, “Tuej ke thon ajith këc kiu këné ye kek rou, ke yin abä jai arak diäk.” Ku wel yenhom wei koc yiic ke ci guöp yar ku dhieeu.

15

*Koc Itharel acii Jethu gaany téné Pilato
(Mt 27:1-2, 11-14; Lk 23:1-5; Jn 18:28-38)*

¹ Naçon nhiäk rial yic, ke kocdit käk Nhialic, ku kocdit baai ku koc piöoc lööj mët të bik luüi Jethu. Gokë rek ku kuëethkë téné bënyjakhom Pilato.

²⁻³ Koc luk aake ci Jethu gaany lon ci yen käreç apei looi. Go Pilato thiëëc, “Ye yin bënyjakhom koc Itharel?” Go Jethu bëer, “Ee yen, cit të ca luël ye.”

⁴ Go Pilato ben thiëëc, “Cii käjuëc ci yi gaanykä ye bëer, pinj käkkith yeke kuëen yiguöp.”

⁵ Go Jethu biet ku cii wët Pilato bëer. Go Pilato gäi.

*Jethu aci tëm thou
(Mt 27:15-26; Lk 23:13-25; Jn 18:39-19:16)*

⁶ Ruöön ebën, aköl Yan Ayum cïn yic luou, bënyjakhom é raan tök kam koc ci mac lony, të wic koc baai ye bi lony.

⁷ Ke mony col Barabath é mac, kek koc ci koc nöc ke thär kek koc mac baai.

⁸ Go koc juëc apei la téné Pilato, ku thiëckë bi ke luüi kë ye looi aköl yai.

⁹ Go Pilato ke thiëëc, “Wiëckë ba Jethu bënyjakhom Itharel, lony téné we?”

¹⁰ Ee njic lon yen tiel ku män mæçn koc luk Jethu, yen aabi kek Jethu téné ye.

¹¹ Ku koc ater Jethu aake ye koc kuööt thook, bik lek Pilato bi ya Barabath yen lony.

¹² Go Pilato ke thiëëc, “Yenö ba looi téné raan yakë cöl ke bënyjakhom koc Itharel?”

¹³ Gokë rek yic röldit, “Apiëët tim ci rüu köu.”

¹⁴ Go Pilato ke ben thiëëc, “Yenö? Ye awäc njö ci looi?” Gokë ben rek yic röldit apei, “Apiëët tim ci rüu köu.”

¹⁵ Go Pilato Barabath lony rin wic yen koc bik puöth miet. Ku wën ci yen apuruuk yöök bik that ku njakkë nom é kuöoth, ke gëm ke bik la piäät tim ci rüu köu.

*Apuruuk acii Jethu bui
(Mt 27:27-31; Jn 19:2-3)*

¹⁶ Go apuruuk Jethu kuath ayeer pan bëny. Ku cölkë apuruukken kök bik röt mät ke.

¹⁷ Ku rukkë alanh mathiäej Jethu köu. Ku jölkë kër la kuöoth riic yiic ku njek kek yenhom.

¹⁸ Ku jölkë aa cöl, ku muöthkë ku buikë, “Mädho bënyjakhom Itharel.”

¹⁹ Ku yuupkë nom wai, ku nuutkë guöp, ku gutkë kenhiäl piny bik nyuöoth ciët leckë.

²⁰ Wën ci kek ye jal bui, ke ke biil alanh mathiäej awën bei, ku dhukkë aläthke yeköu, ku kuathkë bik la piäät tim ci rüu köu.

*Jethu aci piäät tim ci rüu köu
(Mt 27:32-44; Lk 23:26-43; Jn 19:17-27)*

²¹ Tëwën ci tim ci rüu Jethu göök këtkët, ke mony col Thaimon, raan pan Thirene, wun Alekdhändër ku Ruputh, é bõ baai ke kuany dhël yic ke la geeu. Go apuruuk döm riel bi tim ci rüu ket.

²² Ku yeetkë të col Golgotha, ku wëtde yic, gon la njeñ-njeñ cit apen nom raan.

²³ Ku gëmkë Jethu muön abiëc ci liäap wäl kec col mir bi dek, go kuc ye.

²⁴ Gokë jal piäät tim ci rüu köu. Ku cuetkë gek bik alëth Jethu tek kamken.

²⁵ Ee ye të cit lunyluny yök yen é piëët kek ye tim ci rüu köu.

²⁶ Ku jölkë awuöc yekë tak ke ci Jethu looi, göt nhial tim ci rüu köu ëlä, “BËNYJAKHOM ITHAREL.”

²⁷⁻²⁸ Ku piëëtke cuër karou kek Jethu tiim ci rüu kööth aya, raan tök loj cuëc ku raan tök loj cam.*

²⁹ Ku jöl koc ke ye tëëk tëwën Jethu aa cuuit ku latkë ku luelkë, “Cie yin wäär ye lueel lon bi yin luaj Nhialic thuör piny ku buth nün kadiäk.

³⁰ Na ye këya, yenö cii yin rot kony ku bär piny tim ci rüu köu!”

³¹ Këya, ee ye kacken ater bui ku luelkë kamken. “Ee koc kök kony ku cii rot kony.

³² Raan ci löc ku döc ci Nhialic nhiaar ku yik riel, ci rot looi bi ya bänyda, jöl ben piny tim ci rüu köu ëmën, buk jal tij ku gamku!” Ku aci koc awën ci piäät tiim kööth cimënde aa bui ku lëätke aya.

^{15:21} Rom 16:13 ^{15:24} Wk 22:18 * ^{15:27-28} Athör kök theer wël Nhialic aa 15:28 mat thün ëlä, “Yeen aci nöc cimën koc käreç looi.” Acii yenhom theer. ^{15:29} Wk 22:7; 109:25; Mk 14:58; Jn 2:19

Jethu aci thou ayic

(Mt 27:45-56; Lk 23:44-49; Jn 19:28-30)

³³ Nawën aköl ciel yic ke muõth loi rot yet tään aköl pan awën,

³⁴ Nawën tään aköl, ke Jethu cõt röl düt, “*Eloi, Eloi, lama thabakthani?*” Ku wëdde yic, “Nhialicdië, Nhialicdië, yenö pël yin ya wei?”

³⁵ Nawën piñ kóc kók ke kääc thün, ke luelkë, “Piëñkë acöl Elija.”

³⁶ Go raan tök kat ku lut alath muõn wac yic. Ku tēëu wai thok ku ɣoock Jethu thok, ku lueel, “Títiku buk tün lön bi Elija bën bi bën bēëi bei tim ci rüu kõu!”

³⁷ Ku jöl Jethu keñ apai, ku thou.

³⁸ Ku kaam wën ka alanh ye gēëñ, bi luay Nhialic tek yic alonhthün rēet yic ë rou, jock nhial yeet piny.

³⁹ Go bēny apuruuk tō thün lueel wën tün yen tē ci Jethu thou thün, “Mony kēnē ë ye Manh Nhialic alanden!”

⁴⁰⁻⁴¹ Diäär aake tō thün, ku keek aake daai tēmec. Wäär rēër Jethu Galilia, ee ye diäärkä buoõth bik miëth aa looi tēnē ye. Ku diäär juëc kók ke cath kek ye, wäär le yen Jeruthalem aake tō thün aya. Kam ë diäärkä Maria Magdalena, ku Thalome, ku Maria man Jemith thii kek Jothep aake tō thün.

Jethu aci thiök

(Mt 27:57-61; Lk 23:50-56; Jn 19:38-42)

⁴²⁻⁴³ Wën col piny, bi aköl cii kóc Itharel ye luui guo bën, ke Jothep raan gen Arimatheo bõ. Ku ë ye raan kócdit luñ Itharel, ku yeen aya ëci Wēt Puõth Yam gam. Nawën le tün lön ci Jethu thou, ke riil yenyin ku ler tēnē Pilato, ku thiëec guõp Jethu bi la thiök.

⁴⁴ Go Pilato gai lön nadé ke Jethu ci guo thou. Ku cöl bēny apuruuk ku thiëec lön ci Jethu guo thou ayic.

⁴⁵ Nawën piñ tēnē bēny apuruuk lön ci Jethu thou, go guäpde puõl bi Jothep nyaai.

⁴⁶ Go Jothep kóc tooc bik alanh yer la ɣooc, ku bi guõp Jethu piny tim kõu, ku der alanh awën. Ku tēëu rañ ci wec kuur yic. Ku lör alal dittet rañ thok.

⁴⁷ Maria Magdalena ku Maria man Jothep aake daai, ku tünkë tē ci ye thiök thün.

16

Jethu aci rot jot rañ yic

(Mt 28:1-8; Lk 24:1-12; Jn 20:1-10)

¹ Naɣon thēëi aköl cii kóc Itharel ye luui, ke Maria Magdalena ku Thalome ku Maria man Jemith la miök n̄r ɣooc bi kek guõp Jethu la tōc.

² Naɣon nhiäk rial, aköl Nhialic, abõ aköl nyin ke la rañ nhom.

³ Wën n̄oot kek dhël yic, aake röt thiëec, “Yenja ba aledüt tō rañ thok la laar wei?”

⁴ Nawën jötkë kenyin ke tün alal ke ci laar wei.

⁵ Gokë la rañ yic, ku tünkë riënythii ë kõñ cuëc ke rēër ke ceñ alanh yer. Gokë gai apai.

⁶ Go lueel, “Duõkkë gēi, anjiec wek awic Jethu raan gen Nadharet wäär ci piääc tim ci rüu kõu. Aliu ë tēn, aci rot jot. Tiëñkë tēwäär ci kek ye tääu thün.

⁷ Lakkë ku lëkkë kocken ye buoõth ku Piter, lön yen Jethu aci la Galilia. Abäk la yök thün cimēn wäär ci yen ye lëk we.”

⁸ Gokë la ayeer rañ yic ku ketkë, ke leth, ke ci gai. Acin raan cik lëk wēt kēnē dhël yic, rin ci kek riõcc.[

Jethu aci rot nyuõth Maria Magdalena

(Mt 28:9-10; Jn 20:11-18)

⁹ Wën ci Jethu rot jot ë rañ yic ɣon nhiäk rial aköl Nhialic, ke kõñ rot nyuõth Maria Magdalena wäär ci yen jakrēc kadhoro cuõp wei yeguõp.

¹⁰ Go la ku lëk atuuc Jethu ke rēër thuõu yic ke dhiau, lön ci Jethu rot jot.

¹¹ Nawën piñkë tēnē ye lön ci Jethu bën p̄ir, ku aci tün, gokë cii gam.

Jethu aci rot nyuõth kocken ye buoõth karou

(Lk 24:13-35)

¹² Nawën ke Jethu nyuth rot atuõocke karou ke ci rot waan, tēwën kueny kek baai yic. Ku cik njic lön ye yen Jethu.

¹³ Gokë dhuk Jeruthalem nyin yic bik kacken la lëk, ku akëc kacken gam.

Jethu aci rot nyuõth kocken ye buoõth thiäär ku tök

(Mt 28:16-20; Lk 24:36-49; Jn 20:19-23)

¹⁴ Nawën ke Jethu jöl rot nyuõth tēnē atuõocke kathiäär ku tök ke ke miñ. Ku nyieeny ke rin këc kek gam, ku rin ci kek nhüim riel bik wēt kóc ci ye tün ke ci p̄ir, cii gam.

¹⁵ Naɣon aköl dēt ke lëk ke, “Lak pinyinhom ku lëkkë kóc ëbën Wēt Puõth Yam Nhialic.

¹⁶ Raan bi gam ku yök lökwëi, abi p̄ir akölr̄iëec ëbën, ku raan bi jai acii bi kony.

¹⁷ Koc ci gam abi yiëk riel kēnē, aabi jakrēc aa cuõp wei ë rienkië, ku aabi jam thok kók.

¹⁸ Aabi kecin aa tääu kóc tuany nhüim, ku aabi pial. Na cökkë käpieny kuany, ku dekkë käk ë kóc luaan, kacin kë näk ke thün.”

Jethu aci yäth pan Nhialic

(Lk 24:50-53; Lk 1:9-11)

¹⁹ Nawën ci Jethu nin nõk ke ke, ke yëth pan Nhialic ku nyuuc kõñ cuëc ë Nhialic.

²⁰ Ku jöl atuuc Jethu thiëi pinyinhom ke ke lëk kóc. Ku jöl kækken jän göi yekë ke looi kenhüim aa tiëñ, rin tō riel ë Nhialic ke ke.]*

Wël Jethu cî Luka gôt Wët nom

Wël Jethu cî Luka gôt, aa Jethu nyuöth lon ë yen raan wäär cî Nhialic lueel ka bî tus̄c pinyhom, bî k̄c Itharel ku k̄c cie k̄c Itharel b̄n luök. Acî Luka gôt lon Jethu acî Wëi Nhialic c̄ol bî, “Wët Puöth Yam b̄n nyuöth k̄c n̄öñ nyin.” Ku wëlkä, aa la yiic k̄k wic raan ëbën. Käk miät puöu aa r̄ëer wël cî Luka gôt yiic aya, cîmën b̄n Jethu pinyhom, acî lueel th̄n c̄ok tuen̄ yiic, ku t̄ thöök wël th̄n aya, ku wäär ler Jethu nhial. Anyik̄ol la tuen̄ ë wët k̄në, ku juëñ bî gam k̄c cî gam rot juak la nhial Jethu c̄ok, aacî raan t̄öñ k̄në gôt aya athör Luoi Atuuc Jethu yic.

Abañ 2 ku 6 (tiñ k̄k cî gôt athöör yic b̄ ciëen) aat̄ k̄ajuëc yeke yök athör k̄në yic ë rot. Cîmën anyik̄ool diet atuuc nhial, ku k̄ewäär cî abiök Jethu la neem wäär dhiëëth ye. Ku la Jethu luañ Nhialic wäär ë yen dhök. Ku wël waal raan path pan Thamarä ku manh cî mää. Ee wëlkä yiic, ee r̄öök yen acî ber yic bî t̄et k̄c puöth. Ku Wëi Nhialic, ku k̄k cî diäär looi ë luoi Jethu yic, ku p̄l bî Nhialic adumuööm päl piny.

Käk t̄ th̄n

Wët Nom 1:1-4

Dhiëth ku meeth Joon raan k̄c muöc nhüim ku j̄l a Jethu 1:5-2:52

Luoi Joon raan k̄c muöc nhüim 3:1-20

Miöc ë nom ku th̄m Jethu 3:21-4:13

Luoi Jethu ëbën pan Galilia 4:14-9:50

Jäl pan Galilia ku la Jeruthalem 9:51-19:27

Nin ciëen kadhrouu thuonde nom tuen̄ 19:28-23:56

Jön rot ku nyooth rot ku la nhial ë Bëny 24:1-53

1 Tënë Thiöpiluth, cit t̄ ye piëñ ye, acî k̄c juëc them bik k̄k cî röt looi kamkua gôt.

2 Aacî gēt k̄k cî k̄c cî ke tiñ, ku k̄c lui wēt Nhialic l̄k yo t̄ewäär j̄ok k̄kkä röt.

3 Këya, Bánydië, wën cî yen k̄k cî röt looi muk c̄ok t̄ewäär j̄ok kek röt, aca tak ba ke gôt apath t̄në yī,

4 rin bī yīn k̄ajuëc cī piöc t̄në yī j̄l n̄ic lon cūi kek ye lueth.

Atuny Nhialic acî dhiënh Joon lueel

5 Wäär ye Yërot b̄nyñaknhom pan Judia, raan k̄k Nhialic c̄ol Dhäkaria ë t̄ th̄n, ku yeen ë ye raan akut k̄c k̄k Nhialic c̄ol Abija, ku yeen ë la tin̄den c̄ol Elithabeth, nyen kuat Aron.

6 Dhäkaria ku Elithabeth aake ye k̄c path t̄në Nhialic, rin keek aake r̄ëer ke c̄in gup awuöc ke thek lööñ Nhialic.

7 Ku keek aake c̄in mieth rin Elithabeth ëcūi dhiëth, ku keek aake c̄i dhiöp kedhie aya.

8 Nayon akäl t̄ök, yen ke kuëer k̄c akut Dhäkaria bik luui luañ Nhialic,

9 ke k̄ocken akut cuet ḡek, go lööny t̄në ye bī ya yen la adöñ n̄ir took ariäk nom luañ Nhialic. Go la luëek.

10 Ku t̄ewën took yen adök luëek, ke k̄c juëc awën cī guëer aake r̄öök ayeer.

11 Kaam wën, ka atuny Nhialic nyuth rot ye ke k̄äc lon c̄uëc ariäk nom t̄ewën took yen adöñ n̄ir th̄n.

12 T̄ewën tiñ Dhäkaria ye, go riöc apei ku muum nom.

13 Go atuny Nhialic l̄k ye, “Dhäkaria! Duk riöc, r̄öökdu acî Nhialic piñ, ku ëmën tien̄du Elithabeth abī manh moc yök. Na la dhiëëth, ka bī c̄ol Joon.

14 Wek aabi puöth miät wedhie wek tien̄du t̄ë le ye dhiëëth. Ku k̄c juëc aabi puöth miät ke we aya,

15 rin yeen abī ya raan t̄öñ ril kam k̄c k̄k Nhialic tiñ. Ku yeen acūi bī ya dek kuat muön la yic luou. Ku yeen abī Wëi Nhialic la yeguöp ke c̄ok n̄oot man yäc,

16 ku yeen abī k̄c Itharel c̄ol adhuk Nhialic Bányden.

17 Abī kan̄ tuöl t̄në Bëny kek riel th̄öñ cîmën riel Nhialic wäär t̄ t̄në Elija. Ku Joon abī wärken ë mieth c̄ol anhiar miëthken. Ku k̄c ril nhüim ëmën cie wët Nhialic ye piñ, aabi kenhiim waar. Ku këya, yen ë t̄ cī Joon k̄c c̄ol aa guir röt th̄n rin b̄n Bányda.”

18 Go Dhäkaria lueel t̄në atuny Nhialic ëlä, “Ba n̄ic k̄ëd̄e lon bī k̄në rot looi? Ȳen acī dhiöp ku tien̄dië acī dhiöp aya.”

19 Go atuny Nhialic dhuök ye, “Ee yen Gabriel, r̄ëer Nhialic lööm ku yen acī tooc ba yī b̄n l̄k wēt puöth k̄në.

20 Rin k̄ëc yīn wēt ca lueel gam, yīn abī r̄ëer yī cie jam, yet t̄ bī k̄në rot kan̄ looi akölden bī yen rot looi ke cit t̄ëde.”

21 T̄en awën, k̄c aake tit Dhäkaria ke cī ḡai k̄ë r̄ëer yen luañ Nhialic apei k̄ëlä.

22 Nawën le b̄n bei ke cūi jam, gokë n̄ic lon le yen k̄ë cī rot nyuöth ye, t̄ewën ye yen nyuuth yecin ku cūi jam.

23 Nawën la n̄in luui Dhäkaria luañ Nhialic thök, ke dhuk paande.

24 Nawën ke tien̄de Elithabeth yök meth, ku j̄l r̄ëer baai p̄i kadhiëc ke cie la ayeer.

25 Ku j̄l ya lueel, “Nhialic acī k̄në looi t̄në ya bī piathde nyuöth ya, ku acī k̄ë ye ya dhöl guöp rin cī yen rol jal nyaai!”

Atuny Nhialic acî dhiënh Jethu lueel

26 Tëwën ye pëi Elithabeth dätem, ke Nhialic tooc atuñnyde Gabriel gen Nadharet tã pan Galilia,

27 tënë nyan bïm cöl Maria, ku ë thiëek mony cöl Jothep, raan dhiënh Bënyñaknom Debit.

28 Go atuny Nhialic bën tënë ye ku lueel ëlä, “Madho, yïn athiãñ dhëëñ Nhialic. Bãnyda atõ ke yï!”

29 Go Maria riõcc ku muum nom wën piñ yen wëlkã, ku thöön yepuõu kãk tã ë wët kënë yic.

30 Go atuny Nhialic lueel tënë ye, “Duk riõc Maria, yïn anhiëer Nhialic.

31 Yïn abi meth yök, manh moc. Ku na la dhiëëth ka ba cãk ke cöl jethu.

32 Abi ya raandit apeñ Nhialic nom. Ku abi cöl Wën Nhialic Madhöl. Ku Nhialic Bãnyda abi bãäny Debit wundit yiëk ye,

33 ku abi ya bëny pan yi Jakop akölrïëcc ëbën, ku bãänyde acii bi thök alanden!”

34 Go Maria lueel tënë atuny Nhialic, “Bi rot looi kädë. Yën ë nyan bïm këc thiaak?”

35 Go atuny Nhialic bën lëk ye, “Wëi Nhialic abi lööny yigusp ku rielde abi bën yïnom. Manh thin dhëñ ba dhiëëth abi cöl Wën Nhialic.

36 Ku dët akïn aya, molën Elithabeth ci dhiëp aci meth jãl yök cök a wäär ye ye tïñ ke ciët ci rol. Pãike aa dätem ëmën.

37 Rin ñic Nhialic kãñ looi ëbën. Acin kë gök ye.”

38 Go Maria lueel, “Yën alony Bãnyda, abi looi tënë ya cïmën wëtdu.” Go atuny Nhialic jãl.

Maria aci Elithabeth la neem

39 Nawën nin lik cök, ke Maria lööny dhöl ke cïn gãäu bi la pan yi Dhäkaria rëër tëthöny pan Judia.

40 Ku ler pan Dhäkaria ku muõth Elithabeth.

41 Kaam wën piñ Elithabeth Maria ke muõth ye, ke manh liëc yen riãñ yeyic. Ku go Wëi Nhialic guo lööny yeguõp.

42 Ku lueel röldit tënë Maria, “Yïn aye leec diäär yiic ëbën, ku lec manh yãnydu.

43 Yëñö thieek yayic abi man Bãnydië ya bën neem?”

44 Kaam wën piñ yën yiröl yi muõth ya, ke manh tã yayic mit puõu ku le nyooñ-nyooñ.

45 Yïn amit guõp rin ci yïn wët Bãnyda gam, lon bi wët ci lëk yi rot tieñ!”

Waak Maria

46 Go Maria lueel, “Yïn Bãnyda yïn apiaany yapuõu,

47 ku yën aci puõu miët

tënë Nhialic pïr yën,

48 rin ci yen aluonyden cie kuëcc nom lieec.

Ku akölë le tuen, riëcc ëbën abã leec rin ci Nhialic yën dõoc,

49 rin ci Nhialic Madhöl

kãdit looi tënë yën.

Yën aril ku adhëñ.

50 Ku yeen alir puõu tënë kuat raan ëbën, kuat riõc ë yeen.

51 Nhialic aci kóc bãñ nhiam

thiã pinyñhom kõñden ril.

52 Ku aci bãny ril piëk piny thöcken nhïim, ku jõt kóc ci nhiam cie kuëcc nhïim nhial.

53 Ku ee kóc nõñ wïc kãñ,

yiëk kãjuëc ku nyiëñ ajieëk.

54 Ku aci wëtden ci thõn wãrkuan dit tieñ nom

ku kony aluõnyke, kóc Itharel.

55 Cïmën wäär ci yen ye lëk wãrkuan dit,

Abaram ku mïth ci lök dhiëëth!”

56 Ku jol Maria rëër kek Elithabeth tãcit pëi kadiãk ku dhuk panden.

Joon aci dhiëëth

57 Nawën ke pëi Elithabeth thök, ku dhiëëth manh moc.

58 Nawën piñ kóc akeu nom ku kóc ruãäi ke ye lon ci Nhialic ye lieec, ke mit puõth apeñ.

59 Nawën aköl ye nin bët, ke kóc bõ bi meth bën ñoot. Ku wickë bïk cãk rin wun Dhäkaria.

60 Go man kuec ku lueel, “Acöl Joon.”

61 Gokë lueel tënë ye, “Acin raan ruãäi ke we ci cãk ë rinkã.”

62 Ku nieukë wun nyin, ku thiëckë tã bi yen meth cãk thin.

63 Go Dhäkaria agen gëtget cöl ku gët, “Acöl Joon.” Gokë gãi ëbën.

64 Ku kaam thiin awën ke go ñieç jam ku leec Nhialic.

65 Go kóc thiãk ke ke gãi, ku thiëi wëlkã pan Judia yic, ku ye kóc ëbën jam ë ke.

66 Ku kuat raan ci wëlkã piñ ë gãi ku lueel, “Manhë, bi jãl yiëndë aköldã?” Rin ë yic, riel Bãnyda arëër kek ye.

Waak Dhäkaria

67 Go Wëi Nhialic lööny Dhäkaria guõp, ku lueel maany ci Nhialic nyuõth ye ëlä,

68 “Lecku Bëny, Nhialic Itharel! Rin ci yen bën bi kacke bën luök.

69 Ku cöl raan pïr yõ atul yõn Debit aluõnyde.

70 Wëtde aci kóc kãkke tïñ lueel thëer,

71 lon bi yen yõ kony aleikua ku kóc man yõ.

72 Acï Nhialic lueel lon bi yen wãrkuan dit lieec,

ku muk lõñ ë döör ci yen mããth döm ke ke nom.

73-74 Cïmën ci yen mël kuëñ tënë Abaram wãdïtda,

ku thõn lon bi yen yõ kony aleikua,

yök aabi këde ya looi ke cïn diëer,

75 tē Ƴer Ƴok puŋth ku lok cök yenhom akölaköl tē piir Ƴok.

76 Ku Ƴin manhdie, Ƴin abi ya raan kāk Nhialic tiŋ,

Ƴin abi la tueŋ yenhom ba dhöl la guiri tēne yeen.

77 Ba lēk kōc tē bi kek piir akölrüec ebēn Ƴōk thīn,

tē pēl adumuŋmken piny.

78 Nhialic alir puŋu,

ku yen abi raan ciŋ ruel cöl abō pinyinhom.

79 Ku yeen abi ruel tēne kōc tō muŋŋth Ƴic, rēer thou Ƴic, bik dhöl ye kōc dōŋr ke Nhialic jāl Ƴōk.”

80 Ku Joon aci jāl dūt ku Ƴik Wēi Nhialic riel dūt. Ku piir roor tē ciŋ ceŋ ē rot Ƴet aköl tul yen Itharel nhom.

2

Jethu aci dhiēeth

(Mk 1:18-25)

1 Bēnyŋaknhom cöl Cithēr ēci wēt lueel bi kōc bēi mēc ke kueen.

2 Ku kēn yen ē tē Ƴōk kuēn ē kōc rot tēwāār ye Kuirino bēny pan Thiria.

3 Go raan ebēn la bi la gōt rin, ŋek pan wundit ku ŋek pan wundit.

4 Go Jothep jāl Nadharet tō Galilia bi la gen Bēnyŋaknhom Debit, tō pan Judia cöl Bethalem, rin ye yen raan dhiēn Debit.

5 Aci la bik rienken la gōt kek Maria wic kacken bik gām ye, ku ē liac.

6 Tēwēn rēer kek Bethalem, ke nin bi Maria dhiēth thök.

7 Ku dhiēeth wēnde, ku der kōu alath ku tēu diaany Ƴic wēn liiu tēne anīn Ƴōn jōŋl.

8 Ku kōc biōök aake rēer pan wēn, ku aake ruu tiēt ē thākken.

9 Kaam wēn ka atuny Nhialic tul kelōm ku ruel Ƴer Nhialic kekōth bi ke riaal. Gokē riŋŋc apēi.

10 Go atuny Nhialic lēk ke, “Duŋkkē riŋc, ee wēt path yen alēk we, wēt bi thāi ebēn puŋth miēt thīn.

11 Rin akölē, gen Debit tēn, Bēny Piir kōc aci dhiēeth, ku yen ē Raan ci Nhialic lōc ku dōc.

12 Ku abāk ŋic kēlä, wek aabi meth Ƴōk, manh ci der kōu alath, ku aci tōŋu gōl cök.”

13 Kaam awēn ka atuuc juēc kōk met rōt thīn ku leckē Nhialic ku luelkē,

14 “Ƴeku Nhialic door, Aciēŋ tō nhial, ku dōŋr pinyinhom tēne kōc nhiēer.”

15 Nawēn ci atuuc juēc kāk dhuk nhial, go kōc awēn lueel kamken, “Lok Bethalem buk kāk ci lēk Ƴo la tiŋ, ku kāk ci Bānyda nyuŋth Ƴo.”

16 Gokē la ke ban kekōth, ku Ƴōkkē Jothep kek Maria ku Meth ke ci tāau gōl cök.

17 Nawēn tiŋ abiōk meth, ke lēk kōc ebēn kāk wēn ci atuny Nhialic lueel ē rienke.

18 Go kōc ci wēl kōc abiōk piŋ gāi apēi.

19 Go Maria wēlkä ebēn piŋ apath, ku muk ke yepuŋu.

20 Go kōc abiōk awēn dhuk ke lec Nhialic, rin kāk cik piŋ ku tiŋkē ke, kecīt tēwāār ci atuny Nhialic lēk ke.

Jethu aci cāk

21 Nawēn aköl ye nin bēt, aköl yen bi ye ŋoot, go cāk ke cöl Jethu, rin wāār kek ci atuny Nhialic lueel wāār ŋot kēc Maria liēc ē ye.

Jethu aci Ƴāth luŋ Nhialic

22 Nawēn ci nin thiārŋuan thök ciŋ lōŋ Mothith, ke Jothep kek Maria la luŋ Nhialic Jeruthalem bik meth la nyuŋth,

23 cīmēn lōŋ ci Mothith nyooth thēer ēlä, “Manh moc, ku ye kaai abi juēr Nhialic.”

24 Ku keek aya aaci kuŋr karou juar cīmēn lōŋ Bēny.

25 Ku mony cöl Thaimon ē ciēŋ Jeruthalem, ku ē raan path apēi ku ē riŋc Nhialic. Ku ē tit Raan Piir kōc Itharel, ku Wēi Nhialic ē tō yeguŋp.

26 Ku ēci Wēi Nhialic lēk ye lōn ciŋ yen bi kaŋ thou, tē kēc yen Raan ci Nhialic lōc ku dōc kaŋ tiŋ.

27 Nawēn Ƴēth Maria ku Jothep Jethu luŋ Nhialic, bik kē ye lōŋ Mothith lueel la looi, ke tēu Wēi Nhialic Thaimon puŋu bi la luŋ Nhialic aya.

28 Go Thaimon Jethu Ƴot ku leec Nhialic ku lueel,

29 “Ee Ƴin Maria, Ƴin aci wētdu tiēŋ nhom, jōl aluonydu puŋl bi jāl, ke ci la lāŋ.

30 Tē bi Ƴin kaku kuony thīn aca tiŋ nyiēnkiē,

31 ku aca guiri thēi nhom

32 ku ee piny mer bi kōc cie kōc Itharel kāŋ tiŋ

ku bi Itharel thāndu aleec thīn.”

33 Kaam wēn kēēc Jothep kek Maria ke ci gāi wēl lueel Thaimon rin meth Jethu,

34 go Thaimon ke dōc ku lueel tēne Maria, “Yen manh kēne aci Nhialic lōc bi kōc juēc Itharel muŋr ku piir kōc kōk. Ku yeen abi ya raan bi wēt Nhialic nyuŋth, ku abi kōc juēc wēl rēc aa luŋel yeguŋp.

35 Ku Ƴin Maria, Ƴin abi reem puŋu ciēt Ƴi ci gut pal, bi wēt tō kōc juēc puŋth jāl ŋic thīn.”

36 Ku tiŋ kāk Nhialic tiŋ cöl Ana ē tō thīn, ku ē ye nyan mony cöl Panuel, raan dhiēn cöl Acer kuat Itharel Ƴic. Ana ēci dhiŋp apēi, ku ēci thiaak ku rēer kek muonyde run kadhorou ku thou muonyde.

37 Ku jōl Ana lōk rēer ke ye lēer ruŋn thiārbēt ku ŋuan. Ēcie jāl luŋ Nhialic, ē ye cool ku ruu ke loi kāk Nhialic, ku rōök ku theek miēth.

³⁸ Ku akölë guşp aci rot mät koc wën, ku leec Nhialic ku lueel wëtde rin meth, tënë koc ye tiit lön bi Nhialic thänden Itharel wëër bei.

Jethu aci dhuşk Nadharet

³⁹ Nawën cik keriëcc ëbën jäl looi cimën löñ Nhialic, ke Maria ku Jothep dhuk Galilia Nadharet panden.

⁴⁰ Ku jöl Jethu dît ku ril apeï, ku njic kånj ku döcc Nhialic.

Jethu ë tş luaj Nhialic

⁴¹ Ruşön ëbën Jothep kek Maria aake ye la Jeruthalem rin Yandit Ayum cin yic luau.

⁴² Nawön ci run Jethu jäl aa thiäär ku rou, ke cath ke ke bik la yai yic Jeruthalem.

⁴³ Nawën ci yai thök ke dhuk ciëen, ku kuckë lön ci Jethu döñ geeu,

⁴⁴ ë cik tak lön cieth yen ke koc kök, ku ciethkë yet thëi. Nawën ke wickë kam koc ruääi ke ke ku koc njickë.

⁴⁵ Nawën cik yök, gokë dhuk Jeruthalem bik ben la wic thün.

⁴⁶ Na aköl ye nin diäk, ke jolkë yök luaj Nhialic Jeruthalem, ke ci nyuc kam koc piöcc lööñ Nhialic ke pinj wälken, ku yeke thiëcc.

⁴⁷ Go koc ëbën gäi wën pinj kek ye ke jam cimën raan njic kånj apeï, ku tş bëer yen wälken aya.

⁴⁸ Nawën tijnkë manhden ke gëi ku lueel man, “Yenjö manhdie looi yin kënë tënë yo? Yin acuk wic apeï yok wuur.”

⁴⁹ Go lëk ke, “Yenjö wiëckë ya? Kuşckë lön dhil yen käk ë Wä looi?”

⁵⁰ Ku aa këc wët ci lueel deet yic.

⁵¹ Go Jethu jäl ke ke ku dhukkë Nadharet, ku jalkë ceñj ke ye wälken pinj, ku jöl man kakkä muk yepuşu.

⁵² Ku jöl Jethu dît ku njic kånj apeï. Ku Nhialic ë mit puşu tënë ye, ku yen lön koc aya.

3

Piöcc ë Joon raan koc muöcc nhüim

(Mt 3:1-12; Mk 1:1-8; Jn 1:19-28)

¹ Yon yen ruşön thiäär ku dhiëc ke Tiberiöth ye bëny, ku Pilato ke ye bënydit mac Judia, Antipäth Yërot ë ye bëny Galilia ku Pilipo wämënh ë mac Ituria kek Trakonitiith, ku Lithaniath ë ye bëny Abilene,

² ku Anath kek Kaipa aake ye bänydit käk Nhialic. Tëñnë, ke Nhialic lëk wët Joon wën Dhäkaria tş roor.

³ Go Joon bëi tş wär Jordan yau kueny yic ke wëët koc, “Pälkë luaj kärecc, ku calkë röt aa muöcc nhüim, rin bi adumuşömkun päl piny tënë we.”

⁴ Cimën ci ye güt athör Ithaya yic raan käk Nhialic tijn ëlä,

“Raan kakkie tijn abi këcit lşör gut yic bi yen koc caal tēde ë rot,

ku lëk keek ëlä,

‘Guiarkë dhël ë Bëny, luoičkë dhölke bik la cök.

⁵ Thşnykë yşn la tiäm piny

ku dhuşkkë yşn thöny nhüim piny,

ku cşkkë dhël cie yic neer,

ku thşnjčkë dhöl la yiic nşony nhüim.

⁶ Ku raan ëbën, abi tş ye ye Nhialic yook luäk thün tijn!”

⁷ Ku lëk koc juëc bö tënë ye bi ke bën muöcc nhüim, “Awek dhiënh käpieny! Yenja lëk we bak kat kërecc bö?”

⁸ Luoičkë käk ye nyooth lön ci wek muşl kärecc yakë ke looi. Ku duşkkë wepuşth tşñj ku luelkë yok aa mith Abaram. Alëk we lön alëu Nhialic bi aleelkä cöl aaye mith Abaram.

⁹ Ku ëmën yëp aci ther bi ke tiim yep, rin na ye tim cie luok, ka yep ku cuet ë mrecc.”

¹⁰ Go thän awën Joon thiëcc ëlä, “Na ye këya, buk nõ looi?”

¹¹ Go Joon bëër, “Raan la alëth karou, adhil tök yiëk raan cin alath, ku raan la miëth adhil looi këya.”

¹² Go koc ajuër kut bën tënë ye aya bi ke bën muöcc nhüim, ku thiëckë, “Raan piöcc buk nõ looi?”

¹³ Go lëk ke, “Duşkkë wëeu ye lööm ë ruëny tënë koc.”

¹⁴ Go apuruuk bën ku thiëckë ëlä, “Na yook, buk nõ looi?” Go lëk ke, “Duşkkë koc ye rum, ku duşkkë koc ye gaany wët ë lueth, ku yakë puşth la yum arispdun yic.”

¹⁵ Go njäthden jäl dît, ku yekë tak lön nadë ke mony abi dhiel a Raan ci Nhialic loc ku döcc.

¹⁶ Go Joon lëk ke ëbën ëlä, “Wek aa ya muöcc nhüim piu ë path, ku raan dît ku ril apeï tënë ya abş, raan na cök aa warke ka cä lëu ba ke dşk. Ku ë yic yen acii path ba lëu, ba ya aluonyde. Ku yeen abi koc kök weyiic muöcc nhüim Wëi Nhialic, ku muöcc koc kök nhüim ë mac.

¹⁷ Yeen acit raan muk lök käm ye rap kşşm, bi rap tek thook kek miël. Ku wiu rap ku tşu ke. Ku yşot miël many cie thou.”

¹⁸ Wël kök cit kakkä acii Joon lëk koc apeï bi yen Wët Puoth Yam pişöcc thün.

Joon raan koc muöcc nhüim aci mac

¹⁹ Ku Joon ëci Antipäth Yërot, bëny Galilia jääm guşp kärecc apeï, rin ci yen Yërodia tijn wämënh rum bi ya tianje, ku looi kajuëc rec kök aya.

²⁰ Go Antipäth Yërot Joon mac, ku kënë ë kërecc deit ci mat kåracken ci looi yiic.

*Jethu aci muɔc nom
(Mt 3:13-17; Mk 1:9-11)*

²¹ Nawën cī thān awën muɔc nom ebën, ku Jethu ke cī muɔc nom aya. Kaam wën rōok yen ke nhial liep rot.

²² Ku bā Wëi Nhialic yenhom kecīt kuur ē dit. Ku piŋ rōi Nhialic nhial ke lueel, “Yin ē manhdiën nhiaar. Ƴen amit pušu kek yi.”

*Kuat Jethu
(Mt 1:1-17)*

²³ Wäär jōok Jethu pišcde cōk, ke ruönke aake ye thiärdiäk.

Ku ē ye raan ebën tak lōn ē yen wën Jothep, wäär wën Ƴeli,

²⁴ wën Mathat, wën Lebī, wën Melki, wën Janai, wën Jothep,

²⁵ wën Matathia, wën Amoth, wën Nayum, wën Ethli, wën Nagai,

²⁶ wën Manth, wën Matathia, wën Themein, wën Jothek, wën Joda,

²⁷ wën Joanan, wën Retha, wën Dherubabel, wën Cealtiel, wën Neri,

²⁸ wën Melki, wën Adi, wën Kotham, wën Elmadam, wën Er,

²⁹ wën Jocua, wën Eliedher, wën Jorim, wën Mathat, wën Lebī,

³⁰ wën Thaimon, wën Juda, wën Jothep, wën Jonam, wën Eliakim,

³¹ wën Meliea, wën Mena, wën Matatha, wën Nathan, wën Debit,

³² wën Jethe, wën Obet, wën Boath, wën Thalmon, wën Nacon,

³³ wën Aminadap, wën Admin, wën Arni, wën Ƴedhron, wën Peredh, wën Juda,

³⁴ wën Jakop, wën Ithäk, wën Abaram, wën Tera, wën Nayör,

³⁵ wën Theruk, wën Reu, wën Pelek, wën Eber, wën Cela,

³⁶ wën Kainan, wën Arpakcat, wën Cem, wën Noa, wën Lamek,

³⁷ wën Methuthela, wën Enok, wën Jaret, wën Malaleel, wën Kenan,

³⁸ wën Enok, wën Theth, wën Adam wën Nhialic.

4

*Jethu aci jōŋrac them
(Mt 4:1-11)*

¹ Go Jethu jāl wār Jordan ke cī Wëi Nhialic la yegušp, ku Ƴeth roor tē cī ceŋ,

² tē cī jōŋrac ye bēn la them thīn nīn thiārŋuan. Ku ēcie mīth ē nīnkā yiic ebën, nawën cīk thōk ke jal cōk nōk.

³ Go jōŋrac rot cušt ye ku lueel, “Na ye Wën Nhialic ke lēk alēl kēnē bī ya ayup.”

⁴ Go Jethu bēer, “Acī gšt thēer ēlä, ‘Raan acie pīr ayup ē rot.’ ”

⁵ Go jōŋrac Ƴāth tēthōny, ku nyuth bēei pinynhom ebën nyin yic.

⁶ Ku lueel tēnē ye, “Kākkā ebën aaci gām ya, ku alēu ba ke gām raan ca tak.

⁷ Kēya, na dor ya ka bī ya kākku ebën.”

⁸ Go Jethu bēer tēnē ye, “Acī gšt ēlä, ‘Yin abī Nhialic Bānydu door ku loi wētde yetōk!’ ”

⁹ Go jōŋrac Ƴāth Jeruthalem, ku tēšu luanj Nhialic nom ku lueel, “Na ye Wën Nhialic ke yi cušt rot piny tēmec kēnē,

¹⁰ rin ēci gšt ēlä Nhialic abā atušōcke lēk bīk yi tiit,

¹¹ ku mukkē yi kecin, ba yicōk cīi cōk dēeny alēl.”

¹² Go Jethu bēer, “Acī lueel thēer ēlä, ‘Duk Nhialic Bānydu them ē path.’ ”

¹³ Nawën cī jōŋrac Jethu jāl them ē dhōlkā yiic ebën, ke nyiēēŋ piny ku pēl kaam koor.

*Jethu aci luōide jōok Galilia
(Mt 4:12-17; Mk 1:14-15)*

¹⁴ Go Jethu ke tō Wëi Nhialic yegušp, dhuk Galilia. Go guō piŋ Galilia ebën,

¹⁵ rin pišcde tē ye kōc Itharel kenhūim mat thīn, ee ye leec raan ebën.

*Kōc Nadharet aa kēc Jethu gam
(Mt 13:53-58; Mk 6:1-6)*

¹⁶ Go Jethu jāl tēden awën ku ler genden Nadharet tēwäär muk ye thīn. Nawën akōl lōŋ, ke la tēn amat kōc Itharel cit tē ye lušī ye akōlakōl. Nawën jot rot bī wēt Nhialic kueen,

¹⁷ ke gēm athōr Ithaya, raan kāk Nhialic tīŋ. Go athōor pet yic ku yōk tē ci ye gšt thīn kēlä,

¹⁸ “Wëi Nhialic atō ke Ƴen rin acā lōc, ba Wēt Pušt Yam lēk kōc nōŋ. Bēny acā tooc ba lēk kōc cī loony ku kōc mac, ku kōc rēer wīn jōŋrac yic,

lōn bī keek lony, ku lōn bī kōc cī cōor bēn daai, ku ba lāäu nhom tēnē kōc gum, bēn lēk keek.

¹⁹ Ku ba rušōn bī Nhialic kōc bō tēnē yeen dōoc, bēn lēk keek.”

²⁰ Ku mat Jethu athōr yic ku gēm ku nyuuc. Go kōc ke tō amat yic kenyīn wēl ye ebën.

²¹ Go Jethu lēk ke, “Wēt cāk piŋ ca kueen athōr thēer wēl Nhialic yic acie nhom tiēŋ ya akōl.”

²² Go kōc ke tō thīn gāi ebën ku leckē rin wēl pušt cī lueel. Ku yekē rōt thiēc ēlä, “Kēnē, lēu bī rot looi kēdē, yeen cie wën Jothep?”

²³ Go Jethu bēer, “Ee yic, wek aaba lēk kāāŋ ye lueel ēlä, ‘Akīim kōŋ rot cōl apuōl,’ Ku abāk lēk ya ba kāk cāk piŋ ke ca looi Kapernaum, looi aya genda ē tēn.

²⁴ Ku le tueŋ ku lueel, ‘Acīn kōc kāk Nhialic tīŋ ye wēl yekē lueel gam panden.’

²⁵ Ku cimēn ŋic wek ye lōn cī Elija, raan kāk Nhialic tīŋ, tīŋ lēer cōl Dharepath kony.

²⁶ Ku Dharepath ë ye tiñ wundët cəl Thidon. Ku diäär lër Itharel aake wïc kuəony wäär nək cək kəc, rin kəc deñ tueny run kadiäk ku abak bi cək dīt apeı pan Itharel. Ku Elija akęc bën tuśc ke.

²⁷ Ku dët aya, wäär ye Elica raan kək Nhalic tiñ, kəc juęc ci tuet aake tő pan Itharel, ku acin atuen tőñ ci Elica bën kony, aci bën la kony Naman raan pan Thiria.”

²⁸ Go kəc ke tő tən amat puəth riääk ebën wën piñ kek wëlkä,

²⁹ ku jətkë röt ku göömkë piny. Ku yëthkë ayeer geeu ke yekë pik bik yëet gət nhom tē ci geu buth thün, ku yëthkë agala nhom rin wïc kek ye bik la piək wüir.

³⁰ Go bak kəcıel yiic ku jiël.

Jethu ala riel ë yen jəñrac cuəp wei
(Mk 1:21-28)

³¹ Go Jethu la Kapernaum gen tő Galilia, tē ye yen kəc piösc thün aköl cü kəc Itharel ye luui.

³² Ku piöscde eci kəc göi ë tən aya, rin kək ye lueel aa wël yith ye nyuəoth lön le yen riel Nhalic.

³³ Naɣon akäl tők tēwën piöoc yen, ke raan tő kam kəc tən amat, ke la guəp jəñrac jam ke ci yeröl jət apeı ełä,

³⁴ “Yeñö wïc tənë yo Jethu raan gen Nadharet? Ca bën ba yo bën rac? Yin anjiec, yin ë raan puəth la cök bō tənë Nhalic.”

³⁵ Go Jethu jəñrac duəm thok piny, “Bietë, ku bäär bei yeguəp.” Go jəñrac mony awën wiet piny kenhüim ku biı bei yeguəp ke cın tətök ci yiək ye.

³⁶ Go kəc gäi apeı ku thiëckë röt, “Yeñö kënë? Ye piöoc yam kek riel Nhalic. Mony kënë ala riel ye yen jak yöök ku gamkë wëtde aya.”

³⁷ Go ləc ku piathde guə thiëi baai yic ebën.

Jethu aci kəc tuany kony
(Mt 8:14-17; Mk 1:29-34)

³⁸ Kaam awën jiël yen tənë amat kəc Itharel ke la pan yi Thaimon. Go man tiñ Thaimon yök ke ci juai göök, gokë lək Jethu.

³⁹ Go la ku kəc yelööm tēwën ci yen təc thün ku yöök juai bi jäl. Go juai guə päl piny ku looi miëth tənë ke.

⁴⁰ Ye thën kënë, wën ci akäl lööny piny, ke kəc guëer kek kacken tuany tənë Jethu, ku tēu yecin kenhüim, gokë pial ebën.

⁴¹ Ku bō jakrəc bei kəc juęc gup ke dhiau ełä, “Yin ë Wën Nhalic.” Go Jethu ke yöök bik cü jam, rin njic kek ye lön ye yen Raan ci ləc ku dəc.

Jethu ë kəc Galilia lək wët Nhalic
(Mk 1:35-39)

⁴² Naɣon nhiäk riel, akęc piny bak ke Jethu jiël baai ku le tēde ë rot. Go kəc juęc la wïc.

Nawën lek yök, gokë ləñ bi rëer Kapernaum ku cü ke nyiëñ piny.

⁴³ Go bëer, “Yen adhil Wët Puəth Yam rin bääny Nhalic la piösc bëi kək yiic aya, yen ë kën tuuc ya ba bën looi.”

⁴⁴ Go pan Galilia kuanyyic ke piöoc kəc tən amat.

5

Kəc ci Jethu kañ buəoth
(Mt 4:18-22; Mk 1:16-20)

¹ Yon akäl tők tēwën piöoc Jethu wär cəl Jenetharet you, ke kəc juęc apeı wët bik wët Nhalic bën piñ.

² Go riäth karou tiñ agör you ke ci amëi nyääñ piny ku jiëlkë bik biaiken la thuak.

³ Go Thaimon thueet riän tők yic, ku ë ye riän mony cəl Thaimon, ku lək ye bi piək wüir tēthün-nyəot. Ku jəl nyuc riäi yic ku piöoc kəc.

⁴ Nawën ci thök ë jam, ke lək Thaimon, “Gëer kəkë riäthkun tēthiäñ ku cuatkë biaikun bäk rec däm.”

⁵ Go Thaimon bëer, “Bëny, yok aaci ruu mäi wën akšu ku acin kək cuk däm. Ku na ca lueel, ka buk cuat.”

⁶ Ku cuatkë buoi. Gokë rec juęc apeı däm abi buoi yiic duër rəc.

⁷ Gokë amëiken kək tő riän dët yic cəl bik ke bën kony. Gokë bën, ku tek kək rec riäth karou yiic ku thiënkë kedhie abik duër düir.

⁸ Nawën tiñ Thaimon kək ci rot looi, ke gut yenhiəl piny Jethu nhom ku lueel, “Bëny, jäl tənë ya, yen ë raan la guəp adumuööm.”

⁹ Rin yen Thaimon, ku kəc awën mäi kek ye aake ci gäi rec juęc cik däm.

¹⁰ Ku kacken cath kek ye Jemith ku Joon, wët Dhubedi, aake ci gäi aya. Go Jethu lək Thaimon, “Duk riəc, emën le tuen aa kəc kek aaba ya däm.”

¹¹ Gokë riäth yəc wär thok ayeer, ku nyiënkë keriëec ebën piny ku buəthkë Jethu.

Jethu acä atuət cəl apuəl
(Mt 8:1-4; Mk 1:40-45)

¹² Yon akäl tők Jethu eci la keny gen dët, ku raan ci tuet ë tő thün. Nawën tiñ Jethu ke gut yenhiəl piny ku ləñ, “Bëny anjiec alëu ba ya kony ba pial, kony ya.”

¹³ Go Jethu njääñ nyinde tiñ ku wïc bi kony. Ku jət yecin ku gəot ku lueel, “Awiəc, pialal!” Kaam thiin awën ke tuet jiël.

¹⁴ Ku cəl Jethu ajiël ku thon apeı, “Duk kënë la lək raan dët. Ləc ku nyuəth rot raan kək Nhalic, ku bi caath, ku juar kəñ cit tē ye löñ Mothith ye lueel thün, bi raan ebën njic lön ci yin pial.”

¹⁵ Ku tēwën ci Jethu ye cak thən këya, ke wët go thiëi piny abi kəc juęc aa guëer tənë Jethu bik piöocde bën piñ, ku kony ke bik pial.

¹⁶ Ku ye la tēde ē rot tē cīn yic kōc ē rēēr thīn bi la rōök.

Jethu aci raan ci ruai kony
(Mt 9:1-8; Mk 2:1-12)

¹⁷ Naḡon akāl tōk, ke kōc kōk akut Parathī, ku kōc piōōc lōōḡ nyuc bīk piṅ tē piōōc Jethu kōc thīn. Ku aake bō bēēi yīc Galilia ku Judia ku Jeruthalem. Ku Nhialic ēci Jethu yiēk riel bi kōc tuany kony.

¹⁸ Kaam wēn ke kōc bō ke ket raan aduany alom. Ku wīc kōc awēn ket ye bīk yāth yōt tēnē Jethu.

¹⁹ Nawēn cīn tē yēth kek ye tēnē Jethu rin cī yōt thiāḡ kōc, gokē la nhial ku nanykē yōt nhom lōḡ awēn rēēr Jethu thīn. Ku luēckē raan aduany piny kek biṅḡde yenhom.

²⁰ Ku wēn tiṅ yen gamdīt tō ke ke, ke lueel, “Māthdiē, adumušōmku aaci pāl piny.”

²¹ Go kōc piōōc lōōḡ kōc Itharel ku kōc akut Parathī wēn rēēr thīn, jāl tak ku luēkē kepušth, “Yeṅa kēnē Nhialic jāām gušp kēlā? Yeṅa adumušōm pāl piny, ee Nhialic ē rot.”

²² Go Jethu kāk yekē tak guḡ ḡic ku lueel, “Yeṅō ye wek ye tak lōn lueel ḡen lueth?”

²³ Ye kēnen puāl yic kākka yīc ba lueel, ‘Adumušōmku aaci pāl piny’ tēdē ke luēel, ‘Jot rot ku cathē?’

²⁴ Ku aba nyušth we ēmēn lōn le Manh Raan riel pinynhom bā adumušōm pāl piny.” Ku lēk raan aduany, “Alēk yī, jot rot ku kuany biṅḡdu ku lōr baai.”

²⁵ Go rot jot nyin yic kenhūm ke dēci kek ēbēn, ku kueny biōḡden awēn ci ye tāac thīn, ku ler baai ke lec Nhialic.

²⁶ Ku jāl kuat raan tō thīn ēbēn gāi ku rišōckē. Ku leckē Nhialic ku luēkē, “Yok aaci kēdīt jāḡ gōi tiṅ ya akōl.”

Jethu aci Lebī cōal
(Mt 9:9-13; Mk 2:13-17)

²⁷ Nawēn ke Jethu jiēl geeu, ku tēwēn cieth yen ke tiṅ raan ajuēr kut cāl Lebī ke rēēr tēden ē luōi. Go Jethu lēk ye, “Buōth ḡa.”

²⁸ Go Lebī luōide pušl ku buōth.

²⁹ Nawēn ke Lebī loi miēth paande bi yen Jethu gōḡ. Go kōc juēc bēn, kōc ajuēr kut ku kōc kōk, ku nyuuckē ke ke bīk mīth.

³⁰ Go kōc akut Parathī ku kōcken piōōc lōōḡ la ḡoomḡoom ku luēkē tēnē kōc Jethu buōth, “Yeṅō ye wek mīth ku dēkkē kek kōc ajuēr kut, ku kōc la gup adumušōm?”

³¹ Kaam wēn piṅ Jethu ē wēt kēnē, ke lēk ke, “Acie kōc puāl kek akūm wīc, aa kōc tuany.

³² Yēn akēc bēn ba kōc ye tak lōn puōth kek bēn kony. Yēn aci bēn bi kōc rec la gup adumušōm kepušth dhušk ciēn.”

Wēt lōḡ thēk ē miēth
(Mt 9:14-17; Mk 2:18-22)

³³ Gokē bēn lueel tēnē ye, “Kōc Joon buōth aa lac thek ē miēth ku rōōkkē. Ku aye kōc akut Parathī buōth looi aya, ku kōckun yī buōth aa mīth ku dēkkē.”

³⁴ Go Jethu bēēr ku lueel, “Yakē wīc bi kōc cī bēn ruāāi yic rēēr ke cī mīth? Acie tēde! Na rēēr raan thiēk ke ke, ka cīk loi kēya.

³⁵ Akōl bi athiēk dām ku nyiēci keyiic, yen akōl bi kek thek.”

³⁶ Ku bēn Jethu kāāḡ dēt bēn thōōth aya tēnē ke, “Acin raan bi abāḡ alath ret wei alanh yam kōu bi la buōšp ē dhiāth alath kōu.

³⁷ Ku acin raan bi mušn abiēc ē yam pušk tōny theer yic. Na looi kēya, ke mušn abiēc yam abi tōny pušt yic, ku mušn abiēc abi luuḡ wei ku tōny abi kuem.

³⁸ Acie kēya, mušn abiēc yam adhil pušk ē tōny yam yic.

³⁹ Ku acin raan wīc bi mušn abiēc yam dek tē cī yen mušn abiēc cī ceḡ kaḡ dek, abi lueel, ‘Mušn abiēc cī cieḡ anḡuēn.’ ”

6

Jethu aci kuc lōḡ akōl lōḡ kōc Itharel
(Mt 12:1-8; Mk 2:23-28)

¹ Naḡon akōl cī kōc Itharel ye luui, Jethu kek kōcken ye buōth aake cath ke kuany dhēl yic kam dum. Go kōcken ye buōth rap thoḡ ku koikē ke kecin, ku camkē ke.

² Go kōc akut Parathī kōk lueel, “Yeṅō ye wek luui akōl cī lōḡdan Itharel pēen bi kōc cī ye luui thīn?”

³ Go Jethu bēēr, “Kēckē kē cī Debit looi wāthēer kaḡ kueen? Wāār nēk cōk ye kek kacke,

⁴ go la luāḡ Nhialic ku lōōm ayum yaath cī tōšū tēnē Nhialic ku ciem, ku gēm kacke aya bīk cam. Ku ayum kēnē ēci lōḡda pēen bi kuat raan ē path cī cam. Ee raan kāk Nhialic yen ē ye cam ē rot.”

⁵ Ku wit Jethu wētde ēlā, “Manh Raan ē bēny kēriēc ēbēn agut akōl lōḡ.”

Jethu aci mony ci cin ruai kony
(Mt 12:9-14; Mk 3:1-6)

⁶ Naḡon akōl dēt, akōl cī kōc ye luui ke Jethu la tēn amat kōc Itharel ku piōōc. Ku mony cī cin cuēc ruai ē tō thīn.

⁷ Go kōc kōk piōōc lōōḡ Mothith, ku kōc kōk akut Parathī ke tō thīn wīc bīk tiṅ, lōn bi Jethu mony kēnē kony bīk la luōm, rin cī yen ye kony akōl cī kōc ye luui.

⁸ Ku Jethu ē ḡic kē tō kepušth, go lēk mony awēn cī cin ruai, “Jot rot ku bāār tuenḡ tēn kōc nhūm.” Go bēn ku kēēc.

⁹ Go Jethu ke thiēc, “Yeṅō ye lōḡda pāl ḡo buk looi akōl cī kōc ye luui? Ye kēpath aye kērac, bi raan kony bi pīr, kua pēl wei bi thou?”

¹⁰ Ku döt ke ebën ku lëk mony awën cī cin ruai, “Nyoth yicin.” Go yecin nyooth. Go ciēnde piath.

¹¹ Tēñē, go kōc ater Jethu puōth riāāk apeī, ku matkē kē bik looi tēnē ye.

Jethu acā atuuc kathiāār ku rou kuany
(Mt 10:1-4; Mk 3:13-19)

¹² Nayōn akāl tōk ē nīnkā yiic, ke Jethu la gōt nhom tē cī ceñ bī la rōōk, ku jōl ruu rōōk tēnē Nhialic.

¹³ Nawēn bak piny ke cōl kōcken ye buōōth, ku kuany raan thiāār ku rou keyiic ku ciēk ke ke cōl atuuc.

¹⁴⁻¹⁶ Kōc ke cī kuany ayī, Thaimon (cī Jethu bēn cāk ke cōl Pīter), Andria (mēnh koor ē Thaimon), Jemith, Joon, Pilipo, Bartholomeo, Lebī, Thomath, Jemith wēn Alpawuth, ku Thaimon (raan la puōu ater), Juda wēn Jemith ku jōl a Juda Ithkariōt, raan wāār cī Jethu bēn luōm bī dōm.

Kōc juēc aa Jethu buōōth
(Mt 4:23-25)

¹⁷⁻¹⁸ Go Jethu bēn piny ku kēēc tēthōñ nhom gōt cōk kek kōcken ye buōōth, ku kōc juēc kōk ke bō Judia ku Jeruthalem. Ku kōc bēēi kōk tō wārkuōu cimēn Tire ku Thidon, aake cī bēn bik bēn piñ piōōc Jethu, ku bī ke bēn kony tueny tō kegup. Ku kōc ke la gup jakrēc aake cī bēn aya go Jethu ke kony.

¹⁹ Ee wīc kuat raan ebēn bī gōōt, rin riēl yen kōc kony bik pial ē ye yōk yeguōp ē path tō cī ye gōōt.

Kēñ mist ē puōu ku rēēc ē puōu
(Mt 5:1-12)

²⁰ Go Jethu yenhom wēl kōcken ye buōōth ku lueel,

“Wek aa mit gup wek kōc nōñ, rin ye bāāny Nhialic kēdun!

²¹ Wek aa mit gup wek kōc nēk cōk ēmēn, rin wek aabī kueth akōldā!

Wek aa mit gup wek kōc dhiau ēmēn, rin wek aabī dōl.

²² Wek aa mit gup tō mēen week, ku cop week wei ku lat week,

ku yekē kuc week ciēt yakē jakrēc rin ye wek kackiē yen Manh Raan!

²³ “Wāthēer wārken dīt aake cī kāk cīt kākā looi tēnē kōc kāk Nhialic tiñ. Kēya, tē looi kākā rōt tēnē week, ke we mit puōth rin wek aabā ariōpdīt yōk tēnē Nhialic.

²⁴ Tē rēec yen thīn tēnē week, wek kōc cī jak ēmēn,

rin cī wek pīr path yōk thīn.

²⁵ Tē rēec yen thīn tēnē week, wek kōc cī kueth ēmēn, rin wek aabī cōk nōk.

Ku tē rēec yen thīn tēnē week, wek kōc dal ēmēn,

wek aabī tōu tiōp nhom ku dhiaaukē!

²⁶ Ku tē rēec yen thīn tēnē we tē bī kōc ebēn jam kāpath ē riēnkun, rin wārken dīt aake ye jam kēlā, wāthēer tēnē kōc aa lueth rōt cōl aye kōc kāk Nhialic tiñ.

Nhiar kōc man yī
(Mt 5:38-48; 7:12)

²⁷ “Ku wek alēk kēnē wek kōc piñ wēlkiē, Nhiarkē kōc aterdun, ku yakē kāpath looi tēnē kōc man we.

²⁸ Thiēc Nhialic bī kōc ye wīc diēt yī yōk kērac dōōc, ku rōōk rin kōc yī bui.

²⁹ Tē mañ raan yīgēm, ke wēl gēm dēt aya. Kēya cimēn ē kēnē, na wīc raan alath tēnē yī ke duk pēn alanh dēt aya.

³⁰ Na ye kēnē raan kēdāñ tēnē yī ke gām ye, ku duk raan cī kēdu nyaai thiēc bī cool tēnē yī.

³¹ Loi kēpath tēnē kōc kōk cimēn nhiēer yīn kēpath bī looi tēnē yī aya.

³² “Na ye ke nhiar kōc nhiar yī kepēc, ke yī yōk lec Nhialic? Ayī kōc kārēc looi aa nhiar kōc nhiar ke aya.

³³ Ku na ye kāpath looi tēnē kōc kāpath looi tēnē yī kepēc, ke yī yōk lec Nhialic? Ayī kōc kārēc looi aa kāpath looi tēnē kōc nhiar ke.

³⁴ Ku na ye kēdu gam tēnē raan ye nōōth ciēt bī cuōōt akōldā, ke Nhialic mit puōu tēnē yī? Agut kōc kārēc looi aa kākken gām kōc rēc kōk cīt ke, rin ye kek ye tak ciēt kākken bī dhuōk ke ebēn akōldā.

³⁵ Na ye kēya, nhiar kōc aterdu, ku loi kāpath tēnē ke. Yakē kākkuñ gam ē path ku duōkkē ye nōōth lōn bī we cuōōt. Wek abā acutdīt apeī yōk. Ku wek aabī ya mīth Nhialic Madhol, rin alir puōu tēnē kōc ebēn, agut kōc na cōk kēpath looi tēnē ke, ke cīi ke tiñ puōth, ku kōc rac aya.

³⁶ Lierkē puōth cimēn ye Wuurdun puōu lier.

Duōkkē kōc ye luōk wei
(Mt 7:1-5)

³⁷ “Duōkkē kōc ye luōk wei bī Nhialic we cīi ye luōk wei. Duōkkē kōc kōk ye tēm awuōc bī Nhialic we cīi ye tēm awuōc. Pālē wēt piny tēnē kōc kōk bī Nhialic wēt pāl piny tēnē we.

³⁸ Na ye kōc kōk muōoc ke Nhialic abī muōoc aya. Abā athēmdīt cīi cienku lēu bik muk yīēk yī, rin kāk ye looi tēnē kōc kōk, kek aabī Nhialic looi tēnē yī.”

³⁹ Ku lēk Jethu ke kāāñ ēlā, “Lēu raan cī cōr bī cōr dēt thel? Cīk lēu bik lōōny adhuōm yic kedhie?”

⁴⁰ Acīn manh piōōc dīt tēnē raanden piōōc. Ku manh piōōc na le piōōcde thōl ka cīt raanden piōōc.

⁴¹ Yenō ye yīn kērēc dīt ye looi kuc, ku ye tiñ kērēc cī wāmuuth looi?

⁴² Acīi lēu ba wāmuuth wēt bī kērēc thiin ye looi puōl, tē cīi yīn rot kañ wēt ba kārēc

ye looi pušl. Awëëṅkuil Kanḵë käreç yakë ke looi pušl, ku abäk lëu bäk wämäthkun jäl wëët bik käreç thii yekë ke looi pušl.”

⁴³ Ku la Jethu tueṅ ku lueel ëlä, “Tim ci cil tēpath acie luok mīth rēç, ku tim ci cil tērac acie luok mīth path.

⁴⁴ Këya, tim aye ṅic ë miēthke. Acii lëu ba mīth tim dēt la kuany tim dēt cök.

⁴⁵ Raan path ë luui kápath, rin kápuoth tō yepušu. Ku raan rac ë luui käreç, rin käreç tō yepušu. Wël ye ke lueel, aa kāk tō yīpušu nyuəoth.

*Kääṅ rin kəç karou ci bëëi keer
(Mt 7:24-27)*

⁴⁶ “Yeṅō ye wek ya çəol, ‘Bëny, Bëny’ ku wek aa cie kë ca lueel ye looi?

⁴⁷ Kuat raan ë bën ku piṅ wētdiē ku theek ya ku looi,

⁴⁸ acit raan cī yōnde ṅicəc buth tēthōny. Nawën la aboor bën, ku çək piṅ yōt gösl piny, ku yōt cii yic çək pāk rin ci ye ṅicəc buth.

⁴⁹ Ku raan wëlkiē piṅ ku cii ya thek bi ke looi, acit raan yōt buth tō ye aboor tēk. Na la aboor bën ke wit yōt!”

7

*Jethu aci raan lui pan bëny apuruuk kony
(Mt 8:5-13)*

¹ Tëwën cī Jethu kënë wic bi lək kəç thöl, ke la Kapernaum.

² Ee gen kënë raan lui pan bëny apuruuk ë tuany, ka tiit piny. Ku bëny ë nhiaar raanden luoi apei.

³ Nawën piṅ Jethu, ke toc kəçdit Itharel bik Jethu la thiëc bi bën ba aluonyde bën kony.

⁴ Gokë la tënë Jethu ku lāṅkë ku luelkë ëlä, “Apath ba bëny apuruuk kënë kony.

⁵ Anhiar kackua, ku ë yen buth tēdan ye yok mat thīn.”

⁶ Go Jethu la ke ke. Ku kaam wën bi yen baai dōot, ke bëny apuruuk toc mātḥke bik la lək ye ëlä, “Bëny, duk rot nāk cāth rin ṅen acie raan path nadë ke yī bō atiēmdiiē yic.

⁷ Ku ṅen akëc la tënë yī rin ṅic ṅen ye lon ye ṅen raan rac. Luel wēt ë path ku aluonydiē abi pial.

⁸ Rin ṅen aya, ṅen arëer bënydit cök, ku ṅen ala apuruuk rëer yaçök. Aya lək ṅek, ‘Ləor!’ Ka la, ku lək ṅek, ‘Bäär tēn,’ Ka bō, ku aya lək aluonydiē, ‘Loi kënë!’ Ka looi.”

⁹ Go Jethu gāi wën piṅ yen wëlkä, ku wël yenhom thān awën buoth ye ku lueel, “Acin raan ca kaṅ yök kam kəç Itharel la gam cit gam ë mony kënë.”

¹⁰ Nawën dhuk kəç awën cī tooc baai, ke yök alony bëny ke cī pial.

Wën lëer gen Nain ci thou aci pūr

¹¹ Nawën ke Jethu la gen Nain, ku ë cath kek kəcken ye buəoth ku kəç juëc kək.

¹² Nawën dōtkë ḡeu ke rām kek kəç ket raan ci thou. Ku raan ci thou ë ye wān tōṅ. Ku kəç juëc aake cath kek tiṅ lëer kënë.

¹³ Nawën tiṅ Jethu tiṅ kënë, ke ṅeer yic ku lək ye ëlä, “Duk dhiau.”

¹⁴ Ku lək kəç bik kōçc ku ḡoət biōṅ awën cī raan kuəm piny, ku lueel, “Riēnythii, jōt rot.”

¹⁵ Go riēnythii awën cī thou rot jōt ku jieem ku çol Jethu ajiël kek man.

¹⁶ Go raan ëbën riçc ku leckë Nhialic ku luelkë, “Raan kāk Nhialic tiṅ ril apei aci tuəl ë kamkua. Ku Nhialic aci bën bi kacke bën luok.”

¹⁷ Ku jol kë cī Jethu looi piṅ raan ëbën pan Judia, ku wušt kək thiäak ke ye.

*Joon aci kacke tuəç Jethu
(Mt 11:2-19)*

¹⁸ Go kəç Joon buəoth kākkih ye lueel rin Jethu lək Joon. Go kəç karou kamken tuəç tënë Jethu bik la thiëc ëlä,

¹⁹ “Ye yin raan bi bën aye raan dēt yen buk tiit?”

²⁰ Nawën yëetkë tënë Jethu ke luelkë, “Joon raan kəç muəçc nhīm aci yo tooc buk yī bën thiëc, ee yin raan bi bën aye raan dēt yen buk tiit?”

²¹ Ku kaam awën thiëc kek, Jethu ë kony kəç juëc tuany apei, ku kəç cī jakrēç dām. Ku kəç cī çəor.

²² Go wētden bëer ku lueel, “Lak ku lëkkë Joon kāk çək tiṅ ku kāk çək piṅ, çəor aci bën daai ëmën, ku aduany aci ya cath ku kəç cī tuet aci tuet jal keḡup, ku miṅ aci ya piṅ, ku kəç cī thou aaci rōt jōt. Ku Wēt Puoth Yam alək kəç ṅōṅ nyin.

²³ Ku raan mit ḡuṅp ë raan cie pušu ë rou wētdiē yic.”

²⁴ Nawën cī kəç Joon jäl, ke Jethu jam ku tēt kəç Joon, “Ye raan yindë yen cī wek la ror cii ceṅ bāk la tiṅ? Ye raan puəl yic ye wel nhom ë path cimën ye yom aruççor wel nhom?

²⁵ Ye raan yindë yen çäk la tiṅ? Ye raan ceṅ alēth path apei? Kəç ciēṅ alēth dhēṅ ku yekë mīth path cam akōlakōl aa kəç pan bënydit.

²⁶ Lëkkë ya, yeṅō çäk la tiṅ? Ye raan kāk Nhialic tiṅ. Ee yic. Ku alək we, yeen adit tënë raan kāk Nhialic tiṅ.

²⁷ Rin Joon yen aye athör theer wël Nhialic jam rienke ëlä,

“ṅen abi raan tōk kam kəç kākkiē lueel, çol alək kəç bi dhēl la guiri tënë yīn.”

²⁸ Ku ben Jethu lək ke ëlä, “Acin raan kuat kəç cī dhiëeth pinynhom dit tënë Joon. Ku yeen aṅot wër raan koor tō bëäny Nhialic yic.”

²⁹ Kuat kəç cī wētdē piṅ, agut kəç ajuer kut aaci kēpuoth looi Nhialic ṅic, ku çalkë rōt aa muəçc Joon nhīm.

³⁰ Ku kɔc akut Parathī ku kɔc piöcc lööŋ Mothih, aaci jai kē wic Nhialic bi guiri tēnē ke, rin ci kek kuc bi Joon ke cii muöcc nhiiim.

³¹ Ku ben Jethu thiēc, “Yenō ba thōŋ kek riēc akölē? Thōŋkē kek nō?”

³² Keek aa cit mīth ci kenhiiim mat laar yic leŋ kegup, ye lueel ēlä,

‘Yok aaci waak peth ye keek ket tē looi ruäai ket,

ku wek aa kēc dier!

Yok aaci kāk ye looi thuöu yic thōŋŋ,

ku wek aakēc dhiau!’

³³ “Rin Joon raan kɔc muöcc nhiiim ēcie bēēi kuany yiic ke mīth ku dēk ē mäu, ku ayakē lueel, ‘Lön le yen gušp jōŋrac!’

³⁴ Ku Manh Raan aci bēn ku ye mīth kek kɔc ku dēk ke ke, ku ayakē lueel, ‘Jethu akok, ku a dek mäau. Ku amääth kek kɔc ajuēr kut ku kɔc la gup adumušm!’

³⁵ Ku luai puöth Nhialic ē rot nyuöth kāk ye kɔc ke buöth yiic looi.”

Tiŋ rac ci jäl piath

³⁶ Naŋon akäl tōk ke raan tōk kɔc akut Parathī cäl Jethu bik la mīth. Go Jethu la pan raan akut Parathī ku nyuuc bi mīth.

³⁷ Nawēn piŋ tiŋ adējōök, ŋic ŋeu yic ēbēn, lön ci raan akut parathī Jethu caal paande, ke bō kek tōny koor ci cuēcc tiām ril apēi, la yic miök ŋir ye ŋöcc wēu juēc apēi.

³⁸ Ku le ŋöt, ku nyuuc Jethu löšm, ku dhieeu ke cie nhom gušt Jethu cök. Go piu awēn dhieeu yen Jethu luak cök. Goke weec nhimken nhom. Ku ciim cök ku tɔc cök miök ŋir awēn muk.

³⁹ Nawēn tiŋ raan akut Parathī wēn ci Jethu gōŋŋ ē kēnē, ke jam yetök ēlä, “Na mony kēnē ye raan kāk Nhialic tiŋ, ŋušt aci tiŋ ye gōšt ŋic, ye tiŋ yindē, rin adējōök.”

⁴⁰ Go Jethu wēt Thaimon guo ŋic ku lueel tēnē ye, “Thaimon! Ala kē wiēc ba lēk yī. Päl yiyc piny.” Go bēēr, “Ye kēnē nō, Raan ē piöcc?”

⁴¹ Go Jethu lēk anyiköl kēnē, “Monytui ē kōny kɔc karou. Raan tōk kek wēu ye dšm raan rušn tōk, ku raan dēt kek wēu ē pen tōk.

⁴² Ku akēckē lēu kedhie bik wēu cool. Go wēu pušl, ku cii ke ben kōšny. Na ye yī, yeŋa kamken bi mony kēnē nhiaar apēi?”

⁴³ Go Thaimon bēēr, “Aya tak ē raan ci wēu juēc päl piny tēnē ye.” Go Jethu bēēr, “Kēdu ē yic!”

⁴⁴ Ku wēl yenhom tik ku lēk Thaimon, “Ca kē looi ē tiŋ tēnē ya tiŋ? Yēn aci bēn paandu ku yin akēc ya yiēc piu ba cök loök. Ku yen tiŋē acä loök cök piuken nyin, ku wuuny ke nhimken nhom.

⁴⁵ Yin akēc ya ciim wēn bi yēn cit tē ye miäth kɔc ē ciēŋda yic. Ku yeen ē ya ciim cök ēmēn ku ēmēn, tēwēn rēēr yēn ē tēn.

⁴⁶ Yin akēc ya cak lor apath ba tɔc nhom, ku yeen acä tɔc cök miök ŋir.

⁴⁷ Ku alēk yī lön nhiērdit ci nyuöth thün aye nyooth aya lön ci adumušmken juēc päl piny. Rin raan ci kāklik päl piny tēnē ye, ee nhiēr koor nyuöth.”

⁴⁸ Ku lēk tik, “Adumušmku aaci päl piny.”

⁴⁹ Go kɔc awēn mīth kek ye aa jīem wei ku yekē lueel ēlä, “Yeŋa kēnē jam lön ē yen adumušm päl piny?”

⁵⁰ Ku ben Jethu lēk tik, “Gamdu aci kony. Lōor ke dšōr Nhialic.”

8

Diäär ke ye cath kek Jethu

¹ Nawēn ke jīel, ku kueny geeth yiic ku bēēi ke piöcc Wēt Puöth Yam rin bääny Nhialic. Ku atušöcke kathiaär ku rou aake cath kek ye.

² Diäär juēc aake cath kek ye aya. Diäär kāk kamken aake ci Jethu kony jakrec ku tu-aany, Maria Magdalena ci jakrec kadhrou jäl yegušp.

³ Ku Joanan tiŋ mony cäl Kudha raan kāk pan bēny Antipäth Yērot tiit, ku Thuthana ku diäär juēc kāk ē Jethu kek kōcken ye buöth kony wēēuken.

Kääŋ dom path ku dom rac

(Mt 13:1-9; Mk 4:1-8)

⁴ Go kɔc juēc aa guēēr tēnē Jethu geeth yiic, go ke lēk kääŋ kēnē,

⁵ “Raan pušr ēci la dom bi la pur. Ke wēn ye yen rap wēr dom yic ke kōth abēk lööny dhöl yic tē ye kɔc tēek thün, ku tet diet ke aya.

⁶ Ku lööny kōth kāk alēl nhom tē koor tiap thün. Nawēn ciilkē, ke ke go guo riau rin kēc meiken yet piny apath.

⁷ Ku lööny kōth abēk tē ye tiim la kuöth cil thün, na la tiim juäk ke ke dec rap ku cik lok apath.

⁸ Ku lööny kōth kāk tiām path yic, ku ciilkē ku lokkē apath ke dit nhiiim apēi.”

Ku wit Jethu lōŋde ēlä, “Pienkē tē le wek yith.”

Wēt thōöth ē kääŋ

(Mt 13:10-17; Mk 4:10-12)

⁹ Go kōcken ye buöth thiēc, “Kääŋ kēnē wētde yic yeŋō?”

¹⁰ Go Jethu bēēr, “Wek anyuth Nhialic bäänyden cak ŋic theēr. Ku kɔc kōk aabi kääŋ ŋic ē kääŋ ya lēk ke yiic, rin na cak alōn ye kek daai, ka cii kääŋ bi tiŋ. Ku na cak alōn ye kek wēt piŋ, ka cik bi deet yiic.”

Jethu aci kääŋ raan pušr teet yic

(Mt 13:18-23; Mk 4:13-20)

11 Ku lëk Jethu ke, “Kääñ kënë wëtde yic akîn. Káth cí com aa cít wëtdiën ya pišóc téné we.

12 Kóc kók aa cít káth cí lóöny dhël yic, ye diët ke tet. Të piñ kek löñ Nhialic, ke jəŋrac bə ku nyiëi löñ awën kepuəth bîk wët Nhialic cí piñ, ku bî ke kony bîk pîr.

13 Kóc kók aa cít káth cí com ael nhom, aa löñ Nhialic gam nyin yic ke mit puəth. Ku aacie kepuəth è deët, aa löñ Nhialic guə wai wei tē nêk ke rin wët Nhialic.

14 Kóc kók aya aa cít káth cí lóöny tē ye tiim la kuəəth cil thîn, keek aa löñ Nhialic piñ. Ku kajúëc ke diir rin pîr pinyinhom è tēn, nhiër jîëk ku kápuəth yekë wíc kepuəth aa bēn thîn, ku rëckë löñ Nhialic kepuəth.

15 Ku kóc kók aa cít káth cí puur tiom path yic. Keek aa löñ Nhialic piñ ku gamkë apeï, ku kajúëc path aaye yök téné ke rin ye kek kepuəth deët.”

*Kääñ è mermer
(Mk 4:21-25)*

16 Ku ben lëk ke, “Acin raan cí mermer kan yáth yót ku kum nyin, tédè ke tēxu agen təc cök. Aye təəu yót ciël yic rin bî yót amer yic téné kóc bə yót.

17 Këriëc èbën cí thiaan abi bēi bei kóc nhîim, ku këriëc èbën cí kum nhom, abi yéth ayeer ruël yic.

18 Piñkë ku dëtkë apath tē ye wek wël piñ, rin raan la kädän abi ben muəc, ku na ye raan cîn kädän, ke këthiin ye tak lon tš yen téné ye, abi nyaai aya.”

Man Jethu ku wämäthakën aaci Jethu nyaai

(Mt 12:46-50; Mk 3:31-35)

19 Go man Jethu kek wämäthakën bēn téné ye, ku cîn tē le kek téné ye rin juëc kóc yóöt apeï.

20 Go raan tók lëk Jethu, “Moor ku wämäthakui aa kääc ayeer, ku aa wíc yî.”

21 Go Jethu lueël téné ke, “Ma ku wämäthkië aa kóc wët Nhialic piñ ku loikë.”

*Jethu aci yom col akääc
(Mt 8:23-27; Mk 4:35-41)*

22 Naɣon akäl tók, ke Jethu la riäi yic kek kocken ye buəəth ku lëk ke, “Lok teemku wär alontui.” Gokë riäi gëer jüir.

23 Tëwën gër kek, ke Jethu go nin. Kaam awën niin yen ke yomdiët apeï jət rot, ku loi atiaktiak rot abi riäi duër thiän piu, ku duërkë diir.

24 Gokë pušóc ku luelkë, “Bänyda, Bänyda! ʏok aa muəu.” Go Jethu rot jət ku rël yom ku atiaktiak. Gokë kšóc ku la wär dil.

25 Ku thiëc ke, “Të gamdun tēnen?” Gokë nhîim la cöt ku rišöckë rieldit cít kënë, ku

jîëmkë kamken, “Ye raan yändë kënë, na cök a yom ku atiaktiak è ke piñ wëtde?”

*Jethu aci raan la guəp jakrëc kony
(Mt 8:28-34; Mk 5:1-20)*

26 Gokë wär Galilia teem ku lek tš col Jeratha tš wär Galilia alontui.*

27 Tëwën këec Jethu piny riäi yic, ke mony è gen kënë la guəp jakrëc bə téné ye. Mony kënë ëcie ceñ alëth ku ëcie rëër baai, ee ye rëër rəñ nhîim.

28 Nawën tiñ Jethu ke lor nhom ke loi wuəəu, ku cuët rot piny yenhom ku looi kiëu apeï, “Jethu, wën Nhialic Madhəl yeñö wíc ba looi téné ʏa? Yin alän duk ʏa tēm awuəc.”

29 Ee jam këlä rin cí Jethu jəŋrac yšök bî jal yeguəp. Ee ye jəŋ kënë döm arak juëc, na cök dër piny bî rek cin ku cök ku tit, ke ɣot ke tueny ku dhoñ luəñ káth yecök. Ku yéth jök roor tē cí ceñ.

30 Go Jethu jäl thiëc, “Col yî ɳa?” Go bëër, “ʏok aa kut.” Ee lueël këya rin cí jak juëc la yeguəp.

31 Go jakrëc jam ku lëñkë Jethu bî ke cí cop tětthuth diët yic, ye kóc rec yáth thîn.†

32 Ku duut diir baai è nyuäth gət cök è tēn awën. Go jakrëc Jethu löñ bî ke col aa la diir gup. Goke pušl.

33 Go jakrëc bēn bei yeguəp ku lek diir baai gup, ku riñkë agör yic, ku thootkë wüir ku moukë èbën.

34 Nawën tiñ rööo ke biöök diir kē cí rot looi, ke kat bîk wët la lëk kóc rëër geeu ku kóc tš bēi yiiç.

35 Go kóc èbën jal wet bîk kē cí rot looi la tiñ. Nawën lek ʏet téné Jethu, ke yök mony wäär la guəp jakrëc ke cí nyuc Jethu cök, ke ceñ alëth, ke la nhom cök. Gokë rišóc.

36 Ku kóc ke cí kënë tiñ, aaci tē cí mony la guəp jakrëc kuony thîn la lëk kóc kók.

37 Go kóc Jeratha èbën rišóc, ku lëkkë Jethu bî jäl panden. Go Jethu la riäi yic ku dhuk.

38 Go mony wën cí Jethu jakrëc col ajiël yeguəp, Jethu thiëc bî cath kek ye. Go Jethu jai ku lëk ye,

39 “Ləoɣ baai téné kacku ku lëk ke kajúëc cí Nhialic looi téné yî.” Go mony kënë jäl ke kuany geuyi, ke ye kóc lëk kák cí Jethu looi téné ye.

*Jethu aci tik kony ku col nya aben pîr
(Mt 9:18-26; Mk 5:21-43)*

40 Wën cí Jethu tem ku dhuk wär alontui, ke lor kóc juëc apeï, kóc ke tit ye.

41 Tëwën ke mony col Jariöth, bēny téné amat kóc Itharel bə aya. Nawën tiñ Jethu, ke cuët rot piny yecök ku ləñ bî la paande,

8:16 Mt 5:15; Lk 11:33 8:17 Mt 10:26; Lk 12:2 8:18 Mt 25:29; Lk 19:26 * 8:26 Jeratha acəl Gadara aya, tiñ Mt 8:28 † 8:31 Eye tak lon jakrëc aaye mac piiny tětthuth bî ke jal tēm awuəc.

⁴² rin nyanden töj ye ruönke thiäär ku rou ëci dhal apej. Go Jethu gam ku lööny dhöl. Ku buoath koc juéc ke cik kum apej.

⁴³ Ku tinj tuany kéc thékde ksu kanj teem ruön thiäär ku rou ë tó koc yiic. Ku yeen ëci wëu juéc gãm akim, ku acin akim töj ci tuaanyde col anjüëñ.

⁴⁴ Go bën Jethu ksu ku goot alanhde thok. Go riem kósc nyin yic.

⁴⁵ Go Jethu thiéc, “Yeja cá goot?” Nawën cin raan gëm ye rot, go Piter lueel, “Bëny aa koc juéc ci kum kek aa yi pik.”

⁴⁶ Go Jethu ben lueel, “Ala raan cá goot rin aca njic lon le yen raan ca kony?”

⁴⁷ Nawën tinj tin awën lon ci ye njic, go bën tënë Jethu ke ci riöc, ke leth ku cuet rot piny yecök. Ku lek Jethu, koc nhüm ebën yen kënë goot yen ye, ku tē ci tuaanyde guo njüëñ thin ē kaam thiin awën.

⁴⁸ Go Jethu lueel tënë ye, “Nyaandië gamdu aci kony. Loo, ke döör Nhialic.”

⁴⁹ Kaam wën jicem Jethu, ke raan rinj pan Jariöth ku lek ye, “Nyaandu aci yet wei, duk raan piöc ben rääm nhom.”

⁵⁰ Ku Jethu ëci wët ē mony pinj, go lek Jariöth, “Duk riöc, deet yipušu ku gam wët yic. Nyaandu abi pial.”

⁵¹ Wën yeet yen baai, ee cin koc cii puäl bik la yöt kek ye, ee Piter ku Joon ku Jemith, ku jol aa wun ku man meth kepéc.

⁵² Tëwën le Jethu yöt, ke yök koc ke näk röt, ke dhiau. Go lek ke, “Duökkë dhiau. Meth akéc thou, anin.”

⁵³ Gokë däl guöp rin njic kek ye lon ci yen thou.

⁵⁴ Go meth däm cin ku lek ye, “Manhdië jöt rot.”

⁵⁵ Go wäike dhuk ku jöt rot nyin yic. Ku lek Jethu ke bik yiék miëth.

⁵⁶ Go koc ke dhiëth meth gai apej, ku thon Jethu ke bik kē ci rot looi cii lek koc kók.

9

Jethu acä atuöcke kathiaär ku rou tooc (Mt 10:5-15; Mk 6:7-13)

¹ Ku col Jethu koc ye buoath kathiaär ku rou, ku yik ke riel bi kek jakrec aa la cuöp wei, ku riel bi kek koc col aaye pial aya,

² ku tooc ke bik aa la piöc wët bäany Nhialic ku konykë koc tuany.

³ Ku lek ke, “Duökkë muk kāk la keny, cimën wai ku jokgao ku müth yakē cam dhöl yic, ku wëu ku duökkë muk alëth kāk.

⁴ Yakē rëer pan ye we lor thin yet tē bi wek jäl.

⁵ Ku na ye pan cii we lor thin, ke we jiël ku tanjë wecök, bi nyooth lon ci wek kucē ē ke.”

⁶ Go atuuc jäl, ku kuenykë bëei yiic ke piöc Wët Puoth Yam ku konykë koc bik pial kuat pan ci kek la thin.

Antipäth Yërot aci dieer (Mt 14:1-12; Mk 6:14-29)

⁷ Antipäth Yërot, bënydit pan Galilia, ee ci käjuéc loi röt pinj ebën. Go dieer rin ē ye koc kók lueel lon Joon raan wäär koc muöc nhüm aci ben pír.

⁸ Ku lueel koc kók ē Elija yen aci ben tuäl, ku koc kók ē yekē lueel, lon ē yen raan tök kam koc kāk Nhialic tinj yen aci ben pír.

⁹ Go Antipäth Yërot lueel, “Yen aci Joon col atëem nhom bei! Yeja kënë ye yen wëlke pinj ē bak?” Ku ē wic bi röm kek ye.

Jethu aci miëth koor juak bi koc juéc cam (Mt 14:13-21; Mk 6:30-44; Jn 6:1-14)

¹⁰ Go atuuc Jethu dhuk ku lekëc kāk cik looi ebën. Ku jiëlkē ē röt ku lek gen col Bethaida.

¹¹ Nawën pinj koc juéc tē ci yen la thin, ke buathkë. Go Jethu ke lor ku jicem tënë ke rin wët bäany Nhialic, ku kony koc ci ye thiëc, bik pial.

¹² Nawën la piny cuöl, ka atuöcke kathiaär ku rou bō tënë ye ku luekë, “Col koc aa jiël bik la bëei yiic bik la wic tē niin kek thin, ku lek yoo miëth camkë, rin tē rëer yok thin ē ror cii cej cin kē kuany thin.”

¹³ Go Jethu bëer, “Miackë ke miëth.” Gokë lek ye, “Kāk mukku aa yuöp kadhiëc ku rec karou. Wic buk miëth yoo tënë ē koc juëcä?”

¹⁴ Koc ke tō thin aake rööer tiim kadhiëc. Go lek kacken ye buoath, “Calkë koc aa nyuc, thiär dhiëc akuüt tök yic.”

¹⁵ Go koc ye buoath koc col anyuc piiny këya.

¹⁶ Go ayuöp awën kadhiëc ku rec karou lööm ku dot nhial ku leec Nhialic. Ku beny ayuöp yiic, ku gëm ke kacken ye buoath bik ke tek agut rec tënë koc.

¹⁷ Ku müthkë abi miëth ke göök, ku jol kacken ye buoath awuthueei ayuöp ku rec ci döj kuany gääcät kathiaär ku rou.

Piter aci Jethu njic (Mt 16:13-19; Mk 8:27-29)

¹⁸ Nayon akäl tök, tēwën rööc Jethu ē rot, ke koc ye buoath bō tënë ye. Go Jethu ke thiëc, “Lëkkë ya, ye jän tak, ye yen ē na?”

¹⁹ Gokë lueel, “Ayekë lueel lon ye yin Joon raan koc muöc nhüm. Ku lueel kuat dēt lon ye yin Elija. Ku koc kók ayekë lueel, lon ye yin raan kam koc kāk Nhialic tinj theer ci ben pír.”

²⁰ Goke thiëc, “Na week yakē lueel lon ye yen na?” Go Piter bëer, “Yiin nhom guöp, yin ē raan ci Nhialic loc ku döc.”

21 Kê ca lueel ë yic Pîter. Ku thôn ke apeï ëlä, “Duškkë lëk raan dët.”

Jethu ee jam Aræmde ku Thuwnde
(Mt 16:20-28; Mk 8:30-9:1)

22 Nawën ke lëk Jethu ke ëlä, “Manh Raan abi dhiel reem, ku abi kœcüt baai ku bány kák Nhialic, ku jol aa kœc piöœ löŋ kœc Itharel jai, ku abik nõk, ku yeen abi nin kadiäk nõk piiny ranj yic ku ben jot bi pir.”

23 Ku lueel tënë ke ëbën, “Na ye raan wic bä buœth, ka dhiel nom mää kœpuœth bi yök piërde yic pinynhom ë tën. Ku dhiel puœ riel ku buœth ya akölaköl, cœk alœn wic kœc kœk ye bik nõk ë rienkië.”

24 Rin raan wic ye bi wëike kony abi muœr. Ku na ye raan mâr wëike ë rienkië, ka bi wëike muk akölrîëœ ëbën.

25 Yœŋö bi raan kuany thïn bi jak apeï pinynhom ku mër wëike?

26 Na ye raan guœp yâr ë ya ku piœœcdië, ke Manh Raan abi guœp yâr ye aya, aköl dhuk yen diœkde yic ku diik Wun yic, ku diik atuuc Nhialic.

27 Ku le tueŋ ku lueel, wek alëk yic ala kœc kœk rëër ë tën, aaci bi thou agut tã bi kek ya tŋj, kek riel ye nyuœth lœn ye ŋœn bëny ci Nhialic lœc.”

Jethu aci guäpde rot waan
(Mt 17:1-8; Mk 9:2-8)

28 Nawën nin kabët cœk ci yen kakkä lueel, ke Jethu cœl Pîter ku Jemith ku jol a Joon, ku lek gœt nhom bik la rœök.

29 Tëwën rœök yen ke waŋ yenyin, ku yer aläthke apeï bik la diardiar.

30 Kaam thiin awën ke rœör tul ku jiœmkë kek ye. Ku keek aake ye yi Mothith ku Elija.

31 Keek aaci bën ke la gup dhëeŋ Nhialic ku jiœmkë tënë Jethu tã bi yen la thou thïn Jeruthalem, rin bi yen kã wic Nhialic jäl thöl.

32 Ku Pîter kek kœc awën cath ke ye, aake ye nin muœr puœth. Nawën liepkë kenyin ke tŋj læc Jethu, ku rœör karou ke kääc yelœœm.

33 Nawën jiël ë rœörkã, ke lueel Pîter tënë Jethu, “Bëny, apath buk rëër ë tën. Yok aabi duël kadiäk looi tök tënë yi, ku tök kek Mothith ku töŋ dët kek Elija.”

(Kënë jiœm yen këya, ee kuc këné bi lueel.)

34 Kaam wën ŋot jiœm yen, go kecit rur piny paat abi ciën tã yekë tŋj. Gokë riœœc wën kum rur ke piny.

35 Ku piŋkë Nhialic ke jam luäät yic ëlä, “Kënë ë Wëndië, yen aca lœc, piœŋkë wëtde.”

36 Nawën cik rôl ben pinj, ke ye Jethu yen tŋjkë ë rot. Go kœc Jethu buœth kakkä muk kepuœth ku cik ke lëk raan dët.

Jethu aci dhœŋ la guœp jœŋrac kony
(Mt 17:14-18; Mk 9:14-27)

37 Nawën dhukkë piny gœt nhom aköl dëëtë, ke lor kœc juëc apeï.

38 Kaam awën ke raan tök thän awën yic, cœt ke cie rôl jœt ku lueel, “Raan piöœc, yin aläŋ bä manhdie tŋj, yen ë mänh töŋ tã yanhom.

39 Të dœm ë jœŋ ye, ka dhiau nyin yic, ku wit piny ku læth ku yik thok ayœk. Jœŋ këné aci ye lac päl piny, ku aye cœl anäk rot apeï.

40 Ÿœn aci kœckun yi buœth löŋ bik cuœp wei yeguœp, ku akëckë lœu.”

41 Go Jethu lëk ke, “Wek kœc cie lac gam, ba rëër ke we, ke ya ci guœp la cut wëlkun?” Ku lëk wun meth, “Bëi manhdu tën.”

42 Kaam wën le dhök tënë Jethu, ke wit jœk piny ku læth. Go Jethu jœk yœœk bi jäl yeguœp, ku kony dhök bi pial. Ku lëk wun bi jäl kek ye.

43 Ku jœl raan ëbën gäi riel Nhialic.

Jethu aci ben jam ë Thuwnde
(Mt 17:22-23; Mk 9:30-32)

Tëwën ŋot rëër kœc ke ci gäi kœjuëc ci looi, ke lueel tënë atuœœcke,

44 “Piœŋkë wëlkä apath ku calkë ke aa löœny wepuœth, rin Manh Raan abi thœn kœc bi ye nõk.”

45 Ku kœcken ye buœth aake këc wët këné deet yic, wët ëci moony tënë ke rin bik ci det yic. Ku keek aake ci riœœc bik thiëœc kë ci lueel.

Kœc Jethu buœth aaci wët teer
(Mt 18:1-3; Mk 9:33-37)

46 Nawën ke kœc ye buœth teer wët lœn yeŋa kamken yen dit apeï.

47 Ku Jethu ë ŋic kë tã kepuœth. Ku dœm meth ku cœl akääc yelœœm.

48 Ku lëk ke, “Raan manh koor cit manh këné lor ë rienkië, acä lor. Ku raan ya lor, acie ŋœn ye lor, ee Wä Aciëŋ ë toc ya. Rin raan koor kamkun ëbën, yen ë raandit.”

Raan ci yo man ë raanda
(Mk 9:38-40)

49 Nawën ka atuny cœl Joon bœ tënë Jethu ku lëk ye, “Bëny, yok aaci mony dët tŋj keye jakrœc cuœp wei kœc gup ë rienku, ku acuc pëën rin acie raanda.”

50 Go Jethu lëk ye kek atuuc kœk aya, “Duškkë ye pëën, rin raan ci we man ë raandun.”

Jethu akëc kœc Thamaria lor

51 Nawën ci nin bi Jethu yäth nhial thiök, go tak bi dhiel la Jeruthalem.

52 Ku tooc kœc yenhom tueŋ bik tã bi kek la nyuc thïn la guiir pan tã wun Thamaria.

53 Go kœc pan awën kuc rin ŋic kek ye lœn Jethu ala Jeruthalem.*

54 Nawën le koc Jethu buoöth, Jemith ku Joon, ñic lön ci koc baai kuc bik Jethu lor ke luelkë, “Bëny, cuk mac cöl abö piny nhial bi pan kënë rac?”

55 Go Jethu ke duöm thook piny,
56 ku berkë pan dët töt tuej.

Raan buöth Jethu adhil puöu riel
(Mt 8:19-22)

57 Tëwën kueny kek dhël yic, ke räm kek mony dët ci ye bën lëk Jethu ëlä, “Yin aba biaath kuat tët ler yin thïn.”

58 Go Jethu bëër, “Luony aa la yöötken yekë ke wuut, ku diet pär aa la yöötken aya. Ku yen Manh Raan yen acin baai pinyinhom tën.”

59 Ku lueel Jethu tënë mony dët, “Buöth ya.” Go bëër, “Bëny, cal yen akonj wä la thiök.”

60 Go Jethu bëër, “Cöl koc cit koc ci thou aa thiäk kacken, ku yün bäär ba Wët Puöth Yam bën la piöc.”

61 Ku lueel mony dët, “Yin aba buoöth Bëny, ku cal yen akonj kackië la töönj.”

62 Go Jethu lëk ye, “Yin acit raan dhie pur, na tünj raan dët cath, ke cuet pur piny ku keenj nhom ku ruc. Këya, raan ye käk kök nyaai luoi ca guiër ye yic, acin këpuöth lëu bi looi rin bääny Nhialic.”

10

Luoi koc thiärdhorou ku rou

1 Nawën ë kënë cök, ke Jethu kuany koc kök kathiärdhorou ku rou kam koc ye buoöth, ku tooc ke tuej bi koc karou aa cath, bik la geeth ku bëëi ke bi yen la thïn yiic.

2 Ku lëk ke, “Käk tem ajuëc ku koc luoi aa lik. Röökkë Bëny la nhom käk tem bi koc luoi cal aa juak röt.

3 Lak! Ku ñieckë, wek atuöc cimën amël ë kam gal.

4 Duökkë wëüu ku jököö ku war kök muk. Ku duökkë ye kösc dhöl yiic bäk koc aa muösth.

5 Të yeet wek baai ke kanjë lueel, ‘Koc baai yakë döör.’

6 Ku na ye koc rëër ë pan koc nhiar döör, ke röökkun aabi ke döc. Ku na yekë koc man döör, ke röökkun aaci ke bi kony.

7 Ku yakë rëër ë pan ku miethkë ku dëkkë käk yekë yiëk we, rin apath bi raan lui ariöpde yök. Duökkë ye jäl pan ku lak pan.

8 Na lor koc gen ci wek la thïn we, ke we cam kuat mieth cik gam we.

9 Ku kuönykë koc tuany ku lëkkë ke, ‘Bääny Nhialic aci thiök ke we.’

10 Ku na lak gen ci we ye lor thïn, ke we jüel ku luelkë,

11 ‘Yok aabi tär gendun tenj wei yocök bi döj kek we.’ Ku dhiekkë deet apath, bääny Nhialic aci thiök.

12 Awuöc bi Nhialic tëm koc Thidon aköl lunjüt abi kuur tënë awuöc bi tëm koc ë gen.

Geeth këc luoi kärëc puol thin
(Mt 11:20-24)

13 “Wek koc gen Koradhin ku Bethaida, wek aa tiit kärëc apei, rin käjuëc jän göi cäk tünj ci ke looi geethkun yiic, ku ke ci looi Tire ku Thidon, geeth wäär cej koc rac, ñuöt koc ë geethkä aaci kepuöth dhuök ciëñ theer, ku pälkë luoi kärëc.

14 Ku Nhialic abi we tëm awuöcdit Aköl lunjüt, awuöc bi dët apei tënë awuöc bi tëm koc Tire ku Thidon.

15 Ku wek koc Kapernaum yakë tak lön bi we jat nhial? Wek aabi cuat pan mac.”

16 Ku lueel Jethu tënë koc wën ci tooc, “Raan pinj wëtdun ë wëtdië pinj, ku raan we dhöl gup acä dhöl guöp, ku raan dhäl yaguöp ë raan toc ya dhöl guöp.”

Koc wën ci tooc aaci dhuk

17 Go koc thiärdhorou ku rou wën dhuk ke ci puöth miit ku luelkë, “Bëny agut jakrëc aya aaci wëtda pinj ë rienu.”

18 Go Jethu lëk ke, “Riel jonrac aci riääk ku tiën ke lööny piny cimën many nhial.

19 Wek aca yiëk riel bi wek aa cath käpieny ku kith nhüim ë path. Ku wek aca yiëk riel wër wek aleikun ku koc man we. Ku acin kë konj we nök.

20 Ku duökkë puöth jöl miit rin ci jakrëc wëtdun pinj, miethkë puöth rin ci rienukun göt pan Nhialic.”

Jethu amit puöu
(Mt 11:25-27; 13:16-17)

21 Nawën ke Wëi Nhialic cal Jethu amit puöu ku lueel, “Wä, Bëny nhial ku piny! Yin alëc rin ci yin käk ci thiaan tënë koc ñic käj ci piöc, nyuöth koc kor këc piöc. Ee tède, Wä, yen ë kën yi yuum puöu.

22 Këriëc ëbën aaci Wä gam ya. Acin raan ñic Wënde ë Wun ë rot, ku acin raan ñic Wun ë Wënde ku koc ci Wënde loc bi nyuöth ke.”

23 Tëwën rëër Jethu kek köcken ye buoöth ë röt, ke wël yenhom ke ku lueel, “Wek aala gup duaar bäk käk tiënjë tünj.

24 Ku alëk we, ëci koc juëc käk Nhialic tünj ku bánydit wic bik käk yakë tünjë tünj, ku aa këckë ke tünj. Ku ë cik wic aya bik käk yakë pinj, pinj, ku aa këckë ke pinj.”

Kääj raan path pan Thamaria

25 Raan piöc ë löj koc Itharel, ëci bën ku wic bi Jethu deep ë wët ku thiëc, “Raan

9:54 2Bñ 1:9-16 9:61 1Bñ 19:20 10:2 Mt 9:37-38 10:3 Mt 10:16 10:4 Ith 10:7-14; Mk 6:8-11; Lk 9:3-5 10:7 1Kor 9:14; 1Tim 5:18 10:11 Luoi 13:51 10:12 Cäk 19:24-28; Mt 11:24; 10:15 10:13 Ith 23:1-18; Edhe 26:1-28:26; Juel 3:4-8; Amo 1:9-10; Dhäk 9:2-4 10:15 Ith 14:13-15 10:16 Mt 10:40; Mk 9:37; Lk 9:48; Jn 13:20 10:19 Wk 9:113 10:22 Jn 3:35; 10:15 10:25 Mt 22:35-40; Mk 12:28-34

piöoc, yenjö ba looi ba pír akölríeéc ebën pan Nhialic?”

²⁶ Go Jethu bëër, “Ye Lõj Mothith lueel kédë ë wët kënë? Yenjö ye deet yic thïn?”

²⁷ Go bëër, “Yin adhíl Nhialic Bánydu nhiaar yípušu ebën, ku wëiku ebën, ku yínhom ebën, ku nhiaar raan dët cimën nhíeër yín rot.”

²⁸ Go Jethu lueel, “Aca ñieç bëër. Loi kákká, ku pír pan Nhialic akölríeéc ebën aba yök.”

²⁹ Go monytui wíc bí wët deet apath rin wíc yen ye bí rot kony, ku ben Jethu thiëc, “Raandiën ba nhiaar yenja?”

³⁰ Go Jethu bëër ku lueel, “Monytui, ke ye raan Itharel, éci jál Jeruthalem bí la Jeriko. Go róm ke cuër dhël yic ku rumkë aláthke ku wëëuke ebën, ku nákkë ku jolkë nyääñ piny ke duër thou.

³¹ Nawën ke raan kák Nhialic, ke ye raan Itharel, bā ke kuany dhël kënë yic, go monytui tñj ku wëen thok piiny.

³² Nawën ke raan dhiënh Lebí ben bën, go mony kënë tñj ku bër.

³³ Go raan pan Thamaria bën ke kuany ë dhël kënë yic. Nawën tñj mony kënë piiny ke ñeër yic.

³⁴ Go rot cuët ye, ku muöc yóntöök yiic miök ku muön abiëc ku der keyiic, ku jot akaja kōu ku yëth pan jööl, ku rëër yelööm ë wëër wën.

³⁵ Nayon nhiäk, ke gem wëëu tënë raan lui pan jööl ku lëk ye, ‘Lök mony kën töök apath, na la dhuk ku le wëëu ca lök muör ë rienke të lik wëëukië, ka ba bën cool.’ ”

³⁶ Ku wit Jethu wëtde ku lueel ëlä, “Na ye yí, ke raan cí cuër ban, yenja kam koc awën kadiäk ë raande?”

³⁷ Go lueel, “Raan cí ye kony yen ë raande.” Go Jethu lueel, “Lóor, ku ye luui këya.”

Martha kek Maria

³⁸ Tëwën cieth Jethu kek atuöccke ke la Jeruthalem, gokë nyuc gen thïn tō dhël yic. Go tñj cal Martha ke yáth baai.

³⁹ Ku Martha a la nyankën cal Maria, cí bën nyuc Jethu lööm bí piöcde piñ.

⁴⁰ Go Martha pušu riääk rin kéc Maria ye kony luoi miëth tënë jööl. Go bën tënë Jethu ku lueel, “Bëny, ye këpath yen looi nyankäi cí yen ya päl luoi ë rot tētheer awën? Lëk ye bā bën kony.”

⁴¹ Go Bányda bëër ku lueel, “Yin Martha, yin adíeër rin awíc ba kajúeç tō yípušu looi ebën,

⁴² ku ë tók yen aril, Maria acā aban ñuëën kuëny bei, ku ací bí nyaai tënë ye.”

11

*Jethu anyuth yo tē bí yok aa röök thïn
(Mt 6:9-13; 7:7-11)*

¹ Yon akal tók Jethu ë röök, nawën cí röökde jal thök, ke lueel raan tók kam kocken ye buöth tënë ye, “Bëny, piöc yo tē bí yok aa röök thïn, cimën wäär cí Joon raan koc muöc nhüim kocken ye buöth piöc.”

² Go Jethu lëk ke, “Yakë lueel kälä tē röök wek,

‘Wädan tō nhial, bí rienku aleec. Bí bäänydu bën yoyiic.

³ Muac yook miëth akölaköl.

⁴ Ku päl adumusömkua piny tënë yook, rin ye yok wët puöl tënë koc rëc yook. Ku duk yook cal athem kërac.’ ”

⁵⁻⁶ Ku ben Jethu lëk kocken ye buöth, “Tëdë, na yin ala mäthdu ku lör tënë ye waköu wëër ciel yic ku luel tënë ye, ‘Mäthdië gäm ya ayuöp kadiäk. Rin mäthdiën cí la kenya ací bën paandië, ku yën acin miëth gäm ye.’ ”

⁷ Ku bëër yöt alon thïn ku lueel, ‘Duk ya rëëm nhom. Yöt ací yot thok, ku yok aaci tōc yok miëthkië. Yën acii rot ben jot ba yí gäm ayuöp.’ ”

⁸ Ku la Jethu tuen ku lueel, na cak alon cí monyë rot jot bí gäm ayuöp rin yen mäthdu, ka jot bí rot jot bí gäm kuat kë wíc, rin yin acii guöp bí riöc ë ye, ku lör tuen ke thiëc.

⁹ Këya alëk we, thiëc, ku abi Nhialic gäm yí, na wíc kädän tënë Nhialic ka yök. Ku ë tēde aya, na gut yöt thok, ka nany thok tënë yí.

¹⁰ Raan thiëc aye gäm ke wíc, ku raan la kë wíc aye yök. Ku yöt aye nany thok tënë raan wíc ye.

¹¹ Yenja kamkun na le meth, ku thiëc manhde miëth ke gäm këpiiny tē wíc yen rëc.

¹² Ku na wíc tuon ajith, ke döm kiëth ku gëm ye.

¹³ Na ñieckë wek koc ë luui käreç bāk miëthkun aa gäm kápath, ke cak léu bāk ñic lön bí Wuurdun tō nhial ye ñic apeí bí Wëi Nhialic tuöc koc thiëc ye.”

*Jethu aye yöök lön le yen guöp jorrac
(Mt 12:22-30; Mk 3:20-27)*

¹⁴ Nayon akal tók ke Jethu ë cop jorrac wei raan guöp, ku écie jam. Nawën cí jorjé jál yeguöp ke mony awën jam. Go than awën tō thïn gäi apeí,

¹⁵ ku lueel koc kók, “Eë Beldhebul bëny jakrëc yen ë ye yiëk riël bë ke aa cuöp wei.”

¹⁶ Ku ë wíc koc kók bik deep wët, ku thiëckë bí kënë jäh göi looi, bí nyuöth ke lön ye Nhialic kákke gam.

¹⁷ Ku Jethu ë ñic kë yekë tak, go lëk ke, “Na tek koc paan tók keyiic ku thärkë ë kamken, ke pan kënë abi riääk. Ku na tuum dhiënh tók yenhom aya ku thärkë kamken ë röt, ke dhiënh kënë abi wëer aya.

¹⁸ Këya, na tek jakrɛc keyiic ku thɛrkɛ ɛ kamken ke cii thók? Ayaké lueel lɔn ye ʒen jakrɛc cuɔp wei riel ye Beldhebul gám ʒa.

¹⁹ Ku na ye riel Beldhebul yen ye ʒen jakrɛc cuɔp wei, ke ye riel ʒa yen ye kɔckun yaké buɔɔth ke cuɔp wei? Calké ke aa lɛk we yic.

²⁰ Ku na ye riel Nhalic yen ye ʒen jakrɛc cuɔp wei, ke ʒɛcké lɔn cǐ báány Nhalic bɛn tɛné we.

²¹ “Na tit raan ril paande thok ɛ tɔɔɲ ku kót, ke kákke aacii nyiɛci.

²² Ku na mɛt raan dɛt ril, ka wer ye. Ku ʒal kák muk bǐ yen rot tiit nyaai ɛbɛn, ku tek kák cǐ rum.

²³ “Raan kɛc rot măt ʒa acie raandiɛ, ku raan cii ʒa kony bǐ kɔc lɛk wɛt Nhalic, ee kɔc thiši.

²⁴ “Tɛ cǐ ʒɔɲrac ʒal raan guɔp, ee piny yɔɔp tɛdɛt bǐ yen lɔɲ thɛn. Na cǐn tɛ yók, ka lueel, ‘ʒen abǐ dhuk tɛné raan wäär jiɛl ʒen thɛn.’

²⁵ Ku dhuk ku yók raan wäär, ke cǐt yɔn cǐ guiri yic apath,

²⁶ ku dhuk ku le bɛn kek jakrɛc apɛi kók kadhrou wär ye, ku lek yeguɔp. Ku pǐr ɛ raan kɛnɛ ɛ ʒal rɛɛc apɛi tɛné pirden tuɛɲ.”

²⁷ Kaam wɛn ʒiɛm yen kɛlä, ke tik jam rɔldit kɔc yiic ku lɛk ye, “Tiɲ ɛ dhiɛth yi ku muk yi amit guɔp apɛi.”

²⁸ Go Jethu bɛɛr ku lueel, “Ee yic, ku kɔc mit gup alanden aa kɔc wɛt Nhalic piɲ ku loiké.”

Jethu akuɛc bǐ kɛnɛ ʒaɲ ʒɔi looi
(Mt 12:38-42)

²⁹ Tɛwɛn cǐ kɔc juɛc kenhüim kut Jethu lɔɔm, ke lueel, “Yeɲɔ be riɛɛc akölɛ rɛɛc kɛlä? Ee riɛɛc ye wic bǐ kɛnɛ ʒaɲ ʒɔi tiɲ. Ku acin kɛ bǐ nyuɔth ke. Ee kɛnɛ ʒaɲ ʒɔi wäär cǐ rot looi tɛné Jona yen abik tiɲ.

³⁰ Cǐmɛn wäär cǐ Jona raan kák Nhalic tiɲ ʒal a kit tɛné kɔc Ninibe, kɛya Manh Raan abǐ ʒal a kit tɛné kɔc akölɛ ɛbɛn.

³¹ Tiɲ bɛny wäär jiɛl pan Athia abǐ rot ʒot aköl luɲdit ku ʒɛk riɛɛc akölɛ, rin cǐ yen ʒal tɛmec apɛi bǐ wɛl puɔth bɛnyɲakhom Tholomon la piɲ, ku ʒen jam kɛn, ʒen adit tɛné Tholomon.

³² Aköl luɲdit kɔc gen Ninibe aabǐ we ʒók rin cǐ kek kepuɔth waar, ku palké luoi kárec wäär cǐ Jona ke lɛk. Ku alɛk we, ʒen jam kɛnɛ, ʒen adit tɛné Jona.

Kɔc cǐ gam aacit awai ku mermer
(Mt 5:10; 6:22-28)

³³ “Acin raan cǐ mermer kaɲ ʒäth ʒöt ku kum nyin. Aye tɔɔu tɛn ye yen ʒöt mer yic thɛn, bǐ piny amer tɛné raan la ʒöt.

³⁴ Puɔn path acit nyin path. Raan path nyin ɛ daai apath, acii thɔɲ kek raan cǐ cɔɔr cie daai apath.

³⁵ Këya, luoi kɛ röt bák puɔth la cök, ku duɔkké puɔth cɔɔr.

³⁶ Na yin aɲer puɔu, ke yin acit raan kɛc cɔɔr ɛ daai apath cǐmɛn dhie ye mac piny riaal.”

Jethu ɛ kɔc piöoc lööɲ ku Parathǐ lɛk lɔn nhiɛem kek

(Mt 23:1-36; Mk 12:38-40)

³⁷ Nawɛn cǐ Jethu thók ɛ jam, ke cɔɔl raan tɔɲ akut Parathǐ paande bik la miɲ, go la ku nyuuc ku miɲ ke kɛc yecin ku yecök lɔk cǐmɛn cǐɛɲ kɔc Itharel.

³⁸ Kɛnɛ, aci raan akut Parathǐ wɛn la baai bɛn ʒɔi apɛi.

³⁹ Go Jethu lueel tɛné ye, “Wek kɔc akut Parathǐ, aa wegup aɲeer kek yaké lɔk, ku piäthkun aacǐ thiäɲ kárec apɛi.

⁴⁰ Kɔc cǐn kɛ ʒɛcké! Kɛc Nhalic yen cak guɔp, puɔu alɔɲthɛn cak aya?

⁴¹ Biökruɛel aye nyuɔɔth puɔn ʒer tɛ muɔc yin kɔc, ku acie miɔc ye yin biökruɛel nyuɔɔth ɛ path.

⁴² “Tɛ rɛɛc yen thɛn tɛné we, kɔc akut Parathǐ. Wek aa Nhalic juɛr kálik, kák cǐt tók ɛ thiäɲ yic kákkun yaké ke puur ɛ dum yiic, ku kuat wel kók ɛbɛn. Ku wɛt la cök ku nhiɛr Nhalic akuɔcké looi. Kákká aa dhiɛlké looi, ku luoi kɛ kákká aya.

⁴³ “Tɛ rɛɛc yen thɛn tɛné we, kɔc akut Parathǐ. Ayaké nhiaar bák aa nyuc tuɛɲ thók kɔcɔdit nhüim tɛn amat, ku ye we muɔɔth athɛɛk ʒɔn ɛ ʒɔc yiic.

⁴⁴ Tɛ rɛɛc yen thɛn tɛné we, wek aa thɔɲ kek rɛɲ cǐn kɛ ye ke ʒic, ye kɔc cath kenhüim ɛ path, ku kárec cǐk thiiaan keyiic piiny aacii ʒic.”

⁴⁵ Nawɛn, ke raan tók kɔc piöoc ɛ lööɲ jot rot ku lueel tɛné ye, “Bɛny, tɛ ʒiɛm yin kɛlä, ke yin ɛ ʒo lat aya.”

⁴⁶ Go Jethu bɛɛr, “Wek kɔc piöoc ɛ lööɲ, kárec aa tɛ we aya. Wek aa kɔc piöoc káril apɛi cie lɛu bǐ ke looi. Ku wek aacie kɔc kony aya ɛ luoiden.

⁴⁷ Tɛ rɛɛc yen thɛn tɛné we. Awɛɛɲkui, wek aa rɛɲ path buth tɛné kɔc kák Nhalic tiɲ, kɔc wäär nɛk wärkun dǐt.

⁴⁸ Acák gam lɔn kɛwäär cǐ wärkun dǐt looi apath, ku na we tɔ thɛn nuɔt wek cǐ nák aya. Rin aacǐ kɔc kák Nhalic tiɲ nók ku buɔthkɛ rǎɲken.

⁴⁹ Ku rin ɛ wɛt kɛnɛ yen acǐ Nhalic ye lɛk we ɛlä, ‘Wek aaba tuɔc kɔc kákkɛ tiɲ ku atuuc. Ku wek aabǐ kɔc kók nók ku cuɔpké kɔc kók wei.’

⁵⁰ Riëec akölë abî tēm awuɔc rin cî yen kɔc kâk Nhialic tîj nɔk tēwäär cek piny yēēt emēn,

⁵¹ jɔok ē nâak Abel yet nâak Dhākaria wäär nâk luaj Nhialic. Ku ben Jethu lēk ke, riëec akölë abî tēm awuɔc rin ē kâkkâ ebēn!

⁵² “Tē rēec yen thîn tēnē we, wek aa yic moony tēnē kɔc ku acâk ye gam kek week ē rôt. Ku wek aa kɔc kɔk wïc yic bik gam gël!”

⁵³ Nawēn wïc Jethu bî jâl, ke jiëem kɔc akut Parathî ku kɔc piöoc lööj gušp apeî, ku thiëckē wël juëc ku wickē bî ke dhîel dhuk nhîim,

⁵⁴ rin wïc kek ye bik deep wēt bik dôm, tē le yen wēt rēec lueel.

12

Duk rišc luel yic (Mt 10:26-27)

¹ Wēn cî kâkkâ rôt looi, ke kɔc juëc apeidit aake cî kenhîim kut Jethu lōm abî ciēn tē ye cōk cak la piny. Tēwēn ke Jethu kōj jam tēnē kocken ye buoθh ku lēk ke, “Tietkē rôt, ku duškkē ye luui cimēn kɔc akut Parathî, kɔc ē kɔc ruëeny.

² Acin kē ye moony arēk abî cîi tiëc. Tēdē ke lēu bî kēdāj thiaan abî cîi njc.

³ Na cak a wēt luel wakšū ka ɲot piŋ nhiäk aköl. Ku kēriëec ebēn cak ɲāāi weyith yōöt alonjthîn ke yōt cî thiōök thok aŋot ye kɔc kōk piŋ.

⁴ “Ku alēk we wek māthkië, duškkē rišc kɔc guāpkun nɔk ē path. Aa we nɔk ku na lā ka cîn kēdēt ben kē looi.

⁵ Ee Nhialic yen adhîl kɔc rišc, rin na cî nɔk ka la riel aya bî cuat pan mac. Alēk we, ee Nhialic ē rot yen adhîl kɔc rišc.

⁶ Diët thîi kor kadhiëc cîi amušr, cîi ke ye yoc wēu lik? Ku acin tōk ē kamken cî Nhialic kaŋ mušr nhom,

⁷ agut nhîmkun tō yînhom aŋic Nhialic akuēnden. Duškkē rišc, wek aa awār amušr juëc.

⁸ “Alēk we, raan ye gam kɔc nhîim lōn ye yen raan Manh Raan, aba gam aya lōn ye yen raandië atuuc Nhialic nhîim.

⁹ Ku raan jēi kɔc nhîim lōn cîi yen ye raandië, abî Manh Raan kuc aya atuuc Nhialic nhîim.”

¹⁰ Ku ben Jethu lēk ke, “Kuat raan wēt rac lueel Manh Raan gušp abî pâl piny tēnē ye, ku raan lueel kērac Wēi Nhialic gušp, acîi bî kaŋ pâl piny tēnē ye.

¹¹ “Tē yēth yî tēn amat luk yic, bāny dît ku bāny kor nhîim, duk diëer tē bî yîn rôt kuony thîn ku wēt ba lueel,

¹² rin Wēi Nhialic abî cōl aŋic kē ba lueel.”

Raan ajak kuc kâj

¹³ Go mony dēt rot ɲot kɔc yîic ku lueel, “Bēny lēk wāmāath bā yîëk abâkkië kâk cî wā nyāŋ yo yîic.”

¹⁴ Go Jethu bēer, “Māthdië, yeŋa cā kuany ba ya bēny, ba kâj tēk we?”

¹⁵ Ku lēk kɔc awēn tō thîn, “Tietkē rôt, duškkē jiëek cōl arum wepuθh. Acin raan rēer piërde yecin cak alōn le yen kâjuëc.”

¹⁶ Ku lēk ke kâäj kēnē, “Thēer raan ajak ē tō thîn, ku duōmde ëcî luak rap juëc apeî.

¹⁷ Go jal jam ku lueel, ‘Yeŋō ba jal looi? Yēn acin duël lāau yic bî yēn ke tōšū thîn.’

¹⁸ Nawēn ke tēk ku lueel, ‘Kē ba looi akin. Duël kēnē aba ɲaany, ku ben duëldit apeî looi bî yēn rap ku kâk kōk baai tāau thîn.

¹⁹ Ku jal lēk rot yatōk. Mony mit gušp, yîn ala müith juëc apeî bî run juëc nɔk, jōl pîr apath, miëthē ku dēkkē, ku jōl pušū miët!’

²⁰ Go Nhialic lēk ye, ‘Raan kuc kâj! Ee wēer kēnē, yîn abî thou ku kâjuëc ca tâu rot kē, bik lōk aa kâk ē ɲa?’ ”

²¹ Ku wit Jethu wētde ëlā, “Kēnē, yen ē rot looi tēnē kɔc kâjuëc tōšū ē rîenken, ku acin jiëek Nhialic tō kepuθh.”

Raan adhîl Nhialic ɲōθh (Mt 6:26-34)

²² Ku wël Jethu yenhom kocken ye buoθh ku lueel, “Kēya alēk we, bāk rôt cîi cōl anēk diëer kē bāk cam bāk pîr. Ku diëer kē aya kâk bāk ceŋ.

²³ Wēi aŋuëen tēnē miëth, ku gušp raan aŋuëen tēnē alēth.

²⁴ Daaikē diët pār nhial, aacie pur rap ku temkē ke, ku tēëukē ke atuok yic, ku aa ɲot ke pîr rin ye Nhialic ke yîëk miëth. Ku wek aa ɲuëen apeî tēnē ke.

²⁵ Yeŋa kamkun na diir ē wēike ke juak ruönke?

²⁶ Na cak kâk thiikā ye lēu, yeŋō ye wek diëer kâk kōk?

²⁷ Tiëŋkē yšc cil tē dhēëj kek thîn, aacie luui ku aacie luui alēth. Ku alēk we na cōk a bēnyŋakhom Tholomon cimēnden wäär ē bāānyde yic, ëcîi la alēth la kit dhēj cimēn yāŋ tōk ē yōkkē yîic.

²⁸ Ku na ye Nhialic wel cil ē path cōl adhēj kēlā, wel tō thîn akölë ku na nhiäk nîn lik ke ril wei ku took ke mac, ke Nhialic cîi we bî kuëec nhîim, wek aa kōc la gam thîn koor.

²⁹ “Duškkē wenhîim ye yîëk kē bāk cam ku kē dēkkē akōlakōl.

³⁰ Aa kɔc kuc wēt Nhialic pinynhom ē tēn kek aa kepuθh yîëk kâkkâ. Ku Nhialic Wuurdun aŋic lōn wïc wek kâkkâ.

³¹ Na ye kēya, yakē ke wïc kâk bāāny Nhialic, ku aabî yîëk we aya.

Jiëek cie rop atš pan Nhialic (Mt 6:19-21)

³² “Duskkë rišc wek koc buoṯh ya rin Wurdun amit pušu bi we yiek è bëányë.

³³ Yaackë kakkun ku gämke wëeu koc nōṅ. Kënë abi jaakdun juak yic pan Nhialic. Ku jiek pan Nhialic acie thök, ku acie riääk cimën jiek pinyinhom, rin acin cuer tš thün. Ku acii aruap ye rac.

³⁴ Ku piändu abi ya rëer akölaköl tš tšu jaakdu thün.

Rëer yi ci rot guir

³⁵ “Rëer yi ci rot guir akölaköl, ku rëer yi muk mermer rin kuat kë bi rot looi bi yök wakü,

³⁶ cimën alony lui baai tit bënyden ci la yan thiëk yic ke bi dhuk baai. Na bi ke go yot guo ŋaany thok tënë ye.

³⁷ Aloony mit gup aa loony ye bënyden yök ke tit tš dhuk yen baai. Alëk we alanden, bëny abä alanhdn lui ruök, ku cöl ke aa nyuc bik mith ku luui tënë ke.

³⁸ Tëdë, ke bëny abi dhuk baai wëer ciel yic, tädë ke dhuk bëk è piny. Ku aloony mit gup aa loony bi bëny yök ke tit.

³⁹ Wek aa lëu kënë bak deet yic è röt. Na raan ye wëer lanḅ bi cuär bën ṅic, ka rëer ke yiën bi cuär kärke cii kual.

⁴⁰ Ke week aya rëerkë we tit, rin wek aa kuc aköl bi Manh Raan bën.”

⁴¹ Go Piter lueel, “Bëny, ye yök lëk è kääṅ kënë aye koc ëbën?”

⁴² Go Bëny dhuk nhom ku lueel, “Na ye këya, yeṅa alony path ku ṅic kãṅ apeï? Yeen alony bi bëny nyään kärke yiic paande, bi kacke ya gãm miëth akölaköl.

⁴³ Alony mit gušp alony bi bëny yök ke loi luuide apath tš dhuk yen.

⁴⁴ Alëk we, abi alony kënë tääu kärke yiic ëbën.

⁴⁵ Ku na ye alony ye tak lön cii bënyde bi lac dhuk. Ku ye rëer ke näk aloony kök, röör ku diäär. Ku ye cool ke mith ku dëk abi wiëet.

⁴⁶ Ke bënyde abi la luät yegušp aköl cii ye tak lön yen aköl bi yen bën. Ku yeen abi bëny tëm awušcdit ku met tš rëer koc rec thün.

⁴⁷ “Ku aluan ṅic kë wic bënyde bi looi, ku rëer ke cii rot guir bi kë wic bëny looi, ka bi tëm awušcdit apeï.

⁴⁸ Ku aluan kuc kë wic bënyde ku looi awušc bi yen that thün, ka bi ya awušc koor. Kãjuëc aa wic tënë raan ci gãm kãjuëc, ku raan ci gãm kãjuëc apeï awic kãjuëc apeï tënë ye.

⁴⁹ Yen aci bën ba piny bën cušny. Ku anhiaar diët ci dëp theer.

⁵⁰ Yen atiit këracc apeï, yen abi gum ku rem ya apeï yet aköl bi kënë thök.

⁵¹ Yakë tak lön ci yen bën ba dšsr bën looi pinyinhom? Alëk we acie ye. Ee lön bi koc keyiic tek.

⁵² Many la yic koc kadhiëc abi yeyic tek. Koc kadiäk aabä nhiaar ku man rou ya. Tädë, koc karou aabä nhiaar ku man koc kadiäk ya.

⁵³ Mith röör kek wärken aabi kenhüim tušm è rienkië. Ku yen è lön nyiir kek märken. Ku man athiëk kek tiṅ wëndë aabi röt maan aya.”

⁵⁴ Ku ben Jethu lëk thän awën tš thün, “Na tiṅkë luät nhial, ka guökë lueel lön deṅ abi tueny, ku tueny ayic.

⁵⁵ Ku na dom bi la dil, ku ruel aköl apeï, ka luëlkë lön bi piny tušc, ku tuc ayic.

⁵⁶ Yeṅa wiëckë bak ruëeny! Awëeṅkui? Wek aa kë bi rot looi ṅic tš tiṅ wek kakkä nhial. Ku cäk kë loi rot ëmën ṅic ayic?

⁵⁷ “Yenjö cii wek yic bak looi ye ṅic?

⁵⁸ Cimën na yëth raan yi luk yic, ke yi lac wet waar yic, ku dšsrkë ke këc yi guo yäth luk yic. Na cii lac looi këlä, ka yëth yi luk yic tënë bëny, ku bëny abi la thön apuruuk, ku mac yi.

⁵⁹ Alëk yi, yin acii bi kaṅ lony, yet tš bi yin këthiin kõny tënë yi kaṅ cool.”

13

Na cii luoi kärecc päl ke yin acii pir

¹ Nawën ke koc bö tënë Jethu, ku lëkkë ye lön ci bënydit Pilato koc Galilia cöl anak, koc ke ci käk juërkë Nhialic la nõk luañ Nhialic Jeruthalem.

² Go Jethu bëer. “Yakë tak lön koc Galilia ci nõk ëmën aa kärecc apeï wër kek koc Galilia kök looi?

³ Acie yic! Ku cäk ṅic lön wek aabi thou aya cimënden, tš cii wek kärecc yakë looi päl, ku wëlkë wepuštḅ Nhialic?

⁴ Ku na koc wäär kathiäär ku bët wik yön bäär apeï kenhüim Thiloam bik thou ëbën, ye kek koc kärecc looi Jeruthalem kepc?

⁵ Aacie ke! Ku alëk we, na cäk luoi kärecc päl, ke wek aabi thou ëbën cimënden.”

Kääṅ tim cie luok

⁶ Go Jethu ke lëk kääṅ kënë, “Monytui ëci tim luok com duamde. Nawën thoöṅ tš ci yen luok, ke bö bi bën bet. Go ciën mith yök yenhom.

⁷ Go pušu riääk apeï, ku lëk raan lui dom yic bi yep wei, ku lëk ye, ‘Aca tiit run kadiäk ku acin manh tōṅ ca yök yenhom. Yenjö pël ye bi dom rooc è path ke cie luok?’

⁸ Go raan è luoi bëer, ‘Bëny, päl è ruššn tōṅ kënë è path, aba guir ku tääu dhiääp yecök.

⁹ Na lok ruššntui ka path, ku na cii lok, ka jöl cöl ayep.’ ”

Jethu aci tiṅ tuany kõny aköl cii koc ye luui

¹⁰ Tëwën aköl cii koc ye luui ke Jethu pišöc tën amat koc Itharel,

¹¹ ke tik ë tš thïn ke la gušp jəŋrac cï ye dhoŋ kšu, bï yekšu cï ye jət ruššn thiäär ku bët.

¹² Nawën tiŋ Jethu ke cəol ku lək ye, “Tik, yin aci kony.”

¹³ Ku tššu yecin yekšu. Ku kaam thiin awën ke la kšu cök. Go Nhialic leec.

¹⁴ Ku raandit tən amat ëcï pušu dak apei rin ci Jethu ye kony aköl cï kəc ye luui. Ku lək kəc awën tš thïn, “Yok aa la nïn kadätem ye kəc luui. Ke raan alëu bi bën akäl tək kam ë ninkä yiic bi bën kony, ku acie aköl cï kəc ye luui.”

¹⁵ Go Bëny bëer ke təon gušp, “Aa wek kəc la gup ruëny! Le raan tək ë kamkun cie yäkke ye lony aköl cï kəc ye luui bi ke la wiëc wal ku piu?”

¹⁶ Ku tiŋ kënë, nyan many Abaram cï bëny jak dhoŋ kšu, bi ya rëer ke duəl ë runkä kathiäär ku bët, cï path bi kony aköl cï kəc ye luui bi la cök?”

¹⁷ Tëwën lueel yen ye kälä, ke kəc awën man ye yär gup, ku mit thän diit awën tš thïn pušth kək gšï ci Jethu looi.

*Kääŋ käu koor nyin ye tiemde diit ape
(Mt 13:31-32; Mk 4:30-32)*

¹⁸ Ku la Jethu tueŋ ke jam ku lueel, “Bääny Nhialic cit ŋö? Yenjö ba thššŋ ke ye?”

¹⁹ Aba thšŋ manh tim koor nyin cï raan com duəmde. Go diit abi ya tim dittet ye diet yšštken yik kërke kšth.”

²⁰ Ku ben lueel, “Yenjö ba ben thšŋ bääny Nhialic?”

²¹ Acit lon ci tik puər ayumdit tet yic, na lä ke piäär ëbën.”

*Kuany dhël la pan Nhialic yic
(Mt 7:13-14, 21-23)*

²² Ku bër Jethu ke kuany gëeth ku bëši yiic ke la Jeruthalem.

²³ Go raan tək thiëc, “Bëny! Le kəc lik bi poth bik la pan Nhialic?”

Go Jethu bëer,

²⁴ “Thamkë bək dhël ye kəc gum thïn yic, rin alëk we lən wïc kəc juëc ye bik la aləŋthïn, ku acik bi lëu.

²⁵ Tš jət wun baai rot ku riit yöt thok, wek aabi kšc äyeer ku jälkë yöt təon thok ku luelkë, ‘Bëny, ŋany yöt thok tənë yo,’ ku abi bëer tənë we, ‘Akušc tš biï wek thïn.’

²⁶ Ku abäk lək ye, ‘Yok aaci mïth ku dëkku kek yï, ku yin aci piöcc ë gëethkua yiic!’

²⁷ Ku abi dhuk nhom ku lueel, ‘Alëk we bək piŋ, wek aaci bö yöt rin wek aacä ŋic. Jälkë, kəc luui ë kärecl’

²⁸ Ku tš cï yï cuap wei, ke yin ariäak pušu ku dhiau aba yithok a kac tš tiŋ yin Abaram, ku Ithäk ku Jakop ku kəc kək Nhialic tiŋ, ke

rëer bääny Nhialic yic pan Nhialic, ku gël yï wei thïn!

²⁹ Ku kəc aabi bën pinynhom ëbën ku camkë yan bääny Nhialic.

³⁰ Ku kəc tš ciëen ëmën aabi tš tueŋ. Ku kəc tš tueŋ aabi dhuk ciëen.”

*Jethu ku Antipäth Yërot
(Mt 23:37-39)*

³¹ Tššn, ke kəc akut Parathi bö tənë Jethu ku lëkkë ye, “Jäl ë tən rin bëny Antipäth Yërot awic bi yï nək.”

³² Go Jethu lueel, “Lak ku lëkkë raan la gušp awandit lən yen abi la tueŋ akölë ayï nhiäk ya cop jakrëc wei kəc gup, ku luui kək jän gšï ye yen kəc kony. Ku na ye nïn diäk ke yen abi luaidië thöl pinynhom.

³³ Ku akölë ku nhiäk ku aköl dëštë, yen ala tueŋ ya lui rin acï path bi raan kək Nhialic tiŋ nək tädët cie Jeruthalem.

³⁴ “Kəc Jeruthalem! Kəc Jeruthalem! Kəc ë kəc kək Nhialic tiŋ nək, ku biškkë kəc cï tušc we aleel. Ye arakdë cï yen ye wïc ba we kuššt yiic, ku kuany we cimën adhie ye ajith miëthke kušm piny yewušk, ku wek aaci kuec.

³⁵ Nhialic abi we nyän pandun. Ku athšn we bək ŋic, wek aaci ya bi ben tiŋ yet aköl bi wek röt guir, ku luorkë ya yai ke yakë lueel, ‘Lecku raan bö rin Bányda.’”

14

Jethu aci raan tuany kony

¹ Nawën ke Jethu la pan raan akut Parathi aköl cï kəc ye luui bi la mïth. Ku kəc ke tš thïn aake döt Jethu apei.

² Go raan ci but yššm ku kək ëbën bën tənë ye.

³ Go Jethu jam ku thiëc kəc piöcc ë lööŋ ku kəc akut Parathi, “Cï löŋ pëen bi raan tuany kony aköl cï kəc ye luui tädë ke kony?”

⁴ Gokë cï bëer. Go Jethu mony awën cəol ku kony ku cal ajiël.

⁵ Ku jəl lək ke, “Yenja kamkun ë tən, na cï manhde, ayï wəŋde lööny yiith aköl cï kəc ye luui, ke pël yiith ku cï biï bei nyin yic?”

⁶ Ku wët kënë aci ke nyšŋ nhïm kë bëer kek ye.

⁷ Wën cï yen ye tiŋ aya ke jšöl awën cï cəol aaye ŋek tšden nyuuc yen thïn ləc, ke luel kääŋ kënë,

⁸ “Tš cï yï cəol yai yic, duk la ku nyuc tən kəcdit, tädë ke raan ben diit tənë yï aci cəol aya.

⁹ Na biï, ke raan awën cəl we wedhie abi yššk ba rot jət ba thöcc päl ye. Ku yin abi jəl dhuk thöc tš ciëen yiic ke yï ci gušp yär.

¹⁰ Tē cī yī cōol, ke yī la ku nyuc thōc tō ciēen yiic rin na la raan la baai bēn, ka bō tēnē yī ku lueel, 'Jot rot, bäär tuenj tēn mähdiē.' Kēnē abī cōl athiek yic jōōl n̄hīm ēbēn.

¹¹ Kēya, kuaat raan dīt pušu rot yāth tuenj ē rot abī Nhalic dhušk ciēen, ku raan lir pušu ē rot dhušk ciēen abī Nhalic yāth tuenj."

¹² Ku lueel Jethu tēnē mony awēn cī ye gōōj, "Na loi miēth bi yīn kōc gōōj, ke duk ke cōl mähku ku paan moor, ku kōc ruāāi kek yī ku kōc ajieek thiēek bāāikun, rin aabi bēn cōol. Ku na looi rot kēya, ke kēwāār ca luši ke yen alcōkē tēnē yī.

¹³ Na loi miēth cōol yīn kōc, ke cōl ke kōc n̄ōj, ku kōc cī duany, ku kōc cī n̄ol ku cōōr,

¹⁴ rin na la kōc rōt jot thou yic akōldā, ke yīn abī Nhalic cusōt rin wāār cī yīn ke cōol kōc cī ye lēu bīk miēethku cool."

*Jethu aci bāāny Nhalic thōjyan thiēek
(Mt 22:1-10)*

¹⁵ Go mony dēt mīth kek kōc lueel tēnē Jethu wēn piñ yen kēnē, "Kōc mit gup aa kōc bī cōol yai yic, bāāny Nhalic yic."

¹⁶ Go Jethu lēk ye, "Monytui ēcī yandīt apeī looi ku cōol kōc juēc.

¹⁷ Nawēn cī mīth yai guir, ke toc aluonyde bī kōc wīc ke yai yic la cōol, 'Bāk, kēriēēc ēbēn aci thōk ē guir.'

¹⁸ Gokē wēl juēc lueel kedhie bī kek ken-hīim kōl. Ku lueel raan wēn cī alony kañ yōk ēlā, 'Yēn aci piny yōc, ku yēn adhīl la ba la tiñ. Lōōr ku lēk bēny lōn acin kē maan yen cī yēn la yai yic.'

¹⁹ Ku lueel raandēt, 'Yēn aci miōōr kathiāār ye kōc pur yōc, yēn ala ba ke la them, lōōr lēk bēny lōn acin kē maan tēnē ye.'

²⁰ Ku lueel raan ye kōc diāk, 'Yēn aci piac dōm nya, acā lēu ba la yai yic.'

²¹ "Go alony dhuk baai ku le wēlkā lēk bānyde. Go bānyde pušu riāāk ku lēk aluonyde, 'Lōōr dhōl yiic ku kam bēēi geeu, ku cōl kōc līm dhōl yiic ku kōc cī duany, ku kōc cī n̄ol ku cōōr bīk bēn.'

²² Go alony lueel, 'Bēny, kē ca lēk ya aca looi ku piny anōt lāū.'

²³ Go bēny bēn lēk aluonyde, 'Lōōr kuany baai yic ku dhōl yiic geeu, ku lēk kōc ēbēn bīk dhīel bēn bī paandīē thiāñ.

²⁴ Alēk yī, kōc wāār ca kañ cōol acin miēth yai bīk bēn yōk paandīē!" "

*Kē dhil raan looi bī ya raan busth Jethu
(Mt 10:37-38)*

²⁵ Kōc juēc aake cath kek Jethu. Nawēn ke wēl yēnhom kōc ku lueel,

²⁶ "Na ye raan bō tēnē ya, ku cīi wun ku man ku tiēde ku miēthke, ku wāmāthakēn ku nyiērakēn, ku wēike man, ka cie raan busth ya.

²⁷ Ku raan cie gum ku buōōth ya, acīi lēu bī ya raan busth ya.

²⁸ Na wīc raan bī yōndīt bāār apeī buth, yēnō bī kañ looi? Nadē ke cīi wēēu muk bī kañ kuēēn nyīn bī njic lōn le yen wēēu juēc bī yen yōt buth bī thōl?

²⁹ Na jōok cōk ku le ciēn wēēu juēc bī yen ye thōl, ka bī kōc yōt tiñ ke kēc thōk aa bui, ku yekē lueel,

³⁰ "Mony kēnē aci yōt jōok bī buth ku akēc thāāp.'

³¹ "Na jot bēnyñaknhom tōj ke la apuruk tim thiāār bī la thōr kek bēnyñaknhom dēt la apuruk tim thiār-roo, ke cīi bī kañ tak lōn bī yen tōj lēu kek ē bēny kēnē?

³² Na yōk ke cīi tōj bī lēu, ka toc kōc ke bēnyñaknhom tui n̄ot mec kek apuruōōkke bīk dōōr looi."

³³ Kēlā aya, acin raan kamkun lēu ye bī ya raan busth ya agut tē bī yen kākke kañ puōl.

³⁴ "Awai, apath. Ku na thōok kōu alēi ke ben dhušk thīn kēdē?

³⁵ Awan cīt kēnē acie bēn piath. Aye puōk wei. Piēnkē tē le wek yīth."

15

*Kāāj amēl cī mār
(Mt 18:12-14)*

¹⁻² Kōc ajuēr kut ku kōc kārēc looi aake cī bēn tēnē Jethu bīk piōōcde bēn piñ. Ku kēnē, ee kēc kōc akut Parathī ku kōc piōōc lōōj nhiaar, rin ye Jethu kōc rēc mēēn jāñ lor, ku mīth ke ke aya.

³ Goke lēk kāāj kēnē.

⁴ "Na la raan tōk kamkun amāāl buōot, ku mār amāl tōk, ke cīi thiār dhoñuan ku dhoñuan nyiēēñ piny roor, ku le amāl tōj cī mār kañ wīc yet tē bī yen ye yōk?

⁵ Ku na yōk ka mit pušu apeī ku jot yekēt.

⁶ Ku na le yet baai ka cōl mähke ku kōcken akeu nom ku lēk ke, 'Yēn aci pušu miēt rin cī yēn amāldiēn wāār cī mār yōk. Loiku yai.'

⁷ Kēlā aya, miēt pušu dīt abī tō pan Nhalic, rin raan tōj kērac looi cī yepušu dhušk ciēen rin adumuōōmke. Ku miēt pušu kōc tō pan Nhalic, rin ē raan tōj, acīi bī thōñ kek miēt pušu rin kōc path kathiār dhoñuan ku dhoñuan cīn awuōc cīk looi, bī kek kepuōth dhušk ciēen."

⁸ "Tēdē, tik ala wēēth thiāār mīlāñ yer, ku mār wēnh tōk. Yēnō bī looi? Abī mac dēēp ku wīc apeī arēk bī yōt a weec yic agut tē bī yen ye yōk.

⁹ Tē cī yen ye yōk ka cōl mähke ku kōc akeu ēbēn ku lēk ke, 'Yēn amit pušu apeī, wēēukiēn wāār cī mār aaca yōk. Loiku yai.'

¹⁰ Kēlā aya, atuuc Nhalic aa puōth miēt rin raan tōj kārēc looi cī yepušu waar ku dhuk Nhalic."

Kääj manh cī mää

11 Ku la Jethu tuelj ku lueel, “Monytui ē tš thün ku ē la wät karou.

12 Go wën koor lëk wun, ‘Gäm ya käk ba tæk ya aköldä?’ Go wun kånj tek tēnē ke.

13 Nawën nün lik cök ke wën koor ʒəc kärke ebën, ku jiël bi la wun dēt, wun ci yen wëʒuke bën la thöl thün dēj ē määu ku wicwic adējök.

14 Wën cī yen wëeu thöl ke cəjdit apei loi rot ye pan awën, ku jöl rëer ke nëk cök apei.

15 Nawën le kärke dhal ke luëk rot pan raan tók ē kəc pan awën. Go raan la baai cöl aye dir baai bišök. Ku gëm ke kē camkē.

16 Ku ē ye wic diët cak yeyäc thišəj kē ye dir cam, ku acin raan cii ye gäm ye.

17 Nawën jöl kërëc cī looi tak yic yepušu ke lueel, ‘Ye kəc luoi kadē tš tēnē wä ē kueth abi mieth dōj piny, ku ʒən akün duër thou ē tēn rin cök!

18 ʒən abi dhuk tēnē wä ku lëk ye, wä ʒən acä awušc looi tēnē Nhalic ku tēnē yī.

19 ʒən acii ben a cöl yī, loi ya ke ʒa cī alony ye riəp.’

20 Ku jöl jäl pan awën ku dhuk tēnē wun. “Tëwën ʒot yen tēmec ke baai, ke tiŋ wun ke bš. Go pušu la yum ku riŋ tēnē ye ku pëet yic ku cim gëm.

21 Go wëndē lueel, ‘Wä ʒən acī kërac looi tēnē Nhalic ku tēnē yī. ʒən acii ben piath nadē ke ʒa cöl ē yī.’

22 Go wun aluənyke cöl ku lueel, ‘Riēŋkē! Bëiikē alanh path ku täaukē yekšu. Ku cušthkē cin joth miläŋ tšc ku täaukē war yecök.

23 Ku bëiikē muəor thiin cuai apei ku näkkē bi ʒok yai looi,

24 rin manhdiēn kēnē ē cīt mänh cī thou ku acī bən pīr. Yen ecī mää

25 “Tëwën looi käckä röt, wëndit ecī la luui dom yic. Nawën dhuk ku jöl bi baai dōöt, ke piŋ lšör yic ku diēr.

26 Go aluony tók cöl ku thiëc kē diēr kəc baai.

27 Go alony awën lëk ye, ‘Wämuuth acī bën, ku wuur acī muəor wäär cuk muk apei bi cuai nök bi yai looi rin cī yen dhuk ke puol gušp.’

28 “Go wëndit pušu riäak apei ku kuec bi cii la baai. Go wun bën tēnē ye ku ləŋ bi la baai.

29 Go lëk wun, ‘ʒən acī luui apei ē runkä ebën tēnē yī, ku acin tōŋ ca lëk ʒa ba looi cī ʒən kaŋ kuec ba cii loi. Ku ē runkä ebën acin mēn manh ē thök ca kaŋ yiëk ʒa bi ʒən luui yai ʒok mäthkiē.

30 Ku wën dhuk wëndu ke cī wëʒuku la muər adējök kōth, ke yī loi yai ku näk muəor tōŋ yen cuai apei ʒäckua yiič.’

31 Go wun bëer, ‘Manhdiē, yin arëer kek ʒa akölaköl, ku käk mušk ebën aa käcku.

32 Ku ē yic buk yai looi rin wämuuth ē cīt manh cī thou, ku emën acī piir, ee cī mää

emën acī ʒök.’ ”

16*Kääj raan luoi kony rot ruëny*

1 Ku ben Jethu lueel tēnē kəcken ye buəoth ëlä, “Wätheer raan ajak ē tš thün, ku yeen ē la raan kärke guuir baai, ku raan kēnē ecī luom tēnē ye rin cī yen wëʒuke muər.

2 Go cöl ku lueel, ‘Yeŋö kē ya piŋ keye lueel ē riənku? Nyoth wëeu ca dom ku wëeu cī mää

3 Go mony wën lueel yepušu ëlä, ‘Ba ŋö looi tē cop bēny ʒa luəidiē yic? ʒən akuc puər ē dom ku ʒən abi gušp yär tē ye ʒən lim.

4 Emën, kē ba looi aca jäl ŋic, kē bi ʒən cöl ala kəc juëc määth ke ʒa, biŋ ʒa aa lor bääiken tē cop ya wei luəidiē yic.’

5 “Go kəc la gup kány bānyde cöl ku lueel tēnē raan cī kaŋ bën, ‘Käk bēny kōny tēnē yī yekē dē?’

6 Go lueel, ‘ʒən akōny tōnydit miök bian tók.’ Go raan kånj guuir baai lëk ye, ‘Kēnē acī ya akuendu, nyuc ku gät thiärdhiëc.’

7 Ku thiëc raan dēt, ‘Na yiin, kēny tš yigušp ye dē?’ Go lueel, ‘Ee gāny rap tiem tók.’ Go lëk raan wën, ‘Gät buot kabët.’

8 “Go wun baai raanden la gušp awan leec wën cī yen rot kony. Rin tē ye riëc akölē käckken luəö thün kamken aŋuëen tēnē müth bääny Nhalic.”

9 Go Jethu la tuelj ku jiem, “Kēya alëk we, luoi kē jieek pinyndhom bi wek ke la mëth, rin na la jaakdun thök ke wek aabi lor pīr akölrüëc ebën yic.

10 Raan ŋic kälük muk apath ē käjuëc ŋieç muk aya, ku raan kuc kälük muk, acie käjuëc ē ŋieç muk.

11 Na yin acie käk ciëŋ pinyndhom ē tēn ŋieç muk, ke yī bi deet pušu kēdē bi yī gäm jieek tš pan Nhalic?

12 Na yin acie ŋösth pušu lön bi yin kēn raandä ŋieç muk, ke yeŋa bi gäm kē cök a kēdu?

13 “Acin alony lëu ye bi luui tēnē bāny karou, ka man raan tuelj ku nhieer raan ye kəc rou. Tēdē ka thek raan tuelj ku dhël raan dēt gušp. Acii raan lëu bi Nhalic ku jieek nhia

14 Go kəc akut Parathi, kəc nhia wëeu, käckä piŋ ebën ku dolkē Jethu gušp.

15 Go Jethu lëk ke, “Wek aa röt nyuəoth kəc nhim ciët wek kəc path ku Nhalic aŋic kē tš wepušt. Rin käk ye kəc juëc yiëk kepušt apei ciët kek ril, aaye Nhalic tiŋ ke kor.

16 “Wäthæer agut tēwäär tul Joon, kœc aake ye lõŋ Mothith ku wël cī kœc kæk Nhialic tiŋ gõt, theek. Ku emên, Wët Puõth Yam rin bääny Nhialic alæk kœc, ku awíc kuat raan ebên bi rot rieeny thin.

17 Ee këya, apuol yic bi kæk tš nhial ku pinynhom riääk, tən tē bi wët thiin koor tš Lõŋ yic cuat wei.

18 “Raan liši tienŋe ku thieek tiŋ dët, ka cä akor looi. Ku mony thiak tiŋ cī muonyde liäsi, ka cī akor looi aya.”

Raan cī jak kok mieth ku Ladhäro

19 Go Jethu kääŋ bën thöõth ku lueel, “Raan tök ë tš thin ku ecī jak apei, ku ë ceŋ alëth dhën ku ë ye yai looi paande akölaköl.

20 Ku raan laaŋ col Ladhäro la guõp tëtöök juëc apei ë tš thin aya. Ku ë ye nyuc yõn raan ajak thok,

21 bi lim awuthueei ë lööny piny. Ku jök aake ye bën aya ku nyankë tëtöök yiic.

22 “Nawën ke laaŋ këñe thou, go atuuc Nhialic wëike tääu Abaram you nhial pan kœc path cī thou. Nawën ke mony ajak lõk thou aya ku thiäk,

23 ku tšëu wëike pan mac, ku rem thin apei. Nawën ñëër yenyin nhial ke tiŋ Abaram tèmeç, ku Ladhäro ke tš yeyou.

24 Go dhiau ku lueel, “Wä Abaram liec ya, ku toc Ladhäro bi ciën tök luõt thok piü yiic, ku gœt yaliep bi liemdië lier, rin yan arem apei ë tən!”

25 “Go Abaram bëër, ‘Manhdië, tak lõn cī yin kãpath yök wäär piür yin ku yök Ladhäro kãrec. Ku yeen awac puõu emên ku yin arem apei.

26 Ku dët aya, tēthuth mec yic apei atš kamkua bi ciën raandan la lõŋtui, ku cın raandun bš tēñe ya ë tən.’

27 Go mony ajak wën lueel, ‘Wä Abaram yin alãŋ ba Ladhäro tuœc panda,

28 tēñe miith wä kadhiëc bi ke la wëet bik cī bš ë tən bi ke reem aya.’

29 “Go Abaram læk ye, ‘Mothith ku kœc kæk Nhialic tiŋ aa tš thin, col ke aa piŋ wëlken.’

30 Go mony ajak bën lueel, ‘Kënë acii ye lëu, Wä Abaram! Ku na jõt raan rot kœc cī thou yiic ku le tēñe ke, ka päl kãrec yekë ke looi.’

31 Go Abaram lueel, ‘Na cik wël Mothith ku wël kœc kæk Nhialic tiŋ piŋ, ka cī wët raan cī thou ku ben piŋ piŋ aya.’ ”

17

Ba raandët thöõc kërac yic (Mt 18:6-7, 21-22; Mk 9:42)

1 Nayõn akäl tök ke lueel Jethu tēñe kœcken ye buõõth, “Kæk kœc col aloi adumuõõm aa röt

dhieel looi akölaköl. Ku raan käckä col aloi röt abi kërac apei yök.

2 Ee ñuëñ tēñe ye diët cī rušk yeth aleldit tet, ku pik wiür bi mou, bi kœc thiikä cī col aloi adumuõõm.

3 Tietkë röt!

“Na loi menhkui adumuõõm, ke nyieny, ku na dhuk yepuõu ciëen kërec cī looi, ke yi pël wët piny tēñe ye.

4 Ku na looi kërac tēñe yi arak dhorou akäl tök, ku bi tēñe yi arak dhorou aya, ku thiëc yi ba wët päl piny, ke yi pël wët piny tēñe ye.”

5 Nayõn aköl dët ke lueel atuuc tēñe Bëny Jethu, “Yok aa wic gamdit, læk yo tē bi yok ye yök thin.”

6 Go Bëny bëër, “Na gamdun cœk kuur bi ciët manh ñaap, ka lëukë bæk tim diüt tui yöök ëlä, ‘Nyuën rot bei piiny agut mei, ku lõr pith rot wiür!’ Ke wëtdun aloi rot.

7 “Na thöõŋku lõn raan tök kamkun ala alony cī la pur, tēdë ke cī la biöök amël. Na le dhuk dom yic, ye læk ye, ‘Lœc bën ba bën miith?’

8 Acii bi læk ye këya! Tēdë aba lueel tēñe ye, ‘Guir mieth tēñe ya, ku tit ba kaŋ miith ku dæk, na lä ciëen ke yin abi jäl miith ku dæk.’

9 Ku alony aa cie leec tē looi kek luõiden.

10 Athõŋ kek we aya, na luõikë kē ca læk we bæk looi, ka luëlkë, ‘Yok aa loony ë path, ee luõida yen acuk looi ku acin dët.’ ”

Atuet thiäär aci kony

11 Nawën la Jethu Jeruthalem, ke tæk kam Thamaria ku Galilia.

12 Nawën yeeet gen thin tš dhël yic ke rãm kek atuet thiäär. Gokë kœõc tèmeç,

13 ku luëlkë, “Jethu Bëny, liec yo.”

14 Nawën tiŋ ke ke lueel, “Lak ku nyuõthkë röt kœc kæk Nhialic.”*

Tëwën ñoot kek dhël yic, ke tuet jiël kegup.

15 Go raan tök dhuk tēñe Jethu wën cī yen ye tiŋ ke tuet cī jäl yeguõp, ku leec Nhialic apei röldit,

16 ku cuet rot piny Jethu nhom ku leec. Ku mony këñe ë raan Thamaria.

17 Kënë aci Jethu col athiëc ku lueel, “Cie raan thiäär yen cī kony bi tuet jäl kegup? Kœc kæk kadhoŋuan aako?”

18 Yenõ yen raan wun dët yen dhuk bi Nhialic bën leec?”

19 Ku læk ye, “Jõt rot ku jäl. Gamdu aci piür.”

Bääny Nhialic (Mt 24:23-38, 37-41)

20 Nayõn akäl tök ke kœc akut Parathi thiëc Jethu, “Bi bääny Nhialic yecök jœk nen?” Go Jethu bëër ku lueel, “Bääny Nhialic acie këñe na biñ ke tiŋ kœc nyin?”

16:16 Mt 11:12-13 16:17 Mt 5:18 16:18 Mt 5:32; 1Kor 7:10-11 17:3 Mt 18:5 * 17:14 Rin bi kœc kæk Nhialic ke tiŋ lõn cī kek pial bik aa rëer ke kœc. (Leb 14:1-32)

21 Ku acin raan lëu ye bi lueel, 'Daai tən, yen akın, tēdē ke lueel, yen akan.' Rin bääny Nhalic atō wepuōth."

22 Ku lueel Jethu tēnē kocken ye buōth, "Tē bi wek ya, yen Manh Raan nhiaar diēt ya cak rēer ke we akāl tōk abō. Ku yen acii bi rēer tən.

23 Abi kōc kōk lēk we lōn cī yen dhuk yen atō tən, ke duōkkē gam, ku duōkkē ya cōk wic.

24 Rin tē dhuk Manh Raan, ka guō kē njic. Abāk tīj cimēn bir den dhie yen nhial reet yic, ku tīj lōj ku lōjē.

25 Ku yen abi kanj gum apei, ku riēec akōlē acii wētidiē bi gam.

26 Tē le Manh Raan bēn, ke kē bi rot looi abi ciēt kēwāar looi rot wāar piir Noa.

27 Ee ninkā kōc aake rēer ke mit puōth, keye mīth ku dēkkē ku loikē ruēi yet akōl le Noa riāi yic, ku bō aboor ku moukē ebēn.

28 Ku bēndiē abi thōj aya kek kēwāar looi rot wāar piir mony cōl Lot. Ee ninkā kōc aake ye mīth ku dēkkē, ku yōckē kanj ku yōckē ke wei, ku purkē ku loikē yōt.

29 Ku akōl wēn jiēl Lot Thodom, ke Nhalic cōl den atueny ē mac ku nēk kōc ebēn,

30 yen abi ciēt akōl bi Manh Raan dhuk.

31 "Tē le akōlē bēn, ke raan rēer ayeer acii ben la yōt bi la guik kē muk. Ku raan tō dom yic aci dhuk baai aya.

32 Takkē kēwāar cī rot looi tēnē tīj Lot.†

33 Raan wic ye bi wēike kony aabi muōr, ku na ye raan mār wēike ē rienkiē ka bi wēike muk akōlriēec ebēn.

34 Wakōu ē ninkā kōc karou aabi tō yōot ke nin. Raan tōk kamken abi lōc ku nyēei ku dōj raan tōk.

35 Kēlā aya, diāar karou aabi luui ē tōk luōiden baai, tēj tōk abi yāth nhial ku nyiēj tēj tōk piny.

36 Ku abi rot looi kēlā aya tēnē kōc lui dom yic. Raan dēt abi yāth nhial ku nyiēj raan dēt piny."

37 Go kocken ye buōth thiēec, "Bēny, bi ke yāth tēnen?" Go Jethu bēer, "Tē rēer guōp kē cī thou thīn, aye cor yenhom mat thīn."

18

Lēer ku bēny luōk

1 Nayōn akōl dēt ke Jethu lēk kocken ye buōth kääj bi ke piōc bik dhiel aa rōōk akōlakōl ku cik dhōr.

2 Ku lueel, "Wāthēer bēny luōk ē tō thīn gen tōk. Ku ēcie riōc Nhalic ku ē dhāl kōc gup ebēn.

3 Ku tīj lēer ē tō ē gen kēnē aya. Ku ē ye lac bēn tēnē bēny, ku lēj bi luōk yic tēnē mony luk kek.

4-5 Go bēny wētde cii kuēec nom. Nawēn le tak ke lueel, 'Na cak alon cii yen ye riōc ē Nhalic, ku cā kōc thek, ke rin ē tīj kēnē ya rāam nom ē bak, aba tīj ba dhiel luōk yic, na cā loi kēlā, ka bi ya cool ē bēn ku cut yaguōp.'

6 Ku jōl Jethu lēk ke, "Piējkē tē ye bēny kuc luk jiēm thīn.

7 Cii Nhalic lēu bi luk njic looi tēnē kocken cī lōc, kōc ye rōōk akōl ku wēer? Bi ke cōl ke mec tēnē ye?

8 Alēk we, abi luk njic looi tēnē ke. Ku na la dhuk, yen Manh Raan, ye kōc kadē ba yōk ke la gam pinyinhom?"

Kääj raan akut Parathi ku raan ajuer kut

9 Ku lueel Jethu kääj kēnē aya tēnē kōc rōt yōk ciēt kek path kepēc, ku dhālkē raan ebēn guōp.

10 "Kōc karou aake cī la luaj Nhalic bik la rōōk, raan akut Parathi nhiam apei ku raan ē kut ajuer kōc tuōōr nyin.

11 Go mony nhiam akut Parathi bēn ku kēec ku rōōk ē rot ēlā. 'Yin alēc Nhalic, yen acii thōj kek kōc kōc, kōc kāk kōc kōk tuōōr nyin, kōc ē luui kārec ē diāar kōc kōk kōōr. Yin alēc rin yen acii thōj kek raan ajuer kut kēnē.

12 Yen ē thek ba cii mīth, arak rou nīn kadhrou yic, ku yin aya juer tōk thiāar yic kākkiēn ya yōk luai yic ebēn.'

13 "Ku raan ajuer kut aci bēn ku kēec tēmec ku cii yenyin njēer nhial wēn rōōk yen, ku gut yepuōu amāāth bi nyuōth lōn ē yen kārec looi ku lueel, 'Nhalic liec ya, yen ē raan la guōp adumuōōm.'

14 Ku jōl Jethu lēk ke, "Mony kēnē, ku acie raan akut Parathi, aci dhuk baai ka adumuōōmke cī pāl piny tēnē ye. Rin raan nhiam rot yāth tuēj abi dhuōk ciēn, ku raan lir puōu rot tōōu ciēn abi yāth tuēj."

Jethu adōc mīth

(Mt 19:13-15; Mk 10:13-16)

15 Kōc kōk aake mīth bēēi tēnē Jethu bi ke bēn dōc. Go kōc Jethu buōth ke lāāt.

16 Go Jethu mīth caal yelōōm ku lueel, "Calkē mīth aa bō tēnē ya, duōkkē ke pēn. Rin raan wic ye bi la bääny Nhalic yic adhil gam cimēn ē mīth thiikā.

17 Alēk we, raan wic ye bi bääny Nhalic yōk adhil wēt Nhalic gam, cimēn ye manh koor wēt kōc ke dhiēth ye gam."

Raan ajak

(Mt 19:16-30; Mk 10:17-31)

18 Go raandit kōc Itharel Jethu thiēec, "Raan piōc path, yenō ba looi ba pir akōlriēec ebēn yōk?"

¹⁹ Go Jethu lëk ye, “Yenö ye yin ya cool raan path? Acin raan path, ee Nhialic ë rot.

²⁰ “Ku na bëer wëtdu, ke yin anjic käk ye lööŋ Nhialic lueel,

‘Duk tinj raandä kør, duk raan näk, duk cuëer, duk kuëeŋ wët lueth.

Thek wuur ku moor.’ ”

²¹ Go mony wën bëer, “Lööŋkä aaca muk nhïim ëbën tēwäär koor yen agut ëmën.”

²² Nawën pinj Jethu kënë, ke lueel tēnē ye, “Ala löŋ ŋot këc ë looi. Yaac käkku ëbën ku gam wëuu tēnē kør nŋŋ, yin abi jiek la yök pan Nhialic ku bäär buoŋh ya.”

²³ Nawën pinj mony kën ë wëlkä, ke mēen rin ë jak apei.

²⁴ Go Jethu tinj ke ci pušu dak ku lueel, “Abi yic riël tēnē kør ajiek bik la bäany Nhialic yic.

²⁵ Alëk we alanden, apuol yic bi thöröl bak with cök, tēn tē bi raan ajak la bäany Nhialic yic.”

²⁶ Go kør awën pinj ë wëlkä Jethu thiëec, “Na ye këya, yēŋa bi la pan Nhialic?”

²⁷ Go Jethu bëer, “Käk cii raan ke lēu aaye Nhialic looi.”

²⁸ Go Piter lueel, “Na yook, yök aaci käkku nyääŋ wei ku buoŋhku yi!”

²⁹ Go Jethu lëk ke, “Wek alëk yic, raan nyiëeŋ panden wei, ku tieŋde ku wämäthakën ku kør ke dhiëth ye, ayi miëthke rin bäany Nhialic,

³⁰ abi kajuëc yök ë riëec kënë yic, ku pir akölrüëc ëbën bi ðen aköldä yic.”

Jethu ajam ë Thuŋde kën yic diäk

(Mt 20:17-19; Mk 10:32-34)

³¹ Nawën ke Jethu cool kocken ye buoŋh kathiäär ku rou tēden röt ku lëk ke, “Emën yök aa la Jeruthalem, tē bi käwäär ci kør käk Nhialic tinj göt rin Manh Raan kenhïim la tieŋh thïn.

³² Abi la thön kør cie kør Itharel bik bui ku lëtkë, ku ŋuutkë nyin,

³³ ku abik that ku näkkë, ku na ye aköl ye nin diäk, ke yeen abi piir ku jot rot ranj yic.”

³⁴ Ku kør ye buoŋh aake këc käkka deet yiic. Wëtde yic aci thiaan tēnē ke, ku keek aacii kën jieem Jethu kuc.

Jethu aci cöör kony bi daai

³⁵ Nawën dötkë Jeriko, ke mony ci cöör ë rëer dhël you ke lim.

³⁶ Nawën pinj kør cath röt, ke thiëc, “Yenö loi rot?”

³⁷ Go lëk ye lön ë Jethu raan Nadharet yen atëk dhël yic.

³⁸ Go cööt, “Jethu, wën Debit liec ya.”

³⁹ Go kør ke tō tueŋ läät ku lëkkë ye bi biet. Go ŋot kiu apei, “Wën Debit kony ya.”

⁴⁰ Go Jethu kōc ku lëk kør bik mony kënë thël tēnē ye. Nawën ci yëët tēthiök, ke thiëc Jethu,

⁴¹ “Yenö wic ba looi tēnē yi?” Go bëer, “Bëny awiëc ba ben daai.”

⁴² Go Jethu lëk ye, “Daaië! Gamdu aci kony.”

⁴³ Go guo daai nyin yic, ku buoŋh Jethu ke lec Nhialic. Nawën tinj kør juëc ke tō thïn kë ci rot looi, ke lec Nhialic ëbën.

19

Jethu ku Dhäkeo

¹ Nawën ci Jethu yet Jeriko ku ber yic.

² Ke raan ajak cool Dhäkeo ë tō thïn ke ye raandit kam kør ajuër kut,

³ ku yeen ë wic bi Jethu tinj ku ë ciek apei. Go ciën tē tinj yen Jethu rin kør aake juëc.

⁴ Go rin tueŋ ku ler ŋaap nhom, ŋam hii Jethu tēek yecök.

⁵ Nawën yëët Jethu ŋam awën cök ke tinj Dhäkeo nhial, go cool ku lueel, “Dhäkeo, loc ben piny, yaköl yen abi cool paandu.”

⁶ Go Dhäkeo ben piny ku lor Jethu ke ci pušu miet apei.

⁷ Nawën tinj kør ke tō thïn ë kënë, ke la ŋoomjoom ku luelkë, “Mony kënë aci la cool pan raan rac.”

⁸ Go Dhäkeo wälken cii kuëec nhïim ku jot rot ku lëk Bänyda, “Bëny, emën thiin yen abä abëk ë wëüküë yiek kør nŋŋ, ku na ca kën raandä cam ruëeny, ka ba dhuk arak ŋuan.”

⁹ Go Jethu lëk Dhäkeo, “Yaköl, yiin ku kacku wek aaci pir akölrüëc ëbën yök, rin yiin aya yin ë manh Abaram,

¹⁰ rin Manh Raan aci ben bi kør ci määŋ wic, ku kony ke.”

Kääŋ aloony kathiäär

¹¹ Tēwën pinj kør ë wëlkä, ke Jethu thöth kääŋ rin ëci thiök ke Jeruthalem. Ku ë yekë tak lön bi bäany Nhialic rot guo la jök thïn.

¹² Ku jöl lueel, “Monytut, ke ye raan göl bëny, ëci la wun dët mec apei bi la ruök bi ya bënyŋaknhom. Ku jöl dhuk wuŋnden.

¹³ Ku wën këc yen guo jal, ke cool aluoonyke kathiäär, ku ye ŋek gam wëuu ku lëk ke, ‘Lökkë luui ë wëükä yet aköl bi yen dhuk.’

¹⁴ Ku yeen ë mēen kocken mec, gokë kør tuoc yecök bik la lueel, ‘Mony kënë acuk wic bi ya bënyŋaknhom.’

¹⁵ “Cök awën cii kacke ye wic ka ŋot ci ya bënyŋaknhom, ku dhuk ku cool aloonyken wäär ci gam wëuu, bi ben ŋic ye wëuu kadë ci raan tük ya juak wëuu wäär ci yiëk ye yiic.

¹⁶ Go alony tueŋ ben ku lueel, ‘Bëny, wëuu wäär ca gam ya, yen aci wëuu juëc tēnē ke arak thiaär yök thïn.’

¹⁷ Go bëny lëk ye, 'Aca njec looi, yin alony path, ku rin ci yin kälük njec muk apath, yin abi ya bëny gëeth kathiaär.'

¹⁸ Go alony ye kek rou bën ku lueel, 'Bëny, yen aci wëü juëc arak dhiëc yök tën wëü wäär ca gäm ya.'

¹⁹ Go bëny lëk alony kënë aya, 'Yin abi ya bëny gëeth kadhiëc.'

²⁰ "Ku ben alony dët bën ku lueel, 'Bëny, wënkun wäär aa kük. Aake ca der yiic alan-hthiin ye koc kenyin wuuny ku tääu ke.

²¹ Yen ya ci riöc yi, rin ye yin raan cie këdu puöl. Yin ë kë cie këdu lööm, ku yin ë tem rap këc ë puur.'

²² Go bëny lëk ye, 'Yin alony rac, dak rot. Wëlkun ca lueel kek aabi luök wei. Anjic lon ye yen kë cie këdië lööm, ku yen ë rap tem rap këc puur.

²³ Yenjö këc yin wëüküë gäm koc njic luui wëü rin na la dhuk aköldä ke yök ke ci keyiic juak? "

²⁴ "Ku yöök bëny koc wën kääc thün, 'Nyaaikë wëü tënë ye ku gamkë ke tënë raan la wëü juëc.'

²⁵ Gokë lëk ye, 'Bëny yeen ala wëü juëc apai.'

²⁶ Go bëny lëk ke, 'Raan la käh abi gäm käjuëc kök, ku raan cïn käh, abi këthiin tō tënë ye nyaai aya.

²⁷ Ku koc man yen kä, koc cii yen wic ba ya banyden, bëikë ke yanhom tën ku näkkë ke ya daai ë ke. "

Jethu aci la Jeruthalem ke ciëmyai

(Mt 21:1-11; Mk 11:1-11; Jn 12:12-19)

²⁸ Wën ci Jethu kakkä lueel, ke jiël bi la Jeruthalem ke wat atuöccke nhüm.

²⁹ Tëwën ci kek thök ke Bethpeec ku Bethani, tēthiaäk kek gön Olip, ke tooc koc ye buöth karou tuen

³⁰ ku lëk ke, "Lak bëëi tō tuen yiic. Të yeet wek, wek aabi manh akaja cïn raan ci kan cath ye yök ke mac. Luonykë ku bëëikë tën.

³¹ Na le raan thiëc we, yenjö lony wek ye? Ke lëkkë ye, awic Bänyda."

³² Gokë la ku yökkë manh akaja cit tēwën ci Jethu ke than thün.

³³ Tēwën lony kek manh akaja, ke lëk raan la akaja ke, "Yenjö lony wek manh akaja?"

³⁴ Gokë bëër, "Awic Bänyda."

³⁵ Gokë manh akaja yäth tënë Jethu ku kumkë ksu aläthken, ku nyuc Jethu yeksu.

³⁶ Tēwën lööny yen dhöl, ke koc juëc thieth aläthken dhël yic.

³⁷ Ku wën loor yen piny gön Olip nom, go kocken ye buöth puöth miët ëbën, ku leckë Nhialic rin käjuëcdit jäh göi cik tñj ku wëkkë apai ëlä,

³⁸ "Bi Nhialic bënyjaknom ci bën rin Bänyda döoc.

Döör pan nhial ku lëc tënë Nhialic."

³⁹ Go koc akut Parathi käk ke tō koc yiic lueel tënë Jethu, "Bëny cöl köckun yi buöth aa bit."

⁴⁰ Go Jethu bëër, "Alëk we, na cok kë biët, ka aleel ë röt, aa loi wuöu."

⁴¹ Nawën lek Jeruthalem dööt, ke dhiau wën tñj yen geu nom,

⁴² ku lueel, "Döör akölrüëc ëbën ëci we dööt koc Jeruthalem, ku wek aaci jai ë ye. Ku ëmën acäk bi ben tñj.

⁴³ Ala kööl bi koc aterdun bën ku golkë we abi ciën tēyör bakkë.

⁴⁴ Aabi we nöc ëbën agut mith rëër ke we. Ku gen Jeruthalem abi thuör piny ëbën, abi ciën alë kääc alë dët nom, rin këc wek kööl ci Nhialic bën bi we kony njic."

Jethu aci la luanj Nhialic

(Mt 21:12-17; Mk 11:15-19; Jn 2:13-22)

⁴⁵ Nawën lek yet Jeruthalem ke Jethu la luanj Nhialic. Ku cop koc käh yaac ayeer kal luanj Nhialic yic.

⁴⁶ Ku lëk ke, "Aci göt athör theer wël Nhialic yic lon ci Nhialic ye lueel ëlä, 'Luanjdië aci looi bi ya tën ye koc ëbën röök thün.' Ku yeen acäk wel bi ya luanj cuër."

⁴⁷ Ku jol a piöc luanj Nhialic akölaköl. Go koc käk Nhialic ku koc gët lööj ku kocdit baai wic bik nöc.

⁴⁸ Ku acin dhël cik lëu bik yök bi kek ye looi, rin ye koc ëbën rëër yelööm ke pinj wëlke, ku wickë bi ciën töj cik pinj.

20

Bäny Itharel aa riel Jethu yöönyic

(Mt 23:27; Mk 4:27-33)

¹ Nayoön akäl tök, tēwën piöc Jethu koc ë Wët Puöth Yam luanj Nhialic, ke bënydit käk Nhialic, ku koc gät lööj ku kocdit baai bō tënë ye.

² Ku thiëckë, "Ee yin, lëk yo ye riel nö tō yigüöp ye yin luui këlä? Ku yenja yik yi ë riel këné?"

³ Go Jethu bëër tënë ke, "Wek aba thiëc aya, lëkkë ya,

⁴ riel ye Joon koc gäm lökwëi yök tënë Nhialic aye rielde ë rot?"

⁵ Gokë kanj guëk yic kamken ë röt ku luelkë, "Na luelku ka yök tënë Nhialic, ka lueel ëlä, yenjö këc wek wätde gam?"

⁶ Ku na luelku ke rielde ë rot, ke yok aa näk, rin ci raan ëbën ye gam lon Joon ë ye raan käk Nhialic tñj."

⁷ Gokë dhuök Jethu, "Yök aa kuc tē yök yen rielde thün."

⁸ Go Jethu lëk ke, "Na ye këya, ke wek aacä lëk riel ye yen kakkä looi."

Jethu ajam ë waal bi rëëc bäny nyuöth

(Mt 21:33-46; Mk 12:1-12)

9 Ku ben Jethu jam ë waal tənë kəc ku lueel, “Monytui ëci dom looi ku cum yic tiim ë luək, ku riöp yic kəc kək. Ku keny wun dət, ku le pəi juəc nək wei.

10 Nawən le tē cī tiim luək thəşş, ke tooc aluənyde tənë kəc wäär cī rişp dom yic bīk la gām abäkke. Gokë alony dəm ku thatkë ku copkë ciëen yecin.

11 Go alony dət bən tooc, gokë bən dəm ku thatkë ku banjë apei. Ku toockë ciëen ke cīn kē cīk gām ye.

12 Go alony dət ye kek diäk bən tooc, gokë yiək tətök aya ku copkë wei.

13 Go wun dom lueel, ‘Yenö ba looi? Yen abi manhdien nhiaar tooc, tēdë ka bīk la theek.’

14 Nawən tūŋ kəc cī rişp dom yic manhde, ke luelkë, ‘Kënë ë manh raan yen la dom, ku ë yen abi kəŋ lək thən aköldä. Bäk näkku ku käckä aabi döŋ ke ɣo.’

15 Ku thelkë ayeer dom yic ku näkkë.” Ku jəl Jethu ke thiëc, “Yenö bi raan la dom looi tənë ke?”

16 “Abi bən ku nek kəc awən cī rişp dom yic, ku riöp dom yic kəc kək.” Nawən piŋkë ë wēt kënë ke luelkë, “Diēt cīi rot loi!”

17 Go Jethu ke döt apei ku thiëc ke, “Yenö ye wēt kënë cī gət kelä thær teet yic, ‘Mën wäär yen cī atëet kuc, yen aci bən a mën ril.’ ”

18 Ku lək Jethu ke, “Na deeny raan yecök mën ka duəny bi ruşth. Ku na wīk raan nhom ka nəən yic.”

*Jethu awic bi wëŋ wēt ajuër
(Mt 22:15-22; Mk 12:13-17)*

19 Go kəc piöc lööŋ ku bāny kək Nhalic wīc bīk Jethu dəm nyin yic, rin cī kek ye ŋic lən aa kek ke jīëem Jethu gup ë waal. Ku keek aaci rişc kəc awən tş thīn.

20 Gokë kəc kək rişp thook bīk röt looi ciët ke ye kəc path tənë Jethu, bīk aa la thiëc bīk deep rin na le wēt rēc lueel, ke däm kək ye yēthkë tənë bānydit mac baai.

21 Ku bīk tənë Jethu ku thiëckë ëlä, “Raan piöc, anjicku lən wēt ye lueel ku kē ye pişc ee yic. Yin acie dit raan ye kuëc nhom. Ku yin ë kəc pişc bīk kē wīc Nhalic looi dhël la cök.

22 Lək ɣo, na ye täktäku buk ajuër dhīel aa gam, ɣok kəc Itharel tənë bənyŋaknhom Cithër kua cuk bi gām ye.”

23 Ku Jethu ëci ruënyden ŋic, ku bëer,

24 “Nyušhkë ɣa wëu, ku thiëc ke, ye nhom ŋa ku ye rin ŋa käckä cī gīet ë wëeth kəu?” Gokë bëer, “Aa kək Cithër bənyŋaknhom.”

25 Go Jethu lək ke, “Na ŋieckë këya, gäm kək Cithër bənyŋaknhom këde ku gäm kək Nhalic këde.”

26 Ku acin wēt rēc cī Jethu lueel kəc nħiim lēu bi ya awuşc bi kek ye dəm. Ku wēt cī lueel ëci ke gōi ku bitkë.

*Nhalic abi kəc cī thou col aa ben pīr
(Mt 22:23-33; Mk 12:18-27)*

27 Go kəc kək akut Thaduthi. Akut cīi yeen ye gam lən bi Nhalic kəc cī thou bən col apir, bən tənë Jethu ku thiëckë ëlä,

28 “Raan piöc, Mothith aci löŋ gət ëlä tənë ɣo, ‘Na thou wämēnh ë raan ku nyiëŋ tik piny ke cīn mīth, ke wämēnh koor ala ɣöt tik bi mīth dhiëeth yōn mēnhë.’

29 Na thöŋku lən tş mīth tik thīn kadhorou, ku thiëc wən dit, ku thou ke cīn mīth.

30 Go wämēnh buoth ye la ɣöt tik, ku thou aya ke cīn mīth cī dhiëeth.

31 Ku looi rot këya tənë mēnhë ye kek diäk. Ku këya tənë ke ëbən kadhorou, aaci thou ke cīn mīth cīk nyäŋ piny.

32 Nawən ke tik thou aya.

33 Ku lek tuenŋ ku thiëckë, tē le kəc cī thou röt jət aköldä, bi ya tūŋ ŋa, rin cī yen rēer ke ke ëbən kadhorou?”

34 Go Jethu bëer, “Thiëŋ ye kəc röt thiaak ë kən pinyinhom tən.

35 Ku kəc path bi röt jət thou yic, kəc ye pan Nhalic këden, aacie thiëk ku aacie ë thiaak,

36 ku aaci bi bən thou rin aa thōŋ kek atuuc Nhalic. Ku aa mīth Nhalic rin cī kek röt jət thou yic.

37 Ku Mothith guşp ë jam lən ye kəc cī thou bən pīr, wäär gət yen tē cī Nhalic rot nyuşth ye ë bun dēp yic, ku jīem rin Bəny ëlä, ‘Ee Nhalic Abaram, ee Nhalic Ithäk ku ee Nhalic Jakop.’

38 Wētde yic ë lən ye yen Nhalic ë kəc pīr, ku acie Nhalic kəc cī thou, rin kəc ëbən aa pīr tənë ye.”

39 Go kəc piöc lööŋ ke kääc thīn jam ku luelkë, “Aa ŋieç dhuk nhom raan piöc.”

40 Ku thök jamden rin ë cīk wīc bīk bən thiëc.

*Jethu aci kəc pişc lən yen raan ë tooc
Nhalic*

(Mt 22:41-46; Mk 12:35-37)

41 Ku lueel Jethu tənë ke, “Yenö ë ye lueel lən raan cī lək ku dəc ya raan dhiēnh Debit?”

42 Rin aye Debit guşp luel athör waak yic ëlä,

‘Acī Nhalic lueel tənë Bānydië, “Nyuc ë tən kōŋdiēn cuëç,

43 ɣet tē bi ɣen kəc aterdu dhuşk ciëen yicök.”

44 “Ye këdë ye yen manh Debit, ku yeen aye Debit col, ‘Bānydië?’ ”

*Jethu alək kəc bīk röt tiit kəc gāt lööŋ
Itharel*

(Mt 23:1-36; Mk 12:38-40)

⁴⁵ Tēwēn piŋ kɔc ēbēn wētde, ke Jethu wēl yenhom kɔcken ye buoʒth ku lueel,

⁴⁶ “Tietkē rōt ku duškkē kɔc piōoc lōōŋ Itharel ye kiēēt. Kɔc cath kek alēthken dīt bār, rōt teem yōn yōoc yiic bi ke aa mušth athēk. Ayeke nhiaar bik nyuc tuenj thōc kōcdīt tēn amat, ku yōn path akōl yai.

⁴⁷ Ku keek aa kāk lēēr tušōr nyīn, ku rōōkkē apeī bik kɔc wēŋ lōn puoʒth kek. Kōckā aabi tēm awušc ril apeī.”

21

Ajuēr lēēr

(Mk 12:41-44)

¹ Kaam wēn ke Jethu cī nyuc tē ye wēūu juaar thīn luaŋ Nhialic, ku dōt kɔc wēūu cuat kēn ajuēr yic. Ke kɔc juēc ajiek aake cī wēūu aa tāūu thīn.

² Nawēn ke tiŋ lēēr aŋāāŋ bō ku cuet wēūu reen lik thīn aya.

³ Go Jethu lueel, “Wek alēk yic, lēēr kēnē aci Nhialic kēden cī juaar nhiaar tēnē kɔc kōk ēbēn.

⁴ Rin aa cik juaar wēūken juēc yiic, ku yen aŋāŋē, aci kēn bi yen pīr dhuəl thīn ēbēn.”

Luaŋ Nhialic Jeruthalem abi thušr piny

(Mt 24:1-2; Mk 13:1-2)

⁵ Tēwēn jiēl kek luaŋ Nhialic, ka atuuc kōk jam tē dhēēŋ luaŋ Nhialic thīn ku aleel peth cī ye buth, ku kadhēŋ cī gām Nhialic bi ye door. Go Jethu bēēr,

⁶ “Kākkith yakē tiŋ emēn, ala akōl bi ke thušr piny ēbēn, ka cīn alel tōŋ bi kōšc alel dēt nhom.”

Aci Jethu lēk atušōcke lōn bi ke maan

(Mt 24:3-14; Mk 13:3-13)

⁷ Go kē thiēc, “Raan piōoc, ye nen bi kēnē rot looi, ku yenō bi ye nyuʒth lōn tē bi kēnē rot looi aci thišk?”

⁸ Go Jethu lēk ke, “Tiēērke nhīim ku duškkē rōt cōl aduŋ. Rin kɔc juēc aabi bēn ē rienkiē ku ye ŋek lueel, ‘Ke yen raan cī lōc ku dōc, akōl bi yēn bēn akīn.’ Duškkē ke buoʒth.

⁹ Ku duškkē rišc akōldā tē tiŋ wek tōŋ, ku aliāap baai ke loi rōt. Kākkā abi rōt kaŋ dhiel looi tuenj, ku acie lōn cī thōk piny guo thiel.”

¹⁰ Ku ben Jethu lueel ēlā tēnē ke, “Wušt aabi kēnhīim tušōm ku thērke, ku bēēi mec bānydīt abi thōr kamken.

¹¹ Ayiēkyiēk piny dīt juēc aabi rōt looi, ku tuaany ku cōndīt apeī aabi rōt looi yōn juēc yiic. Ku kārec kōk aabi rōt looi, ku kādīt kɔc cōl arišc aabi tiŋ nhial.

¹² Ku tuenj bi kākkā rōt looi, wek aabi gum apeī, ku wek aabi yāth tēn amat ku mec we. Ku wek aabi yāth luk yic bāny nhīim ē rienkiē.

¹³ Ku ē yen tēn bi wek kɔc ēbēn lēk Wēt Puoʒth Yam thīn.

¹⁴ Ku duškkē diēer tē bi wek rōt kuony thīn,

¹⁵ rin wek aba kony ba we cōl aŋic wēl puoʒth bāk lueel, kāk cīi kɔc aterdun we bi jōšny, tēdē ke dhāl kākkun yakē lueel.

¹⁶ Wek aabi kɔc ke dhiēth we, ku wāmāthakun, ku kɔc ruāāi ke we ku māthkun gaany. Ku kɔc kōk kamkun aabi nōk.

¹⁷ Ku raan ēbēn abi we maan ē rienkiē,

¹⁸ Ku wek aabi kony na cōk a nhīēm tōŋ nhom ka cīi bi mār.

¹⁹ Deet bi wek wepušt dēet abi we cōl apīr.

Jethu ajam wēt riāŋ Jeruthalem

(Mt 24:15-21; Mk 13:14-19)

²⁰ “Akōl tiŋ wek Jeruthalem ke cī apuruuk wušt kōk gool, ke ŋieckē lōn tē bi ye rac aci bēn.

²¹ Ke kɔc rēēr Judia aa dhil riŋ gat nhīim, ku kɔc rēēr geeu Jeruthalem aa dhil jāl, ku kɔc tō bēēi yiic ayeer aaciī la geeu.

²² Rin tēnē, kek aa nīn bi kɔc tēm awušc bi kē cī gōt athōr theer wēl Nhialic yic yenhom tiēŋ.

²³ Diāār liēc ku diāār muk mīth kor aabi gum apeidīt ē nīnkā. Kɔc ē wunē, aabi gum apeī ku aabi Nhialic tēm awušc.

²⁴ Kɔc kōk aabi nōk tōŋ yic, ku kōc kōk aabi dōm ku la ke mac wušt kōk yiic. Ku Jeruthalem abi wušt kōk dōm ku reckē apeī, ku mackē yet akōl bi bāānyden thōk.

Akōl bi Manh Raan bēn

(Mt 24:29-31; Mk 13:24-27)

²⁵ “Kāk kēc kaŋ tiŋ aabi rōt looi tēnē akōl ku pēi ku kuēl. Ku kɔc wušt pinynhom ēbēn aabi pušt jiet, ku rišōckē atiaktiak dīt loi rot wēr yiic.

²⁶ Ku kɔc aabi rišōc apeī rin kāk loi rōt pinynhom. Kāk tō nhial ēbēn, akōl ku pēi ku kuēl aabi rōt yāāk.

²⁷ Ku Manh Raan abi tiŋ ke bō nhial pial yiic kek diik ku riēldīt apeī.

²⁸ Tē looi kākkā rōt, ke we deet wepušt ku rēērke ē cōk rin tē bi we lūk kārec yiic aci yēēt.”

²⁹⁻³⁰ Ku ben Jethu ke lēk kāāŋ kēnē, “Tē tiŋ wek tim cīt ŋaap ayi tiim kōk ke loi yiŋ yam, ka ŋieckē lōn cī kēr thišk.

³¹ Kēya, na tiēŋkē kākkā ke loi rōt, ke ŋieckē lōn cī bāāny Nhialic thišk.

³² Alēk we, wek aaciī bi mār tē cōk kākkā rōt looi.

³³ Nhial ku piny aabi liu, ku wētdiē aciī bi kaŋ mār.

Rēērke we cī rōt guīr

³⁴ “Guiērke rōt, ku rēērke we tīr nhīim. Duškkē akōl bi yēn bēn cōl ayōk we ke we kēc rōt guīr. Duškkē rōt cōl ayōk we pīr pīr

rac, bāk aa rēer we cī wīzet è mōu akōlakōl, ku yakē rēer we tēk kāk pīr pīnyñhom. Akōl kēnē abī la ciel wegup ke cāk ŋic,

³⁵ cīmēn lān adhie wēi adēēp. Ku kēnē abī bēn tēnē kuat raan pīr pīnyñhom ēbēn.

³⁶ Rēērēkē we tīt ku rōōkkē akōlakōl bāk la riel bī wek kē bī rot looi gōōk, bāk kōōc ŋanhom ŋen Manh Raan we cūi dīeēr.”

³⁷ Ku jāl Jethu è nīnkā nāk ke ye piōōc luāñ Nhialic, na bō thēi ke jīēl bī la nīn ḡon Olīp ñhom.

³⁸ Ku kōc aake ye guēēr luāñ Nhialic rial bīk piōōcde bēn pīñ.

22

Amat nēk Jethu

(Mt 26:1-5; Mk 14:1-2; Jn 11:45-53)

¹ Nawēn la tē bī Yan Ayum cīn yic luōu looi thiōk.

² Ke kōcđīt kāk Nhialic ku kōc piōōc lōōñ wīc dhēl path bī kek Jethu nāk, rīn rīōōc kek cīēt la aliām bī rot looi.

³ Ku raan tōk kam kōc ye buōōth kathiāār ku rou cōl Juda Ithkariōt, ēcī bēny jōñrac la yepuōu.

⁴ Go la tēnē kōcđīt kāk Nhialic ku bāny apuruuk luāñ Nhialic tiūt, bī tē bī yen ke kuony thīn, bīk Jethu dōm la guēēk yic.

⁵ Gokē puōth miēt wēn pīñ kek ye lōn bī yen ke kony, ku thōnkē lōn bī kek ye rīōp.

⁶ Go gam, ku wīc tēpeth bī yen Jethu dōm thīn ke cīn kōc ŋic ye.

Jethu acī miēth thēi cī guīir rīn yai cam

(Mt 26:17-25; Mk 12:21; Jn 13:21-30)

⁷ Akōl bī Yan Ayum cīn yic luōu looi ēcī bēn, akōl ye amēl nōk rīn yai.

⁸ Go Jethu Pīter ku Joon tooc ku lēk ke, “Lak bāk miēth yai la guīir tēnē ŋo.”

⁹ Gokē thiēēc, “Ye tēnen wīc yīn ŋo buk miēth yai la guīir thīn?”

¹⁰ Go Jethu bēēr, “Tē le wek geeu Jeruthalem, ke wek aabi rōm kek mony yēēc tōny è piū. Biaathkē pan le yen thīn.

¹¹ Ku lēkkē raan la baai, aye Raan piōōc lueel, “Ye ŋōn nēn bī ŋen miēth yai cam thīn ŋok kōckīēn ŋa buōōth?”

¹² Ku abī we nyuōth ŋōn nhial lāau yic cī guīir yic. Guīerēkē miēth è tēēn.”

¹³ Gokē la ku yōkkē kēriēēc ēbēn cīt tēwēn cī Jethu ye lēk ke thīn. Ku jōlkē miēth yai guīir.

Guīirku rōt apath buk guōp Bēny rōm

(Mt 26:26-30; Mk 14:22-26; 1Kor 11:23-25)

¹⁴ Tēwēn bī kek jāl mīth ke Jethu nyuc tēde ku nyuc atuōōcke aya,

¹⁵ ku lēk ke, “Aca wīc apeī ba miēth Yan Ayum cīn yic luōu kēnē cam kek we ku ba jāl gum.

¹⁶ Alēk we lōn acā bī bēn cam yet tē bī wēt tō yeyic yōk bāāny Nhialic yic.”

¹⁷ Ku lōōm aduñ cī thiāñ muōñ abiēc, ku leec Nhialic ku lueel, “Lōmkē kēnē ku tēkkē è kamkun.

¹⁸ Alēk we lōn ŋen acīn muōñ abiēc dēt ba bēn dek yet akōl bī bāāny Nhialic bēn.”

¹⁹ Nawēn ke lōm ayup ku leec Nhialic, ku bēny yic ku ḡēm ke ku lueel, “Kēnē è guāpdiē cī juaar rīenkun. Yakē looi kēlā bāk ŋa ya tak.”

²⁰ Nawēn miēth cōk ke ben aduñ la yic muōñ abiēc lōōm aya ku lueel, “Kēnē è dōōr yam ke Nhialic cī thany è rīemdiē bī kuēr è rīenkun.”

²¹ “Ku yen kīn, raan bā luōm arēēr tēn, ku amīth kek ŋa!

²² Ku è tēde, Manh Raan adhīl thou cīt tē cī Nhialic guīēr ye. Ku raan bā luōm abī gum apeī!”

²³ Gokē rōt thiēēc tōk, tōk, yeña kamkua lēu bī ya yen loi kēnē.

Atuuc aacī wēt tēer raan dīt kamken

²⁴ Kaam wēn aya ke kōc ye buōōth teer wēt lōn nadē, “Yeña kamken yen bī ya raan dīt apeī.”

²⁵ Go Jethu lēk ke, “Pīnyñhom tēn bāny kōc cie kōc Itharel aa la riel tēnē kōcken meckē, ku kōc mac baai aa rōt cōol, ‘Kōc māāth ke kōc baai.’

²⁶ Ku acie tēde tēnē we, rīn raandīt kamkun adhīl rot dhuōk pīny bī cīēt raan koor. Ku raan tō tuēñ adhīl rot dhuōk ciēēn bī luui tēnē kōc kōk.”

²⁷ Ku thiēēc ke, “Yeña yen dīt, ye raan ye luōōi aye raan è luui? Cie raan ye luōōi? Ku ŋen kamkun ŋen acīt raan è luui.

²⁸ “Wek aacī kōōc ke ŋa kārīl cā yōk yīic,

²⁹ ku cīt mēnē cī Wā ŋa looi ba ya bēny, wek aba yīēk è bāāny kēnē aya.

³⁰ Wek aabi mīth ku dēkkē kek ŋa bāānydiē yic, ku nyuōōckē thōc nhīim bāk luñ thān Itharel yic thiāār ku rou looi.”

Jethu acī kē bī Pīter ye jai lueel

(Mt 26:31-35; Mk 14:27-31; Jn 13:36-38)

³¹ Ku ben Jethu lueel, “Thaimon, Thaimon pīñ wētđiēnē, bēny jakrēc acī thiēc bī ḡām riel bī we them ēbēn, bī kōc path tek thook tēnē kōc rēc, cīmēn dhīe ye rap kōōm bī miēl tek thok rap yīic.

³² Ku ŋen acī rōōk rīenkū yīn Thaimon bī gamduo dhīel riel. Ku na ca jal dhuk tēnē ŋa, ke yī kony wāmāthakui kōk.”

³³ Go Pīter bēēr, “Bēny acīn kē bā ḡēl bī ŋa cīi mēc kek yī, ku thuōōu kek yī aya.”

34 Go Jethu lueel tēnē ye, “Alēk yī Pīter, nhiāk bēēk piny ke thon ajīth kēc kiu, yīn abā jai arak diāk lōn kuc yīn ya.”

35 Nawēn ke Jethu thiēc kōcken ye buōath, “Tē tooc yēn we bāk Wēt Puōth Yam la lēk kōc, ku wek aacin wēū ku jōkgō la keny ayī war, yakē yōk lōn le yen kē liu tēnē we?” Gokē bēēr, “Acīn kēdān.”

36 Go Jethu lueel, “Ēmēn, na la raan wēū ke muk ke, ku muk jōkgō aya. Ku na yīn acīn pal, ke yī yōc alēth abēk wei ku yōc.

37 Luōikē ē kēnē rin aye wēl cī gōt thēer ē riēnkīē lueel, lōn ye yēn raan tōk kam kōc kārec looi. Ku wēt kēnē abī yēnhom tiēn ēmēn.”

38 Go kōc ye buōath lueel, “Bēny, paal karou aa kīk.” Go bēēr, “Aa juēc.”

*Jethu arōōk ke njic lōn bī ye nōk
(Mt 26:36-46; Mk 14:32-42)*

39 Nawēn ke Jethu jiēl ku ruēc kōcken ye buōath, ku ler gōn Olīp nhom cīmēnden yen ye looi akōlakōl.

40 Nawēn lek yet tēden adhie, ke lēk ke, “Rōōkkē Nhialic bī we cīi them jakrēc.”

41 Ku nyiēēnke piny ku le tuēn tēthin-nyōot, ku gut yēnhīal piny ku rōōk,

42 ku lueel, “Wā, na lēu rot ke kērēc tit ya acīi bō. Ku acie wētidiē ē wētdu.”

43 Go atuny nhial rot nyuōth ye ku deet pušu,

44 rin ē dhiau apeī yepušu. Ku ben rōōk apeī abī tuc kuēr yeguōp cīmēn riēm.

45 Ku jōt rot tēwēn rōōk yen thīn ku dhuk tēnē kōc ye buōath, ku yōk ke ke nin rin cī riāāk ē pušu ke cōl agōk.

46 Go lueel tēnē ke, “Yējō niin wek? Jatke rōt ku rōōkkē bī we cīi them jakrēc.”

Jethu acī dōm

(Mt 26:47-56; Mk 14:43-50; Jn 18:3-11)

47 Jethu ē nōt jam tēwēn bīi kōc juēc ke wet Juda nhūm, raan tōk kam kōc ye buōath kathiāār ku rou. Ku ler tēnē Jethu ku muōōth ke ciim.

48 Go Jethu lueel, “Juda ca ya ciim ba Manh Raan nyuōth kōc dōm ye?”

49 Nawēn tīn kōc ye buōath ke rēēr kek ye kē bī rot looi, ke luekē, “Bēny, cuk thār? Yōk aa muk paalkua.”

50 Go raan tōk kamken palde miētē bei, ku tōk alony lui pan raandit kāk Nhialic ku teem yīnyden cuēc wei.

51 Go Jethu lueel, “Acie kēya.” Ku gōot mony awēn yīc tēwēn cī tōk pal, ku kony bī dem.

52 Ku jōl Jethu jam tēnē raandit kāk Nhialic ku bāny apuruuk lunēj Nhialic tiit, ku kōcdit baai cī bēn bik ye dōm, ku lueel, “Cāk bēn we muk paal ku atuel ciēt ya ye raan kōc rum?”

53 Yēn ē rēēr kek we lunēj Nhialic akōlakōl, ku akēckē kan them bāk ya dōm. Ku ēmēn wek aaci puōl bāk kē tō wepuōth looi. Ku tēnē jōnrac abī la riel bī kērēc wīc looi.”

Pīter ajei Jethu

(Mt 26:57-58, 69-75; Mk 14:53-54, 66-72; Jn 18:12-18, 25-27)

54 Gokē Jethu dōm ku yēthkē pan raandit kāk Nhialic. Ku Pīter ē biōth ke mec kōc cōk ciēēn.

55 Ku apuruuk aake cī many yōckē took kal yic. Go Pīter rot māt ke ku nyuuc bī yōc.

56 Nawēn tīn nyan lui pan bēny Pīter ke nyuc mac lōōm, ke dōt apeī ku lueel, “Mony kēnē ē ye rēēr kek Jethu aya.”

57 Go Pīter jai ku lueel, “Mony kēnē acā cōk njic yīn nysnēl!”

58 Ku kaam thiin awēn ke mony dēt tīn Pīter ku lueel, “Yīn ē raanden aya.” Go Pīter bēēr, “Acie yēn māthdiē.”

59 Ku kaam awēn, ben mony dēt mušk yeguōp apeī ku lueel, “Acīn diu lōn ye mony kēnē rēēr kek Jethu, rin ē raan Galilia.”

60 Go Pīter bēēr! “Māthdiē, kē ye lueel acā cak deet yic.” Ku kaam wēn nōt jīēm yen ke thon ajīth kiu.

61 Go Jethu yēnhom wel ku dōt Pīter. Go Pīter kēwāār cī Bēny Jethu lēk ye ēlā, “Tuen ke thon ajīth kēc kiu ya akōl, aba lueel arak diāk lōn kuc yīn ya.”

62 Ku ler ayeer ke cī guōp yār ku dhīēu apeī.

Jethu acī bui ku that

(Mt 26:67-68; Mk 14:65)

63 Tēn awēn ke kōc ke tit Jethu, ee yekē bui ku thatkē,

64 ku derkē nyin ku guutkē kecin ku yōōkkē, “Mēēkē! Yēna yī gut?”

65 Ku lueelkē kārec apeī yeguōp.

Jethu acī yāth lunēj bāny Itharel yic

(Mt 26:59-66; Mk 14:55-64; Jn 18:19-24)

66 Nawēn bak piny, ke kōcdit Itharel ku kōcdit kāk Nhialic, ku kōc piōōc lōōj mat kēnhūm. Ku bīi Jethu luōjnden yic.

67 Ku lēkkē ye, “Na ye Raan cī lōc ku dōc, ke lēk yo.” Go Jethu bēēr, “Na lēk we ke wek aaci wētidiē bī gam,

68 ku na thiēc we, ka cāk bī bēēr.

69 Ku ēmēn ler tuēn, Manh Raan abī nyuc lōj cuēc Nhialic Madhōl.”

70 Gokē rek yic ēbēn, “Na ye kēya, ye Wēn Nhialic?” Go Jethu bēēr, “Ee yēn, cīt tē cāk luēl ye.”

71 Gokē lueel, “Acīn dēt wīcku kōc kāk bī bēn jam kāk cī looi. Yōk aaci wēl cī lueel ē thuōjnde piņ.”

23

*Koc Itharel aaci Jethu gaany tēnē Pilato
(Mt 27:1-2, 11-14; Mk 15:1-5; Jn 18:28-38)*

¹ Go koc luk rōt jot ēbēn ku ƣēthkē Jethu Pilato nhom raan Roma.

² Ku goonykē ku luelkē, “Yok aaci mony kēnē yōk ke rec kackua n̄hiim, ke ye lēk ke bik ajuēr cīi ye tāau piny tēnē bēnyñaknhom Roma. Ku aye lueel aya lōn ye yen Raan cī lac ku đac, bēnyñaknhom.”

³ Go Pilato thiēc, “Ye yīn bēnyñaknhom koc Itharel?” Go Jethu bēēr, “Ee ya, cīt tē ca luēl ye.”

⁴ Go Pilato yenhom wēl kocđit kāk Nhialic ku thān awēn ku lueel, “Acin awuśc ca yōk ee raan kēnē gušp.”

⁵ Gokē ñot ke jam apeī ku luelkē, “Tēden yen koc pišc thīn ajok aliāap Judia yic ēbēn. Aci jōok Galilia ku yen kin cī bēn Jeruthalem ēmēn.”

Jethu aci ƣāth Antipāth Ƴērot nhom

⁶ Nawēn piñ Pilato ē wēlkā ke thiēc lōn yen raan Galilia.

⁷ Nawēn le ñic lōn ye Jethu raan wun mec Antipāth Ƴērot, ku yeen ē rēēr Jeruthalem ē nīnkā, ke cal Jethu aƣēth yenhom.

⁸ Go Antipāth Ƴērot pušu miet wēn tīj yen Jethu, rin ēcī kajuēc piñ ē rienke. Ku ēcī Ƴērot wic apeī bī Jethu tīj, ku ñsōth aya bī kāk ye Jethu ke looi tīj.

⁹ Go Jethu jal thiēc wēl juēc, go Jethu biet kecin wēt tōj dhuk nhom.

¹⁰ Go kocđit kāk Nhialic ku koc pišc löōj rōt cuot tuen, ku lueelkē wēl rec apeī Jethu gušp.

¹¹ Go Antipāth Ƴērot kek apurušškke Jethu bui ku lētkē. Ku rukkē alanh dhēj apeī cīt alanh bēny yekū, ku toockē ciēn tēnē Pilato.

¹² Ku jol Antipāth Ƴērot kek Pilato, wäär man rōt jal määth akölē.

Jethu aci tēm thou

(Mt 27:15-26; Mk 15:6-15; Jn 18:39-19:16)

¹³ Go Pilato kocđit kāk Nhialic ku kocđit baai, ku koc kōk cōl ēbēn,

¹⁴ ku lēk ke, “Wek aaci mony kēnē bēri ñanhom, ku luelkē lōn ē yen raan rec koc n̄hiim bik aliāap looi. Ku ēmēn ƣen aci wēt wic yic wenh̄iim, ku akēc yōk ke la gušp awuśc cōk alon cī wek ye gaany kajuēc apeī.

¹⁵ Na cōk a Antipāth Ƴērot ka kēc yōk ke la gušp awuśc, yen ale yen ye cōl adhuk ñanhom. Acin awuśc cī mony kēnē looi lēu bī ye nōk.

¹⁶ Aba cōl athat ku luony.”

¹⁷ Rušōn ēbēn akōl Yan Ayum cīn yic luou, Pilato ē raan tōk kam koc cī mac lony tē wic koc baai ye bī lony.

¹⁸ Go thān awēn tš thīn wuou looi, “Nāk! Ku lony Barabath tēnē ƣo.”

¹⁹ Barabath ēcī mac rin aliām cī rot looi geeu, ku rin cī yen raan nōk.

²⁰ Ē wic Pilato bī Jethu lony, ku ben jam tēnē ke.

²¹ Gokē bēn kiu apeī, “Apiēet tim cī rīiu kōu.”

²² Go Pilato bēn jam tēnē ke, kēnē yen yic diāk ku lueel, “Yenō? Ye awāc ñō cī looi? Acin awuśc ca yōk ke cī looi lēu bī ye nōk! Aba cōl athat ku cal ajīel!”

²³ Gokē ñot ke kiu apeī rōldit, lōn dhil Jethu piāt tim cī rīiu kōu. Ku kēden wēn yekē lueel aci yenhom bēn gušt.

²⁴ Go Pilato wētden gam ku tēm Jethu awuśc wēn wickē.

²⁵ Ku lony Barabath, raan wäär cī mac rin aliāap, ku rin cī yen raan nōk. Ku yic ke Jethu bik la luoi tēden wickē kepušt.

Jethu aci piāt tim cī rīiu kōu

(Mt 22:32-44; Mk 15:21-32; Jn 19:17-27)

²⁶ Gokē Jethu kuaath aƣeer. Ku wēn kuēeth kek ye, ke mony cal Thaimon raan pan Thirene bō baai, nawēn cī tim cī rīiu Jethu gōok, gokē đam ku calkē aket tim ke buōth Jethu cōk.

²⁷ Ku buōth koc juēc apeī ku diäär dhiau rienke aya.

²⁸ Go Jethu yenhom wēl ke ku lueel, “Diäär Jeruthalem, duškkē dhiau ē rienkiē, dhi-aaukē ē rienkun ku rin miēthkun.

²⁹ Rin nīn bī ye lueel ēlä aaci thišk, ‘Diäär mit gup aa diäär kēc mith kan thuēēt!’

³⁰ Ku ē yen tēn bī ye aa luēl thīn aya ēlä, ‘Añuēn buk ciēt koc cī thou, koc cī wīek n̄hiim, koc cī kē cī wīik renh̄iim kušm piny.’

³¹ Na ye kēcit kēnē rot looi ke tim tōc, ke yenō yakē tak ke bī rot looi tē le yen riēl.”*

³² Ku kuath apuruuk koc karou aya, koc la gup awuścđit tet bik ke la nōk kek Jethu.

³³ Nawēn lek tē koc Ithkal đōot, ke piēet Jethu tim cī rīiu kōu ku koc awēn karou, raan tōk lōj cuēc ku raan đēt lōj cam.†

³⁴ Go Jethu lueel, “Wā, pāl piny tēnē ke, keek aa kuc kē loikē.”

Ku cuet apuruuk gēk bik alēth Jethu tek kamken.

³⁵ Ku jol koc juēc kōšc ē tēēn ke daai ye. Ku tēn awēn ē ye kocđit Itharel bui ku luelkē, “Ee koc kōk kony, cal akony rot tē ye yen Raan cī Nhialic lōc ku đac.”

³⁶ Ku bui apuruuk aya. Ku bik tēnē ye ku gēmkkē mušn abiēc cī wac,

23:30 Ƴoth 10:8; Ny 6:16 * 23:31 Wētdē yic ee đuer a kēlä, “Na ye kē cīt kēnē rot looi tēnē raan cīn awuśc cī looi, ke ye tak yenō bī rot looi tēnē raan la gušp awuśc.” † 23:33 Tēn kēnē ee ye cōl kēlä rin thiēk yen kek gōndit la guēñ-ñeñ cīt apen nhom raan. 23:34 Wk 22:18 23:35 Wk 22:7 23:36 Wk 69:21

³⁷ ku luelkē, “Na ye bēny koc Itharel ke yī kony rot.”

³⁸ Ku piēstkē tim cī ye gšt thīn kēlā nhial tim Jethu nhom, “KĒNĒ Ē BENYNAKNHOM ITHAREL.”

³⁹ Go raan tōk kam koc awēn cī piāät kek ye lat ku lueel, “Cīi ye Raan cī Nhialic lac ku dōoc? Kony rot ku kony ʔo aya.”

⁴⁰ Go raan dēētē pušu riāäk ku nyieeny, “Cīi ye cak rišoc Nhialic agut tē thou yīn aya? ʔok aaci tēm thou cimēnde.

⁴¹ Ku awācda adhilkū ʔot rin ʔok aa col kē cuk looi, ku mony kēnē acīn kēreec cī looi.”

⁴² Ku lueel tēnē Jethu, “Tak ʔa tē ʔeet yīn Bāānydu yic.”

⁴³ Go Jethu lēk ye, “Yīn alēk yic, yakōl yīn abī rēer kek ʔa pan Nhialic.”

Jethu aci thou ayic

(Mt 27:45-56; Mk 15:33-41; Jn 19:28-30)

⁴⁴ Nawēn tēcīt akōl ciel yic ke muššth loi rot pan awēn, ku cīi akōl ruel ʔet tāān akōl.

⁴⁵ Ku tēwēn ka alanh ye gēēn bī luān Nhialic tek yic alōn thīn rēet yic rou.

⁴⁶ Ku cōt Jethu rōldīt ku lueel, “Wā, wēikiē aaca than yīcin.” Acī wēlkā lueel ku thou.

⁴⁷ Nawēn tīn bāny apuruuk kē cī rot looi, ke lec Nhialic ku lueel, “Mony kēnē ē ye raan path alanden.”

⁴⁸ Nawēn tīn koc ke cī kenhīim kut tēēn bīk daai kē cī rot looi, gokē dhuk baai ke gut kepušth.

⁴⁹ Koc ke njēc kek Jethu ēbēn, agut diāär ke buath ye wāär jiēl yen Galilia, aake daai ē kākā ēbēn.

Jethu aci thišk

(Mt 27:57-61; Mk 15:42-47; Jn 19:38-42)

⁵⁰⁻⁵¹ Mony col Jothep ē tš thīn. Ku yeen ē raan gen Arimatheo, pan Judia. Jothep ē ye raan path la cōk, ku yeen ē nōth bēn bāāny Nhialic. Ku yeen ē ye raan akut luk koc Itharel.

⁵² Nawēn le tīn lōn cī Jethu thou, ke la tēnē Pilato ku thiēec gušp Jethu.

⁵³ Ku bīi piny tim kōu ku der alath, ku tēēu ran cī wec kuur yic, ran cīn raan cī kan thišk thīn.

⁵⁴ Ee ya akōl nīn dhiēc, akōl ye koc rōt guir rin akōl cīi koc ye luui, ee bī guo bēn.

⁵⁵ Nawēn cī gušp Jethu bēēi piny tim kōu, ke diāär wāär bō kek Jethu Galilia, buōth Jothep ku tīnkē tē cī gušp Jethu tāāu thīn ran yic,

⁵⁶ ku dhukkē baai ku lek miōk nīr guir bī kek gušp Jethu bēn tōc. Nawēn akōl cīi koc ye luui, ke ke lōn cīt tē ye lōn Mothith luēl ye.

24

Jethu aci rot ʔot ran yic

(Mt 28:1-10; Mk 16:1-8; Jn 20:1-10)

¹ Nayōn nhiäk rial akōl Nhialic, ke diāär la ran nhom kek miōk nīr cīk guir.

² Ku yōkkē alēl cī ran kum nhom ke cī laar wei.

³ Nawēn lek ran yic ke cīi gušp Jethu yōk thīn.

⁴ Tēwēn kēēc kek ke cī gāi, ke rōör karou ceñ alēth yer apei cī la toptop bō, ku kēēckē kelōm.

⁵ Go diāär rišoc ku gutkē kenhīim piny. Go rōör wēn lueel tēnē ke, “Yenō ye wek raan pīr bēn wīc tēn koc cī thou?”

⁶ Acīi tš tēnē, aci rot ʔot. Takkē kēwāär cī lēk we ēlā wāär ʔoot yen Galilia,

⁷ lōn Manh Raan abī thōn koc rēc bīk piāät tim cī rīiu kōu, ku abī bēn pīr akōl ye nīn diäk.”

⁸ Go diāär wēl wāär cī Jethu lēk ke tak.

⁹⁻¹⁰ Maria Magdalena, ku Joanan, ku Maria man Jemith ku diāär kōk, kek aake cī la ran nhom. Nawēn dhukkē ke la koc Jethu buōth kathiāär ku tōk ku atuuc kōk, lēk kē cī rot looi.

¹¹ Go atuuc tak lōn ē yen wēt lueth, ku cik gam.

¹² Go Pīter rot ʔot ku rin ran nhom bī la tīn. Nawēn guñ yekōu piny ku tīn ran yic, ke tīn alēth wāär cī gušp Jethu der kepēc. Go dhuk baai ke cī gāi aya kē cī rot looi.

Jethu aci rot nyuōth kocken ye buōth karou

(Mk 16:12-13)

¹³ Ya akōl tōn awēn, ke koc Jethu buōth karou ʔot rōt bīk la pan col Emauth, ku ē mec kek Jeruthalem tē cīt kilomīter thiāär ku tōk.

¹⁴ Tēwēn cieth kek ke jam ku takkē kāk cī rōt looi,

¹⁵ ke Jethu bō ku cieth ke kuany keyōth.

¹⁶ Ku mār kēdān kepušth bīk cīi njic.

¹⁷ Go Jethu ke thiēec, “Yenō bakē lueel tēthēer awēn cieth wel?” Gokē kōsc ku dōtkē piny ke cī kenyīn wel.

¹⁸ Go raan tōk kamken col Kliōpath wētde bēer, “Adhil a yīn raan tōn rēer Jeruthalem kuc kāk cī rōt looi thīn ye nīnkā yīic.”

¹⁹ Go Jethu thiēc, “Ye kānō?” Gokē bēer, “Aa kāk cī rōt looi tēnē mony col Jethu, raan Nadharet. Kāk cī looi ku wēl cī lueel aye nyuōth lōn ye yen raan ril kāk Nhialic tīn. Ku aci Nhialic ku koc ēbēn gam lōn ril yen kēriēec ēbēn yic ye lueel ku looi.

²⁰ Acī kōckuan dīt kāk Nhialic ku koc piōōc lōōn dam ku gēm kē bāny mac baai bī tēm thou, ku piēstkē tim cī rīiu kōu.

21 Ku ë yeku n̄s̄sth l̄n ye yen raan b̄i k̄oc Itharel waar k̄ar̄ec yiic. Ku ë n̄n kadiäk em̄en t̄en looi k̄äkkä r̄öt.

22-23 Diäär k̄äk akūst̄da yic, aake c̄i rīel rañ nhom w̄en anhiäk, ku lek dhuk ke w̄et c̄i yook b̄en c̄ol aḡei l̄n liiu gūpde rañ yic. Ku l̄n c̄i kek atuuc Nhalic cie l̄k ke l̄n p̄iir Jethu t̄iñ.

24 Go k̄oc k̄ök kamkua riñ b̄ik la t̄iñ. Ku yökk̄e ayic l̄n liiu gūp Jethu rañ yic, c̄it t̄ë c̄i diäär ye lūel th̄in̄.”

25 Go Jethu l̄k ke, “Wek aa k̄oc c̄in k̄ë n̄ic̄k̄ë! Wek aacie k̄äk c̄i k̄oc k̄äk Nhalic t̄iñ l̄k we ye lac gam!”

26 K̄ec k̄oc k̄äk Nhalic lueel wäär, l̄n b̄i Raan c̄i lac ku d̄oc k̄ajūck̄ä kañ guum b̄i jal la Bäänyde yic.”

27 Ku t̄ët Jethu ke k̄äk c̄i lueel rīenke w̄el th̄eer Nhalic yiic, j̄oäk athör Mothith agut k̄äk c̄i k̄oc k̄äk Nhalic t̄iñ ḡöt.

28 Naw̄en c̄ik thīk kek pan aw̄en le kek th̄in̄, ke Jethu loi rot ke c̄it raan ber tuen̄.

29 Gok̄ë p̄een ku luelk̄ë, “R̄eer ke yo, ak̄öl aci cūl.” Go la baai ke ke.

30 T̄ew̄en c̄i kek nyuc bik m̄ith, ke Jethu l̄om ayup ku d̄oc ku b̄eny yic, ku ḡem ke.

31 Nyin yic t̄ew̄en ke n̄ic̄k̄ë ku m̄er b̄ik c̄ii ben t̄iñ.

32 Gok̄ë r̄öt thīec̄ ë r̄öt, “Yo k̄ec pūsth ayum t̄ew̄en j̄ieem yen kek yo, ku teet w̄el c̄i ḡöt th̄eer t̄en̄ë yo.”

33 Ku j̄otk̄ë r̄öt nyin yic ku dhukk̄ë Jeruthalem. Ku yökk̄ë k̄oc Jethu būōth kathiäär ku t̄ök ku k̄oc k̄ök ke c̄i kenh̄im mat, ku l̄ökk̄ë ke,

34 “B̄eny aci rot j̄ot ayic, ka c̄i rot nyūsth Piter.”

35 Ku j̄ol k̄oc w̄en b̄ö Emauth karou k̄ë c̄i rot looi dh̄el yic teet, t̄ë c̄i kek b̄eny n̄ic̄c̄ th̄in̄ w̄en b̄eny yen ayup yic.

Jethu aci rot nyūsth atūs̄cke

(Mt 28:16-20; Mk 16:14-18; Jn 20:19-20;

Luoi 1:6-8)

36 W̄en n̄ot j̄ieem kek, ke B̄eny b̄ö ku k̄ëc kamken ku lueel, “Bi d̄ȫr ar̄eer ke we.”

37 Gok̄ë p̄ek wei ku rīs̄ck̄ë eb̄en ku takk̄ë l̄n yen atīep yen yek̄ë t̄iñ.

38 Gok̄ë thīec̄, “Yen̄ö rīs̄c̄ wek? Yen̄ö ye wek diu l̄n c̄ii yen ye ya?”

39 Tīen̄k̄ë yacin! Ku tīen̄k̄ë yacök, ee yen ayic. Gatk̄ë ya, ku abäk t̄iñ rin atīep acie la adīs̄ñ ku yom cim̄en ye wek ke t̄iñ kek ya.”

40 Ku w̄en lueel yen k̄en̄ë, ke nyuth yecin ku yecök ke.

41 Ku n̄ot c̄ik gam, rin mīet d̄iit c̄i kek pūsth mīet ku ḡai d̄iit c̄i kek ḡai. Go Jethu ke thīec̄, “Le mīeth camk̄ë t̄ö th̄in̄?”

42 Gok̄ë ḡam r̄ec̄ c̄i tuak

43 ku cuet ke d̄eci kek eb̄en.

44 Ku j̄ol l̄k ke, “K̄äkk̄ä gup aa k̄äk ca l̄k we wäär n̄ot r̄eer yen ke we, l̄n b̄i k̄erīec̄ eb̄en c̄i

ḡöt L̄öñ Mothith yic, ku athör k̄oc k̄äk Nhalic t̄iñ ku dīet Nhalic yic aya ë rīenkīë, aa dhil r̄öt tīen̄ t̄eden̄.”

45 Ku kony ke bik w̄el th̄eer Nhalic deet yiic,

46 ku l̄k ke, “Ayak̄ë t̄iñ t̄ë c̄i ye ḡät th̄in̄ l̄n Raan c̄i lac ku d̄oc, ë b̄i gum ku j̄ot rot rañ yic ak̄öl ye n̄in diäk.

47 Ku aci w̄el c̄i ḡöt lueel aya l̄n dhil k̄oc pinyinhom eb̄en, j̄oäk Jeruthalem l̄k bik kepūsth w̄el Nhalic, b̄i k̄aracken p̄al piny.

48 Wek aaci k̄äkk̄ä t̄iñ ke c̄i kenh̄im tīen̄.

49 Ku wek ab̄i tūsc̄ W̄ei Nhalic wäär c̄i W̄ä lueel. R̄eer̄k̄ë geeu yet ak̄öl b̄i rīel nhal k̄en̄ë b̄en t̄en̄ë we.”

Jethu aci ȳath pan Nhalic

(Mt 16:19-20; Luoi 1:9-11)

50 Naw̄en ke Jethu j̄īel ke ke ku lek Bethani. Ku j̄ot yecin nhal ku d̄oc ke.

51 T̄ew̄en d̄oc yen ke, ke j̄īel t̄en̄ë ke ku j̄ot ë nhal.

52 Gok̄ë door ku dhukk̄ë Jeruthalem ke c̄i pūsth mīet.

53 Ku keek aake ye lac r̄eer Luan Nhalic ke lec Nhalic.

Wël Jethu cï Joon gôt Wët nom

Wël cï Joon gôt aa Jethu nyuwoth ke ye Wët theer Nhialic tã thïn ë lanayon ku emën, ku abi tã thïn ë lanayon ku emën, ku abi tã thïn atheer, “Ku Wët aci bën a raan ku ciëj kek yo.” Cimën ye athöör nom guöp ye lueel, Joon ë gät wëlkä rin bi koc kuen ye njic lon nadë ke Jethu yen Aluëëk, Wën Nhialic wäär ci lëk koc. Ku koc bi wëtde gam aabi pir. (20:31)

Jethu aye nyuwoth abañ tuen yic, lon ë yen Wët Nhialic. Ku wël kãk bö ciëën ë kënë cök, aa kãk juëc jãj gõi ci Jethu looi. Ku kãkkä aa Jethu nyuwoth aya lon ë yen Wën Nhialic, ku ë yen Aluãj wäär ci lueel. Kãkkä cök, kãk jãj gõi ci röt tēëj aaci teet yiic. Abañ athör kënë ë yo lëk tē cï koc kãk wët Jethu gam thïn ku buothkë. Ku dhäl koc kãk wälke ku cik wëtde gam.

Jãk cökdit 13 yet 17 ala yic tē cï Jethu kek kocken ye buwoth rëer thïn ë tøk wëer aköl wäär dom ye. Ku ëci jam tënë kocken ye buwoth nããkde nom tuen tē bi kek röt guier thïn, ku deet kepuoth. Cök ciëën aa yo lëk dömdöm Jethu, ku luothde ku piëët cï ye piãät tim ci riiu ksu, ku jon rotde. Ku jol a nyooth cï yen rot nyuwoth tënë kocken ye buwoth jon rotde cök ciëën. Anyiköl tijn ci koc ye yök cökdit 8 yic, jãk cök koor 1 yet 11 aci nyããj wei kãk cï gôt theer yiic. Ku akëc koc tuen kek ke war gët gët wël Jethu yiic gôt. Ku aye koc kãk gôt aya tädët.

Joon ë miëc pir akölrüëc ebën bi gam koc tē gem wët Raan ci loc ku doc, deet koc puoth. Ku ë miëc bi rot jãk emën ke bi gam koc bi Jethu gam, lon ye yen dhël ku yic ku pir.

Kãk tã thïn

Kãk cï gôt tuen 1:1-18

Joon raan koc muwoc nhüim ku koc cï Jethu kañ buwoth 1:19-51

Piöoc ë Jethu 2:1-12-50

Nin ciëën kadhorou thuande nom tuen 13:1-19-42

Jon rot ku nyooth rot Bëny 20:1-31

Kãk cï gôt ciëën nyooth rot dët Galilia 21:1-25

Wët Pir

¹ Wãtheer këc nhial ku piny cak, Wët ë tã thïn, ee rëer kek Nhialic, ku Wët ë ye Nhialic.

² Wët ë rëer kek Nhialic wäär cek kañ.

³ Käjuëc rëer nhial ku piny ebën aake cak ë ye. Ku acin kãk tã thïn këc ke cak ke yeen liu thïn.

⁴ Kuat kãk tã thïn ebën aa pir yök tënë ye.

Ku piërde aci ruel gam raan ebën.*

⁵ Piërde yen ë ruel dëp apei muwoth yic, ku akëc lëu bi kuöm nyin piny.

⁶ Nhialic ëci atuönyde tooc, raan col Joon.

⁷ Aci bën bi koc bën lëk bik ruel njic. Aci bën bi lëk ke bi raan ebën wët piñ ku gem.

⁸ Yeen ëcie yen ruel, aci bën bi koc bën lëk ruel.

⁹ Ku Wët yen ë ye ruel ayic, ruel cï bën pinyhom tënë raan ebën.

¹⁰ Wët ë tã pinyhom, ku Nhialic ë cak piny ë ye, ku akëc koc pinyhom njic.

¹¹ Yeen aci bën tënë kãk ke cï cak, ku akëc kocken cï cak lor.

¹² Ku aci koc abëk bën lor ku gamkë wëtde, goke gam riel bik aa mïth Nhialic.

¹³ Keek aacie mïth Nhialic cit tē ye koc dhiëeth thïn, cimën ye mïth la wun dhiëth ke. Ee Nhialic guöp yen ë Wunden.

¹⁴ Wët aci bën a raan ku ciëj ke yo. Ku dieëkde acuk tijn, diik Wën tön Nhialic. Ku ë yen bi yic, ku lier puöu Nhialic tënë yo.

¹⁵ Ku Joon aci tuöl ku lëk koc ë rienke ëlä, “Kënë yen ë raan wäär ye yen jam ë rienke, raan wäär ya lueel ëlä, ‘Yen abi lãk bën yacök, ku adit tënë ya. Yeen ë rëer thïn wäär ke ya këc cak dhiëeth.’”

¹⁶ Rin kãpuoth ë yen Wën Nhialic, yen aci yo doc ebën, doc tøk ë doc dët cök.

¹⁷ Wãtheer löj ëci Nhialic gam koc ë Mothith, ku emën Nhialic aci yic ku lier piãnde gam koc ë Jethu raan ci loc ku doc.

¹⁸ Acin raan cï Nhialic kañ tijn tēyon. Ee Wën tön thöj kek Nhialic, rëer Wun lööm yen aci yo col anjic Nhialic.

Athön Joon raan koc muwoc nhüim

(Mt 21:12-13; Mk 1:1-8; Lk 3:1-18)

¹⁹ Kocdit Itharel Jeruthalem aake cï koc kãk Nhialic ku koc kuat Lebï tuwoc tënë Joon, bik la thiëc ëlä, “Ye yin ña?”

²⁰ Ku Joon akëc bën jai bi wëtde dhuk nom. Aci bën bëer ë cök ku lueel ëlä, “Acie yen Raan ci loc ku doc.”

²¹ Gokë thiëc, “Aye yin ña? Ee yin Elija?” Go bëer, “Acie ya.” Gokë ben thiëc, “Ye yin raandit kãk Nhialic tijn bi bën?”† Go dhuök ke, “Ye! Acie ya.”

²² Gokë lueel, “Lëk yo, ee yin ña? Yok aa dhil wët dhuök koc ke toc yo. Ye rot yök ë yin ña?”

²³ Go Joon bëer, “Yen ë jam apeï roor tē cii cen, ‘Guierkë dhël Bëny bi la cök cimën wäär cï Ithaya raan kãk Nhialic tijn ye lueel.’”

²⁴ Röörkä aake tooc koc akut Parathi,

²⁵ ku jolkë Joon bën thiëc ëlä, “Yenö ë yin koc muwoc nhüim tē cii yin ye Raan ci loc ku

* 1:4 Wët yen aci bën aa piir 1:6 Mt 3:1; Mk 1:4; Lk 3:1-2 doc bën lueel. Tijn L.rou 18:15, 18; Mt 4 1:23 Ith 40:3

† 1:21 Raan kãk Nhialic tijn bi tuöl, bi bën Raan ci loc ku

dɔc, ku yin acie Elija ku cii ye raandit kāk Nhialic tii?”

²⁶ Go Joon dhušk ke, “Yen ẽ kɔc muɔc nhiiim piu ẽ path, ku raan arɛɛr kamkun ẽ tɛn ku acāk ɲic,

²⁷ raan yen lõk bɛn ɣacɔk ciɛɛn, ku acā lɛu ba warke dɔk.”

²⁸ Kɛn ẽ loi rot pan cɔl Bethani, wār Jordan kɔu tɛwāār ye Joon kɔc muɔc nhiiim thiiin.

Amālthiin Nhialic

²⁹ Nayon akõl dɛt ke Joon tii Jethu ke bõ tɛnɛ ye, go lueel, “Tiɛɲkɛ Amālthiin Nhialic yen bā adumuõõm kɔc pinyinhom nyaai, kan abõ.

³⁰ Yen ẽ raan ye yen jam ẽ rienke wāār ẽ yen ye lueel ɛlā, “Yen abī lõk bɛn ɣacɔk, ku adit tɛnɛ ɣa. Yeen ẽ rɛɛr thiiin wāār ke ɣa kɛc cak dhiɛɛth.”

³¹ Aacā ɲic bī ya yen ɲa, ku yen acī bɛn ku ya kɔc muɔc nhiiim piu rin bī yen ye cɔl anɲic kɔc Itharel.”

³² Ku ɛcī Joon lueel aya ɛlā, “Yen acī Wɛi Nhialic tii ke bõ kecit kuur ẽ dit, ku nyuuc yenhom.

³³ Ku ẽ ɲot kɛc ɲic, ku ɛcī Nhialic raan toc ɣa ba kɔc aa muɔc nhiiim piu, lõk ɣa ɛlā, ‘Raan bī yin Wɛi Nhialic tii ke bõ ku nyuuc yenhom yen ẽ raan bī kɔc muɔc nhiiim Wɛi Nhialic.’

³⁴ Ee yic, aca tii ku alɛu ba lueel, wenhiiim lon ẽ yen Wɛn Nhialic.”

Kɔc cī Jethu kaɲ buɔth

³⁵ Yon akõl dɛt, Joon ẽ kãac kek kɔcken ye buɔth karou tɛwāār akõl.

³⁶ Nawɛn tii Jethu ke tɛk tɛthišk ke ke, go Joon dõt apei ku lueel, “Tiɛɲkɛ, yen akan yen Amāl Nhialic.”

³⁷ Ku jɔl piɲ kɔc ye buɔth awɛn karou kɛya, gokɛ Jethu buɔth.

³⁸ Nawɛn wel Jethu yenhom, ke tii ke ke buoth ye, go ke thiɛc, “Yɛɲõ wiɛcké?” Gokɛ lueel, “Rabi, rɛɛr tɛnɛn?” (Ku wɛtde yic, “Raan Piõõc.”)

³⁹ Go lõk ke, “Bãk, bãk bɛn tii.” Gokɛ la ku tii kɛ tɛ rɛɛr yen thiiin. Ku ẽ ye tããɲ akõl, ku jɔlkɛ rɛɛr kek ye abī piny cuɔl.

⁴⁰ Raan tõk kam kɔc wɛn karou cī wɛt Joon piɲ ku buɔth Jethu, ee ye Andria wãmɛn Thaimon Piɛr.

⁴¹ Nayon nhiäk rial, ke Andria rãm ke mɛnhɛ, go lõk ye, “Yok aacī Methaya yök.” (Ku wɛtde yic Raan cī lõc ku dɔc.)

⁴² Ku yɛth Thaimon tɛnɛ Jethu. Go Jethu dõt apei ku lueel, “Yin ẽ Thaimon wɛn Joon, yin abī cɔl Kepa.” (Ku yen Piɛr wɛtde yic ee kuur.)

Jethu acī Pilipo ku Nathaniel cɔl

⁴³ Nawɛn akõl dɛt ke Jethu la Galilia, ke rãm kek Pilipo, go lõk ye, “Buoth ɣa.”

⁴⁴ Ku Pilipo ẽ raan Bethaida, ku ẽ gen yī Andria ku Piɛr aya.

⁴⁵ Go Pilipo Nathaniel yök ku lõk ye, “Yok aacī raan wāār cī Mothith gāt ẽ rienke athõr lõõɲ yic, raan yen cī kɔc kāk Nhialic tii gāt ẽ rienke aya, acuk yök. Yen ẽ Jethu wɛn Jothep raan Nadharet.”

⁴⁶ Go Nathaniel lueel, “Ye kɛpiath ɲõ lɛu bī tuɔl Nadharet?” Go Pilipo bɛɛr, “Bãr ba tii.”

⁴⁷ Nawɛn tii Jethu Nathaniel ke bõ, ke jam rin Nathaniel ku lueel, “Raan kɛnɛ ẽ raan Itharel ayic guõp, kecīn guõp ruɛɛny.”

⁴⁸ Go Nathaniel lueel, “Ca ɲic kɛdɛ?” Go Jethu bɛɛr, “Yin guõ ɲic wɛn rɛɛr yin ɲaap cõk, tɛwɛn kɛc Pilipo la bī yī la cɔl.”

⁴⁹ Go Nathaniel bɛɛr ku lueel, “Raan piõõc, yin ẽ Wɛn Nhialic, yin ẽ Bɛny Itharel.”

⁵⁰ Go Jethu bɛɛr, “Ca jãl gam rin cī yen ye lõk yī lon cī yen yī tii wɛn rɛɛr yin ɲaap cõk? Yin abī kãdit kãk wãr ẽ kãkkã tii!”

⁵¹ Ku ben mat thiiin, “Wɛt yic alɛk we, wek aabī nhial tii ke liep rot, ku atuuic Nhialic aa bãk tii ke bõ piny tɛnɛ Manh Raan ku lek nhial.”

2

Yan thiɛk pan Kana

¹ Nin kadiäk cõk ciɛɛn, ke ruãai loi gen Kana pan Galilia. Ku man Jethu ẽ tõ thiiin,

² ku Jethu ɛcī cɔl yai yic aya kek kɔcken ye buɔth.

³ Nawɛn la mõu thõk, ke lõk man ye, “Mõu acī liu tɛnɛ ke.”

⁴ Go Jethu lueel, “Tiɲɛ, yin acii kɛ luõõi dhil lõk ɣa. Akãldiɛ anõt kɛc yɛɛt.”

⁵ Go man lõk kɔc luõõi, “Luõõik kãk bī lõk we ɛbɛn.”

⁶ Ku tonydit kadãtem aake cãp kɔc lõm. Tõnykã aake ye ke piu tããu thiiin bī kɔc kecõk aa lõk, cit tɛ ye lõɲ ciɛɛɲ kɔc Itharel ye nyuõõth thiiin. Ku tõõny tõk ẽ jõt tɛ cit tɛn aduõk thiãr-rou, tɛdɛ aduõk thiãrdiãk.

⁷ Go Jethu lõk kɔc luõõi, “Thiãɲkɛ tõnykã piu.” Gokɛ tõny thiõõɲ abik thook alic.

⁸ Ku jɔl Jethu lõk ke, “Gãmkɛ ye tõnykã yiiic, ku gãmkɛ ke raan yen wun ruãai.” Gokɛ looi kɛya,

⁹ ku jɔl raandit kɔc athiɛk awɛn piu thiɛp, piu cī waar bī ya mõu. Ku akuc tɛ bii mõu thiiin, aa kɔc luõõi wɛn thiõõɲ tõny kek aa ɲic ye. Go raandit kɔc athiɛk wun nya cɔl,

¹⁰ ku lõk ye, “Raan ɛbɛn ẽ muõn path kaɲ gam tuɛɲ, ku na cī kɔc jãl kuɛth ke muõn lir ajl lõk gam. Ku yin cī muõn path waan ciɛɛn agut ɛmɛn.”

¹¹ Kɛnɛ yen ẽ kɛdit jãɲ gõi cī Jethu kaɲ looi gen Kana pan Galilia. Ku yen acī diɛtde nyuõõth, ku aacī kɔcken ye buɔth jãl gam.

12 Nawën ë kënë cök, ke Jethu la Kaper-naum kek man ku wëët wun ku kocken ye buaõth, ku rëërkë thïn ë t'ëën nïn lik.

Jethu aci la luanj Nhialic

(Mt 21:12-13; Mk 11:15-17; Lk 19:45-46)

13 Yõn ci Yan Ayum cïn yic luou jâl thiäk, ke Jethu la Jeruthalem.

14 Ku jol ler kal luanj Nhialic yic, ke yök koc ke yooç wei thïn ë yök ku amël ku jol aa kuõr. Ku koc wëüu waar yiiç aake ci nyuc thïn aya.

15 Go waat nai ë wiën, ku cop koc wei kal luanj Nhialic yic kek yäkken ku thäkken ku weer wëüu wei, ku wel agenken yiiç.

16 Ku lëk koc kuõr yaac wei, "Nyaaiikë kakkä ë t'ën, ku duökkë yõn Wä cal aye yõn yooç."

17 Go kocken ye buaõth wël ci göt athör theer wël Nhialic yic tak. Wël ye lueel ëlä, "Yin Nhialic, nhiër yõndu adëp yapuõu cimeñ mac."

18 Go koadit Itharel bën ku thiëckë, "Ye kedit jän göi yindë ba looi ba nyuõth yo, lon le yin yic ba këcit kënë looi?"

19 Go Jethu bëër ku lëk ke, "Rackë luanj Nhialic kënë, ku aba bën looi nïn kadiäk."

20 Gokë lueel, "Aci ruõõn thiärnuan ku dätëm nõk bi jâl thök, ku luel ka ba looi nïn kadiäk yiiç?"

21 Ku luanj Nhialic jieem Jethu ë guäpde.

22 Ku na wäär la jot ranj yic, ke kocken ye buaõth tak këwäär ci lueel. Ku gamkë wël theer Nhialic ci göt, ku wël ci Jethu lëk koc.

23 Tëwäär rëër yen Jeruthalem yai yic, ke koc juëç gam wëtde wën tijn kek käkken jänj göi ci looi.

24 Ku aake njic Jethu ëbën ku yen akëc rot nyuõth ke.

25 Ku acin këñ nadë ke wic raan dët bi ye nyuõth koc, rin anjic käk tã raan puõu.

3

Jethu ku Nikodemo

1 Raan akut Parathï cal Nikodemo, ku ë ye raandit koc Itharel ë tã thïn,

2 naõon akõu wëër tøk ke la tënë Jethu ku lueel, "Raan piöoç, anjicku yin ë raan piöoç ci Nhialic tooc. Rin acin raan loi käk jänj göi cimën yin, tã liu Nhialic kek ye."

3 Go Jethu bëër, "Yin alëk yic, acin raan bi bäany Nhialic tijn, tã cii ye ben dhiëëth dhiën dët."

4 Go Nikodemo lueel, "Bi raan bën dhiëëth këdë? Lëu bi dhuk man yäc bi jäl bën dhiëëth?"

5 Go Jethu bëër, "Wët yic alëk yi, raan këc bën dhiëëth ë piu ku Wëi Nhialic, aci bäany Nhialic bi yök."

6 Raan aye dhiëëth koc ë path, ku Wëi Nhialic ë pir yam ye Nhialic gam koc.

7 Duk ye gäi tã lëk yen yi, lon dhil we bën dhiëëth.

8 Wëi Nhialic acit mën dhie ye raan yom pinj ke wuu, ku cii tã bii yen thïn ku tã le yen thïn njic. Yen ë t'ën koc bi bën dhiëëth Wëi Nhialic."

9 Go Nikodemo thiëc, "Bi këñ rot lëu këdë?"

10 Go Jethu lëk ye, "Yin ë raan piöoç koc pan Itharel ku kuc këñë!"

11 Wët yic alëk yi, yok aa jam käk njicku ku luelku käk cuk tijn. Ku njot we jei bäk wëtda cii gam.

12 Na cäk wëtidië gam tã jieem yen käk pinyinhom, ke we bi wëtidië gam këdë tã jieem yen tënë we käk Nhialic?

13 Acin raan cii kanj la nhial bi käk Nhialic bëëi, ee raan bö nhial Manh Raan bö piny nhial."

14 Cimën wäär ci Mothith luanj wëëth cit këpiiny jat nhial roor bi yen koc ci këpiiny cam aa döoç, ke Manh Raan adhil yäth nhial,

15 rin bi raan gam wëtde ëbën pir akölrüëc ëbën yök.

16 Nhialic anhiar koc pinyinhom apei. Yen agem yen Wënden juõl, bi raan ëbën wëtde gam cii mär, ku pürkë akölrüëc ëbën.

17 Ku Nhialic akëc Wënde tuõoç piny bi koc bën luäk wei, ee rin bi thai pinyinhom pir ë rienke.

18 Raan gam wëtde aci bi luäk wei, ku raan ci jai bi wët cii gam aci luäk wei, rin këc yen wët Wën töõnj ë Nhialic gam.

19 Ku këñ bi ke luäk wei akin, ruel aci bën pinyinhom ku koc aa nhia muõõth t'ën ruel rin aa luui kärec.

20 Raan ëbën kärec looi ë ruel maan ku cii la yer yic, rin cii yen kärec ye looi wic bi ke njic.

21 Ku raan luui käpath ë bën yer yic bi luõide nyuõth, rin ci ke luõi Nhialic.

Joon aci bën jam rin Jethu

22 Nawën ke Jethu kek kocken ye buaõth la pan Judia, ku rëër thïn ke ke, ku muoç koc nhüim piu.

23 Ku Joon ë ye koc muoç nhüim aya tã cal Aenon thiaäk kek Thalim la yic piu juëc. Ku koc aake ye la bi ke la muoç nhüim.

24 (Ku Joon ë njot këc guo mac.)

25 Nawën ke koc Joon buaõth kök jol teer kek raan Itharel rin læk ye koc kegup lök,

26 gokë la tënë Joon ku luelkë, "Raan piöoç, lëu ba mony wäär rëër kek yi wär Jordan alontui tak, raan ye yin jam ë rienke? Yen amuoc koc nhüim emën, ku koc juëc aala tënë ye!"

27 Go Joon bëër, "Acin tã bi raan këdäj yök tã këc Nhialic ye gam ye.

²⁸ Week wepɛc acäk piŋ ke lɛk we ɛlä, ‘Yen acie Raan cǐ lɔc ku dɔc, ku yen acǐ tuššc tuen ɛ path yenhom.’

²⁹ Raan thiək yen ɛ raan bi gäm nya, ku mäthde ɛ kššc ku ɛ pušu miət tɛ piŋ yen ršldə. Yen ɛ miət piändiə aya ɛmən.

³⁰ Yen abǐ dhial dǐt apeɪ ku yen abǐ kuur.”

³¹ Raan bš nhial adit tənɛ kɔc ɛbən, ku raan piiny ɛ kən piny. Raan bš nhial atš kɔc nhüim tuen ɛbən.

³² Ee kɔc lɛk kāk cǐ tiŋ ku kāk cǐ piŋ, ku acin raan wɛtde gam.

³³ Ku raan cǐ gam, acǐ gam lɔn ye Nhialic yic lueel.

³⁴ Raan cǐ Nhialic tooc yen ɛ jam wɛl Nhialic, rin aye Nhialic gäm riel Wɛike ɛbən.

³⁵ Wun ɛ Wɛnde nhiaar ku tɛɛu kəriëc ɛbən yecin.

³⁶ Raan gam wɛt Wɛn ɛ Nhialic abǐ pǐr akölrüëc ɛbən, ku raan cǐ wɛt Wɛn Nhialic bi gam acǐ pǐr akölrüëc ɛbən bi yök, rin acin kɛ bi riäk pušu ɛ Nhialic nyaai tənɛ ye.

4

Jethu ku tiŋ pan Thamaría

¹ Nawɛn ke ŋic Jethu lɔn cǐ kɔc akut Parathi ye piŋ, lɔn nadɛ ke kɔc aa bən tənɛ ye bi ke bən muəc nhüim, ku lɔn cǐ yen la kɔc juëc ye buəth wār kɔc Joon buəth.

² (Ku acie yen ye kɔc muəc nhüim, aa kɔcken ye buəth.)

³ Nawɛn piŋ wɛt ye lueel, go jäl pan Judia ku dhuk Galilia.

⁴ Ku ɛ bi dhial yet pan Thamaría rin yen ɛ dhɛl tɛk yen thɪn.

⁵ Go yet pan Thamaría cɔl Thikar thiääk ke piny wäär cǐ Jakop gäm wɛnde Jothep.

⁶ Ku yinh cǐ Jakop cɔl awec ɛ tš thɪn. Nawɛn cǐ Jethu dak ɛ cǐth, go nyuc yith lššm. Ku ɛ ye aköl ciel yic.

⁷ Go tiŋ pan Thamaría bən yiith bi bən gem piü, go Jethu lɛk ye, “Muəc yen piü ba dek.”

⁸ (Ku kɔcken ye buəth aake cǐ la geuu bǐk la yəc miəth.)

⁹ Go tiŋ pan Thamaría lɛk ye, “Kɛdɛ wɛn? Yin ɛ raan Itharel ku thiëc ya, yen raan Thamaría ba yi muəc ɛ piü?” (Kɔc Itharel aake cie dek kek kɔc Thamaría.)

¹⁰ Go Jethu bɛɛr, “Na yi ŋic mišc Nhialic ku raan thiëc yi piü ŋuət aca thiëc, ku ŋuət acǐ muəc piü pǐr.”

¹¹ Go tik lueel, “Bɛny, yin acin kɛ gem yin piü, ku yith amec yic, ba piü pǐr yök tɛnɛn?”

¹² Ye yin dǐt tənɛ wädit Jakop raan cǐ yo gäm yinh kənɛ, ku dɛk thɪn yen ye nhom kek miəthke ku yäkke?”

¹³ Go Jethu bɛɛr, “Kuat raan dek piükä abǐ rou bən nɔk,

¹⁴ ku raan bi dek piü ba yiëk ye acǐ rou bi bən nɔk, ku piü bi yiëk ye aabi ya dhiamá

yeyic ye piü pǐr kuɛr thɪn, ku yik ye pǐr alanden.”

¹⁵ Go tik lɛk ye, “Bɛny, yiëk yen piükä bi rou ya cǐ bən nɔk, ba cǐ bən bən tɛn ba bən gem piü.”

¹⁶ Go Jethu lɛk ye, “Ləər cɔl muonydu bāk bən tɛn.”

¹⁷ Go tik lueel, “Yen acin moc.” Go Jethu bɛɛr, “Kɛdu ɛ yic, lɔn cin yin moc.

¹⁸ Yin acǐ kaŋ rɛər kek röör kadhiëc, ku mony rɛər kek yi ɛmən acie muonydu. Yin acǐ yic lueel.”

¹⁹ Go tik lueel, “Bɛny aca ŋic, yin ɛ raan kāk Nhialic tiŋ.

²⁰ Wārkuan thɛər pan Thamaría aake ye Nhialic door ɛ gɔn kənɛ nhom, ku ayäkɛ lueel wek kɔc Itharel lɔn dhil yök Nhialic la door Jeruthalem.”

²¹ Go Jethu lueel, “Gam wɛtdië, yin tiŋ tɛ bi wek Wä door acǐ thišk, ku acie gɔn kənɛ nhom ku acie Jeruthalem.

²² Wek kɔc Thamaría wek kuc raan yakɛ door, ku yök kɔc Itharel yök aa ŋic raan yeku door rin pǐr abš tənɛ Itharel.

²³ Ku aköl aɔl bən, ku acǐ guə bən ɛmən gušp, tɛ bi riel Wɛi Nhialic kɔc cɔl aa dor Wä cimɛnde, kek aa kɔc wic Wä bǐk ye door.

²⁴ Nhialic ɛ Wɛi, ku rin riel Wɛike yen alɛu ye bi door cimɛnde.”

²⁵ Go tik bən lɛk ye, “Anjic lɔn bi Raan cǐ lɔc ku dɔc bən. Na le bən ka bi yo nyuəth kəriëc ɛbən.”

²⁶ Go Jethu bɛɛr, “Yen ɛ yen, raan jam kek yi.”

²⁷ Ku kaamthiin wɛn jɛɛm kek, ke kɔcken ye buəth bš ku gäikɛ apeɪ rin jɛɛm yen kek tik. Ku acin raan tök kamken cǐ tik thiëc, “Yenš wic, ku yenš jɛɛm yen kek ye?”

²⁸ Go tik tonyden piü nyääh piny, ku ket ke dhuk geuu ku lɛk kɔc.

²⁹ “Bāk tiŋkɛ mony cǐ lɛk kəriëc ɛbən ca looi. Nadɛ ke ye Raan cǐ lɔc ku dɔc?”

³⁰ Gokɛ bən beɪ geuu bǐk la tənɛ Jethu.

³¹ Ku kaamthiin wɛn, ke lɛk kɔcken ye buəth ye, “Raan piöc, jol miəth.”

³² Go bɛɛr, “Yen ala miəth, cin kɛ ŋjɛckɛ thɪn.”

³³ Go kɔcken ye buəth röt jal aa thiëc kamken, “Tɛdɛ le raan cǐ miəth bɛɛl tənɛ ye?”

³⁴ Go Jethu lɛk ke, “Miəthdië ee lɔn ba wɛt raan toc yen looi, ku thäp luoi cǐ gäm ya.

³⁵ Cāk kääŋ ye lueel dhie ɛlä, ‘Pɛi kaŋuan aŋoot ku rap abǐ tem.’ Ku alɛk we, jatkɛ wenyin bāk dum tiŋ, yemən rap acǐ luok ku apath bi ke tem!

³⁶ Raan rap tem aye riəp ku ɛ köth pǐr tem alanden, këya raan cumcum ku raan tɛmtɛm aabi pušt miət kedhie.

³⁷ Kääŋ acǐ ya yic. ‘Raan tök ɛ com ku tɛm raan dɛt.’

³⁸ Wek tuəoc bāk rap la tem dom yic ku ē dom kēc wek luui thīn. Kōc kāk aaci luui thīn ku wek aa rōt kony luōiden.”

³⁹ Go kōc juēc Thamarīa ē gen wēn yic wēt Jethu gam, rin cī tik wēt lueel ēlā, “Kēriēc ēbēn ca looi aci lēk ya.”

⁴⁰ Nawēn bō kōc Thamarīa tēnē ye ke lānjē bī rēer ke ke. Go Jethu nīn karou nōk thīn tēēn.

⁴¹ Go kōc kāk juēc wētde jāl gam rin wēl ye lēk ke,

⁴² ku lēkkē tik, “Ēmēn, yōk aaci wēt jāl gam, ku akēcku gam rin wēlkun ca lueel, ku ē rin cī yōk wētde piŋ ku nīcku lōn ē yen Aluāŋ kōc pinynhom ēbēn alanden.”

Jethu aci manh bēny kony

⁴³ Nawēn cī nīn karou nōk thīn tēēn, ke Jethu jōl jāl ku ler lōŋ Galīlīa.

⁴⁴ Rin yen Jethu guōp ēcī lueel lōn, “Raan kāk Nhialic tīŋ acie theek wuōnden.”

⁴⁵ Nawēn yeet Galīlīa ke lor apeī, rin wāar cī kek kāk cī Jethu looi yai yic tīŋ, wāar cī kek la Yan Ayum cīn yic luōu yic Jeruthalem.

⁴⁶ Go Jethu ben dhuk gen Kana tō Galīlīa, tēwāar cī yen piū waar thīn bī ya muōn abiēc. Ku raandīt kam kōc mac baai cī manhde tuaany Kapernaum ē tō thīn.

⁴⁷ Nawēn piŋ lōn cī Jethu jāl Judīa ku ben dhuk Galīlīa, ke la tēnē ye ku lēŋ bī la Kapernaum bī manhden cī thōk ke thou kony bī pial.

⁴⁸ Go Jethu lēk ye, “Acīn raan bī ye gam kamkun tē kēc wek kīt ku kādīt jāŋ gōi tīŋ.”

⁴⁹ Go raandīt awēn bēer ku lueel, “Bēny, bāar lokku ba manhdīē dōōt.”

⁵⁰ Go Jethu lēk ye, “Lōar, manhdu abī pīr.” Go mony wēn wēt Jethu gam ku jiēl.

⁵¹ Wēn ciēth yen dhēl yic, ke rām kek kōcken luoi ku luelkē, “Manhdu aci yōr.”

⁵² Go ke thiēc akōl alōŋ jōl manhde ŋuēēn. Gokē lueel, “Wārakōl tāāŋ akōl yen ē jiēl juāi yeguōp.”

⁵³ Go wun ŋic lōn ē yen akōl alōŋ wāar cī Jethu ye lēk ye ēlā, “Manhdu abī pīr.” Ku jōl wēt Jethu gam kek kacke ēbēn.

⁵⁴ Kēnē, yen aye kādīt jāŋ gōi cī Jethu looi rou, wāar le yen dhuk Judīa ku ler Galīlīa.

5

Raan tuany ruōōn 38 aci kony

¹ Nawēn ke yan kōc Itharel ē tō thīn, go Jethu la Jeruthalem yai yic.

² Ku tēthiāāk kek tē cōl Kal Amēl Thok, pul ē tō thīn, pul cōl Bethaida thoŋ kōc Itharel.

³ Ku kōc juēc tuany aake ye tōc thīn, kōc cī cōar ku kōc cī ŋōl ku kōc cī duany. Ku keek aake ye piū tiit bīk la tiaktiak,

⁴ rin atuny Nhialic ē ye bēn pul yic, ku cōl piū ala tiaktiak, ku raan cī kaŋ la wīr tē cī piū rōt tiak, ke kony kuat tuany tō yeguōp.

⁵ Ku raan tuany ruōōn thiardiāk ku bēt ē tō thīn.

⁶ Nawēn tīŋ Jethu puōk yic ke cī tōc, ku aŋic lōn cī ye tuany run juēc, go thiēc, “Wīc ba pial?”

⁷ Go raan tuany bēer, “Bēny, acīn raandiēn tō tēn bī ya yāth wīr tē tiak piū rōt thīn, rin na thēm ba la thīn, ke raan dēt ē kaŋ wēr thīn.”

⁸ Go Jethu lēk ye, “Jōt rot ku lōm biōŋdu ku cathē.”

⁹ Go raan wēn guō pial ku kuēny biōŋde ku ciēth. Ku akōl looi kēn rot ē ye akōl cīi kōc Itharel ye luui,

¹⁰ go kōc Itharel lēk mony cī kony, “Yakōl, akōl cīi kōc ye luui, ku akēc puōl tēnē yī ba biōŋdu ket.”

¹¹ Go bēer, “Acī raan cā kony ba pial lēk ya ēlā, ‘Lōm biōŋdu ku cathē.’ ”

¹² Gokē thiēc, “Yeŋa yen raan cī lēk, ‘Lōm biōŋdu ku cathē?’ ”

¹³ Ku raan cī kony ē kuc raan kony ye, rin kōc juēc aake tō ē tēwēn ku Jethu ēcī la lieplāŋ wei.

¹⁴ Nawēn ke yōk Jethu luāŋ Nhialic, go lēk ye, “Tīŋ yīn aci pial ēmēn, pāl adumuōōm, tēdēt ke kēdēt rac apeī abī rōt ben luōi yī.”

¹⁵ Go mony wēn jāl ku le lēk bāny Itharel lōn ē Jethu yen aci ye kony bī pial.

¹⁶ Gokē jōk bīk Jethu aa jōōr rin cī yen raan kony akōl cīi kōc ye luui.

¹⁷ Go Jethu bēer tēnē ke ēlā, “Wā ē luui akōlakōl, ku yēn adhīl luui aya.”

¹⁸ Ku jam kēnē aci bāny Itharel rac puōth apeī, ku wīckē bīk nōk, ku acie rin cī yen lōŋ akōl cīi kōc ye luui thoŋ rot, ee rin cī yen ye lueel lōn ye Nhialic Wun, ku kēya aci rot looi bī thoŋ kek Nhialic.

¹⁹ Go Jethu jal bēer, “Wēt yic alēk we, acīn kē ye Wāt looi piānde ē rot, kē ye looi ē tōk, ee kē cī tīŋ kē ye Wun looi. Ku kē ye Wun looi aye Wēnde looi aya.

²⁰ Rin Wun ē Wēnde nhiaar, ku nyuth kēriēc ye looi. Ku kādīt tēnē kēwēn aabi nyuōth ye, ku wek aabi jal gāi ēbēn.

²¹ Cīmēn ye Wun kōc cī thou jat ku yīk ke pīr, ke Wēnde aya ē pīr yīēk kōc wīc ye.

²² Wun guōp acīn raan ye luōk wei. Ku aci Wēnde yīēk riel bī looi tēnē ke ēbēn.

²³ Rin bī kōc ēbēn Wēnde theek cīmēn ye kek Wun theek. Kuat raan cie Wēnde ye theek, acie Wun ye theek raan toc ye.

²⁴ “Wēt yic alēk we, raan piŋ wētđīē, ku gem wēt raan toc ya pīr akōlriēc ēbēn atō tēnē ye. Acī bī luōk wei, yēen aci jāl thou yic ku yōk pīr.

6

²⁵ Wek aa læk yic, aköl bi bën, ku aci guo bën tē bi koc ci thou röl Wën Nhialic piñ, ku koc bi ye piñ aabi pír.

²⁶ Cimēn ye pír bën bei tēnē Wun, këya, yeen aci Wēnde looi bi ya tē ye pír bën bei thín aya.

²⁷ Ku yeen aci Wēnde yiék riel bi luk looi tēnē koc, rin ye yen Manh Raan.

²⁸ Duškkē gēi ē wēt kēnē, aköl bi koc ci thou rälde piñ rēñ yiic abš,

²⁹ Ku keek aabi bën bei ränken yiic, koc ci ñiec luui apath aabi röt jot ku aabi pír, ku koc ci luui käreç aabi röt jot ku aabi lušk wei.

³⁰ “Acin kē lēu ba looi piändiē ē rot, yen ē wēt teem keçit kē ci Nhialic læk ya, këya wēt ca teem ala cök rin acie wēt piändiē yen wiēc ba looi, ee wēt wíc raan toc ya ē rot.

³¹ “Na jaam ē rienkiē ke kē luçel acie gam ciēt ye yic.

³² Ku raan dēt jam ē rienkiē atš thín, ku anjiec lön kē ye lueel rienkiē ē yic.

³³ Atuc aa cāk tuoc tēnē Joon ku yeen aci wēt yic lueel.

³⁴ Acie lön bi yen la raan jam ē rienkiē, aya lueel yen kēnē rin bi wek pír.

³⁵ Joon ē ye kēçit mermer dēp ku mer piny, ku week ē yakē wíc kaam thín-nyoçt bāk pušth miēt thín ruelde.

³⁶ Ku raan jam ē rienkiē atš thín, ku wētde aril tēnē wēt ci Joon lueel ē rienkiē luai ya ke looi, luai ci Wä yiék ya ba ke looi, keek aa jam ē rienkiē ku nyoothkē lön ci Wä ya tooc.

³⁷ Ku Wä aya, raan toc ya, yen ajam ē rienkiē aya. Wek aa kēç rälde kanj piñ ku akēčkē kanj tñj,

³⁸ Ku wēt ci lueel acäk ye muk wepušth, rin ciü wek wēt raan ci tooc ye gam.

³⁹ “Athór Nhialic ayakē kueen, rin ye wek ye tak lön bāk pír akölrüçc yök thín. Ku keek aya aa jam ē rienkiē!

⁴⁰ Ku ñot cāk wíc bāk bën tēnē ya bāk pír yök thín.

⁴¹ “Acä wíc bi koc ya leec.

⁴² Ku wek ñiec, ku anjiec lön tšou nhiēr Nhialic wepušth.

⁴³ Yen aci bën keel riel ē Wä, ku kueçkē bāk ya lor, ku na bš raan dēt kek rielde ē rot ke yen abäk lor.

⁴⁴ Anhiarkē bāk lec yök tēnē raan dēt, ku acäk ye them bāk lec yök tēnē Nhialic, ye kēdē yen bi wek ya gam?

⁴⁵ Ku emēn duškkē tak lön bi yen we luom tēnē Wä. Mothith gušp yen abi we luom, ku ē Mothith yen acäk ñššth wepušth.

⁴⁶ Na we ci Mothith gam alanden, ke wek ñot we gam ya aya, rin ci yen wël gšt ē rienkiē.

⁴⁷ Ku rin ye wek kuec gām wël ci gšt, ke lëukē kēdē bāk wël ca læk we gam?”

Jethu aci mieth koor juak bi koc juęc cam (Mt 14:13-21; Mk 6:30-44; Lk 9:10-17)

¹ Ye tēen ke Jethu tem wär Galilia çol Tiberia aya.

² Go koc juęc buoath rin ci kek kädit jāñ gš, ci yen koc tuany kony tñj.

³ Go Jethu la got nhom ku nyuuc kek kocken ye buoath.

⁴ Ku yan koc Itharel, Yan Ayum cín yic luou ēci thišk.

⁵ Nawēn ciēth Jethu piny ke tñj koc juęc ke bš tēnē ye, go Pilipo thiēçc, “Ye tēno bi yok mieth kueth koc ebēn yooç thín?”

⁶ Ací kēnē lueel ku bi Pilipo them, rin ñic yen kē bi looi.

⁷ Go Pilipo bēēr, “Rin bi raan tók ayum thín-nyoçt yök, ka wíc wēeu juęc apei bi ayušp yooç.”

⁸ Go Andria, mēnh Thaimon Píteç, ku ē ye raan tók kam kocken ye buoath lueel,

⁹ “Dhšk atš thín tēn ke muk ayušp kadhieç ku rec karou, ku aaci kockä ebēn bi lēu.”

¹⁰ Go Jethu læk ke, “Calkē koc anyuc piiny.” (Ku noon ē dit thín ē tēēn. Go koc nyuc ebēn piiny.) Ku röör kepeç aake ye tēçit tēn tiim kadhieç.

¹¹ Go Jethu ayušp löom ku leec Nhialic, ku tek ke tēnē koc wēn ci nyuc ebēn. Ku ben looi këya kek rec, bi raan ebēn kueth cit tē wíc.

¹² Wēn ci kek kueth ebēn, ke læk kocken ye buoath, “Kuanykē abēk ci döñ piny, bi ciēn kē riääk.”

¹³ Gokē ke kuany ebēn, ku thišjkē gäç thiäär ku rou abēk ayušp ci döñ piny, tēnē ayušp kadhieç wēn ci ke tēk koc bik cam.

¹⁴ Nawēn tñj koc wēn luai ril ci Jethu looi ke luelkē, “Kēnē ē raan kāk Nhialic tñj yen bi dhiel bën pinyndhom.”

¹⁵ Go Jethu jäl ñic lön bi kek bën bik ye bën dom riel, ku loikē bi ya bēnyñakndhom, go ben dhuk gat nhüm ē rot.

Jethu aci cath piü nhüm (Mt 14:22-33; Mk 6:45-52)

¹⁶ Nawēn ci piny cuol, ke kocken ye buoath la piny wär thok,

¹⁷ Ku lek riäi yic, ku dhukkē ciēn wär alonñtui lonj Kapernaum. Nawēn ke wēēr jöl yic dit ke Jethu ñot kēç bën tēnē ke.

¹⁸ Kaam wēn ke yomdit jot rot ku loi atiaktiak rot apei.

¹⁹ Ku kocken ye buoath, aake ye tēçit meel kadiäk ayi nuan wēn tñj kek Jethu ke cath piü nhüm, ke bš tēthišk kek riäi, gokē rišçc apei,

²⁰ Go Jethu læk ke, “Duškkē rišc, ee yen.”

²¹ Gokē jat riäi yic, ku go riäi guo yet wär thok tēwēn le kek thín.

Koc aa wíc Jethu

22 Nəyon nɦiək ke tıj kək ke cı döj wär aləntui, lən   yen riän t kalin yen aci döj. Ku anjick  lən k c Jethu la riäi yic kek k cken ye buə th, ku aake cı jäl   r t.

23 Go ri th k k ke b  Tiberia b n wär thok t thi k ke t w ar ciam k c ju c ayup thın, w n cı B ny l c gam.

24 Naw n tıjk  l n liu Jethu thın, ku liu k cken ye buə th aya, gok  k ec ri th yiic ku lek Kapernaum b k Jethu la w c.

Jethu ayum   p r

25 Naw n lek Jethu y k w r aləntui ke l kk  ye, "Raan pi oc, ye nen bi y n   t n?"

26 Go Jethu b er, "W t yic al k we, wek aa w c   rin cı wek ayup cam t c t t  wi ck , ku acie rin cı wek lu ki n ril deet yiic.

27 Du kk  lui rin mi th ri  k, lu  ik  rin mi th r er rin p r ak lri ec  b n. Mi th k n  ab  Manh Raan yi k we rin Wun, Nhialic aci rielde g m ye ku tooc."

28 Gok  thi ec, "Buk n  looi buk lu i w c Nhialic looi?"

29 Go Jethu b er, "Lu i w c Nhialic b k looi ak n,   l n b k w t raan cı tu oc gam."

30 Gok  luel, "Ye k n riel n  ba looi buk tıj ku buk w tuu gam? Yen  ba looi?"

31 W rkun theer aac  ayum l ny nhial cam roor, cim n cı ye g t ath r theer w l Nhialic yiic  l , 'Ayum nhial aci yi k ke b k cam.' "

32 Go Jethu luel, "W t yic al k we, k  cı Mothith yi k we acie ayum pan nhial, ee W  yen   we yi k ayum yic b  pan nhial.

33 Rin ayum ye Nhialic gam   yen raan b  piny pan nhial, ku y k th i piny pan nhial."

34 Gok  thi c, "B ny, muoc  o ayum k n  ak lak l."

35 Go Jethu l k ke, "Y n ayum   p r," Ku raan b  t n    ac  cak bi kan n k, "Ku raan gam w tdi  ac  rou bi n k.

36  m n, aca l k we l n cı wek   tıj, ku anot k ck  gam.

37 Raan  b n cı W  yi k  , yen ab  b n t n   . Ku raan bi b n t n    ac  bi cuop wei,

38 rin cı  n b n pan nhial ba w t raan toc   b n looi, ku acie w t pi ndi .

39 K  w c raan toc   ba looi ak n, bi c n k  m r kam k k cı yi k  , ku ba ke j t  b n ak l ci en.

40 Rin k  w c W  ak n, l n raan  b n tıj W nde ku g m w tde, ab  p r ak lri ec  b n y k thın, ku keek aaba j t b k p r  b n ak l ci en."

41 Go k c Itharel lu  p gu p rin cı yen ye luel  l , "Y n ayum cı b n piny pan nhial."

42 Ku luelk , "Mony  cie Jethu w n Jothep? Wun ku man aa njicku. Ku yen  ye yen ye luel l n cı yen b n piny pan nhial?"

43 Go Jethu b er, "Du kk  lum kamkun.

44 Ac n raan l u ye bi b n t n    t  k c W    toc   ye th l  n, ku aba j t bi p r ak l ci en.

45 Ac  k c k k Nhialic tıj g t  l , 'K c  b n aabi Nhialic ke pi oc.' Raan  b n pıj w t W  ku pi oc t n  ye   b n t n   .

46 Ku acie rin nad  yen raan cı W  kan tıj, raan b  t n  Nhialic, yeen   rot, yen   raan cı W  kan tıj.

47 W t yic al k we, raan gam w t ala p r alanden.

48 Y n ayum   p r.

49 W rkun theer aac  ayum l ny nhial cam roor ku aac  thou.

50 Ku ayum b  piny pan nhial, yen ac t k n na ciam raan ka cie b n thou.

51 Y n ayum   p r cı b n piny pan nhial. Raan cam ayum k n , ka p r ak lri ec  b n. Ayum yen ba yi k ye   ri ndi    gam bi k c  b n p r."

52 Go k c Itharel teer ap i kamken, ku thi ck , "L u mony k n  k d , bi ri nde yi k  o buk cuet?"

53 Go Jethu b er, "W t yic al k we, t  cı wek Manh Raan cuet ku d kk  ri mdi  ka c n p r b k y k w kun yiic.

54 Raan cuet ri ndi  ku dek ri mdi  ala p r alanden, ku ab  j t ak l ci en bi p r.

55 Rin ri ndi    mi th alanden, ku ri mdi    k dek alanden.

56 Raan cuet ri ndi  ku dek ri mdi  ab  p r yayic, ku  n ab  p r yeyic.

57 W  p r ac  tooc, ku   rin rienke yen ab   n aya, ku k ya raan cuet  n ab  p r   rienki .

58 Ku yen k n ayum b  piny pan nhial, ac  th j kek ayum cı w rkun theer cam ku l kk  thou. Raan cam ayum k n  ab  p r ak lri ec  b n."

59 W lk  ac  Jethu luel w ar pi oc yen k c t n amat Kapernaum.

W l p r ak lri ec

60 Naw n pıj k c ju c ye buə th w lk , ke luelk , "Pi oc k n  aril ap i. Yenja l u bi ke pıj?"

61 Go Jethu njic l n jic m kek w l w n, ku l k ke, "Wi ck  b k j l rin   w lk ?"

62 Yen  b k looi t  tıj wek Manh Raan ke dhuk nhial t w n r er yen thın?

63 Ee W i Nhialic yen   p r gam, ku riel raan ac n k  ye kony. W l ca l k we aa w i ku aa p r.

64 Ku k ya ac  k c k k kamkun ye gam." (Rin  c  Jethu gu  njic tuen l n ye yıjja c i bi gam, ku yenja bi ye gaany.)

65 Ku ben luel, "Ee rin w t k n  gu p yen al k  n ye we, l n ac n raan l u ye bi b n t n   , t  k c W  ye looi bi yic pial t n  ye."

66 Ku rin   w lk , ke k c ju c kam k c ye buə th dhuk ci en, ku cik ben cath kek ye.

⁶⁷ Go Jethu atušöcke thiäär ku rou thiëc, “Na week, wišckë bāk jāl aya?”

⁶⁸ Go Thaimon Piter bēer tēnē ye, “Bēny, buk la tēnē ŋa? Yin ala wēl pīr alanden.

⁶⁹ Ku emēn acuk gam ku acuk ŋic lōn ē yīn raan dhēj bō tēnē Nhalic.”

⁷⁰ Go Jethu bēer, “Cie ŋen ya kuany we wathiäär ku rou? Ku raan tōk kamkun aŋot ye jōŋrac.”

⁷¹ Yeen ē jam rin Judath, wēn Thaimon Ithkariōt. Rin Judath, na cōk alōn ē yen raan tōk kam atušöcke kathiäär ku rou, ka wīc bī ye luōm.

7

Jethu ku wāmāthakēn

¹ Wēn ē wēlkā cōk ciēen, ke Jethu kueny bēēi Galilia yiic, ku ē kēc wīc bī la keny Judia, rin wīc bāny Itharel tō Judia ye bīk nōk.

² Ku yan kōc Itharel cōl Yan Duēl ēcī thišk.

³ Go wāmāthakēn lēk ye, “Jāl ē tēn ku lōr Judia bī kōckun yī buōoth luōidun ye looi tīj.

⁴ Acīn raan kē looi thiaan tē wīc yen ye bī ŋic apath. Rin ye yīn kākāā looi, ke yī cōl kōc pinynhom aa ŋic yī.”

⁵ Agut wāmāthakēn aakēc wētde gam, yen aa lueel kek ye kēya.

⁶ Go Jethu lēk ke, “Akāldiē gušp aŋot kēc yēēt. Ku na ye we, ke kuat akōl ēbēn apath.

⁷ Acīn tē bī kōc pinynhom we maan, ku keek aa man ya rin aya lueel, lōn rēec luōiken.

⁸ Lak yai yic, ku ŋen acīi la ē yan kēnē yic, rin akōldiēn bī yen la akēc guō bēn.”

⁹ Yeen acī jam kēya ku jōl rēer pan Galilia.

Jethu ala Yan Duēl yic

¹⁰ Nawēn cī wāmāthakēn la yai yic, ke Jethu lōk la aya, ku akēc la ke ŋic, yeen acī la ke mony rot.

¹¹ Ku bāny Itharel aake wīc Jethu yai yic, ku thiēckē, “Tō monyē tēnen?”

¹² Ku aluō ē dīt apeī ē rienke. Aye kōc kōk lueel, “Yeen ē raan path.” Ku lueel kōc kōk, “Acie kēya, yeen ē raan kōc dušōj.”

¹³ Ku acīn raan ye jam ē rienke kōc nūim, rin rišōc kek bāny Itharel.

¹⁴ Wēn cī nīn abēk yai thōk, ke Jethu la kal luōj Nhalic yic ku jōl kōc pišōc.

¹⁵ Go bāny Itharel gāi apeī ku luelkē, “Ye raan kēnē kāj ŋic kēdē ku akēc kaŋ pišōc.”

¹⁶ Go Jethu bēer, “Wēl ya pišōc acie wēlkīē aa wēl bō bei tēnē Nhalic, Acieŋ cī ya tooc.

¹⁷ Raan wīc ye bī kē wīc Nhalic looi, abi ŋic lōn nadē kē ya pišōc abō tēnē Nhalic, ku acie rieldiē ē rot.

¹⁸ Raan jam rielde ē rot ē lēc yen aye wīc, ku raan wīc lēc tēnē raan toc ye, yen ē raan path, ku acīn ruēēny tō yepušu.

¹⁹ Kēc Mothith lōj Nhalic nyušt we? Ku acīn raan lōj theek kamkun. Yenō ye wek ye wīc bāk ya nōk?”

²⁰ Go kōc juēc wēn bēer, “Yīn ala gušp jōŋrac, yena wīc ye bī yī nōk?”

²¹ Go Jethu bēer, “Kēdit jāj gōi tōk aca looi guōkē gāi wedhie.

²² Mothith acī we thōn bāk miēthkun aa ŋoot, ku acie Mothith gušp yen cī wēt kēnē jōok, aa wārkun thēer, ku kēya wek a dhōk ŋoot akōl cīi kōc ye luui.

²³ Ku emēn na ŋot dhōk akōl cīi kōc ye luui rin bī lōj Mothith cīi dhāl yic, yenō ye wek pušt riāāk tēnē ya, rin cī ŋen raan tōk kony bī pial akōl cīi kōc ye luui?

²⁴ Duškkē raan ye guō tēm awušc wēt kōu ayeer, yakē raan tēm awušc wēt ē yic.”

Ye Jethu raan cī lōc ku dōc?

²⁵ Go kōc kōk Jeruthalem lueel ēlā, “Cie raan kēnē yen wīckē bīk nōk.

²⁶ Tiēŋkē! Yen kīn jam kōc nūim, ku acīn kē luelkē ē rienke. Tēdē, cīi bāny ŋic lōn ē yen Raan cī lōc ku dōc?

²⁷ Na la Raan cī lōc ku dōc bēn, ka cīn raan bī ye ŋic tē bī yen thīn, ku aŋicku ēbēn yen tē bīi mony kēnē thīn.”

²⁸ Nawēn pišōc Jethu luōj Nhalic ke lueel rōldīt, “Ee tēdē, wek aa ŋic ya ku aŋieckē yen tē bī yen thīn. Ku ŋen akēc bēn wētdiē ē rot, ku yeen raan toc ya ala yic ku yeen akušckē,

²⁹ Ku yeen aŋiec rin bī ŋen tēnē ye, ku yen acā tooc.”

³⁰ Gokē wīc bīk dām, ku acīn raan cī yecin tāau yegušp rin kēc akāalde guō bēn.

³¹ Go kōc juēc thān wēn yic wētde gam ku luelkē, “Tē bī Raan cī lōc ku dōc bī kādīt jāj gōi looi cimēn ē raan kēnē?”

Apuruuk aaci tooc bīk Jethu la dām

³² Nawēn piŋ kōc akut Parathi lōn ye kōc juēc wēn wēlkā loop kamken rin Jethu, ke keek ku bāny kāk Nhalic toc apuruuk luōj Nhalic tiit bīk Jethu la dām.

³³ Go Jethu lueel, “Yēn abi rēer kamkun tēthīn-nyōot, ku ŋen abi la tēnē raan yen cā tooc.

³⁴ Wek abā wīc, ku wek aaciī ya bī yōk, rin acīn tē bī wek la tē rēer ŋen thīn.”

³⁵ Go bāny Itharel lueel kamken, “Bī la dā buk cīi ben yōk? Cī bī la geēth Girik yiic tē ciēj kōc Itharel thīn, ku bī kōc Girik pišōc?”

³⁶ Aye lueel, wek abā wīc ku wek aaciī ŋen bī yōk, ku wek aaciī bī la tē rēer ŋen thīn, yenō wīc bī lueel?”

Kuēer piū ē pīr

³⁷ Akōl ciēen yen akōl dīt nīn yai. Akōlē, Jethu acī rot jōt ku lueel rōldīt, “Kuat raan nēk rou abi bēn tēnē ya ku bī dek.

³⁸ Címēn cī ye gōt athōr thēer wēl Nhialic yic ēlā, "Raan gam wētdiē, kuēēr piū ē pīr abī rēēr yepušu."

³⁹ Kēnē aci Jethu lueel rin Wēi Nhialic, bī kōc gam wētdē lāk yōk. Ku tēnē, Wēi Nhialic a kēc guō gam tēnē kōc, rin kēc Jethu guō la diēekde yic.

Kōc aaci keyiic tek

⁴⁰ Kōc kōk kam kōc wēn aaci kēnē piŋ ku luelkē, "Raan kēnē ē raan kāk Nhialic tiŋ alanden!"

⁴¹ Go kōc kōk lueel, "Yen ē Raan cī lōc ku dōc!" Ku lueel kōc kōk, "Raan cī lōc ku dōc aaci bī bēn pan Galilia!"

⁴² Aci gōt athōr thēer wēl Nhialic yic lōn Raan cī lōc ku dōc abi ya raan dhiēnh Debit, ku abī dhiēēth Bethalem, gen wāār ciēŋ Debit thiŋ."

⁴³ Go kōc wēn keyiic tek ē rienke.

⁴⁴ Ku wickē bīk dōm, ku aciŋ raan cī yecin tāū yeguōp.

⁴⁵ Nawēn dhuk apuruuk ciēēn tēnē bāny kāk Nhialic ku kōc akut Parathī, gokē ke thiēēc, "Yenō kēc wek ye bēēi?"

⁴⁶ Go apuruuk bēēr, "Acīŋ raan cī kaŋ jam cīmēn ē mony kēnē!"

⁴⁷ Go kōc akut Parathī ke thiēēc, "Cī we duōōŋ aya?"

⁴⁸ Le raan tōk kam bāny, ayī kam kōc akut Parathī cī wētdē gam cāk kaŋ piŋ?"

⁴⁹ Kōckā aa kuc lōŋ Mothith, ku aa kōc cī Nhialic lām kērac."

⁵⁰ Go raan tōk kam kōc akut Parathī, raan cī kaŋ la bī Jethu la tiŋ, col Nikodemo lēk ke,

⁵¹ "Na ye lōŋ ciēēŋ panda, ka cīn tē bī yōk raan luōk wei ke kēcku kaŋ piŋ thok tuēŋ, ku ŋicku kē cī looi."

⁵² Gokē bēēr, "Yīn aya, ye raan Galilia? Kuen athōr thēer wēl Nhialic, ku aba ŋic lōn aciŋ raan kāk Nhialic bēn Galilia."

[

⁵³ Nawēn cī raan ēbēn dhuk paande,

8

Tiŋ cī kāl piny ke kōr

¹ ke Jethu la gōn Olip nhom.

² Naŋon nhiāk dur yic ke dhuk luāŋ Nhialic. Go kōc ēbēn guēēr yelōōm, ku nyuuc piiny ku jōk piōōc cōk tēnē ke.

³ Go kōc piōōc lōōŋ ku kōc akut Parathī tik bēēi, ku ē tiŋ cī kāl piny ke kōr. Ku colkē akāāc kōc nhūm ēbēn,

⁴ ku luelkē tēnē Jethu, "Raan piōōc, tiŋ kēnē aci kāl piny ke kōr.

⁵ Mothith aci lōŋ lēk yo athōr yic lōn kuat tiŋ loi kēcīt kēnē, adhil biōōk aleel bī thou. Na yīn ēmēn, ye lueel kēdē?"

⁶ Keek aake jam kēlā bīk Jethu deep bīk wēt yōk bīk la luōm. Go Jethu guŋ ku gēt piny yecin.

⁷ Nawēn ŋot ke kāāc ku yekē thiēēc, ke jōt yekōu ku lēk ke, "Na le raan kamkun cīn adumuōōm cīi kaŋ looi, ke biōk alel tuēŋ yeguōp."

⁸ Ku ben guŋ ku gēt piny yecin.

⁹ Nawēn cīk wēt kēnē piŋ, ke jiēl ēbēn ke wath rōt, ku kōŋ kōcdīt jāl tuēŋ, agut tē dōŋ Jethu ē rot, ku tiŋ wēn ke ŋot kāāc yenhom.

¹⁰ Go yekōu jōt ku lēk ye, "Tōkē tēno? Cīn raan cīi dōŋ bī yī luōk wei?"

¹¹ Go bēēr, "Acīŋ raan Bēny." Go Jethu lueel, "Apath, ke yīn acā bī luōk wei aya. Lōr ku duk adumuōōm ben looi.]"*

Jethu ee mermer pinyŋhom

¹² Go Jethu ben jam tēnē kōc ku lueel, "Yēn ē ruel pinyŋhom, kuat raan buōth ya abī ruel pīr yōk, ku aciī bī kaŋ cath muōōth yic."

¹³ Go kōc akut Parathī lēk ye, "Ēmēn, yīn ajam ē rienku, ku wēt ca lueel aciŋ kē ye nyuōōth."

¹⁴ Go Jethu bēēr, "Acie kēya, na cōk alōn jiēem yēn ē rienkiē, ke wēt luēel ē yic, rin yēn aŋic tē bīi yēn thiŋ. Ku wek aa kuc tē bīi yēn thiŋ ayī tē ler yēn thiŋ.

¹⁵ Wek aa wēt teem cīmēn wēt raan, ku yēn aciŋ raan ya gām awuōc.

¹⁶ Ku tē bī yēn wēt teem, ke wēt ba teem abī jal a yic, rin acie yēn tem wēt, Wā ē toc yēn arēēr ke ya.

¹⁷ Wēt aci gōt lōŋdun yic lōn tē lueel kōc karou wēt tōk luk yic, ke wētden ē ya yic.

¹⁸ Yēn ajam ē rienkiē, ku Wā cā tooc ajam ē rienkiē aya."

¹⁹ Gokē thiēēc, "Tō Wuur tēno?" Go Jethu bēēr, "Wek aaciī ya ŋic, ku wek aaciī Wā ŋic. Na we ŋic ya, ŋuōt wek aa ŋic Wā aya."

²⁰ Wēlkā ēbēn aaci Jethu lueel wāār piōōc yēn luāŋ Nhialic, yōn cī kākken ajuēr tōu thiŋ. Ku aciŋ raan cie dōm rin kēc akāde guō bēn.

Wek aaciī la tēdiēn ler yēn thiŋ

²¹ Go Jethu ben lēk ke, "Yēn abī jāl ku wek abā wīc, ku wek aabi thou awāckun yīic. Tē le yēn thiŋ, acie yēn tē bī wek la thiŋ."

²² Tēwēn, ke lueel bāny Itharel, "Aye lueel lōn cīi yōk bī la tē le yēn thiŋ. Ye ciēt bī rot nōk?"

²³ Go Jethu bēēr, "Wek aa kōc piny tēn, ku yēn ee raan bō nhial. Wek aa kōc piny kēnē nhom, ku yēn acie raan pinyŋhom tēn.

²⁴ Ee rin kēnē yēn aci yēn ye lueel lōn bī wek thou adumuōōmkun yīic. Ku wek aabi thou adumuōōmkun yīic tē kēc wek ye gam, lōn ē Yēn tō thiŋ, yēn ē Yēn."

7:42 2Tha 7:12; Mai 5:2 7:50 Jn 3:1-2 8:5 Leb 20:10; L.rou 22:22-24 * 8:11 Athōr thēer juēc aacie (7:53-8:11) ye mat thiŋ. Ku athōr kōk ee bēn Jn 21:24 cōk, ku kōk ē Lk 21:38. Ku athōr tōk ee lāk bēn Jn 7:36 cōk. 8:12 Mt 5:14; Jn 9:5

8:13 Jn 5:31 † 8:25 Yenō ben yēn jam tēnē we.

25 Gokë thiëec, “Ye yin ña?” Go Jethu bëër, “Wët aca lëk we tēwën jook yen wët cök.†

26 Yen ala wël juëc ba ke lueel ë rienkun, ku wël juëc bi yen ke we luök wei. Ku raan cá tooc guöp ala yic, ku yen ë koc lëk kuat kë cá piñ tēnë ye.”

27 Gokë këc deet lön jiem Jethu wët Wun.

28 Go Jethu ben lueel tēnë ke, “Aköl bi wek Manh Raan jat nhial, ka bák jál ñic lön, ‘Yen tó thin Yen ë Yen.’ Ku abák deet yic aya lön acin kē ya looi ruotdië, ku aa ya ke lueel wël ci Wä piöcc tēnë ya.

29 Ku raan cá tooc arëër ke ya, ku akëc ya nyään piñ yatök, rin ye yen wët nhieer looi akölaköl.”

30 Go koc juëc ci Jethu piñ ke jam ë wëlká wëtde jál gam.

Koc láäu nhüm ku koc aloony

31 Go Jethu lëk koc Itharel ci wëtde gam, “Na piëñkë wël cá piöcc, ke wek aa koc kiën buoth ya ayic,

32 ku wek aabi yic ñic, ku yic abi we wëër bei.”

33 Gokë bëër, “Yok aa koc dhiën Abaram, ku acin koc kók cii yo kan loony. Ku na luel, ‘Wek aabi wëër bei,’ ke yenö wic ba lueel?”

34 Go Jethu lëk ke, “Yic alëk we, raan ëbën cá adumušm looi yen alony adumušm.

35 Alony acie raan mac thok alanden, ku Wät yen ee raan thin lanayon.

36 Na ci Wät we wëër bei, ke wek aabi rëer ke cin loony alanden.

37 “Anjiec lön ye wek dhiën Abaram. Ku anot wiëckë bák ya nök, rin piöccdië acá ye gam.

38 Kë ci Wä nyuath ya yen aya lueel, ku wek aa loi kē ci wärkun lëk we.”

39 Gokë bëër tēnë ye, “Abaram yen ë wäda.” Go Jethu wët dhuk nhom ku lueel, “Na we mith Abaram alanden, ñuöt wek aa loi kēcit kē ci Abaram looi.

40 Këriëc ëbën cá looi ë rin ba we lëk yiny cá piñ tēnë Wä, ku anot wiëckë bák ya nök. Abaram acin kē ci looi cit kēnë!

41 Wek aa loi kē ci wärkun looi.” Gokë lueel, “Nhialic yetök yen ë Wäda, ku yok aa miëthke guöp.”

42 Go Jethu bëër tēnë ke, “Të ye Nhialic wuurdun guöp, ñuöt wek nhiar ya, rin ci yen bën tēnë Nhialic, ku emën yen atö tēn. Yen akëc bën wët dië ë rot, ee yen acá tooc.

43 Yenö cii wek kē ya lueel ye deet yic? Ee rin cii wek ye lëu bák wët dië piñ.

44 Ee jöñrac yen ë wuurdun, ku ayakë nhi-aar bi ya kēn wuurdun yen yakë looi. Yen ë raan ë tir tēthëer yon, ku akëc yic kan lueel rin ye yen alueeth, ku ye wun lueth ëbën.

45 Yen aluel yic, ku rin ë kēnë yen akëc wek ya gam.

46 Yenja kamkun lëu ye bi awuoc nyooth yaguöp rin adumušm cá looi? Na lueel yic, ke ye rin ñö cii wek ya ye gam?

47 Raan bö tēnë Nhialic ë wët Nhialic piñ, wek aacii bö tēnë Nhialic, ku yen ë kē cii wek wët bi piñ.”

Jethu ku Abaram

48 Go koc Itharel bëër tēnë Jethu, “Këcku wët yic lueel wën lön ë yin raan pan Thamaria, ku jöñrac atö yiguöp?”

49 Go Jethu bëër, “Acin jöñrac tó yaguöp, yen ë Wä theek ku wek aa ya dhäl guöp,

50 Yen acii lëc dië wic. Raan wic ye atö thin, ku ë wët teem bá kony.

51 Wët yic alëk we, raan piñ wët dië acii bi thou akölrüëc ëbën.”

52 Go koc Itharel lëk yen. “Emën, anjicku alanden lön tó jöñrac yiguöp. Abaram aci thou, ku koc kák Nhialic tiñ aaci thou aya ku ñot ye lueel, ‘Raan piñ wët dië acii bi thou akölrüëc ëbën.’

53 Abaram wäda aci thou, nadë ye lueel lön diit yin tēnë Abaram? Ku koc kák Nhialic tiñ aaci thou aya. Ye tak ye yin ë ña?”

54 Go Jethu bëër, “Na ya ci rot leec, ñuöt lëc kēnë acie lëc acin. Ee Wä yen ë raan ya leec, ku yeen guöp ayakë lueel Nhialicdun.

55 Yeen akëckë kan ñic, ku yeen anjiec. Na lueel lön kuc yen ye, ke yen abi ya alueeth cimëndun, ku yeen anjiec, ku yen ë wëtde looi pušu ëbën.

56 Wuurdun Abaram aci pušu miët apei lön bi yen aköl bëndië tiñ, aci tiñ ku aci pušu la yum.”

57 Go koc Itharel lëk ye, “Yin anot yi kēc rušön thiärdhiëc dööt, ku yin cá Abaram tiñ?”

58 Go Jethu bëër, “Wët yic alëk we, wäär kēc Abaram guö dhiëth, ‘Ke Yen atö thin.’ ”

59 Gokë aleel kuany bi kek ye bišök, go Jethu rot thiaan ku jiël yön Nhialic.

9

Jethu aci raan ci dhiëth ke ci cöör kony

1 Tëwën cieth Jethu, ke tiñ raan ci dhiëth ke ci cöör. Go kocken ye buöth thiëc,

2 “Raan piöcc, ye adumušm ci ña looi cöl ye adhiëth ke ci cöör? Ye adumušmde aye adumušm koc ke dhiëth ye?”

3 Go Jethu bëër, “Kë ci yen cöör acie rin adumušm ci looi, ayi rin adumušm ci koc ke dhiëth ye looi, yeen aci cöör bi riël luoi Nhialic tiñ yeguöp.

4 Yok aa dhil la tuen yo lui luoi raan cá tooc yet tē ñot ruel aköl, wakšu abö, ku acin raan bi ye lëu bi luui.

5 Yet aköl ñot yen pinyinhom, ke yen ë ruel tēnë koc.”

6 Tëwën ci yen jam këlä, ke ñuut piñ ku nueen tiöp luëeth, ku rüoth tiöp mony wën nyin,

7 ku lëk ye, “Løor lək yinyin wär Thiloam.” (Ku wētde yic, “Cī tooc.”) Go mony wën la ku lək yenyin, ku le dhuk ke ye piny tñj.

8 Go kəc akeu nhom ku kəc cī ye kan tñj ke lim thiëc, “Cie mony dhie cool nyuc piiny ke lim kënë?”

9 Go kəc kək lueel, “Ee yeen guöp.” Ku lueel kəc kək, “Acie ye ë raan thōj kek ye.” Go mony wën nhom lueel, “Ee yən raan wën guöp.”

10 Gokë thiëc, “Cī rot lëu kədë ba bən daai?”

11 Go bëër, “Mony cəl Jethu aci tɔp nueen ku rəoth yanyin ku lëk ya, Løor wär Thiloam ku lək yinyin. Guo la, ku kaam wën lək yən yanyin, ke ya tñj piny nyin yic.”

12 Gokë thiëc, “Yen ako?” Go bëër, “Akušc.”

Akut Parathī awic wēt tē cī cəor kuony thñ

13 Gokë mony wën cī cəor thel tənë kəc akut Parathī.

14 Aköl nueen Jethu tɔp ku rəoth raan nyin bi daai, ee ya aköl cī kəc ye luui.

15 Go kəc akut Parathī mony wën bən thiëc tē cī ye liep nyin thñ. Go lëk ke, “Yeen aci tɔp tāau yanyin, ku laak yanyin, ku ëmën alëu ba piny tñj.”

16 Go kəc kək akut Parathī lueel, “Raan cī kënë looi aci lëu bi bən tənë Nhialic, rin aci lõj cī kəc ye luui thek.”

Go kəc kək lueel, “Lëu kədë bi raan la guöp adumušm kädit jān göi, cit kəkä, looi?” Gokë keyiic tek kamken.

17 Go kəc akut Parathī mony wën bən thiëc, “Yiin ye lueel lən cī yen yī liep nyin apath, ku yīin ye lueel ye yen ŋa?” Go bëër, “Ee raan kək Nhialic tñj.”

18 Ee kəc bāny Itharel gam lən cī yen cəor ku bən nyin kuek, agut tē bi kek kəc ke dhiëth ye cəol,

19 ku thiëckë ke, “Ye manhdun kënë? Ayakë lueel lən cī ye dhiëth ke ye cəor, lëu kədë, bi piny tñj?”

20 Go wun ku man bëër, “Anjicku lən ye yen manhda, ku lən cī ye dhiëth ke ye cəor.

21 Ku akucku tē cī yen piny jāl tñj thñ, yok aa kuc raan cī ye liep nyin aya. Thiëckë, yeen aci dit ku alëu bi kədə bëër ë rot.”

22 Wun ku man aaci jam kələ rin rišoc kek bāny Itharel, rin cī kek ye mat lən kuat raan gam Jethu lən ë yen Raan cī loc ku dəc, ka dhil cuöp wei tən amat kəc Itharel.

23 Rin kënë, yen ë lueel wun ku man ye ëlä, “Yeen aci dit, thiëckë!”

24 Gokë mony wën cī dhiëth ke cī cəor bən cəol arak dət, ku lëkkë ye, “Kuëŋj ë Nhialic nhom lən bi yin yic lueel. Anjicku lən mony kënë ë raan adumušm.”

25 Go mony wën bëër, “Akušc lən ye yen raan la guöp adumušm, wēt yen ŋec, yən a ye cəor ku ëmën yən ë piny tñj.”

26 Gokë thiëc, “Yenjö cī looi tənë yin? Cī nyiënkue kuek kədë?”

27 Go bëër, “Aca lëk we wenthëer, ku acäk ye piñ. Ye rin ŋö wic wek wēt bək bən piñ? Tëdët wiëckë aya bək ye kocken ye buəoth?”

28 Gokë lat ku luelkë, “Yin aci ya raanden ye buəoth, yok aa kəc Mothith.

29 Anjicku lən cī Nhialic jam tənë Mothith, ku na ye monytui, ka cəkku kuc aya tē bii yen thñ!”

30 Go mony wën bëër, “Kë gëi kəc akīn! Akušckë tē bii yen thñ, ku yeen guöp aci nyiënkie liep!

31 Anjicku lən cī Nhialic wēt kəc adumušm ye piñ, ku yeen ë wēt kəc thek ye ku loikë luoiden cī lëk ke piñ.

32 Yənthëer cek pinyinhom akəc kan piñ lən le yen raan cī dhiëth ke ye cəor cī kuek nyin.

33 Na cie lən bii raan kënë tənë Nhialic, ka cī lëu bi kəcit kënë looi.”

34 Gokë bëër, “Yin aci dhiëth ku muk yī adumušm yic, ku wic ba yo pišoc?” Ku copkë wei tənë amat.

Cöör ë pušu

35 Go Jethu piñ lən cī kek ye cuöp wei. Nawën yok ke lueel, “Ye wēt Manh Raan gam?”

36 Go mony wën bëër, “Bëny, lëk ya ye ŋa, rin ba lëu ba gam.”

37 Go Jethu lëk ye, “Yeen aca tñj, ku yen ë raan jam kek yī ëmën.”

38 Go mony wën lueel, “Bëny aca gam.” Ku gut yenhiol piny Jethu nhom.

39 Go Jethu lueel, “Yen aci bən pinyinhom tən ba wēt teem, rin bi cəor piny tñj, ku bi kəc piny tñj jāl cəor.”

40 Go kək kək akut Parathī rëër kek ye wël cī lueel piñ ku thiëckë, “Ee ciët wic ba lueel lən ye yok cöör aya?”

41 Go Jethu bëër, “Na we ye cöör ke wek aa cīn gup awušc, ku rin ye wek ye lueel lən ye wek piny tñj, ke wēt kënë aye nyooth lən le wek gup awušc.”

10

Kääŋ abiöök

1 Go Jethu lueel, “Wēt yic alëk we, raan cie tēek kal amël thok, ku lir nhom tédët, yeen ë cuär, ku ë raan rum käj.

2 Ku raan tək kal thok yen abiöŋ amël.

3 Raan tit kal abi kal ŋaany thok tənë ye, ku piñ amël rölde tē cəol yen amälke ë rienken, ku thel ke ayeer.

4 Ku tē cī ke yäth ayeer, ka cath tuëj ken-hiim ku buəoth amël cök rin ŋic kek rölde.

5 Aaci raan dët bi buəoth cök, aabi kat ye rin kuc kek rölde.”

6 Kääŋ kënë aci Jethu thäth ke, ku wēt lueel tənë ke akəcckë deet yic.

Jethu abiöŋ path

⁷ Go Jethu ben lueel, “Wēt yic alək we, ʔen ee kal thok tēnē aməl.

⁸ Koc kək ebēn cī kaŋ bēn ʔanhom tuenʔ, aa cuār ku aa koc rum kāŋ, ku rəlden akēc aməl piŋ.

⁹ ʔen ē kal thok. Raan bə thīn thuŋdiē abī lušk, yeen abī bēn alŋthīn ku ler aʔeer, ku yök wel path.

¹⁰ Cuār ē bēn rin bī cuēēr, ku nək kāŋ ku rēc ke. ʔen acī bēn bīk pīr yök, pīrdīt alanden.

¹¹ “ʔen abioŋ path. Abioŋ path aye wīc bī thou rin amälke.

¹² Raan lui ariöp ku cie raan abiök ku cie wun aməl, ku tīŋ gəl ke bə, ka päl aməl ku ket, bī gəl thueet aməl yiic ku thiēi ke roor.

¹³ Raan lui ariöp ē kat rin ē raan lui ariöp ē path, ku aliu pušu kegup.

¹⁴⁻¹⁵ “ʔen abioŋ path. Cīmēn ŋic Wā ʔen ku ŋic Wā, këya ʔen anjic amälkiē ku amälkiē aa ŋic ʔa. Ku awiēc ba thou ē rienken.

¹⁶ Aməl kək aa tō thīn ku aa kəkkiē ku aa liu thīn kal kēnē yic. Keek aaba bēēi aya, ku aabī rəldiē piŋ, ku keek aabi ʔa luŋy tōkaliŋ kek raan tōŋ biök ke.

¹⁷ “Wā anhiar ʔa rin awiēc ba piērdiē pušl rin bī ʔen ye ben yök.

¹⁸ Acin raan bī piērdiē nyaai tēnē ʔa. Yeen aya pušl wēt piändiē ē rot. ʔen ala riel ba päl wel, ku ʔen ala riel ba ben lööm.”

¹⁹ Go koc Itharel keyiic ben tek kamken rin ē wēlkā.

²⁰ Koc juēc kamken aa yekē lueel, “Yeen ala gušp jŋrac! Yeen amušl! Yenjō ye wek wēlke piŋ?”

²¹ Go koc kək lueel, “Lēu raan la gušp jŋrac bī jam cīmēn yen! Lēu jŋrac kēdē bī cōor cəl akuek yenyin?”

Koc Itharel aa kuc Jethu

²² Aköl looi Yan Dōc luanj Nhialic Jeruthalem acī bēn, ku piny ē ye mēi.

²³ Ku Jethu ē cath puək yic, cəl puək Tholomon tō luanj Nhialic.

²⁴ Go koc Itharel guēēr yelōsm ku luelkē, “ʔet nen bī yīn ʔo cəl arēēr ʔo diu puōth? Lək ʔo yic la gəl, ye yīn Raan cī lēc ku dōc?”

²⁵ Go Jethu bēēr, “Wēt aca lək we ku wek acie wētdiē ye gam. Luōikiēn ʔa looi ē riel Wā, kek ajam ē rienkiē.

²⁶ Ku wek acie wētdiē ye gam rin cūi wek ye amälkiē.

²⁷ Amälkiē aa rəldiē piŋ ku keek anjic ku keek aa ʔa buōth cök.

²⁸ Pīr akōlriēēc ebēn aya yiək ke, ku keek aacūi bī kaŋ thou athēer, ku acin raan lēu ye bī ke rum tēnē ʔa.

²⁹ Kē cī Wā yiək ʔen awār kēriēēc ebēn, ku acin raan lēu ye bī ke rum Wā cin.

³⁰ Wā ku ʔen yok aa tōk.”

³¹ Go koc Itharel aleel ben kuany bīk bišök.

³² Go Jethu lək ke, “Luoi puōth juēc cī Wā yiək ʔen ba ke looi, aa ca looi wenhūim, ye luoi tōŋ nen kamken yen wīc wek ye bāk ʔa bišök aleel?”

³³ Go koc Itharel bēēr, “Yīn acuk wīc buk yī bišök aleel rin luoi path, ku ē rin ye yīn Nhialic dəl gušp. Yīn ē raan ē path, ku wīc ba rot looi ba ʔa Nhialic!”

³⁴ Go Jethu bēēr, “Acī gōt lōŋdun yic gušp lōn cī Nhialic ye lueel, ‘Wek aa Nhialic.’

³⁵ Anjicku lōn wēt cī gōt athōr wēl thēer Nhialic yic ē yic alanden, ku kōckā acī Nhialic cəl, ‘Nhialic,’ koc cī Nhialic thōn wētdē.

³⁶ Ku na ʔen, ke Wā cā cōal ku tuuc ʔa pinynhom, ku ye kēdē ye wek ye lueel lōn cī ʔen Nhialic dəl, ye rin cī ʔen ye lueel lōn ye ʔen Wēn Nhialic?

³⁷ Duškkē wētdiē gam tē cūi ʔen luoi Wā loi.

³⁸ Ku na ʔa ke looi, ku cək alōn cūi wek wētdiē gam, ke we dhil luōikiē gam, bāk ŋic alanden lōn Wā arēēr kek ʔa ku ʔen atō Wā yic.”

³⁹ Gokē wīc bīk dām, go ke käl nyīn.

⁴⁰ Go Jethu ben dhuk ciēen wār Jordan alŋtūi tēwāar ye Joon koc muōoc nhūim thīn, ku rēēr thīn tēēn.

⁴¹ Go koc juēc bēn tēnē ye ku luelkē, “Joon akēc kārīl looi, ku kēriēēc ebēn cī lueel rin ē mony kēnē aaci ʔa yith.”

⁴² Ku gam koc juēc wētdē ē tēnē.

11

Thon Ladhāro

¹ Raan cəl Ladhāro, ku ē rēēr Bethanī, ēcī tuaany. Bethanī ē gen rēēr Maria thīn kek nyankēn cəl Martha.

² Maria kēnē yen ē nyan wāar cī Bānyda tōc cök miök ŋir, ku wuuny ke nhiēmke. Ku ē mēnhē Ladhāro yen ēcī tuaany.

³ Go nyīērakēn wēt tuōc Jethu, “Bēny, māthdun nhiar acī tuany.”

⁴ Nawēn piŋ Jethu ke lueel, “Tuēny kēnē acūi Ladhāro bī nək, kēnē acī rot looi bī Nhialic leec thīn. Ku yen ē tē bī Wēn Nhialic lec yök thīn.”

⁵ Ku Jethu ē nhiar Martha kek nyankēn ku Ladhāro.

⁶ Nawēn cək piŋ lōn cī Ladhāro tuaany, ke nāk nīn karou tēwēn rēēr yen thīn.

⁷ Ku jol lək koc ye buōth, “Benku dhuk ciēen pan Judia.”

⁸ Go koc ye buōth lueel, “Raan piōoc, wāar ēmēn thišök, ee wīc koc Itharel bīk yī bišök aleel, ku ye wīc ēmēn ba ben dhuk thīn?”

⁹ Go Jethu bēēr, “Akäl tōk cī yic la aköl ku wakšu? Tē cieth raan ke ruel dīt ke yeen acie kōth, rin ala ruel yen piny tiŋ.

10 Ku na cieth wakšu ka ksth, rin liu ruel tēnē ye.”

11 Jethu aci wēlkā lueel ku met dēt thīn, “Māthā Ladhāro aci nīn wit, ku yen ala ba la pušōc.”

12 Go koc ye buōth lueel, “Bēny, na cī nīn ka bī nūēēn.”

13 Ku wēt wīc Jethu bī lēk ke ē lōn cī Ladhāro thou. Gokē tak lōn jīēm yen wēt nīn ē path.

14 Go Jethu gai yic tēnē ke, “Ladhāro aci thou,

15 ku yen aci pušu miet ē rienkun ba kēc rēēr kek ye, rin bāk gam. Jōlku la tēnē ye.”

16 Go Thomath, cōl Acueek, lēk atuuc, “Lokku yōdhie kek Raan piōōc, rin buk la thou kek ye.”

Jōn rot ku pīr aabō tēnē Jethu

17 Nawēn yet Jethu ke yōk lōn cī Ladhāro thišk ka la nīn kanjan raj yic.

18 Bethanī amec kek Jeruthalem tēcīt tēn meel karou,

19 ku koc juēc Itharel aake cī bēn bīk Martha kek Maria bēn dēt puōth, rin wāmēnhden cī thou.

20 Nawēn piŋ Martha lōn bī Jethu, ke la ayeer bī la rōm kek ye, ku dōŋ Maria bei.

21 Go Martha lēk Jethu, “Bēny, na yī tō thīn, ŋušt wāmāāth akēc thou.

22 Ku anjic lōn na cōk amēn ke Nhialic abi keriēēc ēbēn ba thiēc ye, gām yī.”

23 Go Jethu lēk ye, “Wāmuuth abi rot jōt bī pīr.”

24 Go Martha bēēr, “Anjic lōn bī yen rot jōt bī pīr akōl ciēēn.”

25 Go Jethu lēk ye, “Yen ē jōn rot ku pīr. Raan gam wētdiē, na cōk alōn thou yen ka bī pīr.

26 Ku kuat raan pīr ku gem wētdiē acī bī kan thou. Ca kēnē gam?”

27 Go lueel, “Ee kēya, Bēny. Aca gam lōn ye yīn Raan cī lōc ku dōc, Wēn Nhialic, bī dhīel bēn pinyinhom.”

Jethu adhiāu

28 Nawēn cī Martha wēlkā lueel, ke dhuk ciēēn ku cōl nyanakēn Maria amāāth ku lueel, “Raan piōōc atō tēn ku awīc yī.”

29 Nawēn piŋ Maria wēt kēnē, ke jōt rot ku lōc la ayeer bī la rōm kek ye.

30 Ku Jethu ē ŋot kēc yet baai, a ŋot rēēr tēwēn rēm yen thīn kek Martha.

31 Go koc Itharel wēn rēēr yōōt kek Maria rin bīk dēt puōu, buōth cōk, wēn tīŋ kek ye ke cī rot jōt ku bēn yekōu ayeer. Ee cīk tak lōn ler yen raj nhom bī la dhīau thīn.

32 Wēn yet Maria tēwēn rēēr Jethu thīn, ke cūet rot piŋ yecōk ku lueel, “Bēny, na yī tō thīn tēn ŋušt wāmāāth akēc thou.”

33 Nawēn tīŋ Jethu ke dhīau, ku koc Itharel awēn ruēc ye ke dhīau aya, go keŋ yepuōu ku ŋeer yic apei.

34 Go ke thiēc, “Cāk thišk tēno?” Gokē lueel, “Bēny, bāār ba tīŋ.”

35 Go Jethu dhīau.

36 Go koc Itharel lueel, “Tiēŋkē tē nhīēr yen ye thīn.”

37 Go koc kōk kamken lueel, “Acī raan cī cōōr liep nyīn, kēc looi? Ku yenō kēc yen Ladhāro kuōny bei thou yic?”

Ladhāro aci bēn pīr

38 Go Jethu yic bēn ŋeer apei ku ler raj nhom, ku raj ēcī wec kuur yic, ku kuurdīt aci tāāu yethok.

39 Go Jethu ke yōōk, “Nyaaikē kuur.”

Go Martha, nyanakēn raan cī thou bēēr, “Bēny, aci nhiany. Nīn cī ye thišk aa ŋuan.”

40 Go Jethu lēk ye, “Kēc lēk yī lōn bī yīn lēc Nhialic tīŋ tē gēm yīn?”

41 Gokē kuur laar wei. Go Jethu yenyīn ŋāār nhial ku lueel, “Wā yīn alēc rin ye yīn ya piŋ,

42 ku anjic lōn ye yīn ya piŋ akōlakōl, ku aluēel rin bī koc tō thīn tēn ye gam, lōn cī yīn ya tooc.”

43 Kaam wēn cī yen wēlkā lueel ke cōt rōldīt, “Ladhāro, bāār ayeer.”

44 Go bēn ayeer ke cī duut cōk ku cin alanh thiēkthiēk, ku aci der nyīn alath. Go Jethu lēk ke, “Dākkē ku calkē acath.”

Amat nēk Jethu

(Mt 26:1-5; Mk 14:1-2; Lk 22:1-2)

45 Go koc juēc Itharel cī bēn bīk Maria bēn neem, kē cī Jethu looi tīŋ, ku gamkē wētdē.

46 Ku dhuk koc kōk ciēēn kamken tēnē koc akut Parathī, bīk kāk cī Jethu looi la lēk ke.

47 Go koc akut Parathī ku koc kāk Nhialic mat kek bēny luk, ku luelkē, “Buk ŋō looi? Mōny kēnē ee luoi ril apei looi!

48 Na pālku bī la tuēŋ kēlā, ke koc ēbēn abi wētdē gam, ku bāny Roma aabi bēn bīk luaj Nhialic thuōr piŋy ku rēckē panda.”

49 Go Kaipa yen ye raandīt koc kāk Nhialic ē ruōōn kēnē lueel, “Wēt tōk akuōckē!

50 Cāk ye tīŋ lōn anjēēn tēnē we bī raan tōk thou rin koc, tēn tē bī wuōnda riāāk ēbēn?”

51 Ku akēc wēt kēnē lueel piānde ē rot, ku ē rin ye yen raandīt koc kāk Nhialic ē ruōōn kēnē. Ku ē luel kāk tuēŋ bī rōt looi lōn bī Jethu thou rin thān Itharel,

52 Ku acie rienken kēpēc, abi thou aya bī mīth Nhialic cī thiēi pinyinhom kuōōt yīic bīk aa tōk.

53 Jōōk akōl kēnē ke bāny aake guīr bīk Jethu nōk.

54 Kēya, go Jethu kēc bēn acath ē path kam koc pan Judā, ku jīel bī la gen cōl Epraim tēthišk ke ror, ku rēēr thīn kek koc ye buōth.

55 Ku Yan Ayum cīn yic luoi koc Itharel ēcī thišk, go koc juēc jāl bāāiken yīic bīk la Jeruthalem, bīk koc wuuny kek kegup yandīt nhom tuēŋ la looi.

⁵⁶ Gokë Jethu wïc, ku thiëckë röt kamken wën cî kek guëer luaj Nhialic, “Yeñö yakë tak? Bî bën yai yic, kua cî bî bën?”

⁵⁷ Ku kóc kâk Nhialic ku kóc akut Parathî aake cî wët lueel, lön raan ñic tē rēer Jethu thîn adhîl wët lëk ke, ku bî dâm.

12

Maria aci tē theek yen Jethu thîn nyuwoth (Mt 26:6-13; Mk 14:3-9)

¹ Nîn kadätëm Yan Ayum cîn yic luou nom tuenj, ke Jethu la Bethanî, pan ciëñ Ladhâro thîn, raan wäär cî jät bei thou yic.

² Gokë miëth giuir tēnē ye, miëth cî Martha bën luui thîn apei. Ku Ladhâro atō kam kóc ke rēer thîn aya.

³ Go Maria karjac cî thiänj miök ñir cöl naar, ye ɣoc wëu juëc lööm, ku puk Jethu cök ku wuuny nhîmken nom. Go anjir miök yöt rum yic ëbën.

⁴ Go raan tók kam kóc Jethu buoath, cöl Judath Ithkariöt, raan bî ye luam lueel,

⁵ “Yeñö këc miök ñir kënë yaac wëu juëc wär wëu ye däm raan tók, ku yik ke kóc ñöñ?”

⁶ Ku ëcie rin nhiër kóc ñöñ yen lueel yen kënë, ee rin ye yen cuär, ee ye wëu akut muk, ku è ye rot kony thîn.

⁷ Go Jethu lueel, “Pälkë, calkë amuk miök rin aköl bî ya thiök.

⁸ Kóc ñöñ aabi rēer thîn akölaköl kek we, ku yen acii bî rēer kek we akölaköl.”

⁹ Go kóc juëc Itharel jäl ñic lön tō Jethu Bethanî, gokë la thîn, ku acie rin Jethu yetök, ee rin bik Ladhâro la tñj aya, raan wäär cî Jethu jät kam kóc cî thou.

¹⁰ Go kóc kâk Nhialic wët mat yic bik Ladhâro nök aya,

¹¹ rin wët Ladhâro yen aye kóc juëc Itharel bányken puöl ku gamkë wët Jethu.

Jethu aci la Jeruthalem ke ciëm yai (Mt 21:1-11; Mk 11:1-11; Lk 19:28-40)

¹² Naɣon nhiääk dët ke akutdüt kóc cî bën Yan Ayum cîn yic luou yic, piñ wët lön bii Jethu Jeruthalem.

¹³ Gokë ayör agëp lööm, ku lek bik la lor, ku ketkë ëlä,

“Lec tēnē Nhialic!

Nhialic dac raan bō rin Bëny!

Nhialic dac Bëny Itharel!”

¹⁴ Go Jethu akaja yök ku nyuuc yeköu, cît tē cî gät ye athör thëer wël Nhialic yic,

¹⁵ “Duökkë riëc kóc Itharel! Yen kin, Bánydun abö, ke cî nyuc akaja kōu.”

¹⁶ Ku kâkkä aake këc kocken ye buoath deet yiic, nawën cî Jethu rot jät ke lec, ke jalkë ñic lön cî kâkkä gät athör thëer wël Nhialic yic, ku lön cî kek kâkkä looi tēnē ye.

¹⁷ Ku kóc juëc ke rēer thîn wäär cî Jethu Ladhâro caal ayeer ranj yic, ku jät kam kóc cî thou, aake kë cik tñj tët kóc.

¹⁸ Ku rin wët kënë aya yen aa lor kóc juëc ye, rin cî kek luoidüt jän gōi cî looi piñ.

¹⁹ Go kóc akut Parathî lueel kamken, “Cäk ye tñj lön cîn yen kë yökku thîn. Tiëñkë, aye thëi ëbën buoath cök.”

Kóc Girik kâk aa wïc Jethu bik tñj

²⁰ Kóc Girik kâk aake tō kam kóc cî la Jeruthalem bik Nhialic la door thîn.

²¹ Gokë bën tēnē Pilipo, raan Galilia pan Bethaida ku luelkë, “Bëny, yok aa wïc Jethu buk tñj.”

²² Go Pilipo wët lëk Andria, ku lekkë karou tēnē Jethu bik la lëk ye.

²³ Go Jethu bëer, “Ëmën, aköl bî Manh Raan ya leec apei aci guo yëët.

²⁴ Wët yic alëk we, nyin rap è rēer ke ye tók è path, tē këc ye täau tñp yic bî ciët kë cî thou. Na le yic pät bî ciët kë cî thou, ka jöl luok mieth juëc.

²⁵ Raan nhiar piërde, abi muör ku raan man piërde pinyinhom tēn abi muk tēnē pir akölrüëc ëbën.

²⁶ Kuat raan wïc ye bî yen luösi ka dhil ya buoath cök, rin tē rēer yen thîn, aluonydië abi rēer thîn aya, ku Wä abi kuat raan luui ya leec.

Jethu ajam wët Thuonde

²⁷ “Piändië arem ëmën, ku ba nõ lueel? Ba lueel, “Wä, duk kërec tit ya cöl abö?” Ku kënë è yen cî yen bën thîn, rin ba areem aköl kënë thöl.

²⁸ Wä, cöl rienku alec!”

Go röl jam nhial ku lueel, “Aca cöl alec ku aba bën cöl alec.”

²⁹ Go kóc ke kâac thîn tēen röl piñ ku luelkë, “Deñ aci mär.” Go kóc kök lueel, “Atuny Nhialic aci jam tēnē ye.”

³⁰ Tēñnē, go Jethu lëk ke, “Ee cie tēnē ya yen jieem röl kënë, ee rienkun.

³¹ Ëmën, è tē bî luk teem tēnē kóc tō pinyinhom, ku bëny jakrec abi cuop wei.

³² Tē cî ya jat nhial, ke yen abi kóc ëbën miëët tēnē ya.”

³³ Ku wën lueel yen kënë, ke wïc bî nyuwoth yen tē bî yen thou thîn.

³⁴ Go akut bëer tēnē ye, “Wët cî gät athör yic è yok lëk lön bî Raan cî löc ku dac, pir akölrüëc ëbën. Na yiin lëu kädë ba lueel lön bî Manh Raan jat nhial? Ku yen a yen Manh Raan?”

³⁵ Go Jethu bëer, “Anjot tēthîn nyöot bî ruel rēer kamkun. Lakkë tuenj dhöldun yic ëmën tōu ruel tēnē we bî muöth we cii dot, rin raan cath muöth yic akuc tē ler yen thîn.

³⁶ Gamkë ruel ëmën ñoot yen kek we, rin bák aa kóc ruel.” Tëwën cì Jethu wëlká lueel ke la ayeer ku thiëen rot tënë ke.

Kóc Itharel aa kucë ë gam

³⁷ Na cök amën cì yen luoi rilkä ëbën looi kenhüim guöp, ke keek aa këc wëtde gam,

³⁸ Bì wët cì Ithaya, raan kák Nhialic tñj kan lueel theer yenhom tiëen, wëtden wäär lueel ëlä,

“Bëny, yenja cì wët cuk lëk kóc gam?”

Yenja cì Bëny nyuüth riel?”

³⁹ Ku rin ë kënë acin të bí kek gam, rin wët kënë aya, acì Ithaya lueel ëlä,

⁴⁰ “Acì Nhialic dhöny nyin, ku mër kepuüth. Bìk kãnj cü tñj kenyin, ku cik wët det kepuüth. Bìk röt wël yen ku ba keek kony.”

⁴¹ Ithaya acì kënë lueel rin cì yen læc Jethu tñj ku jïem rienke.

⁴² Ku ëmën aya, ke bány kóc Itharel aake cì wët Jethu gam, ku akëckë lueel kóc nhüim, rin riëc kek kóc akut Parathü bîk ke cü cop wei tën amat.

⁴³ Aake læc kóc nhaar tënë læc Nhialic.

Jethu abi luk looi tënë kóc ëbën

⁴⁴ Go Jethu lueel röldit kóc nhüim, “Raan gam wëtdië acie wëtdië rot yen ye gam, ee wët raan toc ya gam aya.

⁴⁵ Ku raan tñj ya, ka tñj raan cá tooc aya.

⁴⁶ Yen acì bën cimën ruel pinynhom, bí raan ëbën gam wëtdië cü ben rëer muüth yic.

⁴⁷ Raan pinj wëtdië ku cü lök looi, ke yen acin wët ba tëm ye, rin këc yen bën ba kóc pinynhom bën luk, yen acì bën ba ke bën pür.

⁴⁸ Raan kucë ë ya ku cü wëtdië gam, raan bí ye tëm awuüc abi tã thün, ku wëtdiën ca lëk kóc abi ye luk aköl ciëen.

⁴⁹ Ku ë këya, rin këc yen jam wët piändië rot, ku ë Wä Acieñ toc ya, yen acì ya thön kë ba dhiel lueel ku jaam ë yic.

⁵⁰ Ku anjic lön ye wëtde pür akölrüëc ëbën bëëi. Kák ya lueel aa kák cì Wä nyuüth ya ba ke lueel.”

13

Jethu acì kacken ye buüth lök cök

¹ Ee ye aköl Yan Ayum cín yic luou nhom tuen. Go Jethu ñic lön cì aköl jiël yen pinynhom tën jál bën, ku bí la tënë Wun. Yeen acì kacken rëër pinynhom nhaar alanden, ku nhüer ke yet të bí wët thök.

² Jethu ku kacken ye buüth aake cì nyuc bîk mieth thëi cam. Ku jorrac ëcì wët tääu Judath, wën Thaimon Ithkariöt puü, bí Jethu gaany.

³ Go Jethu ñic lön cì Wun riel ëbën tääu yecin, ku ë ñic lön cì yen bën tënë Nhialic, ku ë ben dhuk tënë ye.

⁴ Go rot cuot wei tawën mith kek thün ku dëk alanh kóu, ku ruk alanh wuüny ye anjum.

⁵ Ku jöl piü puük aduük yic ku lök kacken ye buüth cök, ku wuuny ke alanh wuüny wën cì ruük ye anjum.

⁶ Ku jöl bën tënë Thaimon Piter, go Piter lëk ye, “Ye yin bá lök cök, Bëny?”

⁷ Go Jethu bëër tënë ye, “Ke luoi acü ye deet yic ëmën, ku aba lök deet yic.”

⁸ Go Piter lueel, “Yin acü ya bí kan lök cök acin.” Go Jethu bëër, “Na cá yí lök cök, ke yin acin të bí yin ben a raandië.”

⁹ Go Thaimon Piter lueel, “Bëny, na ye këya ke yí duk ya lök cök ë rot, lök yacin ku yanhom aya.”

¹⁰ Go Jethu lueel, “Raan cì laak acin guöp acuol, ku abi yecök lök rot. Wek aa yer ëbën, ke raan tók kamkun yen acü yer.”

¹¹ Jethu ë ñic raan bí ye gaany, yen ë lueel yen ye ëlä, “Wek aa yer wedhie, ke raan tók yen acü yer.”

¹² Nawën cì Jethu ke lök cök, ke ben alanhde ruük ku nyuuc täden wën rëer yen thün, ku thiëc ke, “Cäk kák ca looi tënë we ëmën deet yiic?”

¹³ Wek aa ya cöl raan piöoc ku Bëny, ku yeen apath bák looi këya, rin ë ya.

¹⁴ Yen ë Bëny ku Raan piöoc tënë we, ku ñot we laak cök. Ke week aya, wek aabi wecök lök kamkun, ñek kek ñek.

¹⁵ Wët path aca nyuüth we, bák looi cimën cì yen ye looi tënë we.

¹⁶ Wët yic alëk we, acin alony düt tënë bányde, ku acin atuny düt tënë raan toc ye.

¹⁷ Ëmën ñic wek wët yic kënë, të looi wek ye, ke miët puü düt abák yök thün.

¹⁸ “Yen acü jam ë rienkun ëbën, yen anjic kóc ca kuény bei. Ku wët cì gôt athör theer wël Nhialic yic ëlä, ‘Raan mith yok aduüñ tók yic acie nhom wël ya,’ adhil yenhom tiëen.

¹⁹ Wek aa lëk wët kënë ëmën ke këc rot guo looi, rin aköl bí yen rot looi ka bák jál gam lön, ‘Ye Yen Yeen.’

²⁰ Wët yic alëk we, raan lor raan ca tooc, acä lor aya, ku raan lor yen ka lor raan toc yen aya.”

Kë cín Judath puü acì lueel

(Mt 26:20-25; Mk 14:17-21; Lk 22:21-23)

²¹ Nawën cì Jethu wëlká lueel, ke ñeer yic ku lueel, “Wët yic alëk we, raan tók kamkun abi ya gaany.”

²² Go kóc ye buüth kenyin liäath kamken ke cì nhüim la dil apei wët ye lueel.

²³ Ku raan tøj nhüer Jethu kam kóc ye buüth, ëcì nyuc Jethu lööm,

²⁴ go Piter nieu nyin ku lueel, “Thiëc, ye raan nen yen jïem yen rienke.”

²⁵ Go atuny kënë rot cuot Jethu ku thiëc, “Bëny, ye yen ë ña?”

²⁶ Go Jethu bɛɛr, “Ee raan bi ɣen ayup luſt kada yic ku yiék ye.” Ku lööm ayum ku lut kada yic ku yiék Judath, wɛn Thaimon Ithkariót.

²⁷ Tɛwɛn lööm Judath ayup, ke jɔnrac go la yeguɔp. Go Jethu lɛk ye, “Kɛ wic ba looi, lɔc looi.”

²⁸ Ku acin raan kam kɔc ke miſh kek ye ci wɛt deet yic, ye rin nɔ yen jɛɛm Jethu kɛya tɛnɛ ye.

²⁹ Ku rin yen Judath yen wɛɛuken muk, ke ci kɔcken kɔk tak lɔn ci Jethu ye lɛk ye bi la ɣɔɔc kɔ wickɛ rin yai, tɛdɛ ke ci lueel bi kɔc nɔɔn muɔɔc.

³⁰ Ku kaam wɛn lööm Judath ayup, ke la aɣeer. Ku ɛ ye wakɔu.

Lɔɔ Yam

³¹ Wɛn ci Judath jɔl, ke lueel Jethu, “ɛmɛn lɛc Manh Raan aci nyuɔth kɔc, ku lɛc Nhialic aci nyuɔth kɔc ɛ ye.

³² Ku tɛ ci lɛc Nhialic nyuɔth kɔc ɛ ye, ke Nhialic abi lɛc Manh Raan nyuɔth yeguɔp, ku abi lac looi nyin yic.

³³ Miſthkiɛ, ɣen acii bi rɛɛr kek we apeɪ. Wek abɔ wic, ku alɛk we ɛmɛn yen wɛt ca lɛk kɔc Itharel, ‘Acin tɛ bi wek la tɛ ler ɣen thɪn.’

³⁴ Lɔɔ yam ayiék we, nhiarkɛ rɔt kamkun, cimɛn ci ɣen we nhiaar, kɛya, ke wek aa dhil rɔt nhiaar kamkun.

³⁵ Na nhiarkɛ rɔt kamkun ka bi njic kɔc ɛbɛn lɔn ye wek kɔckiɛn ɣa buɔɔth.”

Piter aɣei Jethu

(Mt 26:31-35; Mk 14:27-31; Lk 22:31-34)

³⁶ Go Thaimon Piter thiɛɛc, “Na yiin lɔrdɛ Bɛny?” Go Jethu bɛɛr, “Tɛ ler ɣen thɪn acin tɛ buɔɔth yin ɣacɔk ɛmɛn, ku yin abɔ buɔɔth akɔldɔ.”

³⁷ Go Piter thiɛɛc, “Bɛny, yenjɔ cii ɣen ye lɛu ba yi buɔɔth ɛmɛn? Atɔu ɣapuɔu ba thou ɛ rienku.”

³⁸ Go Jethu bɛɛr, “Lɛu ba thou alanden ɛ rienkiɛ? Wɛt yic alɛk yi. Tɛ njot kɛc thɔn ajith kiu, aba lueel arak diák lɔn kuc yin ɣa.”

14

Jethu ee dhɛl la tɛnɛ Wun

¹ Go Jethu lɛk ke, “Duɔkkɛ diɛɛr ku rɛɛrkɛ we rac puɔth. Gamkɛ Nhialic ku gamkɛ ɣa aya.

² Pan Wɔ ala yic ɣɔɔt juɛc, ku ɣen ala ba piny la guir tɛnɛ we. Na cie yic wɛt kɛnɛ, njɔt akɛc lɛk we.

³ Ku tɛ ci ɣen la ba piny la guir tɛnɛ we, ke ɣen abi dhuk ba we mat tɛdiɛ rin bák rɛɛr tɛ tɔu ɣen thɪn.

⁴ Ku dhɛl bi wek ɣet tɛ le ɣen thɪn anjɛckɛ.”

⁵ Go Thomath lɛk ye, “Bɛny, ɣok aa kuc tɛ le yin thɪn, ku buk dhɛl bi ɣok ɣet tɛ tɔ yin thɪn njic kɛdɛ?”

⁶ Go Jethu bɛɛr tɛnɛ ye, “ɣen ee dhɛl ku yic ku pir, acin raan la tɛnɛ Wɔ tɛ cii yen rienkiɛ.”

⁷ Ku lɛk ke, “ɛmɛn ci wek ɣa njic, ke wek aabi Wɔ njic aya, ku ɛmɛn ɣet tuɛnj, anjɛckɛ ku acák tɪɔ.”

⁸ Go Pilipo lueel, “Bɛny, nyuɔth ɣo Wuur, yen ee kɛ wicku yetɔk.”

⁹ Go Jethu bɛɛr, “ɣen aci ceɔj apeɪ kek we, ku yin anjot yi kɛc ɣa njic, Pilipo? Raan cá tɪɔ, aci Wɔ tɪɔ aya. Yenjɔ ɛ yin ye lueel, ‘Nyuɔth ɣo Wuur?’

¹⁰ Kɛc gam yin Pilipo, lɔn rɛɛr ɣen Wɔ yic ku Wɔ ɣayic?” Ku jɔl Jethu lɛk kɔcken ye buɔɔth, “Wɛl ca lɛk we aacie wɛl bɔ bei tɛnɛ ɣa. Wɔ rɛɛr ɣayic, yen ɛ luɔide looi.

¹¹ Gamkɛ wɛtdiɛ lɔn rɛɛr ɣen Wɔ yic ku lɔn tɔ Wɔ ɣayic. Na liu gam ke gamkɛ rin luɔikiɛ.

¹² Wɛt yic alɛk we, raan gam wɛtdiɛ abi luɔi ɣa looi a looi, ku tɛdɛt abi luɔidit tɛnɛ luɔidit a looi, rin ler ɣen tɛnɛ Wɔ.

¹³ Ku kɛriɛɛc ɛbɛn bák thiɛɛc ɛ rienkiɛ aba looi, rin bi lɛc Wun nyuɔth rin Wɛnde.

¹⁴ Tɛ thiɛɛc wek kɛdáj ɛ rienkiɛ, ka ba looi.

Athɔn bi Wɛi Nhialic bɛn

¹⁵ “Na nhiarkɛ ɣa, ke we pinj lɔɔnjkiɛ.

¹⁶ ɣen abi Wɔ thiɛɛc ku abi we yiék raan dɛt kɔc kony, ku ye Wɛi ɛ yic bi rɛɛr kek we akɔlriɛɛc ɛbɛn.

¹⁷ Acin tɛ bi kɔc pinynhom ye gam, rin acik lɛu bik tɪɔ ku cik lɛu bik njic. Ku yeen anjɛckɛ rin yen adɔɔn kek we ku aciɛɔ kek we.

¹⁸ “Wek aacá bi puɔl wepɛc, ɣen abi dhuk tɛnɛ we.

¹⁹ Anjot tɛthɪn-nyɔt ku kɔc pinynhom aacii ɣa bi ben tɪɔ ku wek aabá tɪɔ, ku rin piir ɣen, ke wek aabi pir aya.

²⁰ Tɛ ler akɔltui bɛn ka bák njic lɔn tɔ ɣen Wɔ yic ku lɔn rɛɛr ɣen weyiic.

²¹ “Raan gam lɔɔnjkiɛ ku looi ke, yen ɛ raan nhiaar ɣa. Ku raan nhiaar ɣa abi Wɔ nhiaar, ku yeen aba nhiaar aya, ku ɣen abi rot nyuɔth ye.”

²² Go Judath lueel, ku yeen acie Judath Ithkariót, “Bɛny, bi rot lɛu kɛdɛ ba rot nyuɔth ɣo ku cii rot nyuth kɔc pinynhom?”

²³ Go Jethu bɛɛr tɛnɛ ye, “Raan nhiaar ɣa, ka pinj wɛtdiɛ ku yeen abi Wɔ nhiaar, ku ɣok aabi bɛn tɛnɛ ye ɣok Wɔ buk pir kek ye.

²⁴ Raan cii ɣa nhiaar acie wɛtdiɛ ye pinj. Wɛt cák pinj tɛnɛ ɣa acie wɛtdiɛ, ee wɛt bɔ tɛnɛ Wɔ raan toc ɣa.

²⁵ “Wɛlká aaca lɛk we ɛmɛn njot ɣen kek we.

²⁶ Ku raan kɔc kony, Wɛi Nhialic bi Wɔ tuɔɔc ɛ rienkiɛ yen abi we piɔɔc kɛriɛɛc ɛbɛn ca lɛk we.

²⁷ “Dɔɔr aya nyáɔɔn piny ke we, ku dɔɔrdiɛ guɔp ayiék we. Acá ye gám we cimɛn ye kɔc piny ye yiék kɔc. Duɔkkɛ yiic njɛɛr ku duɔkkɛ riɔc.

28 Acäk piŋ ke luæɫ tənê we ëlä, ‘Yen ajiël ku yen abi la dhuk tənê we.’ Na nhiarkê ya ke wek aabi puõth miæt rin ler yen tənê Wä, rin adit tənê ya.

29 Kënë aca læk we emën ke ɲot këc rot guo looi, na le rot looi ke bæk gam.

30 Acä lëu ba jam apei kek we emën, rin jon pinyndhom abõ. Ku yeen acin riel tənê ya.

31 Ku adhil koc pinyndhom ɲic lön nhiæer yen Wä, yen ë rin ye yen këriëc ëbën ye thõn ya looi.

“Bäk, jiëlku tën.

15

Jethu yen abiëny yic

1 “Yen abiëny yic ku Wä ë raan dom, 2 yen ee kuat kër cie luæk tã yakõu tæem wei, ku teem kuat kër luæk ndhom, rin bi nyac bi ɲic luæk apei.

3 Wek aaci jäl piath rin piöoc ca yiæk we.

4 Rëërkê akut yic kek ya, ku yen abi rëër akut yic kek we. Kër acie luæk ë rot, alëu bi looi tã rëër yen abiëc yic. Këya, acäk lëu bæk luæk tã cii wek rëër gayic.

5 “Yen abiëc ku wek aa kër. Raan rëër gayic ku yen yeyic abi luæk apei, rin week acin kë lëukê bæk looi tã liu yen tənê we.

6 Raan cie rëër gayic ka ya cuat wei cimën kër tím ku bi riel, ku kuat kërka aabi kuõõt yic ku cuet ke mæc tã bi kek dëp thin.

7 Na rëërkê gayic, ku rëër wëlkië wepuõth ke këriëc ëbën bæk thiëc ku wiæckê, ka bæk yök.

8 Læc Wä aye nyuõth tã lok wek apei, ku këya, ke wek aabi ya kockiën ya buõth.

9 Wek aa nhiaar cimën nhiæer Wä yen, rëërkê nhiërdië yic.

10 Na thekkê lõŋkië ke wek aabi rëër nhiërdië yic cimën ci yen lööŋ Wä buõth yiic, ku rëër nhiërde yic.

11 “Kënë aca læk we, bi miæt puõu tã tənê ya tãu wepuõth aya, ku bi miæt piãndu thããp ë dit.

12 Ku lõŋdië akın, nhiarkê röt cimën ci yen we nhiaar.

13 Nhiërdit tet lëu raan bi yiæk mãthke, ee gem wëike ë rienken.

14 Ku wek aa mãthkië tã looi wek kæk ca læk we.

15 Wek aacä bi ben cõal aloony, rin alony akuc kæk ye wun baai looi. Ku wek aaya cõal mãthkië, rin ci yen këriëc ëbën ca piŋ tənê Wä nyuõth we.

16 Aacie wek cä lóc, ee yen aci we lóc, ku wek aaca tooc bæk la bæk la luui apei, luui bi döŋ athæer. Ku Wä abi këriëc ëbën cæk thiëc ë rienkië yiæk we,

17 kë thõn we akın, nhiarkê röt kamkun.

Män koc pinyndhom

18 “Na man koc pinyndhom we, ke dhiëlke tak lön ci kek ya kan maan.

19 Na we koc pinyndhom, ke koc pinyndhom aabi we nhiaar rin ye wek kacken, ku wën ci yen we kuëny bei pinyndhom, ke wek aacie koc pinyndhom, ku rin ë wët këñ, koc pinyndhom aa man we.

20 Muõkkê wët ca læk we ndhom, ‘Acin alony dit tənê bãnyde.’ Na jörkê ya, ke keek aabi we jöör aya, na piŋkê wëtdië, ke keek aabi wëtdun piŋ aya.

21 Ku keek aabi kakkä looi ëbën tənê we rin ye wek kackië, rin kuc kek raan cä tooc.

22 Na ya këc bën ku cä jam tənê we, ɲuõt aa këc gup la adumuõm, ku cit emën këlä, acin tã bi ke ben puõl rin adumuõmken.

23 Raan man ya, ee Wä maan.

24 Na ya këc luükä kan looi kamken, kæk cın raan ci ke kan looi, ɲuõt aa cın gup adumuõm, cit emën këlä, aaci kæk ca looi tın, ku keek aa ɲot ke man ya ku Wä aya.

25 Ku këñ adhil rot looi këya bi wët ci göt lõŋden yic rot tæeŋ, ‘Keek aa man ya ë path ke cın wët yic.’

26 “Raan kuõony abi bën, Wëi Nhialic abi yiny Nhialic nyooth, ku yeen abõ tənê Wä. Yeen aba tuõc we tənê Wä, ku yeen abi jam ë rienkië.

27 Ku week aya wek aabi jam ë rienkië rin ci wek rëër ke ya thæer.

16

1 “Kënë aca læk we bæk gamdun cii päl.

2 Wek aabi cuõp wei tën amat. Ku kaam abi bën, tã bi kuat raan næk we ye tak lön na looi këñ, ke yeen aluui Nhialic.

3 Keek aabi kakkä looi tənê we, rin kuc kek Wä ku kuckê ya.

4 Kakkä aaca læk we, rin aköl bi kek kakkä looi, ka jalkê tak lön ci yen ye kan læk we.

Luoi Wëi Nhialic

“Wëlkä aa këc læk we wäär tuen rin rëër yen kek we.

5 Ku emën yen ala tənê raan cä tooc, ku aŋot cın raan kamkun ya thiëc, ‘Na yiin lör dë?’

6 Ku emën ci yen ye læk we, wek aaci puõth jieth.

7 Wët yic alæk we, aŋuëën tənê we lön jiël yen, rin na cä jiël ke raan koc kony acii bi bën tənê we. Ku na jäl ke yen aba la tuõc we.

8 Ku na biï, ka bi nyuõth koc pinyndhom lön ræc kek rin wët adumuõm, ku rin wët ciæeŋ path ku wët luŋ Nhialic.

9 Keek aa ræc rin wët adumuõm, rin këc kek ya gam,

10 rin wët ciæeŋ path ci ladië tənê Wä nyuõth, ku kë cii wek yen bi ben tın.

11 Ku keek aa rɛc rin luk, rin cī bēny pinynhom tēn lušk wēi.

12 “Yen ala kājuēc kōk ba lēk we, ku emēn aril yic bāk ke muk wenhūim.

13 Ku na bō Wēi Nhialic yen ē yic, ka bī we nyuāth wēl yith ēbēn. Yeen acī bī jam wēlke ē rot, ku kāk ye piŋ aabī lēk we.

14 Yeen aba leec, rin bī yen kēdiēn ba lueel lōom ku nyuth we.

15 Kāk Wā ēbēn aa kākkiē, ku ē yen acī yen ye lueel lōn bī Wēi kāk ba yiēk ye lōom, ku jəl ke lēk we.

Rēec pušu ku miet pušu

16 “Anjoot kaam thin nyoot, ku wek aacī ya bī tīŋ, ku na ben a kaam thin nyoot ke we abī yēn bēn tīŋ.”

17 Go kōc kōk kam kōcken ye buoath lueel, “Kēnē wētde yic yenō? Aye lēk yo, kaam thin-nyoot ke week aacī ya bī bēn tīŋ, ku ben a kaam thin-nyoot ku wek aabī ya tīŋ? Ku lueel aya, ‘Ee rin ler yen tēnē Wā.’ ”

18 Gokē thiēc, “Kam thin-nyoot kēnē wētde yic ako? Kē wic bī lueel akucku!”

19 Go Jethu ŋic lōn wic kek ye bīk thiēēc, ku lēk ke, “Aca lueel, ‘Kam thin nyoot ke wek aacī ya bī tīŋ, ku na ben a kaam dēt ke wek aabī ya tīŋ.’ Ye wēt kēnē yen yakē thiēc kamkun?”

20 Wēt yic alēk we, wek aabī dhiau ku dhušōrkē apēi, ku kōc pinynhom aabī puōth miet, ku wek aabī puōth rēēc, ku rēēc piāndun abī wēl tēnē we bī ya miet pušu.

21 Na thišk tik kek dhiēth ka rac pušu rin cī akōl reem ye yēēt, ku na cī meth jāl dhiēēth ka arēm wēn acī ben tak rin cī yen pušu miet, rin cī yen meth dhiēēth pinynhom.

22 Ku acit kēnē tēnē we aya, wek aa rɛc puōth emēn, ku wek aabā bēn tīŋ, ku wek aabī kueth miet ē pušu, kuat miet pušu cīn raan bī ye ben nyaai tēnē we.

23 “Na la akōl kēnē bēn ke wek aacī ya bī bēn thiēc kēdāŋ. Wēt yic alēk we, kēriēēc ēbēn bāk thiēc ē rienkiē abī Wā yiēk we.

24 Yet yakōl acin kē cāk thiēc ē rienkiē, thiēc kē ku abāk yōk, bī miet pušu dīt tēnē we.

25 “Kākkā aake ya lēk we waal, ku tē cī yen bī bēn jam waal acī thišk, ku yen abī ya jam tēnē we wēl la gei rin Wā.

26 Tē le akōl kēnē bēn, ke wek aabī Wā thiēc ē rienkiē. Ku acā bī lēk we lōn bī yen ya rōök ē rienkun tēnē Wā,

27 rin Wā anhiar we rin nhīēr wek ya, ku rin cī wek ye gam lōn yen a ya bō tēnē Nhialic.

28 Yen abō tēnē Wā ba bēn pinynhom, ku pinynhom aba pušl ku dhušk tēnē Wā.”

29 Go kōcken ye buoath lēk ye, “Tīŋ, yīn ajam gei emēn ke yī cī ben jam waal.

30 Acuk ŋic emēn lōn ŋic yīn kēriēēc ēbēn, ku yīn aacī tī bī yī thiēc, rin wēt kēnē acuk ŋic lōn bī yīn tēnē Nhialic.”

31 Go Jethu bēēr tēnē ke, “Cāk jāl gam emēn?”

32 Piēŋkē tēdāŋ abī bēn, ku acī thišk ayic, tē bī wek wēer bī ŋek ala panden, ku wek aabā nyāāŋ piŋy yatōk. Ku acie yen yatōk rot, rin Wā arēēr kek ya.

33 Wek aaca lēk kēnē rin bāk aa tōk kek yen, bāk dšōr yōk. Kōc pinynhom aabī we jōōr, ku dētkē wepuōth yen acī kārɛc pinynhom lēu!”

17

Jethu arōk rin kōcken ye buoath

1 Nawēn cī Jethu wēlkā thōl lueel, ke ŋēēr yenyin nhial ku lueel, “Wā, akōl acī yēēt. Yiēk lɛc Wēndu ku bī Wēndu yī yiēk lɛc.

2 Rin yīn acī bāāny yiēk ye kōc nhīm ēbēn, bī pīr akōlriēēc ca gām ye yiēk kōc ēbēn.

3 Ku pīr akōlriēēc akīn, bī kōc yī ŋic lōn yīn ē Nhialic la cōk, ku ŋickē Jethu raan cī lōc ku dōc wāar ca tušōc pinynhom.

4 Yen acī lɛcdu nyuōth pinynhom, ku luoi ca yiēk ya ba looi aca thāāp.

5 Wā, gām ya lɛcdu yīn hom tēn emēn, lɛc wāar rēēr kamkua yōk yī, wāthɛr ke piŋy kēc kak.

6 “Yīn aca nyuōth tēnē kōc ca yiēk ya pinynhom. Keek aake ye kacku, ku ē yīn acī ke gām ya, ku keek aacī wētdu gam.

7 Ke emēn anjickē lōn kēriēēc ēbēn ca yiēk ya abō tēnē yī.

8 Wā yen acī wēt ca lēk ya lēk ke, gokē gam, ku anjickē ayic yen lōn bū yen tēnē yī, ku acik gam lōn cī yīn ya tooc.

9 “Yen ē rōök ē rienken. Yen acie rōök rin kōc tō pinynhom, ee rin kōc ca yiēk ya rin ye kek kacku.

10 Kākkiē ēbēn aa kākku, ku lɛcdiē aye nyuōth keyiic.

11 Ku emēn yen abō tēnē yī, yen acī ben a raan rēēr pinynhom, ku keek aatō pinynhom. Wā dhēŋ, tit ke riel ē rienku, rin wāar ca yiēk ya, bīk aa tōk cimēn yok yo yī.

12 Wāar rēēr yen ke ke, aaca muk riel ē rienku, keek aaca ke tiit ku acin tōŋ cī mār kamken. Arēk ke raan wāar yen bī dhiel mār ē rot, rin bī wēt cī gōt athōr thɛr wēl Nhialic yenhom tīŋ.

13 Ku emēn yen abō tēnē yī, ku kākkā aa ya lueel ya ŋoot pinynhom bī miet piāndiē rēēr kepuōth ke dīt alanden.

14 Yen acī wēt lēk ke, go kōc pinynhom ke maan, rin cī kek ye kōc pinynhom tēn. Cimēn cī yen ye raan pinynhom tēn aya.

15 Yīn acā bī thiēc ba ke nyaai pinynhom, ku yīn aya thiēc ba ke tiit jōŋrac.

16 Keek aacie kōc piiny tēn cimēn cī yen raan piŋy tēn.

17 Mac ke wēt yic, rin wētdu ē yic.

¹⁸ Keek aca ke tuuoc pinyndhom cimën cï yin ya tuuoc pinyndhom.

¹⁹ Yen ë rot mac ë rienku, ku bik röt mac aya wët yic.

²⁰ “Yen acï rööc rienken röt, yen arööc aya rin koc bi gam rin piööcden.

²¹ Yen arööc rin bi kek aa tök. Wä, cöl ke aaye tök yoyiic cimën tš yin kek ya ku yen kek yi. Cöl ke aaye tök rin bi koc pinyndhom ye gam lön ci yin ya tooc.

²² Yen aci lec ca yiék ya, aca yiék ke bik aa tök cimën ye yok tök.

²³ Yen arëer keyiic cimën rëer yin yayic bik aa tök ebën, bi koc pinyndhom njic lön ci yin ya tooc, ku lön nhieer yin ke cimën nhieer yin ya.

²⁴ “Wä, keek aaca yiék ya, ku awiëc bik rëer tš rëer yen thün, bik lecdië tün, lec ca yiék ya, rin nhieer yin ya wäär këc piny guo cak.

²⁵ Wä raan la cök, koc pinyndhom aa kuc yi, ku yin anjic, ku köckä anjickë lön ci yin ya tooc.

²⁶ Yin aca nyuuoath tënë ke, ku aba njot luooi këya, rin bi nhierdu tënë ya tš keyiic, ku ba tšu keyiic aya.”

18

Jethu aci däm

(Mt 26:47-56; Mk 14:43-50; Lk 22:47-53)

¹ Tëwën cï Jethu rööc këya, ke jiël kek köcken ye buoath ku teem wär cöl Kidron. Ku gör ë tš thün tšënë, go Jethu la thün kek köcken ye buoath.

² Ku Judath raan goony ye ë njic tš cï yen la thün, rin cï Jethu kanj röm thün kek köcken ye buoath arak juëc.

³ Go Judath la gör yic kek akut apuruuk, ku koc kök luaj Nhialic tiit, cï koc käk Nhialic ku koc akut Parathü tuuoc thün. Keek aake muk tsoj ku mermer,

⁴ ku Jethu ë njic këriëc ebën bi rot looi tënë ye, go ke lor nhüm ku thiëc ke, “Yenja wiëckë?”

⁵ Gokë bëer, “Ee Jethu raan Nadharet.” Go lueel, “Ee yen.” Ku Judath, raan goony ye ë tš thün ke ke.

⁶ Kaam wën lëk Jethu ye ke, “Ee yen,” Ke rin ciëen keköth ku wiikkë piny.

⁷ Go Jethu ke ben thiëc, “Yenja wiëckë?” Gokë lueel, “Ee Jethu raan Nadharet.”

⁸ Go Jethu lueel, “Aca lëk we wenthëer lön ye yen ya. Na wiëckë ya, ke we päl köckä bik jäl.”

⁹ Yeen aci jam këlä bi wët cï kanj lueel ëlä rot tiënj tädë, “Wä, na cök a raan tökalinj kam koc ca yiék ya, ka këc muor.”

¹⁰ Ku Thaimon Piter ë muk pal. Go miëet bei ku tök alony raandit käk Nhialic ku teem yinynden cuëc wei. Ku alony ë cöl Malko.

¹¹ Go Jethu lëk Piter, “Dhuuk paldu jokgode yic. Ye tak lön ci yen areem ci Wä yiék ya bi guum.”

Jethu aci yäth Anath nom

¹² Go akut apuruuk kek bänyden ku koc Itharel ke tit, Jethu däm ku derkë,

¹³ ku könjë yäth tënë Anath. Ku Anath ë ye wun tünj Kaipa, raandit käk Nhialic ye ruöön këne.

¹⁴ Ee Kaipa yen ëci ye kanj lëk koc Itharel lön njüen yen bi raan tök thou rin koc.

Piter ajei Jethu

(Mt 26:69-70; Mk 14:66-68; Lk 22:55-57)

¹⁵ Go Thaimon Piter kek raan dët Jethu buoath, ku raan Jethu buoath këne ë njic raandit käk Nhialic guöp apei, go la kal pan raandit käk Nhialic yic kek Jethu.

¹⁶ Ku döj Piter ayeer kal thok. Go atuny wën njic kek raandit käk Nhialic dhuk ayeer, ku jicem kek nyen tit kal thok, ku bi Piter alonjthün.

¹⁷ Go nyen tit kal thok Piter thiëc, “Cï ye raan tök kam koc mony këne buoath?” Go Piter bëer, “Yei, yen acie raande.”

¹⁸ Ku wiir ë tš thün, go aloony ku koc tit many cool took, ku këckë many wën lööm bik yöc. Go Piter la ku këc ke ke bi yöc aya.

Jethu aluk raandit käk Nhialic nom

(Mt 26:59-66; Mk 14:55-64; Lk 22:66-71)

¹⁹ Go raandit käk Nhialic Jethu thiëc rin wët köcken ye buoath, ku rin wët piööcde.

²⁰ Go Jethu bëer, “Yen ë cool jam aköläköl tënë raan ebën koc nhüm, ku piööcdië ebën aya looi tën amat ku luaj Nhialic tš ye koc Itharel guëer thün. Ku yen acin kë ca kanj lueel ke muoony.

²¹ Ku yenjö thiëc yin ya? Thiëc koc cï wëlkië pinj. Thiëc ke wël ca lëk ke, rin aa njic wël ca lueel.”

²² Tëwën cï Jethu jam këlä, go raan tök kam koc tit ke kääc thün buöc nyin ku lueel, “Cï riöc ba jam këlä tënë raandit käk Nhialic?”

²³ Go Jethu bëer tënë ye, “Na ca kuöc jam, ke lëk koc tš cï yen kuöc jicem thün. Ku na ye yic yen ca lueel, ke yenjö mej yin ya?”

²⁴ Go Anath tuuoc tënë Kaipa raandit käk Nhialic, ke njot der cin.

Piter aci Jethu ben jai

(Mt 26:71-75; Mk 14:69-72; Lk 22:58-62)

²⁵ Piter ë njot kääc tšwën ke yöc mac. Go koc köc lueel tënë ye, “Cï ye raan tök kam abiöth ë mony këne?” Go Piter jai ku lueel, “Yei, yen acie raande.”

²⁶ Go muony tök kam aloony raandit käk Nhialic, ruäai kek raan wën cï Piter tök yic wei, jam ku thiëc, “Këc yi tünj kek ye gör yic?”

²⁷ Go Piter ben jai, ku kiu thön ajith nyin yic.

*Koc Itharel aaci Jethu gaany tēnē Pilato
(Mt 27:1-2, 11-14; Mk 15:1-5; Lk 23:1-5)*

²⁸ Gokē Jethu thēl wei pan Kaipa ku yēthkē pan bēnydīt Roma, Pilato. Ku piny ē ye nhiāknhīāk dur yic. Go koc Itharel cūi la alonhthn pan bēnydīt, ku bīk rōt tiit ajuēc rin cī yai thišk, ku bīk miēth Yan Ayum cīn yic luou cam.

²⁹ Go Pilato la ayeer tēnē ke ku thiēc ke, “Ye awūc nō cāk yōk ye mony kēnē guōp?”

³⁰ Gokē bēēr, “Na cīn awuōc cī looi njuōt akēcku bēēi tēnē yī.”

³¹ Go Pilato lēk ke, “Week gup lōmkē ku luoi kē luk kē cīt lōh ciēn pandun.”

Go koc Itharel bēēr, “Akēc puōl tēnē yo buk raan tēm thou.”

³² Kēnē aci rot looi bī wēt cī Jethu lueel rot tiēn tēde, wēn lueel yen kuat thon bī yen thou.

³³ Go Pilato dhuk kal yic ku cōl Jethu ku thiēc, “Ye yīn Bēnyñaknom koc Itharel?”

³⁴ Go Jethu bēēr, “Wēt kēnē ye wētdu aye koc kōk kek cī ye lēk yī ē rienkiē?”

³⁵ Go Pilato bēēr, “Ye tak lōn ye yen raan Itharel? Aa kacku guōp kek kocken dīt kāk Nhialic, kek aa bī yī tēnē ya. Yenō ca looi?”

³⁶ Go Jethu bēēr, “Bāānydiē acie bāāny pinynhom. Na bāānydiē ye kēn pinynhom, njuōt kackiē aaci thōr bī yen cūi tēū koc Itharel cīn. Acie kēya, bāānydiē acie kēn pinynhom tēn.”

³⁷ Go Pilato bēn thiēc, “Yīin, ye bēnyñaknom?” Go Jethu bēēr, “Aye lueel lōn ye yen bēnyñaknom. Yen aci dhiēth ku yen aci bēn pinynhom rin wēt tōh kēnē, ba jam wēt yic. Ku kuat raan cī yic nīc ē wētdiē piñ.”

³⁸ Go Pilato thiēc, “Ku yic ye kēn nō?” Ku bēn dhuk ayeer tēnē koc Itharel ku lēk ke, “Acīn awuōc ca lēu ba yōk yeguōp bī ye luōk wei.

³⁹ Ku yeen ē wēt piāndun ba raan tōh cī mac lony rin Yan Ayum cīn yic luou. Wiēckē ba Bēnyñaknom koc Itharel luōny we?”

⁴⁰ Gokē dhuōk ye ke loī kiēu, “Acie kēya! Acie yen wīku. Barabath yen awīcku.” Ku Barabath ē ye cuār koc rum.

19

Jethu aci tēm thou

(Mt 27:15-31; Mk 15:6-20; Lk 23:13-25)

¹ Go Pilato Jethu dōm ku cōl athāt.

² Ku jōl apuruuk kēr thii tim la kuōth riic yiic ku nēk kek yēnhom, ku tēūkē alanh mathiān yekōu,

³ ku bīkkē tēnē ye ku luelkē, “Madho, Bēnyñaknom, Bēny koc Itharel,” ku mankē nyin.

⁴ Go Pilato bēn dhuk ayeer ku lēk koc wēn cī kenhūm kut, “Yeen aba thēl ayeer tēnē we

tēnē, ku bāk tīr lōn cīn yen tē bī yen awuōc yōk yeguōp ba luōk wei.”

⁵ Kēya, go Jethu bēn ayeer ke ceñ nāknak cī looi kuōth ku alanh mathiān yekōu. Ku lueel Pilato tēnē ke, “Yen kīn, yen raan!”

⁶ Nawēn tīnkē, ke koc kāk Nhialic ku koc tīt kiu ku luelkē, “Piāat tim cī rīū kōu.” Go Pilato lēk ke, “Damkē kek we bāk piāat tim cī rīū kōu, yen akēc awuōc yōk yeguōp.”

⁷ Gokē wēt dhuk, “Yok aa la lōh ciēn da ye lueel lōn dhil ye nōk, rin aci lueel lōn ye yen Wēn Nhialic.”

⁸ Nawēn piñ Pilato wēt kēnē, ke riōc apeī.

⁹ Ku dhuk kal yic ku thiēc Jethu, “Yīin bāār tēnē?” Go Jethu biēt ku cūi bēēr thok acīn.

¹⁰ Go Pilato lēk ye, “Cūi wīc ba jam kek ya? Tak yīnhom lōn nadē ke yen ala riel ba yī puōl, ku yen ala riel aya ba yī cōl apiēēt tim cī rīū kōu.”

¹¹ Go Jethu bēēr, “Yīn ala riel tēnē ya rin cī Nhialic ye yiēk yī, ke ē yen ale raan cā tāūu yīcīn guōp awuōc rac apeī.”

¹² Nawēn piñ Pilato wēlkā, ke wīc apeī bī dhēl yōk bī yen Jethu puōl. Go koc Itharel kiu tēnē ye ku luelkē, “Tē lony yīn ye ka ye nyooth lōn cūi yīn māāth kek Bēnyñaknom. Kuat raan rot looi bī ya bēnyñaknom, ee raan ater Bēnydan nāknhom.”

¹³ Nawēn piñ Pilato ē wēlkā, ke thēl Jethu ayeer ku nyuuc thōny luk tō laar cōl, “Piny cī guīr kuōr,” Ku ē cōl Gabata thoñ koc Itharel.

¹⁴ Ku akōl kēnē yen akōl guīr koc rōt rin Yan Ayum cīn yic luou. Nawēn tēcīt akōl ciel yic, ke lēk Pilato koc Itharel, “Bēnydun nāknhom akīn!”

¹⁵ Gokē kiu tēnē ye, “Nāk! Nāk! Piāat tim cī rīū kōu!” Go Pilato ke thiēc, “Wiēckē ba Bēnydun nāknhom piāat tim cī rīū kōu?”

Go koc kāk Nhialic bēēr, “Bānyda ē tōk, ee bēnyñaknom Roma!”

¹⁶ Go Pilato ke yiēk Jethu bīk la piāat tim cī rīū kōu.

Jethu aci piāat tim cī rīū kōu

(Mt 27:32-44; Mk 15:21-32; Lk 23:26-43)

Gokē Jethu dōm.

¹⁷ Ku ler ayeer ke ket timden cī rīū, ke jiēl geeu bī la tē cōl Golgotha. (Ku wētde yic, gon la guēñ-ñēñ cīt apen nhom raan.)

¹⁸ Ku jōlkē piāat tim cī rīū kōu. Ku piētkē koc karou aya tiim cī rīū kōth, raan tōk lōñ cuēc ku raan dēt lōñ cam. Ku Jethu ciel kamken.

¹⁹ Go Pilato awuōc gōt bī tāūu tim cī rīū nhom. Ku kēn cī gōt akīn, “JETHU RAAN NADHARET, BĒNYÑAKNOM ITHAREL.”

²⁰ Ku koc juēc aake cī kēnē kueen, rin tēn cī Jethu piāat tim cī rīū kōu thīn, acīi mec ke gēu. Ku wēt ēcī gōt thoñ koc Itharel ku thoñ koc Roma ku thoñ Gīrk.

²¹ Go kəcdit kək Nhalic Itharel lək Pilato, “Duk ye gət, ‘Bənyəknhom kəc Itharel,’ anjəən ba gət, ‘Acı mony kənə lueel, yən ɛ bənyəknhom kəc Itharel.’”

²² Go Pilato bɛɛr, “Kə ca gət arɛɛr ke ca gət.”
²³ Nawən cı apuruuk Jethu piäät tim cı rııu kəu, ke ləm aläthke ku tekkə keyiic ŋuan, aban tək tənə apurušk tək. Ku lömkə alanh kəu aya cı kəc kədiət tək, jək yeyeth yet piny.

²⁴ Ku luelkə kamken, “Dukku tem kəu, cuetku gek buk tıŋ bi lööny tənə ŋa.” Kənə acı rot looi bi wət cı gət athör theer wəl Nhalic yic rot tiɛɛŋ tɛde,
 “Keek aacı aläthkiɛ tek kamken, ku cuetkə gek rin alanhdien kəu.”

Kənə yen acı apuruuk looi ayic.
²⁵ Ku tɛthišk kek tim cı rııu Jethu, diäär aake kääc thın, man ku nyankən ɛ man, Maria tıŋ Klopəth ku Maria Magdalena.

²⁶ Nawən tıŋ Jethu man ku raan ye buəəth nhiɛr ke kääc aya ɛ tɛɛn, ke lək man, “Tik manhdu akın.”

²⁷ Ku ben lək raan ye buəəth wən, “Moor akın.” Ku yaköl guşp ke wic raan ye buəəth awən piny paande.

Jethu acı thou ayic

²⁸ Nawən ŋic Jethu lən cı kəriɛɛc ɛbən thääp, ke lueel bi wət cı gət athör theer wəl Nhalic yic rot tiɛɛŋ, “Yən anək rou.”

²⁹ Ku tony cı thiäŋ muşn wac ɛ tɔ thın, gokə alath lušt məu yic, ku tɛɛukə wai thok, ku yəkkə yethok.

³⁰ Nawən cı Jethu muşn wac jooc ke lueel, “Wət acı thääp.” Ku gut yenhom piny ku thou.

Jethu acı gut puşu

³¹ Go kəc Itharel Pilato thiɛɛc bi ke puşl bik kəc cı piäät tiim cı rııu kəth dhoŋ kuşl, ku nyɛɛikə guäpken tiim cı rııu kəth. Ku ɛ loikə kələ rin ye yen aköl niən Dhiɛc, ku acik ye wic bi guäpken rɛɛr tiim cı rııu kəth aköl niən Dätem, rin yen aköl yandit apɛl.

³² Go apuruuk la ku dhoŋkə kuşl raan tək ku kuşl raan dɛt, ɛ kəc cı piäät tiim cı rııu kəth kek Jethu.

³³ Nawən bikkə tənə Jethu, ke tıŋkə lən cı yen thou ku cik ben dhoŋ kuşl.

³⁴ Go apuruşŋ tək Jethu gut puşu təŋ, go riem ku piı kuɛr nyin yic.

³⁵ Ku raan cı kənə tıŋ acı lueel rin bi wek ye gam aya. Wət cı lueel ɛ yic, ku yeen anjic lən ye yen wət yic yen lueel.

³⁶ Kənə acı rot looi bi wət cı gət athör theer wəl Nhalic yic rot tiɛɛŋ, “Acin yuəəmden bi dhoŋ.”

³⁷ Ku ben lueel tɛdɛt athör yic ɛlä, “Ku aabi daai raan yen cik gut.”

Jethu acı thišk

³⁸ Nawən ɛ kənə cök ciɛən, ke Jothep raan gen Arimatheo bə tənə Pilato ku thiɛɛc bi guşp Jethu nyaai. (Jothep ɛ ye raan Jethu buəəth cı gam, ku aye moony rin rişşc yen bəny Itharel.) Go Pilato lək ye lən cı guşp puşl tənə ye. Go Jothep la ku le nyaai.

³⁹ Go Nikodemo, raan wäär cı kan la tənə Jethu wakşu, rot mät Jothep ku ɛ muk miök ŋir cəl mira cı liäap wäl dɛt cəl aloe.

⁴⁰ Go röör wən karou guşp Jethu lööm ku derkə kəu alath ke cı wäl ŋir tääu thın, rin kənə yen ɛ tɛ ye kəc Itharel guiɛr guşp raan cı thou bi jal thišk.

⁴¹ Ku tɛwən cı Jethu nşk thın gör ɛ tɔ thın, ku ran yam ɛ tɔ gör yic, ku ɛ cın raan cı kan thišk thın.

⁴² Ku rin bi yen aköl yan kəc Itharel nhiäk, ku rin thišk ran aya, gokə guşp Jethu tşşu thın.

20

Ran acı yic lääu

¹ Riel yic aköl Nhalic ke piny ŋot la durdur, ke Maria Magdalena la ran nhom, go alɛl tıŋ ke cı nyaai ran thok.

² Go riŋ tənə Thaimon Piter, ku tənə raan dɛt Jethu buəəth nhiɛr Jethu, ku lək ke, “Kəc aacı Bəny nyaai ran yic ku akucku tɛ cı kek ye tääu thın.”

³ Go Piter ku raan Jethu buəəth dɛt wən lööny dhöl, ku lekkə ran nhom.

⁴ Ku keek aake la ke kat kedhie, go raan Jethu buəəth dɛt wən kat apɛl tənə Piter, ku ye yen kəŋ yet ran nhom.

⁵ Go guŋ ku tıŋ alanh wäär cı Jethu der, ku akɛc la aləŋthın.

⁶ Go Thaimon Piter guə bən ku ler ran yic. Go aləth tıŋ ke rɛɛr piiny,

⁷ ku alanh cı Jethu kum nhom ɛcı rɛɛr kek aləth kək, ɛcı mat yic tɛde rot.

⁸ Go raan Jethu buəəth dɛt wən cı kan yet ran nhom jal la aləŋthın, ku gem.

⁹ (Ku keek aake ŋot ke kəc wət athör theer wəl Nhalic deet yic, athör ye lueel lən bi yen rot dhiel jət thou yic.)

¹⁰ Go kəc ye buəəth jal dhuk bei.

Jethu acı rot nyušt Maria Magdalena

¹¹ Kaam wən Maria ɛ kääc ayɛer tɛthiääk kek ran ke dhiau. Ku tɛwən ŋot dhiɛu yen ke guşŋ ku luiti ran yic,

¹² Ku tıŋ atuuc nhal cı ruk aləth yer karou, ke rɛɛr tɛwäär cı guşp Jethu tşşu thın, tək tɛ la yenhom ku dɛt tɛ la yecök.

¹³ Gokə thiɛɛc, “Tik, ye rin ŋö dhiɛu yin?” Go lueel, “Keek aacı Bənydiɛ nyaai, ku akuc cı kek ye tääu thın.”

14 Kaam wën lueel yen kënë, ku jol wel yenyin ke tñj Jethu ke kääc yelšööm, ku akëc njic lön ë yen Jethu.

15 Go Jethu thiëc, “Tik, ye rin nõ dhiëcu yin? Yeña wïc?” Go tak lön ë yen raan lui dom yic, ku lëk ye, “Bëny, na ye yin ci ye nyaai, ke lëk ya tẽ ci yin ye tšöu thün, ku yen abi la ba la lööm.”

16 Go Jethu lëk ye, “Maria.” Go yenhom wël ye ku lueel thoñ kóc Itharel, “Rabuni,” ku wëtde yic, “Raan piöoc.”

17 Go Jethu lëk ye, “Duk ya gõt rin yen nõt ya kéc yet nhial tënë Wä. Ku yün lör tënë wämäthkië ku lëk ke, ‘Yen adhuk ciëen tënë ye, yen ë Wä, ku ye Wuurdun, Nhialicdië ku ye Nhialicdun.’”

18 Go Maria Magdalena jäl ku le lëk kóc ye buoath lön ci yen Bëny tñj, ku lëk ke wël ci Jethu lëk ye.

Jethu aci rot nyuöth kocken ye buoath

19 Naçon thëi ya aköl Nhialic wën, ke kóc ye buoath aake ci röt mat yon ci riit thok, rin rišc kek bány Itharel. Go Jethu bën ku këc kamken ku lueel, “Bĩ döör rëer kek we.”

20 Wën ci yen jam kälä, ke nyuth ke yecin ku yelšm. Go kóc ye buoath pušth miët apei wën tñj kek Bëny.

21 Ku ben Jethu lëk ke, “Bĩ döör rëer kek we, cimën ci Wä ya tooc, ke wek aa ba tooc aya.”

22 Wën ci yen jam kälä, ke jol wëei kenhüm ku lueel, “Lšmkë Wëi Nhialic.

23 Na pälkë adumušm kóc piny, ka pël piny, na cäk ke pël piny, ka cii pël piny.”

Jethu ku Thomath

24 Ku Thomath, cöl Acueek, raan tók kam kóc kathiaär ku rou ye buoath, ee liu thün wën bii Jethu.

25 Go abiöth kók lëk ye, “Bányda acuk tñj.”

Go Thomath lëk ke, “Na cie tëtöök wäär ci ye piäat kek tiñj yecin, ku tääu yacin ë tëtöökä yiic, ku tääu yacin yeyou aya, ka cä kón gam.”

26 Nawën nin kabët cök, ka abiöth aake ci röt ben mat yöt ku Thomath ë rëer thün ke ke, ku yöt ëci riit thok. Go Jethu bën kšc kamken ku lueel, “Bĩ döör rëer kek we.”

27 Ku jol lëk Thomath, “Tääu yicin tën, ku tñj cienkië ku jöt yikök ba yicin tääu yeyou. Päi kënë yin kån dhäl yiic, ku gam!”

28 Go Thomath bëer, “Bánydië ku Nhialicdië.”

29 Go Jethu lëk ye, “Ca gam rin ci yin ya tñj? Ye këpuoth bi yiëndë tënë kóc bi gam ke kéc ya tñj!”

Wët wïc athör kënë bi nyuöth kóc

30 Jethu aci kädit jän gši looi kocken ye buoath nhüm, ku keek aa kéc gõt athör kënë yic.

31 Ku käckä aaci gõt rin bäk gam lön ye Jethu Wën Nhialic ci lóc, ku bäk pür yök ë rienke tẽ ci wek gam.

21

Jethu aci rot nyuöth kóc ye buoath kadhorou

1 Nawën ë käckä cök ciëen ke Jethu ben rot nyuöth kocken ye buoath wär Tiberia you. Ku tẽ ci luši ye akün.

2 Thaimon Piter kek Thomath (cöl Acueek), ku Nathaniel (raan Kana pan Galilia), ku wëët Dhubedi, ku kóc kók karou Jethu buoath, aake rëer tëtök ëbën.

3 Go Thaimon Piter lëk kóc wën, “Yen ala mei.”

Gokë lëk ye, “Yök aabi cath kek yi.” Gokë la ku lek riäi yic, ku acin kë cik dom ë wëer kënë yic ëbën.

4 Tëwën bii aköl nyin, ke Jethu ë kääc wär you, ku akëc kocken ye buoath njic lön ë yen Jethu.

5 Go lëk ke, “Riënythii, cün kë cäk dom?” Goke bëer, “Acin këdäj.”

6 Go lëk ke, “Cuatkë buoi lön cuëny riäi, ku kån aa bäk dom thün.” Gokë buoi cuat ku göök ke bik miit rin juëc rec apei.

7 Go raan Jethu buoath nhieer Jethu lëk Piter, “Kën ë Bëny.” Nawën piñ Thaimon Piter lön ye yen Bëny, ke ruk alanhde yekšü (rin ci yen aläthke däk bei ëbën) ku thuëet wïir.

8 Go abiöth kók lëk bën ke cath riäi, ke thel buoi ke ci thiäj rec. Ku keek aake cii mec apei kek agör, aake cit akäath bian tók.

9 Nawën keëckë piny ke tñj many ë miim ke dëp ku rec ke ci tääu meëc kek ayup.

10 Go Jethu lëk ke, “Bëikë rec abëk rec awën cäk dom.”

11 Go Thaimon Piter la riäi yic ku miit buoi wär thok ke ci thiäj rec diit, ku rec ëbën aa buoat ku thiärthiëc ku diäk. Tëwën cök rec juëc kälä, buoi akëc yic reet.

12 Go Jethu lëk ke, “Bäk, miëthkë.” Ku acin raan tók kam kóc ye buoath ci ye cak thiëc, “Ye yin ña?” Rin njic kek ye lön ye yen Bëny.

13 Go Jethu rot cuat ku lööm ayup ku yik ke ku ben looi këya kek rec.

14 Kälä, Jethu aci rot nyuöth kóc ye buoath kën yen yic diäk, tëwën ci yen rot jöt kam kóc ci thou.

Jethu ku Piter

15 Wën ci kek miith ke lëk Jethu Piter, “Thaimon wën Joon, nhiar ya apei tën tẽ nhieer kockä ya?”

Go bëer, “Ee këya Bëny, anjic lön nhieer yen yi.”

Go Jethu lëk ye, “Bišök amälkië apath.”

¹⁶ Ku ben Jethu lək ye, “Thaimon, wën Joon nhiaŕ ƣa apei?”

Go bëër, “Ee këya Bëny anjic lön nhieër ƣen yi.”

Go Jethu lək ye, “Biöök amälkië apath.”

¹⁷ Ku ben Jethu thiëëc arak dët ye kek diäk, “Thaimon, wën Joon nhiaŕ ƣa?”

Go Pïter puöu dak rin ci Jethu ye thiëëc arak dët ye kek diäk, “Nhiaŕ ƣa?” Ku lək ye, “Bëny, yin anjic këriëëc ëbën, ku yin anjic lön nhieër ƣen yi.”

Go Jethu lək ye, “Biöök amälkië apath,

¹⁸ Wët yic alək yi, wäär not ye yin riënythii ke yin ye rot guuir ku lör tē wic piändu, ku tē bi yin dhiop ke yin abi yicin ƣaak tueŕ, ku raan dët abi der ku thel yi tē ci wic ba la thün.”

¹⁹ Käkikä aaci Jethu lueel bi nyuöth Pïter tē bi yen thou thün, ku bi koc cal aaye Nhialic leec thün. Ku jol Jethu lək ye, “Buöth ƣa.”

Jethu ku raan dët ye buöth

²⁰ Go Pïter yenhom wel ku tñŕ raan dët ye buöth nhieër Jethu ke buöth ke, raan wäär thiääk kek Jethu wäär mïth kek, ci Jethu bën thiëëc ëlä, “Bëny, yeŕa bi yi la gaany?”

²¹ Wën tñŕ Pïter ye, ke lək Jethu, “Bëny, na raan dëtë, bi yiëndë?”

²² Go Jethu bëër, tënë ye, “Na wiëc bi pïr ƣet aköl bi ƣen bën, ke yeŕö tënë yi? Yün ëmën buöth ƣa.”

²³ Go wët thiëi piny kam koc buöth Jethu lön raan Jethu buöth kënë acii bi thou. Ku akëc Jethu lueel lön ci yen bi thou. Acii lueel, “Na wiëc bi pïr ƣet aköl bi ƣen bën ke yeŕö tënë yi?”

²⁴ Raan kënë yen ë raan Jethu buöth jam käk ci tñŕ, ku yen ë gät ke aya, ku anjic lön wët ci lueel ë wët yic.

²⁵ Ëmën käjuëc kök aatö thün, käk ci Jethu looi. Na ke ci gät piny ëbën, tök ku tök, ke ƣen aya thöŕŕ lön piny ëbën acii lëu bi athör gät jot.

Luoi Atuuc Jethu Wēt nom

Luoi Atuuc Jethu, athör buoth athör Wël Jethu cī Luka gēt. Wēt ril yen gēt Luka athör kēnē, ee lön bī nyuwoth tē cī Wēi Nhalic kōc ke kōn Jethu buōth kuany thīn, ku bīk Wēt Puōth Yam rienke thiāi piny Jeruthalem ku Judia yic ēbēn, ku Thamarīa ku jōl a pinynhom ēbēn aya. (1-8) Yeen, anyikōl ē cāth kōc cī gam, cimēn wāār jōok yen rōt kam kōc Itharel agut tē bī yen jāl a gam tēnē kōc pinynhom ēbēn. Ee wīc raan gāt athör bī kōc ye kueen nīc ku detkē yic aya, lön kōc cī gam aacie kōc ke man kōc Roma mac baai, ku lön nadē, gam kōc cī gam ē tē ye kōc Itharel yanhden thēk thīn yen ē jōl thāāp.

Alēu bī luoi Atuuc Jethu tek yic ē diāk, ku bī nyooth tē cī Wēt Puōth Yam ye lueel rin Jethu thiāi piny thīn, ku jōk akuut kōc cī gam kecōk. Luoi Atuuc aci tek yic kēlā, (1) Cāth kōc cī gam, jōok Jeruthalem la nhial Jethu cōk ciēn, (2) Wēt Puōth Yam aci yet wuōt kōk yiic pan Palethtinia, (3) Ku ler tuen aya lōn wārdīt Adēkdīeet agut bī yet Roma.

Kēdīt cī tic Luoi Atuuc Jethu yic, ee luoi Wēi Nhalic cī bēn kek riel kōc cī gam gup Jeruthalem akōl Yan Ayum cīn yic luōu, ku ler tuen ke tiit ke. Ku yīk akut kōc cī gam kek kōcken dīt riel, kājuēc cī rōt looi yiic cī lueel athör yic. Wēt kōc cī gam tuen aci gēt kāk cī lēk kōc yiic, ku kāk cī rōt looi cī gēt athör Luoi Atuuc Jethu yic, aa riel ē wēt kēnē nyuwoth pīr kōc cī gam yic, ku jōl amēt ē rōt akut kōc cī gam yic aya.

Kāk tō thīn

Guēr kōc nīc kāk cī rōt looi 1:1-26

Lōn cī Jethu lueel ciēn ku athōnde 1:1-14

Raan cī kuany nyin Judath 1:15-26

Kē cī nyooth Jeruthalem 2:1-8:3

Kē cī nyooth Judia ku Thamarīa 8:4-12:25

Luoi Paulo 13:1-28:31

Atuc tuen 13:1-14:28

Amat nom gen Jeruthalem 15:1-35

Atuc ē rōu 15:36-18:22

Atuc ē diāk 18:23-21:16

Paulo aci mac Jeruthalem ku Cetharia ku Roma 21:17-28:31

1-2 Tēnē Thiōpiluth athōrdiēn tuen yic, yen aci gēt kāk cī Jethu looi, ku kāk cī piōc tēwāār jōok yen luōide cōk, agut akōl jōt ye nhial. Tēwēn kēc Jethu guo yāth nhial, ēci wēt than piny ē riel cī Wēi Nhalic yiēk ye, tēnē kōc cī lōc bīk atuōōcke.

³ Nīn thiārnuan thuōnde cōk ciēn, Jethu ēci rōt nyuwoth arak juēc tēnē atuōōcke, ku bīk nīc, ke cīn diu, lön nadē ke yeen aņot pīr. Yeen ēci atuōōcke tīn ku jīeem ke ke kāk bāāny Nhalic.

⁴ Ku nawēn cā atuōōcke kenhīim mat tētōk, ke thōn ēlā, “Duōkkē jīel Jeruthalem. Tietkē Wēi Nhalic cī Wā thōn bī tuōc we, wāār ca lēk we.

⁵ Joon aci kōc muōoc nhīim ē pīu, ku nīn lik, Wēi Nhalic bī we muōoc nhīim abī tuōc we.”

Jethu aci yāth nhial

⁶ Nawēn cī Jethu rōm kek atuōōcke, ke thiēckē, “Bēny, ba kōc Itharel cōl aa ben mac ēmēn?”

⁷ Go Jethu bēer ēlā, “Akōl le yen kē bī looi, ku kāk bī looi, aaye Wā guir rielde, ku acīn kēdun thīn bāk nīc ye nen bī kek rōt looi.

⁸ Ku na la Wēi Nhalic bēn, ka bī we yiēk riel, ku wek aabi jam rienkiē Jeruthalem ku Judia, ku Thamarīa, ku jōl a pinynhom ēbēn.”

⁹ Wēn cī yen jam kēya, ke jōt nhial, ku ē dēci kek, ku kum luāt bīk cī ben tīn.

¹⁰ Ku jōlkē līth ke dōt nhial, ku Jethu ke jīel. Tēēn nyin yic ke rōōr karou cī ruk alēth yer bō, ku kēēckē atuuc lōm,

¹¹ ku luelkē, “Kōc Galilia, yenō ye wek kōōc ke we dōt nhial? Yen Jethu, cī nyaai tēnē we ku yēth nhial, abī la dhuk tēcīt tē cī wek ye tīn thīn ke la nhial.”

Mathayo aci kuany nyin Judath

¹² Kaam wēn, ka atuuc Jethu jīel gon Olip nom thiāak kek geu ke cīt kilomīter tōk, ku dhukkē geeu Jeruthalem.

¹³ Keek aaci jāl yet geeu ku lek yōn yen ciēn kek thīn. Atuuc Jethu, aake yī Pīter ku Joon, ku Jemith ku Andria, ku Pilipo, ku Thomath, ku Bartholomeo, ku Matheo, ku Jemith wēn Alpawuth, ku Thaimon, raan man kōc thāi bīk panden mac, ku jōl a Judath wēn Jemith.

¹⁴ Keek aake ye lac rōm ku rōōkkē ke ya akut, kek diāār kōk ku Maria man Jethu ku wāmāthakēn.

¹⁵ Nīn lik cōk, ke kōc cī gam cīt raan buōt ku thiār-rou ēbēn, aake cī kenhīim mat. Go Pīter rōt jōt ku jīeem,

¹⁶ “Wāmāthkiē, wēt cī gēt athör Wël Nhalic yic abī rōt dhīel tīeņ. Wēi Nhalic ēci wēt lēk Debit kē bī rōt looi akōldā tēnē Judath, raan bī Jethu nyuōth kōc dōm ye.

¹⁷ Judath ē ye raan akuōtda, ku yeen ēci Jethu kuany bī la aban luoi bī looi luōide yic.”

¹⁸⁻¹⁹ (Wēēu cī Judath riōp luoi rec cī looi, aaci yen ke dom yōoc, dom yen reet yen yeyic thīn ku thou. Kēnē, aaci kōc ke ciēn Jeruthalem piņ ēbēn, ku jōlkē dom kēnē aa

cəɫ thuəŋden, rin cəl Akeldama, ku wətdə yic “Ee Dom Riəm.”)

²⁰ “Ku aci gət athör Waak Nhialic yic əlä, ‘Bī yōnde yic ciən kē tš thīn, ku cīn raan ciəŋ thīn.’

“Ku əcī gət aya kələ,
‘Bī raan dēt nyiende löök yic lusi yic.’

²¹⁻²² “Kəya, raan adhīl rot māt ʔo, ku bī ŋic cīmēnda lən cī Jethu Bānyda rot ʔot raŋ yic. Raan buk māt ʔoyiic adhīl a raan tōŋ akuštāda. Ku ē raan ŋic kəŋ tēyən ʔəək Joon luəiden mišc nhom cök, ku ʔəl a tēwäär ye ʔok cath kek Jethu agut aköl ʔiəl yen tənē ʔo bī ʔəth nhial.”

²³ Ku ʔəlkē kəc karou gut rin, Jothep ku ē ŋic aya ke cəl Barthabath (ē cəl Juthtuth aya), ku Mathayo.

²⁴ Ku röökkē əlä, “Bəny, yīn aŋic kē tš raan əbən pušu, kəya, nyušt ʔo raan tōŋ nhīar kamken karou,

²⁵ ku bī luui ke ya atuuc nyin Judath wäär cī nyāāŋ piny, ku ler tənē yen ye tēde.”

²⁶ Ku ʔəlkē cuet gek, ku bīk raan tək kuany kam ē kockä karou. Ku raan yen cīk bən lac ē ye Mathayo, ku ʔəl met akut atuuc kathiäär ku tək yic.

2

Bən Wēi Nhialic

¹ Na la aköl Yan Ayum cīn yic luəu bən, ka atuuc Jethu kuut kenhīm ʔōn tək.

² Kam wən ke pək wei aršöl dēt piŋkē nhial, ku yen aršöl kənē ē cit aršöl yomdīt ril. Ku ʔəl aršöl ʔōn awən rēer kek thīn thišŋ yic.

³ Ku tiŋkē lək mac cīt liep ke tek rot piny, ku raan tək kamken ē ye kē cit liem mac nyuc yenhom.

⁴ Keek əbən, aake cī Wēi Nhialic lööny kegup ku ʔiicmkē thok kək, rin cī Wēi Nhialic ke ʔiək riel ku bīk jam thok kək cie thuokken.

⁵ Kəc ʔuəc Itharel ke ciəŋ wušt kək yiic pinyhom, kəc ke ye Nhialic door aake rēer Jeruthalem ē nīnkä.

⁶ Wən cī kek aršöl piŋ, ʔo kəc ʔuəc röt kušt. Kəc ke cī röt kušt aake cī gāi, kē ye atuuc Jethu jam thuokken.

⁷ Wən cī kek gāi apeidīt gokē jam ke cī keröt ʔot apeī, “Keek kəc jam kələ aa kəc Galilia!

⁸ Ye kədə, bīk aa jam thuokkua?

⁹ ʔook əbən ʔok aa kəc wušt kək cīmən Parthia, Mede ku Elam, ku ʔəl aa Methopotamia, Judia, ku Kapadokia, ku Pontuth ku Athia.

¹⁰ Ku ʔəl aa Prigia ku Pampilia. Ku ʔəl a Ijip ku bēi kək pan Libia thiäär kek Thirene. Ku kəc kək ʔoyiic aa kəc wun cəl Roma.

¹¹ Kəc kək aa kuat Itharel. Ku kəc cie kəc Itharel cī ʔəthken waar bīk yanh Itharel gam. Ku kəc kək ʔoyiic aa kəc pan Kret ku pan Arab. Ku ē yen ʔot ye ʔok ke piŋ ke jam thuokkua, ke luel kädīt cī Nhialic looi.”

¹² Aake cī gāi, ku muumkē nhīm kē bīk lueel, gokē röt aa thiēc kamken, “Yeŋo ye nyuəoth yen kənē?”

¹³ Go kəc kək atuuc Jethu bui, ku luelkē əlä, “Kockä aaci wiēt mōu!”

Jam Piter tənē kəc Itharel

¹⁴ Tənē, ke Piter kam atuuc Jethu kathiäär ku tək ʔot rot, ku kēc ku ʔəl jam ke cī yeröl ʔot tənē kəc Itharel awən cī röt kušt, “Wek wärkiē, wämäthkiē Itharel, ku ʔəl aa wek kəc ciəŋ gen Jeruthalem, piŋkē wətdiē apath, ku ba we lək kē cī rot looi.

¹⁵ Kəc ʔakē lueel ka cī mušl mšu, aa kəc wiēt, təcīt tē ye wek ye tak thīn, aköl akēc tšŋ, aŋot ye riel.

¹⁶ Ku wət cī Juel raan kək Nhialic tiŋ lueel wäär akīn,

¹⁷ ‘Acī Nhialic lueel, lən kē bī looi aköl le nīn thök akīn,

Yen abi Wēikiē tušc kəc əbən.

Wätkun ku nyierkun aabi kē bī rot looi aköldä lək kəc.

Riēnythii kun aabi nyuəoth, ku röörkun dīt aabi nyuääth arak ʔuəc aya.

¹⁸ Ee yeen, agut aluakkīē röör ku diäär, nīnkui bī bən.

Yen abi wēikiē tušc kəc ē nīnkä, ku keek aabi kək bī röt looi aa lək kəc.

¹⁹ Yen abi kädīt jəŋ gōi looi nhial, ku kəjuēc jəŋ gōi aaba looi pinyhom.

Pinyhom abi thiəŋ riəm, ku mac, ku ʔəl a tol dītēt.

²⁰ Aköl abi nīp nyin, ku pəci abi thieth cīmən riēm

ee kaam kəc aköldīt puath bən Bānyda gu ʔēēt.

²¹ Ku raan bī Nhialic rək ku bī ye kony abi poth bī cī la pan mac.’

²² “Piŋkē wēlkä, wek wämäthkiēn cəl Itharel! Jethu raan pan Nadharet ē ye raan cī riel Bānyda nyuəoth ke cīn diu kəkken dīt jəŋ gōi cī Nhialic looi rienke. Ee kē ŋieckē kek we, rin aaci röt looi kamkun.

²³ Cīt tē cī Nhialic ye guier thīn, Jethu ē bī thōn we, ku bək nək cīmən cī wek ye pušl ku bī kəc rēc la gup adumušəm nək, ku piētkē tim cī riū kšu.

²⁴ Ku yeen aci Nhialic cəl aben pīr thou yic, wən cī yen Jethu nyaai rielde thou yic, rin əcī rot kəŋ lēu yen lən bī Jethu teem thou yic.

²⁵ “Aŋicku lən əcī rot bī lēu rin əcī Debit lueel əlä,

‘Yen ee Nhialic tñj yanhom akölríëëc ëbën, ku yen athišk kek yen, ku yen acin kē bā diir.

²⁶ Rin ee wēt kēnē, yen amit pušu. Ku wēl ya lueel aa wēl raan mit pušu.

Ku cōk amēn bī yen thou, ke yen abí thišk ke ya nōth kē bī Nhialic luši yen,

²⁷ rin Nhialic aciī guāpdíē bī pušl bī rēer kam koc cī thou,

ku Nhialic aciī ya bī pušl ba dhiāth ranj yic yen raande.

²⁸ Yin Nhialic, yīn acā nyuōth dhēl pīir akölríëëc ëbën,

ku jōl aa rēerdu kek yen, abā cōl amit pušu.’

²⁹ “Wāmāthkiē, wēk aaba dhiel lēk kē njic rin wādan dīt cī wēlkā lueel. Yen Debit aci thou ku thiāk, ku ranje kīn aa deei yōk, agut cī ya akōl.

³⁰ Yen Bēnyajnhom wāar pīir yen ē ye raan kāñ tñj, kāk bī rōt looi akōldā, ku lēk ke koc, ku ē njic kē cī Nhialic lueel ke bī luši ye. Nhialic ēcī yepušu tōñj lōn nadē ke bī raan tōk kuatde yic, looi keye bēny cīmēnde.

³¹ Debit ēcī kē bī Nhialic looi tñj, go jāl jam lōn bī Raan cī lōc ku dōc rōt jōt ranj yic wēn cī yen ye lueel ēlā, ‘Yen ē kēc nyāñj kam koc cī thou, guāpde ē kēc dhiāth ranj yic.’

³² “Nhialic ēcī Jethu jōt bei ranj yic bī ben pīr, ku yen ku atuuc kōk Jethu acuk tñj yen yiny cī rot looi.

³³ Jethu aci jat nhial ku nyuuc kōñ cuēc Wun, ku ē yen aci yōk tuōc Wēi Nhialic, cīt tēwāar cī Nhialic ye lueel thīn. Ku kē cāk tñj ku piēnkē ēmēn ē ye kēn cī Nhialic lueel ka bī tuōšc yen aci lōōny yōgup.

³⁴ Acie Debit yen cī la nhial, ee cī lueel, ‘Ee cī Nhialic lēk Bānydiē, “Nyuc ē tēn kōñdiēn cuēc,

³⁵ agut akōl bī yen koc man yīin cōl aloi nhīim, ku bīk yicōk.”’

³⁶ “Wek koc pan Itharel ëbën, dhielkē njic alanden lōn nadē ke Jethu yen cāk piāāt tim cī rīū kōu, yen aci Nhialic looi bī ya yen Bēny, ku ye Raan cī lōc ku dōc.”

³⁷ Wēn cī koc cī rōt kušōt wēt Pīter piñ, gokē ya tak yic ke diēer kē bīk looi, ku thiēckē Pīter ku atuuc kōk Jethu, “Buk nō looi wāmāthakua?”

³⁸ Go Pīter bēer, “Dhuškkē wepuōth ciēen adumušōmkun yīic, ku calkē rōt aa muōc nhīim bāk aa koc Jethu Krītho, ku bī Nhialic adumušōmkun pāl piñy, ku wek aabi Nhialic muōc wēike, ku bī lōōny wegup.

³⁹ Kēnē yen cī Nhialic yepušu tōñj, ka bī yīēk we ku miēthkun, ku koc bēi kōk mec, ku koc ëbën ye Bānyda Nhialic cōl bīk aa kacke.”

⁴⁰ Pīter aci koc lēk ku jiēm kenhūim ēlā, “Kuōnykē rōt ku bāk liu awuōc yic, awuōc yen bī tēm koc rec akōlē!”

⁴¹ Koc juēc ē koc awēn yīic aaci kē cī Pīter lēk ke gam, ku cōlkē rōt amuōc nhīim, ku ē

cīt tēnē raan tiim kadiāk kek aaci bēn muōc nhīim akōl kēnē, ku mētkē akuštēden yic.

⁴² Keek aaci rēer bī atuuc Jethu ke piōōc, ku yekē atuuc Jethu kony kāk yekē looi yīic ku mīthkē tētōk, ku yekē rōm ku rōōkkē tētōk.

Tē cī koc cī wēt Jethu gam pīir thīn kamken

⁴³ Kājuēc jāñ gōi aaci Nhialic cōl aa looi atuuc Jethu, ku yen aci koc juēc cōl ariōc.

⁴⁴ Koc cī gam ëbën aaci rēer bīk ceñ tētōk, ku yekē rōt kony kedhie bīk kāñ aa wēer kamken.

⁴⁵ Aaci kāk tō ke ke bēi yīic aa yaac wei, ku yekē wēu tēk rōt, ku raan tōk ē ye yīēk wēu bī kākken wīc lēu.

⁴⁶ Kek koc cī wēt Jethu gam aake ye rōm akōlakōl lōēk Nhialic koc Itharel yic, ku yekē rōm bāāiken yīic ku mīthkē ke cī mīth bēth ku rēer kē ke mit puōth,

⁴⁷ ku yekē Nhialic leec ku lec koc kōk ke aya. Ku ye Nhialic akuštēden juak yic akōlakōl koc kek cī Nhialic cōl aa poth kērac yic.

3

Raan aduany aci kony

¹ Yōn akāl tōk, tāāñ akōl, tē ye koc rōōk, Pīter ku jōl a Joon aake cī la kal luañ Nhialic ye koc Itharel rōōk thīn bīk la rōōk.

² Wēn cī kek yet kal cōl Kal Dhēñ thok, ke yōk mony cī dhiēēth ke ye aduany. Yen mony kēnē ē ye cool tē jōt ye kal thok, ku bī koc la kal luañ Nhialic ya lim wēu.

³ Nawēn tñj Pīter ku Joon ke la kal yic goke lim.

⁴ Gokē dōt nyin ku lēk Pīter ye, “Daai ē yook!”

⁵ Goke dōt, ku ye yōk yepušu ciēt la kē bī yōk tēnē ke.

⁶ Go Pīter lēk ye, “Yen acin wēu ba yīēk yī, ku yīn aba yīēk kē tō kek ya, ‘Yin aya yōōk, rin Jethu raan Nadharet, jōt rot ku ba cath!’”

⁷ Ku dām kōñ cuēc, ku kony bī rot jōt. Kaam wēn ke cōk ku kuēc monytui go guō riel,

⁸ ku puur rot nhial ku kēēc cōkke ku cieth. Ku ler kal luañ Nhialic ke keek ke cath ke thuēet nhial, ke lec Nhialic.

⁹ Ku koc tō luañ Nhialic ëbën ē cīk tñj ke cath, ke lec Nhialic,

¹⁰ ku wēn cī kek ye njic ke mony dhie nyuc kal cōl Kal Dhēñ thok ku lim, gokē gāi apēidit ku nyamkē kethook, ku yekē rōt thiēēc kē cī rot looi tēnē ye.

Jam Pīter luañ Nhialic

¹¹ Wēn cī mony aduany Pīter ku Joon kuak yīēth, go koc ke tō kal luañ Nhialic yic gāi ëbën, ku rinjēk tēwēn rēer kek thīn kāt cōk, Kān Tholomon kal luañ Nhialic yic.

¹² Nawën tîj Pîter kɔc, ke lueel, “Wek kɔc Itharel, yeyō ye wek gâi kē cî rot looi, ku yakē lîith yō? Yakē tak lɔn nadē ke ye rielda ku piathda yopēc yen kony yɔk mony kēnē bî cath?”

¹³ Nhialic wārkuan dît Abaram, ku Ithāk, ku Jakop yen aci riel yiēk aluonyde Jethu. Ku yen aa cāk gam tēnē kɔc kek ke mac baai, ku wek aaci jai bi Pilato cî lony cɔk alɔn wic yen ye bî lony.

¹⁴ Yen Jethu ē ye raan Nhialic ku ē ye raan path, ku wek aaci kuc ye, ku lēkkē Pilato bî wētduɔn gam bî raan yen cî kɔc nɔk lony, ku ye Jethu yen nēk.

¹⁵ Ku ē kēya, wek aaci raan nɔk raan yen dhēl pîr nyooth, ku yeen aci Nhialic jɔt raŋ jic bî pîr ku acuk tîj ke cî rot looi.

¹⁶ Ee rielde yen Jethu, yen aci mony aduany cɔl acath. Kē cāk tîj, ku ηieckē ē loi ku wēt cî yok Jethu gam, ee wēt cî yok wēt Jethu gam yen aci ye cɔl apual, agut tē cieth yen wenhîim cît emēn.

¹⁷ “Ku emēn wek wāmāthkiē, anjēckē yen kē cāk looi kek we ku bānykun cî wek Jethu nɔk, ee luoi kē ke kuockē.

¹⁸ Ēcî Nhialic lēk kɔc kāk Nhialic tîj theer lɔn bî raan luāk kɔc gum, ku yen aci rot dhîel thîn ke ye yic kēya.

¹⁹ Ke yeen, pāl kē luoi kārɛc, ku ye wēt Nhialic yen gamkē, ku bî Nhialic adumušm cāk looi pāl piny,

²⁰ ku na luoi kē kēya, ka akōldā ke Nhialic abî we yiēk riel Wēike, ku abî we tušc Jethu yen cî lɔc tēnē we ku bî we kony.

²¹ Jethu abî rēer pan Nhialic agut akōl bî kāŋ ebēn ben waar piny bîk aa yam, cît tē cî Nhialic ye luēl thîn theer wāar tēnē kɔcken kākke tîj.

²² “Yeen ēcî Mothith lueel ēlā, ‘Nhialicdun abî we tušc raan kāŋ tîj, cimēn cî yen ya tušc we, ku yeen abî ya raan kuatdun.

²³ Ku wek aadhil kēriēc ebēn bî lēk we gam. Ku raan cî wēl raan kāŋ tîj bî gam, aci bî mat kɔc Nhialic yiic.’

²⁴ Ku kɔc kāŋ tîj, la kē cik lueel agut cî Thamuel, ku kɔc cî lōk bēn yecōk aaci kē loi rot ē nīnkā lueel.

²⁵ Kāk cî Nhialic lueel ka bî luoi we, kāk cî kɔc kāŋ tîj lēk we aa kākkuɔn. Ku week dhîelkē rōt mat thîn, ku bāk kē cî Nhialic lēk wārkuɔn dît ka bî yiēk ke tek wedhie. Cimēn yon cî yen ye lēk Abaram ēlā, ‘Ku kuatdu yic yen abî yen kɔc pinyɔn dɔc.’

²⁶ Ke yen Nhialic aci raan bî kēde bēn looi lɔc, cɔl Jethu ku tuuc tuēŋ, ku bî we dɔc, ku bî we cɔl awel wepušt wei luoi kārɛc yiic.”

4

Pîter ku Joon aaci yāth luk yic

¹ Tēwēn jiem Pîter tēnē kɔc ku Joon ke kāk yelšm, ke kɔc kāk kāk Nhialic, ku bēny apuruuk yōn Nhialic tiit, ku jɔl aa kɔcdît kōk, kɔc akut Thaduthî bš.

² Keek aake cî pušt mit wēt ye Pîter ku Joon kɔc pišc lɔn nadē ke Jethu aci rot jɔt kam kɔc cî thou. Kēnē aye nyuōst lɔn nadē raan cî thou alēu bî ben pîr.

³ Gokē ke dɔm ku lek ke mac agut yon nhiāk, rin cî akɔl cuol.

⁴ Ku kɔc juēc cî wēt Pîter piŋ aaci gam, ku juakkē rōt bîk ciēt tiim kadhiēc.

⁵ Nawën akōl dēētē ke bāny Itharel ku kɔcdît baai, ku jɔl aa kɔc piōc lōōŋ, kuut kenhîim Jeruthalem.

⁶ Keek aacā amat jāl looi kek raandît kāk Nhialic cɔl Anath, ku jɔl aa Kaipa, ku Joon, ku Alekdhāndēr, ku kɔc kāk many Anath thok.

⁷ Keek aaci Pîter ku Joon cɔl aabi kenhîim, ku jɔlkē ke thiēc, “Ee luoi kē kēde ku bî raan aduany cath? Ye riel nō yen tō kek we ku ye rin ŋa yen looi wek ye?”

⁸ Go Pîter ke cî gušp thiāŋ riel Wēi Nhialic, dhušk ke, “Wek bāny ku kɔcdît baai.

⁹ Na yakē yō thiēc yakōl kēruōst cî looi tēnē raan aduany ku tē cî ye kony thîn,

¹⁰ ka dhîelkē ŋic, ku adhîl kɔc Itharel ŋic ebēn, lɔn raan kāk wenhîim ke cî pial, ee riel Jethu raan Nadharet wāar cāk piāat tim cî rîiu kōu, ku jɔt Nhialic raŋ yic.

¹¹ Jethu ē yen raan cî wētde gōt athōr theer wēl Nhialic yic ēlā, ‘Mēn yen cî wek kuc wek atēēt loi yōt, yen aci bēn yōk ke ye mēn ril apēidit.’

¹² “Ee yen Jethu yen abî kɔc cɔl apoth la pan mac, ee yen raan tōōŋ yen cî Nhialic yiēk riel pinyɔn hom ku bî yō kony.”

¹³ Go bāny luk jāl gāi wēn cî kek Pîter ku Joon tîj tē cî kek pušt ril thîn, ku keek aake ye kɔc ē path kēc piōc. Yeen acik ŋic lɔn nadē ke keek aake ye cath kek Jethu.

¹⁴ Ku acin kē cik lueel, rin cî kek raan aduany wēn cî kony tîj ke kāk kek Pîter ku Joon.

¹⁵ Go bāny Pîter ku Joon yōšk bîk la ayeer yōōt ku lōkkē jāam yic kepēc.

¹⁶ Ku jɔlkē rōt jāl thiēc kamken, “Ye kēn nō buk luoi ē kōckā? Raan ebēn Jeruthalem anjic kē cî rot looi, kēdît jāŋ gōi cît ē kēn cik looi, ku aci lēu buk jai.

¹⁷ Ku rin buk cî pāl, bî kē cî rot looi thiēi baai yic, ke keek abuk yōšk bîk cî ben jam tēnē raan dēt rin Jethu.”

¹⁸ Ku jɔlkē Pîter ku Joon caal yōt ku lēkkē ke, cɔk alɔn ben nō yiēndē, ke duōkkē ben jam, duōkkē kɔc ben pišc rin Jethu.

¹⁹ Go Pîter ku Joon dhušk ke, “Week nhîim alēukē bāk guō luk tē ye Nhialic tiēŋ ye lɔn bî

ya wëtdun yen buk gam, ku lön ye yen wët Nhialic.

²⁰ Yook acuk lëu buk kōōc, buk cī ben jam rin Jethu, rin cī yök kākken cī looi tīj, ku piŋku wël cī lueel.”

²¹ Go bāny luk ke thōn apeī bīk cī ben jam rin Jethu, ku lonykē ke bīk jāl. Ee cī bāny luk tīj lön ril yen yic, bīk ke tēm awuōc, rin kōc aake tō kelōm ku aake ye kiu, ku aake lec Nhialic wët kēpuōth cī rot looi.

²² Mony aduany yen cīk cōl apuōl ē ye raandīt, ruōnke aake ye thiārŋuan ku tē kac.

Kōc cī gam aaci rōōk bīk cī rīōc

²³ Nyin yic tēwēn cī ke lony, ke Pīter ku Joon dhuk tēnē kōc akuōtden, ku lēkkē ke kā cī kōc dīt kāk Nhialic ku kōc dīt baai lēk ke.

²⁴ Nawēn piŋkē ē wēlkā, ke rōōk Nhialic puōu ēbēn ēlā, “Bēny, yīn Aciēŋ nhial ku piŋy ku wēr ku kāk pīr thīn ēbēn!

²⁵ Yīn aci Wēiku tooc bī Wādan dīt theer Debit, raan ye aluōnydu wëtdu lēk kōc, ku ēcī lueel ēlā,

“Yenō cī kōc cie kōc Itharel puōth riāāk apeī kēlā, yenō cī kōc kekōōth wel bīk kārēc aa looi tēnē Nhialic?”

²⁶ Bānydīt ē pinyinhom aake cī rōt guīr, ku mat kōc ke mēc bāi kenhīim, bīk kērac luōi Nhialic ku jōl a Raan cī lōc ku dōc, raan bī Nhialic tuōōc piŋy.”

²⁷ “Ku yeen ē ye yic, Antipāth Yērot ku Pilato aake cī mat kedhie Jeruthalem ē tēn kek kōc cie kōc Itharel, ku jōl aa kōc Itharel rin Jethu aluāŋdun cīn guōp acuōl, ku yeen ē yen ca looi ke ye Raan cī lōc ku dōc.

²⁸ Keek aake cī kenhīim mat, ku bīk kākkuŋ ke ca tak riēldu theer, ka bī rōt looi, bīk ke looi.

²⁹ Ku yeen ēmēn bēny, tīj ke aaci yök cuēk thook, kony yök, yök aluakku, ku buk wëtdu aa lēk kōc ke cīn riōōc.

³⁰ Kony yō, tar yīcin riel kōŋdu, buk kōc aa kony ku yīēk yō riel buk kādīt kōc gōi aa looi rin aluāŋdun cīn guōp acuōl Jethu.”

³¹ Wēn cī kek jāl thōk rōōk, ke la kē yīēk tēn awēn mēt kek thīn. Keek aake cī Wēi Nhialic bēn kegup, ku jōlkē guō jōk bīk wēt Nhialic piōōc tēnē kōc ke cīn riōōc.

³² Akut kōc cī gam ēcī mat ē tōk. Ee cīn raan tōōŋ ye luel kamken lön nadē kāk tō kek ye aa kākke yetōk, ku aake kāk rēēr ke ke rōm.

³³ Atuu Jethu aake cī Nhialic yīēk riēldīt, ku bīk aa lueel ke cī riōc lön cī Jethu Bānyda rot jōt raŋ yic. Ku keek aya, aake cī Nhialic dōōc apeidīt.

³⁴⁻³⁵ E cīn raan tōŋ nōŋ akuōtden yic. Kōc ke la dum kamken ku yōōt aake cīk yāac, ku bīikē wēū cīk kek kārŋ yāac, ku yekē ke gām

atuu Jethu. Ku wēū aake yekē tēk rōt cīt kēwīc raan tōk kamken.

³⁶⁻³⁷ Ku kēya, Jothep raan dhiēnh Lebī, dhiēth pan Thaipruth, ku yeen ē ye atuu Jethu cōl, ke cōl Barnaba (ku wētde yic “Ee raan kōc riēl puōth”) ēcī duamde yāac wei aya, ku bīi wēū ēbēn ku gēm ke atuu Jethu.

5

Anyikōl Ananiath kek Thapira

¹ Mony cōl Ananiath ē tō thīn ku jōl a tiēŋde Thapira. Keek aake cī abēk kākken baai yāac wei.

² Ku yen Ananiath ēcī wēt mat yic kek tiēŋde ku bīk wēū abēk thiaan, ku yīkkē atuu Jethu abēk.

³ Go Pīter Ananiath jāl thiēēc ēlā, “Yīn Ananiath, ē rin nō cōl yīn rot alēu jōŋrac, ku ba Wēi Nhialic bēn lēk lueth, ku yīn amuk abēk wēū kek cī yīn ke kākku yāac wei?”

⁴ Tēwāār kēc yīn kāk paandu yāac, aake ye kākku, ku wēū cī yīn ke yāac aa kākku aya. Ye rin nō tek yīn kē cīt kēnē ba looi? Yīn aacie yök ca wēēŋ, ee Nhialic yen aca wēēŋ!”

⁵ Kaam wēn piŋ Ananiath ye, ke wiēēk piŋy ku thou. Ku kōc ke cī ye piŋ aaci bēn riōōc.

⁶ Go riēnythii ke rēēr yōōt guāpde kuōth ku jōtkē, ku lek thiōk.

⁷ Kaam wēn looi kēnē rot, ke tīj Ananiath bō yōn wēn tō Pīter thīn, ku ē kuc kē cī rot looi.

⁸ Go Pīter thiēēc ēlā, “Lēk ya yic, ye kākā kek wēū ēbēn cī wek kārŋ yāac wek muōnydu?” Go Thapira bēēr, “Ee tēden, aa kek wēū ēbēn.”

⁹ Go Pīter lēk Thapira ēlā, “Yenō tek wek ye wek muōnydu bāk Wēi Nhialic them? Yenō looi wek kēcīt kēnē, ca kōc bō kā piŋ cōk? Aa kōc ke cī muōnydu la thiōk, ku ēmēn aya aabi jōt bīk yī la thiōk.”

¹⁰ Kaam wēn, ke Thapira wiēēk piŋy ku thou nyin yic. Go riēnythii bēn yōt, ku tījkē ke cī thou, gokē jōt ku lek thiōk muōnyde lōōm.

¹¹ Kōc ke tō yōn Nhialic ku kōc kōk cī kē cī rot looi piŋ, aaci bēn riōōc apeidīt.

Kādīt jāŋ gōi cī rōt looi

¹² Kādīt jāŋ gōi apeī aake cī atuu Jethu aa looi kam kōc. Kōc ke cī wēt Jethu gam aake ye mat ke ya akut Kān Tholomon cōk.

¹³ Ee cīn raan tōk kam kōc cie kōc akuōtden cī ye tak bī mat keyiic, cōk aa lön ye kōc juēc ke leec.

¹⁴ Ku kōc juēc apeidīt, yōōm rōōr ku diāār ke cī wēt Jethu gam, aake ye rōt mat akuōtden yic.

¹⁵ Wēt kēpuōth ye kōc Jethu looi, aake cī kōc tuany cōl aaye kōc ruāāi ke ke jat dhōl yīic, ke cī tāāc biōk yīic, ku bī Pīter ke dōōc

tē cieth yen. Na cie këya, ku cək a atiēmde ke kum ke piny ku bik pial.

¹⁶ Ku kəc juēc bēēi thiäak kek Jeruthalem yiic, aaci kocken tuany ku kocken kək la gup jakrəc bēn aa bēēi, ku aaci ke bēn aa kony.

Atuuc Jethu aaci gum

¹⁷ Tēwēn, ke raandit kək Nhialic, ku kocken rēēr ke ye, ku jəl aa kəc ye buəoth tš akut Thaduthi yic, aake cū puəth mit tēnē atuuc Jethu. Gokē tak ku bik kērac looi tēnē ke.

¹⁸ Ku dāmķē atuuc Jethu ku riitķē ke yōn ye kəc mac thīn.

¹⁹ Ku ē wēēr kēnē, ka atuny Nhialic bš ku tuērķē ke bei yōōt, ku wet kenhūim ayeer, ku lēk ke ēlä.

²⁰ “Lakkē luaj Nhialic, ku bāk kəc la piššc wēt pīr yam cī Jethu lēk we.”

²¹ Go atuuc Jethu wēt cī lēk ke piŋ, ku lek luaj Nhialic durdur yic, ku jōkkē piōōc wēt Nhialic. Go raandit kək Nhialic kek kacķe, kōcdit baai Itharel cōl ku bik bēn luk yic, ku bik mat. Ku jōlkē thok tuəoc tēnē apuruuk tit yōn mēc, ku bik atuuc Jethu kuēēth luk yic.

²² Tēwēn yeet kəc wēn cī tooc, ke keek akēc atuuc Jethu la yōk yōt, gokē dhuk ku lek thok lēk bāny luk ēlä,

²³ “Wēn yeet yōk, yōk aaci yōt yōk ke riēet thook ku kəc tit ke kāac yethok. Nawēn ŋanyku thok ka cīn raan tōōŋ cuk yōk aləŋthīn.”

²⁴ Nawēn piŋ bēny apuruuk luaj Nhialic tiit ku jəl aa kōcdit kək Nhialic, gokē gāi ķē cī rot luši atuuc Jethu.

²⁵ Kaam wēn, ke raan bō yōt ku lēk ke ēlä, “Pienķē ķēdiēēn, kəc kek ke cāk riēet yōt, aa rēēr luaj Nhialic ēmēn, ku aa piōōc kəc wēt Jethu!”

²⁶ Tēēn, go bēny apuruuk la kek apuruuk bik ke diēc, ku biikē ke luk yic. Keek akēc atuuc Jethu kuaath, wēt riššc kek ciēt ke bī kəc ke nħiar atuuc Jethu biššc aleel.

²⁷ Tēwēn cī apuruuk atuuc Jethu jāl bēēi luk yic, go raandit kək Nhialic ke thiēēc ēlä,

²⁸ “Wek aa we cī thōn apeidit ku bāk kəc cī ben piōōc wēt Jethu. Tīŋķē ķē cāk looi! Cī wek kəc piššc ēbēn Jeruthalem, ku week awiēckē ku bī aa yok ye gək lōn nadē ka yok aa cōl Jethu anāk.”

²⁹ Go Pīter kek atuuc Jethu wēt raandit kək Nhialic dhuk nhom ēlä, “Yook, ee Nhialic yetōk yen alēuku buk theek, ku aacie kəc ē path.

³⁰ Wek aaci Jethu nšk, ku piāātķē tim cī riūu kšu, ku yeen aci Nhialic wārkuan dīt jōt thou yic.

³¹ Jethu aci Nhialic jōt bei raŋ yic, ku le nyuššc kōŋden cuēc ku looi ye bēny, ku ē raan bī kəc kušny bei kārəc yiic. Ku yeen abi kəc Itharel pāl kaam, ku bik kenhūim

waar bik cī ben luui kārəc, ku bī Nhialic adumuššmken pāl piny.

³² Yok aaci kək cī Nhialic looi tiŋ, ku Wēi Nhialic aya, yen cī Nhialic tušc kocken wēte gam, ee kāk cī Nhialic looi nyušt kəc.”

³³ Tēwēn piŋ bāny luk wēt cī atuuc Jethu lēk ke, gokē pušt riāak apeidit, ku wickē bik ke nšk.

³⁴ Go raan tōk kam bāny, Gamaliel, raan akut Parathi. Ku yeen ē ye raan piōōc lōōŋ. Ku ē ye raan theek kəc Itharel apeidit, rot jōt luk yic ku lēk apuruuk ku bik atuuc Jethu kuaath ayeer luk yic.

³⁵ Ku jəl bāny luk lšk jāam nhūim ēlä, “Wek kəc wušnda Itharel, takķē wenhūim apath ķē wiēckē bāk luši ē kōckā.

³⁶ Wāär ē run thiōkkā yiic raan cōl Theudath ēci tuəl, ku nyooth rot ke ya aciēŋ dīt ril tōr, abi raan buət kanuan rōt māt ye. Yen Theudath aci bēn nšk, ku kəc ke cī wēte gam aaci bēn thiāi, ku ē yen thōk wēte.

³⁷ Raan cōl Judath ku ē ye raan wun cōl Galilia, ēci bēn tuəl aya rušōn yon kueen kəc, ku yeen ēci kəc rac nhūim agut bī raan tēdit wēte gam, ku yekē buəoth cōk. Yeen aya aci bēn nšk, ku wēer kocken wāär ye buəoth.

³⁸ Ku ēmēn alēk we, anuēēn bī cīen kērēc luoiķē tēnē ke. Anuēēn bāk ke puš! Na yekē loikē, ķē cī raan tak bī looi, ka ŋuot bī guə yāi.

³⁹ Ku na ye Nhialic yen cī ke yiēk riəl, ka cāk bī lēu. Rin wek aabi rōt yōk ke ye Nhialic yen thār kek we. Go bāny luk wēt Gamaliel gam.”

⁴⁰ Ku cōšlkē atuuc Jethu yōt, ku tēmķē ke awuēc bī ke that, ku thōnkē kenhūim bik cī ben jam rin Jethu. Ku jōlkē ke lony.

⁴¹ Tēēn atuuc Jethu aaci jal jāl luk yic ke cī pušt la yam wēt cī Nhialic ke cōl agum, rin cī ke that wēt Jethu.

⁴² Ku yekē kəc piššc wēt Puəth Yam Jethu Krītho akōlakōl luaj Nhialic kəc Itharel, ku bāāiken yiic aya.

6

Kəc kadhorou ē kəc kony luoi aaci kuany

¹ Tēwēn cī akuēn kəc biōth rot juak, akēēk ēci rot looi kamken, kəc Itharel kek ke ciēŋ Jeruthalem, ku kəc Itharel jam thoŋ Giriķ. Kəc Itharel jam thoŋ Giriķ ē yekē lueel lōn nadē ke lērēken aake cie kuēēc nhūim, rin cī ke ye muəoc tē tek wēēu ye tēk lēēr akōlakōl.

² Go atuuc Jethu kathiāār ku rou kəc cī gam ēbēn cōl ku lēkkē ke ēlä, “Yeen aacie yic tēnē yo buk luoi piōōc wēt Nhialic pušl ku ye wēēu kek yeku tek.

³ Ke yen, wek wāmāthkua, kuanyķē kəc kadhorou weyiic, kəc path la gup riel Wēi Nhialic ŋic kāŋ. Ku keek abuk cōl aaye wēēu muk, ku yekē ke tek.

⁴ Ku yok aabi yonhüm yiék röök ku jöl a piöoc wët Nhialic.”

⁵ Koc ke ci gam aake ci puöth miet wët ci atuuc Jethu lëk ke, ku kuanykë koc. Koc ke cik kuany aake yi Ithipin, raan la gam la guöp Wëi Nhialic, ku jöl aa Pilipo, ku Prokoruth, ku Nikanora, ku Timon, ku Parmena, ku Nikola, ku yeen ëcie raan Itharel, ee ye raan pan col Antiök ci yanhde puöl ku gem yanh koc Itharel.

⁶ Ku jöl koc ci kuany yäth tënë atuuc Jethu, gökë röök rienken ku tēyukë kecin kenhüm bik ke döoc.

⁷ Ku piöoc wët Nhialic ëci la tuen ke juak rot. Akuën koc biöth Jeruthalem ë yic juak akölaköl, ku akuëndit apej koc käk Nhialic aci bën gam.

Bäny Itharel aaci Ithipin döm

⁸ Ithipin ëci Nhialic döoc bi col aril apej, go kädüt jän göi apeidit looi kam koc.

⁹ Ku koc abëk akut amat tën koc Itharel aake cie wëtde ye gam, ku keek aake njic lon ye ke col koc lääu nhüm, wët ye kek koc aa loony ci puöl. Ku yen akut kënë, ee la yic koc wun col Thirene ku Alekdhändria ku Cilicia ku Athia, ee cik jöök bik aa teer kek Ithipin.

¹⁰ Ku yen Ithipin ëci Wëi Nhialic yiék riel njic yen ke wël apej, na lueel wët, ka cin raan lëu ye bi wëtde dhäl yic.

¹¹ Gokë koc kök riöp, ku bik aa lëk koc Itharel ëlä, “Yok aaci Ithipin pinj ke jiëem Mothith ku Nhialic gup!”

¹² Tëwën ci koc ci riöp aa jam këya, tēen ke keek aaci koc Itharel, ku köcken dit, ku jöl aa koc piöoc lööŋ rac nhüm. Ku döm koc Itharel Ithipin ku yëthkë luk yic.

¹³ Ku bükë koc käk bik Ithipin bën cak thok ku luekë ëlä, “Mony kënë, col Ithipin ë luanđan Itharel ku lööŋkuan Mothith dhäl yiic.

¹⁴ Acuk pinj ke ye lueel lon nadë ke Jethu raan pan Nadharet abi luanđan Itharel thuör piny, ku wëer ciëŋđan theer Mothith yic.”

¹⁵ Go koc ke ci nyuc luk yic ëbën Ithipin jäl döt apej, ku tinjë ke cit nyin atuny Nhialic.

7

Jam Ithipin

¹ Ku jöl raandit käk Nhialic Ithipin thiëc ëlä, “Yekë yith kek käk ci köckä yi gaany?”

² Go Ithipin dhuk ku lueel, “Wek wärkië ku wämäthkië, pinjëkë wëtdië! Nhialic Madhöl yen ye leec raan ëbën, ëci rot nyuöth wädan dit Abaram yon njot ciën yen pan

Methopotamia, wäär këc yen guo kök bi la cej pan Yaran.

³ Ku yen Abaram ëci Nhialic yöök ëlä, ‘Nyääŋ paandu ku kacku piny ku löör piny ba nyooth tënë yi.’

⁴ Go Abaram wuönden nyääŋ piny ku ler bi la cej gen Yaran. Na wäär ci wun Abaram thou, go Nhialic Abaram yöök bi bën cej ë wun yen ciën wek thin ëmën.

⁵ Acin aban piny cii Nhialic yiék Abaram, ku ëci than lon bi yen Abaram gam ë piny kënë bi ya piandyde kek müthken bi lsk dhiëeth aköldä. Tëwäär yen lëk Nhialic Abaram ë wët kënë, ke Abaram ë cin müth ci dhiëeth.

⁶ Nhialic ë cá Abaram yöök ëlä, ‘Miëthku aabi cej wun thäi kök run buot kanuan. Ku keek aabi ya aloony koc ë wun bi kek cej thin, ku aabi ya jöör apeidit.

⁷ Ku yen abi koc kek bik aa luösi mac, ku na la run juëc thök, ke keek aabi jäl ye wun kënë. Ku aabi bën bik yen bën door ë tën.’

⁸ Ku ë tēen aci Nhialic lëk Abaram bi miëthke aa njot, ku yen ë kin ye nyuöth lon ci kek döör. Ku Abaram aci wënden Ithäk bën njot nin kadhorou cök ciëen wäär dhiëeth ye. Ku njot Ithäk Jakop, ku njot Jakop wätke kathiär ku rou. Aa kek wärken dit kuat Itharel ëmën.”

⁹ “Wëet Jakop aake man mënhden col Jothep. Gokë yaac ku bi a lony pan Ijip. Ku Nhialic ë nhiar Jothep.

¹⁰ Go Jothep kony bi puut bei käreç yiic. Na la Jothep yäth bënyŋaknhom Ijip nhom, ke yik Nhialic riel bi kän njic ku ye raan path. Go bënyŋaknhom ruök bi ya yen bëny pan Ijip. Ku looi aya bi a yen tō tuenj käk paande yiic.

¹¹ Ku cök ëci tuöl pan Ijip ëbën ku jöl a Kanaan. Ku yen caŋ kënë ëci koc ban apej. Ee ril yic ku bi wärkuan dit miëth yök.

¹² Nawën le Jakop pinj lon tō rap Ijip, go wätke kek wärkuan dit ëmën tooc ku bik la.

¹³ Na ben wärkuan dit ben dhuk cäth yic rou, go Jothep rot tēt ke lon ë yen mënhden ku jöl bënyŋaknhom Ijip manyde njic aya.

¹⁴ Ku tuc thok wun Jakop, ku bi lëk wun kek manyden ëbën kathiärdhorou ku dhiëc bik bën Ijip.

¹⁵ Go Jakop jäl la, ku ë yen tē ci Jakop ku wärkuan dit bën la thou thin.

¹⁶ Gup wärkuan dit aake ci bën la thiök tē col Cikem, ku tē ci ke thiök thin, ee ye piny yöoc Abaram wëüu tënë thäi col Yamor.

¹⁷ “Na la nin thiök, nin kek ke ci Nhialic ke Abaram yöök lon nadë ka la këpuöth bi luai ye, ke akuën köckuan ke tō Ijip ëci ye yic juak apej.

7:2 Cäk 12:1 7:4 Cäk 11:31; 12:4 7:5 Cäk 12:7; 13:15; 15:18; 17:8 7:6 Cäk 15:13-14 7:7 B.bei 3:12 7:8 Cäk 17:10-14; 21:2-4; 25:26; 29:31-35:18 7:9 Cäk 37:11, 28; 39:2, 21 7:10 Cäk 41:39-41 7:11 Cäk 42:1-2 7:13 Cäk 45:1, 16 7:14 Cäk 45:9-10, 17-18; 46:27 7:15 Cäk 46:1-7; 49:33 7:16 Cäk 23:3-16; 33:19; 50:7-13; Jöc 24:32 7:18 B.bei 1:7-8 7:19 B.bei 1:10-11, 22

¹⁸ Ku əcı rot looi bi bėny dėt kuc Jothep pan Ijip mac.

¹⁹ Ku yen bėny kėnė ƣe wārkuan dıt wėėŋ ku kuc ke ciėėŋ. Ku ye ke ƣol acuet miėthken roor ku bi miħ thou.

²⁰ Ku tƣėn ƣe yen ƣ dhiėth Mothith, ku yen ƣe manh adhėŋ tƣnė Nhalic, ku muk baai pƣi kadiäk.

²¹ Ku nawėn la ƣuat wıir, go nyen bėnyŋaknhom la kuany ku muk ku looi ye manhde.

²² Mothith aci pišƣc tƣcıt tƣ ƣic kƣc Ijip kãŋ thın, agut abi ya raandıt tet ku ye raan ƣic kãŋ apėdıt jam yith, ku ƣol a luoi aya.

²³ “Na la run Mothith ƣet thiārjuan, go yenhom tak ku bi wãmãthakėn Itharel la tıŋ tƣ ciėŋ kek thın.

²⁴ Tƣwėn cı yen wãmãthakėn la tıŋ, go raan tƣk keyiic yƣk ke nƣk raan Ijip, go mėnhden nãk kony, ku guur raande agut tƣ nƣk yen raan awėn thãr kek raande.

²⁵ (Ee cı Mothith tak lƣn nadė ka bi kacke deet yic, lƣn bi Nhalic ye looi bi ke wƣƣr bei loony yic. Ku akėckė deet.)

²⁶ Nayƣn nhiãk ke yƣk kƣc Itharel karou ke thãr, go la ku dƣk ke. Ku ƣol ke yšƣk ƣlã, ‘Piƣŋkė kėdiė wek rƣrƣkã. Wek aa kƣc ruãai. Yenƣo kuc wek ƣeŋ kamkun?’

²⁷ “Go raan tƣŋ wėn cı raan tiaam Mothith piėk wei, ku thiėc ƣlã, ‘Yeŋa cı looi ba ya bãnyda. Ku ye bėny dėt lƣu ba lušŋda luk?’

²⁸ Wic ba ƣa nƣk cimėn wãrakol nƣk yin ke raan Ijip?’

²⁹ Tƣwėn piŋ Mothith ƣ wƣt kėnė, go kat ku le ƣeŋ Midian. Ku aci bėn la dhiėth dhãk karou ƣ tƣėn.

³⁰ “Wėn cı Mothith ƣeŋ rušƣn thiārjuan Midian, go atuny Nhalic rot nyušt ye. Ku atuny nhial ƣcı Mothith tıŋ kecıt bun dƣp roor liƣet tƣthiãk kek ƣon Thinaı.

³¹ Go Mothith ƣai kė cı tıŋ, ku ƣot rot but lšm ku bi tıŋ apath. Go rƣl Nhalic piŋ ke ye luel,

³² ‘Ee ƣen Nhalic ye wãrkušn dıt door. Nhalic Abaram, ku Ithãk, ku Jakop.’ Go Mothith rišƣc arėk bi lath ku cıi kėwėn ben dƣt.

³³ Go Nhalic Mothith yšƣk, ‘Dėk war bei, rin tƣ kƣc yin thın, ee tƣ thek.

³⁴ ƣen aci tƣrƣec guum kackiė thın pan Ijip tıŋ. ƣen aci dhiėnden piŋ. Ku ƣen aci bėn ku ba ke bėn kony. Bããr ƣmėn, ba yi tušƣc Ijip.’

³⁵ Ithipin aci la tueŋ ke jam luk yic ƣlã, “Mothith ƣcı kƣc Itharel kuc biƣ wƣtde cıi piŋ. Ee cik thiėc ƣlã, ‘Yeŋa looi yi ba ya bãnyda ku ye luškkua luk?’ Yen Mothith ƣ

yen cı Nhalic tooc ku bi ya bėny, ku ye raan kony Itharel. Ku yen abi atuny Nhalic cı rot nyušt ye bun dƣp yic, kony lušide yic.

³⁶ Yen Mothith aci kƣc Itharel wƣt nhıim bei Ijip ke loi kãk jãŋ ƣol pan Ijip, ku wããr teem wãr arušƣr, ku ƣol a wããr rƣƣr kek roor liƣet run kathiārjuan.

³⁷ Mothith ƣcı kƣc Itharel yšƣk, ‘Nhalic abi we tušc raan bi we bėn pišƣc wƣtde, raan kãk Nhalic tıŋ cimėn cı yen ya tušc we. Ku yen raan bi tušc we abi ya raan kuatdun.’

³⁸ Mothith ƣe yen rƣƣr kek kƣc Itharel ke ciėŋ roor liƣet. Ee rƣƣr kek wãrkuan dıt. Ku ƣol a atuny nhial yen cı jam tƣnė ye ƣon Thinaı nhom. Ee yen ye Nhalic yšƣk ku bi wƣtden piŋ akolriėc ƣbėn bėn lƣk kƣc.

³⁹ “Ku wãrkuan dıt aake cı kuc ku biƣ wƣt Mothith tıŋ piŋ, keek aakƣc luui wƣtde. Ku wickė biƣ dhuk Ijip.

⁴⁰ Gokė Aron yšƣk, ‘Thãth ƣo jak bi ke aa ket tueŋ kƣc wat ƣonhıim tƣ cišt ƣok. Akucku yen kė cı rot looi tƣnė Mothith yen wããr wƣt ƣo bei Ijip.’

⁴¹ Keek aaci milãŋ thššt ke ye ƣoŋ cıt manh weŋ, ku loikė yai bi keek yanhden cik looi aa door. Ku yekė jal nãk.

⁴² Tƣėn Nhalic aci yekšƣu bėn wƣl ke. Ku pƣl ke biƣ aa kuƣl tš nhial kek yekė door, cimėn cı ye ƣt athƣr kƣc kãk Nhalic tıŋ yic ƣlã, ‘Wek kƣc Itharel! Ee cie ƣen, ƣen yakė nãk yƣk.

ƣon tš wek roor liƣet run kathiārjuan.

⁴³ Ee ye duƣl ƣoŋdun ƣol Molok yakė ket.

Ku ƣol atım ciėƣr, ƣoŋdun ƣol Repan cãk ƣuan. Aa kek ke jakkun cãk ke looi, bãk keek aa door.

Ke wek aaba tušƣc wei, bãk ƣet Babilon kšƣu ciėėn.’

⁴⁴ “Wãrkuan dıt aake la Duƣl yen ye nyušt lƣn nadė ke Nhalic arƣƣr ke ke roor liƣet. Duƣl aci yik tƣcıt tƣ cı Nhalic ye lƣk Mothith thın, cı looi tƣcıt tƣ cı ye nyušt Mothith thın.

⁴⁵ Ku yen duƣl kėnė ƣcı wãrkuan dıt aa thšn miėthken wãthƣr, agut tƣ biı Jocuı ye ƣ piny cuk bėn rum tƣnė kƣc ke la ye. Wããr ye Nhalic ke ƣuap wei tƣ biı yƣk. Ku ƣol duƣl rƣƣr agut wããr ye Debit bėnyŋaknhom.

⁴⁶ Debit ƣe nhiƣer Nhalic. Ku ƣcı Nhalic thiėc ku bi puš bi luak yik, luãŋ bi Nhalic Wundıt Jakop ƣeŋ thın.

⁴⁷ Ku ƣ Tholomon yen aci luak bėn buth.

⁴⁸ “Ku yen Nhalic Madhol acie ƣeŋ ƣƣt yiic ƣƣt ke yik. Cimėn ye kƣc kãk Nhalic tıŋ ye luel ƣlã,

⁴⁹ ‘Aci Nhalic luel, ke nhial yen tš thšnydiė thın,

7:20 B.bei 2:2 7:21 B.bei 2:3-10 7:23 B.bei 2:11-15

7:29 B.bei 18:3-4 7:34 B.bei 3:1-10 7:35 B.bei 2:14

7:36 B.bei 7:5; 14:21; Kn 14:33 7:37 L.rou 8:15, 18

7:38 B.bei 19:1-20:17; L.rou 5:1-33 7:40 B.bei 32:1 7:41

B.bei 32:2-6 7:43 Amo 5:25-27 7:44 B.bei 25:9, 40

7:45 Joc 3:14-17 7:46 2Tha 7:1-16; 1Lėk 17:1-14 7:47

1Bŋ 6:1-38; 2Lėk 3:1-17

ku piny yen aye yen yacök tääu thïn.

Ye yõn yindë yen bāk yik tēnë yen?

Ye tēnen yen lēu bī yen lān thïn!

⁵⁰ Cie yen ya looi kākā ebën!

⁵¹ “Tēril wek nhūm thïn! Wek aaci kuc bak wēt Nhialic cū pin, rin thõn wek pusth kek koc kēc Nhialic gam cimēn wārkun dīt thæε. Wek aaci kuc bak wēt cī Wēi Nhialic lēk we cī gam.

⁵² “Le raan kāk Nhialic tūn cī wārkušn dīt pušl ke kēckē nōk? Wārkušn dīt aaci koc cī Nhialic tooc nāk, koc ke cie ya lueel lōn raan bī kē wic Nhialic bī looi, abī bēn. Ku emēn yen acāk gaany ku acāk cōl anāk.

⁵³ Aa wek cī lōõn Nhialic thōn, lōõn kek ke cī atuuc nhial thōn wārkušn dīt. Ku keek aa kēckē ke gam!”

Ithipin aci bišök aleel

⁵⁴ Tēwēn pin bāny luk wēl Ithipin, gokē pusth riāak apeidīt ku kackē kethook tēnē ye.

⁵⁵ Ku yen Ithipin ēcī Wēi Nhialic thõn gušp, go yenyin wēl nhial ku dæi, ku tūn riel dūit Nhialic, ku tūn Jethu aya ke kāk Nhialic lōm kõn cuēc.

⁵⁶ Go Ithipin bāny luk yōšk jalkē tūn, “Yen aci nhial tūn ke liep yethok, ku yen aci Manh Raan tūn ke kāk Nhialic lōm kõn cuēc.”

⁵⁷ Go bāny luk keyith kum ku reelkē apeī. Ku riškē Ithipin gušp,

⁵⁸ Ku yēthkē ayeer geeu ku lek bišök aleel agut tē thou yen. Koc kek ke nāk ye aake cā alēthken nyān riēnythii cōl Thawul ku bī ke lāk tiit.

⁵⁹ Keek aaci Ithipin jāl bišök aleel, ku Ithipin ē ye Nhialic cōl, “Bānydiē Jethu, lor wēikiē!”

⁶⁰ Ithipin ēcī yenhial gušt piny ku lueel ke cie rōl jōt apeidīt, “Nhialic! Duk ke gāk kēreεc cik lušī ya!” Wēt kēnē aci lueel, ku thou nyin yic. Nāāk cī Ithipin nōk ēcī raan cōl Thawul gam. Ku mony cōl Thawul ē tš thïn. Ku yeen ēcī lōn nēk Ithipin gam.

8

Thawul aci koc cī gam cōl agum

¹ Akōl nēk Ithipin, yen akōl jōk yen rot bī koc ke cī wēt Jethu gam Jeruthalem gum apeidīt. Koc ke cī wēt Jethu gam aake cī kat bik rōt thiāi wušt kōk yiic, wušt Judia ku Thamarīa, ku atuuc Jethu kek aake cī dõn Jeruthalem kepēc.

² Koc ke cī wēt Nhialic gam piānden ebēn, aa kek cī Ithipin bēn la thiōk, ku jōlkē dhiau apeī riēnke.

³ Ku ēcī Thawul them bī koc cī wēt Jethu gam cōl agum, rin yeen ē ye la panē ku panē, ke kuany bēēi yiic ebēn, ku ē ye koc cī wēt

Jethu gam yōc bei yōōt yiic, rōōr ku diāār, ku kuεεth ke bī ke la mac.

Wēt Puoth Yam aci pišōc Thamarīa

⁴ Koc ke cī wēt Jethu gam, cī thiēi wušt kōk yiic aake cī la cath wušt yiic ebēn, ku piōōckē koc wēt Nhialic.

⁵ Pilipo ēcī cath bī la gen Thamarīa ku le koc pišōc thïn wēt Jethu Krītho.

⁶ Koc ke cī kenhūm aa kušōt, aake cī kepuōth aa tāäu piny ku bik kē lueel Pilipo aa pin apath. Keek aaci wēt Pilipo aa pin ku tūnkē kāk jān gōi cī aa looi.

⁷ Koc juēc aaci jakreε aa bēn bei kegup ke dhiau apeī, ku koc cī ruai, ku koc kōk cī nōl aaci Pilipo cōl aa puol.

⁸ Kēya, koc Thamarīa aaci pusth bēn miēt apeidīt.

⁹⁻¹⁰ Ku mony cōl Thaimon ē ciēn gen Thamarīa, ku yeen ēcī koc cōl agēi kākken ye looi. Yeen ēcī rot looi ke ye raandīt apeī, ku kuat koc ke ciēn geeu ebēn aake cī kepuōth tāäu piny ku pinškē wētde. Ku ē cik aa lueel ēlā, “Jōn cōl Rieldīt yen aci bēn piny cimēn Thaimon.”

¹¹ Ku ē yic, Thaimon ēcī koc Thamarīa cōl agēi tēwāār yen kākken kē looi jōn tš yegušp, ku koc aake ye wētde buōōth yic ku detkē yic.

¹² Nawēn la koc Thamarīa wēt Pilipo gam, wēt piōōc yen koc Wēt Puoth Yam rin bāāny Nhialic, ku rin Jethu Krītho, go rōōr ku diāār gam bik rōt cōl aa muoc nhūm.

¹³ Yen Thaimon aya ēcī wēt Nhialic gam, ku cōl rot amuoc nhom, ku jōlkē rēēr tōk kek Pilipo, ku yeen ēcī bēn gāi tēwēn tūn yen kākdiēt jān gōi ye Pilipo looi.

¹⁴ Go atuuc Jethu ke tš Jeruthalem pin lōn nadē ke koc Thamarīa aake cī wēt Nhialic yet tēnē ke. Gokē Pīter ku Joon tooc bik la tēnē ke.

¹⁵ Nawēn cī Pīter ku Joon yet Thamarīa, gokē rōōk ku bī Wēi Nhialic lōōny koc Thamarīa gup.

¹⁶ Koc Thamarīa aake cī muoc nhūm rin Jethu Krītho ku Wēi Nhialic ē nuot kēc lōōny kegup.

¹⁷ Go Pīter ku Joon kecin tāäu kenhūm go Wēi Nhialic lōōny kegup.

¹⁸ Tēwēn cī Thaimon ye tūn ke Wēi Nhialic cī lōōny kegup, wēn cī Pīter ku Joon, atuuc Jethu, keek dōc, go wic bī Pīter ku Joon gām wēū,

¹⁹ Ku jōl ke yōšk, “Yiēkkē ya riel kēnē aya, rin na le raan daac, ke Wēi Nhialic lōōny yegušp.”

²⁰ Go Pīter wēt Thaimon dhuk nhom ku lueel, “Anjēēn diēt yī ku wēūku cuet pan mac ebēn, rin ē yin ye tak diēt yī yoc miēc Nhialic wēū.

²¹ Yin aace raan akuštda ku acin kēn yī mat ke yo, rin piāndu acūi la cōk tēnē Nhialic.

²² Dhušk yipušu ciëen, ku päl luoi käreec, ku rëök Nhialic ku bi käreec ye tak cimën ë kënë päl piny.

²³ Yen aye tñj yigušp lön til yin yo apeidit, ku yün aci käreec ye ke looi mušr.”

²⁴ Go Thaimon Piter ku Joon yšök. “Ršökkë tënë Nhialic rienkië, ku bi ciën kërëec loi rot tënë ya kāk cā lueel yiic.”

²⁵ Tëwën ci Piter ku Joon kōc Thamaria lëk lön ye wët Nhialic ye lëk ke yic, gokë dhuk Jeruthalem. Ku tēwën dhuk kek, aake ye kōc pišōc Wēt Puoth Yam Nhialic ë bēši juëc cik tēk yiic pan Thamaria.

Pilipo ku bëny wëu Ithiopia

²⁶ Atuny Nhialic ëci Pilipo lëk ëlä, “Guir rot ku kueny dhöl yic, dhöl jiël Jeruthalem bi la Gadha.” (Dhöl kën acie ben tēk emën.*)

²⁷ Go Pilipo rot guir ku lööny dhöl. Ku tēen, ke yök raan Ithiopia, raan ci la Jeruthalem bi Nhialic la door. Ku yen mony kënë ëci roc. Ku ë ye bëny wëu muk wëu tñj cōl Kandake, tñj ye bëny Ithiopia,

²⁸ ku yen ë dhuk Ithiopia riän thel mathiän. Tëwën cieth yen dhöl yic, ee kuen athör Ithaya raan kāk Nhialic tñj.

²⁹ Ku ëci Wëi Nhialic lëk Pilipo, “Lōr ku cath keyi thiäk rot riän thel mathiän.”

³⁰ Go Pilipo jal rinj tēthiäk kek ye ku pinj ke kuën athör Ithaya yic. Go jal thiëc, “Ye deet yic yen kē kuen?”

³¹ Go bëny tšou wëu dhuk nhom, “Ba jal deet yic kädë, ke cīn raan cie tēt yic ya?” Ku yōök Pilipo bi la nhial riäi yic, bi cath kek ye.

³² Kënë yen kuen athör theer wël Nhialic yic akīn,

“Yen ee cīt amäl thel ku bi la teem röl, acīt manh amäl cie dhiau tē teem nhiemde wei, ee cīn wēt ye lueel.

³³ Yeen ee cī rac gušp, ku kōc aake cīi kuec bik yienyde cīi gam.

Acīn raan mīthken bi dōnj bi lōk lueel, bi käreec riëc akölë lōk a lueel, rin cīi pierde pinynhom guō cōl athök.”

³⁴ Ku jōl bëny tšou wëu Pilipo yšök, “Lëk ya, Ithaya jīem rin ŋa, jīem rienke aye rin raandā?”

³⁵ Go Pilipo jal jam, ku jōk jamde këthišök awën cī bëny tšou wëu kuen athör theer wël Nhialic yic. Ku jōl lëk Wël Puoth Yam rin Jethu.

³⁶ Tëwën cieth kek dhöl yic, ke yet tē tšou piü thün, go bëny tšou wëu Pilipo jal thiëc, “Piü akīk, yenjō bā pēen ke ya ci muoc nhom?”

³⁷⁻³⁸ Bëny tšou wëu pan Ithiopia aci raan kuath riäi yšök bi riäi cōl akāac, ku jōl Pilipo ku bëny wëu la piny ku lek piü yiic, ku muoc Pilipo bëny wëu Ithiopia nhom.

³⁹ Nawën cik jal bën bei piü yiic, go Wëi Nhialic Pilipo diër piny. Ku bëny tšou wëu

akëc Pilipo ben tñj, go lööny dhöl ke dhuk panden, ku yeen ë mit pušu apei.

⁴⁰ Pilipo aci rot yök ke ci yet gen cōl Adhotuth, ku ler ku pišōc kōc Wël Puoth Nhialic geeth yiic ëbën, gut tē yet yen gen cōl Cetharia.

9

Thawul aci wët Jethu gam

(Luoi 22:6-16; 26:12-18)

¹⁻² Thawul aci la tuenj ke riëc ye yen kōc buoth Bëny riäac lön nëk yen ke. Ee ci la tënë raandit kāk Nhialic, ku bi ye la yiëk athōr tënë bëny akut yanh Itharel rëer gen Damathkuth, ku aye athōrkä lëk kōc Itharel tš Damathkuth, lön na la Thawul kōc ci wët Jethu gam yök, diäär ku rōor, ke bi dam, ku kuëeth ke Jeruthalem.

³ Tëwën cieth Thawul dhöl yic ke la Damathkuth, ku wën ci yen jal thiäk kek geu, ke kam thiin wën ke tñj mac la biliny nhial, ku yer piny ëbën yelšōm.

⁴ Ku wiik piny ku pinj raan röl ke jam ku lëk ye, “Thawul, Thawul! Ye rin ŋō cōl yin ya agum?”

⁵ Go Thawul thiëc ëlä, “Ee yin ŋa Bëny?” Go röl wën ci pinj dhušk ye, “Ee yen Jethu, yen raan jōr.

⁶ Ku yün jōt rot emën ku lōr geeu, ku yin abi lëk kē ba dhiel looi.”

⁷ Rōor ke cath kek Thawul aake ci kšōc, ke bit, ku keek ë cīn raan cik tñj, ku aake cī röl raan jam pinj.

⁸ Go Thawul rot jōt, nawën liep yenyin, ke cie piny ye tñj. Go kōc ke cath kek ye dam cin ku thelkë, ke la Damathkuth.

⁹ Ku jōl rëer nin kadiäk ke cie daai, ku yeen ë ninkä yiic kadiäk ëcie dek piü ku ëcie mīth.

¹⁰ Raan cōl Ananiath ci wët Nhialic gam ë rëer Damathkuth. Ku ë la kën cī rot nyuōth ye, ku ë ye tēn cī Nhialic ye cōl thün, “Ananiath.” Go Ananiath gam ku bëer, “Yen akīn Bëny.”

¹¹⁻¹² Go Bëny lëk ye, “Jōt rot, ba la dhöl cōl, ‘Dhöl la cōk,’ ku na yeet pan raan cōl Judath ke yi thiëc raan cōl Thawul, raan wun Tarthuth. Yen Thawul aršök, ku yeen ala kē cī rot nyuōth ye lön cī yen ke raan kāk Nhialic cōl Ananiath tñj ke bā yōt, bi ye bën dōc, rin bi yen ke piny ben tñj.”

¹³ Go Ananiath bëer, “Bëny, kōc juëc aacä lëk käreec apei ye raan kënë luši kōc cī wëtdu gam tš Jeruthalem.

¹⁴ Ku yeen aci bën Damathkuth tënë, ke cī raandit kāk Nhialic yiëk riel, ku bi kōc yī door bën dōm.”

¹⁵ Go Nhialic lëk Ananiath, “Lōr yen aca lōc, ku bi ya aluanđië. Yen abi ya cōl anjic kōc cie kōc Itharel, ku jōl aa bënydit pinynhom ëbën, ku jōl aa kōc Itharel.

* 8:26 Dhöl kënë acie ben tēk emën rin diit liest thün. 8:33 Ith 53:7-8

¹⁶ Ku aba nyuŕth ye, yen yen, yen tē bī yen guum thīn wētdiē.”

¹⁷ Go Ananiath lööny dhöl ku ler yōn wēn rēēr Thawul thīn, ku jöl dōc. Ku yōök Ananiath ēlä, “Yīn wāmāāth Thawul, Jethu yen Wēn Nhialic nom, yen cī rot nyuŕth yī dhöl yic wäär bīi yīn acā tooc. Acā tooc, ku ba yī bēn dōc ku ba ben daai, ku bī Wēi Nhialic lööny yīguōp.”

¹⁸ Kaam wēn, ke kacit kuēc rēc lööny piny Thawul nyin ku ben piny tiŕj. Ku jōt rot bi kōōc ku cōl rot amuōc nom,

¹⁹ nawēn cī jāl mīth, ke ben riēl yōk. Thawul aci jāl rēēr nīn lik Damathkuth kek kōc cī gam.

Thawul aci kōc piōōc Damathkuth

²⁰ Nawēn ke la tēn amat kōc Itharel ku jīēm rin Jethu. Ee cī kōc aa lēk ēlä, “Jethu ē ye Wēn Nhialic.”

²¹ Kōc ke cī wēt luel Thawul piŕj aaci bēn gāi, ku yekē rōt thiēēc kamken, “Cie yen mony kēnē wäär tō Jeruthalem, yen kōc cī wēt Jethu gam nōk? Ku cie yen bīi yen tēnē ēmēn, bī kōc cī wēt Jethu gam bēn dōm ku kuēth ke tēnē raandit kāk Nhialic?”

²² Ku yen Thawul ēci riēl piōōc yic apeidit, rin kāk ke ye luel, aaye nyuōōth lōn nadē ke Jethu yen ē raan bī Nhialic tooc bī kōc bēn luōk, aake ye yith kōc rac nhīim, ku ē cin kēn ye kōc Itharel tō Damathkuth bēn bēēr.

²³ Nawēn cī nīn juēc thōk, ke kōc Itharel kuut kenhīim ku jōlkē tē bī kek Thawul nāk thīn cāt.

²⁴ Ku yen Thawul ēci bēn lēk kē cī kōc Itharel mat yic, kē bik luōi ye. Aake cī dhōl la ayeer kal geeu yic bēn aa tiit thook akōl ku wēēr, rin na tēēk thīn ke nāk.

²⁵ Nayōn akāl tōk ke tēūu kōcken ye buōōth alom yic, ku luēēŕkē tēyōr pāny kōu, ku jōlkē luaac piny ē wiēn.

Thawul aci dhuk Jeruthalem

²⁶ Thawul aci bēn dhuk Jeruthalem ku them bī rot mat akut yic, akut abiōth. Ku akēc kōc ke cī wēt Jethu gam, gam lōn cī Thawul rot wel ku bī ya raanden, ku keek aake ye riōōc ē ye.

²⁷ Go Barnaba dōm cin ku yēth tēnē atuuc Jethu. Ku jōl tēt yic atuuc Jethu yen tē cī Thawul Jethu tiēŕj thīn dhōl yic ke la Damathkuth, ku lōn cī Jethu jam tēnē ye. Ku yeen aya ēci tēt yic atuuc Jethu, yen tē cī Thawul kōc piōōc thīn ke cīi riōōc Damathkuth rin Jethu.

²⁸ Ku kēya Thawul aci bēn rēēr ke ke. Ku jōl a cath gen Jeruthalem yic ke piōōc kōc rin Jethu ke cie nyin ye riōōc.

²⁹ Yeen aya aci ya jam ku teer wēl kek kōc Itharel jam thoŕj Girik, ku ēci kōckā duēr bēn nōk.

³⁰ Nawēn le kōc akuōtde yōk lōn wīc ye bī nōk, gokē nyaai ku yēthkē tē cōl Cetharia ku jōlkē la tuōōc Tarthuth.

³¹ Ku tēēn, yen ē tē cī kōc cī wēt Nhialic gam nhīim bēn lāāu, ku rēērēē ke cin riōōc geēth yic ēbēn, Judia, ku Gallia ku jōl a Thamarina. Akut kōc ke cī wēt Nhialic gam ēci yeyic juak, ku ēci dit rin ye Wēi Nhialic ke kony, rin ē kek rēēr ke thek bēny Jethu.

Pīter aci la Lida ku Jopa

³² Pīter aci bēēi juēc tēēk yic, na ye yōn akāl tōk ke la kōc cī wēt Nhialic gam ciēŕj pan cōl Lida neem.

³³ Go Pīter mony cōl Ainieth yōk Lida, ku yen mony kēnē akēc cath run kabēt rin cī yen rual.

³⁴ Go Pīter lēk Ainieth ēlä, “Ainieth, Jethu Krītho aci cōl apuōl. Jōt rot ku lōm biōŕdu.” Go Ainieth rot jōt nyin yic.

³⁵ Go kōc ke ciēŕj Lida ku Caron Ainieth tiŕj ke cath, gokē wēt bēny Jethu gam.

³⁶ Ku tiŕj cōl Tabitha cī gam ē ciēŕj Jopa. (Ku rienke yen tiŕj kēn thoŕj Girik ē cōl Dorkath, ku wētdē yic, “Ee lōōc.”) Ku ē ye kāpath looi ku kony kōc ŕjōŕj.

³⁷ Ke tēēn ēci tuany nawēn ke thou. Go guāpde lōk ku tōu yōn nhial.

³⁸ Pan cōl Jopa ēci mec apei ke Lida. Nawēn piŕj kōc akut cī wēt Jethu gam lōn rēēr Pīter Lida, gokē kōc karou tooc bik la lēk ye ēlä, “Lōc bēn tēnē yō.”

³⁹ Go Pīter rot jāl guiri ku lööny dhöl kek rōōr awēn karou. Nawēn le Jopa, ke yēth yōn nhial. Ku guōp ēci diāār lēēr gōōm piny ke dhiau. Ku yekē alēth cī kōc yen Tabitha yōn piŕr yen jāl aa nyuŕth Pīter.

⁴⁰ Go Pīter kōc cōl ala ayeer yōōt, ku jōl yenhiol guōt piny bī rōōk, ku wēl yenhom guōp raan ku luel, “Tabitha, jōt rot!” Go Tabitha ye nyin jāl liep. Nawēn tiŕj Pīter go yekōu jōt piiny.

⁴¹ Go Pīter dōm kōk ku kony bī rot jōt. Ku jōl Pīter kōc akut cī wēt Jethu gam cōl, ku jōl aa diāār lēēr, ku jōl ke nyuŕth Tabitha ke cī piŕ.

⁴² Thoŕj cī Pīter Tabitha cōl aben piŕ aci jāl thiēi Jopa yic ēbēn. Ku tēēn kōc juēc aaci wēt bēny Jethu bēn gam.

⁴³ Ku jōl Pīter ceŕj nīn juēc pan raan biōk duny cōl Thaimon.

10

Kornelio aci Pīter caal paande

¹ Mony cōl Kornelio ē tō gen Cetharia. Ku yen ē ye bēny mac apuruk buōōt, “Ke ye cōl apuruuk Italia.”

² Ku yeen ē ye raan path riōōc Nhialic. Yeen ku kacke aake ye Nhialic door. Ee ye kōc Itharel ŕjōŕj nyin kony, ku ē ye lac rōōk tēnē Nhialic.

³ Nayon akäl tök, tšöŋ akäl, ke kädän bš kəcit nyuöth, ku tñj atuny nhial ke bš ku lueel tənē ye, “Kornelio!”

⁴ Go Kornelio atuny nhial döt ke cī rišöc ku lueel, “Ye kənē nō Bəny?” Go atuny nhial dhuök ye, “Nhialic aci ršöcku piñ, ku aci kuəony ye looi tənē koc nšj nyin tñj aya. Ku awic bi ke dhuk nhüm.”

⁵ Tuöc koc Jopa emən bik mony cöl Thaimon Piter la cöl.

⁶ Yeen arəer pan raan duny biök cöl Thaimon, wär nhom.”

⁷ Təwən cī atuny nhial awən luel ē wəlkä jäl, ke Kornelio cöl koc karou ken lui baai, ku cöl apurukden tiit baai ē Nhialic door,

⁸ ku lək ke wət cī atuny nhial lueel, ku tooc ke Jopa.

⁹ Nayon aköl dšēt, ke röör awən noot dhöl yic, ke cī thiök kek Jopa, ke Piter la yön nhial thok təcit akäl ciel yic bi la röök.

¹⁰ Ku jöl cak nšk, ku wic bi mith. Təwən guir mieth ke kəcit nyuöth loi rot tənē ye,

¹¹ ku tñj nhial ke cī rot liep, ku luəc kädän rot piny, kədüt la tšyēi, la guök kanuan,

¹² la yic kuat lääi ebən, ku kək wuc keyöth piiny ku diet pār nhial.

¹³ Ku piñ röl ke lək ye, “Jöt rot Piter, näk lei ku cuet.”

¹⁴ Go Piter lueel, “Acie tšede Bəny! Yen akēc kan mith kək cie cam cit käckä.”

¹⁵ Go röl ben jam tənē ye, “Duk tak lon le yen ke cī path bi cam tš cī Nhialic ye lueel ka path.”

¹⁶ Kənē aci röl awən ber yic arak diäk, nawən ke wiən mit, ku dhuk nhial.

¹⁷ Ku gēi Piter kē wic Nhialic bi lək ye ē nyuöth kənē yic. Ku ē kaam awən ke koc cī Kornelio tooc aaci tš rēer pan Thaimon thün njc, ka kääc yol thok.

¹⁸ Ku cöökē ku thiäckē, “Le jäl tš baai tən cöl Thaimon Piter?”

¹⁹ Təwən noot wic Piter ye bi nyuöth deet yic, ke lək Wēi Nhialic ye, “Piter, piñ yiyic, ala koc kadiäk cī bən wic yi.

²⁰ Guir rot ku löör piny, ku duk wət cieth kek yšj yic ba cī la ke ke, ee yen acöl ke aabš.”

²¹ Go Piter la piny ku lək ke, “Ee yen raan wiäckē. Yenö bi wək?”

²² Gökē bšer, “Yok aaci bəny apuruuk Kornelio tooc. Yeen ē raan path Nhialic door, ku yeen atheek koc Itharel ebən. Aci atuny Nhialic lək ye bi yi caal paande, rin bi yen wət ba la lək ye piñ.”

²³ Go Piter ke cöl, “Bäk niənkē ē wšer kənē.”

Nawən bak piny ke Piter jiəl ke ke, ku cath koc kək cī gam Jopa kek ye aya.

²⁴ Na aköl dšēt ke yet Cetharia tš tiit Kornelio ye thün, kek kacke ku mätshken cī cöl.

²⁵ Təwən dööt Piter baai, ke lor Kornelio ku gut yenhiala piny yenhom.

²⁶ Go Piter cöl ajot rot bi kšöc ku lueel, “Yen gušp, yen ē raan ē path.”

²⁷ Ku jöl Piter jam kek Kornelio agut tš yeet kek yöt, ku yok koc juēc ke cī kenhüm mat,

²⁸ ku lueel tənē ke, “Anjäckē lon löjdan Itharel ē raan pēen bi cī la bšei kuat dēt yiiic, ku cī mət ke ke. Ku aci Nhialic nyuöth ya lon acin raan lueel ka la gušp kərəc.

²⁹ Kəya, wən cī yin ya tušc, yen aci bən ke cin diu, ku awiēc ba njc aya, yenö tuc yin ya.”

³⁰ Go Kornelio lueel, “Wäär nin kadiäk cök yen ya ršök yööt ē tən, təcit mənē tääj akäl, kaam wən ke raan cej alšth yer apei bš ku kšēc yanhom,

³¹ ku lueel, ‘Kornelio! Nhialic aci ršöcku piñ, ku aci kuəony ye looi tənē koc nšj nyin tñj.

³² Tuöc raan Jopa bi mony cöl Thaimon Piter la cöl. Yeen arəer pan raan duny biök cöl Thaimon tš wär nhom.’

³³ Guö yi tušc nyin yic. Ku yin aci kəpath looi ba bən. Emən, yok aa ršer tən ebən yo dšei Nhialic, buk kē cī Nhialic lək yi ba lueel, piñ.”

Löj Piter

³⁴ Go Piter jäl jam elä, “Aca deet yic emən lon ē yic, Nhialic acie koc ē poc yiiic.

³⁵ Kuat raan ye door ku looi kəpath, aye gam. Acin kēde kek kuat.

³⁶ Yin anjic wət cī lək koc Itharel, Wət Puöth Yam cī Jethu Bəny mac koc ebən bšei bi koc dšör ke Nhialic.

³⁷ Yin anjic kädüt cī röt looi pan Itharel ebən, jöök wun Galilia, lək wēi wäär ye Joon lək koc cök ciēen.

³⁸ Yin anjic Jethu raan Nadharet, raan cī Nhialic löc ku cöl Wšike abš tənē ye ku gem riəl. Jethu ē ye la yšn juēc yiiic, ku looi kəpath tənē koc. Ku kony koc la gup jakrəc.

³⁹ Yok aaci kajuēc cī looi gen Jeruthalem ku pan Itharel ebən tñj, ayi kē cī ye piäät tim cī riüu köu bi nšk.

⁴⁰ Ku ben Nhialic cöl apir ku jöt bei piiny ran yic aköl ye nin diäk, ku cöl anyuth rot yo.

⁴¹ Ku acie koc ebən aa yok koc yok cī Nhialic löc buk njc. Yok aaci mith ku dšöku kek ye wäär jön rotde cök ciēen.

⁴² Ku lək yo buk wətde lək koc, ku luelku lon ē yen aci Nhialic löc bi luk looi tənē raan ebən, koc pir ku koc cī thou.

⁴³ Koc ebən, koc kək Nhialic tñj aaci jam rienke, ku luelkē na gam raan wət Jethu, ke Nhialic apəl kərəcke piny rienke.”

Koc cie koc Itharel aaci Wēi Nhialic lööny kegup

⁴⁴ Təwən noot jiem Piter, ke Wēi Nhialic lööny koc awən piñ gup.

⁴⁵ Ku kɔc Itharel wäär bɔ Jopa kek Piter aake cī gāi, rin cī kek Nhialic tīj ke cī miɔcde gām kɔc kuat dēt cie kɔc Itharel aya.

⁴⁶ Rin aa cik tīj ke jam thok kɔk, ku luelkē, “Nhialic adūt.” Go Piter jam,

⁴⁷ “Kɔckā aaci Wēi Nhialic bēn tēnē ke cimēnda aya. Nadē, le raan bī ke pēen bī ke cī muɔc nhīim?”

⁴⁸ Ku cɔl ke aa muɔc nhīim rin Jethu Kritho. Ku lēk Kornelio Piter bī rēer ke ke nīn lik.

11

Piter acā akut Jeruthalem lēk kē cī looi

¹ Atuuc Jethu ku kɔc kɔk cī gam pan Judia yic ēbēn, ee cik piñ lōn nadē ke kɔc cie kɔc Itharel aake cī wēt Nhialic yet tēnē ke.

² Tēwēn cī Piter yet Jeruthalem, go kɔc ke wic ye ku bī kɔc cie kuat Itharel aa ηoot ye jāām guɔp ēlā,

³ “Yīn yī ye jāl pan kɔc cie ηoot, ku yīn yī ye rom ke ke!”

⁴ Go Piter ke tēt kēriēec ēbēn cī rot looi,

⁵ “Wäär ē la kēn ca tīj ke ya rōsk gen Jopa. Ee la kēdūt la tēyēi, la guɔk kanjuan, ca tīj ke luēc piny nhial, ku tēxu piny ɣalɔɔm.

⁶ Ku jāl luuit yic, guɔ lāai baai ku lāai roor ku jɔl aa lāai wuc keyiic, ku diet roor tīj thīn.

⁷ Ku piñj rōl ke ye lēk ya, ‘Jot rot Piter, nāk lāai ku cuet!’

⁸ Guɔ lueel, ‘Acie yic, Bēny! Acīn mūth rēc ca kanj cam cīt kakkā.’

⁹ Guɔ rōl bēn piñ nhial. ‘Duk tak lōn le yen kē cī path bī cam tē cī Nhialic ye lueel ka path.’

¹⁰ Kēnē aci rot looi arak diāk, ku jɔl kēdūt la tēyēi la guɔk kanjuan awēn tō lāai thīn, miit ku dhuk nhial.

¹¹ Kaam thīn awēn ke rōor kadiāk cī tuɔc ya tē cɔl Cetharia yēet pan awēn rēer yen thīn.

¹² Ku ēcī Wēi Nhialic lēk ya, ba nhom cī thiek ba cath ke ke. Ku jɔl kɔckā kadātem akutdan kɔc cī gam yic ya ruac, jāl Jopa agut Cetharia, ku lok pan Kornelio.

¹³ Ku lēk Kornelio ɣo lōn cī yen atuny nhial tīj ke kāac yenhom yōnde ku lēk ye, ‘Tuɔc raan Jopa tēnē mony cɔl Thaimon Piter bī bēn.

¹⁴ Yen abī lēk wēl bī yīn ku miēthku cɔl apoth kērac yic.’

¹⁵ Nawēn jaam, ke Wēi Nhialic lōony kegup cimēn ɣon tuerj kɔj yen lōony ɣogup.

¹⁶ Ku jāl kēnē cī Bēny Jethu lueel ɣon tak, ‘Joon ē ye kɔc muɔc nhīim ē piu, ku wek aabi muɔc nhīim Wēi Nhialic.’

¹⁷ Acie kē lēu bī baai dhāl lōn cī Nhialic kēnē yen cī yiēk ɣo, yiēk kɔc cie kɔc Itharel aya, ku ē yik ɣo wēt cī ɣok wēt Bēny Jethu gam, ke ɣen ya ηa, ba them ba Nhialic gēl nhom!”

¹⁸ Nawēn piñkē wēl cī Piter lueel, gokē cī ben jāām guɔp ku leckē Nhialic ēlā, “Kēn yen ē wic Nhialic aya, ku bī kɔc cie kɔc Itharel kārēc yekē looi puɔl, ku bik met pīr akōlriēec ēbēn yic!”

Kɔc cī gam pan cɔl Antiök

¹⁹ Kɔc ke cī gam aake cī wēer rin cī kek riɔc lōn nēk ke cimēn wäär cī Ithipin nōk. Kɔc kɔk ke yiic aaci yet pan cɔl Ponicia ku Thaipruth ku Antiök. Ku keek aake ye kɔc Itharel kepēc kek aake ye lēk wēt yam Jethu.

²⁰ Ku kɔc kɔk ke cī gam, ku aake ye kɔc pan Thaipruth ku Thirene, aake cī la Antiök ku lek Wēt Puoth Yam lēk kɔc cie kɔc Itharel aya. Aa cik aa lēk thoñ puoth yam rin Bēny Jethu.

²¹ Aake cī Nhialic yiēk riel. Go kɔc juēc gam ku yekē Nhialic door.

²² Thoñ cī kɔc cie kɔc Itharel gam Antiök aci yet tēnē kɔc cī gam Jeruthalem. Gokē Barnaba tuɔc Antiök.

²³ Wēn cī yen yet ku tīj tē cī Nhialic kɔc Antiök daac thīn, ke jɔl puɔu miēt ku jīēm kenhīim ku bik aa kɔc path yer puoth, nhar Nhialic piānden ēbēn.

²⁴ Barnaba ē ye raan path cī Nhialic gam piānde ēbēn, ku ē la guɔp Wēi Nhialic. Kɔc juēc aaci wēt Bēny bēn gam.

²⁵ Ku jɔl Barnaba jāl ku ler pan cɔl Tarthuth ku bī Thawul la wic.

²⁶ Nawēn le yōk, gokē bēn Antiök. Ku jɔlkē rēer Antiök ē ruɔɔn, ku keek aake ye rōm kek kɔc cī gam, ku aaci akut dīt apēi bēn piɔc. Antiök yen ē tēn kɔj kɔc cī gam aa cɔl thīn ka Krithiaan.

Barnaba ku Thawul aaci tuɔc Jeruthalem

²⁷ Ruɔɔn yen rēer Barnaba kek Thawul Antiök, yen ē tēn jīel kɔc kɔk kāk Nhialic tīj Jeruthalem ku lek Antiök.

²⁸ Raan tōk ke yiic cɔl Agabuth ēcī Wēi Nhialic yiēk riel, ku bī lēk kɔc lōn le yen cɔñdūt bī bēn pinyinhom ēbēn. (Cɔj kēnē aci bēn bēn ɣon ye Klaudiōth bēnyñaknhom.)

²⁹ Ku abiōth aaci raan tōk keyiic ēbēn la kēnē cī ya tuɔc wāmāthaken cī gam ciñj wun Judia.

³⁰ Ku keek aaci wēu tuɔcɔt yiic, ku jɔlkē Barnaba ku Thawul tooc bik ke ɣāth tēnē kɔcdit akut kɔc cī gam.

12

Kɔc cī gam aaci ηuot ke gum apēi

¹ E runkā cɔk ēcī baai kōol agut Judia, go bēny Judia cɔl Yērot Agrīpa kɔc abēk kɔc cī gam yiic cɔl aban.

² Yeen aci mēnh Joon cɔl Jemith cɔl atōk yeth pal.

³ Na le tiŋ ke kɔc Itharel mit puŋth kē cī looi, go Piter col adəm ku mac, (yen kēnē ē loi rot yon cɛm Yan Ayum cɛn yic luu.)

⁴ Nawēn cī Piter dəm ku mac, ke thōn akuut apuruuk kaŋuan bīk aa tiit. Ku akuŋt tōk ē la yic kɔc kaŋuan. Ee cī Yērot Agrīpa tak ku bī Piter yāth luk yic akōl Yan Ayum cɛn yic luu cōk ciēn.

⁵ Ku Piter aci jāl rēer mēc yic. Ku kɔc cī gam aake ye rōok rienke apeī tēnē Nhialic.

Atuny Nhialic aci Piter luŋny bei yōn mēc

⁶ Wēer yen bī Yērot Agrīpa ye col abii luk yic rial, Piter ē nin kam apuruuk karou ke tit ye. Ee cī rek cɛn arēk karou, ku yōn mēc ē tit thok apuruuk kek ke lui akōlē.

⁷ Tēwēn nyin yic ka atuny Nhialic bō ku kēc yōt thok ku mer yōt yic. Ku mēŋ Piter kēt ku puŋc bī rot jōt ku lēk ye, “Lɔc rot jōt! Ku ban yīkōu!” Nyin yic, ke luŋ awēn cī ye rek lōōny wei yecin.

⁸ Ku lueel atuny nhial, “Dut yīyic ku ruŋk warku.” Go Piter yeyic duut ku ruk war, ku lēk atuny nhial ye, “Paat alanhdū yīkōu ku buoth ya.”

⁹ Go Piter jāl biaath cōk ayeer, Piter ē kēc kēn loi rot deet yic, lɔn nadē ke kē looi atuny nhial ē yic. Ēcī tak ciēt ye nyuŋth.

¹⁰ Keek aaci jal tēek akuŋt tōk lōm, akut apuruuk ke tit, ku benkē rēēt akut dēt ye kek rou lōm ku jalkē yet kal thok, kal ye gur thok wēeth cī yethok wel geeu. Go kal yethok ŋaany ē rot ku lek ayeer. Keek aaci jāl la ke cath dhēl yic, nawēn ka atuny nhial mār.

¹¹ Ku jōl Piter kē lui rot ye deet yic ku lueel, “Ēmēn aca jal ŋic lɔn ye yen yic kēnē awēn ya tiŋ kēcīt nyuŋth! Nhialic acā tuŋc atuŋnyde bā bēn kuŋny bei Yērot Agrīpa cɛn, ku jōl aa kāk ke ye kɔc Itharel tiŋ ke bīk luŋi ya.”

¹² Nawēn ŋic lɔn rēer yen tērac, go la pan Maria man Joon Marko. Ku kɔc juēc aake cī kenhīm kut thīn ē ke rōk.

¹³ Ku jōl Piter yōt tōŋ thok ayeer, go nyan aluaak lui baai col Roda la bī raan yōt gut thok la tiŋ.

¹⁴ Ku ēcī Piter ŋic rōl, go puŋu miēt apeī, ku go guŋ kat ke kēc yōt liep thok, ku le lēk kɔc lɔn yen ke Piter yen akāc ayeer.

¹⁵ Go kɔc awēn rēer yōt lēk ye, “Yin aci muŋ!” Go lēk ke lɔn ē yic yen aci lēk ke. Gokē lueel, “Ka atiēmde yen aci bēn.”

¹⁶ Ku la Piter tuēŋ ke tōŋ yōt thok, gokē yōt ŋaany thok. Gokē tiŋ ku gēikē.

¹⁷ Go Piter lēk ke bīk biēt, ku jōl tēt yic ke yen tē cī Nhialic ye bēi bei thīn yōt ē mēc yic ku lēk ke, “Lēkkē Jemith ku wāmāthkuan kāk yen kē cī rot looi.” Ku jiēl bī la tēdēt.

¹⁸ Na la piny bak, go apuruuk ke tit nhīm la cēt, ku yekē rōt thiēc kamken, “Yerjō cī rot looi tēnē Piter?”

¹⁹ Go Yērot Agrīpa apuruuk yōk bīk yōp. Ku akēc kē bēn yōk. Go apuruuk col adēt thook, ku lēk kɔc kɔc nōk bī ke nōk. Tēwēn cī ē kēnē rot looi go Yērot Agrīpa jāl Judia, ku ben la ceŋ Cetharia.

Antipāth Yērot aci thou

²⁰ Nawēn cī Yērot Agrīpa puŋu riāak tēnē bāny Tire ku Thidon, gokē la ke ya akut bīk la tiŋ. Ku ē cik kaŋ lēk Blatuth raan kāk pan bēny tiit bī wētden gam. Ku jōlkē la tēnē Yērot Agrīpa ku thiēc kē bī dōr ke ke, rin keek aake ye mūth yōk wun yen mēc Yērot Agrīpa.

²¹ Naŋon akōl yen cī Yērot Agrīpa lueel bī yen mat ke ke, go ruk alēthken bāny ku nyuuc thōnyde nhom ku jiem ke kɔc.

²² Ku jōl kɔc duŋc aa looi ēlā, “Acie raan yen jam, Aciēk.”

²³ Ee tēen, Yērot Agrīpa aci atuny Nhialic bēn col atuny, rin cī yen rot looi bī a yen ye door ku cie Nhialic yen ye door. Nawēn ke cuet kām tō yeyāc yic, ku thou.

²⁴ Wēt Nhialic aci bēn la tuēŋ ku kɔc juēc aaci bēn gam.

²⁵ Ku Barnaba kek Thawul aaci luoiden bēn thōl, ku dhukkē Jeruthalem ke cath kek Joon Marko.

13

Barnaba ku Thawul aaci lɔc ku toc ke

¹ Kɔc ke cī gam Antiōk aake la yīc kɔc ke ye kāk Nhialic tiŋ, ku jōl aa kɔc ē kɔc cī gam piŋc, ku keek aake ye yī Barnaba ku Thaimon. (Raan col) ku Lukiōth (raan pan Thirene) ku Maneen (ku yen ē ye mēthē bēny col Antipāth Yērot) ku Thawul.

² Tēwēn ye kek rōok thīn tēnē Bānyda, ku yekē mūth theek ke ye dhēl dēt dōr kek Nhialic, go Wēi Nhialic lēk ke ēlā, “Pālkē Barnaba ku Thawul ku bīk luŋi ca lōc ke aa looi.”

³ Ku jōl kɔc cī gam miēth aa theek ku rōokkē ku jōlkē Barnaba ku Thawul dōc ku jōlkē ke col ajīel bīk luŋi cī Nhialic lōc ke la luŋi Nhialic.

Barnaba ku Thawul aaci kery Thaipruth

⁴ Barnaba ku Thawul aake cī Wēi Nhialic tooc bīk la gen col Theleukia ku lek teem kōu riāi ku lek gen tō gool nhom wār ciel yic col Thaipruth.

⁵ Na lek yet gen dēt col Thalamith, gokē kɔc aa piŋc wēt Nhialic tēn amat kɔc Itharel. Ku Joon Marko ē cath ke ke rin bī keek aa kony luŋi.

⁶ Keek aaci cath ku temkē Thaipruth kōu, ku lek gen Papoth yen le kek raan dēt tiēt col Bar-Jethu ke ye raan Itharel, yōk thīn. Ku ēcī rot a nyuŋth ciēt ye raan kɔc lēk wēt Nhialic.

⁷ Yen Bar-Jethu ë ye mëthë bënydüt cöl Therjiuth Pauluth, bëny wun tš gool nhom wär ciel yic. Ku yeen ë ye raan pel nyin apei. Bëny ëci Barnaba kek Thawul tušc ku bik bën tënë ye, rin ë wic bë piššc wët Nhialic.

⁸ Ku yen luoiden bi kek bëny piššc ëci tiët Elimath (aa kek rienke thonj Girik) duër rac, rin ci yen ye them bi bëny rac nhom bi wët Nhialic cii gam.

⁹ Ke Thawul, ku anjic aya lon col ye Paulo, ëci Wëi Nhialic la yegušp, go tiët tiŋ ku döt apej,

¹⁰ ku lëk ye, “Yin mänh jorrac. Yin raan la ater kek käpath ëbën. Yin athiänj gušp kärec, ku aye them akölaköl ba yith Nhialic wel bik aa lueth!

¹¹ Yin abii Nhialic jak gušp ëmën. Yin abi coor ku yin abi nin nšk ke yi cii piny ben tiŋ.” Nyin yic Elimath, ëci kën macär guš paat nyin piny, ku jol cath ke wic raan bi ye däm cin bi thel.

¹² Nawën tiŋ bënydüt kë ci rot looi, go wët Nhialic gam rin yeen ëci gai apedit käk ci ke ye piššc wët Nhialic.

Barnaba ku Paulo aaci la Antiök tš Pithidia

¹³ Paulo ku jol aa kocken cath kek ye aaci wär teem riäi ke jiel Papoth ku lek Perga, wun col Pampilia. Tëwën, Joon Marko aci bën pušk ke ke ku dhuk Jeruthalem.

¹⁴ Ku ben kë jäl Perga ku yeetkë Antiök tš wun col Pithidia. Nawën aköl lön, aköl cii koc ë luui, go Barnaba ku Paulo la tën amat ku nyuuckë thün.

¹⁵ Nawën ci lööj Mothith, ku jol aa wël koc käk Nhialic tiŋ kueen, go bäny tën amat wët lëk Barnaba ku Paulo ëlä, “Wämäthakua wek aa wicku bäk koc jääm nhüim, tš le yen wët bi ke rieel pušth bäk lëk ke.”

¹⁶ Go Paulo rot jot, ku nyooth yecin bi koc biet. Ku jol jam ëlä, “Wëk mëthkië pan Itharel, ku jol aa koc cie koc Itharel Nhialic door, piänkë wëtdië.

¹⁷ Nhialic koc Itharel ëci wärkuan dit löc ku looi ke ke ye kuatdüt ril tör tšwäär ciëŋ kek ke ye alei wun col Ijip. Keek aake ci Nhialic bëei bei Ijip rielde.

¹⁸ Ku aci kärec yekë luši ye guum roor ruššn thiärjuan.

¹⁹ Ku Nhialic aci wušt kadhrou cuop wei pan Kanaan. Ku looi kacke bi aa kek la piny, ²⁰ tšcit run bušt kanjuan ku thiärthiëc.

“Wën ci kën rot looi, go Nhialic ke yiëk koc mac ke agut tš tul raan käk Nhialic tiŋ col Thamuel.

²¹ Nawën thiëckë Nhialic bi ke yiëk bënyaknhom, go Nhialic ke yiëk Thawul raan many Kic, kuat Benjamin yic, ku bi ya bëny ruššn thiärjuan.

²² “Nawën ci Thawul nyaa baäny yic, go Nhialic Debit looi ke ye bënyaknhomden. Ku kën ci Nhialic lueel rienke akin, ‘Aca yök lon Debit, wën Jethe yen ë raan yen wiëc. Ku ë yen raan bi käk wiëckë bik röt looi, aa looi.’

²³ “Ë ye Jethu raan kuat Debit, yen ci Nhialic looi ke ye raan bi koc Itharel lušk, tšcit tš ci yen ye luëel thün wäär.

²⁴ Wäär këc Jethu lušide jook, ke Joon ëci koc Itharel kanj lëk wët Nhialic. Ku ye ke yššk bik mušl luai kärec, ku colkë röt aa muoc nhüim piü.

²⁵ Na wäär ci luai Joon thišk kek thök, go koc thiëc ëlä, ‘Yakë tak ya ŋa? Acie yen raan tietkë. Raan tietkë abi lök bën yacök. Ku acie yen raan lëu ye ba warke däk bei yecök.’

²⁶ “Wëk wämäthkië Itharel, miŋ Abaram, ku jol aa wek koc cie koc Itharel rëer tën Nhialic door. Wët bi koc kony bi koc cii la pan mac aci lëk yo.

²⁷ Ku yeen akëc koc ke ciëŋ Jeruthalem ku bänyken ŋic, lon nadë ke yen raan bi koc bën kony. Ku keek akëc wël deet yiic aya, wël ke ye koc käk Nhialic tiŋ lëk ke wäär ye kueen akölaköl, aköl lön. Ku keek aaci wël koc käk Nhialic tiŋ col aa tiŋ kenhiim, rin ci kek Jethu col anäk.

²⁸ Cök alon cin yen yiny cik yök bi ke ye tëm thou, gokë jušt ke thiëc Pilato bi dhiel nšk.

²⁹ Ku wën ci kek këriëc ëbën looi, käk ke ci gšt athör theer wël Nhialic yic rienke, gokë jat piny tim ci riüu köu ku lek thišk ranj yic.

³⁰ Ku yeen aci Nhialic col aben pür.

³¹ Ku aaci rot nyušt koc ke ye cath kek ye kam Galilia ku Jeruthalem nin juëc yiic. Kek kockä, kek aaci käk ci röt looi tiŋ, ku lëkkë ke koc Itharel.

³²⁻³³ “Ku yök aaci bën buk we bën lëk thonj path ci Nhialic yepušu tšonj ke bi luši wärkuan dit. Aci luši yo ëmën yök miëthken, rin ci yen Jethu col aben pür ke ci thou. Cimën ci ye gšt ëlä waak rou athör theer wël Nhialic yic,

‘Yin ee wëndië, yen aci ya Wuur akölë.’

³⁴ “Ku yen këne yen ë kë ci Nhialic lueel, lon bi yen ye col aben rot jot thou yic, ku bi cii konj dhiäth ranj yic,

‘Yin aba yiëk yath, ku yin aba döc cit tšwäär, ci yen yapušu taan thün tënë Debit.’

³⁵ “Ku ë yic alanden, ëci lueel këlä wët dät ci gšt yic,

‘Yin acä aluonydu bi pušl bi dhiäth ranj yic.’

³⁶ “Ku yen Debit ë ye kãk Nhialic looi wäär pür yen, ku jol thou ku thiäk tẽ ci wårken dõt thiäk thïn. Ku guãpde aci bën dhiãth ran yic.

³⁷ Ku kën akëc rot looi tënë raan ci Nhialic jõt bei ran yic.

³⁸⁻³⁹ “Awiëc bãk ñic wek wãmãthkië Itharel, lön nadë ke rin Jethu yen abi kãrec pãl piny tënë koc. Raan bi wëtde gam abi adumuõõmke pãl piny tënë ye. Ku kënë ë këc lõñ Mothith looi wäär tënë we.

⁴⁰ Tããukë wenyin piny apath bi kã ci koc kãk Nhialic tñj, cik lëk koc ëlä rot cii lui we,

⁴¹ ‘Tiëñkë wek koc koc døl gup! Gàikë ku wek aabi liu, rin kã luõl akölë!’

Acie kã bãk gam, cok alon bi raandã ye teet yic tënë we!’ ”

⁴² Wën jiël Paulo ku Barnaba tën amat, goke yõk ku bik bën bën aköl dëët amat bik wët lõõñ Nhialic bën ber yic.

⁴³ Wën ci koc jãl amat yic, ke Paulo ku Barnaba ruëc koc juëc Itharel, ku koc juëc cie koc Itharel ci ciëñj koc Itharel gam. Ku jøl Paulo kek Barnaba lëk ke bik kepuõth dëët, ku bik pír ke ñõth piath Nhialic.

⁴⁴ Nawën aköl dët amat, ke koc juëc apeï bõ amat yic aabi ciët koc ëbën geeu kek ci gueër bik bën piñ wët Nhialic.

⁴⁵ Nawën tñj koc Itharel akut düt kënë ke ðam tiëel ke. Ku yekë wët lueel Paulo dhõl yic ku yekë lat.

⁴⁶ Ku Paulo kek Barnaba aaci bën jam apeï këlã ke cii riëc, “Kën yen bi rot kan looi tuen, ee lön bi we lëk wët Nhialic. Ku na cãk kuëc bãk wët Nhialic cii gam, ku yakë röt yök ke we cie koc wíc pír akõlriëëc ëbën, ke wek aa buk nyããñ piny ku lok tënë koc kãk cie koc Itharel.

⁴⁷ Rin yok aaci Nhialic yõk ëlä, ‘Wek aaca looi ke we cit mermer tënë koc cie koc Itharel, rin bi raan ëbën pinyinhom poth la pan mac.’ ”

⁴⁸ Nawën piñ koc cie koc Itharel wët kënë, gokë puõth miët ku leckë wët Nhialic cik piñ. Ku koc ke ci lóc bik aa koc pír akõlriëëc ëbën aake ci bën gam.

⁴⁹ Wët Nhialic aci bën yet bëëikë yiic ëbën.

⁵⁰ Go koc Itharel, kocdit baai geu yic ëbën ben rac nhüim agut diããr kocdit cie koc Itharel Nhialic door. Ku aaci Paulo ku Barnaba bën cuõp wei panden.

⁵¹ Go atuuc Jethu mël kuëëñ ku tenjë kecök rin ci kek puõth riããk tënë ke. Ku jiëlkë ku lek pan cõl Ikonìa.

⁵² Koc ke ci gam Antiök aake ci Wëi Nhialic la kegup, ku keek aake mit puõth apeï.

14

Paulo ku Barnaba aa koc Ikonìa lëk Wët Puõth Yam

¹ Këcit këwäär ci rot looi tënë Paulo ku Barnaba Antiök acie yic ben ber aya tënë ke Ikonìa. Paulo ku Barnaba aake ci la yõn ye koc Itharel mat thïn, ku jiëmkë arëk bi koc juëc Itharel ku koc cie koc Itharel wët Jethu gam.

² Ku koc kãk Itharel ci kuëc bik wët cii gam, aaci koc Ikonìa luõm thook bik kenhüim wël Paulo ku Barnaba.

³ Ku Paulo kek Barnaba aaci rëër Ikonìa nïn juëc. Ku jiëmkë apeï rin Jethu ke cii riëc, ku wët yekë lueel ëbën ë yic, rin ci Jethu ke yiëk riël bik kãk jãñ gõi aa looi.

⁴ Ku koc juëc tõ geeu aake ci keyiic tek, koc kãk aake wël koc Itharel piñ ku gam koc kãk wët atuuc Jethu.

⁵ Nawën ke met koc Itharel yic kek kocken dõt ku koc Konya bik agaac jock, ku wickë bik ke nõk.

⁶ Nawën la koc piõoc wët ci mat yök cok, gokë riñ tẽ cõl Likonìa tõ geëth Lithtra ku Derbe thïn.

⁷ Ku piõockë Wët Puõth Yam Bãny Jethu ë geëthkã yiic.

Paulo aci duër nõk Lithtra

⁸ Mony ci ruai, cie cath, yecök yoc piiny tẽwäär dhiëeth ye ë tõ gen Lithtra.

⁹ Ku ë ye wël Paulo piñ. Go Paulo tñj ke ci gam ku peth bi kony. Go dõt,

¹⁰ ku lueel, “Jõt rot ba kõõ!” Go rot wuõl nhial ku cieth.

¹¹ Nawën tñj koc juëc kã ci Paulo looi, gokë jam apeï thonñden Likonìa, “Acieëk cit koc aaci bën piny nhial tënë yo!”

¹² Ku ciëkkë Barnaba ke cõl Deuth ku ciëkkë Paulo ke cõl Yërmith rin ë yen raan ye wëlken lueel.*

¹³ Go raandit jõñ cõl Deuth door, jõñ rëër yiënñde kal thok miõõr la yiëth adir ci cuëëc yõk bëëi. Ku wic kek kocken juëc rëër ke ye bik atuuc door ë ke.

¹⁴ Nawën piñ Barnaba ku Paulo ke wickë bik looi, gokë alãthken ret yiic kekõth bik nyuõõth lön cii kek këcit kënë wic, ku rinjëc ciël thãn awën yic ku lueelkë,

¹⁵ “Yenõ looi wek kënë? Yok aa koc ë path cãmëndun. Yok aaci bën buk Wët Puõth Yam Jethu bën lueel, ku buk we nyaai kãk yakë doorkã yiic rin cïn kek wëtñden yic, ku bãk aa door Nhialic tõñ pír, ci nhial ku piny ku wër kek kãkkith tõ thïn ëbën cak.

¹⁶ Wãthëer Nhialic ëci koc puõl bik kãkken cik tak aa door.

¹⁷ Ku Nhialic ë rot nyuõõth akõlakõl kãpuõth ye looi yiic tënë koc. Ee ðen cõl atueny ku lok kãñ ëbën cit tẽden ye kek luõk, ku mitkë puõth.”

¹⁸ Cok awën këc kocã wëlken lac gam, ka cik bën lëu bik koc ðok bik miõõr cii nãk.

¹⁹ Nawën ke kɔc Itharel kɔk bɔ Antiök gen tɔ Pithidia, ku bɔ kɔc kɔk Ikonía, ku rɛckê kɔc nhïim ku biöökkê Paulo ku yöckê ayeer geeu, ku takkê lɔn ci yen thou.

²⁰ Nawën la kɔc ci gam kenhïim kut yelëëm, ke jɔt rot ku dhuk geeu. Naçon nhiäk ke la Derbe kek Barnaba.

Paulo ku Barnaba aaci dhuk gen Antiök tɔ Thiria

²¹ Paulo ku Barnaba aaci Wët Puøth Yam lëk kɔc Derbe ku gam kɔc juëc wët Jethu. Nawën ke dhuk Lithra. Ku lek Ikonía ku jɔl a Antiök tɔ Pithidia.

²² Ku lëkkê kɔc ci gam bïk gamden muk apath, ku lek tuenj ke nhair Jethu. Ku lëkkê ke piöscden yic ëlä, “Kɔc ci gam ëbën aa dhil gum ë pïr kënë yic rin bi kek met bäány Nhialic yic aköldä.”

²³ Ku kuanykê kɔcdit akuut kɔc ci gam yiic ëbën, ke ci kañ röök tënë Nhialic. Ku thekkê miëth rin bi kek Nhialic kañ door. Ku jalkê ke than Bëny Jethu cin, raan ci kek wëlke gam.

²⁴ Tëwën kueny kek Pithidia yic, gokê bën Pampilia.

²⁵ Ku piöockê Wët Puøth Yam tënë kɔc gen Perga ku lek Atalia.

²⁶ Ku tēn ke gër, ku dhukkê Antiök, tēwäär ci kɔc ci gam ke thön Nhialic thïn rin luaiden cik thöl.

²⁷ Wën ci kek yëet Antiök, ke kuut kɔc ci gam nhïim ku lëkkê ke kajuëc cik looi riël Nhialic, ku nyooth Nhialic lɔn alëu bi kɔc cie kɔc Itharel gam aya.

²⁸ Ku rëerkê Antiök pëi juëc kek kɔc ci gam.

15

Lõh Mothith

¹ Kɔc kɔk pan Judia aaci bën Antiök, ku piöockê kɔc ci gam ëlä, “Wek aaci Nhialic bi kony tē ciï we dhil ñoot, cit tē ci lõh Mothith luël ye.”

² Go Paulo kek Barnaba jam apei rin ë wët kënë kek kɔc awën bɔ Judia. Nawën ke mat yic, bi Paulo ku Barnaba ku kɔc kɔk Antiök la Jeruthalem bïk wët kënë la jääm yic kek atuuc Jethu ku kɔcdit kɔk.

³ Go akut kɔc ci gam ke jal tooc, ku wën tēek kek Ponicia ku Thamaria, ee cik lëk kɔc lɔn ci kɔc kɔk cie kɔc Itharel wët Nhialic gam. Wët kënë aci kɔc ci gam ëbën cal amit puøth.

⁴ Nawën yëetkê Jeruthalem ë ke lor akut kɔc ci gam, ku atuuc Jethu ku kɔcdit, kɔc cik bën lëk kajuëc ci Nhialic ke kony bïk ke looi.

⁵ Go kɔc kɔk akut Parathi ci gam röt jat nhial ku luël, “Keek aa dhil ñoot ku lëk ke bïk lõh Mothith dhïel thee.”

⁶ Go atuuc Jethu ku kɔcdit kenhïim mat bïk wët kënë tak yic.

⁷ Wën ci kek wët jääm yic apei, ke Piter jɔt rot ku lueel, “Wek kackië anjockê lɔn yen aci Nhialic lɔc wäär kamkun, ba Wët Puøth Yam lëk kɔc cie kuat Itharel, rin bi kek wët Bëny piñ ku gamkê.

⁸ Ku Nhialic anjic kē tɔ raan ëbën puøu, aci nyuøoth lɔn yeen alëu kɔc kɔk cie kɔc Itharel bïk gam aya cimën ci yen Wëike cal abɔ tënë ke, cimën wäär ci yen ye luüi yo aya.

⁹ Aci nyuøoth lɔn yok kɔc Itharel ku thäi kɔk, yok aa thöñ ëbën, ku nyeei käreç kepuøth rin ci kek gam.

¹⁰ “Na ye këya, ke yeñö looi wek kē ci Nhialic nyuøth we bäk ciï loi, rin wïc wek ye ë path bäk tē bi yen puøu riëek thïn tñ. Tē jɔt yok kɔc ci gam nhïim kërïl këc wärkuan dit ku yo aya, kañ lëu buk yääc?”

¹¹ Acie tēde! Ayeku gam lɔn bi yo kony rin piath Bëny Jethu, ku abi ya tēde aya tënë ke.”

¹² Go akut ëbën biet ku piñkê käk jäh göi ci Nhialic cal aa looi Barnaba ku Paulo ke, kam kɔc kɔc cie kɔc Itharel.

¹³ Wën ci kek thök jam, ke Jemith jɔt rot ku bëer ëlä, “Piëñk wët dië wek kɔc akuøtda!

¹⁴ Aci Thaimon tēt yo tē ci Nhialic ye nyuøoth thïn lɔn ye kɔc cie kuat Itharel kacke aya, rin ci yen kɔc kɔk nyaai keyiic bïk aa kacke.

¹⁵ Ku wël kɔc käk Nhialic tiñ aaci röm kek ë wëlkä alanden. Cimën ci ye gøt athör theer wël Nhialic yic ëlä,

¹⁶ ‘Ku lueel Bëny, yen abi dhuk, ku yen abi many Debit ci riääk bën jɔt nom. Ku bën kækken ci riääk cök piny bïk riël.

¹⁷ Ku këya, kɔc ëbën aabi Bëny wïc, kɔc cie kɔc Itharel ca cal bïk aa kackië.

¹⁸ Yen ee wët ci Bëny lueel akan, Bëny yen ci wët kënë cal anjic theer.’

¹⁹ “Kula Jemith tuenj ku lueel, na ye yen, ke yok aaci kɔc cie kɔc Itharel ci Nhialic dhuøk rëëm nhïim.

²⁰ Anjuëñ buk ke gät athör ku lëkku ke, bïk ciï mith kuat miëth ci ke jakrɛc door, ku titkê röt bïk gup ciï la akør. Ku cik riëm cam ku cik cuët riñ lán këc teem röl bi riëm kuër.

²¹ Rin lõh Mothith aci kuenen rin juëc yiic, yøn ye kɔc Itharel mat thïn akööl ciï kek ë luui yiic, ku wëlkä aaye piöock gæth yiic ëbën.”

Athör ci gät kɔc cie kɔc Itharel ci gam

²² Nawën ke atuuc Jethu, ku kɔcdit kek kɔc akut kɔc ci gam ëbën, mat wët yic bïk rööb abëk akut yic kuany, ku bïk ke tuöc Antiök kek Paulo ku Barnaba. Gokê Judath cal Barthabath aya, ku Thilath kɔc theek akut rin luaiden, kuany.

²³ Ku gëmkê ke athör kënë tënë kɔc ci gam Antiök,

“Yok atuuc Jethu ku kɔcdit, miëthakun, yok aaci miäthda tuöc miëthakua cie kuat

Itharel ciëŋ gen Antiök, ku pan Thiria ku Cilicia.

²⁴ Acuk piŋ lön cī kōc kōk akuŋtda yic la ku rēckē wepuŋth kāk yekē lueel, ku keek aa kēcku ke tooc bik kākā aala lueel.

²⁵ Kēya, yok aaci yonhūm mat ku gamku buk kōc kuany ku tucku ke we. Ku aabi la kek wāmāthkuan nhiarku Barnaba ku Paulo, ²⁶ cī wēiken gam bik luui rin Jethu Krītho.

²⁷ Wek aa tucku Judath ku Thilath, bik we lēk wēl cī gōt athōr kēn yic aya.

²⁸ Aci Wēi Nhialic tāāu yopuŋth bī ciēn lōŋ ril dēt mētku ē lōōŋ cī gāt we kā yiic.

²⁹ Ku wek aa cī kākā dhil loi, duŋkkē ye mīth miēth yeke jakrēc door, duŋkkē riēm cam, duŋkkē cuēt riŋ lān kēc teem rōl bī riēm kuēr, ku tiŋkē rōt bāk gup cī la akōr. Na luōikē kākā cīt ēmēn cī yok ke lēk we, ke luōidun abi piath. Yenakan.”

³⁰ Ku toockē atuuc Antiök. Nawēn cīk yet, ke mat kōc cī gam ēbēn nhūm ku gēmkkē ke athōōr.

³¹ Wēn cī kek athōōr kueen ē ke mit puŋth rin cī wēl cī gōt athōōr yic ke dēst puŋth.

³² Judath ku Thilath, kōc ke jam nyin Nhialic aya, aaci jam apei kek kōc cī gam bik ke dēst puŋth ku rilkkē puŋth.

³³ Tēwēn cī kek nīn nōk ke ke lony wāmāthakua dhōl bik dhuk ke puōl gup tēnē kōc ke toc ke. [

³⁴ Ku Thilath acie nhom bēn waar ku dōŋ.]

³⁵ Paulo ku Barnaba aake cī pēi nōk Antiök, ke piōōc wēt Bēny kek kōc juēc kōk tēnē kōc Antiök.

Paulo ku Barnaba aaci puŋk

³⁶ Nawēn cīk pēi nōk Antiök, ke Paulo yōōk Barnaba, “Dhukku ciēēn gēth wāār yiic cī yok Wēt Puŋth Yam piōōc thīn, buk wāmāthakua la neem, ku buk tiŋ lön le kek tuēŋ apath kek gamden.”

³⁷ Ku ē wīc Barnaba bī Joon Marko cath ke ke,

³⁸ ku akēc Paulo tak lön puŋth yen bī cath ke ke rin aci bēn dhuk Pampilia, ku cī rēēr ke ke bik luōiden thāap kedhie.

³⁹ Wēt kēnē cīk tēer apei nawēn ke puōk. Ku jiēl Barnaba kek Joon Marko ku geerkē Thaipruth.

⁴⁰ Ku cōl Paulo Thilath bī cath kek ye, ku pēl miēthakēn ke dhōl bī Nhialic ke cōl aa cath ke puōl gup.

⁴¹ Ku jōlkē la Thiria ku Cilicia kek Thilath, ke deet kōc cī gam puŋth bik gamden muk apath.

16

Timothī aci cath kek Paulo ku Thilath

¹ Paulo aci cath bī la Derbe ku Lithra tē ciēŋ Krīthian cōl Timothī thīn. Man Timothī

ēcī gam aya, ku yeen ē ye nyan kuat Itharel, ku wun ē ye Gīrik.

² Kōc le yok gam tōk ēbēn Lithra ku Ikonia, aake ye njec jam rin Timothī.

³ Go Paulo Timothī cōl anōt rin wīc yen ye bik cath. Ee looi kēya rin anjic kōc Itharel ke ciēŋ Derbe ku Lithra ēbēn lön ye wun Timothī Gīrik, kuat cie ŋoot.

⁴ Tēwēn ye kek jāl gen ku lek gen, aake lōōŋ cī atuuc Jethu ku kōcdīt tō Jeruthalem guiir tēt kōc cī gam, ku lēkkē ke bik aa luui cīt tē wīc atuuc Jethu ku kōcdīt tō Jeruthalem ye thīn.

⁵ Kēya, kōc akut kōc cī gam aaci cōk puŋth bik gamden cī war, ku kōc cī gam aaci rōt aa juak akōlakōl.

Paulo ku Thilath aaci la Troath

⁶ Paulo ku Thilath aaci Prigia ku Galatia bar yic, rin cī Wēi Nhialic ye nyuŋth ke bik Wēt Puŋth Yam cī piōōc ē bēēi Athia kā yiic.

⁷ Tēwēn cī kek aken Mithia dōōt, ke wīckē bik la pan cōl Bithinia, ku keek aaci Wēi Nhialic nyuāath bik cī tēk thīn.

⁸ Gokē Mithia bar yic ku lek Troath.

⁹ Ku ē wēēr kēnē Paulo aci kēdāŋ tiŋ kēcīt raan Mathedonia ke kāac yenhom ku lēŋ. “Bāār yīn Paulo Mathedonia ba yo bēn kony.”

¹⁰ Wēn cī Paulo nyuŋth ē kēnē, goku rōt guiir buk la Mathedonia, rin acuk njic lön cī Nhialic yo cōl buk Wēt Puŋth Yam la piōōc tēnē kōc Mathedonia.

Paulo ku Thilath aaci la Pilipi

¹¹ Goku jāl Troath ē riāi ku gērku buk teem Thomodhrakī, naŋōn nhiāk dēēt yo la Nipolith.

¹² Ku jiēlku Nipolith ku lok Pilipi gen tuēŋ ye kan thioak tē le kōc Mathedonia, ku yen ē ye gen rēēr kōc Roma thīn. Ku nākku nīn juēc geeu.

¹³ Nawēn akōl cīi kōc Itharel ē luui ke yo jiēl geeu, ku lok wāryōu tē yeku tak lön ye kōc Itharel kenhūm mat thīn bik rōōk. Ku nyuucku piiny ku jīēmku tēnē diāār ke cī kenhūm mat thīn aya.

¹⁴ Kam kōc cī wēlkua piŋ ē kōc ke tō thīn yiic, ee tiŋ gen Thiatira cōl Lidia, ku ē ye yōōc wei alēth mīthiōōŋ ril yōnyden yic apei. Lidia ē ye Nhialic door, ku ēcī Nhialic cōk puŋu bī wēt lueel Paulo piŋ.

¹⁵ Wēn cī ye gām lōkwēi kek kōc ciēŋ baai kek ye, ke cōl yo ku lēk yo, “Bāk, rēērkkē paandiē, tē cī wek ye gam lön cī yēn gam ayic.” Ku lēŋ yo buk la baai.

Paulo ku Thilath aaci mac Pilipi

¹⁶ Naŋōn akāl tōk, tēwēn le yok tē ye kōc la rōōk thīn, ke yo rām kek nyan alony la guōp jōŋ ye cōl alēk kōc kē bī rot looi. Ku yeen ēcī wēēu juēc apei bēēi tēnē kōcken cī ye loony.

17 Nawën ke buoth Paulo ku yo ëbën ke loi duoat, “Kockä aa lui rin Nhialic Madhöl. Aa yin lëk tē bī Nhialic yī kuony thīn.”

18 Ku looi këya nīn juëc, agut bī Paulo pušu riääk, ku wel yenhom ku lëk jōŋ tō nya gušp, “Rin Jethu Krītho bää bei ē nya gušp!” Ee kaam wën, ke jōŋrac jiël yegušp.

19 Nawën le koc cī yeen loony tīŋ, ke nyan alony cīn wëüu ye bēn bēi tēnē ke, gokē Paulo dōm ku Thilath ku thelkē ke luk yic.

20 Ku yēthkē ke bāny nhīim ku luelkē, “Röörkä aa koc Itharel, ku keek aa loi aliääp genda.

21 Aa yook pišoc buk kāk liu ciēŋda ku lōŋkua yiic, aa looi. Yok aa kuat Roma. Këya, yok aaci dhil luui kāk yekē lëk yo buk ke looi.”

22 Ku mat thān awën kääc luk kōu wētden yic ku biëkkē ke, ku ret bāny alēth Paulo ku Thilath yiic kekōth, ku colkē ke aa that.

23 Wën cī apuruuk Paulo ku Thilath that ku biëkkē ke apeī, ku riitkē ke yōn mēc, ku yōök bēny apuruuk ē tīt koc cī mac, bī ke der rin bī kek cī kat.

24 Nawën piŋ apuruuk ē wēt kēnē, ke riitkē yōn tō ciēn ku rekkē kecök, ku mäckē ke gurgurdit thiek kōu.

25 Nawën tēcit wēer ciel yic, ke Paulo ku Thilath aake rōök ku ketkē waak door kek Nhialic, ku koc kōk ke cī mac kek keek aake piŋ.

26 Kaam awën ke piny yiëk rot apeī, ku yiëk tēwën cī yōn mēc buth thīn aya. Nyin yic tēwën ke yōöt ŋany kethook, ku dāk lušŋ werwer kecök.

27 Go bēny apuruuk wën tit yōt thok rot puur ku tīŋ yōöt ke ŋaany thook, ku tēk lōn cī koc cī mac rōt kwal, go palde miëēt bei, ku wic bī rot nāk.

28 Go Paulo rēl apeī, “Duk rot nāk! Yok aatō tēn ëbën!”

29 Go bēny apuruuk mac cōl, ku riŋ yōt ku wīk Paulo ku Thilath cōk ke lēth.

30 Nawën ke wēt nhīim ayeer ku thiëc ke, “Wek bāny, yenjō ba looi bī ya kony?”

31 Gokē lueel, “Gam wēt Bēny Jethu, ke yīn akony wek kacku.”

32 Nawën ke jōl wēt Bēny Jethu pišoc tēnē ye ku tēnē koc kōk tō paande ëbën.

33 Ku ē wēer kēnē, ke Paulo ku Thilath nyēi bēny apuruuk wën ke bī tētōkken la lōk yiic ku dēr keyiic, ku muoc nhom nyin yic kek kacke ëbën.

34 Ku yēth Paulo ku Thilath paande ku gēm ke miēth. Ku jōl pušu miēt kek kacke rin cī yen wēt Nhialic jal gam.

35 Naŋon nhiäk ke bāny geeu toc bāny apuruuk, “Lak, lëkkē bēny apuruuk tīt yōn mēc bī Paulo ku Thilath lony.”

36 Go bēny apuruuk tīt lëk Paulo, “Bāny aaci wēt tooc riengkun bī we lony. Këya, wek aaci pušl bāk jal ke cīn awušc yīk we.”

37 Go Paulo lueel tēnē bēny apuruuk, “Yok aa kēc yāth luk yic, ku yok aaci bāny col that thēi nhom ku mac yo, ku yok aa koc Roma! Ku ëmën, awickē buk jal yo cīi ŋic? Acie tēde! Kek bāny nhīim, aa dhil bēn tēn bik yo bēn lušny bei.”

38 Go bāny apuruuk wēt cī Paulo ku Thilath lëk ke la kuany yic tēnē bāny geeu. Nawën piŋkē lōn ye Paulo ku Thilath koc Roma, gokē rišoc.

39 Ku lek bik ke la lōŋ, bik wēt pāl piny tēnē ke, ku biëkkē ke bei yōn mēc ku lëkkē ke bik jal geeu.

40 Go Paulo ku Thilath jal ku lek pan Lidia. Ku matkē kenhīim thīn kek koc cī gam, ku jiëmkē tēnē ke wēl deet kek kepušth ku jiëlkē.

17

Koc Thethalonika aaci wēt Paulo maan

1 Paulo ku Thilath aaci tēek geeth karou yiic, gen Ampipoli ku Apolonia, ku jōlkē bēn Thethalonika tē rēer tēn ye koc Itharel kenhīim mat thīn bik rōök.

2 Go Paulo, cimēnden theer, la tē ye koc Itharel kenhīim mat thīn, ku akōöl yiic kadiäk, akōöl cī koc Itharel ye luui, ke Paulo jōl kāk cī gōt athör theer wēl Nhialic yic aa tēer kek koc.

3 Ku nyuth ke kē cī gōt athör theer wēl Nhialic yic, ee lōn bī Jethu Krītho raan cī Nhialic tooc abi dhil gum, ku jōt rot thou yic. Ku lueel Paulo ëlä, “Jethu jiëem yēn riēnke tēnē we ëmën, yen aci Nhialic lōc ku dōc.”

4 Go koc kōk kāk cī Paulo lueel yōk ke ye yith, ku mētkē rōt Paulo ku Thilath, ku yen lan koc juëc Girik Nhialic door aya, ku diäär kōk kocdit.

5 Ku koc Itharel aake cī tiel dōm rin cī koc juëc wēt Paulo gam, ku kuutkē koc aliääp dhöl yiic, ku matkē keyiic ku loikē duoat, ku mekkē pan Jathon ku wickē Paulo ku Thilath yōöt yiic bik ke bēi ayeer tēnē koc.

6 Nawën cīk ke yōk, gokē Jathon ku koc kāk cī gam thēl tēnē kocdit geeu ke loi duoat ëlä, “Röörkä aacā liääp looi geeth juëc yiic, ku ëmën aaci bēn genda.

7 Ku aaci Jathon nyušoc paande. Keek aaci lööŋ bēnyŋaknhom Roma dhöl yiic, ku luelkē ka la bēnyŋaknhom dēt yam col Jethu.”

8 Ku wēlken kā, aaci thändit gēu ku bāny liääp nhīim.

9 Ku jōl bāny Jathon ku wāmāth kōk awën col aa tēüu wēüu piny bik rōt waar, ku pälkē ke bik jal.

Paulo ku Thilath aaci la Beria

10 Tēwën cī piny cuol, ke koc cī gam col Paulo ku Thilath aa la Beria. Nawën cīk yet, ke la tē ye koc Itharel mat thīn.

¹¹ Aye kɔc Itharel tɔ Beria nhiaar bik wɛt Paulo piŋ tɛnɛ kɔc Thethalonika. Ku aake wɛl Nhialic kuen akɔlakɔl, bik tiŋ lɔn ye kāk ye Paulo lueel yith.

¹² Kɔc juɛc aaci wɛt Jethu ye Paulo lɛk kɔc bɛn gam. Ku diäär juɛc kɔcɔdit Giriik, ku rööR juɛc Giriik aaci wɛt ye Paulo lueel bɛn gam aya.

¹³ Nawɛn le kɔc Itharel tɔ Thethalonika piŋ lɔn cɪ Paulo wɛt Nhialic la piöc Beria aya, gokɛ bɛn ku kuutkɛ kɔc thook bik aliääp looi.

¹⁴ Tɛwɛn nyin yic, ke kɔc cɪ gam cɔl Paulo ajiɛl kek kɔc kɔk bik la wath thok, ku dɔŋ Thilath ku Timothï Beria.

¹⁵ Ku kɔc awɛn ruɛc Paulo aaci bɛn ger kek ye, bik yet Athen. Ku dhukkɛ Beria kek athɔn Paulo tɛnɛ Thilath ku Timothï, bik röt lac mat ye.

Paulo aci la Athen

¹⁶ Tɛwɛn tiit Paulo Thilath ku Timothï Athen, ee kɛc pušu la yum wɛn tiŋ yen geu ke cɪ thiän yïik ye kek jakken door thïn.

¹⁷ Go jäl a teer kek kɔc Itharel, ku kɔc wuöt kɔk Nhialic door tɛ ye kɔc Itharel mat thïn kek thän dɛt guɛr tɛ ye kɔc kenhüim mat thïn geeu, bik wɛlkä bɛn piŋ.

¹⁸ Go kɔc kɔk piöc Epikuria ku Ithtok jam kek ye aya. Ku lueel kɔc kɔk, “Yenö wic raan kɛnɛ kɛc piöc, bi lueel?” Ku ben kɔc kɔk lueel, “Yen ɛ ciɛt jam rin jak kucku.” Ee luelkɛ këya rin Paulo ɛ piöc rin Jethu, ku lɔn ye kɔc röt jɔt thou yic.*

¹⁹ Gokɛ Paulo cɔl amat yic, amat ɛ röm gon cɔl Ariöpakuth nhom ku luelkɛ, “Awïcku buk piöcɔcɔn yam ye lueel kɛnɛ njic.

²⁰ Kɔk yeku piŋ ke ye lueel, aaci thöŋ kek kāk cuk kaŋ piŋ, ku awïcku buk wɛtɛn yic, njic.”

²¹ (Rin anhiɛɛr kɔc ke dhiɛth Athen, ku thäi kɔk la rëer thïn, bik kɔc aa lɛk wɛl yam cik piŋ, ku piŋkɛ kāk yam tɛnɛ kɔc kɔk aya.)

²² Go Paulo rot jɔt ku kɛɛc amat Ariöpakuth nhom ku lueel. “Kɔc Athen! Aya tiŋ kajuɛc yïic lɔn ye wek jak juɛc theek.

²³ Rin tɛ ciɛth yen gendun yic, ku daai kākun yakɛ door, yen ɛ yïk yök aya ke cɪ göt nhom kɛlä, ‘Tɛnɛ Nhialic kuc.’ Yen kɛ yakɛ door kɛnɛ, yen ɛ kɛnɛ ya lɛk we, ku acäk ye njic.

²⁴ Nhialic cɪ piny cak ku kāk tɔ thïn ɛbɛn, yen ɛ Bɛny nhial ku piny. Ku acie ceŋ luɛk cɪ buth yïic bi ye aa door thïn.

²⁵ Ku yeen aya, acie wic kɔk bi luši ye, rin ɛ yen atö piir yecin, ku ɛ yen keriɛɛc ɛbɛn wic raan, gäm raan.

²⁶ Nhialic aci raan tök kaŋ cak tuen, ku raan tön kɛnɛ yen abii thäi bei thïn ɛbɛn, ku jöl ke aa thiäi pinyinhom ɛbɛn bi kek ceŋ thïn.

Ku tuen kɛc yen ke cak, ɛci guuir, ye nen, ku ye tɛnen bi kek cien thïn.

²⁷ Acɪ cak rin bi kek ye wic bik njic, tɛdɛ abik yök tɛ wic kek ye. Ku ɛ yic Nhialic aci mec kek yo.

²⁸ Cɪmɛn cɪ raan dɛt ye lueel ɛlä thɛɛr, ‘Yen acɔl yo aa piir, ku ciɛŋku cɪmɛn kɛnɛ!’ Ku aci kockun wak lueel aya ɛlä, ‘Yok aa miɛthke aya.’

²⁹ “Cɪmɛn ye yok miith Nhialic, acuk dhil tak lɔn Nhialic acit milän, ayi ael cɪ atɛt guan bi thöŋ Nhialic.

³⁰ Akɛc Nhialic kuɛɛc nhom, bi kɔc tɛm awuöc wäär kɛc ye njic, ku ɛmɛn ɛ kɔc lɛk pinyinhom ɛbɛn, bik käreɛc yekɛ looi pušl.

³¹ Rin aci guuir bi la aköl tön bi raan cɪ lɔc luk looi tɛnɛ kuat raan ɛbɛn pinyinhom. Ku yen aci nyuöth raan ɛbɛn lɔn bi yen kɛnɛ looi, jön cɪ yen raan bi luk looi jɔt raŋ yic!”

³² Tɛwɛn piŋ kek Paulo ke jam jön rot thou yic, ke bui kɔc kɔk, ku lueel kɔc kɔk ɛlä, “Awïcku, ba kɛnɛ bɛn ber yic, buk piŋ.”

³³ Go Paulo jäl amat yic.

³⁴ Ku mɛt rööR kɔk röt ye, ku gamkɛ wɛt cɪ lueel, kam ɛ röörkɛ ɛ ye raan kɔc amat cɔl Diönithiöth, ku tiŋ cɔl Damarith, ku kɔc kɔk ke cɪ gam aake tɔ thïn aya.

18

Paulo aci la Korinth

¹ Wɛn cɪ Paulo jam amat yic, ke jiɛl Athen ku ler Korinth.

² Ku rɛm thïn kek mony Itharel cɔl Akuila, dhiɛth Pontuth, ke puoc bɛn Italia kek Prithkila tieŋde, rin cɪ Klauðiöth, Bɛnyŋaknhom kɔc Itharel cuap wei Roma. Go Paulo la bi ke la neem.

³ Ku rëer ku luui ke ke, wɛn cɪ yen ke yok ke ye cuɛc alɛth dhil ye gušt piny cit duɛl, ku yoöckɛ ke cɪmɛn yen aya.

⁴ Ku ɛ ye jam apeɪ tɛ ye kɔc Itharel mat thïn akööl cɪi kɔc ye luui yïic, bi ke lɛk yith, rin bi kɔc Itharel ku kɔc Giriik wɛt Nhialic gam aya.

⁵ Nawɛn la Thilath ku Timothï bɛn Matheonia, ke Paulo päl kākken ke ye looi ku yik yenhom piöc wɛt Jethu, ku tɛt kɔc Itharel lɔn Jethu yen aluan bi Nhialic tuöc pinyinhom.

⁶ Nawɛn ke jönykɛ ku luelkɛ käreɛc rianke, go yecök teŋ ku lɛk ke, “Na cak määR bāk Nhialic kuc, ka wek aabi röt gök ɛ röt! Acin raan bāk gök. ɛmɛn wek aba pušl ku la wɛt Jethu piöc tɛnɛ kɔc cie kɔc Itharel.”

⁷ Goke jal nyään piŋ, ku ler pan raan cie raan Itharel Nhialic door cɔl Titiöth Juthtuth bila rëer thïn. Ku pan Titiöth ɛ thiääk kek tɛn amat kɔc Itharel.

⁸ Raandit tɛn amat cɔl Krithputh ɛci wɛt Nhialic gam, yeen ku kackɛ ɛbɛn ku kɔc kɔk

* 17:18 Aa kɔc akut ɛ kɛn lueel pan Giriik. 17:25 1Bŋ 8:27; Ith 42:5; Lusi 7:48

Korinth aake ci wēt Jethu piŋ ku gamkë, ku muɔc Paulo kenhïim.

9 Nayoŋ wëër tøk, ke Paulo tiŋ kédäŋ këcit nyuúth, ku lëk Nhialic ye ëlä, “Duk rišc ë kockä, laor tuenŋ yi jam tënë ke, ku duk dhör kë loi yic,

10 rin yen arëër kek yi. Acin raan bi ye lëu bi yiëk tëtök, rin koc juëc rëër ë tən aa kackië.”

11 Go Paulo rëer geeu rušön tøk ku abak, ke piöoc koc wët bö tënë Nhialic.

12 Nawën ci Galio bënyŋaknhom Roma, jal looi bi ya bënydit pan Giriik, ke koc Itharel mat keyiic ku damkë Paulo ku yëthkë luk yic tënë Galio.

13 Ku luelkë tënë ye, “Mony këné, awic koc bik Nhialic aa door dhöl ciä thääny kek lŋnda.”

14 Tëwën wic Paulo ye bi jam, ke luel Galio tënë koc Itharel ëlä, “Na ye awuoc yen ci looi, ŋušt yen acä yic päl piny ku piŋ wëtduŋ.

15 Ku ëmën nëk ater we ë path wët rin ku wël ku lšönkun, wek aa dhil këduŋ luel wëpëc. Yen acie bëny kək cit kəkä.”

16 Ku cöl ke aa nyëci luk yic.

17 Gokë Thotheneŋ, raandit tən amat döm ku biëkkë luk yic. Ku këné akëc Galio kuëc nhom.

Paulo aci dhuk Antiök

18 Paulo ëci nin juëc nök Korinth kek koc ci gam, nawën ë ke tšöŋ ke, ku ler riäi yic kek Prithkila ku Akuila, riän la Thiria. Ku wën këc kek guo la wïir bik ger, ee ci kuëëŋ Kankëria tënë Nhialic, ku cöl rot amut nhom.

19 Nawën ë ke yet Epethuth, të ci Paulo Prithkila ku Akuila bën nyääŋ thïn. Ku ler tən amat koc Itharel, ku jiëem apeŋ ke ke.

20 Ku pëen koc amat bi lök rëër kek ke, go ci gam.

21 Ku lëk ke ëlä wën jiël yen, “Na ye yen kë wic Nhialic, ke yen abi dhuk tënë we.” Ku ler riäi yic ku jiëlkë Epethuth.

22 Wën le yen yëët Cetharia, ke la Jeruthalem ku mušt akut koc ci gam, ku jal la Antiök.

23 Nawën ci nin nök Antiök ke jiël ku ler wušt Galatia ku Prigia ku deet koc ci gam thïn ëbën pušt.

Apolo ë koc Epethuth ku Korinth pišöc

24 Go raan Itharel cöl Apolo, dhiëth Alekdhandria pan Ijip, bën Epethuth. Yen ë ŋic wël theër ci göt athör theër wël Nhialic yic, ku ë ŋic jam apeŋ.

25 Ku ëci pišöc dhël Bëny ku nhiëer ke ku jiëem ku pišöc koc yith rin Jethu. Ku kəkä aake pëk thook mišc nhom wäär ye Joon looi.

26 Ee ye këriëc ëbën ŋiëc teet yiic apath tən amat ke ciä rišc. Tëwën piŋ Prithkila

ku Akuila wëlkä, gokë yäth panden ku tëtë dhöl ci Nhialic nyooth tënë koc.

27 Ku jal Apolo tak bi la pan Giriik, go koc ci gam Epethuth kony ku gëtkë athöör tënë koc ci gam tš pan Giriik, ku lëkkë ke bik ŋiëc lor apath të yet yen. Ku yeen aci bën aa raan ci koc ci Nhialic kuony dhëŋde bik gam, bën kony apeŋ wën yet yen.

28 Rin wëlken ril ci luel aaci yen koc Itharel thöl nhïim amat yic, ku nyuth ke yith wël theër Nhialic ci göt yiic lön Jethu yen ë raan ci löc ku dæc.

19

Paulo aci la Epethuth

1 Tëwën rëer Apolo Korinth, ke Paulo jal cath bi wušt kuany yiic ku yet Epethuth. Tëën, aci koc kək abiöth yök thïn

2 ku thiëëc ke, “Ci Wëi Nhialic lööny wegup wën ci wek gam?” Gokë dhušk ye, “Akëcku cak piŋ lön tš Wëi Nhialic thïn.”

3 Go Paulo ke thiëëc, “Na ye këya, ye mišc nhom ŋö cäk yök?” Gokë bëër, “Ee mišc nhom ye Joon gäm koc.”

4 Go Paulo lëk ke, “Mišc ye Joon koc mušc nhïim aye looi tënë koc ci kepušt wel wei kërec yiic. Ku lëk koc Itharel wek aa dhil Jethu raan bi lök bën yacök gam.”

5 Wën piŋ kek ë wët këné, ke mušc nhïim bik jal aa koc buoth Jethu.

6 Ku tëu Paulo yecin kenhïim, ku bö Wëi Nhialic kegup, ku jiëmkë thok kək, ku jolkë wët ci bën tënë Nhialic aa luëel.

7 Ku röör aake cit thiäär ku rou ëbën.

8 Ku tən pëi kadiäk, Paulo ë ye la tš ye koc Itharel mat thïn, ku jiëem ke ke apeŋ lön ye wët ye luel rin bäny Nhialic yic.

9 Go koc kək nhïim riël keyiic ku cik gëm, ku luelkë kërec apeŋ koc nhïim rin dhël pïr ci Bëny nyooth. Go Paulo ke nyääŋ piny ku jiël kek koc ci gam, ku jolkë wët aa jaam yic akölaköl, yöndit ye mony cöl Tiranuth jam thïn tënë koc juëc.

10 Ku la Paulo tuenŋ rin karou ke loi këné, abi koc ke rëër wun Athia, koc Itharel ku koc cie koc Itharel, wët Bëny piŋ.

Aye wëet Ithkiba them bik jakrëc cuap wei

11 Nhialic ëci Paulo cöl aloi kək koc göi këc röt kan looi.

12 Alanh yen tuc wuuny, ku alanh ye cenŋ tən luai, aake ye yäth tënë koc tuany. Ku tš ci ke yäth, aa tuaany cöl ajiël ku jiël jakrëc kegup aya.

13 Eci koc kək Itharel këc gam baai kuany yic ke ye jakrëc cuap wei koc gup, aa them aya bik rin Bëny Jethu aa luel, ku yekë jam tënë jakrëc ëlä, “Yin ayöök rin Jethu, ye Paulo jam rinke.”

14 Wëët raandit kək Nhialic cöl Ithkiba kadhoroŋ kek aake ye këné looi.

¹⁵ Go jɔŋrac lueel tēnē ke, “Yen anjic Jethu, ku yen aci wēt Paulo piŋ ku week yakē tak ye wek yi ŋa?”

¹⁶ Go raan tō jɔŋrac yeguŋp thuɛet kegup ku yik ke tētōök, ku ret alāthken yiic kekōth. Nawēn ke kat paande kecin kōth alēth, ke kuēr gup aya.

¹⁷ Kɔc Itharel ēbēn ku kɔc cie kɔc Itharel ke ciēŋ Epethuth, aake cī kē cī raan la guŋp jɔŋrac looi piŋ, gokē riššc apei, ku jɔl rin Bēny Jethu aa leec apei.

¹⁸ Go kɔc juēc cī gam bēn ku lekkē kākken rec cik looi kɔc nhīim.

¹⁹ Go acŋr juēc luui ē kākā athŋrken bēi ku cuānykē ke ke deei raan ēbēn. Ku matkē wēu ke yɔc athŋr yiic gokē aa wēu juēc apei.

²⁰ Kājuēc ril cī rōt looikā aaci kɔc cōk puōth apei, ku jɔl wēt Bēny la tuen ke thiēi piny, ku gēm kɔc juēc.

Kɔc Epethuth aacā aliāap looi

²¹ Wēn cī kākā rōt looi, ke bō Paulo puōu bi la Jeruthalem ke tēk Mathedonia ku Giriik, ku lueel, “Tē cī yen la ē bēiikā yiic ke yen abi dhīel la Roma aya.”

²² Go Timothī ku Eratuth kɔcken ye kony tuōc Mathedonia, ku lək rēer Athia.

²³ Tēwēn rēer yen Athia yen ēci aliāmdit rot looi Epethuth rin dhēl piir cī Bēny nyooth.

²⁴ Mony thōth mīlšōŋ cɔl Demetriōth ē tō thīn. Ku yeen ē ye kāŋ thōōth mīlāŋ kēciit luēk kor ye ke jɔŋ tik cɔl Artemith door thīn. Ku kɔcken luoi aake wēu juēc yōk ē luoiden kēnē yic.

²⁵ Go kɔcken luoi cɔl ēbēn, ku cɔl kɔc kōk mīlšōŋ thōōth kēciit luēk Artemith cīmēnden aya, ku lək ke, “Week, anjickē lɔn ye yōk wēūkuan piir yōk yōk ē luoi kēnē yic.

²⁶ Ayakē piŋ ku tiŋkē yen kē looi raan cɔl Paulo. Aye lueel lɔn kāk ye thōōth aacie Nhialic acin, ku yeen aci kɔc juēc wel nhīim Epethuth ē tēn, ku jɔl a Athia ēbēn.

²⁷ Kērac abi rot looi rin kɔc aaci bī ŋjic aa jam ē luoiden kēnē. Ku acie kēyā rot, acin kɔc bī ye bēn aa tak lɔn ye luaj jɔndan cɔl Artemith kē thiek yic. Ku acin kɔc bī jɔndan cɔl Artemith bēn aa theek, jɔndan ye raan ēbēn Athia ku pinyhom, door!”

²⁸ Wēn piŋ thān awēn cī kenhīim mat kē cī Demetriōth lueel, ke tuuc kegup ku riēkkē puōth apei, ku loikē wuōu ku yekē lueel ēlā, “Artemith Epethuth adit apei alanden!”

²⁹ Ku jɔl kɔc juēc gēu yic ēbēn, duōt looi. Ku dom thān awēn Gaiōth ku Aritharkuth, kɔc pan Mathedonia ke cath kek Paulo, ku riŋkē ke tē ye kɔc geeu kenhīim mat thīn.

³⁰ Go Paulo wic bī la jam kek kɔc wēn cī kenhīim mat. Go kɔc cī gam pēen bī cīi la.

³¹ Ku kɔc kōk ŋjic kek ye kōcđit geeu yiic aake cī wēt tooc aya bik lək, bī cīi bō bī bēn jam kɔc nhīim.

³² Tēwēn kɔc ke cī bēn amat yic aake loi duōt. Ku ye kɔc kōk jam wēl cīi thōŋ kek wēl kɔc kōk, rin kɔc juēc keyiic aake cɔk kēnē met kɔc kenhīim kuc.

³³ Go kɔc kōk tak lɔn ē yen Alekdhänder yen cī kēnē looi, rin cī kɔc Itharel ye cɔl ala kɔc nhīim tuen. Go Alekdhänder yecin jɔt bī kɔc cɔl abit, ku bī tēt ke lɔn cīi kek cōk tō ē wēt kēnē yic.

³⁴ Nawēn lek Alekdhänder ŋic lɔn ē yen raan Itharel, ē ke ŋɔt ke loi duōt ku ŋuot yekē kiit yic, “Artemith Epethuth aril apei alanden.”

³⁵ Nawēn ke jɔl raandit bēny geeu lēu bī kɔc duōm thook piny ku lueel, “Kɔc Epethuth anjic raan ēbēn, lɔn yen gen Epethuth yen ala riel bī luaj Artemith tiit, ku jɔl a kuōr yath cī lōny nhial.

³⁶ Acin raan dhāl ē kākā. Kēya, palkē rōt piny, ku duōkkē lui luoi mīth.

³⁷ Wek aaci rōörkā bēi ē tēn, cɔk alɔn cīn yen kē yaath cī nyaai luēc, ku lɔn cīn yen kārec cik lueel janɔa guōp aya.

³⁸ Na la Dimitriōth kek kɔcken luoi raan yekē gaany, ka akōōl ye kɔc luk aatō thīn ku bāny aa rēer thīn, alēukē bik raan wickē la gaany akölē.

³⁹ Ku na le kēdēet ŋuot wiēcckē, ka bī luk amatđit yic.

⁴⁰ Rin alēu bāny Roma kuan mac yō bik lueel lɔn cī yōk aliāap looi rin kē cī rot looi akölē, rin acin raan lēu ye bī lueel, lɔn ala wēt puōth looi aliāap, ku acin wēt yic lēuku buk lueel aya rin aliām kēnē.”

⁴¹ Wēn cī yen wēt kēnē lueel, ke dāk amat nhom.

20

Paulo aci la keny Mathedonia ku pan Giriik

¹ Tēwēn cī kɔc ke wic Paulo bik nōk rōt pāl piny, go Paulo kɔc cī gam cɔl ku mēt ke ke, ku lək ke wēl deet yen kepuōth ku jɔl ke tšōŋ, ku jiēl bī la Mathedonia.

² Ku jɔl cath wuōt juēc yiic ku lək kɔc cī gam wēl juēc deet yen kepuōth bēi cī ke tēek yiic. Ku jɔl la wun Giriik.

³ Ku rēer thīn pēi kadiāk. Tēwēn guir yen rot bī la Thiria, go ŋic lɔn cī kɔc Itharel ye thīn dhēl yic bik nōk. Go tak ku dhuk ciēen bī la tēek Mathedonia bī jāl la Thiria.

⁴ Kɔc cī yen bēn ruac aayi Thopater, wēn Piruth, raan pan Beria, ku Aritharkuth, ku Thekunduth kɔc Thehalonika, ku Gaiōth, raan Derbe, ku Tikikuth ku Tropimuth, kɔc wun Athia, ku jɔl aa Timothī.

⁵ Keek aaci la tuen ku lek ya tiit yōk kɔc kōk ke cath kek ya Troath.

⁶ Ku yok aaci cath riäi jäl Pilipi ke yo ci Yan Ayum cin yic luou kanj cam. Nawën nin kadhiëc cök, goku ke jal la dööt Troath, ku ë yen tã ci yok nin kadhorou bën nõk thïn.

Paulo aci dhuk Troath

⁷ Nayon thëei aköl nin dätem, ke yok aa yo ci yonhiim kut ku buk ayup bany yic ku camku yok koc ci gam. Ku jäl Paulo jam, ku le tuenj ke jiëem koc nhiim yet wëër ciel yic, rin ë bi jäl yon nhiäk.

⁸ Ku mëc juëc aake dëp yon nhial tëwën mët yok thïn.

⁹ Ku mony riënythii cäl Eyutikuth ëci nyuc aluüit nyin. Nawën ci jam Paulo ksu bër apeï, go nin nõk abi nin, ku lööny piny aluüit nyin ayeer. Ku yöt ëci buth ke cöoc nhom arak diäk. Nawën lek jot ke yökkë ke ci thou.

¹⁰ Go Paulo bën ku cuet rot yeköu ku pëet yic. Ku lëk koc, “Duökkë riöc, anjot pür!”

¹¹ Ku dhuk nhial, ku le röök ku banykë ayup ku camkë. Nawën ci jam ke ke apeï agut bi piny bak, ke jiël.

¹² Ku yëthkë riënythii wën baai ke pür, ke ci puöth miët apeï.

Paulo aci jäl Troath ku ler Miletuth

¹³ Yok aaci la tuenj buk la riäi yic, ku ger yo buk la Athoth tën yen bi Paulo la met riäi yic thïn. Ku ëci lëk yo ku buk looi këya, rin ë wic bi la Athoth yecök.

¹⁴ Nawën le räm ke yo Athoth, go cath kek yo riäi ku lokku Mitilene.

¹⁵ Ku tëmku ë riäi ku yëetku Kayoth yon nhiäk dët. Na aköl dëët ke yo la Thamoth, nawën ben bak goku yet Miletuth.

¹⁶ Ku ëci Paulo tak ku bi Epethuth waan thok, rin ci yen ye wic bi gäau wun Athia. Ku ë ban yeköu rin ë wic bi them apeï bi yet Jeruthalem aköl looi Yan Ayum cin yic luou.

Paulo aci kocdiit Epethuth tössj

¹⁷ Tëwën ci Paulo yet Miletuth go thok tuöc tënë koc Epethuth, ku bi kocdiit kek bäny koc ci gam räm kek ye.

¹⁸ Tëwën ci kek yëët go lëk ke, “Wek aa njic luoidië, ku tã ci yen cieñ thïn kek we aköl tööñ yon yëët yen wun Athia.

¹⁹ Yen akëc rot looi ke ya ye raan nhiam. Ku yen ya loi luoi ya ya aluanj Nhialic. Ku yen ya ye rëer ke ya dhiau puöu wët pür ril yic ye koc Itharel ye wic bik yen nõk.

²⁰ Yen acin kë ca muöny we, kë yen bi we kony tëwäär ye yen koc lëk, ku ya koc piöc wët Nhialic agut bäaikun yic.

²¹ Koc Itharel ku koc cie koc Itharel, aa ca ke aa lëk alanden ku bik kepuöth dhuök ciëen ku gamkë wët Bänyda Jethu.

²² Ku ëmën, rin theek yen wët ci Wëi Nhialic lëk ya, ke yen adhuk Jeruthalem, ku akuöc yenö bi rot la looi tënë ya tëtui.

²³ Kën yen njec ë kë ci Wëi Nhialic thön yen gëeth ca tëëk yic ë lön bi ya mac, ku kärec bi luoi ya gëeth yic ëbën aatit ya.

²⁴ Ku piërdië acä ye kuëëc nhom lön ye yen këpath tënë yen, ku ë rin wic yen ye ku ba luoi yen ci Bëny Jethu yiëk ya ba thöl, yen lön bi yen ye aa lëk koc, yen thonj path tënhiëer Nhialic koc thïn.

²⁵ “Yen aci cath kamkun, ke ya jam wët bääny Nhialic. Ku anjec ëmën lön cïn yen raan dët kamkun bä ben tünj.

²⁶ Kën yen alëk we ku bäk muk wenhiim akölë, tã le yen raan bi dhël ca nyooth läk puöl bi määr, ka ci yën bi gök.

²⁷ Rin acin këdët ca moony këc lëk we ye kë wic Nhialic ëbën ku bi looi.

²⁸ Tietkë röt apath ku tietkë koc ci Wëi Nhialic we looi bäk aa koc mëc ke. Calkë röt aaye abiök koc ci wët Nhialic gam, koc ci looi bik aa kacke thon Wënde.

²⁹ Anjec na la jäl ke koc ater Nhialic, cit gal ci wäth aabi bën kamkun, ku keek acin raan tök kam koc ci gam bik puöl.

³⁰ Ninkui bi bën koc kök akuötdun yic aabi lueth aa lueel na lëukë ka wëñ koc ci gam.

³¹ Tietkë wenhiim, ku duökkë nhiim mä, anjec we acä piöc pü nyin aköl ku wëër tën run kadiäk.

³² “Ku ëmën wek acä päl Nhialic bi we tiit dhëëñden nhiëer yen we. Yen ala riël bi we döc bäi këpath yök, këpuöth kek ye yiëk kocken ci löc.

³³ Acin këpuöth raan dët cimën lunj thith, ku milänj tsc, ku alëth ca tuöör nyin.

³⁴ Anjickë wepëc lön ke luoi ca looi, ci yen ke wëü juëc yök thïn aa kek ci yen käckkië ku käk koc rëer kek yen yöc.

³⁵ Acä nyuöth we këjuëc yic ëbën, lön nadë raan lunj apeï yen ë koc niöp kony, ku wël ci Bëny Jethu lueel aake muök yanhom yon ci yen ye lueel ëlä, ‘Raan koc muöc ë yen puöu miët apeï tën lön bi raan dët ye muöc!’ ”

³⁶ Tëwën ci Paulo thök jam, gokë kenhiöl guöt piny ku röökkë Nhialic.

³⁷ Keek aaci dhiau tëwën ye kek Paulo paat yic, ku yekë cism ke tönjëk.

³⁸ Keek aake rec puöth wët ci yen ye lueel ëlä, wek aaci ya bi ben tünj. Ku jalkë ruac riäi yic.

21

Paulo aci la Jeruthalem

¹ Yok aaci koc ci gam ke bö Epethuth tössj ku jiëlku. Tëwën ci yok wär teem riäi, goku yet tã cöl Koth. Nayon aköl dëëtë ke yo yet pan cöl Rodeth, ku jiëlku thïn ku lokku tã cöl Patara.

² Ee tëën yok aaci riän la Ponicia bën yök thïn, goku këc thïn ku ger yo.

³ ʎok aaci bēn yet tē ye ʎok Thaipruth tīj thīn, ku jəl riāi cath ke Thaipruth tō kōj cam ke yo la Thiria. ʎok aaci bēn la piny riāi yic Tire, ku ē yen tēn bī kāk ke tō riāi yic la jat piny thīn.

⁴ ʎok aaci kōc kōk cī gam bēn yōk Tire, goku rēer ke ke nīn kadhorou. Keek kōc Tire aake cī Wēi Nhalic yōk ku bīk Paulo lēk ku bī cīi la Jeruthalem.

⁵ Na la nīnkuan ke buk nōk ke ke Tire thōk, goku jāl. Keek ēbēn agut diāār ku miēthken aaci yō bēn ruac. Nawēn yeetku wath thok ke yo gut yonhiol piny agōr thok ku rōōkku Nhalic.

⁶ Ku tōjku ke ku lok riāi yic ku dhukkē baai.

⁷ ʎok aaci ger jāl Tire agut Ptolimiath, tē yen cī ʎok kōckuan cī gam bēn la muōōth thīn ku rēerku ke ke niēn tōk.

⁸ Na akōl dēētē ke yō jiēl ku yeetku Cetharia. Tēēnē, ʎok aaci bēn la pan Pilipo raan kōc piōōc Wēt Puōth Yam Nhalic, ku rēerku kek ye. Yeen ē ye raan tōj kōc kadhorou ke cī kuany Jeruthalem.

⁹ Yeen ē la nyīr kanjan kēc thiaak ku keek aake cīt kōc kāk Nhalic tīj.

¹⁰ Tēwēn cī ʎok nīn nōk paande ke raan kāk Nhalic tīj cōl Agabuth bō wun Judia,

¹¹ bī yō bēn tīj. Ku lōōm gōm ye Paulo yeyic duut, ku duut yecōk ku yecin ku lueel, kē cī Wēi Nhalic lēk ya akīn, raan la gōm kēnē abī kōc Itharel la der Jeruthalem cīt ēmēn cī yen ye nyuōōth, ku abīk thōn kōc cie kōc Itharel.

¹² Tēwēn piñ ʎok ē wēt kēnē, ʎook ku jōl aa kōc ē pan wēn, goku Paulo lōj bī cīi la Jeruthalem.

¹³ Go dhušk yō ēlā, “Yenō luoikē ēmēn dhiēu wek kēlā, bāk ya cōl akōc puōu? Acie lōn bī yen la der Jeruthalem yetōk yen ca gam, awiēc aya ku ba la thou thīn rin Bēny Jethu.”

¹⁴ Ee kēcku lēu buk dōk, goku puōl, ku jōlku lueel, “Pēlku Nhalic ku bī kē cī tak looi.”

¹⁵ Tēwēn cī ʎok nīn ē tēēn, ke yō jōl rōt guir ku jiēlku buk la Jeruthalem.

¹⁶ Kōc kōk kam abiōth Cetharia aaci yō bēn ruac, ku yēthkē yō pan raan bī ʎok la rēer thīn cōl Menthon, raan Thaipruth, ku ē ye raan tōōj kam kōc tuen ke kōj wēt Jethu gam.

Paulo aci Jemith la tīj

¹⁷ Nawēn yeetku Jeruthalem go kōc cī gam yō lor ke mit puōth.

¹⁸ Na la akōl dēētē bēn, goku la ʎok Paulo buk la jam kek Jemith, ku kōcīt kāk Nhalic aake tō thīn.

¹⁹ Keek aaci Paulo jāl muōōth ku jōlke kuēny yic kāk cī looi ēbēn tēnē kōc cie kōc Itharel riel cī Nhalic yiēk ye.

²⁰ Nawēn cīk kāk cī Paulo kuany yiic piñ, gokē Nhalic leec. Ku jōlkē lēk ye, “Alēu ba tīj ēmēn yīn wāmāāthda. Kōc juēc apēidit ke ye kōc Itharel aaci gam, ku keek aa thek lōj Mothith apēidit.

²¹ Ku acīk piñ lōn ye yīn kōc Itharel tō wuōt kōk yiic piōōc ku bīk Lōj Mothith puōl. Ku aca aa lēk ke bīk miēthken cīi ye nōot ku pālke tēcīt tē ye kōc Itharel cien thīn.

²² Abīk dhiel piñ yen lōn cī yīn yēēt. Yenō buk looi ēmēn?

²³ Anjēēn ba kē buk lēk yī looi. Ala kōc kanjan ē tēn cī kuēēj.

²⁴ Cath ke ke, ku māt rot kōc bī kegup wuōōny wei, bāk rōt kōc ē tōk ku tāū wēēuken piny, wēēu kāk kek bī kek rōt kōc, ku keek aabi kenhiim muut. Kēya, abīk jal ŋic ēbēn lōn wēl cī lēk ke rienku aa lueth, ku yīnhom yīn adhil cenj tēcīt tē ye lōj Mothith ye lueel thīn.

²⁵ Ku kōc cie kōc Itharel cī gam, aa cuk tuōc athōōr buk lēk ke bīk mūth cī ke jakrēc door cīi ben ya cam, ku jōl aa riem ku lān dēt cī dec, ku titkē rōt bīk gup cīi la akōr.”

²⁶ Go Paulo rot māt rōōr wēn, nayōn nhiāk ke kōc rot ke ke. Ku jōl la luaj Nhalic, ku lēk kōc tē bī nīn kōc thōk, tēn yen bī kōc jāl a looi tēnē raan tōk keyiic ēbēn.

Paulo aci thel ayeer luaj Nhalic

²⁷ Nawēn cī nīn kadhorou thiōk ke thōk, go kōc kōk Itharel ke bō wun Athia Paulo tīj luaj Nhalic. Gokē kōc rac nhiim ēbēn ku dōmkē Paulo.

²⁸ Ku luelkē ke cī kerōt jōt, “Kōc Itharel! Kuonykē yo! Yen raan kēn, ee yen piny kuany yic ke piōōc kōc ku ye lueel kōc Itharel aa kōc rēc, ku ē lōj Mothith, ku jōl a luaj Nhalic kēnē yōōj yiic. Ku ēmēn aci kōc cie kōc Itharel bēēi luaj Nhalic aya, ku bīk bēn yiēk yic buōōl yen tēn athēēk Nhalic!”

²⁹ (Ee luelkē yen kēn, wēt cī kek Tropimuth raan Epethuth tīj ke cath kek Paulo geeu, gokē tak lōn cī Paulo bēn kek ye luaj Nhalic.)

³⁰ Go aliāāp thiēi kal yic ēbēn, ku jōl kōc kat ku lek Paulo dōm, ku thelkē ayeer luaj Nhalic. Ku thiōkkē kal thok nyin yic.

³¹ Tēwēn wīc kek ye bīk Paulo nōk, ke thok ēcī tuōc tēnē bēny apuruuk Roma lōn nadē ke kōc ēbēn Jeruthalem aa loi ariēr.

³² Go bēny apuruuk lōōny dhōl nyin yic kek bāny kōk apuruuk ku apuruuk, ku riñkē tēn tō yōōm thīn. Nawēn tīj thān awēn wīc Paulo bīk nōk apuruuk, gokē puōl.

³³ Go bāny apuruuk la tēnē Paulo ku dōmkē, ku yōōkkē apuruuk bīk der cīn arēk karou. Ku jōlkē thiēc, “Yenja yen monyē, ku yenō cī looi?”

34 Go koc ke ts y33m yic w3l c3i th3n aa lueel. Ku j3l ali33p rot looi agut b3 b3ny apuruuk ci3n k3 detk3, k3 c3 rot looi yic. Gok3 apuruuk y33k bik Paulo kuaath t3den r33r kek thin.

35 Naw3n cik j3l cath ku r33tk3 t3th3ny, ke y33m juak rot ap3i, go apuruuk Paulo j3t.

36 Gok3 bu33th ku yek3 kiu 3l3, "B3k, dhilku n3k."

Paulo aci rot kony

37 T3w3n d33t kek t3 ye apuruuk r33r thin, go Paulo l3k b3ny apuruuk, "C3 ya p3l ku ba y3 l3k w3t di33n3?"

Go b3ny apuruuk j3l thi33c, "Ye jam th3n Gir3k?"

38 Ku y3n, c3i ye raan Ij3p w33r c3 raan tim kanjan muk dh3n wat nh3m roor, ku w3c ba th3r kek koc mac baai?"

39 Go Paulo dhuk nhom, "Y3n 3 raan Itharel, dhi3th pan cal Tarthuth wun Cilicia, y3n 3 raan gen d3it njc. P3l ya ku ba jam t3n3 koc."

40 Ke yeen aci b3ny apuruuk b3n pu3l ku b3 koc j33m nh3m, ku j3l Paulo k33c t3th3ny ku nyooth yecin b3 koc bi3t. Naw3n cik bi3t, go Paulo jam t3n3 ke thu3n3den.

22

1 "Kocki3n d3t ku wek w3m3thki33 ku wek w3rkua, pi3nk3 apath y3n ac3n k3r33c ca looi n3k ya."

2 Naw3n pi3nk3 ke jam thu3n3den, gok3 bi3t, abi piny la d3l ku j3l Paulo la tuej ke jam,

3 "Y3n 3 raan Itharel, dhi3th Tarthuth wun Cilicia, ku y3n ya d3t Jeruthalem t3n ku 3 Gamaliel yen ac3 pi33c. Y3n aci pi33c t3 bi y3n l33n w3rkuan d3t the3k th3n, cim3ndun wek koc t3 t3n ak3l3."

4 Y3n aci koc ke bu3th dh3l k3n yic cal agum. Y3n aci r33r ku di33r cal amac.

5 Raand3t k3k Nhialic ku koc akut luk 3b3n al3k3 ku bik lueel l3n nad3 ke yic yen k3 ya lueel. Keek aac3 y33k ath3r ku ba ke la y33k kockuan Itharel t3 Damathkuth. Ke y3n aci koc c3 gam b3n la d3m ku r3k kecin, ku ku33th ke ci33n Jeruthalem rin b3 ke b3n t3m awu3c."

Paulo aci t3 c3 yen a raan c3 gam teet yic

6 "Y3n ak3l ci3l yic ke ya cath, ya c3 thi3k kek Damathkuth, ke k3cit mac la biliny nhial ku go ya gu3 g33l piny.

7 Ku wi33k piny ku pi3n r3l raan ke jam ku l3k ya, 'Thawul! Thawul! 3 rin n3 cal y3n ya agum?'

8 Gu3 thi3c, 'Ye y3n n3 B3ny?' Go l3k ya, 'Ee y3n Jethu raan Nadharet, 3 rin n3 cal y3n ya agum.'

9 Koc ke cath kek ya aake c3 mac t3n, ku aa k3c r3l jam t3n3 ya pi3n.

10 Gu3 thi3c, 'Y3n3 ba looi, B3ny?' Ku aci B3ny b3n l3k ya, 'J3t rot ku l33r Damathkuth, ku y3n abi la l3k k3ri33c 3b3n yen c3 Nhialic tak ku ba looi t3n3 ye.'

11 Y3n ya c3 many c3 bir nyin c33r, go koc ke cath kek y3n ya thel ku y3thk3 ya Damathkuth.

12 "Ku mony cal Ananiath 3 t3 Damathkuth, ku 3 ye raan Nhialic door ku 3 thek l3n koc Itharel, ku yeen 3 thekk3 ap3i.

13 Yeen 3ci b3n t3n3 ya, ku k33c yal33m ku lueel, 'W3m33th Paulo, ba pial ba ben daai!' Nyin yic nyi3ndi3 aci rot b3n liep ku ti3n piny.

14 Ku lueel, 'Nhialic ye w3rkuan d3t door aci loc ku ba k3 w3c ba looi t3n3 ye njc, ku t3n Aluan3deen pu3th k3kk3 looi, ku pi3n r3lde ke jam.

15 Ku y3n abi ya raan njc 3 w3t k3n3, ku ba raan 3b3n l3k k3 ca t3n ku k3k ca pi3n.

16 Ku 3m3n, y3n3 n33t tit? J3t rot ku b3 y3 mu33c nhom, ku cal adumu33mku aa l33k wei, ku ba Nhialic ya r33k.'

Nhialic aci Paulo y33k bi koc cie koc Itharel pi33c

17 "Ku jal dhuk Jeruthalem, ku w3n c3 y3n la ba la r33k luan Nhialic, ke ya t3n kecit nyu3th,

18 ku ti3n Jethu ke l3k ya, 'J3l 3m3n Jeruthalem ku ban y3k3u, rin koc t3 t3n, aaci w3lkun ba ya lueel ri3nk33 bi gam.'

19 Gu3 dhuk nhom, 'B3ny, an3ck3 apath l3n c3 y3n a la y3n amat Itharel y3ic, ku dam koc c3 gam ku cal ke aa that.

20 Ku 3 ca gam w33r ku b3 Ithipin n3k raan ye koc pi33c w3tdu, ku 3 y3n ya c3 al3th koc ke n3k ye l3k tiit.'

21 Go Jethu l3k ya, 'L33r, rin y3n aba tu33c t3m3c t3n3 koc cie koc Itharel.'

22 Go koc w3n w3l Paulo pi3n, agut l3n lueel yen w3t b3 ye tu33c t3n3 koc cie koc Itharel. Gok3 du33t ben looi, "Nyaaik3 raan cit k3n 3 pinyinhom! N3kk3! Acie raan path b3 pi3r!"

23 Ku j3lk3 aa kiu, ke ya al3thken pi33r nhial ku yek3 li3t w33r nhial.

24 Go b3ny apuruuk Roma apuruuk y33k bik Paulo y3th y3t t3 ye apuruuk tiit thin, ku l3kk3 ke ku bik that, rin b3 Paulo w3t ye koc Itharel ye j33m gu3p lek.

25 Ku w3n c3 kek ye der ku bik that, go Paulo l3k b3ny apuruuk w3n k33c kel3m 3l3, "Ye l3n lueel l3n nad3 ke raan Roma that 3 path ke k3c y3th luk yic, b3 la awu3c y3k yegu3p?"

26 Naw3n pi3n b3ny apuruuk w3t c3 Paulo l3k ye, go la t3n3 b3nyd3t apuruuk ku thi33c, "Y3n3 loi? Yen mony3 3 raan koc pan Roma."

27 Go b3nyd3t apuruuk la t3n3 Paulo ku thi33c, "L3k ya, ye raan Roma?" Go Paulo b33r, "Ee yic."

²⁸ Go bënydit apuruuk lueel, “Yen ë raan koc pan Roma rin ci yen wëëu juëc tääu piny tënë koc mac baai.” Go Paulo bëër, “Yen ë raan pan Roma rin ye koc ke dhiëth ya koc pan Roma.”

²⁹ Go koc kök ke bi Paulo bën thiëc, dhuk ciëen ku nyiënkë thin, ku bënydit apuruuk ëci riöc wën ci yen ye njic lön ye Paulo raan koc Roma, ku rin ci yen ye col ader aya.

Paulo aci yäth luk yic

³⁰ Na aköl dëët, wën wic bëny apuruuk Roma ye bi awuöc ye koc Itharel Paulo gaany njic, go Paulo col adëk apuruuk cin, tëwën ci ye rek ku yöök kocdit käk Nhialic ku koc amat ëbën bik röm. Ku bi Paulo kenhiim.

23

¹ Go Paulo koc amat dot ku lueel, “Kackië, acin käk tö yapuöu, ba ke thiëc rin piërdië, ya dëi Nhialic agut cit akölë.”

² Ee tëën, ke raandit käk Nhialic col Ananiath yöök koc wën kääc tëthiök kek Paulo bik buöök thok.

³ Go Paulo lëk ye, “Nhialic abi dhiel buöök aya, yin kë cie guöp ye yär! Yin aci nyuc ba luk looi tënë ya cit të ye löng ye luëel thin, ku yin anot yi cii löng dhoj ksu rin ci yin koc yöök bik ya biäk!”

⁴ Go koc thiäak kek Paulo lëk ye, “Yin alat raandit käk Nhialic!”

⁵ Go Paulo bëër, “Acä njic, kackië lön ye yen raandit käk Nhialic. Aye athör thëer wël Nhialic lueel, ‘Yin aci kërac dhil luëel bëny mac kacku guöp.’”

⁶ Nawën tñj Paulo, ke koc kök aa koc akut Thaduthi ku koc kök ke ye koc akut Parathi, ke jam apei röldit tënë koc luk, “Kackië! Yen ë raan akut Parathi, koc ke dhiëth ya aake koc akut Parathi. Yen aci bëi luk yic rin ye yen ye njöth lön bi koc ci thou röt jot aköldä!”

⁷ Nyin yic tëwën lueel yen wët kënë, ka agöth la nhial kam Parathi ku Thaduthi ku tekkë keyiic.

⁸ Rin aye Thaduthi lueel lön cii koc röt bi jot thou yic, ku acin atuuc nhial ayi atip koc ci thou. Ku Parathi aa kakkä gam ëbën kadiäk.

⁹ Ku juak jam rot apei kam Parathi ku Thaduthi. Go koc kök piöoc lööng, ke ye koc akut Parathi, röt jot ke ci puöth riäak apei ku luelkë, “Acin këreec ci yök ke ci looi! Tëdë, ke atuny nhial, yen aci diët jam tënë ye!”

¹⁰ Ku la agöth nhial apei, nawën ke bëny apuruuk riöc ciët ke bi Paulo cak nök. Go apuruökke tooc bik Paulo la nyaai luk yic, ku yëthkë täden ye kek rëer thin.

¹¹ Nayon aköu ke Bëny kääc Paulo lööm ku lueel, “Dëet yipuöu! Aca nyuöth Jeruthalem, lön ë yin raandië, ku yin adhil këcit ë kënë looi Roma aya.”

Ee wic koc Itharel bik Paulo nök

¹² Nayon nhiäk ke koc kök Itharel mat kenhiim, ku kuëënkë lön cii kek kuat miëth bi kan cam ku dëkkë të këc kek Paulo kan nök.

¹³ Koc ke mat kënë yic, aake thiärjuan ku të kac.

¹⁴ Ku lek tënë koc käk Nhialic ku kocdit baai ku luelkë, “Yök aaci kuëëng apei yodhie buk cii mith, yet të bi yok Paulo kan nök.

¹⁵ Ku ëmën, week ku koc kök akut, tuöockë wët tënë bënydit apuruuk raan Roma bi Paulo bëi tënë we, ku luelkë lön wic wek ye bäk kë ci looi bën deet, ku yok aabi röt guuir buk nök kë këc yëët wenhiim.”

¹⁶ Ku wën nyankën ë Paulo ëci wët nek nër pinj, go rin të rëer apuruuk thin ku le wët lëk Paulo.

¹⁷ Go Paulo raan tök kam bëny apuruuk col ku lëk ye, “Yäth riënythii kënë tënë bënydit apuruuk, ala wët wic bi lëk ye.”

¹⁸ Go bëny apuruuk riënythii wën yäth tënë bënydit apuruuk ku lueel, “Yen aci Paulo, raan mac, col ku lëk ya ba riënythii kënë bëi tënë yi, rin ala wët bi bën lëk yi.”

¹⁹ Go bënydit apuruuk dom cin ku yëth täden röt ku thiëc, “Yenö wic ba lëk ya?”

²⁰ Go lueel, “Acä kocdit Itharel mat yic bik yi thiëc bi Paulo yäth luk yic nhiäk, rin wic koc luk ye bik käk juëc ci Paulo looi la deet.

²¹ Ku duk wëden pinj, rin abi la raan thiärjuan ku të kac bi ye thiën bik nök. Aaci kuëëng bik cii mith ku dëkkë yet të bi kek ye nök. Ku ëmën aaci röt guuir bik looi, ku aa tit wëtdu bik pinj.”

²² Go bënydit apuruuk lëk ye, “Duk ben lëk raan dët lön ci yin ya lëk wët kënë.” Ku col riënythii ajilë.

Paulo aci yäth tënë bënydit Pelik

²³ Nawën ke bënydit apuruuk col bënyken apuruuk karou ku lueel, “Kuanykë apuruuk buot karou ku jol aa raan thiärhorou cath mathiäñ, ku raan buot karou ke muk töñj bik la Cetharia, ku rëerkë ke ci röt guuir bik lööny dhöl ëmën akäu.

²⁴ Ku wiëckë mithiöñ bi Paulo ke cath, ku yäthkë tënë bënydit Pelik ke cin këreec yök ye dhël yic.”

²⁵ Ku jol bënydit apuruuk athör göt ëlä,

²⁶ “Yen, Kladiöth Lithiath yen agët athör kënë tënë yi bënydit Pelik path apei. Yin aca muöth.

²⁷ Koc Itharel aake ci mony kënë dom ku duërkë nök. Ku aca pinj lön ye yen raan Roma, guo la kek apuruökkië bik la kony.

²⁸ E wiëc ba awuöc ye kek ye gaany njic, guo yäth amat yic tënë ke.

²⁹ Aca yök lön acin awuöc cii looi bi yok ye nök, nadë ke macku. Ayekë gaany käk la thiäak kek löñken.

³⁰ Nawën la lëk ya lön cī kōc kōk Itharel wēt mat yic bīk mony kēnē nōk, guō tak ba tuōc tēnē yī. Ku lëk kōc awën goōny ye, week lak tēnē Bēnydan dīt bāk awuōc cī monyē looi la lueel yenhom.”

³¹ Go apuruuk kēwën cī lëk ke looi. Ku nyēēikē Paulo ē wēēr kēn bīk yēet Antipatrith.

³² Nawën bak piny, ka apuruuk ke cath kecōk dhuk Jeruthalem, ku nyiēnkē Paulo apuruuk cath mīthiōōŋ bīk la kek ye.

³³ Ku yēthkē Cetharia, ku gēmkē athōōr tēnē bēny Pelik ku thōnkē Paulo.

³⁴ Nawën cī bēnydīt Pelik athōōr kueen, ke thiēc Paulo, “Ye raan wun nen?” Nawën yōk lön ē yen raan wun Cilicia

³⁵ ke lueel, “Yen abī wētdu piŋ tē le kōc goōny yī yēēt.” Ku yōōk apuruuk bīk Paulo la muk ku titkē pan wāār buth Antipāth Yērot.

24

Kōc Itharel aaci Paulo gaany

¹ Nawën nīn kadihiēc cōk ciēen, ka Ananiath raandīt kāk Nhialic la Cetharia kek kōcdīt kōk ē baai, ku jōl a raan bī wētden njic la kuany yic luk yic cōl Tertuluth. Ku lek bēnydīt Pelik nhom ku lëkkē wēlken goōny kek Paulo.

² Go Tertuluth cōl ku jōl Paulo gaany ēlā, “Yīn bēnydīt! Wēt ye yīn raan njic kōc mac ē yen aci yōk rēēr run juēc dōōr yic ke cīn aliāāp. Ku kājuēc peth ca looi kek aaci wuōnda yāth tuēŋ.

³ Kāpuōthkā aa nhiarku ke ēbēn akōlakōl. Ku yīn acuk leec yōpuōth apēi.

⁴ Acā wīc ku ba jam apēi, ku yīn alāŋ ba wēl kuēnku yī piŋ.

⁵ Yōk aaci mony kēnē yōk ke ye raan rac. Yen acā aliāāp a looi kam kōc Itharel pinynhom ēbēn. Ku yeen ē bēny kōc akut Nadharet.

⁶ Yeen awīc bī luāŋ Nhialic yiēk yic buōōl. Ku yeen acuk dām. Acuk them buk tēm awuōc tēcīt tē ye lōōŋ panda ye lueel thīn.

⁷ Ke yeen aci bēnydīt apuruuk Lithiath bēn dām beī yocin riēl ku nyiēēi.

⁸ Ku yōōk kōc cī Paulo gaany ku bīk bēn luk yic yīnhom. Tē thiēc yīn ye, ka ba guō njic kek kāk cī yōk ye gaany.”

⁹ Ku mat kōc Itharel thīn aya ku luekkē lön kāk cī Paulo gaany aa yīth.

Paulo aci rot kony Pelik nhom

¹⁰ Go bēnydīt baai Paulo jāl yōōk bī jam, ku jōl Paulo lueel ēlā, “Anjic lön ye yīn raan cī luk luōk run juēc ē wundaan. Ke yen amit puōu ku ba rot kony yīnhom.

¹¹ Tē lēu yīn ye ba yic njic, ke wāār tēcīt nīn kathiāār ku rou ēmēn, yen ē le yen Jeruthalem ba la rōōk thīn.

¹² Ku kōc Itharel acīn raan cik yōk ke gōth ke yen luāŋ Nhialic. Ku keek aakēc ya yōk ke

ya ye kōc rac nhīim tēn amat Itharel. Ku jōl aa yōn kōk yiic aya.

¹³ Ku keek acik bī lēu bīk yī lëk kēn ye nyuōōth lön ye kāk cik kuēen yaguōp yīth.

¹⁴ Wēt lēu ba gam akīn. Yen ē Nhialic ye wārkuan dīt door, door aya dhēl yen yekē lueel ka cie yic. Ku yen ē kēriēēc ēbēn cī gōt lōōŋ Mothith ku athōr kōc kāk Nhialic tiŋ yiic gam.

¹⁵ Yen ala njōth cīt njāthden aya tēnē Nhialic lön bī kōc ēbēn, kōc path ku kōc rac rōt jōt thou yic akōldā.

¹⁶ Ke yeen aya them ku ba kē la cōk looi tēnē Nhialic ku kōc ēbēn.

¹⁷ “Yen aci run nōk wei Jeruthalem, ke yen ya cī la wēū ba yāth tēnē kackiē ku la rot kōc.

¹⁸ Ee wēn looi yen ē kēnē yen ē yōk kek ya luāŋ Nhialic ke ya cā guōp wuōōny wei kārēc. Ee cīn yōōm rēēr kek ya, ku ē cīn aliāām cī rot looi.

¹⁹ Ku kōc Itharel ke bō wun Athia aake rēēr thīn. Ku keek nhīim, nuōt aaci dhiel bēn yīnhom ku bīk kē ca wuōōc bēn lueel.

²⁰ Na cie kēya, ke ē rōōr rēēr ē tēn, ka luel awuōc cik yōk ca looi wāār cī ya yāth luk yic.

²¹ Kē njic ē kēl tōŋ ca lueel ēlā ke ya kāk kēnhīim, ‘Yen aci bēēi luk yic akōl wēt cī yen ye gam lön nadē ke kōc cī thou aabi rōt jōt bīk pīr.”

²² Ku ē njic Pelik apath yen tē ye dhēl pīr kōc Itharel theek thīn. Go luk puōl ku lëk ke ēlā, “Na la bēnydīt apuruuk Lithiath yēēt ke luōŋdun aba tiŋ.”

²³ Ku lëk bēny apuruuk rēēr apuruuk Paulo tiit nhīim ku bī Paulo cī tiit apil yic, ku yekē kōc māāth kek ye puōl bīk kākken wīc aa bēēi tēnē ye.

Paulo aci jam tēnē Pelik ku Druthila

²⁴ Na la nīn lik thōk, ke Pelik bō kek tiēŋde Druthila, ku ē nyan kōc Itharel. Ku tuc Paulo bī bēēi bī wēt ye Paulo gam rin Jethu Kritho bēn piŋ.

²⁵ Nawën la Paulo tuēŋ ke jam wēt path ku lön bī raan rot tiit kārēc, ku jōl a bēn akōl luŋdīt, go Pelik riōōc ku lueel, “Yīn alēu ba jāl ēmēn. Yīn aba bēn cōl tē cī yen nhom bēn lāūu.”

²⁶ Ku ye njōōth lön bī Paulo ye riōp wēū. Ku rin ē wēt kēnē aci bēn a tuōc akōlakōl ku jīēm kek ye.

²⁷ Na la run karou thōk, ke Porkiōth Pethtuth wēēr nyīn bēnydīt Pelik ke ye bēny. Pelik ē wīc ku bī kōc Itharel nhīaar, go Paulo nyāāŋ mēc yic.

25

Paulo aci thiēc ku bī tuōc tēnē Bēnyŋaknhom

¹ Nīn kadiāk cōk ciēen wēn cī Pethtuth yēēt Cetharia, ke jiēl thīn bī la Jeruthalem.

²Tëwën ke koccit kâk Nhialic ku jol aa bány Itharel ke gōny Paulo la tēnē ye, ku lëkkë wëtden. Ku länjkë Pethtuth,

³ku bi ke luši kē wickë kepuſth ku bi Paulo bëi Jeruthalem, rin ē cik mat yic ku bik Paulo nâk dhël yic.

⁴Go Pethtuth bëer, “Paulo abi rëer ke mac Cetharia, rin yen adhuk ē ninkä.

⁵Calkë bánykun aa la Cetharia kek ya, ku bik jâl la kuën guſp tē le yen awuſc cī looi.”

⁶Go Pethtuth nin kabët aduërkë aa thiäär kaŋ nâk ke ke, ku jol la Cetharia. Na aköl dëſtë ke la luk yic, ku jol apuruuk yōök ku bik Paulo kuëſth yenhom.

⁷Na la Paulo yëet, go koc Itharel ke bō Jeruthalem ke kääc, ke cik gōsm piny, jōak bik käreec apei luel yeguſp, ku acin kē cie nyuōth lon ye kâkkä yith.

⁸Go Paulo rot kony ëlä, “Yen acin kē ca wuſc lööŋ koc Itharel yic, ku acin aliäm ca looi luanj Nhialic, agut Bënyjakhnom Roma acin wët rëec ca luel yeguſp.”

⁹Ku wën wic Pethtuth ye bi nyuōth koc Itharel lon nhiëer yen ke, go Paulo thiëec, “Cī lëu ba la Jeruthalem ku ba luŋdu la luk thin lon ye kâk cī kuëen yiguſp yith?”

¹⁰Go Paulo luel, “Të këec yen thin ē luŋ bëny yic, ku ē yen tē lëu ye bi luŋdië tñj thin. Acin kërëec ca looi tēnē koc Itharel, cimën njic yin ye apath.

¹¹Na ca löŋ dhoŋ kōu, ku le kërëec ca looi lëu bi ya tēm awuſc bi ya nâk, ka cä lëu ku ba thiëc bi yen puſl. Ku na cīn yiny tō thin kâk cī kuëen yaguſp, ka cīn raan lëu ye bā thōn ke bik ya nâk. Ke yeen awiëc ku bi ya bëny yen bi luŋdië la luk.”

¹²Go Pethtuth wët cī Paulo luel kaŋ guëek yic kek koc akutden luk, ku jol dhuk nom, “Wët cī yin ye luel ke Bëny Agrīpa yen abi luŋdu luk, ke yin abuk tuſc ye.”

Pethtuth aci luŋ Paulo tēt yic Bëny Agrīpa

¹³Nin lik cōk ciëen ke Bëny Agrīpa kek Bernike bō Cetharia bik Pethtuth këny, bik la lëk ye lon mit kek puſth wët cī yen yëet.

¹⁴Tëwën cī kek rëer nin juëc, ke Pethtuth jol wët Paulo kuëny yic bëny, “Ala raan rëer ē tēn cī Pelik nyääŋ piny ke mac.

¹⁵Na wäär lar Jeruthalem, go raandit kâk Nhialic koc Itharel ku bënyken, gaany tēnē ya ku wickë ba tēm awuſc.

¹⁶Guo lëk ke lon nadë koc pan Roma aacie raan cī gaany ye gam, wët kërëec cī looi ke këc kaŋ tuſōm nom kek koc cī ye gaany, ku bi rot kony awuſc cī ye gaany.

¹⁷Na wäär ca bën ē tēn, ke yen akëc bën gäau. Yen aci bën la luk yic aköl bi niënkië aa rou ē tēn, ku yōök apuruuk ku bik ē mony kēnë bëi ba luŋde tñj.

¹⁸Koc aterde aaci röt bën jot, ku acin kërëec dīt cik bën kuëen yeguſp tēcīt tēn ye yen ye tñj thin.

¹⁹Kë ca bën yök ē lon ye kek teer kek ye tē ye yen Nhialic duōr thin, ku jol aa mony dëſt cōl Jethu cī thou, ku yen ē mony kēnë aye Paulo luel ka pīr.

²⁰Ee cä dhal ba yic yök rin ē wëlkä, guo Paulo thiëec bi la Jeruthalem ku ba luŋde la looi thin.

²¹Go Paulo luel ka wic bi puſl ke tiit apuruuk agut tē bi bënyjakhnom luŋde tñj. Guo apuruuk yōök ku bik tiit agut tē bi yen ye tuſc tēnë bënyjakhnom.”

²²Go Agrīpa lëk Pethtuth, “Luŋ ē mony kēnë aba luk yen ya nom.” Go Pethtuth dhuk nom ëlä, “Abi bëi yinhom nhiäk.”

²³Nawën bak piny ke Agrīpa ku Bernike bō ku lor ke yai, ku luŋkë yōn luk kek bënydit apuruuk ku jol aa bány ē geu. Ku yōök Pethtuth apuruuk bik Paulo kuëſth luk yic alōŋ thin.

²⁴Ku luel, “Yin bëny Agrīpa, ku jol aa wek koc rëer tēn kek yo. Mony yen dëi wek kēnë ē yen raan cī koc Itharel rëer ē tēn ku jol aa Jeruthalem gaany tēnē ya. Ayekë luel ke loi duōt lon nadë ka cī päl ke pīr.

²⁵Ku yeen acin awuſc ca yök cī looi lëu bi ye tēm awuſc bi nâk. Ku yeen nom aci wic bi ya bëny yen luk luŋde, guo gam ku ba tuſc tēnē ye.

²⁶Ku yen acin yiny puſth ca yök ba gōt ē riënke tēnë bëny. Ke yeen aca bëi yinhom, ku ē yin bëny Agrīpa, rin ba wëtde wic yic, rin ku bi la kē jâl gōt.

²⁷Aya tñj lon cīi yen path ku bi raan cī mac tooc ke cīn kēn wën cī rot deet ye nyuōth, kek kâk cī ye gaany.”

26

Paulo aci rot kony Agrīpa nom

¹Go Agrīpa Paulo yōök, “Yin aca puſl ku ba jam ba rot kony.” Go Paulo yecin nyuōth bi koc biet ku jol jam ëlä bi rot kony.

²“Bëny Agrīpa! Yen ē rot yök aköl kēnë ke ya mit guſp rin bi yen rot kony yinhom kâk cī koc Itharel ya gaany ëbën.

³Kēnë adhil a yic alanden rin yīn anjic apath, yen tē ye koc Itharel cien thin, ku kâk ye kek wääc thin. Yin aba löŋ ëmën ku ba yiguſp päl piny ku ba wëlkä pīn.

⁴“Koc Itharel ëbën anjickë yen tēn pīir yen thin tēyon koor yen. Anjickë tē cī yen piërdië jaak thin yōn tuenj panda ku jol a Jeruthalem.

⁵Anjickë akōlaköl, ku acik bi dhäl lon nadë ke yen aci kaŋ cien ke ya ye raan akut Parathī koc ke muk lööŋ Nhialic cōk apei.

⁶Ku ëmën yen a kääc luk yic ē tēn rin ye yen wët cī Nhialic lëk wärkuan dīt njōth,

7 kën yen ye kuat kackua kathiaär ku rou n̄östh ka bik yök, t̄e ye kek Nhialic door aköl ku w̄ēr. Ku è rin n̄öth kënë, yin B̄enyd̄it, yen aci k̄oc Itharel ya gaany!

8 Yenjö ye wek ye yök wek k̄oc Itharel ke ril yic b̄äk gam l̄on ye Nhialic raan ci thou j̄ot bei thou yic?

9 “Aca them yen yen ku ba k̄eriëëc ëbën looi, k̄äk bi rin Jethu raan Nadharet rac gušp.

10 Yen è kën aca looi Jeruthalem. Yen ya ye b̄enyd̄it k̄äk Nhialic yiëk riel ku ba k̄oc juëc ci w̄ët Jethu gam aa d̄om ku mac ke. Ku aca ya gam aya, yen l̄on n̄ëk k̄oc ci t̄ëm awušc bi ke t̄ëm thou.

11 Aaca c̄ol aaye t̄ëm awušc arak juëc ȳön amat k̄oc Itharel yiic, ku aca them ba ke c̄ol aban̄ bik w̄ët Jethu pušl, ku riääk pušu apei t̄ënë ke, agut ba ke aa lušop wušt k̄ök yiic ku cal ke agum apei.

Paulo aci t̄e ci yen a raan ci gam teet yic (Lusi 9:1-19; 22:6-16)

12 “Ee rin è w̄ët kënë yen è ler yen Damathkuth ke ya ci raandit k̄äk Nhialic yiëk riel.

13 Nawën aköl ciel yic, B̄enyd̄it, ke ya n̄oot dh̄el yic, ke ya t̄iŋ many yer apei, w̄är aköl, ke ruel nhial ke c̄ä göšm piny kek k̄oc ke cath kek ya.

14 Ku w̄iikku piny ëbën, ku piëŋ röl ke ye l̄ëk ya thuw̄dië, ‘Thawul, Thawul! Yenjö c̄ol yin ya agum? Yin aci rot ban̄, rin ye yin ye w̄ic ku ba k̄ëcit k̄ëdhie ye akaja looi, k̄e ye yen wai ye raan la ye ye yup ke kuëeth, w̄ec ciëën.’

15 Guš thiëëc, ‘Ye yin ña B̄eny?’ Go B̄eny lueel, ‘Ee yen Jethu, raan ca c̄ol agum.

16 Ke yeen j̄ot rot ku k̄äac c̄ökku. Yen aci rot nyušt ȳi, rin yin aca l̄oc ku ba ya aluan̄dië, yin abi k̄oc k̄ök l̄ëk k̄e ca t̄iŋ t̄ënë ya akölë, ku k̄e ba nyušt ȳi aköldä.

17 Yin aba t̄it bi ciën k̄ëreec ȳi yök k̄oc Itharel ku k̄oc cie k̄oc Itharel cin, k̄oc bi yen ȳi tuoc th̄in.

18 Keek aaba pišoc bik k̄aŋ ñic, ku bik lusi k̄äreec pušl, ku jiëlk̄ë riel j̄onrac yic ku lek t̄ënë Nhialic, rin gam bi kek w̄ëtdië gam, yen aabi k̄äreec cik looi päl piny ku t̄ëzu ke kam k̄oc ci Nhialic l̄oc.’

Paulo aci t̄e ci yen k̄oc pišoc th̄in teet yic

19 “K̄ëya, B̄eny Agripa, yen ak̄ëc w̄ët k̄e ca t̄iŋ nhial cit nyušt dh̄äl yic.

20 W̄äär tueŋ Damathkuth ku Jeruthalem, ku j̄ol aa wušt k̄oc Itharel yiic ëbën, ku kam k̄oc cie k̄oc Itharel, aake ya l̄ëk l̄on bik lusi k̄äreec pušl ku dhukkë Nhialic, ku yekë luui k̄äpath ye nyooth l̄on ci kek mušl k̄äreec.

21 Ee rin è w̄ët kënë, yen aa d̄om k̄oc Itharel ya ke ya t̄ö kal luaj̄ Nhialic, ku wickë bik ya n̄ök.

22 Ku agut ci aköl kënë Nhialic acä kony, ku è w̄ët kën, yen ak̄ëc yen è t̄en ku ba k̄e ñic l̄ëk raan ëbën, k̄occor ku k̄ocdit. K̄äk ya lueel ka bi röt looi aa th̄oŋ kek k̄äk ye k̄oc k̄äk Nhialic t̄iŋ ku Mothith lueel,

23 L̄on nadë Raan ci l̄oc ku d̄oc ab̄i gum, ku è yen bi rot kan̄ j̄ot thou yic, ku è yen ab̄i k̄oc Itharel ku k̄oc cie k̄oc Itharel l̄ëk w̄ët bi k̄oc kušny bei k̄äreec yiic.”

24 T̄ëwën j̄ieem Paulo ke kony rot è w̄ëlkä, go Pethtuth r̄ël, “Paulo! Yin aci mušl. Piöc ci yin piöc aci c̄ol amušl!”

25 Go Paulo b̄ëer, “B̄enyd̄it! Yen ak̄ëc mušl. W̄ël ya lueel aa yith cin yic mušl.

26 B̄eny Agripa! Al̄ëu ku ba jam t̄ënë ȳi ke ya ci r̄iöc, rin yin an̄ic k̄äkkä ëbën. An̄ic alanden l̄on nadë ke keek aaca l̄ëk ȳi ëbën rin kënë acie k̄e ci thiaan, aa k̄äk ñic j̄aŋ ëbën.

27 B̄eny Agripa! Ci w̄ël k̄oc k̄äk Nhialic t̄iŋ ye gam? An̄ic l̄on ye yin ke gam!”

28 Go Agripa l̄ëk Paulo, “Ye yök ȳipušu è kaam th̄in l̄on bi yin ya wel ba ya Krithian?”

29 Go Paulo b̄ëer, “Na c̄ok aa kaamkoor ku kaamd̄it, r̄öökdië t̄ënë Nhialic è l̄on bi yin ku k̄oc k̄ök pin̄ k̄äk lueel ke aköl röt wel bik ciët ya, ku acie rin bi ke mac.”

30 Go b̄eny ku Pethtuth ku Bernike, ku k̄oc k̄ök ke ci nyuc luk yic röt j̄ot,

31 ku w̄ën ci kek j̄äl aaci jal aa jam kamken, ëlä, “Acin k̄e ci è mony kënë looi, k̄e l̄eu bi ye c̄ol anäk ku mac aya.”

32 Ku j̄ol Agripa l̄ëk Pethtuth, “Yen è mony kënë nušt aci lony, ke rin ci yen ye w̄ic ku bi ya B̄enyŋaknhom yen bi lušŋe la t̄iŋ.”

27

Paulo ayëth Roma

1 T̄ëwën ci ye mat ku buk cath riäi buk la Italia, gokë Paulo ku j̄ol aa k̄oc k̄ök ci mac th̄ön Juliöth, b̄eny akut apuruuk Roma, akut c̄ol, “Akut B̄enyŋaknhom.”

2 Ku lok riän b̄ö Adramitiöm, riän ci guir bi j̄äl wath thok wun Athia. Arithtarkuth raan pan Mathedonia wun c̄ol Thethalonika è cath kek yo.

3 Na aköl d̄ëëtë ke yo yet Thidon. Juliöth è ye raan path, ee ci Paulo pušl ku bi k̄oc mäath kek ye la t̄iŋ, rin bik la yiëk k̄äk w̄ic.

4 Yok aci bar, ku rin ci yok yonh̄üm w̄ël yom, goku riäi ḡeer t̄ë bi yen cath th̄in apath, ku è ye alon ye ak̄l b̄ën th̄in rial pan t̄ö gool nhom w̄är ciel yic c̄ol Thaipruth.

5 Ku j̄olku w̄är teem buk la Cilicia ku Pampilia ku lok Mira pan t̄ö wun c̄ol Lika.

6 T̄ënë, ke b̄eny apuruuk yök riän j̄äl Alekdhändria ke la Italia, go yo yäth th̄in.

7 Ku riäi è cath amäath rin yom è dit apei. Ku yok aaci n̄in juëc b̄ën n̄ök dh̄el yic buk j̄äl yet gen cil Kniduth. Yom è k̄ëc yo pušl ku buk la dh̄ëdan yen buothku yic, goku ret

wanh cal Thalmone tən yen bi pan thiin tō gool nhom cal Kret yook kol ē yom.

⁸ Ku ciethku ke yo göök yom ke yo kuany agör you, ku yok aaci bən yet tē cal Wanh Path ē riel, ku ē tən cii mec kek gen cal Lathia.

⁹ Ku ciēḡku thīn nīn juēc, ku ril yic buk la tuenḡ yo cath wūr, rin ē nīnkā akōl Yan lōk kōc kegup wūr ēci bar, tən yen ye yom rut rot jot apei. Go Paulo ke lēk ēlā,

¹⁰ “Kackiē, aya tiḡ lōn cāthda jāl ē tən abi yic riel, riāi abi riāāk ku kāk tō thīn aabi puk wūr, ku kōc aabi mou aya.”

¹¹ Ku bēny apuruuk ē wēt raan kuaath riāi ku raan la riāi yen aye piḡ, ku kueec wēt ci Paulo lueel.

¹² Ku wath thok tē ye riāi mac thīn ēci path bi kōc māi thīn. Go kōc juēc keyiic wic ku bik la tuenḡ bik yet Ponik tē lēu yen rot. Yen ē wanh tō Kret, ku ēcie yethok wel lōḡ bēr tē ye akōl lōony piny thīn.

Yomdit aci rot jot wūr

¹³ Yom thōōḡ rot ēci jot ke bō ciēm tē ci raan yenhom wel tē ye akōl lōony piny thīn, go kōc ke cath riāi tak lōn nadē ka lēukē bik la tuenḡ ke cath, gokē riāi lony ku gerkē ke kuēnykē agör Kret you.

¹⁴ Ku kaam thiin awēn ke yomdit ril apei bō cuēc tē ci raan yenhom wel tē ler akōl thīn, ben bēn ke ye piū apei.

¹⁵ Ku yiēk riāi bi la bēēḡbēēḡ, ku ril yic apei bi geer tuenḡ tē bi yom thīn, goku puōl buk cōl akuēth yom.

¹⁶ Yok aaci bēn lōḡ wēn tēek yok lōḡ ye yom rut yenhom wel thīn, pan thiin tō gool nhom cal Kauda. Tēēn, acuk bēn lēu buk riān koor duōt riāndit cōk.

¹⁷ Ku rin dūt yom apei, gokē duōt riāndit kōu rin bi yom tiim ci ke riāi looi cii piir wei, ku jōlku duōt piny wīn. Keek aake riōc ciēt riānden bi la dōt liēet yic wanh Libia thok, gokē alēth ye yom ke riāi kuaath dāk bei, ku cōlkē riāi ajol yom kuaath.

¹⁸ Yomdit ril awēn aci la tuenḡ ke piū apei, nawēn akōl dēēt ke jōkkē bik kāk tō riāi yic cuat wūr.

¹⁹ Nawēn akōl ye nīn diāk ke cuet abēk kāk gēr wūr cienken.

²⁰ Ku cuk akōl ku kuēl tiḡ nīn juēc, ku yom aci la tuenḡ ke piū apei. Akēcku ben bēn nōōth lōn bi yok piir.

²¹ Nawēn ci kōc nīn juēc nōk ke cīn miēth cik cam, go Paulo rot jot ku kēēc kenhīm ku lueel, “Kackiē, na we ci wētdiē piḡ wāär bāk riāi cii geer wei Kret ḡuōt yok aa kēc mam kēlā.

²² Ku ē mēnē wek aa lāḡ, dēētkē wepuōth! Acīn raan tōḡ bi thou weyiic, ē riāi yetōk yen abi riāāk.

²³ Ku wēn akōu atuny Nhalic yen ye yen raande, ku yen ya door aci bēn tēnē ya,

²⁴ ku lueel, ‘Duk riōc, Paulo! Yin abi yet Bēnyḡaknhom nhom, ku rin ē wēt kēnē Nhalic acii yi pēl wei, ku kōc cath kek yi riāi yic aabi piir.’

²⁵ Kēya, kackiē, dēētkē wepuōth! Nhalic aca deet puōu, abi kēpath looi tēcit tē ci ye lēk ya thīn wēnakōu.

²⁶ Ku yom abi riāi kuaath bi cōl ala gool nhom cōk alōn bi yen la riāāk thīn.”

²⁷ Ku nīn aake ci ya thiāär ku ḡuan, ku yomdit apei ē kuaath riānda wārdit Adēkdiēet yic. Na ye tēcit wēer ciel yic, ke ye kōc ger riāi yōk kepuōth ciēt yo ci thiōk buk yet agör thok.

²⁸ Gokē wīn ci duōt thok kēthiek luaac piny piū yiic, ku wēn ye kek ye luaac piny ēmēn ku mēn, ke yōkkē lōn thiōk wār yic.

²⁹ Gokē riōc ciēt riāi bi rot dēny kuōr tō piū yiic, gokē wīn ci duōt thok aleeldit ye riāi dōm luaac piny riāi thar ciēēn, ku jōlkē bak piny nōōth.

³⁰ Ēci agēr kōk them ku bik rōt kuēl bei riāi yic. Ku jōtkē riān thīn koor tō riāndit yic bei, ku tēukē wūr ke ye kōc ciēt ke la wīn ci duōt thok aleel luaac piny riāi nhom tuenḡ.

³¹ Go Paulo lēk bēny apuruuk kek apuruōkke, “Na cā agēr rēer riāi yic, ke kōc tō riāi yic aaci bi piir.”

³² Go apuruuk wīn ci riāi mac piny teem kōōth ku cōlkē ke aa buok kuēer.

³³ Nawēn bak piny, go Paulo ke lōḡ bik miḡ ku lēk ke, “Wek aaci tiit nīn thiāär ku ḡuan ēmēn, ku keek ē nīnkā yiic acīn kē cāk cam.

³⁴ Wek ya lōḡ, ku bāk la miēth camkē, wek aa wic miēth rin ku bāk piir. Acīn raan tōk weyiic la kē bi ye gōt.”

³⁵ Tēwēn ci yen wēt kēnē lueel, go Paulo ayup lōom, ku rōōk ke lec Nhalic kenhīm ēbēn, ku bēny ayup yic, ku lon jōak bi miḡ.

³⁶ Keek aaci kepuōth bēn dēet, ku miḡkē ēbēn.

³⁷ Yok kōc yo tō riāi yic, yok aa yo ye buot karou ku thiārdhorou ku dātem.

³⁸ Nawēn ci raan ēbēn miḡ, gokē rap ke tō riāi yic dhēēth wūr rin bi riāi pial.

Riāi aci atiaktiak rac

³⁹ Nawēn ci piny bak, ke kōc ger riāi aake kēc tē ci kek yēet thīn ḡic, keek aaci tē ci wār yekōu tot thīn, la yic liēet tiḡ, gokē tak bik riāi geer thīn bik la mac.

⁴⁰ Gokē wīn yeke riāi mac piny teem wei bik dūr piny, ku dākkē wīn ci ke alau duōt piny. Ku jōtkē alēth nhal ku bi yom riāi kuaath tuenḡ, bi la agör thok.

⁴¹ Ku riāi aci bēn la tē cāal ku dōōt liēet yic bi ciēn tē ben yen rot nyoon, ku ci aban ciēēn dhonḡ atiaktiak abi dōḡ ke ya apet.

⁴² Ēci apuruuk tak bik kōc ci mac ēbēn nōk, bi ciēn raan tōōḡ kuēerḡ ayeer bi kat.

⁴³ Ku ē wic bēny apuruuk bi Paulo kony bi cii nāk, go apuruuk yōāk bik ciēn kē loikē

tënë kɔc mac. Ku yöök kɔc njic kuaŋ bïk kaŋ thuɛɛt wïir tuenj ku bïk kuɛɛŋ ayeer;

⁴⁴ku kɔc kɔk aake bï jal lɔk kuaŋ, ke cï tiim riäi cï duɔny kušk bïk ke yäth ayeer. Ku ë yen tɛ cï yok bɛn kuɛɛŋ ayeer thïn akan ke yo puol gup.

28

Kë cï rot looi tənë Paulo Malta

¹Wën cï yok yet wär alonjui yo puol gup, ke jolku njic lɔn cɔl pan tɔ gool nhom Malta

²ku kɔc ke ciɛŋ thïn aaci yo lor, ku nyu-uckë yo apath. Tëwën ke deŋ tueny ku lir piny apeï, gokë mac took ku colkë yo buk yɔc.

³Go Paulo tiim kuar piiny ku tɛɛu ke mɛɛc, tɛwën ke këpiiny bɔ beï tiim yiic, ku kɛc cin abi nuɛt thïn.

⁴Ku tiŋ kɔc awën tɔ thïn këpiiny ke cï nuɛt Paulo cin, ku jïɛmkë kamken, “Mony kënë ala cin rim. Ku kënë acïi yen bï pïr, cɔk alɔn cï yen poth wïir ke këc mou.”

⁵Ku tɛn awën ke Paulo yïr këpiiny mɛɛc, ke cin kërɛɛc cïi rot looi tənë ye acin.

⁶Ku ë titkë bïk tiŋ ke cï but cin, nadë ke wiɛk piny nyin yic ke cï thou. Ku tɛwën cï kek tiit apeï ku cin kë tiŋkë ke cï rot looi tənë Paulo, ke war kenhïim ku luelkë, “Yeen ala guɔp jɔnril apeï.”

⁷Dum raandit baai cɔl Publiöth, aake cï mec kek tɛwën looi kënë rot thïn tənë Paulo. Ku yeen acï yo njic lor aya, ku rëerku yo ye jãälke nïn kadiäk.

⁸Wun Publiöth ë rëer biöök yic ke cï juäi ðom ku yiäny riem. Go Paulo la yöt tənë ye, ku röök ku ðɔc, go pial.

⁹Wën cï kënë rot looi, go kɔc juɛc ke tuany bɛn, go Paulo ke ðɔc bïk pial.

¹⁰Ku gëmkkë yo kajuɛc, ku wën jiël yok, gokë kãk bï yok dhël tɛk tãau riäi yic.

Paulo aci jãl Malta bï la Roma

¹¹Nawën pëi kadiäk cök, ke yo jiël riän cɔl, “Jak Acuek,” bɔ wanh cök Alekdhãndria ku yen aci pëi bɛn nɔk ke kãac Malta rin yom ë dit apeï.

¹²Ku yeetku gen cɔl Thirakuthe, ku nãkku nïn kadiäk thïn.

¹³Ku jiëlku thïn, ku lok gen cɔl Regium. Nawën bak piny ke wel yom nhom, ku yeetku gen cɔl Putöli nïn karou cök.

¹⁴Ku yökku kɔc cï gam thïn, ku thiäckë yo buk rëer ke ke nïn kadhrou. Ku jolku jãl tɛn ku lok Roma yocök.

¹⁵Wãmãthkuan tɔ Roma aake cï yo piŋ lɔn bïi yok, go kɔc kɔk bɛn gen yɔc cɔl Apiöth ye jãäl nïn thïn bïk yo lor. Wën tiŋ Paulo ke, ke lec Nhialic, ku riil kënë puðu.

Paulo aci yëët Roma

¹⁶Wën cï yok yëët Roma, Paulo aci bɛny mac Roma puäl bï rëer ë rot kek apuruk tɔŋ tit ye.

¹⁷Nawën nïn kadiäk cök, ke Paulo cɔl kɔcðit Itharel rëer Roma bïk rɔm kek ye. Nawën cik kenhïim mat, ke lueel tənë ke, “Wãmãthkië! Wën cɔk yen ciɛn kërɛɛc ca looi tənë kackua, ayï lɔn këc yen ciɛŋ wãrkuandit dhël yic, yen aci mac Jeruthalem ku thôn ya apuruuk Roma.

¹⁸Gokë yen thiëc awuɔc ca looi, ku wickë bïk ya lony, rin acik yok ke cin kë ca looi lëu ye bï ya nɔk.

¹⁹Nawën la kɔc Itharel kuc wët bï ya lony, guo luõndië cɔl ayëth tənë bɛnyjaknhom Roma mac wuõnda aya, cɔk a lɔn cin yen kë gɔony yen ë kackua.

²⁰Yen ë kë wic yen we buk rɔm, ku jaam kek we, rin yen acath ya mac rin wët raan yen nɔõth kɔc Itharel.”

²¹Gokë lueel tənë ye, “Acin athör ci yëët tənë yo Judia rienku, ku acin wãmãthdan cï bɛn kek wët, lɔn le yen kërɛɛc ca looi.

²²Anhiarku buk wëlku piŋ rin anjicku lɔn ye kɔc juɛc akut tɔ yin thïn, jãam guɔp.”

²³Këya, gokë aköl bï kek rɔm kek Paulo mat yic, ku kɔc juɛc aaci bɛn aköl kënë tɛ rëer Paulo thïn. Ku jɔl Paulo wët bãany Nhialic teet yic tənë ke, jɔk riel yet thëëi. Eci them bï nyooth tənë ke lɔn kë ye lueel rin Jethu ë yic, ku nyooth lɔn thõŋ lõŋ Mothith ku kãk kɔk cï gõt kɔc kãk Nhialic tiŋ, kek wët ye lueel.

²⁴Go kɔc kɔk wët ye lueel gam, ku kuc kɔc kɔk.

²⁵Gokë jãl ke tɛer kamken, wën cï Paulo ye lëk ke ëlä, “Ee yic apeï, yen tɛ cï Wëi Nhialic raan kãk Nhialic tiŋ cɔl Ithaya lëk thïn bï lueel ëlä tənë wãrkuan dit.

²⁶Rin aci lueel ëlä, ‘Lɔr luel tənë kɔc Itharel,

Wek aabi weyith diël piny apeï ku acãk bï deet,

wek aabi wenyin pãl piny apath, ku acãk bï tiŋ.

²⁷Rin kockã aa ril nhïim, keek acï keyith cušk,

ku keek aaci kenyin niɛn.

Nušt keek aa daai, ku nušt keek aa piŋ, ku detkë kãŋ yiic, ku lueel Nhialic.

Na cï rot looi këya, nušt aaci kepušt wël yen ku kuɔny ke.’ ”

²⁸Ku wit Paulo wëtde ëlä, “Alëukë bãk dhïel njic, lɔn wët bï kɔc kony bï kɔc pïr, bɔ tənë Nhialic, aci lëk kɔc cie kɔc Itharel. Ku abik piŋ.”

[
²⁹Wën cï Paulo ë wët kënë lueel, ke kɔc Itharel jiël ke tɛer apeidit kamken.]

³⁰ Ku jɔl Paulo rēer run karou pan ye riɔp yic, ku ē ye kɔc bēn bīk ye bēn tīj lor ku nyuuc ke.

³¹ Ee ye piōōc wēt bāāny Nhialic, rin Bēny Jethu Krītho, ku jīem tēnē kuat raan ēbēn ke cīi riōc, ku acīn kēnē ye gēl bī cīi ye piōōc.

Athör cī Paulo gät koc Roma Wēt nom

Athör Paulo tēnē koc Romā ē gēt rin bī ke lēk lōn cī yen ye guir bī akut koc cī gam Roma la neem. Ee cī Paulo guir bī lōk la rēer bī luui kam koc cī gam tētui, ku bīk jāl kuony dhōl bī la Ithpania. Acī gāt bī koc cī gam Roma tēt kē njc rin gam, ku tē ye gam pīr koc cī gam luōi thīn. Athör kēnē ala yic wēt ril yen gēt Paulo athōr rin Wēt Puōth Yam.

Wēn cī yen akuut koc cī gam Roma muōsth ku lēk ke lōn ē yen rōok rīnken, ku jāl gōc wēt lēk ke ēlā, “Wēt Puōth Yam aye nyuōsth tē ye Nhialic koc kuony thīn bīk la cōk yenhom.” Ku kēnē aye Nhialic jōak ku rēer thīn kēya rin gam ē raan, cimēn ye athör theer wēl Nhialic ye lueel ēlā, “Ku raan la cōk Nhialic nom abī pīr ē gam.” (1:17)

Ku jāl Paulo ē gōc kēnē teet. Raan ēbēn, koc Itharel ku koc cie koc Itharel, aa dhil la cōk tēnē Nhialic rin keek ēbēn aatō adumuōsm yic. Koc aa la cōk tēnē Nhialic tē gem kek Jethu Krītho. Ku ben Paulo mōn rot kek Jethu raan cī lōc ku dōc, yen pīr ē yam teet, lōn raan cī gam ala dōōr ke Nhialic. Ku aye Wēi Nhialic bēēi bei riel adumuōsm yic ku thou. Cōkdīt ē 5 yēt 8; Paulo aci jam aya rin lōj Nhialic, ku riel Wēi Nhialic rot nyuōsth pīr raan cī gam yic. Ku gēt Paulo lōn ye koc Itharel ku koc cie koc Itharel nhīm thōj kē cī Nhialic guir tēnē raan ēbēn yic.

Ku wīt wētde lōn kuc cī koc Itharel kuc Jethu ē luōi Nhialic, rin yen ē tē bī raan ēbēn cōl ayōk dhēēj Nhialic dhēl Jethu raan cī lōc ku dōc. Ku aye Paulo njc lōn cī koc Itharel bī la tuēj ke kuc Jethu akōlakōl. Ku jāl Paulo gōt ciēēn tē dhil raan cī gam pīr thīn, ku nhiēr bī raan koc kōk nhiaar. Paulo aci kārīl gōt ke ye luōide tēnē Nhialic, ku luōi raan cī gam tēnē baai ku tēnē raan dēt, ku puōn la cōk njc kēpath ku kērac. Ku thīk athōr cī gōt cōk muōsth ku wēl lec tēnē Nhialic.

Kāk tō thīn

Wēt nom ku gōc 1:1-17

Kē wic raan bī pīr 1:18-3:20

Dhēl Nhialic rin pīr 3:21-4:25

Pīr yam rin Raan cī lōc ku dōc 5:1-8:39

Koc Itharel ē guir Nhialic yic 9:1-11:36

Njic ciēēj raan cī gam 12:1-15:13

Thōk ē wēt ku muōsth 15:14-16:27

¹ Ee yen Paulo alony Jethu Krītho. Yen raan cī Nhialic cōl ba ya atuuc ba Wēt Puōth Yam luēl.

² Wēt Puōth Yam, ee wēt cī Nhialic thōn theer, ku ēcī koc kākke tīj lueel tēcīt tē cī gāt ye wēl theer Nhialic yic.

³ Wēt yam kēnē ē wēt Wēn Nhialic cī bēn a raan kuat Bēnyāknhom Debit.

⁴ Ku Jethu aci nyuōsth ē Wēi Nhialic ke ye Bānyda, Wēn ril Nhialic, wāār jōt ye bei rañ yic.

⁵ Ku ē rīenke yen aci Nhialic yen yīēk dhēēj de ku cōl yen aye atuny Jethu, ku ba koc pinyinhom ēbēn cie koc Itharel cōl bīk gam ku thekkē Nhialic.

⁶ Ku wek koc cī gam tō Roma aya, wek aaci Nhialic cōl bāk aa koc Jethu raan cī lōc ku dōc.

⁷ Kēya, yen agēt tēnē we ēbēn, wek koc nhiēr Nhialic, cī ke cōl bāk aa kacke, Bī Nhialic Wāda ku Bēny Jethu we tuōc dhēēj ku dōōr.

Anōsth Paulo lōn bī yen la Roma

⁸ Tuēj, yen alec Nhialicdīē rin Jethu raan cī lōc ku dōc ē rīenkun, rin koc ēbēn pinyinhom aaci gamdun njc ēbēn.

⁹ Nhialic yen luōi piāndīē ye yen koc lēk Wēt Puōth Yam cī Wēnde lēk koc, anjic tē ye yen we

¹⁰ tak thīn akōlakōl ē rōokkīē yic. Yen ē rōok lōn bī Nhialic ya puōl tē wic yen ye ba we la neem.

¹¹ Rin awiēc apēidit ba we la tīj ku ba we gām athiēi Wēi Nhialic bāk riel ē gamdun yic.

¹² Ku kē luēl akīn, rin bī gamda we ku yen yo dēet puōth yodhie.

¹³ Awiēc bāk njc miēthakāi lōn ē ca guir arak juēc ba la tēnē we, ku ala kēn ye yen gēl ba cīi la. Ee wiēc ba la tēnē we ba koc kōk lēk bīk gam kamkun aya, cimēn le yen koc kōk pinyinhom cī gam cie koc Itharel.

¹⁴ Rin ala kē cī yīēk ya ba dhil looi tēnē koc ēbēn, koc peth ciēēj ku koc rēec ciēēj den, ku tēnē koc cī piōc ku koc kēc piōc.

¹⁵ Ku ē wēt kēnē yen awic yen ye apēi ba we dhil lēk Wēt Puōth Yam wek koc rēēr Roma aya.

Riel Wēt Puōth Yam

¹⁶ Yen acie guōp ē yār Wēt Puōth Yam, rin ē yen riel Nhialic koc cī ye gam kony, koc Itharel ku koc pinyinhom cie koc kōk Itharel aya.

¹⁷ Ku Wēt Puōth Yam aye nyuōsth tē ye Nhialic koc kuony thīn bīk la cōk yenhom. Ku kēnē aye Nhialic jōak ku rēer thīn kēya rin gam ē raan, cimēn ye athōr theer wēl Nhialic ye lueel ēlā, “Ku raan la cōk Nhialic nom abī pīr ē gam.”

Awuōc ē raan

¹⁸ Rēec puōu ē Nhialic ē rot nyuōsth pan Nhialic tēnē koc man Nhialic. Ku kārēc yekē ke looi aa yic gēl bī cīi cōl anjic.

¹⁹ Nhialic ë pušu rëc tënë ke rin kë lëu raan bi njic rin Nhialic ala gai apeï, aci Nhialic täau raan ëbën pušu bi njic.

²⁰ Tëthëer yon cək Nhialic nhial ku piny, alëu raan ëbën bi njic ë gai lön riel Nhialic ë rëer thün akölrëec ëbën, ku yeen ë Nhialic alanden. Kājuëckä aacie tñj ku aaye njic rin kājuëc ci Nhialic cak. Këya, acin kë kəj kek röt kony.

²¹ Keek aake njic Nhialic ku njot ke kucëc bik cii dor. Ku kueeckë bik cii gëm alëcden ë yen Nhialic. Ku jol kækken yekë tak ciënkë konykë ku la piäthken bih.

²² Na cak alon ye kek ye lueel lön njic kek kəj, ku acin kë njickë.

²³ Ku lön bi kek ye aa door ë Nhialic pïr akölrëec ëbën, ka yekë ke door kək cii pïr ku raan ë thou. Ku kək ci kiëët ke cit diët ku lääi. Ku kəkək wuc piiny keyöth cimën käpieny.

²⁴ Ku rin ë kënë, aaci Nhialic ke puël bik aa luui käreec wic piäthken, kək la bih. Ku wicwic ë diäär ku kəkək yekë ke looi kamken kək koc cal ayär gup.

²⁵ Ku lön bi kek kën yic njickë rin Nhialic gam, ka yekë gam ë lueth ku yekë ke door kək ke cək Nhialic, ku kueeckë Aciënj yen cak kəkä yen dhil ya door akölrëec ëbën. Yenakan.

²⁶ Ku ë yen aci Nhialic ke puël bik aa luui käreec koc yör gup. Ayi diäärken aya aaci tē ci koc cak thün puël, ku aa röt lööm ë röt.

²⁷ Kälä aya, röör aaci təc ye kek təc kek diäär, cit tē ci koc cak thün puël, ku rum bal kepuöth bik ke aa lööm röör kək cit ke. Röör tuil röör kək, ku yekë käreec cit kəkä looi, aaye tēm awuöc thöj kek käreec yekë ke looi. Kək kəc puël bi ke aa looi këya.

²⁸ Ku yeen aya rin ci kek kucëc bik yiny Nhialic cii njic, aaci Nhialic puël aya bik aa tak käreec ku yekë luui käreec cii ke lëu bi raan ke looi.

²⁹ Ku aaci puöth thiän kuat käreec apeï, adumuööm, kook ku cöör. Ku aaci puöth thiän aya ë tieel, nääk, thör, ruëeny ku kuith, ku aa luum.

³⁰ Ku aa kegup tör lueth ku aa man Nhialic. Aa koc nhiam, koc dhäl koc gup cin gup athëek. Koc tak dhäl juëc bi kek käreec looi. Koc cie koc ke dhiëth ke ë theek.

³¹ Koc cin gup nhim, koc kädän gam ku cik loi. Koc cin puöth cie yic ë njëer raandä.

³² Cak alon njic kek ye lön käreec yekë ke looi, alëu ke bi Nhialic ke tēm thou, ke keek aacie kəkä ë looi kepec, aa koc kək ke looi lec nhim aya.

2

Luj Nhialic

¹ Yin acin tē bi yin rot kony tē luk yin koc kək wei. Rin tē ye yin koc kək lušk wei, ku loi kəwën yekë ke looi aya, ke yin ë rot döm ë rot.

² Ku emën anjicku lön Nhialic ala yic tē luk yen koc wei, koc kəkä looi.

³ Ku na ye koc lušk wei, yin raan ë path, ku njot yi loi ë kəkä, ke ye tak lön bi yin luj Nhialic ban?

⁴ Tëdët aya, yin ë kājuëc rëer piath Nhialic yic cimën piathden dit, gum, ku lääu ë pušu yöj yic, rin akuc lön aye piath Nhialic nyooth ba yipuöu dhušk ciëen.

⁵ Ku riel ë nhom, ku rin ci yin kucëc ba yipuöu cii dhuk ciëen abä awäcdu juak yic aköl bi riäk puöu Nhialic, ku tē bi yen njic luk thün abi rot nyuöth.

⁶ Rin Nhialic abi njek a gam kë thöj kek tē ci yen luui thün.

⁷ Koc bi kepuöth dëet ku luuikë käpath ku wickë duaar, lec ku pïr akölaköl, aabi Nhialic gam pïr akölrëec ëbën.

⁸ Ku koc ke looi kək wic piäthken ku kueckë yic ku buöthkë käreec jöjrac, aabi Nhialic puöu riäk tënë ke.

⁹ Koc ëbën ë luui käreec aaba arëem ku gum rac apeï yök. Ku abi rot kəj looi tënë koc Itharel, ku tënë koc cie koc Itharel aya.

¹⁰ Ku Nhialic abi duaar ku lec ku döör gam koc luui käpath, tuenj tënë koc Itharel ku jol aa koc kək cie koc Itharel,

¹¹ rin Nhialic ë luk njic looi tënë koc ëbën.

¹² Ku koc cie koc Itharel kuc löj Mothith, ku aa käreec looi luk abi looi tënë ke cak alon kuc kek löj. Ku koc Itharel aa njic löj Mothith, aa käreec looi ku luk aye looi tënë ke təcit tē ye löj ye lueel thün.

¹³ Rin acie pñj ë löj yen koc cal aye koc path tënë Nhialic, aa koc ye looi kë ye löj lueel kek aabi ya koc la cök Nhialic nhom.

¹⁴ Ku ë yic, koc kək cie koc Itharel cin löj, tē looi kek kädän təcit tē ye löj tē kepuöth ë path ye lueel thün, ke keek aa cit koc la löj cak alon cin kek löj Mothith.

¹⁵ Tē ye kek luui thün aye nyuöth lön kək wic löj aaci göt kepuöth, aa käpath ku käreec yekë ke looi njic rin aaye piäthken nyuöth ke.

¹⁶ Ku kälä aya, cimën Wët Puöth Yam ya lək we, yen ë kë bi rot looi aköl luk tē bi Jethu Kritho luk looi rin Nhialic tënë koc ëbën, njek kek këden ci thiaan yeyic.

Koc Itharel aacie löj ye theek

¹⁷ Ku yin emën, yin ë rot cal aye raan Itharel, ku yin ë rot cal aye raan muk löj, ku ye jam nhiaam lön ye yin raan Nhialic.

¹⁸ Yin anjic kë wic Nhialic ba looi ku yin anjic yic rin ci löj ye lək yi.

¹⁹ Aca gam lön yin awat koc ci cöör nhim, ku yin ë ruel tënë koc tō muöth yic,

20 ku yin e koc piäcc, koc kuc kärj, ku yin e raan piöcc mïth. Ku rin le yin löj aye tak lon njic yin kärj ebën.

21 Yin e koc käk piäcc yenö cii yin rot ye piäcc? Yin e koc wëët ëlä, "Duäkkë ye cuëër." Ku yin cii e cuär e yienhdu?

22 Aye lueel, "Duäkkë ye köör." Cii akör ye looi? Yin aman jak ci kiëët, cii käpuoth tö yïik jak ci kiëët yic ye rum?

23 Yin e jam nhiaam lon njic yin löj Nhialic, cii Nhialic ye dhöl guöp tē cii yin löj de loi?

24 Aye athör theer wël Nhialic lueel ëlä, "Koc cie koc Itharel aa käreç lueel Nhialic guöp e rienkun."

25 Cieñj koc Itharel ye ke ñoot e piath tē theek kek löj, ku na cii löj thek ke yin acit raan këc ñoot.

26 Na raan cie raan Itharel këc ñoot, raan cii kë wic löj e dhöl yic, cii bi ciët koc ci ñoot?

27 Ke wek koc Itharel wek aabi koc këc e ñoot, ku aa löj theek ya yök lon acin raan bäk gök, tē le we tēm awuäc rin wek acie löj ye theek, cak alon njic wek kë ci gät ku ñot we.

28 Yenja yen raan Itharel ayic, yen ci ñoot? Acie raan yeke ñuät tñj yeguöp e path yen ya raan Itharel.

29 Raan Itharel guöp, ee ya raan yepuä alon thün ci piände ñoot Wëi Nhialic, ku acie löj ci gät. Ku raan kënë acie læc yök tënë koc, aye yök tënë Nhialic.

3

Nhialic acie athönde ye waar yic

1 Ye këpuoth nen wër koc Itharel koc cie koc Itharel? Tëdët ye këpiath nõ ye yök ñuät yic?

2 Käjuëc aaye yök ayic! Tuenj, koc Itharel aaci Nhialic thün wëtde bik muk apath.

3 Ku yenö bi yiändë tē cïn koc käk Itharel gam? Bi kë cïn kek gam Nhialic col awar athönde yic?

4 Acii bi waar yic! Yiny Nhialic adhil tē thün akölaköl cak alon ye koc alueth. Cimën ye athör theer wël Nhialic ye lueel ëlä, "Këya, bi njic lon le yin yic, wël ye lueel yic, ku luk yin yic."

5 Ku na käreç yeku ke looi ye Nhialic nyuäth lon le yen cok alanden, ke yenö buk lueel? Buk lueel Nhialic acin yic tē tēm yen yo awuäc? (Ee tē ye koc jiem thün yen aluëel.)

6 Acie tēde! Na Nhialic cii la cok ke lëu bi luk looi tënë koc pinyhom?

7 Alëu raan dët bi lueel ëlä, "Na ye lueth ya ke lueel yic Nhialic nyuäth thün alanden ku juëc duarde yic, ke yenö ñot ye ya col aye raan ci kërac looi ku tēm ya awuäc?"

8 Yenö cii ye luel, cimën ye koc käk ya cak thok ku luelkë lon ci yen ye lueel ëlä, "Loiku kërac bi këpath bën." Ee yic bi këckä tēm awuäc.

Acin raan la cok

9 Këya, ye yok ñuëën tënë koc cie koc e kuantda yok koc Itharel?

Acie yic! Aca nyooth wenthëer lon yok koc Itharel ku koc cie kuantda yok arëër adumuömm yic yodhie,

10 cimën ye athör theer wël Nhialic ye lueel ëlä,

"Acin raan töj la cok,

11 acin raan kärj deet yic, acin raan wic yeen bi Nhialic njic.

12 Koc aaci kekäth wël Nhialic, keek aaci rëëc ebën ka ci la biñh,

acin raan këpath looi, acin mën raan tök."

13 "Wël yekë keek lueel aa nhiany, aa cit ranj ci ñaany nhom,

liëpken aaci luel lueth njic."

"Wël yekë keek lueel aa cit wäl këpiny koc luaanj."

14 "Aa wël ye koc lam ku wël rem apeï kek aatö kethook."

15 "Aa koc lac nöc path,

16 riääk ku mam aa döj tē ci kek tēëc thün,

17 ku keek aaci dhël döör njic."

18 "Ku riäcc, riäcc kek Nhialic aliu käk yekë looi yic."

19 Ku anjicku kuat kë ye löj lueel, aye lueel tënë koc la ye rin bi cien raan la kë kony yen rot, ku bi raan ebën köcc Nhialic nhom.

20 Këya, acin raan bi la cok Nhialic nhom tē cak yen ye them bi kë wic löj looi. Kë ye löj looi e lon bi nyuäth raan lon ci yen kërac looi.

Tē ye Nhialic koc cok thün

21 Ku emën tē ye Nhialic koc cok thün yenhom aci nyooth. Aci löj ku koc käk Nhialic tñj lueel theer.

22 Nhialic e koc cok tē le kek gam tënë Jethu Kritho. Ee kënë looi tënë kuat raan ebën ci Raan ci lac ku döc gam, koc Itharel ku koc cie koc Itharel aa thön ebën.

23 Ku rin ci kek ebën käreç looi, ee keek col amec tënë duaar Nhialic.

24 Ku keek aaci Nhialic muäcc dhëñde piände ebën bik la cok tënë ye. Ku dhëñ ye yök tënë Raan ci lac ku döc Jethu yen e koc kony bik käreç cii loi.

25 Jethu aci Nhialic gam rin bi thuände a kë ye adumuömm päl piny tē le raan gam tënë ye. Kënë aci Nhialic looi bi nyuäth thün lon le yen cok. Ku wäthëer Nhialic e lir puä, ëcie koc ye tēm awuäc rin käreç cik looi.

26 Ku emën aci adumuömm ci looi ebën päl piny bi nyuäth lon le yen cok. Nhialic aci kënë looi rin le yen cok. Ku tē looi yen kënë e raan ebën ci Jethu gam col ala cok.

27 Na ye këya, yenö ye yok jam nhiaam e path? Acin këdäj! Ku ye wët nen ye yok

nhiam? Ye rin ci yok lõj theek? Acie tæde, ee tæ ci yok gam.

²⁸ Rin anjicku raan ë la cök tënë Nhialic rin gam ku acie thëk lõj ë rot.

²⁹ Ye Nhialic, Nhialic koc Itharel kepëc? Yeen cii ye Nhialic koc cie koc Itharel aya? Ee yic ë Nhialic koc cie koc Itharel aya,

³⁰ rin yen Nhialic tõj bi koc Itharel col ala cök ë gamden, ku col koc cie koc Itharel aala cök rin gamden aya.

³¹ Yeku lõj dhöl yic tæ le yok gam kënë? Acie tæde acin, yok aa lõj juak bi riel.

4

Gam Abaram

¹ Yenjõ buk jål lueel rin Abaram wundit theer koc Itharel? Yenjõ ci rot looi tënë ye?

² Na Abaram la kënë ci looi bi yen la cök tënë Nhialic, nußt ala kënë ye yen nhiam. Ku acii loi kälä tënë Nhialic.

³ Cimën ye wël ci gõt athör theer wël Nhialic yic ye lueel ëlä, “Abaram aci Nhialic gam ku rin gamde aci Nhialic col ala cök tënë ye.”

⁴ Raan luui aye riop, ku wëu ye ye riop aacie mißc, ariopden ci yen luui.

⁵ Ku raan cie luui la gam tënë Nhialic, Nhialic yen koc ci käreç looi col aala cök, ke gamde yen ë ye col ala cök tënë Nhialic.

⁶ Ku Debit aci wët thõj kek ë wët kënë lueel wäär yen jam rin raan mit pußu ci Nhialic gam ke la cök tënë ye, ke cie luui puøth ye looi,

⁷ “Koc mit puøth aa koc ci Nhialic awäcken päl piny, ku wuuny adumußmken wei.

⁸ Raan mit pußu ee raan ci Bëny bi kuën gußp käreç ci looi.”

⁹ Ye miß pußu ci Debit jam kën koc Itharel ë röt? Acie këden kepëc. Ee kën koc cie koc Itharel aya, ku wek aa we yeku lëk kë cuk yök athör wël Nhialic yic, rin aci wët ci gõt theer lueel lõn, “Abaram aci Nhialic gam, ku gamde aci yen a raan la cök tënë Nhialic.”

¹⁰ Ye nen yen looi kënë rot? Loi rot tuenj wäär këc Abaram noot aye wäär ci ye noot? Ee tuenj, acie nußt cök ciëen.

¹¹ Ku nußtden jål ye lëk noot ciëen, aye nyuøøth lõn gam Abaram aci Nhialic ye gam ke ye raan la cök tënë ye tuenj wäär këc ye cak noot. Ku kälä, Abaram ë wundit koc ci Nhialic gam, ku aaye gam ke ye koc la cök tënë ye cak alon këc ke noot.

¹² Ku yen ë wundit koc ci noot aya. Ku acie rin ci ke noot, ee rin ci kek dhël pir gam thõj ke pir wäda Abaram buøøth yic wäär këc ye cak noot.

Athön ku lõj

¹³ Nhialic acä Abaram thön ku mith bi lëk dhiëeth lõn bi pinyhom a këden. Nhialic akëc athön kënë looi rin theek Abaram lõj, ee rin ci yen gam, ku gam yen aci yen a raan la cök tënë Nhialic.

¹⁴ Rin na ye kë ye Nhialic thön koc gam koc lõj theek, ke gam acin wëtde yic, ku cin këpuøth tã athön Nhialic yic.

¹⁵ Lõj ë rëçc pußu Nhialic bëëi, ku tæ cin yic lõj, acin lõj ye dhöl yic.

¹⁶ Nhialic ë loi athönde rin gam ku rin dhëenjde, bi athönde a kën yic tënë mith bi lëk dhiëeth tënë Abaram ëbën. Ku acie tënë koc la lõj ë röt, ee tënë koc ci gam aya cimën Abaram. Rin Abaram yen ë wädan wëikua yodhie,

¹⁷ cimën ci ye gõt athör theer wël Nhialic yiic ëlä, “Yin aca looi ba ya wun koc wuøt juëc.” Abaram aci ya Wäda Nhialic nhom, Nhialic ci gam, Nhialic yen koc ci thou col aben pir, ku wët ye lueel ke liu thin col aloi rot.

¹⁸ Abaram aci gam ku nëeth kë cin kë nõth thin, ku yen aci yen bën a wun koc wuøt juëc cimën ci Nhialic ye lëk ye ëlä, “Kockun bi lëk dhiëeth aabi juëc ka bi ciët kuël.”

¹⁹ Wën ci Abaram cak dhiop ë ruønke aa cõt buøøt, ku njic lõn tiejde Thara ke ci dhiop ke këc dhiëth, ke noot këc dhör gamde yic.

²⁰ Ku rëer ke nõth ku cii diu athön Nhialic, ku gamde aci ye bën yiëk riel ku leec Nhialic.

²¹ Ee njic, ke cin diu lõn bi Nhialic la riel bi kë ci thön dhiel looi.

²² Ku ë yen aci Nhialic Abaram gam ke ye raan la cök tënë ye.

²³ Ku wëlkä, “Yen aci gam ke ye raan la cök,” aa këc gõt rienke ë rot.

²⁴ Aake gët rienkua yok koc bi Nhialic gam aya ke yo la cök, yok koc ye gam lõn yen Nhialic yen ci Jethu Bännya jot thou yic.

²⁵ Yen aci col athou rin adumußmka, ku jot bi pir bi yo col aala cök tënë Nhialic.

5

Gam yen abi yo lußk

¹ Këya rin gamda Nhialic aci yo col ala cök tënë ye, ku yok aala dßör kek ye rin Bännya Jethu raan ci loc ku dac.

² Yok aaci gamda col abii Jethu dhëenj Nhialic yic, dhëenj yen rëer yok thin ëmën. Ku ayeku nõøth yo mit puøth lõn yok aa duaar Nhialic rom kek ye.

³ Ku acie kälä rot, yok aa puøth mißc aya tæ guum yok, rin gum ë deet pußu bëëi,

⁴ ku gum ku deet ë pußu aye Nhialic gam. Ku gem ye Nhialic ye gam yen ë nõth bëëi.

⁵ Ku n̄sth acie ʒo cəl ayār gup rin cī Nhialic nhiērde cəl athiŋ ʒopuŋth, Wēiken cī gām ʒo.

⁶ Rin wäär ʒot cīn yen tē ye ʒok rōt kuony thīn, ke Raan cī lōc ku dōc thou rin kōc kuc Nhialic akōl cī Nhialic lōc.

⁷ Aril yic bī raan thou rin raan la cōk, cək alōn lēu yen rot bī raan dēt thou rin raan path.

⁸ Ku Nhialic acī nhiēr nhiēr yen ʒo nyuŋth ē kēnē yic, rin tēwäär ʒot ye ʒok kōc la gup adumuššm, Raan cī lōc ku dōc acī thou rienskua.

⁹ Ku emēn thuŋde acī ʒo cəl ala cōk tēnē Nhialic. Ku na cī kēnē looi, ke cī ʒo bī wēēr bei ayic riāŋ pušu Nhialic yic akōl ciēn?

¹⁰ Ku wäär ye ʒok kōc ater tēnē Nhialic, ʒok aaci thon Wēnde cəl aben dōšr kek ye. Ku na ye kēya, ke pīr Raan cī lōc ku dōc cī ʒo bī kony?

¹¹ Ku acie kēnē ē rot, ʒok amit pušth aya tēnē Nhialic rin Bānyda Jethu raan cī lōc ku dōc acī ʒo dōšr ke Nhialic.

Adam ku Jethu

¹² Adumuššm acī bēn pinynhom rin raan tōk, ku adumuššm cī looi yen acī bēn ke thou. Ku kēlā, thou acī bēn tēnē raan ebēn rin cī kek adumuššm looi ebēn.

¹³ Adumuššm ē tš pinynhom wäär kēc lōŋ Mothith gām kōc, ku tē cīn yic lōŋ tš thīn, adumuššm acie kuššc nhom.

¹⁴ Ku ʒōk Adam bī bēn Mothith, thou ē ʒot ye tēm kōc agut kōc kēc lōŋ Nhialic dhāl yic, cimēn wäär cī Adam wēt cī Nhialic lēk ye dhāl yic.

Adam yen ē ye kīn raan yen bī bēn.

¹⁵ Ku keek karou aaci thōŋ, rin mišc Nhialic cī gām kōc ē path acī thōŋ kek adumuššm Adam. Raan tōk, Adam, acā adumuššm looi, ku acī thou bēxi tēnē kōc juēc. Ku kēdit apēi aya, raan tōk, Jethu raan cī lōc ku dōc acī mišcdīt dhēŋ Nhialic bēxi tēnē kōc juēc.

¹⁶ Ku mišc Nhialic acī thōŋ kek adumuššm ē raan kēnē. Ku adumuššm tōŋ kēnē cōk kōc juēc aaci tēm awušc, ku adumuššm juēcā cōk, mišc tōŋ Raan cī lōc ku dōc Nhialic acī bēn ku cəl kōc aa ben la cōk yenhom.

¹⁷ Rin adumuššm raan tōk thou acī bēn pinynhom. Ku kēdit apēi kōc cī mišcdīt Nhialic yōk cī jāl la cōk, aabi mac ku pīrkē akōlriēc rin Raan cī lōc ku dōc.

¹⁸ Kēya, cimēn ye adumuššm tōk kōc cəl aa tēm awušc ebēn, ke kēlā aya, luoi tōŋ la cōk ē kōc ebēn cəl aala cōk Nhialic nhom, ku bī pīr akōlriēc tēnē raan ebēn.

¹⁹ Ku cimēn cī raan tōk wēt Nhialic dhāl yic, ku bī kōc juēc cəl aala gup adumuššm, ke kēlā aya, rin cī raan tōk wēt Nhialic theek, kōc juēc aabi la cōk.

²⁰ Lōŋ ē gem ē rin bī luoi kārēc rot juak, ku tē ye kārēc rōt juak thīn, dhēŋ Nhialic ē rot jāl juak apēi.

²¹ Ku cīt lōn ye adumuššm kōc mac ku bī thou tēnē raan ebēn, ke yeen aya awic Nhialic bī dhēŋde kōc mac ku looi ke bīk la cōk tēnē ye. Ku gem ke pīr akōlriēc ebēn rin Jethu raan cī lōc ku dōc, Bānyda.

6

Pīr rin Jethu

¹ Yeyō buk lueel emēn? Buk la tuenj ke ʒo looi adumuššm rin bī dhēŋ Nhialic yeyic juak?

² Acie tēdē! Acīt kē cī thou tēnē ʒo, aaci ʒo bī ben mac. Ye kēdē bī ʒok la tuenj ʒo pīr kēlā?

³ Rin anjēckē ayic lōn riel adumuššm acī dhōŋ kōu wäär mušc ʒonhūm buk aa kōc Jethu raan cī lōc ku dōc, ku ʒok aaci mušc nhūm ē thuŋde.

⁴ Ku yeen aya, wäär mušc ʒonhūm, ʒok aa ʒo cīt kōc cī la raŋ tōk yic kek ye thuŋde yic. Ku cimēn wäär cī Raan cī lōc ku dōc ʒot thou yic duaar Wun, ke ʒok aabi pīr ē pīr yam aya.

⁵ Na cuk rōt mat kek ye thuŋde yic, ke ʒok aabi rōt dhīl ʒot thou yic kek ye aya.

⁶ Rin ʒok aa ʒo ye kōc adumuššm, pīrdan theer ēci thou tim cī rīu kōu kek Raan cī lōc ku dōc, bī tē ye ʒok kōc adumuššm ciēn kē ben lēu tēnē ʒo. Ku buk cī ben aa kōc tš adumuššm yic,

⁷ rin raan cī thou acī ben rēer riel adumuššm yic.

⁸ Na ʒo cī thou kek Raan cī lōc ku dōc, ka yeku gam aya lōn bī ʒok pīr kek ye.

⁹ Rin anjiku lōn na cī Raan cī lōc ku dōc ʒot thou yic, ka cī ben thou, rin thou acī ben la riel tēnē ye.

¹⁰ Acī thou arak tōk rin kōc ebēn bī riel adumuššm nyaai, ku piērde emēn ē pīr mit Nhialic pušu tēnē ye.

¹¹ Kēlā aya, yakē rōt cəl aaci kōc cī thou tēnē adumuššm, ku wek aaci pīr tēnē Nhialic rin Raan cī lōc ku dōc Jethu.

¹² Duškkē adumuššm cəl amēc piērdun bāk ke aa theek kārēc wic guāpkun.

¹³ Ku duškkē guāpkun pēl adumuššm bī ya kārēc kek yakē ke looi. Wek aa dhil rōt thān Nhialic, ciēt we kōc cī thou cī ben pīr. Wek aa dhil guāpkun thān Nhialic ku bāk aa kōcken ye looi kē la cōk.

¹⁴ Adumuššm acī we dhil mac rin wek aaci ʒot lōŋ theer yic, wek aatš dhēŋ Nhialic yic.

¹⁵ Ye kē pīr ʒok ē dhēŋ Nhialic ke cie lōŋ, ʒok puš buk adumuššm aa looi ē path? Acie tēde!

¹⁶ Anjēckē alanden lōn na thōnkē rōt raan dēt ku yakē theek we cīt aloony, ke wek aa loony ē raan kēnē cōk ben adumuššm we

yáth thou yic, ku këya, thekkë Nhialic bák la cök tēnē ye.

¹⁷ Lecku Nhialic, rin wek aa we ye aloony adumuššm, ke wek aaci yith yakë yök kák ye piššc tēnē we yiic, gam piáthkun ebēn.

¹⁸ Wek aaci wēēr bei adumuššm yic, ku wek aaci ya aloony luoi kák la cök.

¹⁹ Yen ajam kēlä ē path cimēn tēdun ye wek jīem thīn, rin bi wek kē luēel deet yic. Cimēn wek aa we ye guápkun ebēn thōn luoi kārēc rin ci luoiden we rum pušth. Ēmēn, wek aa dhil röt cōl aaye aloony kák la cök rin luoi kēpath.

²⁰ Wäär ye wek aloony adumuššm, wek aa we cie diēr luoi la cök.

²¹ Yenō kēn cāk yök luoi ē kákká yiic, kák ye wek gup yār thīn ēmēn? Kákká, ee thou yen ē yakë yök thīn.

²² Ku ēmēn, wek aaci wēēr bei adumuššm yic, ku wek aaci ya aloony Nhialic. Ku piērdun ebēn ē kēde, ku kē yakë yök thīn ē pīr akōlriēēc ebēn.

²³ Rin kē ye yök luoi adumuššm yic, ee thou. Ku mišc Nhialic ē pīr akōlriēēc ebēn rin Raan ci lōc ku dōc, Jethu Bānyda.

7

¹ Anjīec, wek aa kē luēel deet yic miēthakāi ci gam rin wek aa njic lōj. Lōj ē la riel bi raan dōm tē njot pīr yen.

² Tē thōōj yök ye, ke tiņ ci thiaak aci lōj ye puš bi wīc mony dēt. Ku na thou muonyde ka cīn lōj ben ye gēl.

³ Na wīc mony dēt ke muonyde pīr, ka ci ya tiņ ci kōar. Ku na ci moc thou, ke lōj gēl yeen aliu. Na thiēk mony dēt ka cīn akōr.

⁴ Ku ē yen tēde aya tēnē we miēthakāi ci gam. Tē thōj yök ye lōj, ke wek aa cīt koc ci thou tēnē lōj rin wek abāj gušp Raan ci lōc ku dōc. Ku ēmēn wek aa kacke yen raan ci jōt thou yic, rin bi wek aa koc pušth loi wēt Nhialic.

⁵ Wäär njot pīr yök cieēndan theēr ci yō cak thīn, kārēc ke ci lōj tāāu yopušth aake lui apeī yōgup. Ku aa kák thou kek aake yeku ke looi ebēn.

⁶ Ku ēmēn yök aaci bēn bei lōj theēr yic rin ci yök thou tēnē lōj wäär yen mēc yō. Ku yök aa jōl luui dhēl yam Wēi Nhialic, ku acie lōj theēr ci gōt.

Lōj ku adumuššm

⁷ Yenō buk jāl lueel ēmēn? Ye lōj yen adumuššm? Acie tēde! Na ye këya ayic, nušt yen akēc adumuššm njic tēn cī yen ye lōj. Rin nušt akēc njic yen kēreec wīny kēnē raandā yīpušu tēn kēc lōj ye lēk yen ēlā, “Duk kēn raandā wīc yapušu.”

⁸ Ku adumuššm aci lōj wel bi yen yen a duššj ba pušū ayiēk kákkōk. Ku na cie lōj nušt aci adumuššm.

⁹ Wāthēer, yen a ya ciēj ke ya kac kē ye lōj lueel. Ku wäär le yen lōj njic, aca bēn yök yapušu lōn ci yen lōj dhōj kōu ku ya raan ē thou.

¹⁰ Aca bēn yök lōn lōj pušth wēn njic ke yen bi pīr bēēi, aci bēn a kēn thou bēēi.

¹¹ Ku adumuššm aci lōj wel bi yen ke yen a duššj, ku rin lōj, yen aci adumuššm cōl athou.

¹² Ku ē cīn kēreec tō lōj yic, ee ye lōj Nhialic la cök ku pēth.

¹³ Ye kēlä, lōn nadē ke kēpath yen aci thou bēēi tēnē ya? Acie këya! Adumuššm yen ē looi ye. Aci kēpath lōm bi yen thou bēēi tēnē ya rin bi tēreec yen thīn, yen adumuššm tiē. Ku kēlä, rin ē lōj, adumuššm aye nyuōath ke ye kērac apeidit.

¹⁴ Anjicku lōj ē bēn tēnē Wēi Nhialic, ku yen ē raan ē path, alony adumuššm.

¹⁵ Yen acie kē ya looi ye deet yic, rin yen acie kē wīec ba looi ye looi, ku aya looi ē kē maan ba looi.

¹⁶ Ku na luōi kē cā wīc ba looi, ka ya gam lōn lōj apath.

¹⁷ Kēya, acie yen ē kēnē looi ayic, ku adumuššm rēēr ke ya.

¹⁸ Anjīec, aciñ kēpušth rēēr ke ya, rin cīt tē cī ya cak thīn kek adumuššm. Rin na cōk alōn wīc yen ye ba kēpath looi, ka cā ē lēu ba looi.

¹⁹ Rin kē ya looi acie kēpušth ya wīc ba looi, ku këya kē cī path cā ē wīc ba looi, yen aya looi.

²⁰ Ēmēn na ya looi kē cā wīc ba looi, ka cie yen ye looi, adumuššm rēēr ke yen yen ē ye looi.

²¹ Kēya, aya yök lōn luui lōj kēnē. Tē wīc yen ye ba kēpath looi, ke kē cī path yen ē rot tēēm thīn.

²² Ku piāndiē gušp anhiar lōj Nhialic,

²³ ku yen ē lōj dēt tiņ ke lui yagušp, lōj cie la piny kek lōj cī piāndiē gam. Ku yen ē ya cōl aye alony adumuššm yen lōj lui yagušp kēnē.

²⁴ Yenō be kērac ya yök kēlä! Yenā bā kony gušp ya yāth thou yic?

²⁵ Lecku Nhialic rin cī yen Bānyda Jethu raan ci lōc ku dōc, cōl akony ya.

Kēya, kēnē yen ē tēdiē, yen nhom piāndiē yic alony lōj Nhialic, ku cīt tē cī ya cak thīn alony adumuššm.

8

Pīr Wēi Nhialic yic

¹ Ku këya, aciñ awušc ye tēm koc cī ya tōk kek Raan ci lōc ku dōc Jethu,

² rin lōj yam, Wēi Nhialic ē pīr bēēi rin Jethu raan ci lōc ku dōc, acā wēēr bei lōj adumuššm yic, lōj thou.

³ Kēn kēc lōj lēu bi looi rin tē cī yō cak thīn ke yō cī ril rin adumuššm, aci Nhialic looi

ë tuoc ci yen Wënde nhom tuöcc ke ye raan cimënda, ku bi nõk bã adumuööm nyaai. Ku tã looi yen kënë, acã adumuööm tã koc gup col acin riel.

⁴ Kënë aci Nhialic looi rin bi luoi wic lõj dhiel la cõk yogup yok koc pír Wëi Nhialic, ku acie tã ci yo cak thün.

⁵ Koc pír cit tã ci ke cak thün kek adumuööm, aake nhüm yiëk kãk ye tã ci cak ke wic, ku koc pír cit tã wic lõj Wëi, aake nhüm tãau kãk wic lõj Wëi yiic.

⁶ Tã yik raan yenhom luoi kãk adumuööm, ka thou. Ku na yik raan yenhom kã wic lõj Wëi, ka yok pír ku döör.

⁷ Ku raan ë la ater kek Nhialic tã yik yen yenhom kãk luoi adumuööm rin acie lõj Nhialic ye theek, ku aci lëu bi lõj Nhialic theek.

⁸ Ku koc ye theek tã ci yo cak thün aacie Nhialic col amit puöu.

⁹ Ku këya wek aaci ciënj cit tã ci we cak thün, wek aa ciënj cit tënë lõj Wëi tã rëër Wëi Nhialic ke we ayic. Ku na ye raan cii rëër kek Wëi Jethu raan ci loc ku döc, ka cie raande.

¹⁰ Ku na rëër Raan ci loc ku döc kek we, ke guäpkun aaci thou rin adumuööm ku wëikun anot ke pír rin ci ke looi bik la cõk tënë Nhialic.

¹¹ Na Wëi Nhialic yen jot Jethu thou yic rëër kek we, ke raan jot Raan ci loc ku döc thou yic, ka bi guäpkun thou col aa pír rin rëër Wëike wegup.

¹² Këya, miëthakãi yok aala kã dhilku looi, ku acie lõn bi yok rëër pirdan theer ci yo cak thün yic.

¹³ Rin na piërkë cit tã ci we cak thün, ke wek aabi thou, ku na pãlkë kãrec yakë ke looi rin Wëi Nhialic, ke wek aabi pír yok.

¹⁴ Koc ye Wëi Nhialic nyuöõth, aa miith Nhialic.

¹⁵ Rin Wëi ci Nhialic gãm we acie we col aye ben ya aloony adumuööm, ku looi we bãk riöcc. Ku Wëi Nhialic ë yo col aye miith Nhialic, ku wek aaci Wëi Nhialic ci we looi bãk aa miëthke yok. Ku Wëi aci yo col aye Nhialic lõj, "Wã! Wã!"

¹⁶ Aye Wëi Nhialic guöp kek wëikua luel lön ye yok miith Nhialic.

¹⁷ Ëmën ye yok miëthke, yok aabi kãkken muk tënë kacke thõn. Ku kãpuöth muk rin Raan ci loc ku döc aya rin tã guum yok cimënde, ke duarde abi ya këda aya.

Duaar aköldã

¹⁸ Aya tak lõn kãk yeku guum piërda yic ëmën, aaci kõnj thöõnj kek duaar bi Nhialic nyuöõth yo, duaar bi rëër kek yo aköldã.

¹⁹ Kãk ci Nhialic cak pinyinhom ëbën aa rëër ke nõth apei, ke tit akõl bi Nhialic miëthke nyuöõth.

²⁰ Ku kãk ci cak, koc pinyinhom aake bi rëër ke ci puöth mum, ku aacie kek ke cii yen tak, ee Nhialic yen loi ye këya. Ku nõth kënë ë not tã thün.

²¹ Ku kãk ci cak aabi waar aköldã rin bik cii riããk, ku bik lãau nhomdit miith Nhialic röm ke ke.

²² Rin anjicku agut cit ëmën, kãk ci cak aa rëër ke dhiau ke rem, arëem cit arëem tinj röp.

²³ Ku aacie kãk ci cak ë röt, yok koc ci Wëi yok ke ye miöc tuenj ë Nhialic, yok aa rëër yo dhiau yo rem puöth aya, ke yo tit apei tã bi Nhialic yo luoi thün buk aa miëthke, ku col guäpkua aa waar röt bik aa yam.

²⁴ Rin ë nõth yen ë col yo apoth, ku na yeku kã nõthku tinj, ka cie nõth acin. Rin ye ña kã tã kek ye nõõth?

²⁵ Ku na yeku nõõth kã cii tã ke yo, ka yeku tiit ke yo lir puöth.

²⁶ Ku cit mën aya, Wëi Nhialic ë bën aya ku kony yo rin ye yok cii ril, rin kuc yok tã dhil yok Nhialic rööc thün, ke yeen ë Nhialic lõj riënkua, ku lõnj ke dhiau dhiën cin wël ye teet.

²⁷ Ku Nhialic yen kã rëër raan puöu tinj, anjic kã luel Wëike, rin Wëike ë rööc rin kacke cit tã wic Nhialic ye thün.

²⁸ Ku anjicku keriëcc ëbën yic, Nhialic ë luui kãpath rin koc nhiar ye, koc ci col bik këden wic looi.

²⁹ Koc kek ci Nhialic loc theer, aaci looi aya bik ciët Wënde, ku bi Wënde a kaai wãmãthakën juëc yiic.

³⁰ Këya, Nhialic aci koc ci loc col ku looi ke bik la cõk tënë ye, ku koc ci col aala cõk tënë ye aaci la duarde aya.

³¹ Këya, yenõ buk luel rin ë kënë? Na Nhialic akããc kek yo, ke yena bi yo maan?

³² Na Nhialic akëc Wënde nhom guöp ñuään wäär ku col athou riënkua ëbën. Na ci yo gãm Wënde, ke cii yo bi gãm kãnj ëbën ë path aya?

³³ Yena bi la wët bi luel koc ci Nhialic loc gup? Ee Nhialic nhom guöp yen aci ye luel lõn le kek cõk tënë ye.

³⁴ Le raan dët lëu ye bi ke tëm awuöc? Acin raan agut Jethu aya raan ci loc ku döc ci thou, ku jot ran yic bi ben pír, ku arëër kõnj cuëc Nhialic, ee Nhialic lõj riënkua.

³⁵ Yena bi yo tãk bei nhier Raan ci loc ku döc yic? Lëu aliããp, tãdë ba gum rin ye yin raan ci gam, ayi nõõnj, ayi riöcc rin kãrec, ayi lõn bi yi nõk ba thou?

³⁶ Cimën ci ye göt athõr theer wël Nhialic yic ëlä,

"Rin wëtdu yok aa rëër kãk nãk yok yic akõl thok ëbën, yok aaye looi cimën amël la teem röt."

³⁷ Acie tãdë, kãkkã yiic ëbën yok aala riel dit ye yok kãnj tiaam rin raan yen nhiar yo.

³⁸ Rin anjeac alanden lon acin ke tek yo bei nhierde yic. Cok athou ayi pir, cok atuuic nhial ayi jakrec, cok aa kak loi rot emen, ayi kak bi rot looi akoldä, ayi kakkök ril.

³⁹ Ayi nhial, tedet wördit cok piiny, acin ke leu ye kuat kakkä yiic ebën bi yo tek bei nhiër Nhialic yic, yeen ë këda rin Raan ci loc ku doc, Jethu Bányda.

9

Nhialic ku kacke

¹ Kë ya lueel ë yic. Yen acie jam lueth rin yen ë raan, Raan ci loc ku doc. Aye puñdiën mec Wëi Nhialic lek ya apej lon yen acii lueth luel.

² Rin dak piändië adit apsi, ku tẽ reem piändië thin rin kackië acie yop. Yen ajam rin koc kuatdië, koc Itharel.

³ Ku na leu rot ba ke kony, nušt awiëc bi Nhialic ya tẽm awuëc ku cã ben a raan Raan ci loc ku doc.

⁴ Keek aa koc ci Nhialic loc ku col ke aaye kacke, ku nyuth ke duarde ku looi dör ke ke ku gem ke lõj. Ku nyuth ke tẽ bi kek ye aa duör thin apath. Ku yökkë kak ci Nhialic thõn ke.

⁵ Keek aa ke ye kuat koc njic theer. Ku Raan ci loc ku doc, wäär ci yen jal a raan cimënda ë ye raan kuatden. Raan ebën adhil Nhialic yen mec kãj ebën a leec akölrüëc ebën. Yenakan.

⁶ Acã ye lueel lon kë ci Nhialic thõn akëc rot looi. Kë ci Nhialic thõn aci rot dhiel looi, rin acie koc Itharel kek ke ci Nhialic loc ebën.

⁷ Aci Nhialic lueel tẽnë Abaram, "Aacie mĩth ebën bi dhiëth tẽnë yi kek bi ya mĩth Nhialic, aa mĩth bi dhiëth many Itharel kek aabi ya miëthku kek ca thõn yi."

⁸ Këya, aye kënë nyooth lon aacie mĩth bi dhiëth Abaram ebën kek ke bi ya mĩth Nhialic, aa mĩth ke ci Nhialic thõn ye kek aake bi ya miëthke.

⁹ Kënë ci Nhialic lueel akin wäär thon yen wët tẽnë Abaram, "Tẽ le akalde bën, ke yen abi dhuk ku Thara abi manh moc yök."

¹⁰ Kë cit ë wët kënë aya, mĩth Rabeka karou, wunden ë ye tök, wäditda Ithäk.

¹¹⁻¹² Aci Nhialic lueel tẽnë Rabeka, "Wëndun dit yen abi ya luui tẽnë wëndun koor." Aci kënë lueel rin bi nyooth lon kë ci yen raan tök loc keyiic ku pël raan dët, ee wic piände ë rot bi looi këya. Nhialic ë luel wët kënë tẽnë Rabeka, ke Rabeka këc mĩth cak dhiëth, ke cün këpath ku kërec ci njek looi. Kënë ci rot looi ë kë ci Nhialic raan tök col ku pël raan dët. Ku acie kënë ci njek looi kamken.

¹³ Cimën ye athör theer wël Nhialic ye lueel ëlä, "Jakop aca loc ku kuëc Ethau."

¹⁴ Abi koc koc aa lueel lon Nhialic acin yic, ku acie tẽde.

¹⁵ Rin aci Nhialic lueel tẽnë Mothith ëlä, "Na wiëc ba raan dët nuään, ka luooi, na wiëc ba pušu lõny tẽnë raan dët, ka luooi aya."

¹⁶ Këya, acie kë wic raan, tẽde kë ye looi, ee lier pušu ë Nhialic.

¹⁷ Rin aci Nhialic lueel wël theer ci göt yiic tẽnë bëny Ijip ëlä, "Yin aca looi ba ya bëny rin bi rieldië yi nyuooth, rin bi koc pinyinhom ebën ya pinj."

¹⁸ Këya, na wic Nhialic bi raan nuään, ka looi. Ku na wic raan dët bi col aril nhom, ka looi aya.

Nhialic ë koc nuään ku tẽm koc awuëc

¹⁹ Tedet yen abi raan dët thiëc ëlä, "Na ye yen tẽ ye Nhialic luui thin akan, ke yenö ye yen raan tẽm awuëc? Ku yenja leu ye ku bi kë wic Nhialic jöony?"

²⁰ Ye tak ye yin ë ña ba yinhom jääm kë ci Nhialic looi? Tõny acie tinj cuëc ye ye thiëc, "Yenö cuëc yin ya këlä?"

²¹ Tinj cuëc tõny ala yic bi tiap cuëc tẽden wic yepušu, ee tõny karou cuëc ë tiom tõj yic, amuc yen jööl muöc ku töony ye yen luui baai ë path.

²² Kë ci Nhialic looi athõj kek ë kënë. Awic bi riääk piände nyuooth ku col rielde anjic. Ku njot pël yepušu piny tẽnë koc rec yen pušu thin, koc rëer ke bi tẽm awuëcdit apsi.

²³ Ku ee wic aya bi duarden dit nyuöth yo, duarden dit ci yen yo mat thin yok kocken ci nuään. Yok kocken ci guir theer buk duarde yök.

²⁴ Ku yok koc ci col yok aa yo la yiic koc Itharel ku koc cie koc Itharel aya.

²⁵ Ku kënë ci Nhialic lueel akin, kë ci göt athör Yocia yic raan kak Nhialic tinj,

"Aba col kackië, tẽ jiem yen koc cie kackië ayic.

Aba col kockiën nhiaar, tẽ jiem yen rin koc cã ke nhiaar."

²⁶ Ku tẽnë yen aci Nhialic ye lueel thin ëlä, "Wek aacie kackië, tẽn aabi col ka wët Nhialic tẽ pir yecin."

²⁷⁻²⁸ Ku Ithaya raan kak Nhialic tinj aci jam apsi theer rin koc Itharel ëlä,

"Na cok koc Itharel juëc abik ciët liët agör, ka koc lik keyiic kek aabi poth, rin Nhialic abi luk lac looi lunj cii yeyic dhuk tẽnë koc pinyinhom ebën."

²⁹ Acit wët ci Ithaya raan kak Nhialic tinj lueel wãthëer ëlä,

"Na Nhialic Madhol këc nyäj koc ë kuatda yic,

nušt yok aaci ciēt koc gen Thodom ku Gomora.”*

Wēt Puoth Yam ee luel tēnē koc Itharel aya

³⁰ Kēnē yen ē luel, “Ee kēc koc cie koc Itharel them bik la cōk tēnē Nhialic. Ku aaci Nhialic bēn cōl aa la cōk rin cī kek ye gam.

³¹ Ku eci koc Itharel them bik la cōk Nhialic nhom rin thēk ē lōŋ, ku acin kē cik bēn yōk.”

³² Ku raan dēt abī thiēc ēlä, “Yerjō cin yen kē cik yōk?” Acin kē cik yōk rin acik them bik looi ē rōt ku cik Nhialic gam. Kēya, aa cit koc cī kecōk dēny alēl,

³³ alēl yen ye athōr thēer wēl Nhialic jam ye ēlä,

“Pieŋkē apath, yen abā alēl bi koc cōl aaye kecōk dēny.

Tšsu Jeruthalem, alēl bi koc cōl awiēēk.

Ku raan bi wētde gam acii bi rac pušu.”

10

¹ Miēthakāi, kē wic piändiē ku rōškkie tēnē Nhialic rienken, ee lōn bi kockiēn Itharel ŋic tē bi Nhialic ke kuony thīn.

² Alēu ba ya raan ŋic ye lōn awickē bik luui apei bik Nhialic cōl amit pušu tēnē ke. Ku dhēl ye kek ye wic bik Nhialic cōl amit pušu, acik ye deet yic apath.

³ Ku rin kēc kek dhēl ye Nhialic koc cōl aala cōk tēnē ye deet, acik them bik dhēl yōk ē rōt, dhēl bi ke cōl aala cōk tēnē Nhialic. Ku aa kēc dhēl ye Nhialic koc cōl aala cōk tēnē ye gam.

⁴ Ku Raan cī lōc ku dōc yen aye lōŋ thōk thīn. Ku kēya, Nhialic ē kuat raan cī gam ēbēn cōl ala cōk tēnē ye.

Acin raan cii Nhialic ye kony

⁵ Mothith aci tē ye koc la cōk thīn tēnē Nhialic tē theek ē lōŋ gōt ēlä, “Na loi raan kē ye lōŋ luel, ke yeen abī lōŋ cōl apir.”

⁶ Kē ye wēl Nhialic cī gōt thēer luel rin bi raan la cōk tēnē Nhialic rin gam akīn, “Duk rot ye thiēc, yeŋa bi la pan Nhialic.” Rin bi yen Raan cī lōc ku dōc la thiēc bi bēn piny tēnē yo.

⁷ “Duk rot ye thiēc aya, yeŋa bi la piny.” Ku wētde yic bi Raan cī lōc ku dōc la bēēi bei kam koc cī thou.

⁸ Kē ye wēl Nhialic cī gōt thēer luel akīn, “Wēt Nhialic athiōk kek yi, arēēr yīthok ku yipušu.” Ku kēnē yen ē wēt tōŋ yeku lēk we.

⁹ Na ye luel koc nhīm ēlä, “Jethu ē Bēny ku gam yipušu lōn cī Nhialic ye jōt thou yic, ke Nhialic abī kony.

¹⁰ Gam ē bēn bei yopušt ku cōl yo aala cōk tēnē Nhialic, ku luel ye yok gam luel yothook koc nhīm aye Nhialic yo kony.”

9:33 Ith 28:16 10:5 Leb 18:5 10:8 L.rou 30:12-14
10:16 Ith 53:1 10:18 Wk 19:4 10:19 L.rou 32:21
1Bŋ 19:10, 14 11:4 1Bŋ 19:18

¹¹ Cimēn cī ye gōt athōr thēer wēl Nhialic yic ēlä, “Ku raan bi wētde gam acii bi rac pušu.”

¹² Kēnē atō raan ēbēn thīn, rin Nhialic Bēny athōŋ tēnē koc ēbēn, koc Itharel ku cie koc Itharel aya. Ku ē koc rōk tēnē ye ēbēn gām kajuēc path apei.

¹³ Cimēn ye wēl Nhialic cī gōt thēer ye luel ēlä, “Na le raan Bēny cōl ke yen akony Bēny.”

¹⁴ Ku yeen acik bi cōl ayic tē kēc kek gam. Ku keek aacii bi gam tē kēc kek wēt pinj. Ku wēt acik bi pinj tē kēc ye lēk ke.

¹⁵ Ku bik wēt pinj kēdē tē cin yen raan cī tušc ke. Cimēn cī ye gōt athōr thēer wēl Nhialic yic ēlä, “Ee kēpath apei, koc bi wēt puoth yam aa bō.”

¹⁶ Ku acie raan ēbēn yen cī Wēt Puoth Yam gam. Acī Ithaya nhom gušp luel ēlä, “Bēny yeŋa cī wētda gam?”

¹⁷ Kēya, keek aa wēt kaŋ pinj tuēŋ ku jōlkē gam. Ku wēt kēnē aye pinj tē piōc koc rin Raan cī lōc ku dōc.

¹⁸ Cimē cī ye yic alanden, keek aaci wēt pinj. Cimēn cī ye gōt athōr thēer wēl Nhialic yic ēlä, “Wēl cik luel apei aaci thiēi piny. Wēl thuōŋden aaci yet pinyndhom ēbēn.”

¹⁹ Ku koc Itharel gušp ē ŋickē. Mothith nhom ke jam nyin Nhialic, yen abi ye kaŋ luel,

“Wek wundiēn Itharel, wek aaba cōl adōm tieēl.

Rin koc cii cōk a wut, wek aaba cōl ariāk pušt rin koc wun cin kē cik deet.”

²⁰ Ku jam Ithaya nyin Nhialic, ku gei yic ēlä,

“Yen aci koc ke cii yen wic yōk. Yen aci rot nyušt koc ke cie yen ē thiēc.”

²¹ Ku aci lēk yo lōn cī Nhialic ye luel rin koc Itharel ēlä,

“Yen acā cin taar akōl thok ēbēn tēnē koc dhēl yen, koc cie wēdiē ye pinj.”

11

Nhialic ē ŋuānde nyušt koc Itharel

¹ Kē thiēc, cii Nhialic kuc kacke? Acie tēde. Yen nhom gušp, yen ē raan Itharel, yen ē raan kuat Abaram, raan many Benjamin.

² Nhialic akēc kuc kacke, koc yen lōc ke thēer. Wek aa ŋic kāk cī gōt athōr thēer wēl Nhialic yic, kāwār ye Elija Nhialic cōl rin kārec cī koc Itharel looi,

³ “Bēny, keek aaci koc kākku tūŋ nōk ku thurkē ariākku piny, ee yen raan tōŋ kākku tūŋ cī dōŋ, ku keek awickē bik ya nōk.”

⁴ Ku tē cī Nhialic ye bēer thīn tēnē ye akīn, “Ku yen aci rōr tiim kadhorou cōl arēer kek

10:11 Ith 28:16 10:13 Jul 2:32 10:15 Ith 52:7
10:20 Ith 65:1 10:21 Ith 65:2 11:1 Pili 3:5 11:3

ya, rōör kēc ɔŋ cəl Baal ye kōc kōk cəl aye Nhalicden kaŋ door.”

⁵ Ēmēn kē thōŋ kek ē kēnē aci rot looi, Nhalic aci kōc lik lōc rin dhēēŋde.

⁶ Nhalic acie kōc ē lōc rin kāk cik looi. Rin na Nhalic ē kōc lōc rin kāk cik ke looi, ke ŋuōt aci dhēēŋde ye nyuōth acin.

⁷ Ku ē yic kōc Itharel aa kēc kēnē yen wickē apēi yōk, ku aa kōc ke cī Nhalic lōc kek aaci ye yōk. Ku Nhalic aci kōc kōk looi bik kē ye lueel cī piŋ.

⁸ Cīmēn cī ye gōt athōr thēer wēl Nhalic yic ēlā,

“Keek aaci Nhalic looi bik kāŋ cī ye deet yiic agut cīt akōlē,

aacit kōc cie piŋ ku cōrkē.”

⁹ Ku aye Debit lueel,

“Yēn ee rōök tēnē Nhalic lōn bī yen ke deep ku dōm keek yāiken yiic. Bik wīk bī keek tēm awuōc.

¹⁰ Ku cəl Nhalic keek aa la nyin dum bik ciēn kē yekē tiŋ.

Bī kākken rēc yekē keek looi ciēt kāthiek kekōth.”

¹¹ Aluēl piāndiē ēbēn lōn na cōk alōn cī kōc Itharel kecōk dēeny bik wīk, ke keek aa kēc gēk piŋy. Ku rin cī kek adumuōm looi, ke kuōny Nhalic aci bēn tēnē kōc cie kōc Itharel. Kēnē aci rot looi rin bī tiēl kōc Itharel nōk ē rienken.

¹² Ku rin cī kōc Itharel adumuōm looi, ke kōc kōk pinynhom aaci dōc. Ku rin kēc kōc Itharel kepuōth yiēk dhēl pīr, dōc dīt aci gam tēnē kōc cie kōc Itharel. Ku bī dōc jāl dīt kēdē tē jāl kōc Itharel met thīn.

Kōc cie kōc Itharel aabi kony

¹³ Kē lueel ēmēn ē kē lēk kōc cie kōc Itharel. Cīmēn ye yēn atuny kōc cie kōc Itharel, yēn abi nhiam luoi cī Nhalic yiēk ya ba looi.

¹⁴ Tēdē, ke yēn abi kōc kuantdiē cəl adōm tiēl, ku rin luōidiēn ca looi, Nhalic abi kōc kōk kony keyiic.

¹⁵ Tēwēn cī Nhalic kuc ke, go kōc kōk pinynhom cəl aala dōr kek ye. Ku tē le kōc Itharel gam aya, ka bī ciēt kōc cī thou cī bēn pīr.

¹⁶ Na gēm raan aban ayup tēnē Nhalic, ka ayup ēbēn ē kēnē Nhalic aya. Ku na ye mei tim kāk Nhalic ke kēr aa kākke aya.*

¹⁷ Kēr kōk tim ye com cəl Olip aaci yep wei, ku nuet kēr Olip cil roor ē rot tēden wēn, ku jōl dīt apēi abi ciēt Olip ye com baai, ye ŋic muk apath. Kēya, wek kōc cie kōc Itharel kōk bēn tēnē kōc Itharel, wek aa kōpath yōk thīn aya cīmēn ye kēr Olip piērdēn yōk tēnē Olip dēt cī ye nuet yekōu.†

¹⁸ Kēya, duōkkē kōc cī Nhalic yep wei cīmēn kēr tim ye bui. Acin kēnē yī cəl anhiam, acie yīn meeī looi bī riēl, ee meeī yen ē yī looi ba riēl.

¹⁹ Abī raan dēt kamkun lueel ēlā, “Kēr aaci yep wei rin bī yo nuet nyiēnken yiic.”

²⁰ Kēnē ē yic. Aaci yep wei rin kēc kek gam, ku dōŋkē nyiēnken yiic alanden rin cī wek gam. Ku duōkkē nhiam ē kēnē, riāäckē kē bī bēn.

²¹ Na kēc Nhalic kōc Itharel puōl bī ke cī tēm awuōc, kōc cīt kēr tim cī com baai ka cī we bī puōl aya.

²² Ayeku tiŋ ēmēn yen tē peth Nhalic thīn, ku tē yen kōc tēm awuōc thīn. Ee kōc ca adumuōm looi tēm awuōc. Ku ē piath tēnē yī tē ye yīn rēer ke yī ŋōth piathde ku looi kāk ye cəl apath puōu tēnē yī. Ku na cī kēnē loī, ke Nhalic abi yī yep wei aya.

²³ Ku na dhuk kōc Itharel kepuōth ciēn ku gamkē wēt Nhalic, ka dhuk tēden thēer wāar yep ke wei thīn, rin alēu Nhalic bī ke bēn dhuōk thīn.

²⁴ Kēya, wek kōc cie kōc Itharel wek aa cīt kēr tim Olip cī yep bei Olip cil roor kōu, ku nuēt ke kek tim Olip ye com. Kōc Itharel aa cīt tim cī com kēnē, ku abi yep pial tēnē Nhalic bī kēr cī yep wei bēn nuēt kek tim yep ke bei thīn.

Kōc Itharel ēbēn aabi kony

²⁵ Ala yic kēckē kaŋ ŋic wāmāthkiē wiēc ku bāk ŋic. Na ŋicēckē ē yiny kēnē, ka cāk bī ya tak piāthkun ku luelkē, “Yōk aa ŋic kāŋ.” Ku yiny kēnē akīn. Wēt cī kōc kōk Itharel kuc bik cī gēm aci bī tō thīn akōlakōl, abi rēer thīn yet akōl bī akuēn kōc cie kōc Itharel wic Nhalic bēn bānyde yic tēnē ye.

²⁶ Ku ē yen tē bī Nhalic kōc Itharel ēbēn kuōny thīn, cīmēn ye athōr thēer wēl Nhalic ye lueel ēlā,

“Raan luāk kōc abi bēn Jeruthalem ku nyēi adumuōm kōc Itharel gup.

²⁷ Ku lueel Nhalic, yēn abi dōr kēnē looi ke keek,

tē le yēn adumuōmken nyaai.”

²⁸ Rin cī kek kuc Wēt Puōth Yam, aaci ya kōc ater tēnē Nhalic, ku kēnē aci rot wel ke ye kuōny tēnē we, wek kōc cie kōc Itharel. Ku rin cī Nhalic ke lōc, aci wārken dīt thōn lōn kuantden aabi ya māthke akōlakōl.

²⁹ Rin Nhalic acie yēnhom ē waar tēnē kōc cī lōc ku dōc ke.

³⁰ Ku wek kōc cie kōc Itharel, wek aa we cī kuc Nhalic wāthēer, ku ēmēn wek aaci Nhalic ŋuāān rin cī kōc Itharel Nhalic dhōl.

11:8 L.rou 29:4; Ith 29:10 **11:10** Wk 69:22-23 * **11:16** Paulo aluel kēnē bī nyuōth lōn kōc Itharel aa ŋot ke ye kōc Nhalic, cōk alōn cī kuōny gām kōc cie kōc Itharel ēmēn. † **11:17** Kōc cie kōc Itharel aa kōpath yōk tēnē kōc Itharel cīmēn ye kuēl ayi acieck piērdēn yōk tēnē tim cī yen cil yekōu. **11:26** Ith 59:20 **11:27** Jer 31:33-34

³¹ Kälä aya, rin nuëen cäk yök, ke koc Itharel aa dhäl Nhalic emën, rin bi kek nuëen yök emën aya.

³² Nhalic aci koc ebën col aa cit koc ci mac rin ci kek ye dhöl guöp, ku bi nuäände nyuöth ke ebën.

Yok aa dhil Nhalic leec

³³ Käpuöth Nhalic aa juéc apei. Ku yeen acin kënë ye wuöñ, anic kanj ebën. Yenja lëu ye bi tē yen tek thün teet yic? Acin raan lëu ye bi tē yen kärke luöi thün deet yic.

³⁴ Cimën ye athör theer wël Nhalic ye lueel ëlä,

“Acin raan njic tē ye Bëny tek thün, acin raan lëu yeen bi Bëny wëët?”

³⁵ “Acin raan lëu yeen bi Nhalic gam kädän, rin bi Nhalic yeen kööny.”

³⁶ Rin ë Nhalic yen ë cak keriëec ebën, ku ë yen amuk keriëec ebën, ku keriëec ebën aa tō thün ë rienke. Yok aa dhil Nhalic leec akölrüec ebën! Yenakan.

12

Yok aa pür rin bi yok Nhalic luöi

¹ Këya miethakái, rin ci Nhalic yo nyuöth lier ë piände, alék we piändië ebën, tē juër wek röt Nhalic bák ciët kē nek ye, ku week ke we piür, ke we loi ë kënë bák aa kärke alanden. Kënë yen ë dhël dhil wek Nhalic door wepuöth.

² Duökkë tē ye koc pinynhom ë tēn luui thün ye buoöth yic, calkë Nhalic awar wepuöth papot, bi we gam nhom yam ku bák kē wic Nhalic njic, ku kē wic Nhalic ë kēpeth ye col amit puöu, ku le cök.

³ Ku rin dhëej puöth ci Nhalic yiék ya, alék we ebën. Duökkë ye tak lon ye wek kocdit wër koc kök njiny kån, tēn tē rëer wek thün emën wek koc ë path, ku ye njek rot tööu tēden thöñ kek gam ci Nhalic yiék ye.

⁴ Yok aa le njek ke guöp, ku guöp ala kajuéc, ku kakkä aa ye tök la këden ye looi.

⁵ Kälä aya, yok aa juéc, ku yok aa cit guäp tök rin yok aa tök kek Raan ci loc ku döc, yok aaci mat ë tök cimën kāk cii thöñ tō guäp tök yic.

⁶ Këya, njek kamkua adhil kē ci gam ye luöi tēcit tē ci Nhalic ye gam ye bi looi. Na ye kē ci Nhalic gam yo lon bi yok wëtde lek koc, ka dhilku looi tēcit tē diit gamdan ci Nhalic yiék yo thün.

⁷ Na ci Nhalic yo col aye koc luöi, ka dhilku kony. Na ci yo col aye piöoc, ke yok aa piöoc.

⁸ Na ci yo looi buk koc kök aa dēt puöth, ka dhil looi këya. Raan kē tōu kek ye tek kek koc kök, adhil looi puön biökruel. Raan ci Nhalic yiék riel bi yen koc mac adhil looi

puöu ebën, ku raan lier nyuöth tēnē koc kök, adhil looi ke dal, ke mit puöu.

⁹ Duökkë röt ye nyuöth ciët we nhar koc, dhilke koc nhar puöu ebën. Mankë këracc ku muökkë kēpath riel.

¹⁰ Nharke röt piäthkun ebën cimën njek ke wämënh, ku nyuöth tē ye yin raan dēt theek thün, ku duk tē bi yī theek thün yik yinhom.

¹¹ Duökkë röt dak, luöiëc apei. Luöiëc Bëny piän tök.

¹² Rëerke we mit puöth tē cök koc kök we jöör rin le wek njöth, ku röökkë Nhalic akölaköl.

¹³ Gämke koc ci gam kē wickë muökkë liu tēnē ke. Ku luörkë jööl bō bäaikun yici.

¹⁴ Röökkë Nhalic rin bi yen koc jör we döc, ku duökkë rök tēnē ye rin bi yen ke tēm awuöc.

¹⁵ Miet puöu kek koc kök mit puöth, ku dhiaukë kek koc dhiau.

¹⁶ Calkë yer piändun athöñ tēnē koc ebën. Duökkë nhiam, dhuökkë röt piny ku luöiëc tēnē koc kor tēnē we. Ku duökkë ye tak lon ë wek njic kån.

¹⁷ Na loi raan dēt këracc tēnē we, ke duökkë col këracc dēt. Loi kē ye raan ebën tak ke path.

¹⁸ Luöiëc käpuöth lëukë ke bák ke looi rin bi wek njec ceñ kek koc.

¹⁹ Duökkë kädän guur mäthkië, calkë aguur Nhalic. Rin aye Bëny lueel athör wël theer yic ëlä, “Yen abi këracc ci koc kök looi guöör.”

²⁰ Duökkë kënë koñ looi, luöiëc kē ye athör theer wël Nhalic lueel, “Na raan aterdu anëc cak, ke gam mieth, na nek rou, ke gam kē dek, rin tē looi yin kakkä ka ba col ayär guöp.”

²¹ Duökkë këracc col arum wepuöth, luöiëc kēpath bi wek kärer gël wei.

13

Raan adhil koc mac baai theek

¹ Week ebën wek aa dhil bány mēc baai theek rin acin raan koc mac tē këc Nhalic ye gam bi koc mac. Ee Nhalic yen ë koc yiék bääny.

² Këya, raan cie wēt bény mēc baai ë gam, ee bääny ci Nhalic gam dhöl yic, ku raan loi kē cit kënë abi tēm awuöc.

³ Rin bány aaci koc käpath looi ye riöc, aa koc kärer looi kek aa riöc ke. Ye looi kēpath yen abi bény yī aleec.

⁴ Rin yen aluui Nhalic käpath kony yen yī, ku na loi kärer, ke yī riöc ye rin riel tō kek ye aci muk ë path. Rin bény ë Nhalic luöi ku nyooth riääk puöu Nhalic, ku tēm koc kärer looi awuöc. Ee koc awuöc looi col agum.

⁵ Këya, wek aa dhil bany theek ku acie rin ë wët kënë rot, ku yeen aya anjickë wepuõth lön ë kë dhielkë looi.

⁶ Kënë yen ë wët dhil wek ajuër tääu piny aya, rin bany aa luui tënë Nhialic tã looi kek luaiden ë cök bik koc mac.

⁷ Tääu ajuër piny ajuër yen ba juaar tënë ke, ku nyuõthkë athëkdun ëbën tënë bany.

Koc aa dhil röt nhiaar ë kamken

⁸ Duõkkë röt cöl akõõny raan dët, kë tã thün ë tøk yen adhil looi, ku ë kë bi wek röt nhiaar kamkun, ku raan nhiaar koc ëbën ë kë wïc lõh yen aye looi.

⁹ Lõõõkã, “Duk akør loi, duk raan nãk, duk cuëër, duk kënë raandã wïc yipuõu,” lõõõkã ku lõõõ kãk aa met lõh tõh ye lueel ëlä, “Yin adhil koc ëbën nhiaar cimën nhiëer yin rot.”

¹⁰ Raan nhiaar raan dët ka cïn kërëec ye raan kënë looi tënë ye. Këya raan nhiaar koc kãk, ee kë wïc lõh yen aye looi.

¹¹ Wek aa dhil kënë looi rin anjickë lön akõl dhil wek nhüim tır aci bën. Rin akõl bi Nhialic yo kony aci thiãk ëmën tën tẽwãar tunj gam yok wët.

¹² Acit lön nadë ke wakõu athök ku akõl abõ, pãlku kãrec yeke looi muõõth yic wakõu, ku këya lõmkë kãk bi yo cöl apir apath akõl bi Jethu dhuk.

¹³ Yok aa dhil röt mac apath cimën koc ë rëer yer yic akõl cïn kë yekë thiaan. Wek aaci röt met akut luui kãrec yic, kãrec cimën wiet ë mãau ku winy ë diãar. Ku duõkkë ater ye looi ku tielkë röt kamkun.

¹⁴ Lõmkë Bëny Jethu Kritho, bi thiãk ke we. Duõkkë wepuõth ye yiëk kãk we cöl aloi adumuõõm, bãk kënë yen wïc piãndun looi.

14

Duk koc kãk ci gam luk wei

¹ Gamkë raan koor gamde bi rëer ke we, ku duõkkë ye teer ke ke kãk yekë tak, kãk ci ril.

² Gam raan dët, ee ye cöl acam kuat miëth ë path, ku raan koor gamde acin kuat riñ ye cuet.

³ Ku raan cïn kën ye yen ke kuc bi cam, aci raan kuc miëth kãk dhãl guõp. Ku raan kuc miëth kãk aci raan cïn kën ë yen kuc bi cam ye yõk lön ë yen kërãc looi, rin kë ye raan cïn kën ye yen kuc looi aci Nhialic gam.

⁴ Ye yin ë ña, ba kë ci alony raan dët looi, lueel ke yic, tẽdë ke cie yic? Ee wun alony yen alëu ye bi lueel lön le aluõnyde cök ku lön ci yen la cök. Ku yen abi la cök rin abi Bëny cöl ala cök.

⁵ Aye koc kãk tak lön ala akõl dët tënë aakõõl kãk, ku aye koc kãk tak lön akõõl aa

thõh ëbën. Njek adhil kë ye yen ye tak këya njic apath.

⁶ Raan kën looi aye looi rin wïc yen Bëny bi theek. Ku raan cïn kënë ë yen ke kuc bi cam, aye looi rin wïc yen ye bi athëk nyuõth tënë Bëny, rin ë Nhialic leec rin miëth. Ku raan kuc bi miëth kãk ci cam aye looi këya rin athëk tënë Bëny, ku athëk gam Nhialic.

⁷ Acin raan tøk kamkua pir rienke ë rot, ku na thou raan acie thou rienke ë rot.

⁸ Na piirku ke rin Bëny, ku na thouku, ke rin Bëny aya. Të piir yok ayi tẽ thou yok, ke yok aa koc ë Bëny.

⁹ Rin Raan ci loc ku dac aci thou ku jot rot bi pir rin bi yen a Bëny koc pir ku koc ci thou.

¹⁰ Ku këya, yenõ ye wek miëthakun luõk wei, tẽdë ke dhãlkë gup, rin yok yodhie yok aabi kõõc Nhialic nhom luk yic akõldã.

¹¹ Cimën ye athõr thëer wël Bëny ci gõt ye lueel ëlä,

“Cimën piir yen ayic, aluëel alanden lön raan ëbën abã door.

Ku abi raan ëbën lueel lön ye yen Nhialic.”

¹² Këya, njek yoyiic abi Nhialic ya tët këden ci looi, ku ye rin nõ yen looi yen ye.

Duk koc ci gam thõõc adumuõõm yic

¹³ Yok aaci röt dhil tẽm awuõc kamkua, ku duk kë bi raan dët cöl aloi awuõc loi.

¹⁴ Ku rin ye yen raan buõth Bëny Jethu anjic alanden lön acin miëth rëec yetök ë rot. Ku na gam raan lön miëth arac, ka rac tënë ye.

¹⁵ Na cöl wãmuuth arac puõu rin cism yin miëth ye tak lön rëec yen, ka ye kë loi nyuõth lön yeen aci nhiaar. Ku duk wãmuuth ci Raan ci loc ku dac thou rienke rëc miëth ye cam.

¹⁶ Duk tẽ ye yin kãkkun path luõõi thün cöl aye koc kãk tak lön rëec yen.

¹⁷ Rin bããny Nhialic acie cam ku dëk, ee la cök ku dõõr ku miët puõu ye Wëi Nhialic gam.

¹⁸ Ku kuat raan, Raan ci loc ku dac luõõi këlã ë Nhialic cöl amit puõu, ku cöl raan ëbën agam këden ye looi.

¹⁹ Këya, adhilku them buk kãk koc këk nyaai ku loiku kãk koc kãk kony bik riel gamden yic.

²⁰ Na ye këya, duk kë ci Nhialic looi rëc rin miëth, miëth aa path ëbën. Ku na ye raan dët cöl aloi adumuõõm rin kë ye cam, ka ci path.

²¹ Këpath akin, duk riñ cuet ku duk mõu dek, ku duk kuat kë bi wãmuuth cöl aloi adumuõõm loi.

²² Këya, kë ye tak ke path ë kãkkã, muk kamkun wek Nhialic. Na ci raan ye lueel lön kë ci looi awuõc, tẽ looi yen kë ye tak ke ye yic, ke yeen amit puõu.

²³ Ku na ye raan puõu rou tẽ cem yen kuat miëth kãk, ka ye Nhialic cöl aye kërãc yen looi

të cem yen ye, rin acie gam yen col ye aloi ë kënë. Ku na yeku kédäj looi ëbën ke cin gam, ke yeen adumuööm.

15

¹ Yok koc ril ë gamda yic, yok aadhil koc cii ril kony bik la tuenj kek gamden apath, ku acie kënë yo col amit pusth yen dhilku aa looi.

² Njek yoyiic adhil wämääthdan ci gam luüi këpath, kë bi yeen col amit puüu. Yok aa dhil kënë looi rin bi yok gamde col adhil riël.

³ Rin Raan ci loc ku doc akëc kë ci looi looi rin bi yen ke puüu miët, cimën ye athör theer wël Nhialic ye lueel ëlä, “Wäär let yi, lëët aaci bën aa kãkkië.”

⁴ Këriëëc ëbën ci göt athör theer wël Nhialic yic ë yo piöcc, rin wël theer Nhialic aa yo col anjsth, ku aa yo deët pusth.

⁵ Bi Nhialic yen koc col agum, ku deet kepusth we yiëk döör kamkun, cimën ye wek koc buöth Raan ci loc ku doc Jethu.

⁶ Rin week ëbën bák Nhialic wun Bányda Jethu Kritho aa leec.

Wët Puoth Yam aci lëk koc cie koc Itharel

⁷ Nhiarkë röt kamkun rin bi koc ëbën Nhialic leec, luwikë kënë cimën të ci Jethu we nhiaar thün.

⁸ Rin alëk we lon ci Raan ci loc ku doc a raan luui koc Itharel, ku nyuth ke lon kë ci Nhialic lueel ë yic, rin bi kãk ci thön wãrkuan dit aa yith.

⁹ Ku dët aya, bi koc cie koc Itharel col aa lec Nhialic rin lier piãnde, cimën ci ye göt athör theer wël Nhialic yic ëlä, aci Bëny Debit lueel, “Këya, të rëër yen kam koc cie koc Itharel ke wek ba gãm lec.

Ku waak alëc aba ket tënë yün.”

¹⁰ Ku ben athör theer wël Nhialic lueel ëlä, “Miëtkë pusth wek koc cie koc Itharel kek koc ci Nhialic loc.”

¹¹ Ku ben athör theer wël Nhialic lueel aya, “Wuöt ëbën aa dhil Bëny leec, ku koc ëbën aa dhil ye leec apeï.”

¹² Ku ben Ithaya lueel athör theer wël Nhialic yic ëlä,

“Ala raan many Jethe wun Debit bi bën.

Abi Nhialic looi bi ya Bëny koc cie koc Itharel.

Ku nãthden abi tã tënë yeen.”

¹³ Bi Nhialic njsth bëëi ku col we athiãnj miët puüu dit apeï ku döör, cimën ye wek ye gam bi Wëi Nhialic we col aala njsth dit apeï.

Luüi Paulo kam koc cie koc Itharel

¹⁴ Wämãthkiën ci gam, yen nhom, anjiec alanden lon week nhüim wek aa path apeï, wek aa njc kë bák dhieel looi ku alëukë bák röt piöcc kamkun.

¹⁵ Wek aca gät athöör puüu ëbën ke cin kë muöony rin kãk wiëc ba ke ben lëk we, rin dhëëj ci Nhialic gãm ya,

¹⁶ ba ya raan luui Jethu Kritho, ba luui rin koc cie koc Itharel. Yen ë luüi kãk raan Nhialic looi të lëk yen koc Wët Puoth Yam. Rin bi koc cie koc Itharel ciët kë ci Nhialic door, kë ci Nhialic gam apeï. Ku bi Wëi Nhialic ke col aye kacke.

¹⁷ Yen anhiam luüidiën ya luüi Nhialic, rin ci yen mat kek Raan ci loc ku doc Jethu.

¹⁸ Yen abi jam kãk ci Raan ci loc ku doc col aluüi ë röt, kãk ya lueel ku kãk ya looi aaci koc cie koc Itharel col athek Nhialic,

¹⁹ rin kãril ku kãk koc göi, ci Wëi looi dhël ril. Këya, yon ca ke tëëk ëbën jãl Jeruthalem ku wun col Dalmatia, yen aci koc lëk Wët Puoth Yam rin Raan ci loc ku doc.

²⁰ Kën yen tã yãpuüu ë tök ë path, ee lon ku ba koc lëk Wët Puoth Yam të këc rin Raan ci loc ku doc kanj piñ thün, rin bi ye cii luel lon ye yen luüi ci koc kãk jock yen luüi.

²¹ Cimën ci ye göt athör theer wël Nhialic yic ëlä,

“Koc këc kanj lëk wëtde abik tiñ.

Ku koc këc ye piñ abik deet yic.”

Awic Paulo bi la keny Roma

²² Ku rin ë wët kënë, aca them ku yen aci pëën arak juëc ba la tënë we.

²³ Ku ëmën ci yen kë luüi thöl të rëër yen thün tën, ku tẽyon wic yen ye run juëc ba we la tiñ,

²⁴ anjããth ba jãl looi ëmën. Ku ëmën le yen Ithpeen, wek aa bar ba we tiñ. Ku awiëc bák ya kony ba yet thün, të ci yen kanj rëër ke we tẽthin-nyööt.

²⁵ Ëmën thiin yen ala Jeruthalem ba kuöony la gam tënë koc Nhialic rëër thün.

²⁶ Ku akuut koc ci gam tã Mathedonia ku Giriik aaci pusth miët, ku matkë bik wëüu juaar tënë koc njñ kam koc Nhialic tã Jeruthalem.

²⁷ Kek aa mat yeyic ë röt bik looi këya, ku ë yic keek aa dhil koc njñkã kony. Koc Itharel aa kãpuoth yekë yök tënë Nhialic rin wëiken ram kek koc cie koc Itharel. Këya, koc cie koc Itharel ci gam aa dhil koc Itharel ci gam kony bik ke yiëk kãk yekë wic akolaköl rin piërden.

²⁸ Të ci yen kënë thöl, ba ke gãm wëüu ke ci kuööt yiic rienken, ke yen abi la Ithpeen, ku wek aaba kanj neem ba jãl la Ithpeen.

²⁹ Te yeet yen tënë we, anjiec yen abi döcdüt Raan ci loc ku doc la rom ke we.

³⁰ Rin gamda tënë Bëny Jethu raan ci koc ku doc, ku rin nhiër ci Wëi Nhialic gãm yo, wek aa lãnj matkë röt yen aterdië yic bák rökök kek yen apeï tënë Nhialic rienkië.

³¹ Yen arššak bi koc Judia kec wēt Jethu Krītho gam yen cīi baŋ, ku bi koc Nhialic tš Jeruthalem pušth miēt bik kē ca looi bi yen ke kony gam.

³² Ku kēya, na wic Nhialic, ke yen abi bēn tēnē we ke miēt pušu, ku mitku pušth nēm bi yo ben puššc.

³³ Yen arššak bi Nhialic yen ye yok dšör yök thīn, rēer kek we ebēn. Yenakan.

16

Paulo ē koc Roma muššth

¹ Awiēc ba lēk we, lon nyankāida Pobi luui akut koc cī gam Kankēria ē raan path.

² Luarkē cimēn raan Bānyda, ku cit tē ye koc Nhialic rōt luor thīn kamken, ku yiēkkē kuat kuony bi thiēc tēnē we. Yeen ē path tēnē koc juēc, ayī yen aya.

³ Yen ē Prithkila ku Akuila, koc cī rōt māt ya buk luui rin Jethu raan cī lōc ku dōc, muššth apeī,

⁴ koc kēc diēer kē bi ke nōk rienkiē. Yen amit pušu tēnē ke apeī. Ku acie yen ē rot, akuut koc cie koc Itharel cī gam aa mit pušth aya.

⁵ Yen akut koc cī gam, yenhom mat panden, muššth aya.

Yen ē mādhiē Epanetuth, raan cī Raan cī lōc ku dōc kaŋ gam wun Athia,

⁶ ku Maria raan cī luui apeī rienkun, aaca muššth aya.

⁷ Andronikuth ku Junieth, koc Itharel cimēndiē, wāar ci mac ke ya aaca mušth aya. Keek aa ŋic apeī rin ye kek atuuc aya, ku kek aake koŋ gam tēnē ya.

⁸ Miādhiē tēnē Ampliatuth, yeen ē mādhiē apeī, ku yeen aci rot māt Bēny.

⁹ Mušth tēnē Urbano, raandan lui rin Raan cī lōc ku dōc. Ku mušth aya tēnē mādhiē apeī, Ithakith.

¹⁰ Mušth tēnē Apeleth, raan cī tē kēēc yen thīn kek Raan cī lōc ku dōc nyuwoth kārīl yiic. Ku mušth tēnē koc many Arithtobuluth.

¹¹ Mušth tēnē Yērodiōn raandan Itharel ku wāmāthakua, koc cī gam many Narkithuth.

¹² Miādhiē tēnē Tripina ku Tripotha, diāar cī luui rin Bēny ku tēnē mādhiē apeī Perthith raan cī luoidit looi rin Bēny.

¹³ Yen ē mušth tušc Ruputh raan ŋic luōide apeī rin Bēny ku tēnē man, raan yen kony akōlakōl ciēt ya ye manhde.

¹⁴ Miādhiē tēnē Athinkrituth, Plegon, Yermath, Patrobath, Yermath ku wāmāthakua ebēn cī gam rēer ke ke.

¹⁵ Mušth tēnē Pilologuth ku Julia ku tēnē Nerioth kek nyankēn, ku tēnē Olimbath ku tēnē koc cī gam rēer kek ē tōk.

¹⁶ Miāthkē rōt kamkun pušu ebēn. Akuut koc cī gam ebēn aa we tušc miāthden wek akut koc cī gam Roma.

Paulo ē koc tš Roma lēk kē dhilkē looi

¹⁷ Wek aa lēk apeī wāmāthkiē bāk nhīim tūr koc ē koc tek yiic, ku rēckē koc nhīim bik gamden cīi muk apath, koc cīi piššcōden ē thōŋ kek tē cī we piššc thīn, duškkē rōt ye thiāk ke.

¹⁸ Rin koc kākka looi aacie luui rin Raan cī lōc ku dōc Bānyda, aa lui rienken ē rōt. Aa wēl mit apeī lueel, ku aa koc cīn kāreč yekē ke looi wēēŋ.

¹⁹ Aci raan ebēn piŋ yen tē muk wek wēt yam cāk gam thīn. Kēya wek aa ya cōl amit pušu apeī. Awiēc bāk kāpath ku kāreč kaŋ ŋic, ku bāk kāpath aa ŋic ku duškkē rōt cōl aaye tšu luoi kēreč yic.

²⁰ Ku Nhialic yen ye yok dšör yök thīn abi riēl jōŋrac rac, ku cōl adhuk wecōk ciēēn.

Yen arššak bi Bānyda Jethu raan cī lōc ku dōc la tuēŋ ke nyuth we dhēēŋde.

²¹ Timothī, raandiēn luui yok ē tōk, ee we tušc miāthde, ku yen lan Lukiōth, Jathon ku Thothipater kockiēn Itharel.

²² Yen Tertiath, yen raan ya gāt wēl cī Paulo lueel athōr kēnē yic, wek aa ya tušc miāthdiē ke ya ye raan cī gam aya.

²³ Gaiōth, raan rēer yen paande, ku yen ye akut koc cī gam rōm thīn, ee we tušc miāthde. Eratuth, raan wēēu mir (akuma) mēc geu muk ku wāmāthda Kuartuth, aa week tušc miāthden.

[
²⁴ Bi dhēēŋ Bānyda Jethu raan cī lōc ku dōc rēer kek week ebēn. Yenakan.]

Paulo ē lēc gam tēnē Nhialic

²⁵ Lecku Nhialic bi we looi bi gamdun riēl. Yen ē kē ya lueel tē lēk yen koc Wēt Yam rin Jethu raan cī lōc ku dōc, ku ē yen aci yic cī moony run juēc apeī nyuwoth.

²⁶ Ku emēn kāk cī koc kāk Nhialic tīŋ gōt aaci yiny kēnē cōl aŋic koc juēc, aci Nhialic tš thīn tēyon ku abi rēer thīn athēer lueel bi wušt pinyinhom ebēn yic kēnē dhīel ŋic. Kēya, rin bi koc ebēn Nhialic gam ku thekkē.

²⁷ Tēnē Nhialic tōk, Nhialic kēriēc ebēn yic, yen ŋic kāŋ, aa leec. Kēnē adhīl rot looi akōlriēc ebēn rin kē cī Jethu raan cī lōc ku dōc looi. Yenakan.

Athör tuej cï Paulo gät kəc gen Korinth Wět nom

Athör tuej cï Paulo gät tēnē kəc cï gam gen Korinth, ee gēt rin aliām cï rot lək jat nhial, cï pïr ku gam lək wääc apei akut kəc cï gam yic, akut wäär cï Paulo jook cök gen Korinth.

Pan Giriik yen tō gen Korinth thïn ē məc bēnydīt kəc Roma. Ku Korinth, tēwäär gēt Paulo athör ē ye gendīt wun cəl Akaya, ku ē ciēj kəc juēc thïn. Gen kēnē ēcī njic apei ē wět yooç ye looi thïn, ku ciēj ē nhiaam ku luoi käreç cimēn luoi kək ē bal ku thək yiēth juēc.

Kē cï akut kəc cï gam yeyic tek, ku wīny ē diäär ku ciēj rēc tō kam rōor ku diäär, ku wēt ē thiēk, ku wēt ciēj path, ku tēpeth ye Nhialic duər thïn, ku miśc ē Wēi Nhialic ku jōn ē rot thou yic. Kakkā ēbēn, kek aa wəl ril kek gēt Paulo athōor tēnē kəc cï gam Korinth. Acī them piānde yic ēbēn bī nyuəth yen kē ye Wēt Puəth Yam lək kəc rin ē kakkā ēbēn.

Käk tō thïn

Muəth tuej 1:1-9

Tē cï kəc cï gam keyiic tek thïn akuut 1:10-4:21

Wīny ē diäär ku pïr baai 5:1-7:40

Kəc cï gam rēēr kam kəc kēc gam 8:1-11:1

Tē dhil kəc aa rōok thïn ēbēn 11:2-14:40

Jōn e rot Jethu ku kəc cï gam 15:1-58

Ajuēr tēnē kəc cï gam Jeruthalem 16:1-4

Wəl ciēn ē Paulo 16:5-24

¹ Athör kēnē abō tēnē Paulo, raan cï cōl ē wēt Nhialic bī ya atuny Jethu Krītho, ku tēnē wāmāathdan cï gam Thothenth.

² Yēn agēt tēnē Krīthiaan rēēr gen Korinth, kəc cï Nhialic cōl bīk aa kacke, rin cï kek mat kek Jethu Krītho, cimēn kəc kək cï gam, kəc ē Jethu door, Bānyden ku Bānyda aya.

³ Bī Nhialic Wāda ku Bēny Jethu Krītho, we yiək dhēēj ku dōor.

Nhialic aci yō dōoc rin Jethu

⁴ Yēn ē Nhialic ya door leec ē rienkun akōlakōl, rin kē cï looi tēnē we. Acī we nyuəth piathde, ku gēm we kajuēc yakē yōk rin Jethu Krītho.

⁵ Rin rēēr wek ke we ye tōk kek Raan cï ləc ku dōc, Nhialic aci we muəç bāk kajuēc njic aa looi cimēn ye wek kəc lək wētde, ku njieckē kajuēc.

⁶ Nhialic aci wēt Raan cï ləc ku dōc cəl awēi wepuəth apei,

⁷ ku kēya acīn miśc tōj Nhialic liu tēnē we ēmēn rēēr wek ke we tit akōl bī Nhialic Bānyda Jethu Krītho cəl aben dhuk.

⁸ Ku Jethu abī we kony bī gamdun riel bī Nhialic we tiŋ ke we cīn gup awuəç akōl le Bānyda Jethu Krītho dhuk.

⁹ Anjicckē kecīn diu, lōn Nhialic akōlakōl ē kē cï thōn ke bī looi, looi. Ee yen aci we cōl bāk aa tōk kek Wēnde Jethu Krītho Bānyda.

Kəc cï gam Korinth aaci keyiic tek

¹⁰ Wek aa lāj wāmāthakua rin riel Jethu Krītho, bī ya wēt tōk yen yakē lueel, ku bāk weyiic cī ye tek. Matkē rōt ēbēn ku calkē tāktākđun aye tōk.

¹¹ Acī kəc kək ē many Kulowi lək ya lōn wek aa gōth ē kamkun.

¹² Kē wiēc ba lueel akīn, aye kəc kək ē kamkun lueel ēlā, “Yok buəth Paulo.” Ku lueel kəc kək, “Yok aa buəth Apolo.” Ku lueel kəc kək, “Yok aa buəth Piter.” Ku kəc kək, “Yok aa buəth Raan cī ləc ku dōc.”

¹³ Ye tēde bī Raan cī ləc ku dōc ya tek yic akuut? Ye yēn Paulo yēn cī thou tim cī rīiu kōu ē rienkun? Nadē le raan cī we muəç nhīim rin bī wek aa kəc buəth yēn Paulo?

¹⁴ Yēn aleç Nhialic rin acīn raan ca muəç nom ē kamkun, ee Krīthupth ku Gaiōth kepēc.

¹⁵ Kēya, aci raan luel ye lōn cī we muəç nhīim bāk aa kəc buəth ya.

¹⁶ (Aca bēn tak, yēn aci Ithipanath kek kacke muəç nhīim. Ku acā ye tak lōn le yen raan dēt ca muəç nom.)

¹⁷ Raan cī ləc ku dōc akēc ya tooc ba kəc aa muəç nhīim. Acā tooc ba kəc aa lək Wēt Puəth ē Yam. Ku lək ke ē cök ke cie wəl raan njic kāj ē path, rin ba nyuəth lōn thōn cī Krītho thou tim cī rīiu kōu, ala rieldīt apei.

Jethu ē njiny kāj ku riel Nhialic nyuəth

¹⁸ Aye kəc mār, kəc kuc tē bī ke kuony thïn tak lōn thōn cī Raan cī ləc ku dōc thou tim cī rīiu kōu, acīn kē ye kony tēnē ke. Ku yook, kəc cī luək thōn cī Raan cī ləc ku dōc thou tim cī rīiu kōu, ee Nhialic nyuəth tē ril yen thïn.

¹⁹ Ku yeen aci gōt athōr thēer wəl Nhialic yiic ēlā, “Yēn abī kāj gəl bīk rōt cī looi tēnē kəc njic kāj ku kəc cī piōc apei.”

²⁰ Na ye kēlā, yējō buk lueel rin kəc njic kāj ku kəc cī piōc apei, ku kəc njic teer wəl ē riēec akōl yic? Acī Nhialic nyuəth lōn njiny ē kāj ē kōckā acīn wētde yic!

²¹ Rin njieç ē kāj tōu kek Nhialic, akēc kəc pinyhom ye lēu ku bīk ye njic cōk alōn njic kek kāj. Ku Nhialic aci wēt yeku lək kəc, wēt yen ye yōj yic, looi bī yen kəc ye gam kony.

²² Ku awīc kəc Itharel bīk kārīl ē kəc gōi tiŋ, kāk bī ye nyuəth lōn Nhialic alui. Ku kəc cie kəc Itharel ē wickē bīk kāj aa njic.

²³ Ku yook wēt yeku lueel, ee Raan cī ləc ku dōc cī thou tim cī rīiu kōu cī kəc Itharel ye

lëu bîk gam. Ku yöñj kóc cie kóc Itharel yic lön cîn yen wêtdë yic.

24 Ku tènë kóc cî Nhialic cööl, kóc Itharel ku kóc cie kóc Itharel, wêtd cî Raan cî lóc ku dác thou, ee riel Nhialic ku njëëc kâñ Nhialic nyuöoñh.

25 Rin kè ye tîj ciët Nhialic cîn kè njic, anjic kâñ apeï ka wâr raan njic kâñ. Ku kè ye tîj ciët Nhialic cîi ril, aril apeï ka wâr riel è raan.

26 Takkë ãmën miëthakâi, we ye kóc yîndë wäär kéc Nhialic we cööl bâk aa kóc buoñh Jethu. Cîtd tã cî raan cak thîn, aa kóc lik è kamkun kek aake njic kâñ, tãdë de ke kek la riel, tãdë ke ye kóc ke dhiëëth kóc cî jak.

27 Nhialic aci kóc ye tîj kecîn kèpeth tó ke ke lóc, rin bî yen kóc röt cööl ka kóc njic kâñ col ayâr gup. Ku lóc kóc ye yök ciët ke niop, rin bî yen kóc röt yök ke ril col ayâr gup.

28 Ku Nhialic aci kóc cîi ke ye kuëëc nhüim lóc, rin bî yen riel kóc röt yök ke kek ye kóc ril rac.

29 Ku aye kënë nyuöoñh lön acîn raan lëu ye bî nhiam Nhialic nhom.

30 Ku è rin Nhialic yen aci wek ya kóc Jethu Krîtho. Ku njëëc è kâñ tóu kek Nhialic, ayeku yök tènë Jethu. Ee riënke yen aye yök la cök tènë Nhialic ku yeku kóccken path, ku wëër yo bei adumuöömkuua yic.

31 Këya, aci göt athör theer wël Nhialic yic ëlä, “Na ye raan wïc ye bî nhiam rin kè cî ye col amit puöu, ka dhil nhiam rin kè cî Bëny looi.”

2

Të cî Paulo kóc Korinth lëk thîn

1 Wäär cî yen bën tènë we miëthakâi, ba we bën lëk wêtd è Nhialic cî moony, wek aa kéc bën aa jääm wël ril ye nyooth ciët ya ye raan cî piöc apeï tènë we.

2 Rin wäär rëër yen kek we, aca bën tak bî ciën dët lëk we, ee wêtd rin Jethu Krîtho, wêtd cî yen thou tim cî riüu kóu.

3 Këya, wäär bîi yen tènë we, yen è ya bö ke ya cî riöcc rin cîi yen ril. Yen è ya ye lath.

4 Ku yen akéc piöcc ku lëk kóc Wêtd Puoñh è Yam wël puoñh njiec. Ee Nhialic yen aci ye looi bi piöccdië ku tã ye yen kóc lëk thîn la cök è riel Wëi Nhialic.

5 Këya, acie wël puoñh yakë ke piñ kek col we aa gam Raan cî lóc ku dác, ee riel Nhialic.

Njny è kâñ bã tènë Wëi Nhialic

6 Kè ya piöcc è wêtd njëëc tènë kóccdi cî gam. Ku acie njëëc tóu kek kóc pinyñhom. Tãdë ke njëëc è kâñ tóu kek kóc mæc ãmën, kóc la riel bî rielden guo liukä.

7 Njëëc è kâñ ya lueel, ee njëëc tóu kek Nhialic kéc col aboc tic tènë kóc. Ku aci Nhialic guir theer kéc piny cak lön njëëc è kâñ kënë yen abi duaar bëëi tènë yo.

8 Ku njëëc kâk Nhialic kënë è kéc kóc mæc ãmën njic. Na cîk njic nuöt aa kéc Bëny rom duaar kek Nhialic piäätd tim cî riüu kóu.

9 Ku è yen kè ye athör theer wël Nhialic lueel ëlä, “Acîn raan cî ye kan tîj, acîn raan cî ye kan piñ, lön bî yen rot looi, yen kè cî Nhialic guir tènë kóc nhiar ye.”

10 Ku aa yok aci Nhialic bën col anjic kâkken kéc col aboc tic riel è Wëike. Wëi Nhialic anjic këriëcc èbën agut kâk cî Nhialic moony.

11 Ee puöñ raan rot yen è kâk ye raan tak njic. Këlä aya, ee Wëi Nhialic yen anjic tãktãk è Nhialic èbën.

12 Yok kóc cî gam, yok aacie kâñ ye tak tãcîtd tã ye kóc pinyñhom, kóc cie kóc cî gam ke tak thîn. Yok aaci Wëi cî Nhialic tuöc yo yök. Ku aci yook kony buk kâk cî Nhialic yiék yo ya deet yiic apath.

13 Këya, tã jicem yok, yok aacie jam wël cî yo piöcc tãcîtd tã njic kâñ thîn pinyñhom. Yok aa jam è wël ye gam yo è Wëi Nhialic, tã jicem yok kâk Nhialic tènë kóc rëër Wëi Nhialic ke ke.

14 Raan liiu Wëi Nhialic tènë ye, acie kâk ye Wëi Nhialic piöcc ye gam, aa cîn wêtdë yic tènë ye. Ku aaci ke ye deet yiic, rin alëu raan bî piath è kâkkä njic tã rëër Wëi Nhialic kek ye.

15 Raan rëër Wëi Nhialic kek ye, alëu bî kërac ku kèpeth deet yic, ku acîn raan lëu bî ye jöñny.

16 Cîmën cî ye göt athör theer wël Nhialic yic ëlä, “Yenja njic kè tek Bëny? Yenja lëu bî yeen wëët?”

Ku yok aa tak cîmën Raan cî lóc ku dác.

3

Yok aa lui rin Nhialic

1 Miëthakâi le yok gam tók, akéc lëu ba jam tènë we tãcîtd tã bî yen jicem thîn tènë kóc rëër Wëi Nhialic ke ke. Yen a ya ye jam tènë we ciët ye kâk pinyñhom kek yakë ke tak kepëc. Ku ciët we ye kóc cit mîth è tãdun ye wek piöcc kóc cî gam deet yic thîn.

2 Wek aa we cã gam kâk bâk ke dek ku acie miëth ril kóu, rin wek aa we kéc guo cam miëth ril kóu. Agut cit ãmën, acäk lëu bâk liek,

3 rin wek anjot we ciëñ cîmën kóc pinyñhom kepusth yiék kâk ye piäthken wïc. Tã rëër tiæl è kamkun, ku yakë rëër ke njek göth ke njek cîi ye nyuöoñh lön ciëñ wek cîmën kóc pinyñhom?

4 Yen anjic è kënë tã ye njek kamkun ye lueel, “Yen abuoñh Paulo.” Ku raan dët. “Yen abuoñh Apolo,” Ke wek aa tak cîmën kóc kéc gam.

⁵Yenjö Apolo ku Paulo col aaye koc ril apei? Nhialic aci yo luäsi buk we kony bäk gam. Njek ä kamkua ä luai ci Bëny tæk ye looi.

⁶Yen aci käu com ku yor Apolo, ku ä Nhialic yen acol ye acil.

⁷Raan ci kédän com ku raan ci ye yor aacie kek ril. Ee Nhialic yen aril apei, rin ä yen aci käu col acil.

⁸Raan ci käu com ku raan ci ye yor aa thöj rin yok aa loi luai tök yodhie rin ä Nhialic. Ku Nhialic abi njek ya gäm ariöp thöj kek luaiden ci looi.

⁹Rin yok aa cit dom luui Nhialic thün. Wek aa cit yon buth Nhialic.

¹⁰Yen aci Nhialic gäm tët ye yen njec buth. Ku ä yen aye yen atën käk buth njec jöök cök, käk ye raan dët buth thün aya. Ku njek adhil yenhom täau piny apath tē buth yen thün.

¹¹Rin Nhialic aci Jethu Kritho yetök looi bi a yen ä jök ä cök. Käya, acin raan dët ben jök ä cök dët ben yam.

¹²Koc aabi aleel ril apei lööm ku bi kek kē ci jöök cök buth, ku koc käk aabi luui ä tiim ku bel.

¹³Ku koc aabi kē yen puoth luai ä njek ün aköl le Raan ci löc ku döc dhuk. Rin aköl kënë, mac abi luai ci looiäk them ebën, ku luai bi mac göök abi ün.

¹⁴Nhialic abi raan buth kē ci jöök cök ä käk cii mac ye rac, yiök ariöp.

¹⁵Ku na le raan rac mac luide, ka cün ariöp yök. Ku yeen nhom abi poth cimën raan yööt rot bei mac yic.

¹⁶Cäk njic lön wek aa cit luanj ä Nhialic, ku Wëi arëer kek we?

¹⁷Na ye raan loi luanj ä Nhialic bi yic la buäsi, ke raan kënë arec Nhialic. Rin luanj Nhialic ä kēde ä rot. Ku aa wek aa ye njek ke luanj ä Nhialic.

¹⁸Acin raan meth rot. Na ye raan ye tak ka wär we njiny ä känj, ka dhil rot col acit raan cii känj njic ä riëec akölē yic, rin bi yen a raan njic känj.

¹⁹Kē ye koc akölē pinyhom tēn tak kepuoth ciēt ke njic känj, acin njiny ä känj tšu thün cit tē ye Nhialic tiñ ye. Cimën ci ye göt athör theer wël Nhialic yic elä, “Nhialic ä koc deep njinyden ä känj yic.”

²⁰Ku aci göt alonj dët yic elä, “Anjic Bëny lön tēktäk koc njic känj acin kepuoth tš thün.”

²¹Duäkkē ye nhiam lön buäth wek njek ku njek. Käk piöoc ebën aa kakkun.

²²Paulo, Apolo ku Piter, keriëec ebën pinyhom, pür ku thou, käk tšu thün emën ku käk aköldä, kakkä ebën, aa kakkun bi wek kápath yök thün.

²³Ku week ku yook aatš Raan ci löc ku döc cök. Ku Raan ci löc ku döc atš Nhialic cök.

4

Yok atuuc Raan ci löc ku döc

¹Wek aadhil yo ya ünj ke yok koc lui rin Raan ci löc ku döc, koc ci Nhialic looi buk yithken ci moony luäel.

²Kē tönj ye wic tēnē raan lui, ee lön bi käk wic bännye ebën bi ke looi, looi.

³Yen acie diëer rin acie wek la yic pinyhom tēn, tē looi wek luk tēnē yen tēdē ke ye koc käk ku bäk njic lön puoth luaidiē tēdē ke rac. Ku yen acie rot ye luäk yic ä rot.

⁴Acin kē ya tak ke ca kuäc looi. Ku kënë acie yen col acin guöp awuäc. Ee Bëny ä rot yen abi luk looi tēnē ya.

⁵Käya, duk raan dët luk wei ke tē bi ye luäk wei kēc bën. Luñ ciëen adhil Bëny tiit bi dhuk, yen abi käreec ye thiaan col atiäc ku nyooth käreec ye puön njek tak. Ku tēnē, njek abi léc a yök tēnē Nhialic rin kápuoth ci looi.

⁶Emën miäthakäi, koc ca ke luuel ebën, ee ciēt ya jam rienkiä ku Apolo, rin bi wek käk ci göt elä deet yiic, “Duk käk ci göt theer lir nhüm yipuäü.” Acin raan kamkun loi rot bi nhiam rin ä yen raan buoth njek ku dhäl raan cii buoth guöp.

⁷Yenja col yi aye raan njic känj tēnē koc käk? Cie Nhialic yen gem yi keriëec ebën tš kek yi? Na ye käya, yenjö yi col anhiam ciēt käk tš ke yi cie käk ke gem yi.

⁸Cäk käjuëc wiëckē ke yök ebën? Ci Wëi Nhialic ye yiök miäc wiëckē ke ebën? Cäk aa bänny mac koc, cak alon cii yok mäc? Ee tēde, aya wic bäk aa bänny mäc ayic, rin ku buk aa bänny yodhie ke we.

⁹Aya yök yäpuäü lön ci Nhialic yo tšüu ciëen yok atuuc, cimën koc ci tēm awuäc bi yo nöc bi käk ci cak ebën, koc ku atuuc nhial aa daai ä yo.

¹⁰Rin ye yok koc Raan ci löc ku döc, yok aa cün kē njicku, ku wek aa njic känj tē ye wek tök kek Raan ci löc ku döc. Yok aacii ril ku wek aa ril! Yok aaye bui ku wek aaye leec.

¹¹Agut cit akölē, yok aa rëer ke yo nek cak ku yok aa rëer ke yo nek rou. Yok aa ciñj alēth ci riääk ci la yueryuer, yok aa ye biäk, yok aa cün nhüm tē cenju, yok aa rëer yo kuany baai yic.

¹²Yok aa luui apei yocin. Tē wëi koc yo käreec, yok aa Nhialic thiëec bi ke döc. Tē benj yo ka yeku guum,

¹³Tē bui yo, yok aa koc jääm ä wël path. Yok aa cit kädhie cün kepuoth tšu kegup ye cuat wei.

¹⁴Yen acii kakkä gët rin bi yen we col ayär gup, ä rin bi yen we læk cimën miäthkiän nhiaar.

¹⁵Rin na cak alon le wek koc juëc apei kony we pirdun koc ci gam yic, ke wek aa cün wurkun juëc. Rin pirdun ye wek tök kek

Raan cī lōc ku dōc, Jethu, yēn acit wuurdun rin cī yēn Wēt Puōth Yam bēēi tēnē we.

¹⁶ Wek aa yōōk bāk ya aa kiētēt.

¹⁷ Ku rin ē wēt kēnē yēn atooc yēn Timothī tēnē we. Rin ē manhdīē apēi, ku aca deet puū. Abī we cal aa tak yith rin tē pīir yēn thīn, ke ya ye tōk kek Raan cī lōc ku dōc, Jethu. Yithkā, kek aa ya piōōc tēnē akuut kōc cī gam yōn juēc yiic.

¹⁸ Kōc kōk kamkun aa tak lōn cīi yēn we bī la neem, ku kēya, aaci nhiam.

¹⁹ Na wīc Bēny, ke yēn abī lac la ba we la neem, ku ba riel cī kōckā nhiam la yōk, ke cie wēt yēkē lueel ē path.

²⁰ Nhialic ē māācde nyuōth tē ye kōc luui thīn ē piērden yic, ku acie tē ye kek jīēm thīn

²¹ Yējō wiēckē ba looi tē le yēn ba we la neem, bī dhīel a yic ba we tēm awuōc, kua ba nhiērdiē nyuōth we ku njic we aa jāām.

5

Cuōpkē raan kāk bal looi akut yic

¹ Ēmēn, yic aci kōc kōk lēk yēn lōn raan tōk akuōtdun yic, aloi adumuōōm rac apēi, rin ē yēn tōc kek tīn ruēēi kek. Na cōk aa kōc cie Nhialic la cōk ē door, ka cīi adumuōōm cīt kēnē nhiar.

² Yējō ye wek nhiam? Kēnē adhiēlkē maan, ku wek aa dhil raan adumuōōm cīt kēnē looi cuōp wei akuōtdun yic.

³ Na cōk alōn cīi yēn rēēr kek we ke piāndiē arēēr ke we, ku yēn aci raan cī kēnē looi tēm awuōc ciēt ya rēēr ke we.

⁴ Tē rēm wek rin Bānyda Jethu ke piāndiē arēēr kek we, ku riel Bānyda Jethu arēēr thīn.

⁵ Cuōpkē raan kēnē wei bi la rēēr jōnrac cin, na cōk alōn rēc yēn guāpde, ke wēike abī kony akōl bī Bānyda dhuk.

⁶ Acīi rot lēu bāk nhiam. Wek aaci kē cī lueel ēlā thēer pin, “Lon thīn koor ayup cōl apiāār ēbēn.”

⁷ Kēya, nyaaikē adumuōōm cīt luōu ku bāk ben aa kōc ē gam. Ku wek aabi jāl ciēt ayum ē yam cin yic luōu, cimēn njic yēn ye lōn wek aa cīt kēnē alanden. Rin Raan cī lōc ku dōc, amiōōdan Yan ayum cīn yic luōu aci nōk.

⁸ Tē cem yōk ayumdan Yan ayum cīn yic luōu, ka cuk cam ke yō la puōth luōi kārēc ku adumuōōm, kāk cīt ayum kēc yiēk yic luōu. Apath buk ciēn ruēēny ku loiku yic, kāk cīt ayum kēc yiēk yic luōu.*

⁹ Aca lēk we athōr wāār ca gāt we yic bāk ciēn buro kek kōc ē rēēr ke wīc diāār.

¹⁰ Ku aacie kōc cīi Nhialic la cōk ye door, ayī kōc dīt puōth nhiar kājuēc ku cuēr, kek luēel. Na ye kat tēnē kōc cīt ē kōckā, ke yīn acīi cīt raan pinynhom tēn cej.

¹¹ Kēn yēn luēel ē lōn bāk ciēn buro kek wāmuuth cī gam wīc ē diāār, ku nhiēer kājuēc ku ye jak cī kiētēt door, ku ye kōc jāām gup ē lueth, ku ye wīēt ē māāu ku ye cuār. Duk cōk mīth ke wāmuuth cīt ē kēnē.

¹²⁻¹³ Yic akīn, acie luoidiē ba luk looi tēnē kōc kēc gam. Ee Nhialic yēn abī luk looi tēnē ke. Ku cīi ye luoidun bāk luk looi tēnē kōckun cī gam? Cimēn cī ye gāt athōr thēer yic ēlā, “Nyaaikē raan rac akuōtdun yic.”

6

Kōc cī gam aa kōcken kōk yāth luk yic

¹ Na cī raan gōth ē kamkun kek wāmēnhē dēt cī gam, ke ye yiēc nō tō kek ye bī yēn raan la gaany tēnē kōc cie Nhialic la cōk ē door, ku cīi yēth tēnē kōc cī gam bīk luk looi?

² Cāk njic lōn bī kōc cī gam la riel bī kek luk looi tēnē kōc ē pinynhom? Ku na luōikē luk tēnē kōc pinynhom, ke cāk lēu bāk kāthīi tō kamkun luk?

³ Cāk njic lōn bī yōk luk looi tēnē atuuc jōnrac? Na ye kēya, alēuku aya buk kāk rōt looi piērda yic akōlē aa luk.

⁴ Na yakē la luōk cīt kākā, ke yējō ye kek ke yāth tēnē kōc kēc gam bī ya kek luōkkun la looi?

⁵ Calkē rōt aa thiēec lōn bī we rac gup. Cīn raan njic kān tō weyiic bī kāk cī wāac kam kōc cī gam ya luk?

⁶ Ku Krīthian ē wāmēnhē dēt ē Krīthian yāth tēnē kōc kēc gam, bī ya kek la luk looi.

⁷ Ku rin ye wek rōt yāth luk yic ē rōt bāk kāk we kēēk la luk, aye nyooth lōn cī ciēn path we gōōk. Ee bī njūēn tēnē we bāk kēēec cī luōi we ya guum. Ku ē bī njūēn tēnē we bāk kōc kōk cōl aa lōm kākkun.

⁸ Alēuku buk njic aya lōn ye yōk kārēc looi tēnē kōc kōk, agut tēnē miēthakāi kuan cī gam.

⁹ Aya dhīel tak lōn njic wek ye lōn Nhialic acīi kōc rēc bī puōl bīk bāānyde rōm kek ye. Wek aa dhil ē kēnē njic. Kōc luui kāk bal, tēdē kōc diāār kōr, tēdē kōc jak cī kiētēt door, ku kōc lōōm rōōr kōk cīt ke.

¹⁰ Cuēr ku kōc kepuōth yiēk kājuēc. Kōc wīēt ē māāu, ku kōc kōc kōk jāām gup ku kōc kān tuōōr nyīn. Kōckā ēbēn aaci Nhialic bī puōl bīk bāānyde rōm ke ye.

¹¹ Kōc kōk ē kamkun aake cīt ē kōckā. Bēny Jethu Krītho ku Wēi Nhialic acā adumuōōm nyaai wegup, ku wek aaci jāl aa kōc ē Nhialic, ku cōl we aala cōk kek Nhialic.

Luōi kāk bal

¹² Abī raan dēt lueel ēlā, “Acīn lōn ya gēl ba kē wiēc cīi loi.” Ee tēde, ku kēriēec ēbēn acīi path tēnē yī. Alēu ba lueel lōn cī ya puōl

ba kuat kē wiēc looi, ku yen acii rot loi ba ya alony kāk ya ke looi.

¹³ Abi raan dēt lueel, “Miēth ē kēn yāc ku yāc ē kēn miēth.” Ee tēde, ku keek aabi Nhalic rac kedhie. Guōp acie luōōi wēt bal ē path, aye luōōi kē wic Bēny rin guōp ē kēde.

¹⁴ Nhalic aci Bēny jot thou yic ē rielde, ku abi yook jot aya ē rielde.

¹⁵ Anjickē lon ye guāpkun tōk kek Raan ci loc ku dōc. Lēu ba guōp aban Raan ci loc ku dōc looi bi ya guōp aban a dējōk? Acii rot lēu.

¹⁶ Cāk lēu bāk njic, mony guāpde cōl aye kēn adējōk lon guāpken aabi ya tōk? Acī gōt athōr thēer wēl Nhalic yic ēlā, “Ku keek karou aabi ya guāp tōk.”

¹⁷ Ku raan rot mat kek Bēny, ee ya tōk kek ye wēike yiic.

¹⁸ Nyaai yīpuōu kāk bal yiic. Adumuōōm kōk ye raan ke looi aacii guāpde ye rac, ku raan yepuōu yiēk bal, adumuōōm guāpde rac yen aye looi.

¹⁹ Anjic lon ye njek ye njic lon guōp acit luanj ye Wēi Nhalic rēer thīn. Acie wek we cak rōt wepēc. Wek aa kāk Nhalic.

²⁰ Nhalic acā ariōp dīt apēi tōōu piiny bi yen yī yōōc. Kēya, calkē guāpkun aaye wek Nhalic leec.

7

Thiēek

¹ Ēmēn, yen abi jāl jam wēl wāār cī wek ya gāt athōōr. Ee yic, apath bi raan cī thiēk.

² Ku rin bi ciēnj rēec kāk bal puōl, apath bi moc ala tienje du ye tik la muōnyde.

³ Moc ku tik aa dhil rēer apath ē rēer moc kek tienje ku rēer ē tik kek muōnyde, ke cīn raan kuc ē njek.

⁴ Guōp rēer ke tik acie kēde ē rot, ee kēnē muōnyde. Ku guōp rēer ke moc acie kēde ē rot, ee kēnē tienje aya.

⁵ Cīi njek kuc bi cīi tōc ke njek. Apath bāk kanj mat lon bi njek atōc ē rot, rin bāk la nīn lik bi wek ke rōōk. Kanjē mat yic ku gamkē wedhie. Na la nīnkā thōk ke we rōm biōōk cimēndun thēer. Tē looi wek ye kēlā, ke jōnjrac acii we bi piēk adumuōōm yic. Rin acāk bi lēu bāk bal gōōk.

⁶ Wek aa cā yōōk bāk rēer ē rōt kēlā, wek aa pāl bāk looi cīt tē wic wek ye thīn.

⁷ Ee ba nhaar apēi tēcīt wek ya. Ku njek ē la kēden cī Nhalic gām ye. Raan ē la miōcde ē rot ku raan dēt kek miōcde ē rot.

⁸ Ēmēn, awiēc ba lēk rōōr kēc thiēek ku diāār cī rōōrken thou rēer ē rōt, lon apath bik rēer ke cīi ben thiaak, ku cīi rōōr thiēk aya cimēn yen.

⁹ Ku na cāk lēu bāk rēer ē rōt, ke we thiēk ku thiak diāār rin anjēēn bak thiēek tēn tē bi wek aa tuil akōlakōl.

¹⁰ Alēk kōc cī rōt thiaak ē riēl bānyda ku acie riēldiē, tik acii muōnyde pāl.

¹¹ Ku na pēl moc, ka dhil rēer ke cīi mony dēt wic, tēdē ke dhuk tēnē muōnyde. Ku moc acii tienje liōi.

¹² Yen acie Bēny, ku yen aluel wēt kēnē ke ya ye raan ē path. Na le wāmāāth cī gam la tinj kēc gam, ku wic tik kēnē bi rēer ke ye, ka cīi tik dhil liōi.

¹³ Ku na cī tinj cī gam thiaak ē mony kēc gam, ku wic mony kēnē bi rēer ke ye, ke tik acii moc pāl.

¹⁴ Rin Nhalic ē mony kēnē gam rin cī yen tinj cī gam thiaak. Ku yeen ē tinj kēc gam cōl aye raande rin cī ye thiaak mony cī gam. Na cīi cīt kēnē, njōt miēthken aa cīt miēh kōc cie Nhalic la cōk ē door. Ku rin cīt yen kēnē, miēh aaye Nhalic mat ē kacke yiic.

¹⁵ Ku na wic raan kēc gam bi raan cī gam rēer kek puōl, ka dhil raan kēnē looi kēya. Acin kēnē njek duut ē kamken kedhie, moc ku tik, bi rēer ke njek. Rin yōk aaci Nhalic puōl buk rēer apath.

¹⁶ Tinj cī gam, ye njic kēdē lon cīi yīn muōnydu bi kony bi gam? Ku yīn mony cī gam, ye njic kēdē lon cīi yīn tienje du bi kony bi gam?

¹⁷ Wēt ya lēk akuut kōc cī gam, ee lon bi raan a pīr dhēl cī Bēny nyuōth ye. Ku njek adhil pīr tēcīt tēwāār pīir yen thīn yōn cōl Nhalic ye bi wētde gam.

¹⁸ Kē lueel akīn, na raan cī njoot cī cōt Nhalic gam, ka cīi njōt man, ku ye wic diēt kēc ē njoot. Na raan kēc ē njoot cī cōt Nhalic gam, ka cīi rot cōl njot.

¹⁹ Athōnj ēbēn tēnē Nhalic tē cī raan njoot ayi tē kēc ye njoot. Kēn yen ril ē lon bi yīn lōōnjke gam.

²⁰ Raan ēbēn adhil rēer cīt tēden wāār rēer yen thīn yōn cōl Nhalic ye.

²¹ Na yī alony wāār cōl Nhalic yī, ke yī duk ye diēer. Ku na le kē kony yī ba nhom lāū, ke loī.

²² Raan alony cī Bēny cōl bi ya tōk kek Raan cī loc ku dōc, ke ye alony cī Raan cī loc ku dōc looi bi nhom lāū. Ku yeen aya, raan cī Nhalic cōl bi ya tōk kek Raan cī loc ku dōc, ee ya alony Raan cī loc ku dōc.

²³ Nhalic acā ariōpdīt tāūu piny ē rienkun. Duōkkē rōt loi bāk ya alony ē kōc.

²⁴ Miēthakāi cī gam, yōn cōl Nhalic we, njek ē la tēden ciēnj yen thīn. Cimēn wāār ciēnj wek yōn cōl Nhalic we. Rēērēkē kēya we njic Nhalic. Ciēnjē kēya.

²⁵ Awiēc ba wēt cak thiēec ē yen rin kōc kēc thiēek dhuk nhom. Bēny akēc ya lēk kē ba looi. Ku wek aa ba lēk wēt ē piāndiē, ke ya cīt raan cī Nhalic njōth puōu bi la kēden luōōi.

²⁶ Tē tinj yōk kārīl bi rōt looi, ka njēēn bi raan rēer ē rot ke cīi thiēk.

²⁷ Na yin ala tik, ke duk liäi. Na këc thiëek, ke yï duk thiëk.

²⁸ Na wïc bï yï thiaak, ka cïn adumuššm tš thïn. Ku këc cï thiëek aabi gum apeï piërden yic, ku awiëc bäk cï gum.

²⁹ Kë luëel akïn miëthakäi cï gam, tš cï döŋ piërda yic aciek. Ku ëmën le tuer röör cï thiëek aa dhil cien ciët ke këc thiëek.

³⁰ Koc dhiau ku yekë nyuəəth ciët ke cï dhiau. Koc dal ku yekë nyuəəth ciët ke cï puəth mit, koc ë ɣəoc, ku yekë nyuəəth ciët käk cik ke ɣəoc cie kækken.

³¹ Ku këc käk pinynhom lušši, apath bik cï ye diëer apeï ciët cïn kaam düt cik nək ke lui. Piny kënë kek kækken tš thïn ëbën, acïi bi cien apeï.

³² Anhiar bäk rëer ke we cie diëer. Kam koc cï gam, raan këc thiëek ë yenhom yiëk luəi käk Bëny, rin bï yen Bëny col amit pušu.

³³ Ku raan cï thiëek ë yepušu yiëk käk pinynhom, rin bï yen tiende col amit pušu.

³⁴ Ku këya, piände ë nhom rou. Ku tiŋ këc ben thiaak, tédë nyan këc kaŋ thiaak, ee yepušu yiëk luəi käk Bëny, bi guäpde ku wëike aa käk Bëny kedhie. Ku tiŋ la moc ë yenhom yiëk käk pinynhom, rin bï yen muənyde col amit pušu.

³⁵ Käkä ëbën aa ca lëk we rin wïc ɣen ye ba we kony, ku cä we gël bäk käk wiëckë ke cï ye looi. Awiëc bäk kën yic aa looi ku piërkë dhël la cök, ku bäk Bëny lušši pušu ëbën.

³⁶ Na ye moc tak, lön kë ci yen thiëek gššü tənë nyan cï meek acïi path, ku yeen ala pušu thiëek, ka thiëc təcüt tš wïc yen ye thïn. Acïn adumuššm tš thïn.

³⁷ Ku mony cï ye guir piände ë rot, ke cïn koc thöoc ye thïn, ku ŋic aya apeï lön bï yen ye lëu bï rëer apath ke cï thiëek, ke këpath yen alooi bï nya cïi thiak.

³⁸ Këya, mony thiak nya ë këpath looi, ku mony cïi nya thiak ë kë ŋuëŋn apeï looi.

³⁹ Acïi path bï tik mony dët wïc ke muənyde pir, ku na cï moc thou, ka lëu bï mony dët nhiëer thiaak, ku yeen adhil a raan cï gem.

⁴⁰ Ku na ye wëtdië, ke yeen abi pušu miet tš rëer yen ke cï ben thiaak. Aya tak lön ye Wëi Nhialic ɣa kony täktädië yic aya.

8

Müth ye gäm jak cï kiëët

¹ Ëmën ɣen abi jäl jam müth ye ke gäm jak. Ee yic, yok aŋic käjuëc rin ë wët kënë. Ku ŋiëëc käjuëc ë raan col anhiam, ku nhier ë raan juak bï riel.

² Na ye raan tak lön cï yen këŋ ŋic, ka ŋot këc tš bï yen këŋ jäl ŋic dööt.

³ Ku raan nhiar Nhialic aye Nhialic ŋic.

⁴ Ku dët rin ye ke müth cï gäm jakrëc cam, aŋicku lön nhialic ye kiëët ë këŋ, acïi tš thïn. Acïn Nhialic dët, Nhialic ë tök.

⁵ Ee yic, koc aa jam lön tš jak cüt käkä thïn nhial ku piny. Ku na cök alon tš jak juëc cüt käkä thïn.

⁶ Ke tənë ɣo ë Nhialic tök yen atš thïn. Yen acï këriëëc ëbën cak, ku ë rienke yen aye yok pir. Ku Bëny ë tök, Jethu Kritho, ku ë rienke yen acï këriëëc ëbën cak, ku ë yen piir yok.

⁷ Ku acie raan ëbën yen ŋic ë yic kënë. Koc kök aa ŋoot nhüim käk cï kiëët yic, na camkë müth cï gäm jak cï kiëët, ka yekë tak ciët ke cï müth cik cam yiëk gup ajuëc.

⁸ Miëth yeku cam acie ɣo ë looi buk la cök tənë Nhialic. Acïn kë ye nyaai tš cem yok ye, ku acïn kë ye juak thïn tš cem yok ye aya.

⁹ Wek koc cï gam, duškkë kë cïn yen müth ya ke theek loi bï wek koc koor gamden muər, bik tak lön ë yen adumuššm yen cik looi cem kek ë müthkä, tš cï kek we tiŋ ke camkë ke.

¹⁰ Na tiŋ raan koor gamde yï raan ŋic këŋ, yï müth käk yai cï gäm jak cï kiëët, ke cï kënë bï riel nyin abi miëth cï gäm jak cï kiëët cam?

¹¹ Këya raan koor gamde, wämuuth cï gam cï Raan cï loc ku doc thou ë rienke, abi tšdun ŋic yin këŋ thïn rac.

¹² Tš looi yin adumuššm tənë wämäthkun cï gam, ba gamden koor rac këlä, ke yin adumuššm looi tənë Raan cï loc ku doc alanden.

¹³ Këya, na ye miëth ya cam wämäath cï gam col aloi adumuššm, ke ɣen acïi miëth kënë ben cam rin ba wämäath cïi col aloi adumuššm.

9

Yic ku luəi atuuc

¹ ɣen ala yic ba käk piërdië wic. ɣen acï Jethu Bänyda tiŋ ku ɣen atuənyde. Ee gamdun yen ë luoi ca looi tənë Bëny.

² Na cök alon cï koc kök ye ye gam lön ye ɣen atuuc, ka ŋic lön ŋic wek ye lön ye ɣen atuuc, rin aye kë piir wek, ke we ye tök kek Bëny nyuəəth lön ye ɣen atuuc.

³ Yen ë tš ye ɣen rot kuony thïn tš jššny koc kök ɣen.

⁴ Yen ala yic bï yen yiëk miëth ku kë dek rin luəidië.

⁵ cimën ye atuuc kök ku wämäthkën ë Bëny, ku Piter la keny kek diäärken, cä la yic ba thiëek tiŋ cï gam ba ya keny kek ye?

⁶ Nadë ke ye Barnaba ku ɣen ɣopëc, yok aa tuuc dhil luui ɣocin rin piërda?

⁷ Apuruk acie rot riəp ë rot. Raan tim ë luək com aye ŋššth lön bï yen müth abëk cam. Aye abiöök ŋššth lön bï yen dek cek ke yok tənë amälke.

* 9:9 Aliu cienŋ ë Jiëëŋ yic, L.rou 25:4; 1Tim 5:18

⁸ Acie kāk yakē tīŋ ke loi rōt akōlakōl kek luēl kepēc, rin kā cit kākā aaci gōt lōŋ Mothith yic.

⁹ Acī gōt lōŋ Mothith yic ēlā, “Duk muōor der thok tē luui yīn ye bī rap kōōm. Ye miōor kek ye Nhialic yiēk yenhom?”*

¹⁰ Cie yōk ye luēl yen wēt kēnē? Ee gāt rienkua, rin raan pur ku raan tēm ayekē ŋōōth rin le yen kē bik yōk rap cik looi yiic.

¹¹ Yōk aaci luui buk kāk wēi tiēŋ wepuōth, ke yakē tak lōn cī yōk puōth dīt tē ŋēēth yōk ye lōn le yen ariōp bāk gām yō?

¹² Ku na le koc kōk la yic bik kākā yōk tēnē we, ke yō cīi la yic wār yienyden? Ku akēcku kanj them buk la kē yōkku, tē cōk alōn ē yen ke yienyda. Ku kēriēc ēbēn acuk guum rin buk koc cōl aa gam Wēt Puōth Yam rin Raan cī lōc ku dōc.

¹³ Anjiec lōn ŋic wek ye lōn rōōr ē luui luanj Nhialic aa miēthden yōk ē luoi luanj Nhialic yic. Ku kōc kāk cī bēēi luanj Nhialic juaar ariāk nhom aa bēk lōōm kāk cī juaar yiic.

¹⁴ Kēlā aya, aci Bēny looi bī koc ē koc lēk Wēt Puōth Yam, kē pūr kek aa yōk thīn.

¹⁵ Yen akēc luui ē yithkā. Ku yen acī athōr kēnē gāt ēmēn rin bī yen ē yithkā wīc ē rienkiē. Anjēēn ba thou tēn tē looi yen ē kēnē. Acin raan bī wēt diēn nhiēem yen kēnē nyaai tēnē ya.

¹⁶ Acie rin ye yen koc lēk Wēt Puōth Yam yen ya cōl anhiām. Ku yic ē rin cī Nhialic ya yōōk ba koc lēk, ku abī rēēc apei akōldā tēnē ya tē cīi yen koc ē lēk Wēt Puōth Yam.

¹⁷ Na luōōi ē luoi kēnē tē cī yen ye tak ba looi, ke yen adhīl ariōp wīc. Ku na cie yen tak ye, ku ye Nhialic yen lēk ye ya ba looi, ke ya bā ariōp wīc kēdē?

¹⁸ Yenjō yen ariōpdiē? Ariōpdiē ē kē bī yen koc lēk Wēt Puōth Yam ke ya cīi thiēc ariōp, ku cā yinydiēn bī akut koc cī gam yiēk ya wīc.

¹⁹ Yen raan ē rot. Yen acie alony raan dēt. Ku ēmēn yen ē rot cōl aye alony raan ēbēn, rin bī yen koc juēc lēu bik gam.

²⁰ Tē luui yen kek koc Itharel, yen ē cienj cimēn raan Itharel rin bī yen ke lēu, cōk alōn cīi yen ē kēdit tēnē ya ba cienj ciēŋden. Yen ē cienj cimēn raan wīc ye bī lōōŋ cī Mothith gōt theek, tē luui yen kek koc ē lōōŋkā, rin ba ke lēu bik aa buōōth Raan cī lōc ku dōc.

²¹ Kēlā aya, tē luui yen kek koc cie koc Itharel, yen ē cienj cimēnden ke ya cīi lōōŋ koc Itharel thek. Kēnē aya looi rin bī yen koc cie koc Itharel cōl aa buōōth Raan cī lōc ku dōc. Ku acie lōn ciēŋ yen ke ya kuc lōŋ Nhialic, yen abuōōth lōŋ Raan cī lōc ku dōc yic.

²² Tē rēēr yen kek koc ē gam, yen ē ciēt raan tōk kamken, rin bī yen ke lēu. Kēya, yen ē rot

looi ba thōŋ ke koc ēbēn rin ba koc kōk kony keyiic bik gam, kuat dhēl bī yen ye lēu thīn.

²³ Yen ē kākā looi ēbēn rin bī yen Wēt Puōth Yam ē rin Jethu yāth tuēŋ. Ku rin bī yen dōc ye yōk tē yēth Wēt Puōth Yam tuēŋ yōk aya.

²⁴ Anjiecēk, tē wēēr koc, ee raan tōŋ cī koc wuōr yen ē kēn wēēr koc nyaai. Wek aa dhīl kat cimēn koc wēēr bāk ē kēnē lōōm.

²⁵ Raan tuk, ee lōōŋ ē tuk dhīl theek apei, rin bī yen kē ye gām raan tō tuēŋ, kēn bēn yāi akōldā, nyaai.

²⁶ Yen ē kēnē ye yen kat ke ya cōk yanhom ba tē rinj koc thīn thap thok piny. Ku yen acie pēēr ē gut yic ē path.

²⁷ Yen ē rot looi ba riel, ba Jethu buōōth, rin na ca koc juēc piōōc ke Nhialic cīi ya reec akōldā.

10

Paulo ē koc cī gam piōōc rin jak ye kiēēt

¹ Miēthakāi cī gam, awiēc bāk kēwāār cī rot looi tēnē wārkuan dīt wāār buōōth Mothith ror liēet tak. Keek aake tiit luēt, nawēn ke tem Wār Lual ē path.

² Tēwāār buōōth kek luēt, ku wāār teem kek wār, keek aake cit koc cī muōoc nhīim bik aa koc buōōth Mothith.

³ Keek ēbēn aaci miēth tōŋ thōŋ cam, miēth yik Nhialic ke ē rielde,

⁴ ku dēkkē ē pūe ke looi Nhialic bik kuēr kuur yic, kuur cath ke ke. Kuur ē ye Raan cī lōc ku dōc guōp.

⁵ Cōk alōn cī kēpuōthkā rōt looi ēbēn, ke Nhialic ēcī puōu mit kek wārkuan dīt juēc. Go Nhialic ke nōk ku weer guāpken roor tē cīi cienj.

⁶ Emēn, Nhialic aci wārkuan dīt wāār cīi yen puōu mit tēnē ke tēm awuōc, bī yō wēt buk yōpusth cīi ye yiēk kārēc cimēn wāār cī kek ye looi,

⁷ tēdē ke yō dor jak cī kiēēt cimēn cī koc kōk keyiic ye looi yōn. Rin aci gōt athōr thēer wēl Nhialic yic ēlā, “Koc aaci nyuc bik mīth ku dēkkē ku jōlkē dier.”

⁸ Dukku yōpuōth ye yiēk bal cimēn wāār cī koc kōk keyiic ye looi, nawēn ke raan tim thiār-rou ku nuan thou akāl tōk.

⁹ Acuk lēu buk Bēny them cimēn yōn cī koc kōk keyiic ye looi, nawēn ke thōōŋ kēpieny ke.

¹⁰ Duōkkē ye rēēr we jiēēm wenhīim cimēn wāār ye koc kōk keyiic ye looi, ku aaci Nhialic bēn tuōc atuōnyde bī ke nōk.

¹¹ Kākā ēbēn aaci rōt looi tēnē koc Itharel bī ke yō lēk. Ku kākā aaci gāt piny rin bī yō lēk thīn aya. Rin yōk aa pīr tē bī thōk piny guō bēn thīn.

9:11 Rom 15:27

9:13 L.rou 18:1

9:14 Mt 10:10; Lk 10:7

10:1 B.bei 13:21-22; 14:22-29

10:3 B.bei 16:35

10:4 B.bei 17:6; Kn 20:11

10:5 Kn 14:29-30

10:6 Kn 11:4

10:7 B.bei 32:6

10:8 Kn 25:1-18

10:9 Kn

21:5-6

10:10 Kn 16:41-49

¹² Raan cī gam ye tak lōn atii gamde, adhil yenhom tāau piny bī cīn kērec ye.

¹³ Na them yī ba adumuōōm looi ke njic lōn cī kōc kōk kaj them kēlā aya. Nhialic ē kē cī thōn dhīel looi. Acin raan bī Nhialic puōl bī them arēk aba athēmdē cī gōk. Ku tē them yī ka la dhēl kony Nhialic yī ba athēm gōk.

¹⁴ Kēya, miēthakāi nhiaar, duōkkē jak cī kiēt kōj door acin.

¹⁵ Yen ajam tēnē we rin anjic lōn ye wek kōc cī nhīm bak, takkē wēt luēl kēnē yic wepuōth ē rōt.

¹⁶ Tē dēk yōk biny ye yōk dek muōn abiēc miēth Bēny yic ye yōk Nhialic leec thīn, ke yōk aa rōm riem Raan cī lōc ku dōc. Ku tē bēny yōk ayup ku camku, ke yōk aa rōm guōp Raan cī lōc ku dōc.

¹⁷ Rin ayuōm tōk yen atō thīn, ke yō ēbēn cōk alōn juēc yōk, yōk aa guōp tōk rin yōk ayuōm tōk rōm.

¹⁸ Takkē kōc Itharel tē ciem kek kāk cī juēr Nhialic, ke keek aa ya tōk kek Nhialic.

¹⁹ Yenō wiēc ba luēl tē jīem yen kēlā? Ye nadē ke jak cī kiēt, ayī miēth cī juēr ke aa la wētēn yic?

²⁰ Acie kēya! Kē luēl ē lōn kāk ye kōc cīn gam la cōk juaar, ee tēnē jakrēc acie tēnē Nhialic. Ku acā wīc bāk rōt aa mat kāk jakrēc yīc.

²¹ Yin acī dēk biny muōn abiēc ē Bēny, ku ben dek biny kāk jakrēc. Yin acī rōm kek Bēny ku ben rōm kek jakrēc.

²² Na loiku ē kēnē, ke rin wīc yōk ye buk Bēny rac puō. Yeku tak lōn ril yōk apēi buk Bēny dhāl ku cī yō tēm awuōc?

²³ “Ayeku luēl yōk acī puōl buk kāk wīku ke looi.” Ee yic, ku acie kēriēc ēbēn yen path. “Kēriēc ēbēn acī puōl buk looi.” Ku acie kēriēc ēbēn yen yō kony.

²⁴ Yin adhil luui kāk kōc kōk cōl amit puōth, tēn lōn ye yīn luui kāk yī cōl amit puō ē rōt.

²⁵ Apath tēnē yī ba kuat rīj ye ke yaac tē ye rīj yōōc thīn cuet, ke yī cī puō diu.

²⁶ Rin acī gōt athōr thēer wēl Nhialic yic ēlā, “Piny ku kēriēc ēbēn tō thīn aa kāk ē Bēny.”

²⁷ Na cī yī cōl ba la mīth pan raan cīn gam ku ca gam ba la, ke yī cam kuat miēth cī bēi tēnē yī ke yī cī thiēc.

²⁸ Ku na lēk raan dēt yī, “Miēth kēnē acī juēr jak cī kiēt,” Ke yī duk ē miēth kēnē cam, ku acie rin diu tō yīpuō, ee rin wēt rēer raan cī ye lēk yī puō.

²⁹ Kēya, acie kē tō piāndu yic, ē kē tō puōn raan dēt yic. Raan dēt abī thiēc ēlā, “Yenō ye kē rēer puōn raan dēt yic ya gēl ba kēdiēn tō yapuō cī looi?”

³⁰ Na lēc Nhialic rin miēth, ke yenō bī raan dēt ya nyieeny miēth cī yen Nhialic leec?”

³¹ Kēya, kuat kē looi, tē mīth yīn ayī tē dēk yīn, looi ke ēbēn dhēl ye ke Nhialic leec thīn.

³² Duk kē ye kōc kōk yōk ke rac looi cīmēn kōc Judia, tēdē kōc cie kōc Judia, ayī kōc akut kōc cī gam.

³³ Luōōikē cīmēndiē, aya looi ba raan ēbēn cōl amit puō kāk ya ke looi yīc, ke cā looi kēpath tēnē yen ē rōt, ke ye kāpath tēnē kōc ēbēn rin bī raan ēbēn luōk.

11

Dhēl puōth ē rōk

¹ Luōōikē cīmēndiē, cīmēn ye yen luui cīmēn Raan cī lōc ku dōc.

² Wek aa ya leec rin ye wek luōidiē ku kāk ya piōōc muk nhīm akōlakōl. Ku wek aa kāk cī piōōc tēnē kōc cī gam, kāk ca ke njic tēnē kōc kōk ku nyuōth ke we, buōōth yīc.

³ Ku awiēc bāk njic lōn Raan cī lōc ku dōc atō moc nhom ku moc atō tik nhom, ku Nhialic atō Raan cī lōc ku dōc nhom.

⁴ Kēya, mony ē rōk, tēdē ke lēk kōc wēt Nhialic ke cī yenhom kum, ee Raan cī lōc ku dōc rac guōp.

⁵ Ku tiņ ē rōk tēdē ke lēk kōc wēt Nhialic ke kēc yenhom kum ē muōnyde rac guōp, athōj ke tiņ cī muut nhom bī rac guōp.

⁶ Na cī tik yenhom ye kum, tē rōk kōc, ke ye rac guōp cīmēn tiņ cī muut nhom. Kēya, adhil yenhom kum.

⁷ Moc acī yenhom kum rin acī Nhialic looi bī ciēt ye, ku gēm kēnē ye cōl athōj kek ye. Ku athēk tik tēnē moc aye nyuōōth lōn cī ye looi ke cīt moc.

⁸ Rin acīn kē cī Nhialic lōōm tēnē tik bī yen moc cak, ee tik yen acī cak kē cī lōōm tēnē moc.

⁹ Ku moc akēc cak rin ē tik, ē tik yen ē cak rin ē moc.

¹⁰ Kēya, rin ē wēt kēnē ku rin atuuc nhial, tik adhil yenhom kum bī nyuōōth lōn tō yen moc cōk.

¹¹ Ku cīt lōn ye yōk kōc cī mat kek Bēny, tik acie kē puōl yic tēnē moc cīmēn ye moc kē cī yic puōl tēnē tik.

¹² Ee yic, ee lōm ē moc yen acī lōōm bī ke tik cak ku ē yic aya, lōn ē tik yen ē moc dhiēth ku keek kedhie aabō tēnē Nhialic raan cī kēriēc ēbēn cak.

¹³ Takkē yic, kek we ē rōt lōn puōth yen bī tik rōk tēnē Nhialic ke kēc yenhom kum tē rōk kōc juēc thīn.

¹⁴ Aye ciēn nyooth lōn bēr nhīm nhom apēi aacī path ke moc.

¹⁵ Ku tēn tik ē kēn dhēj, Nhiēm bāar acī Nhialic gām ye bī ya kēn yen yenhom kum.

¹⁶Ku na le raan ye tak lɔn wēt lueɛl acie yic, ke ʁn ku akuut kɔc cī wēt Nhialic gam, ʁok aa cīn tēdēt ye ʁok Nhialic duɔr thīn.

Guirku rɔt apath buk gušp Bēny rɔm

¹⁷Wek aa cā bī leec wēl lēk we kā yiic, rin tē rēm wek bāk Nhialic door, kārɛc yakē ke looi kek aa juēc tēn kāpuoth yakē ke looi.

¹⁸Tueŋ, acī kɔc kɔk lēk ʁa lɔn tē rēm wek, wek aa weyiic tek. Ku acie wēt tɔk yen yakē lueel. Ku kēnē alēu bī ya yic.

¹⁹Ee tēde, alēukē bāk weyiic tek ē kamkun rin bī kɔc luel yic ŋic.

²⁰Tē rēm wek ēbēn ke we ye akut, ku cāk alɔn ye wek ye tak lɔn ē yen kē cī Bēny dōr looi kam kɔc yen camkē, ka cie yic.

²¹Rin tē mīth wek, wek aye ŋɛk mīth ē rot ke we cī rɔt tit. Kɔc kɔk aa rēer ke nēk cɔk ku wīɛt kɔc kɔk.

²²Cīɛnkē nhīim bēi ye wek mīth thīn ku dēkkē thīn? Aye akut kɔc cī gam yen yakē bēn rac gušp, ku guōtkē kɔc cīn kājuēc nyīn? Yakē tak yeŋō ba lueel tēnē we rin luōi cit kēnē? Ba we leec? Acā kɔŋ looi acīn.

²³Rin ʁen acī piōōc ʁok tēnē Bēny. Ku ē yen aca bēn gām we aya, lɔn Bēny Jethu, ee wēer wāar bī ye luɔm, ee cā ayup lōōm,

²⁴nawēn cī Nhialic leec, ke bēny ayup yic ku lueel, “Kēnē ē guāpdīē cī looi rienkun. Camkē ayum kēnē bī wek ʁn aa tak.”

²⁵Kēlā aya, wēn cī miēth thɔk ke lōm aduŋ cī thiāŋ mušn abiēc ku lueel, “Aduŋ mušn abiēc kēnē ē dōr yam kek Nhialic cī thany riɛmdiē. Tē dek wek ye, luōikē kēya bī wek ʁn aa tak.”

²⁶Wek aa thon ē Bēny luɛl, ʁet akōl bī yen ben dhuk tē cem wek ayum kēnē ku dēkkē mušn abiēc adušk yic.

²⁷Kēya, na cam raan ayum Bēny ku dēk aduŋ mušn abiēc yic, dhēl yen ye dhāl gušp, ke yeen ala gušp awuōc, rin cī yen adumušm looi tēnē gušp ku riem ē Bēny.

²⁸Raan adhil yepušu kan caath kārɛc cī ke looi bī jāl mīth ayup ku dēk adušk yic.

²⁹Na cam raan ayup ku dēk adušk yic, ku cī tēden ye kek tɔk thīn kek gušp ē Bēny yīk yenhom bī ŋic, ka bī Nhialic tēm awuōc tē cem yen ayup ku dēk adušk yic.

³⁰Yen ē kē cī kɔc juēc weyiic gup riaam ku tuany ke ku thou kɔc juēc.

³¹Na kanŋku ʁopuōth wīc kārɛc cuk ke looi, ka cīn kē tēm Bēny ʁo awuōc.

³²Ku luk aye Bēny looi ku tēm ʁo awuōc, rin na nhiāk la piny thɔk ke Nhialic cī ʁo tēm awuōc kek kɔc pinynhom ēbēn.

³³Kēya, miēthakāi cī gam, tē met wek wenhīim bāk mīth, ke we ye rɔt tiit.

³⁴Ku na le raan nēk cɔk, ka dhil mīth baai rin bī Nhialic we cī tēm awuōc, rin cī wek rɔt ye tiit tē rōm wek. Ku wēl kɔk aa ba la lueel tē ʁeet ʁen tēnē we.

12

Mīsc Wēi Nhialic

¹Ēmēn, awiēc ba jam mīsc ye ʁok tēnē Wēi Nhialic. Awiēc bāk yith ŋic rin ē kākā miēthakāi cī gam.

²Ņɛiɛckē, wāar ye wek kɔc cie Nhialic ē door, wek aa we cī mušr dhāl juēc bāk ke aa door jak cī kiēt.

³Awiēc bāk ŋic lɔn acīn raan ye Wēi Nhialic cɔk pušu, lēu ye bī Jethu lēk gušp wēl rɛc. Ku acīn raan la riel bī lueel lɔn ye Jethu Bēny tē kēc Wēi Nhialic ye tāau yepušu.

⁴Mīsc juēc cī thōŋ aatō thīn, ku ee Wēi Nhialic tōŋē yen ē ke gam.

⁵Kɔc aa luui dhāl juēc, ku ē Bāny tɔk yen aye kē luōōi.

⁶Mīsc juēc cī thōŋ ye kɔc luui aatō thīn, ku ē Nhialic tōŋ yen ē ke gām raan ēbēn rin luōiden wīc.

⁷Nhialic ē raan gām kē ye raan ye ŋic lɔn rēer Wēi Nhialic kek ye, ku bī luōōi bī yen akut kɔc cī gam kony.

⁸Wēi Nhialic ē raan tɔk gām ŋiēc kāŋ. Ku Wēi Nhialic tōŋ kēnē, ee raan dēt looi bī kɔc aa lēk kājuēc ŋic bō tēnē Nhialic.

⁹Wēi Nhialic tōŋē, ee raan yīek riel bī yen Raan cī lɔc ku dɔc gam apei. Ku yīk raan dēt riel ē yen kɔc tuany kony.

¹⁰Wēi Nhialic ē raan gām riel bī yen kāk jāŋ gōi aa looi. Ku gēm raan dēt riel ē yen wēt Nhialic lēk kɔc. Ku raan dēt ke riel ē yen mīsc bō tēnē Wēi Nhialic, ku kɔk cie bēn tēnē ye tek thook. Ee raan yīek riel bī jam thok kɔk, ku gēm raan dēt riel bī kāk cī lueel thok kɔk teet yīc.

¹¹Ku ē Wēi Nhialic tōŋ kēnē yen ē kākā gam ēbēn tēcit tē wīc yen ye thīn. Ee ŋɛk gām mīsc cī thōŋ kek mīsc ē ŋɛk.

Gušp ala yic kājuēc

¹²Gušp Raan cī lɔc ku dɔc ē guāp tɔk la yic kājuēc, cimēn gušp raan la yic kājuēc.

¹³Kēlā aya, ʁook ēbēn ke ʁo ye kɔc Judeo, tēdē ke ʁo ye kɔc cie kɔc Judeo. Tēdē ke ʁo ye kɔc lāau nhīim, tēdē ke ʁo ye alɔony. Wēi Nhialic acī ŋɛk kamkua a muōoc nom ku arēer kek ʁo, ku acī ʁo looi buk aa baŋ gušp Raan cī lɔc ku dɔc.

¹⁴Ku gušp acie aban tɔk, ala yic abēk juēc.

¹⁵Tēdē na lueel cɔk ēlā, “Rin cī ʁen ye cin, ʁen acie aban ē gušp.” Ka cī kēnē ye looi, bī cī ye aban ē gušp.

¹⁶Tēdē ke lueel yīc ēlā, “Rin cī ʁen ye nyīn, ʁen acie aban ē gušp.” Ka cī kēnē ye looi aya bī cī ye aban ē gušp.

¹⁷Na gušp ēbēn ye nyīn, ke ye piŋ kēdē? Ku na gušp ye yīc yetɔk, ke ye ŋɔr kēdē?

¹⁸Ku yic akīn, Nhialic acī abēk cī thōŋ tāau guāp tɔk yic tēcit tē wīc yen ye thīn.

¹⁹ Na ye aban tök yen tã thïn ë rot, njust acin guõp.

²⁰ Ku yic akın, abëk juëc aatõ thïn ku guõp ee tök.

²¹ Këya, acii nyin lëu bï lueel tënë cin ëlä, "Yin acã wïc." Ku acii nhom luel tënë cök, "Wek aacã wïc!"

²² Ku yic akın, abëk guõp ye tak ciët ke cii ril, acii dhil liu thïn.

²³ Ku abëk guõp ye yök ke cın luoi ye ke kuëc nhüim, kek aa yeku njic muk apath. Ku guõp alonj cie nyuawth ë path, aye njic kum.

²⁴ Ku guõp alonj cie thiaan, acie kum. Ku Nhialic acã abëk ë guõp cii ke looi bik aa guãp tök ëbën, ku acã abëk ë guõp cii ke ë kuëc nhüim looi bï ya kek kädit apei.

²⁵ Këya, guõp ë tök acii yeyic ë tek, ku abëkken cii thõn aa röt kuõny kamken.

²⁶ Na rem guõp abanj tök, ka abëk kök ë guõp acii la lënj aya. Na lec abanj tök, ka abëk kök aa mit puõth kek ye ë tök.

²⁷ Week ëbën wek aa guõp Raan cï loc ku dac, ku nek kamkun abanj guãpde.

²⁸ Akut koc cï gam yic, Nhialic acã atuuc tãsu tuenj. Ku bõ koc wël Nhialic luëel kecök. Ku bõ koc ë piöc. Ku koc la riel ë luui kãk jãnj gõi. Ku bõ koc la riel ye kek koc tuany kony bik pial. Ku koc ë koc kony, ku koc mac koc, ku koc jam thok kök.

²⁹ Keek acie atuuc ëbën, ku aacie koc lëk wët Nhialic ëbën, ku aacie koc ë piöc ëbën. Acie raan ëbën yen la riel ë yen luui kãk koc gõi,

³⁰ tãdë acie raan ëbën yen la riel ye yen koc tuany kony bik ben pial, tãdë acie raan ëbën yen jam thok kök, tãdë acie raan ëbën yen la riel bï kãk cï lueel thok kök teet yic.

³¹ Wëlkë wepuõth miõc kek dit apei. Ku miõc path kamken ëbën akın.

13

Nhiër

¹ Alëu ba jam thok kök, ayi thok ye atuuc nhial jam, ku na liu nhiër tënë ya, ke yen acit raan loi duawt, tãdë ke yen athõnj kek lõnh guõth ë path.

² Na ba la riel ye yen koc njic lëk wët Nhialic. Ayi njic ye yen kãk ye moony deet yiic. Ayi lõn ba la gam ril apei tënë Nhialic, lëu yen ye ba gat yãk bik röt nyooj tã rëer kek thïn. Ku na ciën nhiër ke yen ë raan cın kã ya lëu acin.

³ Na gam ba kãk tã ke yen ëbën tek tënë koc njõn, ku gam rot bï yen quat meec, ku na ciën nhiër ka cın kã kony tënë ya.

⁴ Nhiër ë lõn bï raan kërac guum ku lir puõu, acie tiëel ku nhiaam.

⁵ Nhiër acie kuõc ë wël ku acie cök ku acie thöök ë puõu. Raan la nhiër acie kërëc cï luõi ye ë muk nhom.

⁶ Koc la nhiër cıt nhiër koc cï gam, acii puõth dhil miet tã looi kãrec, ku aa ye yic col aa mit puõth.

⁷ Nhiër ë yo col agum keriëëc ëbën, ku ë yo col amuk gamda kuat kãk loi röt yiic, ku col yo anõth Nhialic ku cuk yit.

⁸ Nhiër ë rëer thïn akõlakõl, ku miõc kök cimën luel wët Nhialic, ku jam thok kök ku njic ë kãnj, kãkkã ëbën aa rëer ku bik liu.

⁹ Rin miõcdan ye yok kãnj njic arëer ke ye abak, ku riel ye yok wët Nhialic lueel a bak aya.

¹⁰ Ku na la kã cie abak bën, ke kënë abak acii ben wïc.

¹¹ Yon ye yen meth, yen a ya ye jam cimën meth ku tãk cimën meth, ku emën ye yen raandit, yen acie ben luui cimën meth.

¹² Kë yeku tñj emën acit mën dhie ye raan rot tñj macar la nyin durdur yic. Ku akõl dët yok aabi keriëëc ëbën tñj apath. Ku emën yen acii keriëëc ëbën njic, ku aa ba njic ëbën cimën tã njic Nhialic ya thïn.

¹³ Ku emën gam ku njõth ku nhiër aatõ thïn, ku kädit ke ëbën ë nhiër.

14

Wël juëc rin miõc Wëi Nhialic

¹ Ee nhiër yen adhiëlkë yiëk wepuõth apei, ku tãaukë wepuõth miõc ye yök tënë Wëi Nhialic, cimën miõcdit koc yiëk riel bik wët Nhialic luëel.

² Raan jam thonj cii koc kök njic ë Nhialic yen aye yen jam tënë ye, acie koc kök rin acin raan wëtde deet yic. Ee riel Nhialic yen aye yen jam yith cii ke njic.

³ Ku raan wët Nhialic luëel ë jam tënë koc, ku wëlke aa koc kony ku deetkë koc puõth bik rëer apath.

⁴ Raan jam thok cın koc ke pinj ë yen rot kony yetök. Ku raan wët Nhialic luëel, akut koc cï gam kony ëbën.

⁵ Alëu ba nhiaar tã ye wek ëbën jam thok cın koc njic ke. Ku anhiaar apei bãk la miõc ye wek wët bõ tënë Nhialic luëel. Rin raan wët ë Nhialic luëel aloi kãpath apei tënë raan ë jam thok cın koc njic ke, na cie këya, ka dhil la raan tet wël ye lueel yiic rin bï akut koc cï gam kony.

⁶ Këya, tã le yen bën tënë we miëthakãi cï gam, yenõ ba kuõny we tã ye yen jam thok cii ke ye pinj? Acin kädãnj. Ku ë bï piath tã lëk yen we wët cï Nhialic nyuõth ya, ku tã piöc yen njic ë kãnj cï Nhialic gam ya.

⁷ Ku këlã aya, kãk cın yiic wël ye ke pinj tã gut ke cimën lõsr ku thom, na cii raan ke gut tãcõt tã wïc bï rãlden nyooth, ke koc pinj bï kën yen wïc bï looi njic kädë?

⁸ Ku na cii raan lõsr ë tãnj gut tãcõt tã ye njic ye, ke koc bï röt guir kädë bik la tãnj?

⁹ Ku kälä aya, bi raan dët wët lëk kəc ë thok kək deet yic kädë tē cii yen la gei? Yin abi ciēt raan jam alir yic ë path.

¹⁰ Thok juęc cii thōj aatš pinyndhom, ku acin thōj thōj cii kədə ye deet yic.

¹¹ Ku na cā thōj jiem raan ye deet yic, ke raan jam ë thōj kënë ë raan kuat dët tēnē ye, ku yen ë raan kuat dët tēnē ye.

¹² Ku cit lon wic wek ye apeī bāk riel ye Wēi Nhialic gām kəc yök, dhielkē them kam kākək yic ebēn bāk riel ye ke kəc cī gam kony, kuany.

¹³ Kēya, raan jam thōj cii kəc kək ye deet yic, adhīl rōök bi la riel teet yen wël ye lueel yic.

¹⁴ Rin na rōök kälä aya thōj cā njic, ke Wēi Nhialic arōök aya yapušu, ku nhiamdiē acin kēpuoth looi.

¹⁵ Na ye tēde kan, ke yenjō ba dhiel looi? Yen abi rōök ku wak yapušu ku nhiamdiē kedhie.

¹⁶ Tē leec yin Nhialic yipušu ë rot, thōj kuc raan dët bi rōök ya gam kädë, “Yenakan.” Rin kuc yen kē ye lueel?

¹⁷ Na cək lēcdun tēnē Nhialic piath apeī, ke yin acie raan dët ë kony acin.

¹⁸ Yen alec Nhialic rin ye yen jam thok juęc cii njic wār yen we ebēn.

¹⁹ Ku tēn amat kəc cī gam, aya wic apeī ba jam wël lik lēu bi ke deet yic rin bi yen kəc kək pišc, tēn tē bi yen jam wël juęc cin kəc ë ke piñ.

²⁰ Miēthakāi, kəc cī gam, pälkē kē ye wek tak cimēn mūth. Yakē tak cimēn kəc cī nhūim bak ku bāk gup cin awušc cimēn mūthkor cin awušc yekē looi.

²¹ Acī gōt athōr thēer wël Nhialic yic ëlä, “Yen abi kəc ë jam thok cin kəc njic keek col ajam tēnē kackiē, ku na cōkkē looi kēya, ke keek aa nōt ke cii wētdiē bi piñ.” Acī Bēny lueel.

²² Kēya, mišc ye kəc jam thok kək, acie kin kəc cī gam, ee kin riel Nhialic nyuōth tēnē kəc kēc gam. Ku mišc ye wēt Nhialic lueel, ee kē ye kəc cī gam kony, acie kē ye kəc kēc gam kony.

²³ Na mat kəc cī gam kenhūim ebēn ku rekkē jam yic thok cii thōj, ku bō kəc kēc kāj deet ku kəc kēc gam, ke cik bi lueel lon ci jōnrac ke dōm?

²⁴ Ku na bō kəc kēc kāj deet ku kəc kēc gam, tē lēk wek kəc wēt Nhialic, ka bi raan yök ë rot lon le yen gušp adumušm tē piñ yen ë wēlkā. Abi wël cī piñ col anjic kē cī wušc.

²⁵ Ku wēt Nhialic abi kākken ye tak yepušu col anjic kəc kək. Ku abi yenhom gušt piny ku dor Nhialic ku lueel, “Nhialic arēer kek we ayic!”

Kāpuoth ye looi tē rōök kəc

²⁶ Yenjō ba jāl lueel miēthakāi cī gam? Tē met wek wenhūim bāk Nhialic door, raan tōk ee waak ket ku pišc njik. Ku lueel raan dët kāk cī nyuōth ye, ku war raan dët wēt cī lueel ë thōj dët yic. Kākā aaye looi ebēn bāk akut kəc cī gam kony.

²⁷ Kəc jam weyic ë thok kək cii njic tē met wek wenhūim, acii kəc karou ayi kəc kadiäk wan thok. Wek aa dhil njek ajam ë njek cōk, ku raan war wētdun lēkkē kəc yic, adhīl tō thin.

²⁸ Ku na liu raan war thok yic, ke raan jam thōj cie piñ kəc kək abit ku jiem yepušu ë rot tēnē Nhialic.

²⁹ Calkē kəc karou, tēdē kəc kadiäk cī Nhialic gām wētdē, aa lēk kəc. Ku kəc kək akut, kəc cī gam aa bit bīk kē lueel dōt yic kepuōth.

³⁰ Ku na biī Nhialic wēt raan cī nyuc amat yic pušu, ke raan jam akāā.

³¹ Calkē raan tōk aye jam ku ben njek la yecōk, rin bi raan ebēn pišc ku deet ë pušu.

³² Raan jam, lēk kəc wēt Nhialic adhīl njic yenhom bi kōsc ku ben raan dēt pāl jam,

³³ rin awic Nhialic buk aa jam ke njek ë njek cōk, ku cuk ye tēer ë kamkua.

Tē met akut kəc cī gam yenhom tēden ye kek rōök thin,

³⁴ ke diār acii pāl bīk jam. Keek aa dhil biēt ku piñkē. Aa dhil tō rōör cōk cit tē yeku yōk ye ke cī gōt lōj kəc Judeo yic.

³⁵ Na le kē wickē bīk deet yic, ka dhil rōörken thiēc tē cī kek dhuk baai. Rin acii path bi tik jam amat akut kəc cī gam yic.

³⁶ Nadē ke ye wek we biī wēt ë Nhialic thin? Nadē ke ye we wēpēc yen biī yen?

³⁷ Na ye raan tak lon ye yen raan kāk Nhialic tin, tēdē ke ye Wēi Nhialic nyuōth, ka dhil njic lon kāk gāt ke aa kāk bō tēnē Bēny.

³⁸ Na ye kākā dhil yic, ke duškkē ye kuēc nhom.

³⁹ Kēya, miēthakāi cī gam, tāāukē wēpuōth kāk bi Nhialic nyuōth we yic bāk ke aa lēk kəc, ku duškkē kəc kək cī gam jam thok kək, ye gēl bīk cii jam.

⁴⁰ Wek aa dhil kēriēc ebēn looi dhēl la cōk.

15

Jethu acī jōt ranjic

¹ Ēmēn miēthakāi cī gam, wek aa ba ben lēk rin Wēt Puoth Yam ya lēk we, wēt cāk yök ku yen cāk gam wēpuōth ebēn.

² Wēt ya lēk we, ku yen bi we lušk aya tē muk wek ye cit tē cī yen ye lēk we thin, ka bi cīen wēt puoth cāk gam, tē cii yen ye yic.

³ Yen acī wēt thiek yic apeī yök ku lēk we. Wēt cī Raan cī loc ku doc thou rin adumušmku. Cit tē cī gāt ye athōr thēer wël Nhialic yic.

⁴ Acik thişk ku yeen aci Nhalic jot thou yic nin kadiäk cök bi ben pır, cit tē ci gāt ye athör theer wël Nhalic yic.

⁵ Ku nyuth rot Pıter ku jol atuuc kathiäär ku rou.

⁶ Ku ben rot nyuöth tēnē koc juéc wär koc buot kadhiéc, kacken ye buöth cök, koc ınot ke pıır koc juéc, cök alon ci koc kök thou.

⁷ Ku ben rot nyuöth Jemith ku jol rot ben nyuöth atuuc ebēn.

⁸ Ku jol rot nyuöth ıen ciēen cimēn raan lök dhiēeth ciēen.

⁹ Rin ē ıen akoor tēnē atuuc ebēn, aya yök aciı path bi ıen a cöol ıen atuuc rin ıen aci koc akut, koc ci gam jöör, ku cal ke aa gum apei.

¹⁰ Ku dhēēı ē Nhalic aciı cöl aciı kēnē akölē. Ku dhēēı ci gam ıen akēc nıom deer piny. ıen aci luui apei luui wär ıen atuuc kök, ku acie rieliē ē rot, ee miäc ci Nhalic gam ıa ıen alēu ıen ē luui kēnē.

¹¹ Kēya, na ye wēt kēnē ıen ya lēk koc, tēdē ke ye ıen lēk atuuc kök koc aya, ke ıen ē wēt tōı le yök tuenı ke lēkku koc, ku ē ıen acäk gam.

Koc ci gam aabi röt jöt rēıı yic

¹² Na ye lēk koc lon ci Nhalic Raan ci lóc ku dác jöt thou yic, ke ıenjö ye koc kök ē kamkun ye lueel lon ciı koc ciı thou bi jöt bik ben pır?

¹³ Na ye wēt yekē lueel yic, lon cin ıen raan ciı jöt ē thou yic, ke Nhalic akēc Raan ci lóc ku dác jöt ē thou yic aya.

¹⁴ Ku na Raan ci lóc ku dác kēc jöt ranı yic, ke wēt yeku lēk koc ku gamdun tēnē Raan ci lóc ku dác aciı wēde yic.

¹⁵ Ku dēt aya abi nyooth lon lueel yok lueth rin Nhalic, rin acuk lueel lon ciı ıen Raan ci lóc ku dác jöt thou yic. Ku na ye yic lon kēc koc ciı thou jöt bik ben pır, ke Nhalic akēc Raan ci lóc ku dác jöt thou yic.

¹⁶ Rin na kēc koc ciı thou jöt, ke Raan ci lóc ku dác akēc jöt aya.

¹⁷ Na Nhalic kēc Raan ci lóc ku dác jöt thou yic, ka cin kē kunı gamdun we tēnē Raan ci lóc ku dác, ku adumuömkun aa ınot ke kēc päl piny.

¹⁸ Na Raan ci lóc ku dác kēc jöt thou yic, ke wēde yic aya, abi ciēt lon ciı koc ciı gam ku aciı thou, aa koc ınot ke rēer adumuömm yic.

¹⁹ Na yeku ıösth lon bi Raan ci lóc ku dác yo kony pır akölē yic ē rot, ku acie pır aköriēc ebēn, ke yok aabi kuat raan tō pinyınom ebēn yic ıer ē riengkua.

²⁰ Ku yic ē kē ci Nhalic Raan ci lóc ku dác jöt thou yic bi nyuöth lon bi ıen koc ciı thou jöt aya.

²¹ Cimēn ye koc thou rin kēwäär ciı raan tök looi, ke koc aabi röt jöt thou yic aya rin kē ciı raan dēt looi.

²² Cimēn wätheer ye koc thou rin ye koc tök kek Adam, ke ıen aya koc aabi jöt bik pır rin ciı kek mat kek Raan ci lóc ku dác.

²³ Ku ıek abi la akölēn bi ye jöt thou yic. Raan ci lóc ku dác ıen aciı kanı jöt thou yic, ku kacke aabi jöt aköl le ıen dhuk.

²⁴ Ku thök ē piny abi jal ben, ku Raan ci lóc ku dác, abi jak ril pinyınom kek kacken rac ebēn, ku gam Bääny tēnē Wun Nhalic.

²⁵ Rin Raan ci lóc ku dác adhil mac ıet aköl bi Nhalic koc ater ebēn göök ku biı ke yecök.

²⁶ Raan ater bi jal göök ciēen ee thou.

²⁷ Acı gāt athör theer wël Nhalic yic elä, “Nhalic aciı keriēc ebēn tääu yecök.” Alēu biı deet yic lon, keriēc ebēn, ye lueelkä, Nhalic guöp aliu ē kakkä yiic rin ee ıen Raan ci lóc ku dác looi biı kanı mac ebēn.

²⁸ Ku na ciı keriēc ebēn tääu Raan ci lóc ku dác cök, ke ıen nıom ıen Raan ci lóc ku dác abi rot tääu Nhalic cök, ıen raan keriēc ebēn looi bik tō yecök, ku Nhalic ıen abi keriēc ebēn jal mac.

²⁹ Takku emēn koc ye muöc nhıim rin koc ciı thou. ıenjö yakē ıösth? Ye kēıath ıö ye koc ye muöc nhıim rin koc ciı thou looi tē ciı Nhalic koc ciı thou ē jöt bik ben pır?

³⁰ Na ciı koc ciı thou röt ē ben jöt, ke ıenjö ye yok yonhıim räam akölaköl kē ye yok thou yok thın.

³¹ Miethakäi ciı gam, thou ē ıa tıet piny akölaköl. ıen akuēı, ıen aluel yic rin ee kēnē ē nhiaamdiē ē riengkun, lon ciı yok röt mat kek Raan ci lóc ku dác Jethu Krıtho Bányda, ee piërda yic.

³² ıenjö a yok thın wäär thēr ıen kek koc cit lääı Epethuth? Na koc ciı thou cie jöt bik ben pır, ke yo mıthku ku dēkku, nhıäk yok aabi thou.

³³ Duk rot cöl amär, “Na ye cath ke koc rec, ka rec ıı ba ciēt ke.”

³⁴ Yakē ııec tak ku pälkē dhälkun adumuömm. Ee ıär guöp rin koc kök weyiic aa kuc Nhalic.

Guöp ciı rot jöt ranı yic

³⁵ Raan dēt abiı thiēc elä, “Bi Nhalic koc ciı thou jöt kēdē bik ben pır? Ye guöp ıındē biı tō ke ke?”

³⁶ ıenjö thięc wek kēlä! Tē com ıın käu, ku ciı yic kanı päı biı ciēt kē ciı thou ka ciı cil.

³⁷ Ku kē ye com ē käu ē path cimēn käu ē rap ku käk kök, acie kool rap ıen ye com biı ben dıt.

³⁸ Nhalic ē käu gam guöp ciı lóc ye. Ee kuat käu gam guöpden path ke ye.

³⁹ Gup käk pır ebēn aaciı thōı. Koc aa la guäpden ē röt, lääı aa la guäpden ē röt, diēt aa la guäpden ē röt, ku rec aa la guäpden ē röt aya.

16

40 Ala gup tš nhal ku gup tš pinynhom, ku dhëëŋ rëër kek gup tš nhal aciï rëër ke gup tš pinynhom.

41 Akäl ala dhëënde ë rot, pëei ala dhëënde ë rot ku kuel aa la dhëënden ë röt. Ku kam ë kuel, kuel kök aa la dhëënden ë röt aya.

42 Abi ciët ë kënë tš le Nhalic koc ci thou jot bik pïr. Të ci gušp thišk ka dhiäth bi ya tiop, ku tš jot ye, ka ciï ben thou ku ciï ben dhiäth.

43 Të ci gušp thišk, ka ci riääk ku cin dhëëŋ ku riel. Të jot Nhalic ye, ka bi dhëŋ ku ril.

44 Të ci ye thišk, ke ye gušp pinynhom tən, tš jot ye, ka bi ya gušp ye Wëi Nhalic gäm pïr. Ciï lön tš gušp pinynhom thin, gušp pan Nhalic atš thin aya.

45 Rin aci göt athör theer wël Nhalic yic ëlä, “Raan tuen Adam ëci cak ku bi pïr, ku Adam ciëen ë pïr wëi gam.”

46 Acie gušp pan Nhalic yen kəŋ bën ë gušp pinynhom.

47 Adam tuen ë cak ë tiop, ku Adam dëëtë ë bš nhal.

48 Koc pinynhom aa thöŋ kek raan wäär cak tiop, ku koc ë koc nhal aa thöŋ kek raan bš nhal.

49 Emën yok aa thöŋ kek raan ci looi ë tiop, ku aköldä yok aabi thöŋ kek raan bš nhal.

50 Miëthakäi ci gam, awiëc bäk ñic lön gupkuan la yiic adiöŋ ku riem aabi riääk piiny ran yic. Aaciï röt bi mat ë bäany Nhalic yic, bäany rëër thin akölrüëc.

51 Wek aa ba lëk kë cak ñic theer ku bäk deet yic emën. Acie yo ëbën yok bi thou, yok ëbën yok aabi yiëk gušp ë yam.

52 Abi rot looi kaam thin koor ë path. Të piŋ këcit kan yic aköldä thöök piny, Nhalic abi koc ci thou jot bik pïr. Yok aabi waar ëbën buk ciï ben thou.

53 Gupkuan ci thou ku riëkkë ë ran yic, aabi waar gup cie thou, gup cie riääk ran yic. Ku yok koc pïr yok aabi gäm gup cie thou.

54 Të le kënë rot looi, gupkuan ë thou ku riëkkë aabi waar bik ciï ben aa thou, ke wël Nhalic ci göt theer aabi kenhiim jäl tieŋ, “Riel ë thou aciï liu, thou aci göök papot!”

55 “Yin thou, rieldu ako? Yin thou, rieldun yin yo göök ë yin koc nök ako?”

56 Thou ee rielden yen koc nök yök tënë adumušm, ku adumušm ee rielde yök tënë löŋ.

57 Yok aa dhil Nhalic leec, rin ci yen yo col ayök riel ye yok adumušm ku thuöu tiaam, rin kë ci Bänyda Jethu Kritho looi.

58 Këya, miëthakäi ci gam, muškkë gamdun apath gušmkkë. Yakë luui akölaköl rin Bëny, rin anjëckë acin kuat luoi yakë looi rin Bëny bi nhom kan dëer piny ë path.

Wëeu ye juaar rin koc ci gam Judia

1 Awiëc ba jam rin wëeu wiëckë bäk ke juaar rin bi wek koc ci gam Judia kony. Wek aa dhil kë ca lëk akuut koc ci gam Galatia looi.

2 Nkë ë kamkun adhil wëeu atšöu tëcit tən akuëndən bi lëu aköl Nhalic thok ëbën, rin bi ciën wëeu ben kušst yiic aköl bi yen bën.

3 Na la bën ke yen abä athöör gäm kockun cak kuan, ku lëk koc Jeruthalem lön kockä aa koc yëth wëeu cik juaar tënë we.

4 Na peth tënë ya ba la Jeruthalem, ke kek aabi cath ke ya.

Të ci Paulo guiër keryde

5 Yen abi jal bën tënë we tš ci yen kan tëek Mathedonia, rin aca guir ba tëek thin.

6 Aya yok yen abi lök ya la rëer kek we, tädë yen abi rut thöl, ku wek aa ba kuony la kerydië yic kuat tš le yen thin.

7 Acä wic ba we tiŋ ci path emën ku bar tuen. Aya ñöth ciët ya bi rëer apeï kek we tš pël Bëny ye bi rot looi.

8 Yen abi rëer Epethuth ë tən yet aköl Yan Ayup cin yic luou,

9 rin yen ala kë luoui ke dit tən apeï, cak alon ciï koc juëc kë luoui wic.

10 Na bš Timothï, ke nyuüthkë ye lön acin kë bi ye cal ariëc tš rëer yen kek we, rin alui rin Bëny cimën luui yen rin Bëny aya.

11 Acin raan ë kamkun yöŋ Timothï gušp. Kuonykë bi dhölde tëek apath bi dhuk tënë ya ke puł gušp, rin anääth bi dhuk kek miëthakäi ci gam luui yok ke ë tök.

12 Emën, rin wämääth Apollo, aca ya yöšk bi la tënë we kek miëthakäi kök ci gam. Ku aciï wic bi la tënë we emën, anot bi la tš lëu yen rot.

Wël ciëen

13 Tiëërkë nhüim, kääckë ë cök gamdun yic, duškkë riëc, rielkë pušth.

14 Wek aa dhil këriëc ëbën looi kek nhiër wepušth.

15 Wek aa ñic Ithipanath kek kacke, kek aa koc ke kəŋ wët Nhalic gam pandun Akaya ku yëkë luui apeï rin koc ë Nhalic. Wek aa lan, miëthakäi,

16 bäk koc ciï käckä theek ku raan dët rot mat thin bi luui kek ke.

17 Yen amit puš rin ci Ithipanath ku Portunato ku Akaikuth bën, keek aaci bën luui nyëndun wäär liiu wek.

18 Rin acä bën cök puš ku we aya. Dhiëlkë wët ye kockä luel pinj.

Mušt ciëen

19 Akuut koc ci gam wun Athia aa we tuëc miäthden, Akuila ku Prithkila ku akuut koc

cī gam mat panden, aa we tušc miäthden
apei rin Bëny.

²⁰ Miëthakäi cī gam tō ë tēn aa we mušōth.
Miäthkē röt ë kamkun mušōth kəc cī gam.

²¹ Ee ɣen Paulo ɣen agät ë mušōth kēnē ë
ciεndië.

²² Kwat raan cii Bëny nhia abī kërac yök.
Bänyda, bäär!

²³ Bi dhëëŋ Bänyda Jethu rëer ke we.

²⁴ Nhiërdië arëër kek we ëbën rin Jethu
Kritho.

Athör ë rou cï Paulo gät koc gen Korinth Wët nom

Athör ë rou tēnē koc cï gam gen Korinth, ee gēt Paulo wäär cï wël wääc kam akut koc cï gam kek ye. Koc kōk kam akut koc cï gam yic aake ye Paulo lēk guōp wël rēc apēi. Ku aci Paulo nyuōth ke lōn wīc yen ye bī ben dōōr ke ke, ku aci puōu miēt apēi wēn cï yen rot looi.

Aban̄ tuen̄ athōōr yic, Paulo ē jam ciēn̄de kek akut koc cï gam gen Korinth. Ku tēt ke kēn̄ gēt yen athōōr wäär ke tuc puōu apēi. Ku lēk ke miēt ē piānde rin pēl ē wēt piny, ku dōōr kamken cï wël cī lēk ke athōr kēnē yic cōl aloi rot. Ku jōl lēk akut koc cï gam bīk koc nōn̄ cī gam pan̄ Judia aa kony ē puōu ēbēn. Ku wēn̄ jōl wël wīcke bī ke lueel thōk, Paulo aci rot bēn̄ kony tēnē koc kōk Korinth ye lueel lōn kek atuuc ayic, ku lōn cīi Paulo ye atuny la cōk.

Kāk tō thīn

Wēt Nhom 1:1-11

Paulo ku akuut koc cï gam gen Korinth 1:12-7:16

Kuōony rin koc cï gam Judia 8:1-9:15

Paulo ē rot kony lōn ē yen atuuc ayic 10:1-13:10

Thōk ē wēl 13:11-13

¹ Athör kēnē abō tēnē Paulo, atuny Jethu Krītho ē wēt wīc Nhialic, ku wāmāāthda Timothī ku tēnē akut koc cï gam gen Korinth, ku tēnē koc kōk ē Nhialic ēbēn rēēr pan Akaya.

² Bī Nhialic Wāda ku Bēny Jethu Krītho we yīek dhēēn̄ ku dōōr.

Paulo ee Nhialic leec

³ Lecku Nhialic Wun Bānyda Jethu Krītho. Yen ē Wādan līr puōu tēnē yo ku yen ē yo dēet puōth kārēc yīic akōlakōl.

⁴ Ee yo dēet puōth kārēc yo yōk yīic, rin buk lēu aya buk koc kōk aa dēet puōth kāracken yīic. Aayeku ke dēet puōth cīt tē ye Nhialic yo dēet puōth thīn.

⁵ Ku cīt lōn ye yōk gum aya rin wēt Raan cī lōc ku dōc, yen ē tēde aya, Nhialic ē yo dēet puōth kājuēc ril yīic apēi akōlakōl.

⁶ Na guumku, ke rin bī we dēet puōth ku luāk we, na deet yōpuōth ke rin bī we dēet puōth, ku gēm we riel ye wek gum cimēn̄ tē ye yōk kān̄ guōōm thīn aya.

⁷ Wek aa nōthku apēi, rin an̄jicku lōn guum wek cimēnda, kēya yōk aabī deet puōu rōm yodhie.

⁸ Miēthakāi, awicku bāk kārēc cī yo yōk wäär rēēr yōk pan Athia n̄ic. Kārēc ke cuk

yōk aake dīt apēi ciēt ke cuk bī lēu buk ke guum, yōk aa yo cī yonhūim n̄ic wei ē piērda.

⁹ Acuk yōk lōn cīt yōk koc cī tēm thou. Ku kēnē aci rot looi bī nyuōth yo lōn acie rielda yen nōthku, ee riel Nhialic raan koc cī thou jōt.

¹⁰ Aci yo pusst bei kāk ke duēr yo nāk yīic, ku abī yo kony. Ku an̄jōthku lōn bī yen yo ben kuōny bei,

¹¹ Cimēn̄ cī wek yo kony ē rōōkkun. Kēya, rōōk juēc bī looi ē rienkua aabī Nhialic dhuk nhūim ku dōoc yo, ku koc juēc aabī Nhialic leec rin kēpuōth cī looi tēnē yo.

Paulo aci kenyde waar yic

¹² An̄jicku yōpuōth kuat kāk yeku ke looi pinyhom ē tēn aya yeku ke looi puōn yer cī Nhialic gām yo. Ku ē yen kēnē yo cōl an̄ic rēēr kek we. Ku yen aloiku dhēēn̄ ē Nhialic, acie n̄iēēc kan̄ tō ke raan.

¹³⁻¹⁴ Wek aa ya gāt kāk lēukē bāk ke kueen ku detkē keyīic. Ku na cōk amēn̄ cīi wek wēlkā ye deet ēbēn, ka ya nōōth lōn nōt bī wek ke deet yīic ēbēn, rin na ye akōl le Bānyda Jethu dhuk ke wek aabī nhiam rienkua cimēn̄ bī yōk nhiam ē we.

¹⁵ Rin n̄ic yen ye lōn bī wek wēlkiē deet, aca guir̄ tuen̄ ba la tēnē we bāk dēt ben yōk.

¹⁶ Rin ē ca guir̄ ba tēēk tēnē we tē le yen Mathedonia, ku tē le yen dhuk aya, ku bāk ya cōl ala Judia.

¹⁷ Wäär guir̄ yen kenydiē kēya, ye nyooth lōn cīi yen ye wīc ba dhiel looi? Tē guir̄ yen kē wiēc ba looi cā ye yīek yanhom? Tēdē ya ke guir̄ cimēn̄ koc pinyhom ē tēn, koc ye lueel, “Yēē,” Ku gokē lueel, “Yei, yei,” Nyin yic kedhie?

¹⁸ Cimēn̄ n̄ic yok ye alanden lōn Nhialic ē wētde tiēēn̄ n̄hom, kē ca thīn we ēcie “Yēē,” tēdē ke ye “Yei.”

¹⁹ Rin Wēn Nhialic Jethu Krītho ye yok wētde lēk we yok Thilath ku Timothī, ē kēc bēn ke ye puōu rou, ēcī bēn ke ye puōu tōk.

²⁰ Na cōk la kājuēc cī Nhialic thōn ka tōk rin Raan cī lōc ku dōc, rin yen ē kāk cī Nhialic ke thōn tiēēn̄ nhūim. Ku ayeku lueel ē rienke, “Yenakan,” tē leec yok Nhialic.

²¹ Ee Nhialic yen ē yo looi yodhie buk aa tōk kek Raan cī lōc ku dōc. Aci yo dōoc,

²² ku yīk yo kīnden ye yōk kacke, ku tēēu Wēike yōpuōth bī nyooth lōn ye yōk kacken bī kāk cī tōōu yōk.

²³ Na ye lueth yen lueel, ke Nhialic abā tēm awuōc. Wēt kēc yen ben la Korinth ē rin cīi yen ye wīc ba we cōl aben gum.

²⁴ Acuk wīc buk we māk kē bāk gam. An̄jicku lōn wek aa ril ē gamdun yic. Wek aa konyku ke rin miēt ē piāndun.

2

¹ Kêya, aca ben tak ba cîi bô tēnē we rin bî cîēn kêreec dēt ben rot looi.

² Rin na cal we aa riääk pušth, ka cîn raan dēt cî dōŋ bî yen cal amit pušu, rin aa wek aca rac pušth.

³ Ku cit lön yen tēnē cî yen we gät athöör thîn, yen acîi bî bēn, rin aya yök ke ya bî riääk ē pušu yök, tē ya tak ke ya bî kê col ya amit pušu yök thîn. Ee ñiec alanden, kê bā col amit pušu abî we cal amit pušth aya.

⁴ Wäär gēt yen we athöör, yen a ya rem pušu apeî aba ya dhiau, ku kēn luōoi acie lön bî yen we rac pušth, ee rin bāk tē ñhiēer yen we thîn apeî ñic.

Pël wēt piny tēnē raan cā awuōc looi

⁵ Na cî raan awuōc looi tēnē raan dēt, ka kêc looi tēnē yen ē rot, ee tēnē we rin acit kê cî looi tēnē we cok cîi ye we ebēn. (Aluēl kēlä rin acā wic ba jam ē wēt kēnē yic apeî.)

⁶ Ee tēde yen tē cî koc juēc kamkun raan kēnē wēt thîn.

⁷ Emēn kêya, wek aa dhil wēt päl piny tēnē ye ku dætkē pušu rin bî pušu cîi pæk wei bî jäl ē gam yic.

⁸ Kêya, wek aa yōök bāk col anjic lön ñhiēer wek ye.

⁹ Wek aaca gät athör kēnē rin ē wiēc ba ñic lön ye wek wēlkiēn ca læk we gam ebēn.

¹⁰ Na le raan tōŋ päl wek wēt piny tēnē ye, ke yen apēl wēt piny tēnē ye aya, tē le yen awuōc cî looi dhil päl piny tēnē ye ayic. Aya looi ē rienkun ke Raan cî loc ku dac daai kê tō yapušu.

¹¹ Yen ē kēnē looi rin bî Bēny jakreec riel cîi yök bî luōida rac, rin tēden yen luui thîn anjicku apeî.

Diēer ē Paulo gen Troath

¹² Wäär yēt yen gen Troath ba Wēt Puōth Yam ē Raan cî loc ku dac bēn læk koc, ke yōök lön cî Bēny Jethu dhēl ē luoi ñaany thok.

¹³ Ku yen ē ya cî diēer apeî rin kêc yen wāmāath Tito yök. Guō koc tōŋ ku bar Mathedonia.

Riel ye yök tēnē Raan cî loc ku dac

¹⁴ Lecku Nhialic! Ee yook wat nhūim akōlakōl buk tiam rin Raan cî loc ku dac. Nhialic ē yo luōi bî ñiēec rin Raan cî loc ku dac piny thōŋ yic ebēn cimēn miōk ñir apeî.

¹⁵ Rin yök aa cit adōŋ ñir mit ye Raan cî loc ku dac gam Nhialic, adōŋ ñir ē thiēi piny kam koc luēk Nhialic, ku koc mār.

¹⁶ Tēnē koc kōk ē ñuāc reec ē thou bēi, ku tēnē koc kōk ē ñuāc mit ē pîr bēi. Yenja læk ye bî kēnē looi?

¹⁷ Yök aacîi cit koc juēc kōk wēt ē Nhialic looi bî kek aa la lim. Yök aa wēt ē yic lueel ē

Nhialic nhom, rin yök aa koc Raan cî loc ku dac, ku ē Nhialic yen acî yo tooc.

3

Koc lui ē Dōör Yam

¹ Yakē tak lön yök aa ben röt læk we? Acie tēde. Koc kōk athör lööm tēnē we bî kek röt la nyuōth koc kōk, ku koc kōk aa athör bēi tēnē koc kōk bî kek röt bēn nyuōth we. Ku yök acie wic athör cit kakkā.

² Aa wek athōrdan yeku muk, cî gōt yopuōth bî raan ebēn ñic ku kueen.

³ Wek aa cit athör bō tēnē Raan cî loc ku dac. Akēc Raan cî loc ku dac gēt galam, acî gōt Wēi ē Nhialic pîr. Akēc gōt aleele pat yiic kōth, acî gōt yopuōth.

⁴ Alēuku buk kakkā lueel ke yo ñic Raan cî loc ku dac ē Nhialic nhom.

⁵ Acā lēu ba lueel lön yök aa la riēlda ē röt ye yök Nhialic luōoi. Riel ye yök ye luōoi ayeku yök tēnē ye.

⁶ Yen acî yo yiēk riel ye yök koc lui rin dōör ē yam kek ye, dōör ē Wēi cîi cit löŋ cî gōt. Löŋ cî gōt ee thou bēi tēnē koc, ku Wēi ē pîr bēi.

⁷ Löŋ ēcî gōt aleele pat yiic kōth, ku diik Nhialic ēcî rin nyuōth wäär gam ye. Na cok a wäär cî ruel Nhialic yen cî Mothith paat piny bēn jäl amāath, ke ñot ril apeî bî koc Itharel cîi lēu bik Mothith dōt. Kêya, na ye löŋ thou bēi, tēnē koc yen luui koc yen bēn kek diikdit cit kēnē,

⁸ ke diik luoi Wēi cîi bî dit apeî!

⁹ Na ye löŋ dōör theer koc col atēm awuōc la diik, ke ye diikdit yindē bî löŋ dōör yam koc col aala cok tēnē Nhialic bēi!

¹⁰ Ee yic, löŋ dōör theer acin kēpuōth bî ye thōŋ kek löŋ dōör yam.

¹¹ Na ye löŋ dōör theer cî guō bēn liu la diik, ke ye diikdit yindē bî dōör yam cîi bî kanj liu bēi!

¹² Yök aa cie riōc tē jīem yök rin le yök ñōth löŋ dōör yam la diikdit akōliēec ebēn

¹³ Yök aacîi cit Mothith wäär yenyin kum bî koc Itharel diik Nhialic cîi ñic tē jīel yen thîn amāath.

¹⁴ Keek aake cî muōr pušth. Agut cit emēn kēn ke col aacîi kanj ñic anjot tē kueen kek athör löŋ theer, kēn ke muōr pušth anjot tō thîn. Ku aye nyaai tē mēt raan rot Raan cî loc ku dac.

¹⁵ Agut cit emēn gēt yen athör, tē kueen kek löŋ Mothith, kēn ke muōr pušth bik kanj cîi ñic anjot thîn.

¹⁶ Ku kēnē aye nyaai tē mēt raan rot Bēny.

¹⁷ Ku Bēny ye lueel ē wēlkā yiic ē Wēi. Ku tē rēer Wēi Bēny thîn, lääu nhom ē tō thîn.

¹⁸ Diik Nhialic ayeku nyuōth rin cîn yen kēn yo muōr pušth. Ku Wēi Bēny ē yo looi

ëbën buk ciët ye, ku diëkde è rot juak, kënë è luoi Wëi è Bëny.

4

Riël Nhialic gupkuan cît töny cî cuëëc tiöp

¹ Këya, yok aacie dhër è luoi kënë rin è Nhialic yen agëm ye yo è lier piände.

² Yok aaci kuc buk kæk ye moony ku kæk kóc rac gup cii ye lueel. Ee yic yen ayeku lueel kóc nhïim. Ku yen aye kek ye njc kepuöth ëbën, yeku kóc yindë è Nhialic nhom.

³ Na cii kóc kók Wët Puöth Yam yeku lëk kóc ye deet yic, ka kóc cî puöth määR kek aacie ye ye deet yic.

⁴ Jönrac mac kóc piny kënë ya aköl aci kóc kéc gam muöR puöth, ku bik ruel è bën tënë Wët Puöth Yam cii ye tiñ, wët yam diik Raan cî loc ku döc yen cît Nhialic guöp.

⁵ Yok aacii kóc ye lëk rin bi yok röt luëel, yok aa kóc lëk rin Jethu Kritho ke ye Bëny. Ku yok ke yo ye aloony tënë we rin Jethu.

⁶ Nhialic yen luel ye athör thëR yic ëlä, “Cöl ruel aruel muöth yic.” Yen è Nhialic tööñ cöl ruel njëëc kan aruel yopuöth bi yo nyuöth diik Nhialic è ruel Raan cî loc ku döc nyin.

⁷ Ku yok kóc la këpuöth diit kënë, yok aa cît tööny cî cuëëc è tiöp. Ku è rot looi këya bi nyuöth lön riëldit apeì è bën tënë Nhialic, aacie yo.

⁸ Yok aa kæk jör yo yök ku aacie yo ye rac. Na cökku kë loiku kuc, ke yok aacie dhër.

⁹ Yok aaye cöl agum, ku yok aa kéc Nhialic päl wei. Yok aaci nök buk la nan piiny, ku yok aa kéc thou.

¹⁰ Kwat tē yeku tēk ëbën yok aa ciët kóc bi nök cimën Jethu. Këya alëu kóc kök bik pïr Jethu tiñ yogup.

¹¹ Rin yok kóc pïr, yok aa rëer akölaköl yo cît kóc bi thou rin Jethu, rin bi piërde tiñ guöpdan bi thou yic.

¹² Këya, yok thou rin bi wek pïr.

¹³ Acì göt athör thëR wël Nhialic yic ëlä, “Yen è jam rin cî yen gam.” Ku rin le yok gam töñ thön, yok aa jam aya rin cî yok gam.

¹⁴ Rin anjicku Nhialic yen jot Bëny Jethu bi ben pïr, abi yo jot kek Jethu aya, ku nyëi yo ku we bi yo yäth tē rëer yen thïn.

¹⁵ Kënë aloi rot ëbën è riënkun. Aloii rot rin bi dhëej è Nhialic yet tënë kóc juëc, rin bi kóc juëckä piath è Nhialic njc, ku bik aa leec ku dorkë.

Pïr rin è gam

¹⁶ Ku rin è wët kënë yok aacie puöth è be bath cök alon thöök riëlda amääth-amääth, ke piäthkua aa ber piny akölaköl.

¹⁷ Aterthii yeku ke yök ëmën, aa guir yok rin pïr aköliëëc bi aterthii kuankä looi bik cii ye käj acin.

¹⁸ Rin yok aacie yopuöth è tääu kæk ye tiñ yiic, yok aa yopuöth tääu kæk cii ke ye tiñ yiic. Rin kæk ye tiñ aa guo jäl, ku kæk cii ke ye tiñ aa rëer thïn athëR.

5

¹ Rin anjicku lön guäpkua pinynhom è tën aa cît duël ye yok rëer thïn kaam koor. Ku na la duël kënë riääk ke Nhialic abi yo yiëk yöt teden rëer yen thïn, yön kéc raan looi yecin. Yön è looi Nhialic nhom guöp, cii bi kan riääk.

² Cît ëmën rëer yok yo dhiau, ayeku wïc lön bi Nhialic yo gam gupkuan yam bõ nhial.

³ Ku rin cii yok bi njöñ è guöp, yok aabi gam guöp yam.

⁴ Gupkuan rëer ke yo pinynhom aacii bi rëer thïn athëR. Yok aa dhiau rin käjuëc buk guum. Ku acie lön wïc yok ye buk thou ayic, kë wicku è lön bi Nhialic yo waar bi yo gam guöp è yam bi pïr aköliëëc ëbën. Këya, yok aa wïc gupkuan pinynhom bi ke waar guöp bi rëer thïn athëR.

⁵ Ee Nhialic yen aci yo guir rin awër kënë. Ku gëm yo Wëike buk njc lön bi yen ye looi.

⁶ Këya, yok aa rëer yo deet yopuöth akölaköl. Ku anjicku tē rëer yok è guöpdan kënë yic è pinynhom tën, yok aa rëer ke yo mec kek tën bi yok rëer thïn kek Bëny.

⁷ Yok aa pïr è gam, acie kë yeku tiñ.

⁸ Yok aa rëer yo deet yopuöth ku guirku röt apeì buk guöpdan pinynhom puöl rin bi yok la tē rëer Bëny thïn.

⁹ Adhilkulooi buk Bëny cöl amit puöu piërda yic pinynhom è tën, ku pïrdan aköldä aya.

¹⁰ Rin yok aabi dhieì kösc Raan cî loc ku döc nhom aköl è luk, bi njek atëm awuöc, tädë ke döc rin kækken cî looi wäär pïir yen pinynhom.

Nhialic è kóc cöl amääth kek ye rin Jethu

¹¹ Cît lön njc yok ye apeì yen tē dhil yok riööc thïn è Bëny, yen aye yok kóc kök lëk bik kepuöth wël Bëny. Bëny anjic yo apeì, ku aya njöth lön piäthkun yiic wek aa njc yo aya.

¹² Acie lön wïc yok ye buk röt ben lëk we, wek aa wicku buk we nyuöth kë bi wek aa nhiam è yo, tē rëer wek kek kóc nhiam kæk ye tiñ ku aa liu kepuöth.

¹³ Na ye kóc kök yo tiñ ke yo cî nhïim liäap, ke këda è röt kek Nhialic, na lok nhïim cök, ke këpiäthdun.

¹⁴ Kæk yeku ke looi, aa yeku looi rin nhiër Raan cî loc ku döc. Ku ëmën anjicku lön cî raan tök thou rin kóc ëbën. Ku këya, kóc ëbën aa rom thونده.

¹⁵ Ací thou rin kác ebën. Kéya, kác pír aacii dhil pír rin bí kek puóth miét è röt, ku aabi pír riénke yen raan cí thou ku ben jot pír è riénken.

¹⁶ Ku émèn le tuenḡ yok aacii raan lèu buk njic cit tē ye tiēḡ ye. Ku na le kác ke njic Raan cí lac ku dác ke ye raan wáar rēēr pinyinhom, ka cie tēde kéya émèn.

¹⁷ Tē cí raan rot mēt Raan cí lac ku dác, ke yeen aci ya raan cí ben cak. Kēthēer aci jál ku kēn yam aci bēn.

¹⁸ Kēnē ee Nhialic yen aloi ye ebën. Ací ḡo dōr kek ye rin Raan cí lac ku dác. Ku yik ḡo luoi buk kác kók dōr kek ye.

¹⁹ Kē yeku lēk kác, ee lón looi Nhialic kác ebën bik dōr kek ye rin Raan cí lac ku dác. Nhialic akēc awuócc yekē ke looi kuēc nhīm, ku aci ḡo gām luoi ye lueel tē bí yok kác ya dōr thín.

²⁰ Kéya, ḡok aa tuc jam nyin Raan cí lac ku dác. Acit Nhialic guóp yen luel wēde ē thuōḡda. ḡok aa jam rin Raan cí lac ku dác, ku yok aa thiēc raan ebën. “Dōrkē kek Nhialic.”

²¹ Raan cí lac ku dác è cín guóp adumuósm. Ku aci Nhialic looi bí Jethu thou rin adumuósmkua, rin tē met ḡok röt kek ye, ke yok aabi ya kác la cök è Nhialic.

6

¹ Luóida yic ḡodhie ke Nhialic, wek aa yóokku, wek kác cí dhēḡḡ Nhialic yók bák cíi cól adēer nhom piny è path.

² Rin aci Nhialic lueel, “Akól wáar wíc yen ye ba we kony, yen aci rōókkun bēn piḡ. Ku akól wáar wíc yen we ba we luók, wek aaca bēn kony.” Piēḡkē, kēnē yen akól bí wek kuóony Nhialic yók, akól yen akól bí we luók.

³ Acuk wíc bí la raan luiku kē jör ye kēriēc ebën yic, rin bí ciēn raan luel ye lón cíi luóida path.

⁴ Kéya, ayeku nyuóoth kēriēc ebën yeku looi yic lón ye yok kác lui rin è Nhialic, rin ye yok kárec ku káril ḡo jōór guum è path ke ḡo cíi gup tuc.

⁵ ḡok aaci that, yok aaci mac ku jot kác juēc man luóida aliáap nhial, ku yok aa ḡo ye luui apeí ku cuk nin wakóu ku nēk cök ḡo.

⁶ Ku yok aaci rēer ke ḡo cín gup ajuēc ḡo lir gup, ke ḡo yer puóth, ku detku káḡ yiic. Ku Wēi Nhialic aci rēer kek ḡo ku nhiērda acín tē diu thín,

⁷ ee wēt yic yen ayeku lēk kác è riel Nhialic. Ku kē le yok cök Nhialic nhom yen è tḡḡ ye yok thór ku kony yok röt.

⁸ Kác kók aa ḡo leec ku kác kók aa ḡo bui. Kác aa ḡo jáam gup ku kác kók aa ḡo njēc jáam. ḡok aaye yóók lón ye ḡo alueth ku è yic yen ayeku lueel akólakól.

⁹ ḡok aaye ciēḡḡ ciēt ḡo cíi njic ku yok aa njic apeí, ayekē lueel lón thou yok, ku tiēḡkē, yok aa njot ḡo pír. Aa ḡo ban apeí ku aacie ḡo ye yēet wei,

¹⁰ ḡok aa rēer ke ḡo mit puóth akólakól agut akól guum yok thín. Na cök alón njōḡḡ yok ke yok aa kác juēc looi bik jak, na cök alón cín yok káḡ, ke yok aa njot ḡo la káriēc ebën.

¹¹ Máthkien gen Korinth! Wek aa cuk lēk alanden ḡo láau puóth.

¹² Nhiērda tēnē we akēc yit, aa wek aaci nhiērdun tēnē ḡo yit.

¹³ Cit émèn lēu yok puóth tēnē we, wek ayóók ciēt we ye miēthkiē, bák puóth láau aya.

Duk mēt kek kác kuc Nhialic

¹⁴ Duókkē röt mat kek kác kēc wēt Jethu gam. Yenḡ kác la cök Nhialic nhom kek kác cíi la cök mat? Yenḡ ruel ku muósth cól aaye tók?

¹⁵ Le mánh tō kam Raan cí lac ku dác kek jḡḡrac? Yenḡ róm kác Kríthiaan kek kác cie Kríthiaan?

¹⁶ Yenḡ luaj rēer Nhialic thín cól arám kek luaj kác ye ke jak cí kiēt door thín? ḡok aa luaj rēer Nhialic thín. Címēn cí Nhialic ye lueel élä,

“Ḳen abi paandiē looi ke kackiē ku rēer ke keek

yen abi ya Nhialicden ku wek aabi ya kackiē.”

¹⁷ Ku lueel Bény aya,

“Wek aa dhil jál kam kác kēc gam ku tekkē ke ye thook tēnē keek.

Duókkē kē la guóp acul rin adumuósm ye goot, ku wek aaba gam.”

¹⁸ “Ḳen abi ya wuurdun, ku wek aabi ya wátkiē ku nyiērkiē,” lueel Bény Madhól.

7

¹ Máthkiē, Nhialic aci kákkā thón ebën. Kéya wuunyku ḡogup wei kárec yeku looi, bí guápkuu ku wēikua yiic ciēn ajuēc. ḡok aa dhil Nhialic theek ku themku buk pír è pir la cök Nhialic nhom.

Akut kác cí gam ee Paulo cól amit puóu

² Láaukē puóth tēnē ḡo. Acín raan tōḡ cuk luoi awuóc, acín raan tōḡ cuk kum thok, ku acín raan tōḡ cí yok kēde nyaai dhēl ruēeny.

³ Tē jīēm yen kélä ka cie wek nyiēny, rin aca lueel wáthēer lón nhiērda tēnē we aacie yit yopuóth. Alēuku buk piir ku thouku kek we.

⁴ Aya yók alēu ba jam tēnē we kecin kē muóony, yen anhiam è we, wek aa yen dēt puóu apeí, cök alón le yen kárec ya yók, ke yen amit puóu apeidit.

⁵ Agut wäär cək yok yëët Mathedonia yok kəc gup kanj la lân. Yok aa yo ci rəm kek ater juëc ku agöth ke kəc kək, ku riöcc yopuüth.

⁶ Ku Nhialic yen kəc ci puüth mum deet puüth, aci yo bën deet puüth rin ci yen Tito bën cəl abö tənë yo.

⁷ Acie bände yen ci yo bën cəl amit puüth ë rot, tē ci wek ye deet puüth thin aci yo yuum puüth aya. Aci lək yen lən wïc wek ye apeï ba we la neem, ku tē ci wek puüth riëk thin rin kək ci röt looi tənë ya, ku lən wïc wek ye apeï bāk ya kony. Këya, ëmën yen aci puüth miēt apeidüt.

⁸ Yen acï rot gäk cək alon ci athör wäär ca gät we we cəl arem puüth, yen aa ya ci rot gök tuej, rin ci athördië we reem puüth, rin anjiec rëm ë puüth rin athör ca göt aci guö bën jäl wepuüth.

⁹ Ku ëmën yen amit puüth, ku acie rin ci yen we cəl arem puüth, ee rin ci arëem ë puüth we cəl adhuk wepuüth ciëen. Arem ë puüth aci rot looi ke cit kē wïc Nhialic. Ku këya, acin kërëec cuk looi tənë we.

¹⁰ Rin arëem puüth ye Nhialic bëï tənë we, ee we cəl adhuk wepuüth ciëen bi we lušk, ku acin agääk rot ë tēen. Ku na ye we reem puüth rin wïc wek ye bāk ke ya looi kək pinynhom, ke arëem puüth kënë ë we cəl aloi adumuösm ku mër wëikun.

¹¹ Tiënjkë kënë wïc Nhialic arëem ë piändun yic. Wek aci puüth ür. Acäk wïc bāk käh cək piny. Wek aaci puüth riääk rin kërëec ci kuöc looi. Wek aaci ya riöcc ë Nhialic ku yakë wïc apeï ba la tənë we. Ku dhiëlkë looi bāk raan ci kəriëec ëbën looi tēm awuöc. Acäk nyuöoth lən kënë cək looi kəriëec ëbën yic ë ye tède.

¹² Këya, na cək a wäär ci yen ke athör kënë göt, ka cie rin raan wäär cä awuöc looi ku acie rin akut ci luüi kërëec, ee rin bāk tē ye wek diir thin ë yen nyuöoth Nhialic nhom.

¹³ Kënë, yen acəl yo adeet yopuüth.

Ku dët aya, deet ë piända, yok aaci puüth bën miēt apeï wäär piñ yok tē ci Tito puüth mit thin, ku tē ci wek ëbën ye bën dhuösk puüth piny thin.

¹⁴ Wek aa we ca leec tənë ye, ku wek aa kəc yen cəl ayär guöp. Wek aa yeku lək yith akölaköl, ku yen amit puüth rin lec wäär yen we leec aci ya yic.

¹⁵ Këya, nhiërden nhiëer yen we, ee rot juak apeï tē tek yen we tē ye wek ye theek thin ku piënjkë wëtde, ku tē ci wek ye luör thin abi we aa lath.

¹⁶ Yen amit puüth rin nösth yen we.

8

Ajuër rin akut kəc ci gam Judia

¹ Miëthakäi, awicku bāk tē ci Nhialic dhëënde nyuöoth thin tənë akuut kəc ci gam Mathedonia njic.

² Cək alon ci kërëec apeï ke yok, ku wën cak kek aa kəc njöñ aya, aake ye puüth miēt apeï tē miöoc kek.

³ Alëu ba lək we ayic lən kek aake ye miöoc bik kākken lik mukkë aa dhuöl wei. Ku ayekë looi piänden ë röt.

⁴ Ku keek aake ye yo lac thiëec lən anhiarkë aya bik la käk yekë ke gam tənë kəc ë Nhialic Judia.

⁵ Aaci röt kanj gäm Bëny Jethu tuej, ku jol Nhialic ke cəl aa gëm röt yo tēcit tē wïc ye. Ee cuk ye tak lən bi kek käk cit kākä gam.

⁶ Këya, ku jolku Tito raan wäär jök ë luoi kënë thiëec bi la tuej kek ye, ku kony we bāk luöidun path kënë thääp.

⁷ Wek aa la gamdüt. Anjiecckë apath yen tē ye wek ye lək kəc thin. Wek aa la njëëcdüt ci wek röt gam puüth ëbën, ku nhiarkë yo. Wek aa kəriëec ëbën njic looi apath. Ku këya, wek aa wicku bāk miöcdun muk thin.

⁸ Acä ye lueel lən dhil wek ye looi, ku awiëc ba nyooth tē nhiëer kəc kək ye thin bik kony. Këya, awiëc ba njic tē ye nhiërdun yic thin.

⁹ Wek aa njic dhënj Bändya Jethu Kritho cak alon yen ajak, ka ci bën a raan njöñ ë rienkun, ku bi njäñde ya kē yok wek jicëk.

¹⁰ Wëtidië, apath bāk kēwäär cək jöök runwäär thääp. Aa wek kəc tuej ci luoi kënë jöök, ku acie jök ë rot ë tē wepuüth bāk luui këya.

¹¹ Eëmën, thääpkë luoi wäär cək jöök. Luoiëkë kē nhiarkë wepuüth cit tēwäär cək guiër ye käk muökkë ke ëmën.

¹² Na wïc ba miöoc, ke Nhialic agam kédun ba gam kédun tē thin yic wïc ba gam, ku acie kē liu thin.

¹³ Acä ye lueel lən ye we jöt yiëth káthiek rin bi kəc kək kapuöl muk.

¹⁴ Kē luëel ë lən na lak kajuëc ëmën, ke we kony kəc cïn käh rin na lek kajuëc aköldä, ke ke kony we aya. Këlä, ke wek aabi röt kony wedhie ëbën.

¹⁵ Cëmën ye athör theër wël Nhialic ye lueel ëlä rin miëth ci Nhialic gäm kəc Itharel wäär ror liëet, "Raan ci kajuëc kuany acin käk cii ben döñ piny, ku raan ci käklik kuany aci ben la käk wïc."

Tito ku kəc kək aaci tuöcc Korinth

¹⁶ Yen alec Nhialic rin ci yen Tito cəl anhiar we bi we kony, nhiër thöñ ke nhiër nhiëer yen we.

¹⁷ Rin yok aaci Tito thiëec bi la tənë we, go gam. Ku ë wïc bi cak la aya ë rot.

¹⁸ Ku yok aa toc wämääth ci gam kek ye, raan theek akuut kəc ci gam ëbën, rin ë yen Wët Puüth Yam lək kəc.

¹⁹ Ku yeen aya ë raan ci akuut kəc ci gam kuany bi cäth kek yo tē yëth yok kuönydan

yeku looi bi Bëny nhom guşp leec, ku nyoothku tē nħiërku luoi buk aa kony.

²⁰ Acuk wic bi la koc jïëm yogup tē ye yok kāk ci juaarkä njec luoi thün.

²¹ Awicku bi ya kē la cök yen yeku looi, ku acie Bëny nhom ē rot ee raan nhom ëbën.

²² Këya, yok aa tot we wämäath dēt ke ke, wämäath cuk them arak juēc dhəl juęc ku acuk yok ke ye raan nħiar kuəny. Ku cit ëmën njic yen we apeı, anħiër bi we kony aya apeı.

²³ Tito ē raan ye yok rom ku alui kek yen bi we kony, ku miethakäi cath ke ye, aa koc tş nyin akuut kök, ku aa lec Raan ci loc ku dac.

²⁴ Nyusthkē ke nħiërdun rin bi akuut koc ci gam tın ku njickē, kē ye yok nħiam ē we.

9

Guiër kuəny tēnē koc ci gam Judia

¹ Acā wic ba gēt tēnē we rin kuəny bāk looi tēnē koc ci gam Judia.

² Rin anjiec atş wepusth bāk kony, ku wek aaca leec tēnē koc Mathedonia. "Aca lēk ke, Miethakäi ci gam pan Akaya ē wickē bik kuəny guş juok runwäär." Ku luoidun nħiër wek ye bāk kony, aci koc juēc apeı kamken wel pusth thün bik kony aya.

³ Ęmën yen atoc miethakäi ci gamkä rin bi lecđan ye yok we leec cii ye lueth. Ku cit lon ci yen ye lueel, wek aabi yok ke we ci kuənydun guiri.

⁴ Rin na le koc Mathedonia la kek yen Korinth, ku yökkē we ke we kēc röt guir, ke yok aabi gup yār apeı tē yok kek kē ye yok we leec ke kēc rot looi, ku päl yār ē guşpdun njic yok we apeı.

⁵ Këya, aca tak lon pusth yen ba wämäthakua col aala tēnē we ғанhom tuej, bik wëu cāk lueel kan kuşot yiic. Na jal la ke yok keek ke cāk mat yiic, ku abi rot nyooth lon ē wiickē bāk looi piathkun ke cii lēk we.

⁶ Anjickē apeı lon raan pur domdit ē rap juēc tem, ku raan pur domkoor acin rap juēc ye tem.

⁷ Njic adhil këden bi gam ci guiri yepuşu ëbën gam, ke cii nhom thiek tēdē ke mec ye, rin Nħialic anħiar raan këde gam puşu ëbën.

⁸ Ku alëu Nħialic bi gam kajuēc apeı, ku yin abi la kajuēc path ye yin koc kony akolaköl.

⁹ Cimën ye athör theer wël Nħialic ye lueel ëlä,

"Acı koc nşj kony puşu ëbën, ku yeen abi rëer ke la cök akolriëc."

¹⁰ Ku Nħialic ē ksth col alok bik ya mieth ye cam abi kakkun juak yiic, ku abi we col aala cök apeı, bāk kajuēc ya gam tēnē koc wic kuəny.

¹¹ Abi Nħialic looi bāk jak apeı keriëc ëbën bāk aa abiokruel akolaköl. Ku koc juēc aabi

Nħialic leec tē le yok kuənydun cāk wic puşu ëbën gam ke.

¹² Tē luui wek këlä, ka cie kāk wic koc ci gam kek yakē ke lëu ē röt, wek aa koc juēc col alec Nħialic.

¹³ Ku rin luoidun pusth ci wek röt nyuəth, koc juēc aabi Nħialic leec rin looi wek kē wic Wët Pusth Yam Raan ci loc ku dac wäär cāk gam, ku ramkē ke ke ku raan ëbën.

¹⁴ Ku rşkken yiic ē rienkun aabi kepusth wel rin dhënjdit ci Nħialic gam we.

¹⁵ Lecku Nħialic rin miöcđit cin kē thönj kek ci gam yo.

10

Paulo ē luoidu kony lon pusth yen

¹ Wek alāj ē puşu ëbën yen Paulo rin lier puşu Raan ci loc ku dac, cak alan ye koc kök kamkun ye lueel lon ye yen rişc tē rëm yen ke we, ku ya wël tuc lueel tē mec yen.

² Wek alāj na la bën tēnē we ke yen acii bi ben jam wël tuc apeı tēnē koc kök kamkun, cit tē ya tāk ye lon dhil yen ya tēde, rin ye koc kök ye lueel lon piir yok piir pinyndom tēn.

³ Ee yic yok aa koc piir pinyndom tēn, ku yok aacie thör cit tē ye koc ē pinyndom thör thün.

⁴ Riel ye yok thör acie rieldan pinyndom, ee rieldit ye Nħialic yiäk yo yen aye yok kāk bäany Nħialic gël nhom gök. Yok aa luethken yekē ke lueel rak ëbën.

⁵ Yok aa tēktēk kanħiaam ci wët Nħialic thany piny rac. Ku domku kuat tēktēk kēnē cimën raan ater dhie ye dom tşj yic, ku loiku bi Raan ci loc ku dac theer.

⁶ Ku tē tın yok ye ka athëkdun cin yic diu, ke yok aabi kuat raan yeku yok ke dhäl wët Nħialic ē yic tēm awuśc.

⁷ Wek aa kån tın ksth ayeer. Na le raan ye gam alanden lon ē yen raan ē Raan ci loc ku dac, ke col atak kē looi yic apath, rin yok aa koc Raan ci loc ku dac aya cimēnde.

⁸ Yen aci guşp ye yār tē cok yen jiem kanħiaam riel ci Bëny gam yo. Riel ci gam yo ee riel bi yok gam cök piny ku cii we rec.

⁹ Awiec bāk cii tak lon wic yen ye ba we riääc athör ya gät we.

¹⁰ Aye raan dēt lueel, "Athör Paulo aaye göt ke thiek yiic, ku tē rëer yen ke yo ē koc ku wëlke aacie riel!"

¹¹ Adhil raan kēnē deet yic lon acin kē wääc athör ya ke göt tē mec yen, kek kē ba looi tē ben yen dhuk tēnē we.

¹² Acuk wic buk röt thşj kek koc röt leec kamken ē röt. Acin kē njickē. Keek aa lecđen thşj kamken ē röt ke cie lec Nħialic.

¹³ Këya, yok aacii bi nħiam ku jiemku kāk liu luoi ci gam yo yic buk looi. Nħiaamda abi nhom pek luoi ci Nħialic yiäk yo yic. Ku ala yic luoida yen loiku kamkun.

14 Yok aaciï bi nhiam apeï cit tēn bi yen ke rot luosi thin tēn kēc yok bēn tēnē we, rin ci yok Wēt Puoth Yam rin Raan ci lōc ku dōc bēï tēnē we.

15 Ku yok aacie nhiam luoi ci kōc kōk looi. Kē yeku nōsth ē lōn bi gamdun rot juak rin bi luoida ē kamkun rot juak apeï ku thiēi piny.

16 Ku buk lēu buk Wēt Puoth Yam la lēk kōc bēï mec ke we, rin acuk wic buk nhiam luoi ci Nhialic gām kōc kōk bik looi bēï kōk yiic.

17 Ku cit lōn ye wēl ci gōt athōr thēr wēl Nhialic yic ye lueel ēlā, “Raan wic ye bi nhiam adhil nhiam rin Bēny.”

18 Rin raan rot leec ē rot acie yen ye gam, ee raan ye Bēny leec.

11

Paulo ku kōc rōt cōl aaye atuuc

1 Awiēc bāk kē ca wuōc guum, tē ci yen kāŋ duēr kuc. Wek aa lāŋ bāk looi kēya.

2 Yen aye tiēel dōm tē tūŋ yen kōc kōk ke wickē bik we muōr, ku ē yen lōn ē Nhialic aya. Wek aa cit nyen bīm ca lōc muony tōk bi thiaak, yen Raan ci lōc ku dōc.

3 Wek aa njic anyikōl wāär duōŋ kēpiiny Eba ē pel nyinde. Yen ariōc lōn bi wek ciēt kēnē. Wek aabi duōŋ ku pālke nhiērdun nhiēr wek Raan ci lōc ku dōc.

4 Ayakē guō nhiaar ku gamkē tē bii raan dēt bi we bēn lēk Jethu dēt cie yen Jethu cuk lēk we. Ku wek aa puōth miēt ku tāūkē wenhiim piny ku gamkē wēi ku wēt, kāk cie Wēi ku Wēt Puōth Yam wāär cuk lēk we.

5 Aya tak lōn kōckā yakē ke tūŋ ciēt kek aa tuucdīt, aaciï dīt tēnē ya acin, ku acā ye tak lōn aa tuuckun kā aa loi luoi path wēr kek ya.

6 Tēdē, yen akēc piōc ba njic ajam apath kōc nhūim, ku yen anjic kaŋ. Kēnē aca nyuōth we kajuēc yiic ē dhāl juēc yiic.

7 Wek aa kēc kaŋ thiēc bāk ya riōp wāär lēk yen we Wēt Puōth Yam ē Nhialic. Yen aci rot dhuōk piny ku luōi ē path rin bi wek aa kōcdīt. Ye kērac yen ca looi?

8 Tēwāär luui yen ē kamkun, yen a ya ye kōc akuut kōc kōk ci gam riōp. Aake ya rum bi yen we bēn kony.

9 Ku wāär rēēr yen kek we, acin raan ca rāām nhom bi ya kony. Miēthakāi ci gam wāär bō Mathedonia aaci kēriēc ēbēn wiēc ke bēï tēnē ya. Acin kē ca kaŋ thiēc tēnē we, ku yen aci rot bi kaŋ der weyiēth acin.

10 Ku cit ēmēn rēēr yiny Raan ci lōc ku dōc kek ya, acin raan pan Akaya bā pēen ba cii jam kanhiaam kēlā.

11 Tē lueel yen ye lōn yen aci rot bi kaŋ der weyiēth, ke ye rin cii yen we nhiaar? Anjic Nhialic lōn nhiēr yen we!

12 Yen abi la tuēŋ ke ya loi kē luōi ēmēn, rin bi kōckā ciēn kē ye kek nhiam, lōn ye kek luui cimēnda aya.

13 Kōckā aacie atuuc acin. Aa kōc wēŋ luoiden yic, ku loikē rōt ciēt ke ya atuuc Raan ci lōc ku dōc.

14 Acin kē gēi kōc thin! Na cōk a Bēny jakrac ka loi rot bi ciēt atuny nhial ē yer bēï.

15 Kēya, acin kēril tō thin tē ye atuōcke rōt cōl aaye atuuc luoi la cōk. Ku keek aabi awuōc thōŋ kek kākken loikē ke yok akōldā.

Tē ci Paulo guum thin ke ye atuuc

16 Aca lueel wāär ku aben ber yic, acā wic bi la raan ye tak lōn cin yen kē njic. Ku na yakē tak lōn cin yen nhom, ke we pāl ya ba nhiam kākkiēn ya lēk we.

17 Tē ye yen rot leec kēlā, ke yen ajam cimēn raan cii kāŋ njic. Ku acie tē wic Bēny ye thin.

18 Ku ēmēn ye kōc kōk jam ē nhiam cit tē ye kōc pinyinhom jiēm thin, aba looi kēlā aya.

19 Wek aa njic kāŋ apeï ku anōt nhiarkē bāk wēl kōc kuc kāŋ buōth yiic.

20 Wek aa wēl raan we loony gam, raan kākku cam, raan rot cōl aril ē we, raan nhiam rot tāū tuēŋ raan na cōk we nūōt nyin, ka ŋot cin kē mankē thin.

21 Yen aci guōp yār ba gam lōn yen akēc kākā looi.

Kē ye raan dēt wic bi yenhom lec ye, ke yen alec yanhom ye aya. Yen ajam ēmēn ciēt ya kuc kāŋ.

22 Na yekē kuat Ibru, ke yen ē Ibru. Na yekē kōc Itharel, ke yen ē raan Itharel. Ku na yekē dhiēnh Abaram, ke yen ē raan Abaram aya.

23 Ye kē kōc lui rin Raan ci lōc ku dōc? Yen ajam jam raan ci muōl, ku yen ē raan ē luoi nūēn tēnē ke! Yen aci luui luoidīt apeï tēnē ke. Ku yen aci mac arak juēc tēnē ke. Ku yen aci that thāndīt apeï tēnē ke, ku duēr thou arak juēc.

24 Yen aci that waat thiārdiāk ku dhoŋuan arak dhiēc kōc Judeo.

25 Ku kōc Roma aaci ya that arak diāk atuel. Ku biōōk ya aleel arak tōk. Ku riāi ēci riāāk wiir arak diāk ke ya wēr thin. Ku arak tōk, yen aca akōl ku wēr thōl wiir.

26 Ku akōōl kōk cāthdiē yic, yen aci rōm kek kākjuēc kōc nōk. Ku duēr mou wēr yiic, ku duēr cuēr ya rum. Ku duēr kōckkiēn Judeo ya nōk. Ku duēr kōc cie kackiē ya nōk. Ku yōk kāk kōc nōk geeth ku bēï yiic ku Adēkdiet yic. Ku tēnē kōc rōt looi ke cit kōc ci gam.

27 Yen ē ya ye luui apeï ba guōp thiai ku cā ye nin akōldēt, yen ya ye cōk nōk ku rou. Ku yen ē lac rēēr ke cin miēth ku tē niin yen thin. Ku yen ya ye rēēr ya nēk wiir rin cin yen alēth juēc ya kony ē wiir.

²⁸ Ku kājuēc kāk acā luel, ʔen ē rēer ʔa tək akōlakōl rin akuut kōc cī gam ēbēn.

²⁹ Tē niōp raan gam yic, ke ʔen ē rot yōk ʔa niōp aya. Ku tē cōl raan raan dēt aloi adumušōm, ke ʔen ē rām ʔa rem pušu apei.

³⁰ Na le kē cōl ʔen aʔam ē nhiaam, ka kāk ʔe nyooth lōn ʔen acii ril.

³¹ Añic Nhialic, Wun Bēny Jethu lōn cii ʔen lueth yen luēel. Bī rienke aleec athēer.

³² Wäär tō ʔen Damathkuth, bēny rēer ē Bēnyñaknhom Aretath cōk ē cā apuruuk ē geu tiit tōšu kal thok bīk ʔa dōm.

³³ Ku ʔen acī bēn tāau alom yic, ku luēēñ ʔen tēʔor pāny kōu ku kual rot.

12

Paulo acie nhiam kāk cī nyuōth ye

¹ ʔen abī dhiel la tuen ʔa jam ē nhiaam cōk alōn cīn ʔen kēpuōth ye yōk thīn. Ku emēn ʔen abī jam kāk ca tīñ cī nyuōth ē Bēny.

² Añic rušōn thiāar ku nuan cī bar, raan cī gam ēcī jōt ku ʔēth tēmec apei pan Nhialic. Acā ñic ayic lōn ē yen guāpde ku lōn ye kek wēike kek cī la nhial, ee Nhialic ʔen añic ye.

³⁻⁴ Cimēn awēn cī ʔen ye luēel, añic ʔen raan kēnē acī jat pan Nhialic. Ku aber yic, acā ñic lōn ē yen guōp ēbēn, tēdē ke ya abañ guōp ʔen cī ʔāth pan Nhialic, ee Nhialic ʔen añic ye. Ku tēēn acī kāk cī raan lēu bī ke kuany yiic yethok piñ, kāk cī pēen bī ke cī luel.

⁵ Alēu ba jam ē nhiaam rin raan cīt kēnē, ku ʔen acii nhiam ē rienkiē, rin na luōōi kēya, ke pial yic diē.

⁶ Na wiēc ba nhiam kēlā, ka cie lōn kuc ʔen kāñ rin ē yic ʔen aba luēel. Ku ʔen acii bī nhiam rin acā wic bī la raan ye tak lōn ñic ʔen kēriēc ēbēn, ke cie kē cāk tīñ ke luōōi tēdē ke luēel.

⁷ ʔen acī nyuōth kājuēc, kēya ʔen acī ʔen kēril ʔa tuōm cīt kou bēn yōk. Acit lōn cī atuny Bēny jakrec bēn bā bēn that ku gēl ʔen ba cī nhiam.

⁸ ʔen acī Bēny lōñ arak diāk bī kē bañ ʔen nyaai.

⁹ Ku acī bēn bēer, “Ee dhēñdiē ʔen awiēc, rin rieldiē aye jal gam apei tē ñic raan ye lōn cī ʔen ril.” Kēya ʔen amī pušu ba nhiam wēt cī ʔen ril rin bī ʔen riel Raan cī lōc ku dōc ʔa tiit lōōny ʔaguōp.

¹⁰ ʔen ē pušu miet tē cī ʔen ril, ku tē lēēt ʔen, ku tē le ʔen kērec cā yōk, ku tē guum ʔen, ku yōk kārīl kōk rin Raan cī lōc ku dōc. Rin tē niōp ʔen ke ʔen ē rieldiē.

Paulo ē dieer kōc cī gam gen Korinth

¹¹ ʔen ē ʔa cīt raan cīn kē ñic wäär ē ʔen ʔanhom lōc. Ku aa wek cā cōl alui cimēn raan cīn kē ñic. Ku nuōt aa wek aa cā lēc ke. Cōk alōn ʔe ʔen raan cie kuēc nhom, ke ʔen acii

tō ciēen tēnē atuuckun yakē yōk ciēt kek ñic kañ.

¹² Kāk raan nyuōth lōn ē yen atuuc cimēn kāk kōc gōi, ku kāk riel Nhialic nyuōth, aaci rōt looi ē kankun amāāth-amāāth.

¹³ ʔenō ca looi rin akuut kōk kōc cī gam kēc looi ē rienkun, cie kē kēc ʔen kuōny wic tēnē we? Pālkē awuōc ca looi piny tēnē ʔa.

¹⁴ Kēnē ʔen abī nēmdiē yic a diāk tēnē we ku acīn kē ba wic bī wek ʔa kony. Aa we nhīim wek aa wiēc ke, aacie wēēukun. Aacie mīth kek dhil kōc ke dhiēth ke muōc, aa kōc ke dhiēth kek aadhil mīth muōc.

¹⁵ ʔen abī pušu miet ba we gam kāñ ēbēn ayī piērdiē. Na nhiaar we apeidit kēlā, ke nhīerdun tēnē ʔa bī kuur?

¹⁶ Abāk gam lōn kēc ʔen rot tāau weyiēth. Ku abī raan dēt luēel lōn cī ʔen wēt puōk kōu piny ku dēep we ē lueth.

¹⁷ Ye kēdē, le raan ca tuōc we, le raan cī we la ruēeny ē rienkiē?

¹⁸ ʔen acī Tito lōñ bī la, ku cal wāmāāth dēt cī gam ala kek ye. Cī Tito we ruēeny, Cīi Tito ku ʔen kē tō ʔopuōth ye looi ē dhēl tōñ thōñ?

¹⁹ Tēdē ayakē tak tēthēer wäär lōn wic yōk ye ku buk rōt kony wenhīim. Cie tēde! ʔok aa jam cīt tē wic Raan cī lōc ku dōc ye buk jiēm thīn ke ʔo dēei Nhialic. Ku kāk yeku ke looi ēbēn māthkuan nhiarku ke, aaye looi rin bī we kony.

²⁰ ʔen ariōc pušu ciēt ba yōk ke tē ye wek ke luui thīn cī ʔen bī yuum pušu tē le ʔen bēn, ku tē ye ʔen ke luui thīn acii we bī yuum puōth aya. ʔen ē dieer ciēt ye agōth, ku tuōc ē pušu, ku nhīer ē rot ku tiēel ku lēēt ku luōōm ku nhiaam ku aliāp kek ba yōk.

²¹ ʔen ē pušu riōc ciēt Nhialic ya luōōi bā cōl ayār guōp tē ben ʔen we la neem. Ku ʔen abī pušu lōny rin kōc juēc aa ñot ke kēc adumušōmken thēer puōl, kāk bal cī path.

13

Lēk ciēen

¹ Kēnē, ʔen abī nēmdiē yic a diāk tēnē we, “Ku kuat awuōc ye luēel raan guōp adhīl a kēn cī kōc karou, tēde ke ye kōc juēc kañ tīñ.” Cīt tē ye wēl cī gōt athōr thēer wēl Nhialic ye luēel thīn.

² Wäär le ʔen we neem kēn ye nēm yic rou, ʔen acī kōc kārec looi ku kuat raan dēt lēk bīk cī ben la tuen ke loī kākā. Ku wek aa ben lēk emēn mec ʔen ke we. Tē ben ʔen la ka cīn raan kārec looi ba puōl ke cā tēm awuōc.

³ Abī kēnē dhiel nyooth tēnē we lōn ʔen ē jam rin Raan cī lōc ku dōc. Tē cōk ʔen we ka cī bī niōp, abī riel apei.

⁴ Ee yic, ee cīn riel wäär piēt ye tim cī rīu kōu, ku emēn apir riel Nhialic yic. ʔok aa cīn riel ē rōt cimēn wäär cīn Raan cī lōc ku dōc riel. Ku emēn cī ʔok ʔa tōk kek Raan cī lōc ku

dɔc, yok aabi la riel Nhialic tɛ luui yok kek we.

⁵ Wiëckë bāk yɛn them, dhielkë röt them ë röt ku abäk yök lɔn Raan ci lɔc ku dɔc arëër kek we. Na cie këya, ke wek aaci määr.

⁶ Ku abäk yök aya lɔn acie kërac yɛn cuk looi wäär bii yok Wët Puöth Yam tənë we.

⁷ Yok aa rööc rin cīn yɛn këreεc bāk looi, ku acie lɔn wic yok ye buk röt nyuöth ke yo ye atuuc path, yok aa rööc bi ya këpath yɛn yakë looi cak alɔn ye yo tīŋ ke yo ci kušc luui.

⁸ Yok aa këc Nhialic yiëk riel bi yok wët ë yic rac, yok aaci yiëk riel bi yok yic yäth tuen.

⁹ Cak alɔn kšc yok, ke yok aa puöth miet tɛ ril wek, ku yok aa rööc lɔn bi wek röt bɛn cök.

¹⁰ Këya, yɛn agët athör kënë ke ya mec tənë we, rin na la yet ke ya cii ben jam wël rɛc tənë we ë riel ci Bëny gām ya, riel bi yɛn we col aala cök gamdun yic, acie riel rɛc yɛn we.

Muöth ciëen

¹¹ Ku ëmën miëthakäi, miëtkë puöth. Yiëkkë wenhüim luoi la cök, piënkë wëlkië, yakë röt piëŋ wël ku rëërkë ke dšör ë kamkun. Ku Nhialic ë nhiër ku dšör gam abi rëër ke we.

¹² Miäthkë röt ë kamkun muöth kɔc ci gam. Kɔc Nhialic ëbën rëër ë tən aa we muöth.

¹³ Bi dhëëŋ Bänyda Jethu Kritho ku nhiër Nhialic ku Wëike rëër ke we ëbën.

Athör cī Paulo gät kəc pan Galatia Wēt nom

Tēwēn cī ke wēt puoth yam ye kəc jam wēt Jethu jək bī piššc, aci kəc cie kəc Itharel bēn nhiaar. Ku wēt yen cī bēn bēn nhial ē lən nadē ke lōŋ Mothith yen bī dhiel theek rin bī raan jal a Krīthian. Ku ē yen kē cī Paulo bēn a jam wēt cī yen ē yic, rin wēt tōŋ ē yic, ee pīr la yic gam Jethu, yen bī kəc rēer thīn ēbēn ke Nhialic. Ku kam kəc cī gam pan Galatia, pan mēc kəc Roma Athia cōk ciēen, kəc kək ke cī bēn thīn aaci Paulo bēn aa jššny. Ku yekē lueel lən dhil raan Lōŋ Mothith theek bī jal a raan path ke Nhialic.

Paulo aca athör kēnē gāt bī gam la cōk dhušk ciēen bī kəc cī wel nhīim cī piššc ē lueth cōl aloi yic. Aci kanj nyuōth ke lən le yen yic, bī ya cōl atuny Jethu Krītho. Aci dēt yic ke lən wēt ye yen cōl atuuc abš tēnē Nhialic, acie riel ē raan, ku luonde tēnē kəc cie kəc Itharel ē rōt. Tēēn, yen aci yen wētde dēt yic, lən ee gam ē rot yen ē kəc cōl aala cōk tēnē Nhialic. Aci nyuōath wēlke cōk ciēen, lən ciēŋ path kəc cī gam ē cāth bī kəc cath athēr kek nhiēr, ku gam bēn bei tēnē Raan cī lōc ku dōc.

Kāk tš thīn

Muōth tuelj 1:1-10
Riel Paulo ye yen ke atuuc 1:11-2:21
Athör dhēēŋ ē Nhialic 3:1-4:31
Lāau nom ku luoi kəc cī gam 5:1-6:10
Thōk ē wēl 6:11-18

1 Ÿen Paulo, wāar kuany Jethu kek Nhialic ba ya atuny Jethu wāar cī Wun Nhialic jōt bei ranj yic. Acie raan ē path yen kuany Ÿa ba ya atuny Jethu.

2 Ÿen yok miēthakāi cī gam rēer kek Ÿa ē tēn, yok aa gēt we athör kēnē buk wek akuut koc cī gam pan Galatia muōsth ēbēn.

3 Bī Nhialic Wāda kek Bānyda Jethu Krītho we gam dššr ku athiēiden.

4 Rin bī yen Ÿo lušny bei lēŋ kēnē yic, Raan cī lōc ku dōc aci thou rin adumušmkua rin theek yen Wāda Nhialic.

5 Bī Nhialic aleec akōlriēec ēbēn. Yenakan.

Wēt Puoth Yam

6 Kē cāk looi acā gōi apeidit. Kam thiin yen cī wek guō jal raan wāar cōl we aa ril cōk, Bānyda Jethu. Ku yakē gam piōōc dēt yakē cōl aye Wēt Puoth Yam wēl athör kək.*

7 Ku yeen acie Wēt Puoth Yam acin. Ku wēt lueel Ÿen ye kēlā, ē rin ala kəc kək wic ye bik koc la liāap nhīim, ku wickē bik athör wēl Jethu waar yiic.

8 Na cək atuny Nhialic, nadē ke ye Ÿo, Ÿok piōōc kē cī thōŋ kek athör wēl Jethu wāar cuk piššc tēnē we, ke diēt Nhialic nāk raan kē cīt kēnē looi ku cuet mēc.

9 Acuk kanj lueel, ku abuk bēn ber yic ēmēn, na le raan piōōc we wēl cī thōŋ kek wēl cāk gam thēr, ke diēt Nhialic cōl anāk raan kēnē ku cuet mēc.

10 Ye ciēt aleec ē raan yen wiēc ēmēn? Acie ye, kē wiēc aleec Nhialic. Ye lōn bī ya piŋ raan ēbēn? Na Ÿa ŋoot ke Ÿa them ba looi kēya, ŋuōt Ÿen acie alony ē Jethu.

Paulo aci Nhialic cōl

11 Calkē alēk we miēthakāi cī gam, wēt Jethu ya piššc tēnē we acie wēt raan ē path.

12 Acā yōk tēnē raan ē path, ku acie raan ē path yen piōōc Ÿen ē wēlkā. Ee Jethu nom yen aa nyuth ke Ÿa.

13 Aci lēk we yen tē ciēŋ Ÿen thīn wāar rēer Ÿen kam kəc Itharel ē lāŋden yic, ku tē ye Ÿen kəc cī wēt Jethu gam nāk thīn. Ku aca them ba akut kəc cī gam rac.

14 Acin raan wār ya thēk lōŋ Mothith, lōŋ kəc Itharel, ee kəc riēc kek Ÿa yiic ēbēn. Lōŋ wārkuan dit athēek apei dit.

15 Nhialic ē dhēēŋde yic, yen ago Ÿen guō kuany ke Ÿa kēc cak dhiēēth, ku cōl Ÿen ba ya aluanyde,

16 bī Wēnde cōl anyuth rot Ÿa, ku ba wētde la piššc tēnē kəc cie kəc Itharel. Acin raan cī yen la tēnē ye bī Ÿa la wētē,

17 nadē ke Ÿa cī la Jeruthalem ba atuuc wāar kek kōŋ la wēt Nhialic yic tēnē Ÿa, la tiŋ bik Ÿen la lēk kē luōi. Ÿen aci la Arebia nyin yic, ku dhušk Damathkuth.

18 Ÿen aci run kadiāk bēn la thōl, ku jal dhuk Jeruthalem ba wēl la deet tēnē Pīter. Ku la rēer kek Pīter tēcīt tēn nīn kathiār ku ŋuan.

19 Acin atuuc kək juēc ca bēn yōk, ee Jemith mēnh ē Bānyda Jethu ē rot yen aca bēn yōk.

20 Kē gāt we ē yic. Anjic Nhialic acie lueth yen lueel.

21 Nawēn ke Ÿen aci bēn la bēēi kək yiic pan Thiria ku pan Cilicia.

22 Ye nīnkā kəc akut kəc cī gam pan Judia aake kuc Ÿa.

23 Kēnē ŋickē ē kēnē ye kəc kək lueel ēlā, “Mony wāar Ÿo nōk Ÿok kəc cī gam, yen apiōōc wēt wāar wic bī rac ēmēn.”

24 Ku yen aaci kek Nhialic bēn leec rin cī yen Ÿa we pušu ba ya raande.

2

Paulo ku atuuc kək

1 Na la rušōn thiār ku ŋuan thōk ke Ÿa bēn la Jeruthalem Ÿok Barnaba, ku luath Tito kek Ÿa.

* 1:6 Rin diik Raan cī lōc ku dōc. 1:13 Luoi 8:3; 22:4-5; 26:9-11 1:14 Luoi 22:3 1:16 Luoi 9:3-6; 22:6-10; 26:13-18 1:18 Luoi 9:26-30 2:1 Luoi 11:30; 15:2

² ʒen a ʒa la Jeruthalem rin cī Nhialic ye nyuōth ʒa ba dhiel la. Na la rōm ē rot kek kōc wat akut ē kōc cī gam nhom Jeruthalem, ke ʒal lēk ke yen Wēt Puōth Yam Jethu ʒa piōōc tēnē kōc cie kōc Itharel. Rin acā wic bī kē ca looi theer ku kē luōōi ʒa akōi ciēn kēpuoth yōk thīn.

³ Raandiēn wēn cath kek ʒa cōl Tito, tēwēn cōk yen a raan pan Girik acīn raan cie mac thīn bī cōl aṅot,

⁴ cōk a wāār wic kōc kōk ye bik looi kēya. Kōc kōk aake ye rōt looi bik aa kōc cī gam, ku keek aake ye rōt kuēl akut yic ke ye luum, aa wickē bik ṅic ye nhom lāāu ṅō yen rēēr kek ʒok, kōc cī mat kek Jethu. Ē wickē bī ʒa lōṅ Mothith yen yeku theek.

⁵ Ku rin wic yok ye buk Wēt Puōth Yam ṅic muk tēnē we bāk yic ṅic, wētēden akēcku bēn gam.

⁶ Ku kōc wāār kek ye ke cōl kōc wat akut nhom, kēnē a luēel rin acīn kē ye waar tēnē ʒa, ye kek yīṅa. Nhialic acīn raan ye luōk wēi, acīi kōc ye tek yīi, kōc rōt cōl kek wat akut nhom, acīn kōk yam cīk nyuōth ʒa.

⁷ Acie kēya, acīk tīṅ lōn ē Nhialic yen acā gām ē luoi kēnē, ba Wēt Puōth Yam nyuōth kōc cie kōc Itharel, cīmēn wāār cī Pīter kuany bī Wēt Puōth Yam la nyuōth kōc Itharel.

⁸ Ee riel Nhialic yen acī ʒa looi ba ʒa atuuc rin kōc cie kōc Itharel, cīmēn wāār cī Pīter looi ke ʒa atuuc tēnē kōc Itharel.

⁹ Jemith, ke Pīter ku Joon wāār cīt kek kōc wat akut nhom, acīk bēn ṅic lōn ē Nhialic yen acī ʒa gām luoi kēnē. Aacī ʒo bēn dōm cīn ʒen ku Barnaba, ku bī nyooth lōn ʒok aa loi tōk ke ke. Ku ʒōlku gam lōn ʒen ku Barnaba, ʒok aabi luui kek kōc cie kōc Itharel, ku keek aabi aluui kek kōc Itharel.

¹⁰ Kē cīk bēn thīēēc tēnē ʒo ē lōn buk kōc ṅōṅ nyīn akuōtēden yic aa kony, ku kēnē yen ē kē nhiaar ba looi.

Paulo acī kē looi Pīter maan

¹¹ Tēwēn rēēt Pīter Antiōk, ʒen acī bēn ʒai wētde kōc nhīim ēbēn rin cī yen awuōc looi awuōc dēēi kōc ēbēn.

¹² Wāār kēc kōc cī Jemith ke tooc guō ʒēēt, Pīter aye mīth kek wāmāthakua ke ye kōc cie kōc Itharel, na la kōckā ʒēēt, ke Pīter tem yethok bī cīi bēn mīth ke ke, rin cī yen guōp riōōc kōc ye luēel lōn kōc cie kōc Itharel aadhīl ṅoot.

¹³ Kōc Itharel wāār rēēr thīn aacī bēn met Pīter cōk agut cī Barnaba acī met thīn aya, ee luoi kariōōc kēnē yic.

¹⁴ Na wāār la tīṅ lōn keek aacī cath dhēl la cōk dhēl Wēt Puōth Yam yic, guō lēk Pīter kōc nhīim ēbēn, “Yīn ē raan Itharel ku yīn rēēr kek kōc cie kōc Itharel ke yī cīt ke, yenō ye yīn kōc cie kōc Itharel lēk bik pīr, pīr kōc Itharel?”

Kōc Itharel ku kōc cie kōc Itharel aaye gam kony ēbēn

¹⁵ Ee yic, ʒok acī dhiēēth ʒo ye kōc Itharel, ku ʒok acie kōc thāi kōc la gup adumuōōm, cīt tē ye ke caal thīn.

¹⁶ Ee kēya, aṅicku lōn ē ṅōth Jethu, yen ē raan cōl ala cōk Nhialic nhom, gam cī raan wēt Jethu gam yen ē raan cōl apīr Nhialic nhom. Ku acie thēk lōṅ theer yen kōc cōk piny Nhialic nhom. ʒook aya, acuk gam yen wēt Jethu, ku bī Nhialic ʒo kony buk la cōk yenhom. Ku acie thēk lōṅ theer yen bī ʒo kony, rin acīn raan la cōk Nhialic nhom rin ye yen ke lōṅ theer theek.

¹⁷ Na yeku them buk la cōk Nhialic nhom rin cī ʒok mat kek Jethu, ku yeku gup la adumuōōm cīmēn kōc cie kōc Itharel, ye kēnē nyuōōth lōn ye Jethu ye nhiaar bī raan adumuōōm looi? Acie yic.

¹⁸ Na wiēc ba lōṅ ca rac bēn cōk, ka ye nyuōōth lōn ʒen ē lōōṅ dhoṅ kōth.

¹⁹ ʒen a ʒa pīr aya wāthēer tēcīt tē wic lōṅ ye thīn. Ku wāār cī ʒen wēēr bei ē lōṅ kēnē yic, acī rot bēn lēu ba pīr tēnē Nhialic, ciēt ʒa cī nōk kek Jethu tim cī rīiu kōu.

²⁰ Rin acie ʒen, ʒen ben wēikiē muk. Ee Jethu yen aṅol pīr ʒaṅōp. Pīr pīr ʒen ēmēn, ʒen apīr, pīr rin gam cī ʒen wēt Jethu gam, raan nhiaar ʒen arēk abī wēike gam rienkiē.

²¹ ʒen acīi ʒei dhēēṅ ē Nhialic. Ku na raan ye la cōk Nhialic nhom rin lōṅ theer, ka nyooth lōn Raan cī lōc ku dōc acī thou ē path.

3

Lōṅ, tēdē ke ye gam

¹ Kōc cīn puōth pan Galatia! Yenṅa cī we wel puōth? Ku thon Jethu Kritho tim cī rīiu kōu acāk piṅ.

² Lēkkē ʒa tōōṅ kēnē, we yōk Wēi Nhialic rin cī wek lōṅ theer theek, aye rin cī wek Wēt Puōth Yam gam?

³ Yenō ʒōl wek ciēn puōth kēlā, bāk ʒōk Wēi Nhialic, wiēc kē ēmēn bāk thōl nhom riēldun ē rōt?

⁴ Cīn kē cī kuat kārīl cāk ke yōk waar wegup? Ee yic aala kē cī dhiel looi.

⁵ Ye Nhialic kē dīt kōc gōi looi kamkun, ku gēm we wēike rin theek lōṅ Mothith, ku aye rin cī wek ke Wēt Puōth Yam piṅ ku gamkē?

⁶ Tiēṅkē wādīt Abaram, acī luēel athōr theer wēl Nhialic yic, “Lōn cī yen Nhialic gam, ku rin cī yen wēt Nhialic gam acī Nhialic bēn looi bī la cōk yenhom.”

⁷ Alēukē bāk deet yic lōn mīth Abaram aye, aa kōc cī wēt Nhialic gam cīmēn wāār cī Abaram ye gam.

⁸ Acī gāt athōr theer wēl Nhialic yic lōn Nhialic abī kōc cie kōc Itharel looi bik la cōk yenhom, rin gam cī kek wētde gam. Ke

yen athör theer aci Wēt Puøth Yam nyuøth Abaram ëlä, “Rienku, Nhialic abi raan wut ëbën döcc.”

⁹ Abaram aci wēt Nhialic gam, go Nhialic döcc. Ku yen tède ëbën, kuat raan ci Nhialic gam aye döcc cimën Abaram.

¹⁰ Koc lui lõj theer, acieen rac aņoot panden. Rin aci lueel athör theer wël Nhialic yic ëlä, “Kuat raan cie kē ci lueel lõj yic theek ëbën, atš acieen rac yic.”

¹¹ Ëmën aci rot nyuøth lõn acin raan bi la cök Nhialic nhom rin lõj theer, rin aci athör theer wël Nhialic lueel ëlä, “Ee raan ci Nhialic gam ē rot yen abi pīr la cök yök Nhialic nhom.”

¹² Ku lõj theer acin yic gam, tēcīt tē ci athör theer wël Nhialic ye lueel thīn ëlä, “Raan ye looi kē ci lõj lueel ëbën yen abi pīr.”

¹³ Rin ci Jethu thou rienkua, aci yok wēēr bei thou yic, thon yen ye lõj lueel, rin aye athör theer wël Nhialic lueel, “Raan ci nōk ku nōk tim nhom ē raan ci Nhialic tēm awuōc.”

¹⁴ Aci Jethu looi këya, ku bi dšc Nhialic wäär ci lueel ka bi gām Abaram, bi gām koc cie koc Itharel aya rin Jethu. Ku rin gamda yen abi yo col aa yök Wēi Nhialic wäär ci thōn yen Nhialic.

Lõj ku wēt ci thōn

¹⁵ Miēthakāi ci gam, ee kēn rot looi akōlakōl yen aba thōñj, tē ci koc karou nyuc ku gamkē wēt tōk ku gātē athör ku thenykē yic, ka cīn raan ben kē wēn dhoñ kōu, nadē ke juek thok dēt kēc ē mat.

¹⁶ Nhialic aci athānde lēk Abaram ku tēnē manhde. Acīi athör theer wël Nhialic ye lueel, “Ka miēthke,” Ku wētde yic koc juēc, aye lueel, “Manh tōk,” Ku manh kēnē yen ē Raan ci lōc ku dōc.

¹⁷ Kē wiēc ba lueel ē kēnē yic, ee lõn nadē ke Nhialic aci mat kek Abaram, ku yeen aci bēn muk nhom apath. Lõj wäär gem rušōn buot kaņuan ku thiardiäk cök, acīi kē ci Nhialic gam kek Abaram bi bēn dhoñ kōu.

¹⁸ Na miōc Nhialic ye gam rin lõj, ka cīi ben a kē ci thōn yen lui. Kēya, ee rin wēt wäär ci Nhialic thōn wādīt Abaram yen agem Nhialic kēnē tēnē ye.

¹⁹ Ke yeen, yenjō kē looi lõj? Lõj aa met Nhialic thīn, rin bi kārēc rōt looi aa nyuøth. Ku bi rēer thīn yet tē bi manh bi lōk dhiēeth kuat Abaram yic bēn, raan wäär ci Nhialic wēt thōn Abaram ē rienke. Lõj atuuc ē Nhialic kek aake bīi ye piny, ku gēm kē raan ci jāl bēn.

²⁰ Ku na ye akut tōk, ke raan tō kam koc aci ben wic, Nhialic ē tōk.

Wēt looi ē lõj

²¹ Cī lõj kāk cī Nhialic thōn dšl yic? Acie këya rin na koc piny nhom cī lõj yök, lõj bi pīr akōlriēc ëbën bēēi, diēt raan ëbën aci la cök Nhialic nhom rin theek yen lõj kēnē.

²² Ku aci gšt athör theer wël Nhialic yic lõn piny nhom ëbën arēēr riel jōņrac yic, ke yen wēt wäär cī Nhialic lueel ka bi gām koc rin Jethu, aci gām koc cī wēt Jethu raan cī lōc ku dōc, gam.

²³ Ke gam kēnē kēc yēēt, lõj aci yo looi buk ciēt koc cī mac, yet tē wäär jōl wēt puøth yam rin gam war koc nyuøth.

²⁴ Ku ē lõj yen ē muk koc yet tē bi Raan cī lōc ku dōc bēn bi yo bēn cök piny Nhialic nhom, rin ci yok wētde gam.

²⁵ Ëmën cī wēt Jethu bēn ku gamku, lõj acie yen ben yo mac.

²⁶ Ee gam yen ē we col aaye mīth Nhialic ē tōk kek Jethu raan cī lōc ku dōc.

²⁷ Wek cī muōc nhūim bāk aa tōk kek Jethu. Wek aa cienj alanh pīr kek Jethu guōp.

²⁸ Kēya koc Itharel ku koc cie koc Itharel, alony ku raan cie alony, tik ku koc aa thōñ ëbën, week ëbën wek aa tōk, wek cī mat kek Jethu raan cī lōc ku dōc.

²⁹ Na yakē koc Raan cī lōc ku dōc, ke wek aa mīth Abaram, ku wek aabi kēwäär cī Nhialic thōn Abaram yök.

4

¹ Kē lueel akīn, manh koor yen bi kāk wun lōk thōn aye jōōr cimën alony cök alon ē yen ala kāñ ëbën.

² Tē ŋot koor yen ala koc kāk ye muk, ku loikē bi kē cik lueel dhiel apin, yet akōl bi wun ye lueel meth aci dīt alēu bi kākke jal thōn.

³ Ee këya, wäär aya yok aa yo ye alony jak la riel piny nhom, wäär kēc yok yic guō ŋic.

⁴ Na wäär la nīn thōk, go Nhialic Wēnde tušōc piny nhom. Aci bēn kecīt raan bi dhiēeth tik ē path. Ku muk lõj koc Itharel,

⁵ bi koc bēn kušny bei lõj kēnē yic, ku bi nadē ke yo ye mīth Nhialic.

⁶ Rin ye wek mīth Nhialic, Nhialic aci wēi Wēnde tušōc yopuøth, ku wēi ē yo col adhiau ëlä, “Wā, Wādiē.”

⁷ Kēya yīn aci ben alony, yīn ē manhde. Rin ye yīn manh Nhialic, Nhialic abi yī gām kāk ke cī tāu miēthke.

Paulo anhiar koc pan Galatia

⁸ Theer wek aa we kuc Nhialic, ku këya wek aa we ye loony jakrēc cie Nhialic.

⁹ Ku ëmën ŋic wek Nhialic tēdē alēu ba lueel aya lõn Nhialic aņic we, ye kēdē wic wek ye bāk dhuk tēnē jakrēc niōp wäär mac piny? Yenjō wic wek ye bāk bēn aa loony cimën theer wäär?

10 Bì ya nìn kòk kek yakè ke muk nhüim, ke pèi ku run aya.

11 Yen aci yic ñeer we! Lëu bî ya luoi ëbën ca looi tènè we yen cìn wëtdé yic?

12 Wek aa liem miéthakäi cì gam, calkè röt aa cìt ya. Ee yic yen aya, yen acit we. Acin kàrec cäk luoi ya.

13 Adhielkè muk wenhüim lòn wäär piöoc yen wët Jethu tènè we tuen, ee rin wäär tuesny ya.

14 Ku na cök a wäär cì tuaanydië we jot puùth, wek aa kèc ya bën jai ku cuopké ya wei. Ee këya, wek aaci yen bën lor cìt ya atuny nhial bõ pan Nhialic, wek cà bën lor, lur bî wek Jethu raan cì loc ku dac lor.

15 Wek aa we cì puùth miët! Yenjö cì rot looi? Alëu ba lueel lòn lëu wek ye bäk nyienkun ñuët bei, ku gämke ke ya, tã lëu yen rot.

16 Ca ya raan aterdun ëmèn rin cì yen we lëk yic?

17 Kek kòc kòkkä röt nyuöoth bîk aa kòc nhiar we, acie këpath, ee ku bîk yen tek yic kek we, ku bäk ke nhiar cìmèn nhiëer kek ya.

18 Ëmèn apath akòlakòl bäk la nhiër path ke ye yen nhiër la cök, ku kènè è yic, ku acie tã rëer yen ke we è röt.

19 Miéthkië, kòc cì gam, aben lëk we, kè dët cìmèn tiñ rem yic dhiëth, aya yök yen è tã rëm ya, yet tã bî wët Jethu la cök wepuùth.

20 Anhiar ba rëer ke we ëmèn, ku ba tã ye yen tek thin è rienkun waar yic. Yen aci yic ñeer wëtdun apeì.

Yagär ku Thara

21 Calkè röt athiëc ëmèn, wek kòc wïc ye bî ya löj yen yakè theek, kè ye löj lueel cäk ye piñ?

22 Aye lueel Abaram aa la dhäk karou, dhäj tök aye manñ tiñ alony, ku tök ke ye manñ tiñden cì thiaak cie alony tènè ye.

23 Dhöñ tiñden alony ëci dhiëeth è path. Ku dhäpde kek tiñden cì thiaak cie alony, ee Nhialic yen aci ye lueel këya.

24 Käkka aa lëu bî ke deet kecit kè thöñ kek dët ril, diäär karou aatõ nyin löj dõör karou yiic. Kè tuen acit löj cì Nhialic looi gon Thinaì nhom, ku keek aa miñh tiñ alony yen col Yagär.

25 Tiñ col Yagär yen arëer nyin gon Thinaì pan Arabia. Alëu bî thöñ aya kek gen Jeruthalem ya aköl, ku kòc rëer thin aa cìt aloony rin löj.

26 Gen Jeruthalem rëer pan Nhialic yen è gen path la duk ku acit mada.

27 Aye athör theer wël Nhialic lueel ëlä, “Miët puüu, yin tiñ cìn meth! Loi lala ku loi kieëu miët è puüu, yin raan këc arëem röm è dhiëth kan yök! Rin tiñ cì moc puül yen abi miñh juëc dhiëeth

tènè tiñ rëer kek moc.”

28 Ëmèn, ke wek miéthakäi kòc cì gam, wek aa miñh Nhialic təcit tã wäär ci ye lueel thin cìmèn Ithäk wäär.

29 Yon theer manñ wäär dhiëth è path aci manñ wäär dhiëth riel Nhialic bën ban, ke yeen athöñ kek ya aköl.

30 Ye athör theer wël Nhialic lueel kèdè? Aye lueel, “Cuop tiñ alony wei kek wënde, rin manñ tiñ alony acii käk wun bî röm kek manñ tiñ cie alony.”

31 Ee këya miéthakäi cì gam, yok aacie miñh tiñ alony, yok aa miñh tiñ cie alony.

5

Muëkkè lääu nhomdun apath

1 Nhom lääu yen è këda. Ee Jethu raan cì loc ku dac yen aci yo gäm nhom lääu! Kääckè apath ke we ye kòc lääu nhüim, duëkkè röt col aben aa loony è löj cìmèn theer.

2 Piëñkè! Ee yen Paulo, alëk we na calkè röt añot, ke wëtdé yic è lòn tènè we kè cì Jethu looi, acin kë cì kuüny we.

3 Wek aa ben lëk wët dët, acin raan col rot añot rin theek yen löj ëbën.

4 Kòc kòk tã kamkun ye them bîk la cök Nhialic nhom rin theek kek löj, aa röt tæem wei tènè Raan cì loc ku dac. Aaliu dhëëñ Nhialic yic.

5 Rin yook kë nsthu è lòn bî Nhialic yo col aala cök tènè ye, ku è yen kë tiit yok riel Wëi Nhialic lui gamda yic.

6 Rin tã cì yok mat kek Raan cì loc ku dac Jethu, ka cie nuöt, nadè ke yo këc ñoot yen kony yo, kè ril è gam ye nhiër bëëi.

7 Wek aa we lui apath! Yenja cì we ben pën thëk è yic? Ci we rac nhüim kèdè?

8 Acie Nhialic raan cì we col yen lui këya.

9 “Ee lon koor yen ayumdit col apiäär,” təcit tã ye ye lueel thin.

10 Ee këya wek ñot we ñäath apeì. Wët pierda ke yo cì röt mat kek Bëny, ee we col anääth yapuü lòn wek acii wenhüim bî waar. Ku yeen, raan yen rec wenhüim, tã cök yen a raan yindè ka ñot bî Nhialic gäm awuöc.

11 Ku tènè yen, miéthakäi cì gam, na la tuen ke ya lueel ñuöt apath, ke yenjö yen ben næk yen? Na ye yic, diët kè ya piöoc rin tim cì riü Raan cì loc ku dac, diët akëc ya maan.

12 Awiëc bî koc we liäp nhüim, röt rac è röt.

13 Ku tènè we miéthakäi cì gam, wek aa we cöl bei bäk cii ben ciët aloony löj theer yic. Ku duëkkè këwäär cì wek wëer bei löj theer yic, col amär we bäk aa luui kàrec. Calkè aye nhiër kamkun yen mac we.

14 Rin lööñ theer ëbën aaci ke mat tök yic ëlä, “Nhiar raan dët cìmèn nhiëer yin rot.”

¹⁵ Ku na yakē luui cimēn lāāi rēēr roor, bāk rōt aa nōk kamkun ē rōt, ke njēckē wenhūim wek aabi rōt thōl ē rōt.

Wēi Nhialic ē kōc cōk puōth

¹⁶ Aye lueel, calkē aye Wēi Nhialic yen we cōk nhūim. Ku acie kē wīc guōp yen bāk aa looi.

¹⁷ Rin kē wīc guōp raan acie yen kē wīc Wēi Nhialic, ku kē wīc Wēi Nhialic acie yen ke wīc guōp raan. Kākkā karou aman rōt kamken, ku wētde yic ē lōn kē wīc ba looi yīpuōu aciī lēu ba looi.

¹⁸ Na ye Wēi Nhialic yen thel yī, ke yīn aciī lōŋ theēr ben mac.

¹⁹ Kē ye raan liiu Wēi Nhialic yepuōu looi aye tīŋ gei. Ee rot nyuōoth ke rac apeī, ku aciīn yic athēēk,

²⁰ tē ye Jōŋ cī kiēēt door ku tīt, kōc aa rōt maan ku aa thōr, aa rōt til ku diitkē puōth. Aake yiic tēēk akuut.

²¹ Kōc aa rōt maan, ku aa wiēet māāu ku bal, kuat kārečkā aayekē ke looi. Wek alēk emēn, cimēn wāār ci yen we kaŋ lēk, kōc kāk cīt kākkā looi aaciī bī kaŋ la bāāny Nhialic yic.

²² Ku Wēi Nhialic ē kōc gām nhiēr ku miēt puōu, ku dōōr ku pēl rōt piny, ku lier puōu ku piath ku gam,

²³ ku athēēk, ku duut puōu. Aciīn lōŋ man kāk cīt kākkā.

²⁴ Kōc ē Raan cī lōc ku dōc Jethu, aaciī kārec ye guāpken wīc, ku kārec yekē ke nhiaar kepuōth puōl ebēn bīk liu kegup.

²⁵ Wēi Nhialic aciī yō gām pīr akōlriēēc ebēn, ku adhīl wēikua tīt aya.

²⁶ Yōk aciī dhil nhiam nadē ke yō man rōt kamkua, tēdē ke yō til rōt.

⁸ Na ye raan luui kērac, ke thou yen ayōk, ku na looi kē wīc Nhialic, ke Wēi Nhialic abi pīr akōlriēēc ebēn gām ye.

⁹ Kēya, dukku go dhōr luui kāpath, rin na cuk go dhōr, ka akōl alōŋ kāpath aciī thiōk, buk kāpath yōk thīn.

¹⁰ Ku kēlā tē lēu yōk ye, ke yōk aadhīl kāpath looi tēnē kōc ebēn, ku jōl aa kōc rēēr yōk ke gam tōk yic apeī.

Muōth ciēēn

¹¹ Tiēŋkē kīt dīt nyīn ya ke gōt tē gāt yen we athōr ē ciēēndiē.

¹² Kōc ye wīc riel bīk we col aŋot, kek aa kōc ye wīc bīk rōt aa nyuōoth ku yekē nhiam kāk ye tīŋ guōp yic ē path. Ayekē looi kēya rin cī ke bī nōk, rin ye kek ye piōōc lōn thon Jethu tim cī rīū kōu yen abi kōc kony ē rot.

¹³ Ayī kōc ye cak ŋoot aaciī lōŋ ye theek, awīckē bīk we ŋoot bīk nyuōoth lōn wek aaci wētden gam.

¹⁴ Ku na ye yen, ke thon Bānyda Jethu Krītho tim cī rīū kōu yen aye yen nhiam ē rot. Ku rin cī Jethu thou rienkiē tim cī rīū kōu, acā ben wīc ba kāk ye looi pinynhom buōoth yiic, ku kōc ē luui kāk pinynhom aaciī ya nhiaar.

¹⁵ Aciīn kē ye looi tē cī raan ŋoot nadē ke kēc ŋoot, kēn rot looi ē lōn nadē ke yīn aciī cak cāŋ ē yam.

¹⁶ Ku rin kōc pīr wēt Jethu bī dōōr Nhialic ku pēl wēt piny rēēr ke ke, ku kōc Nhialic ebēn aya.

¹⁷ Thōk ē wēl, cīn raan ben yen luōi aliāāp, rin piār rēēr yaguōp ebēn, aa piēr ye nyuōoth lōn yen alony Jethu.

¹⁸ Bī dhēēŋ Bānyda Jethu raan cī lōc ku dōc rēēr ke week ebēn, miēthakāi ci gam.

6

Kony raan dēt kērac yic

¹ Mīth ma cī gam, na le raan yōk kamkun ke loi kērac, ke kōc la gam ril kamkun la thīn bīk cōk puōu piny, ku adhīl looi ē dhēl path. Ku tiētkē rōt apath bāk cī mēr dhēlde yic aya.

² Yakē rōt kony kamkun, na luōikē kēya, ke wek cī lōŋ Raan cī lōc ku dōc theek.

³ Na le raan ye tak kamkun lōn yen adiit kōc ebēn, ke yen rot math yetōk.

⁴ Raan ebēn adhīl rot jōōny ē rot. Na ye kēpath yen cī looi ke jōl manye ye, ku cī thōōŋ kek kē cī raan dēt kaŋ looi theēr.

⁵ Raan ebēn abi ya thiēēc kēden cī looi.

⁶ Kuat raan ye piōōc wēt Jethu adhīl kāpuōth tāj kek ye rōm kek raan piōōc ye.

⁷ Duōkkē rōt ye math ē rōt. Duk ye tak lōn cī Nhialic yī bī tēm awuōc tē kuc yīn ye. Kāpath ku kārec ye raan ke looi aa ye atiit tuēŋ.

Athör cī Paulo gät kōc Epethuth Wēt nom

Wēt tuel kam kēriēec ēbēn yen gēt Paulo athör kēnē tēnē kōc Epethuth ē wēt kēnē, “Kē cī Nhalic guir, ke bī jal thōl akōlden cī tak. Ee lōn bī yen kāk cī cak ēbēn nhal ku piny mat yiic, ku tēū Raan cī lōc ku dōc kenhūm tuel.” (1:10) Kōc cī gam aya awic ke bīk deet yic, ku bīk ya pīr kēdiit cī Nhalic guir kēnē yic. Ku bī kōc aa tōk ēbēn kek Jethu Krītho.

Abaŋ athōor yic tuel, aci Paulo nyuōth tē bī kōc keyiic mat thūn, ke lēk kōc dhēl cī Nhalic kacke kuany thūn. Ku ye kēdē cī ke adumušm pāl piny thūn, ku yīk kōc lāau nom ē Wēnde Jethu Krītho. Ku aye Wēi Nhalic nyuōth yo lōn bī athōn Nhalic yenhom tiēŋ. Paulo ē kōc ba athōor kuen lēk aban ē rou yic, lōn nadē ke kōc bī ya tōk kek Raan cī lōc ku dōc adhil ayic ē piērden yic kedhie. Aci jam ē waal juēc tē bī kōc ē Nhalic luoi tōk aa nyuōth thūn, ke cī rōt mat kek Raan cī lōc ku dōc. Akut kōc cī gam aci gušp, ku ye Raan cī lōc ku dōc yen nom, tēdē ke cī luak ku ye Raan cī lōc ku dōc mēen, tēdē ke ye tik, ku ye Raan cī lōc ku dōc muonyde. Athōr kēnē ē jam wēl thiek yiic apēi, rin raan ē gāt ye agēt ē guier cī dhēŋ Nhalic rēer kek Raan cī lōc ku dōc bēi yenhom ku yepušu. Ku kuat kēriēec ēbēn aye tūŋ nhiēr Raan cī lōc ku dōc yic, nāk, ku pēl piny adumušm, ku dhēŋ la cōk.

Kāk tš thūn

Muōth tuel 1:1-2

Raan cī lōc ku dōc ku luaj ē Nhalic 1:3-3:21

Pīr ē yam rēer ke Jethu 4:1-6:20
Muōth ciēen 6:21-24

¹ Ee yen Paulo cī Nhalic kuany ba ya atuny Jethu Krītho. Tēnē kōc Nhalic rēer Epethuth, kōc cī Jethu Krītho gam piērden yic.

² Bī Nhalic Wāda kek Bānyda Jethu Krītho we gam dšr ku athieel.

Raan cī lōc ku dōc ē dōc wēi bēi

³ Lecku Nhalic Wun Bānyda Jethu Krīthol Rin cī yok rōt mat kek Jethu Krītho, aci yen yo yiēk dōc wēi ē riel nhal.

⁴ Theer ke piny kēc cak, Nhalic aci yo kuŋy bei buk aa miēthke, wēt cī yok mat kek Jethu, aci yo col aye kacke, kōc cīn gup awuōc.

⁵ Rin nhiēr yen yo, aci Nhalic looi theer lōn bī Jethu Krītho yo col aye miēthke, ku kēnē yen ē miēt pušu Nhalic yen wic.

⁶ Lecku Nhalic rin kāpuōth juēc apēi cī gām yo ē path, rin cī yen Wēnden nhiēr juaar rienkua.

⁷ Rin thon Raan cī lōc ku dōc aci yok jal riel jōŋrac yic, rin cī adumušmku pāl piny. Ku kēya, aye Nhalic nyuōth yo lōn diit dhēŋde apēi.

⁸ Dhēŋ cī gām yo ke diit apēi, rin nīēc ku dēt yic kāŋ.

⁹ Aci Nhalic nyuōth yo yen kēden cī guir bī looi, ku acuk yok tēnē Raan cī lōc ku dōc, cak a lōn wāar cī yen ye thiaan.

¹⁰ Kē cī Nhalic guir ke bī jal thōl akōlden cī tak, ee lōn bī yen kāk cī cak ēbēn nhal ku piny mat yiic, ku tēū Raan cī lōc ku dōc kenhūm tuel.

¹¹ Ee rienke yen aye yo col aye mīth Nhalic. Kēriēec ēbēn aaci Nhalic guir kēya wāthēer, ku ē yen ke bišōk tēcīt tē wic ye.

¹² Kēya lecku Nhalic yok kōc tuel wāar cī la nōth tēnē Raan cī lōc ku dōc.

¹³ Ku ēmēn aya, wek aaci yic piŋ, yiny yen wēt puōth yam ye Nhalic we luōk. Ku wāar cī wek Raan cī lōc ku dōc gam, aci yen we yiēk Wēi Nhalic wāar cī thōn ka bī yiēk kacke. Wēi yen ē ye nyuōth lōn ye wek kacke.

¹⁴ Ku Wēi Nhalic yen ē ye nyuōth lōn bī yok kāwāar cī Nhalic thōn ka bī yiēk yo yok. Ku aye kēnē nyooth lōn cī Nhalic yo wēer bei riel jōŋrac yic buk aa kacke. Kēya, buk Nhalic aa leec akōlakōl.

Rōök ē Paulo

¹⁵ Ku wēt kēnē, tēŋon piŋ ŋen gām cī wek wēt Bēny Jethu gam, ku nhiēr nhiēr wek kacke,

¹⁶ yen akēc ŋen nom kaŋ mār ba we atak, tē rōök ŋen Nhalic aya leec rienkun.

¹⁷ ŋen ē rēer ya thiēc Nhalic Wādan la diik, ku yen Wun Jethu Krītho, bī we gām Wēike bī we col anic kāŋ, ku nyuth we Nhalic bāk ŋic apath.

¹⁸ ŋen ē rōök aya bāk yic ŋic. Kēya bāk ŋic lōn ē yen yic lōn bī wek kājuēc puōth cī tšū tēnē we yok, rin cī yen we cōl. Ku abāk ŋic aya lōn kājuēc puōth cī thōn bī ke gām kacke aa thiēc yiic apēi.

¹⁹ Ku kēya, abāk ŋic aya lōn rielde adiit kāŋ ēbēn. Ku yeen alui ŋogup rin cī yok wētdē gam. Riel lui ŋogup kēnē athōŋ ke rieldit,

²⁰ wāar jōt yen Raan cī lōc ku dōc bei raŋ yic, kam kōc cī thou ku jōt nhal, ku nyuuc kōŋ cuēc Nhalic.

²¹ Raan cī lōc ku dōc amac wēi ril tš nhal ēbēn, cak alōn le kek rieldit. Rienke aa thiēc yiic tēnē rin bānydiit mēc. Ku acie bāny mēc ēmēn ē rōt, aabi yiic thiēc tēnē rin bāny bī mac akōldā.

²² Ku Nhialic aci keriëc ebën tääu yecök, ku looi bi a yen wat akut koc ci gam pinynhom.

²³ Ku akut koc ci gam yen ë guşp Raan ci lac ku dac, yen thiäŋ wëi Raan ci lac ku dac. Ku ë yen pir gam keriëc ebën तरीëc ebën.

2

Thon ci ya pir

¹ Theer, Nhialic aci we tem thou rin awuşcdit rëer wegup.

² Wätheer wek aa we ye jonrac, jon yen mac jakrec ebën buoŋh cök, jon yen ye koc ci Nhialic thek wëde gam emën.

³ Yok aa yo thön ke ke, ke yo pir pir rac. Ayeku looi kuat kāk wic guäpkua ku piäthkua. Ku pirdan rac aye Nhialic yo tem awuşc cimën koc kök ë luui kärëc.

⁴ Nhialic ayer puşu, ku nhiër nhiër yen yo adit apel.

⁵ Nawën cak atiëpkua thou rin adumuşm juëc rëer yogup, yok aaci Nhialic cal aben pir kek Raan ci lac ku dac. Ku ee dhëŋ Nhialic yen aci yo luşk.

⁶ Ku rin ci yok aa tök kek Raan ci lac ku dac Jethu, Nhialic aci yo jat ë thou yic ku buk rëer bäänyde yic nhial kek Jethu Kritho.

⁷ Ee looi Nhialic këya rin bi koc aköldä piathden cin kë thön kek tün, rin nhiër yen yo, rin Raan ci lac ku dac Jethu.

⁸ Rin ë piath Nhialic yen aci we kony bāk pir rin ci wek wët Jethu gam. Ee mişc Nhialic yen acol we agam Jethu.

⁹ Pir cuk yok acie rin ë luwida ë röt nadë ke yo nhiam ye.

¹⁰ Ee Nhialic guşp yen aci ye looi këya. Ku rin ye yok tök kek Raan ci lac ku dac Jethu, aci yo cak buk këpath aa looi, ku ë yen kë ci guir buk aa looi.

Yok aa tök kek Raan ci lac ku dac

¹¹ Këya, wek aa we cie koc Itharel. Ku këya, wek aa we ye koc Itharel cöl wätheer koc këc ŋoot. Ku koc Itharel aake ye röt cöl aaye koc ci ŋoot. Ku ŋuotden ye ke ŋoot, ee yekë ye looi kegup ë path.

¹² Ku wäär wek aa we cie koc Raan ci lac ku dac. Wek aa we ye thäi, wek aa we cie koc Itharel, koc ci Nhialic lac. Wek aa we liu löŋ dşr Nhialic yic, löŋ koc ke tit bën Jethu Bányda. Wek aa we rëer we kuc Nhialic.

¹³ Emën, rin ci wek aa tök kek Jethu Kritho, wek wäär cak mec wek aaci bëi tethišk rin thon Raan ci lac ku dac.

¹⁴ Rin Raan ci lac ku dac aci dşr looi kam koc Itharel ku koc cie koc Itharel rin ci yok aa kac tök. Riemde aci këwäär ke tek yiic, ku cöl ke aaye koc man röi nyaai.

¹⁵ Aci löŋ koc Itharel teem kşu ë thuande, rin bi yen koc Itharel ku koc cie koc Itharel

cöl aaye kac tök rin ci kek röt mat kek ye, ku këlä, aci dşr bëi.

¹⁶ Ku thon ci Raan ci lac ku dac thou tim ci riü kşu, aci kuëth rëer kamkun nyaai. Ku thuande aci yen ke cöl aaye koc Nhialic kedhie.

¹⁷ Këya, Raan ci lac ku dac aci bën ku lëk koc Wët Puoth Yam ë dşr bëi tënë koc ebën, wek koc cie koc Itharel wäär mec ke Nhialic ku koc Itharel wäär thişk ke ye.

¹⁸ Ku ë rin Raan ci lac ku dac yen ë yo ebën, koc Itharel ku koc cie koc Itharel cöl aala tē rëer Nhialic thün ë Wëi Nhialic töŋŋ.

¹⁹ Këya, wek koc cie koc Itharel, wek aaci ben aa læi emën, wek aa tök kek koc ci Nhialic lac. Wek aa many töŋ ë Nhialic.

²⁰ Ku week aya, wek aacit yon ci atuuc ku koc kāk Nhialic tün jök cök, ku Jethu Kritho yen ë mën.

²¹ Raan ci lac ku dac yen ë kë ci buth cöl akäac ke ye tök ku bi ya yon Bëny.

²² Ku rin ye wek tök kek ye, week aya wek koc kök, wek aacit kë buth bi Nhialic a rëer thün ë Wëike.

3

Lusi Paulo rin koc cie koc Itharel

¹ Rin ci Nhialic ye looi bi koc Itharel ku koc cie koc Itharel mat bik aa tök, rin dhëŋnde tënë koc cie koc Itharel ke yen Paulo, raan ci mac rin wët Jethu Kritho ë rienkun, yen ë rök tënë Nhialic.

² Acäk pin lon ci Nhialic ya lac ë dhëŋde ba luoi këne looi.

³ Nhialic aci nyuŋth këden ci guir, cin raan njic ye theer, athör wäär ca gšt ke ciek.

⁴ Ku na kuenkë kāk ca gšt, ke wek aabi kāk njic ke rin Raan ci lac ku dac deet yiic.

⁵ Kāk cin raan njic ke theer, cimën ci Wëi Nhialic ye nyuŋth atuuc ku koc kāk Nhialic tün emën.

⁶ Këya, kë ci moony akın, rin wët puoth yam, koc cie koc Itharel aabi dşc Nhialic yok kek koc Itharel ci gam. Keek aabi ya kac tök ku rōmkë kë ci Nhialic thön koc Itharel rin Raan ci lac ku dac.

⁷ Kënë, yen ë Wët Puoth Yam ya lëk koc. Nhialic aci gam luoi ye yen Wët Puoth Yam luëel riel ë dhëŋde.

⁸ Yen atş ciëen koc ë Nhialic cök ebën, ku Nhialic anot cā yiëk ë luoi këne, ba koc cie koc Itharel lëk kăpuoth juëc cin thook akeu ye Raan ci lac ku dac gam. Kăpuothkă aa dit tënë kāk ye deet yiic.

⁹ Acä yiëk luoi ba tët koc ebën tē bi yen këden ci guir ci njic, thäap thün. Ku Nhialic yen cak keriëc ebën, ëci këne moony tënë koc theer wäär.

¹⁰ Aci looi këlä emën dhël akut koc ci gam nyuŋth atuuc nhial, kek bányken la riel nhial,

bik njëëc kãj de cî nyuoøth rin kê cî looi tēnē ke njic.

¹¹ Acî Nhialic tak ku looi këya thæer këc yen piny ku nhial cak. Ku ë looi ë rin Jethu Krîtho Bányda.

¹² Rin cî yok ye gam ku yok aa tók ke ye, aabî yok la tēnē Nhialic yo cîi rišc.

¹³ Këya, wek aa lëk bák puøth cîi bath cak amēn guum yen ë rienkun, gušmdië yen abi ya rieldun.

Nhiër Raan cî lóc ku dóc

¹⁴ Rin ë wēt kēnē, yen ë yanhjol guøt piny Nhialic Wāda nhom ku rššk ë rienkun.

¹⁵ Kocken tš nhial ku koc tš piiny aa mac thok rin yen ë Wāda yodhie.

¹⁶ Yen ala riel ku dšc juëc ye gām kacke. Këya, aya thiëc bî we yiëk riel ë Wëike bák puøth cîi kšc.

¹⁷ Ku yen ë rōök bî Raan cî lóc ku dšc rëer wepuøth athæer rin cî wek ye gam. Yen ë rōök aya bî tē nhiæer wek Nhialic thîn, ku tē nhiæer wek rōt thîn ë kamkun we col aril. Na luwikë kēlā ke wek aa cit tim cî mæike yet piny, ku yōn buth cî njic jōök cōk.

¹⁸ Ku dhël kēnē, week ku koc ë Nhialic abāk jāl njic yen tē nhiæer Raan cî lóc ku dšc we thîn. Anhiar yo apēi nhiër cîn thok akeu.

¹⁹ Na cōk ciēn raan njic ye ayic yen tē nhiæer Raan cî lóc ku dšc yo thîn, yen ë Nhialic thiëc bák njic. Ku bî tē ye wek luui thîn ciēt tē ye Nhialic luui thîn.

²⁰ Nhialic ala riel yen kãj looi wār kāk yeku ke thiëc ku kāk yeku ke tak, ku aaye ke looi rielden lui yopuøth.

²¹ Lecku Nhialic rin kãpuøth cî looi rin akut koc cî gam ku rin Jethu Krîtho. Lecku akōlriëc ebēn! Yenakan.

4

Mēn yic koc cî gam tēnē guøp Jethu

¹ Rin kê wïc Nhialic bî looi, yen raan cî mac rin looi yen wēt Bēny, wek alānj bák njic luui dhël path, dhël yen cî Nhialic we col.

² Yakë kāk yakë ke looi ebēn looi dhël athëk ku lier ë puøu, ku yakë koc njic ciēnj. Nhiarkë rōt ku yakë kāræc pāl piny ë kamkun.

³ Wëi Nhialic acî we mat yiic, themkë bāk la dšör ë kamkun bāk aa kac tók.

⁴ Yōök ebēn, yok aa thōnj kek kāk tš guøp tók yic, ku yok aa la Wëi Nhialic thōnj ciēnj ke yo. Yok aa nšth dšc cî Nhialic thōn ke bî gām kacke, rin Nhialic acî yo col ebēn buk aa kacke.

⁵ Yok aa la Bány tók ku gam tók, ku yok aaci lōk ë wëi tók yōk ebēn.

⁶ Yōök ebēn yok aa Nhialic tööj door, ku yen ë Wāda yodhie. Yen amæc yo ku ë luui yopuøth ebēn, ku aciēnj kek yo ebēn.

⁷ Raan cî lóc ku dšc acî raan ebēn ë kamku ya iëk rielden bî yen aluui. Næk acî yiëk rielde cit tē cî Raan cî lóc ku dšc ke tek thîn.

⁸ Acî gōt athōr thæer wël Nhialic yic ëlā, “Acî la nhial, ku looi jakræc bik yeen buøøth cōk,

cimēn raan cî dōm ë tōnj yic, ku tek kãpath tēnē kuat raan ebēn.”

⁹ Tē lueel ye ëlā, “Acî la nhial.” Wētde yic yenō? Wētde yic aye lueel lōn cî Raan cî lóc ku dšc kan bēn pinyinhom ë tēn.

¹⁰ Raan cî bēn pinyinhom ë tēn yen ee raan tööj cî bēn dhuk nhial, pan Nhialic, ku bî rëer kek kēriëc ebēn pinyinhom.

¹¹ Ee yen Raan cî lóc ku dšc yen ë gem mišc tēnē koc. Acî koc kšk looi bik aa tuššcke, ku koc kšk aaci looi bik aa koc kāk Nhialic tîj, ku ye koc kšk wël ë Nhialic lëk koc, ku ye koc kšk abiōk koc cî gam ku piōōckë ke.

¹² Acî kēnē looi rin bî kōckā, koc ë Nhialic, guir bik luui tēnē ye ku bik aakuut koc cî gam, yen guøp Raan cî lóc ku dšc la tuenj ke ril.

¹³ Ku kēlā, yok aabî mat yiic buk aa tók ë gam bî yok Nhialic ku Wēnde njic. Ku jōlku aa koc cî gam cî nhūim bak, ku yok aabî jāl la cōk cimēn Raan cî lóc ku dšc.

¹⁴ Ku yok aacie koc bî bēn ciēt mīth. Ku yok aaci koc kāk lueth piššc bî bēn duššnj buk luethken gam, yok aaci bî ya wel nhūim cimēn riāi, wël lueth ë path.

¹⁵ Yok aa dhil yic aa lueel ke yo la nhiër. Ku kēlā yok aabi la tuenj ke yo cit Raan cî lóc ku dšc yen wat akut koc cî gam nhom.

¹⁶ Raan cî lóc ku dšc, ee kacke mat yiic cimēn ye rēl yom thook guøp ë raan nuët yic bî ya tók. Na loi guøp abak luoiden cit tē dhil yen luui thîn, ke guøp ebēn ala tuenj ke cil ke ril. Yen ë tēn akut koc cî gam. Na nhiar koc akut rōt ku loikë luoiden, ka akut ala tuenj apath ë riel Raan cî lóc ku dšc.

Yok aa dhil piërda waar yic

¹⁷ Rin ë wēt kēnē, alëk we rin Bēny duškkë ben aa luui cimēn koc kuc Nhialic. Kāk yekë ke looi aacie kāk ke kony.

¹⁸ Aacie yic ye deet. Acin pîr yam ye Nhialic gām koc, rin keek aa ril nhūim, ku këya aa kuc dhël ë Nhialic.

¹⁹ Aacie gup ë yār tē cōk kek kāræc looi, rin aa kepuøth yiëk kāk wïc guäpken. Kāk yekë ke looi ebēn aa kāk ë bal ku aacie kššc luoi ë kākä yici.

²⁰ Yen ë tē wiëc bî wek cîi la thîn, rin acie yen tēwäär cî we piššc thîn rin Raan cî lóc ku dšc.

²¹ Ee yic, wek aaci wētde piñ, ku wek aa we cî piššc rienke, tē cit tēn yiny rëër kek Jethu.

²² Wek aaci pišoc bak tēdun ye wek luui thīn thēr pušl. Kākkun ke yakē ke looi aake cī we mušr ku rēckē we.

²³ Ēmēn, calkē rōt aa wēr Nhialic pušth ku bāk ya tak tēj ē yam.

²⁴ Nhialic aci we gām ciēj ē yam cīt kēde. Kēya, yakē ciēj ē ciēj kēnē. Ciēj kēnē ala cōk cīt tē ye yic rin Nhialic pišoc thīn.

²⁵ Kēya, duškkē lueth ben aa lueel. Nēk adhīl yic alēk mātħden cī gam, rin yōk aa cīt kāk cī thōj rēr ē guāp tōk yic.

²⁶ Na cōk alon cī yīn pušu riāāk, ke yī duk adumušm loi. Duk rēr kek riāāk ē pušu abā akōl lōny piny.

²⁷ Rin bi jōnrac yī cī thel adumušm yic.

²⁸ Na le raan ye cuār thēr kamkun ka cī ben cuēr, adhīl luui ē kōjde bi rot muk ku kony kōc nōj aya.

²⁹ Pālkkē kušc jam. Yakē ke lueel wēl kōc col aril pušth gamden yic. Yakē ke lueel wēl nħiar ke bi ke piñ, rin bi yīn kōc la kē lēk ke, kony.

³⁰ Muk yīnħom bi ciēn kē lueel bi Wēi Nhialic col arem pušu, Wēi cī Nhialic gām yī. Nhialic aci gām Wēi ye nyooth lōn ē yīn kēde, ku Wēi Nhialic abī rēr kek yī yet akōl luñdīt bi Nhialic yī kony tēnē jōnrac.

³¹ Duškkē kōc kāk ye maan ku duškkē pušth ye riāāk. Duškkē ye gōth ku lāātē kōc, tēde ke we loi kāk cī path.

³² Rērkkē apath ē kamkun. Ku yakē kārēc pāl piny tēnē kōc kōk cīmēn ye Nhialic ke pāl piny tēnē we rin Raan cī lōc ku dōc.

5

Pīr rēr ruelyic

¹ Kēya, wek aa dhil luui cīmēn Nhialic rin ye wek mīthken nħiēr apēi.

² Nħiarkē kōc kāk cīmēn nħiēr Raan cī lōc ku dōc yo. Cīmēn cī Jethu ye nyuōth lōn nħiēr yen yo, rin cī yen thou bi yo luōk. Kē cī looi, aci Nhialic col amit pušu rin cī yen rot juēr Nhialic.

³ Wēt ye wek kōc ē Nhialic aci path bi wīc wīc ē diār, ku kāk kōc col ayār gup, ayī kook aa piēj wegup.

⁴ Jam la biħ ku buro rac aci path. Añuēn bāk Nhialic aleec rin kāk ye ke looi tēnē we.

⁵ Dhīlkkē njic lōn acin raan wīc ē diār ayī raan ē luui kāk kōc col ayār gup, ku raan dēt kok lēu ye bi la bāny Raan cī lōc ku dōc kek Nhialic ē yic, ku yōk kāpuōth cī Nhialic thōn kōc. Raan kok aci raan ē jak cī kiēt door.

⁶ Duškkē rōt col ameth ē nyīn wēl cī path ye kōc kōk lueel. Nhialic abī kōc cī wētde ye piñ, kōc luui ē kārēckā tēm awuūc.

⁷ Kēya duk ye mat kek kōc luui ē kārēckā.

⁸ Rin wek aa we rēr ē mušth yic. Ku ēmēn wek aaci rōt mat kek Bēny, wek aaci la ē ruel yic. Kēya, yekē luui cīmēn kōc tō ē ruel yic.

⁹ Yēn aluel kēnē rin kōc tō ruel yic, kōc njic Nhialic, aaye ruel col alir pušth ku loikē kēn ē yic.

¹⁰ Thēmkkē bāk kāk Bēny col amit pušu njic ku luōkē ke.

¹¹ Duškkē ye luui kāk ye kōc tō mušth yic looi, kōc kuc Nhialic. Nyuōthkkē ke lōn kākā aci path.

¹² Kāk ye ke looi ke cie tūj, aa rēc apēi ka ye jamden kōc rac gup

¹³ Tē bū kāñ tēyē, ke kōc aa tūj tē rēc kākā thīn,

¹⁴ rin ē ruel yen ē kēriēc ēbēn col atūj. Yen aci ye lueel ēlā, “Pāäckē nīn yic, jatkkē rōt rēj yīc ku Raan cī lōc ku dōc abī ruel wegup.”

¹⁵ Tiējkē piērdun apath. Duškkē piē ē piē kōc kuc Nhialic, calkē rōt aaye kōc njic kāñ.

¹⁶ Kwat tē bi yīn ye yōk ba kēpath looi thīn, ke loi, rin kōc aa loi kāk cī path ēmēn.

¹⁷ Duškkē lui ē luoi kōc cīnkē njickē, njēckē kē wīc Bēny ku yen luōkē.

¹⁸ Duškkē ye dek ē mōu, mōu ē kōc rac. Calkē Wēi Nhialic piērdun yic akōlakōl.

¹⁹ Ketkkē waak ē Nhialic cī gōt athōr waak yic ē kamkun. Ketkkē wak wēi bāk Bēny leec ē piāthkun ēbēn.

²⁰ Yeku Nhialic Wāda leec akōlakōl rin Bānyda Jethu Krītho, kwat kājuēc yeku ke looi yīc.

²¹ Yakē rōt theek ē kamkun rin rišoc wek Raan cī lōc ku dōc.

Diār ku Rōör

²² Wek diār, thekkē rōörkun cīt tē ye wek Bēny theek thīn.

²³ Rin moc yen ē tik wat nħom, cīmēn ye Raan cī lōc ku dōc akut kōc cī gam wat nħom. Raan cī lōc ku dōc yen aluāñ akut kōc cī gam, yen guāpde aya.

²⁴ Kēya, diār aa dhil rōörken theek cīmēn ye akut kōc cī gam Raan cī lōc ku dōc theek.

²⁵ Wek rōör wek aa dhil diārkun nħiār cīmēn nħiēr Raan cī lōc ku dōc akut kōc cī gam arēk abī thou rienke.

²⁶ Aci thou rin akut kōc cī gam bi rēr ke dhēj Nhialic. Ku lōk kegup piū ē Nhialic piū ē lōk wēi ku wētde.

²⁷ Aci kēnē looi rin bi yen kacke kōc cī gam, wušōny gup wei kārēc ku bū ke yelšōm. Ku akēc wīc bīk gup la adumušm.

²⁸ Cīt ē kēnē aya, rōör aa dhil diārken nħiār cīmēn nħiēr kek rōt. Na nħiar moc tiējde, ka thōj kek lōn nħiēr yen rot.

²⁹ Acin raan man guāpde, raan ē mīth ku tiit guāpde, cīmēn ye Raan cī lōc ku dōc akut kōc cī gam tiit,

³⁰ rin yok akut koc cī gam, yok aa guāpde.

³¹ Cīmēn cī ye gōt athōr theer wēl Nhialic yic ēlā, “Moc abī wun ku man nyāān piny ku met rot kek tiēnde, ku keek karou aabī ya tōk.”

³² Wēlkā aa la yiic yinydūt apeī, ku aa jam tē ye Raan cī loc ku dōc tōk thīn kek akut koc cī gam.

³³ Ku wēlkā aa jam riēnkun aya, moc adhil tiēnde nhiaar cīmēn nhiēer yen rot, ku tik aya adhil muōnyde theek.

6

Mith ku koc ke dhiēth ke

¹ Wek mith, wek aadhil koc ke dhiēth we theek, rin yen ē kēpath lēu bī raan looi rin Bēny.

² “Thek wuur ku moor,” Kēnē yen ē lōn tuēn cī bēn kek athōn,

³ athōn akīn, “Na loi kēnē, ke yīn abī kājuēc path ya yōk, ku thiei yī ba nīn juēc nōk pinyhom.”

⁴ Koc ke dhiēth duōkkē miēthkun ye luōi kāk bī ke rac puōth. Muōkkē ke ku piōōckē ke dhēl cī Bēny gam.

Aloony ku Bāny

⁵ Aloony, thekkē bānykun muk we pinyhom ē tēn, riāäckē ē ke ku thekkē ke piāndun ēbēn ciēt we luui Raan cī loc ku dōc.

⁶ Yakē luui ē puōn yer tē cōk kek cī daai we. Loi luōidu puōu ēbēn cīt tē wīc Nhialic ye thīn, rin yīn alony Raan cī loc ku dōc.

⁷ Na cōk alōn ye yīn alony, lui puōn yer bī ciēt Nhialic yen luōi.

⁸ Nīc yīnhom lōn bī Nhialic raan ēbēn yiēk kēde, alony ku raan cie alony, rin kāpuōth ye looi pinyhom.

⁹ Wek koc mac aloony, wek aadhil luui ē dhēl tōōn yic, ku duōkkē ke ye riāäck ē nāāk, muōkkē wenhīim lōn week ēbēn, aloony ku week, bēnydun ē tōk nhial, raan bī luk looi kamkun ēbēn ke cīn raan nuēēn.

Tōn tēnē Jōnrac

¹⁰ Wēt jāl lēk we ciēēn akīn, lōmkē riel tēnē Bēny bāk riel ē ye, rin rielde adūt apeī.

¹¹ Lōmkē kāk cī Nhialic gām we bī wek rōt kony, bāk kājuēc ye jōnrac we ruēēny gōōk.

¹² Rīn yok aacī thār kek koc cīt yo, yok aa thār kek jakrac rēēr ē muōth yic kek bānyken, ku riel ē jōnrac tō nhial.

¹³ Kēya, rin ē wēt kēnē lōmkē kāk cī Nhialic gām we bī wek tōn thōr. Na akōl lē jōnrac bēn, ke we tit rōt ye akōlriēēc ēbēn. Ku na cāk tōn jōnrac gōōk kēriēēc ēbēn yic, ke wek aabī dōn we ril.

¹⁴ Lōmkē yic bī wek rōt guir ē tōn. Ku luōikē kē la cōk ke cīt alanh dhie ye raan yeyic duut tē le ye tōn.

¹⁵ Rēērkkē ke we ye koc lēk Wēt Puōth Yam ē dōōr bēēi tēnē koc. Ku yen abī ciēt lōn ciēn wek war ril apeī wecōk.

¹⁶ Dēt akīn, gamkē Jethu Krītho. Gamdun abī ciēt kōn ye wek wieth dēp ye jōnrac we moc jōc yiic.

¹⁷ Nīeckē alanden lōn cī Nhialic we luōk, acīt lōn dhie ciēn raan akuāma yēnhom tōn yic, bī cī yup nhom. Lōmkē wēt ē Nhialic ē bēn tēnē Wēi ke cīt tōn ye muk.

¹⁸ Yakē lac rōōk cīt tē ye Wēi Nhialic we cōk puōth thīn. Ku thiēckē Nhialic bī we kony kēriēēc ēbēn yiic. Yakē wepuōth cōk tē rōōk wek ku duōkkē thōr. Yakē rōōk akōlakōl rin koc ē Nhialic.

¹⁹ Rōōkkē ē riēnkiē, ku lōn bī Nhialic ya gām wēl la cōk ba lueel tē le yen wēt ē Nhialic lēk koc ke ya cī riēc.

²⁰ Jethu Krītho acā loc ba ya atuōnyde ba koc lēk Wēt Puōth ē Yam, ku ē yen wēt cī ya mac. Kēya, rōōkkē ku thiēckē Nhialic bā gām riel ba wētde lēk koc ke cīt yiny dhiel looi ke cīn riōōc.

Muōth ciēēn

²¹ Tikuth, wāmāāthdan cī gam nhiarku, ku yēen alui apath rin Bēny, abī we lēk wēl ē yam riēnkiē ku bāk kē luōi nīc.

²² Yen atuōc we ku bī we la lēk kē loi rot tēnē yo, ku deet wepuōth aya.

²³ Bī Nhialic Wāda ku Bānyda Jethu Krītho we yiēk dōōr, wek koc cī gam. Ku bik we cōl anhiar rōt ē kamkun ku muōkkē gamdun.

²⁴ Bī Nhialic dhēēnde nyuōth koc nhiar Bānyda Jethu Krītho kek nhiērden cīn thok akeu.

Athör cī Paulo gät kəc gen Pilipi Wět nom

Athör cī Paulo gät kəc gen Pilipi ē gēt kəc cī gam pan mec kəc pan Roma cəl Mathedonia. Ee gēt yon ɲot mec yen. Ku ē rem pušu piöc ē lueth kəc kək cī gam gen Pilipi. Athör kënë ē gam ril ē Paulo tēnē Jethu raan cī ləc ku dəc nyuəəth.

Kënë yen gēt athöör ē wět bī yen kəc cī gam gen Pilipi leec kəkken cik tuəc ye yon cī kəkke yiic riel. Aake gēt keek athöör aya bī bən lək ke bik puəth riel, ku thəon kepuəth kuat aliämde yic, ku aliäm cī ke yök aya. Ku yöök ke bik röt aa dhuək piny bik ciēt Jethu, tēn lən bī nhiaam ku nhiēr rot ke thəl wei. Acī lək ke lən pīr ē tək kek Raan cī ləc ku dəc, ee dhēej cī Nhialic yiək kəc ē dhöl gam, acie dhöl athēk löj kəc Itharel. Acī gət rin miet pušu ku dšör ye Nhialic yiək kəc cī röt mat kek Raan cī ləc ku dəc.

Athör kënë, ee miet ku thön ē pušu ku ɲiec rēer, ku bī gam ku pīr tš kek kəc cī gam muk nom. Ku ē nhiēr nhiēer Paulo kəc cī gam tš gen Pilipi nyuəəth aya.

Käk tš thün

Muəth tuelj 1:1-11

Käk cī röt looi tēnē Paulo 1:12-26

Pīr rēer ke Jethu 1:27-2:18

Käk cī guiri tēnē Timothī ku Eaprodituth 2:19-30

Lək rin käreč ku kəc ater 3:1-4:9

Paulo ku mätške gen Pilipi 4:10-20

Muəth ciēen 4:21-23

¹ Yen Paulo ku Timothī yok kəc lui rin Jethu raan cī ləc ku dəc, yen agät we athöör, wek kəc ē tək kek Jethu gen Pilipi, ku kəcdit akut ku kuat kəc ke kony rēer thün ēbən.

² Bī Nhialic Wäda kek Bēny Jethu raan cī ləc ku dəc we gam athieei ku dšör.

Röök Paulo rin kəc kuen athörde

³ Yen ē Nhialic wäda leec tē tak yen we akölaköl.

⁴ Yen ē pušu miet apei ršökdie yic rienkun ēbən,

⁵ rin cī wek yen kony bāk Wět Puəth Yam nyuəth kəc ya aköl tōj wäär ɲic wek ye agut emən.

⁶ Anječ yapušu lən Nhialic, raan wäär loi ē kënë tēnē we, abī dhieł mušk thün këya yet aköl bī Raan cī ləc ku dəc Jethu dhuk pinyhom.

⁷ Wek aa kockiən nhiaar apei, wek aaya tak akölaköl. Ku ē yic, ba we aa tak wět nhiēer yen we. Rin wek aa lui ku kuənykē yen ē luoi ril cī Nhialic yiək yen emən. Ku

emən mec yen ku wäär këc yen mac, yen acī bən ɲieč la jam rin Wět Puəth Yam, ku acī bən riel apei yet tē cī ye gam kəc juēc apei.

⁸ Anječ Nhialic lən kē luēl ē yic lən nhiērdie tēnē we acit nhiēr Bānyda Jethu nhiēer yen yo.

⁹ Yen ē röök bī nhiērdun rot ajuak akölaköl, ku bāk yic ɲic, ku yakē ke looi kāk la cök Nhialic nom,

¹⁰ bī we kony bāk aa looi kēpath. Kēya, ke wek aabī gup ciən awuəc aköl le Raan cī ləc ku dəc dhuk pinyhom.

¹¹ Piērdun abī yic thiəŋ kəpath ē Jethu yen ye ke yök thün, rin bī Nhialic aleec ku dor.

Raan cī ləc ku dəc yen ee pīr

¹² Awiēc bāk ɲic miəthakāi cī gam, lən kuat kāk cī röt luši yen aaci Wět Puəth Yam cəl ala tuelj.

¹³ Kuat raan rēer tēn ēbən agut kəc tit pan bēnydit thok, anječk lən cī yen dəm rin ye yen raan lui rin Jethu.

¹⁴ Ku rin cī yen mac, acī miəthakāi cī gam cəl aa ril puəth bik Wět Puəth Yam aa lək kəc ke cīn riššc.

¹⁵ Ee yic, kəc kək aa wět Raan cī ləc ku dəc piššc ē tieł ku rin cī kek luəidiē nhiaar. Ku kəc kək ayekē piššc piänden ēbən.

¹⁶ Aye kəčkā looi rin nhiēr ku rin ɲic kek ye aya lən cī Nhialic ya lušoi ba wētde tiit bī cī riššc.

¹⁷ Kəc kək kamken aya, aacie piöc ē cök, aa piöc rin nhiaam ē path, ku yekē tak lən bī kek ya luši ališšc tē ɲot mec ya.

¹⁸ Acīn kē ye looi, yen amit pušu tē ɲot ye wět Raan cī ləc ku dəc piššc kuat dhəl cī yök, cək alən le yen kē tš kepuəth. Yen abī rēer ya mit pušu.

¹⁹ Rin anječ lən ršškkun ku kuəny bš tēnē Wēi ē Jethu raan cī ləc ku dəc, aa bā cəl alony.

²⁰ Aya ɲšəth yapušu lən bī yen a kēpath yen lušoi akölaköl agut emən thiin, yen abī la riel ē pušu kek guəpdiē ēbən, bī ya kēpath yen lušoi rin bī yen lac bšēi tēnē Jethu tē pīr yen, tēdē ke ya thou.

²¹ Pīr ē wět Raan cī ləc ku dəc juak tuelj, ku na thuəu rin wētde ka path aya tēnē ya.

²² Ku na ye kē bī yen ɲot ya pīr yen bī yen luoi juēc path looi, ka cā ɲic yenō ba kuany.

²³ Aköl dēt aya nhiaar ba cī thou, ku aköl dēt awiēc ba thou rin anhiaar ba la rēer kek Raan cī ləc ku dəc, ku kënë yen aya yök ke path.

²⁴ Ku rienkun, apath apei ba pīr ē tēn pinyhom.

²⁵ Kënë anječ apei, kē yen ɲieč yen abī rēer. Yen abī rēer ē tēn kek we ēbən ba miet pušu gamdun juak yic.

²⁶ Kēya, tē ben yen la dhuk ba rēer kek we, ke wek aabī nhiam rienkiē piērdun yic, ke we ye tək kek Jethu Raan cī ləc ku dəc.

27 Kwat kë bë rot looi tēnē ya, muskkë wenhūm lōn dhil wek pīr, pīr kōc cī gam, cōk alōn cīi yēn week bë bēn tīj akōldā. Aba ya piŋ lōn wek aa ril wēt Nhialic yic, ku week aa lui tōk apei rin Wēt Puoth Yam.

28 Duškkë ye rišōc kōc atērkun, yēn abī ye nyuōth keek lōn cīi kek we bë lēu, rin yēn Nhialic yēn we gām riel bë wek ke gōōk.

29 Rin wek aaci gām yic bāk Raan cī lōc ku dōc aa lušši ku acie gam ē rot, ee ku bāk gum cimēnde aya.

30 Ēmēn alēukë bāk yēn kony ye luai kēnē. Yēn luai tōj wāar cāk tīj thēer ke luōl, ku cit tē yakë piēj ye, yēn aŋot ya lui apei.

2

Jethu ē rot dhušk piny cōk alōn ril yēn apei

1 Piērdun ke we ye kōc Raan cī lōc ku dōc, ee we cōl aril ku nhiērdē ē we liēr puōth. Wek aa rēēr ke Wēi Nhialic, wēk aa la piath ku nhiēr nhiēer wek rōt kamkun.

2 Matkë weyiic bāk aa looi ē tōk, ku nhiarkë rōt, yēn abī miēt ē pušu bēi tēnē ya.

3 Duškkë puōth ē dit bāk kāŋ aa wic ē rienkiē ku yakë nhiam, yakë rōt dhušk piny kōc kōk nhūm. Yakë kōc kōk tīj ciēt kek path tēnē we.

4 Acin raan bēn a lui kēnē nhiamde, yakë jal looi kë kony we ebēn.

5 Wek aadhil thōj kek Jethu raan cī lōc ku dōc ē tāktākduŋ yic.

6 Wēn cōk Bānyda Jethu aa Nhialic gušp akēc rot thōj ke Nhialic.

7 Ku aci tēden dīit yēn thīn puōl, ku cōl rot aye alony cimēn raan ē path.

8 Aci rot bēn dhušk piny, ku gēn bë gum ku thou,

cimēn raan la gušp awuōc, arēk abī piāat ē tim cī riūu kōu.

9 Rin ē wēt kēnē yēn aci Nhialic ye bēn jōt bei ran yic kam kōc cī thou,

ku yēth nhial ku ler ku yīk riel kēriēc ebēn nhom.

10 Ku këya rin athēek rin Jethu, kāk nhial ku pinynhom,

ku piny tēn kōc cī thou aa dhil kenhiāl guōt piny.

11 Ku keek ebēn abik lueel lōn ye Jethu raan cī lōc ku dōc Bēny, rin duaar ē Nhialic Wun.

Piērdē ē Jethu nyuōth

12 Kēya, wāar rēēr yēn kek we miēthakāi cī gam, wēk aa we ya theek, ku Ēmēn awiēc bāk ŋot we thek yēn ke ya cīi rēēr kek we. Lak tuerj ke we thek Nhialic rin cī we wēer bei.

13 Rin Nhialic alui weyiic, ee we kony bë we cōk puōth ku bāk kë wic looi.

14 Luōikë kēriēc ke cīn ater kamkun ku agōth,

15 rin bë wek aa mīth Nhialic cīn gup awuōc ē piny cī thiāj kōc rēc la gup adumušōm. Calkë rōt aa la gei kamken cimēn pēi nhial,

16 cimēn ye wek ke lēk wēt pīr. Na luōikë këya, ke yēn abī nhiam rienkun akōl le Raan cī lōc ku dōc dhuk pinynhom, rin bë ye nyuōth lōn kēc luōidiēn ca looi nhom dēer piny ē path.

17 Na cōk aa lōn guum yēn rin bë gamdun riel tēnē Nhialic, ke yēn abī pušu miēt apei dīt ke we ebēn.

18 Ku kēlā aya, wēk aabi puōth miēt kek ya.

Timothī ku Epaprodituth

19 Na wic Bēny ke wek aba tuōc Timothī ē nīnkā, rin bë tē luui wēk thīn ya dēst puōu.

20 Ee yēn raan tōj ē tak cimēndiē, kë tō yapuōu looi, ku acin raan nhiaŋ we apei cimēnde.

21 Raan ebēn ē yēnhom yiēk kēden looi, ku cīi yepuōu yīk kë wic Jethu raan cī lōc ku dōc.

22 Ku anjēckë kek we ē rōt yēn tē cī Timothī rot nyuōth thīn cimēn meth ke wun. Yok aaci luui ē tōk rin Wēt Puoth Yam.

23 Kēya aba tuōc we, tē le yēn ye ŋic yējō bë rot looi tēnē yēn Ēmēn cī ya mac.

24 Ku yēn anōth Bēny lōn bë yēn rot lēu ba bēn tēnē we ē nīnkā.

25 Aca tak ba wāmāāth cī gam, Epaprodituth cōl adhuk. Yēn ē raan ē luai apei buōth Bēny cimēndiē. Ee cāk tuōc yēn bë bēn a kony,

26 ku Ēmēn awiēc apei bë we tīj. Adiēer rin cī wek ye piŋ lōn cī ye tuaany.

27 Ee cī tuaany abī duēr thou. Ku yēn aci Nhialic bēn cōl apuōl, ku acie yēn ē rot, pial guōpde aci kēnē bë yēn cōl anjēer yic bēn wel yic aya.

28 Awiēc aya ba cōl adhuk tēnē we rin tē ben wek ye tīj ke wek aabi puōth miēt, ku acin dēt bë yēn bēn diēer.

29 Luōrkë ē puōn path apei ke cit mēnhkui Jethu nhom. Nyuōthkë kwat raan cīt ye ebēn athēek,

30 rin ēcī duēr thou rin luai tēnē Raan cī lōc ku dōc, ku akēc diēer ē wēike ku gēm ya kuōny cīn tē bāk lēu ye.

3

Yiny la cōk

1 Ku wēt dēt ba lēk we miēthakāi cī gam ē ku bāk puōth miēt rin cī wek mat kek Bēny. Acīi rac ba kāk ca gāt we thēer bēn dhušk yīc, ku ē yēn abī we kuōny tē looi yēn ye këya.

2 Tietkë rōt kōc rēc, kōc luui cimēn jōk. Acie ŋuōt ē rot yēn wickë, wēk aa wic kajuēc kōk bāk ke looi.

3 Aa yōok, aacie kek cī ŋuōt yic yōk, rin yok aa Nhialic door riel ē Wēike. Ku yok aa mit

4

puəth piərda yic rin cī yok aa kəc Raan cī ləc ku dəc Jethu. Acie kək ye raan ē path looi ye tūj kek yeku ke n̄sōth.

⁴ Na le raan ye tak lən bī yen pīr Nhialic nhom rin kək ye looi kəc gup, ka cīn raan wār yen mukmuk nhom lōj theer. Na ye kəc pīr, nuəst yen acī pīr.

⁵ Yen a ya n̄ot ke ya la nīn kadhorou tēn dhiēeth ya. Yen ē raan Itharel, raan dhiēnh Benjamin, kuat Itharel ē gei. Rin muj lōj nhom, yen ē raan akut Parathī.

⁶ Rin ye yen raan akut Parathī yen aye yen kəc cī gam cəl aa nək, ku rin ye raan la cək tē theek yen lōj, ke yen a ya cīn guəp awuəc.

⁷ Kuat kəwāār ya n̄sōth keci kəpath, aaci bēn cī ye kəpath.

⁸ Acīn kēpuəth wār n̄iny bī yen Bānydiē Raan cī ləc ku dəc Jethu njic. Yen acī kēriēēc ēbēn puəl rin bī yen a raande,

⁹ ku ba ya tək ke ye. Rin acā lēu ba la cək ē Nhialic nhom tē theek yen lōj. Ku yen acī jal la cək rin cī yen Jethu gam, la cək tēnē Nhialic rin ē gam.

¹⁰ Kē wiēc ē lən ba Raan cī ləc ku dəc, ku riel wāār jət ye kam kəc cī thou njic. Awiēc ba ya tək ke ye ē gum ku thuəndu yic.

¹¹ Ku n̄āath lən bī yen jət thou yic ba pīr.

¹² Acā ye lueel lən cī yen jal a raan la cək, aņot wiēc apei ba ya raan la cək cīt tē wīc Jethu raan cī ləc ku dəc ye thīn.

¹³ Wēt lək we akīn miəthakāi cī gam, acā njic lən le yen kē ca lēu, yen acie dēē ciēēn, yen ē daai tuenj bī ya wēt akōldā yen thuuth yen ku pāl kətheer.

¹⁴ Yen abuəth dhəl yic apath rin bī yen ariōp yök. Ee yen ariōp bī Nhialic gām ya rin kē cī Raan cī ləc ku dəc looi.

¹⁵ Yok kəc la gam ril yok aa dhil luui ē dhəl kēnē. Ku na le kəc kək kamkun cī lui ē dhəl kēnē, ke Nhialic yen abi ye dēt yic we.

¹⁶ Lokku tuenj kek lōj Nhialic cīmēn wāār njic yok ye.

¹⁷ Miəthakāi cī gam biathkē yacök, ku piəckē tēnē kəc kəwāār ca piəc tēnē ke buəst yiic.

¹⁸ Wek aaca lək ē kēnē arak juēc, ku ēmēn aben ber yic piū ē n̄yin guəp, kəc kək aacie thon Jethu tim cī rīu kəu rin bī yen ke waar adumuəsmken yiic ē gam.

¹⁹ Aabi la pan mac rin ye kek kepuəth yiək kək wīc guəpken. Aa nhiam kək ke bī ke cəl ayār gup, ku aa kək pinynhom kek aa yekē tak kepēc.

²⁰ Ku yook pan Nhialic yen kēda. Yok aa tit Aluāņdan bī bēn nhial, Bēny Jethu Raan cī ləc ku dəc,

²¹ yen la riel ē yen kēriēēc ēbēn cəl aa b̄s yecök, abi gupkuan cī thiāņ adumuəsm looi bīk yer cīmēn guəpde.

3:5 Lusi 23:6; 26:5; Rom 11:1 3:6 Lusi 8:3; 22:4; 26:9-11 3:17 1Kor 4:16; 11:1 4:15 2Kor 11:9 4:16 Lusi 17:1 4:18 B.bei 29:18

Lək

¹ Miəthakāi cī gam wek aa nhiaar apei, dēētkē wepuəth ku thekkē Bāny. Wek aaca dak, wek aa yen cəl amit puəu, wek aa yen cəl anhiam.

² Yīn Yuodia ku yīn Thintike wek lāņ, d̄sörkē, wek aa kəc tōj ē Bēny.

³ Ku tēnē yī raandiēn nhiaar lui kek ya, awiēc ba diāärkā kony rin aaci luui kek yen apei buk Wēt Puəth Yam tək piny, keek ēbēn kek raan cəl Klemēn ku kəkuan kək lui ke yo tō rienken athör Nhialic yic, athör pīr.

⁴ Yakē puəth miət rin ye wek tək ke Bēny. ABER yic, yök puəth miət.

⁵ Yakē röt piēņ wēl ē kamkun. Bēny acī thiək.

⁶ Acīn kē riəc wek, ku yakē Nhialic thiēc r̄sökdun yic kək wiēc kē, yakē thiēc ē puən path akōlaköl.

⁷ Ku d̄sör Nhialic cie deet yic raan ē path, abi we kony bāk cī ye diēer ku cāk riəc kārīl we yök yiic, ke we ē tək kek Raan cī ləc ku dəc Jethu.

⁸ Wēt cī jal dōj ba lueel miəthakāi, yakē ke tak kəpath, kək ye raan ēbēn nhiaar, kək ye we leec thīn, kək yith thiēc yiic, kək la cək ku lek gei, kək nhiaar ke raan ēbēn.

⁹ Wek aa njic kəwāār ca piəc tēnē we, ku kək cək piņ ke ya lueel ku tiēņkē yen ke luəoi ke. Kēya, biathkē luoidiē yic, ku Nhialic yen d̄sör gam abi rēer ke we.

Paulo acā alēc gam rin kək cī gām ye

¹⁰ Piērdiē yic kek Bēny, yen acī puəu miət rin tēdiit cək nək ku benkē yen ben nyuəth tēduun muk wek ya thīn. Ku cie rin cī wek k̄söc we cī wenhūim yik yen, ee rin cīn wek riel.

¹¹ Yen aaci kēnē luel rin cī wek ya pāl wei, aa kək r̄ēer kek yen kek aaca njēc rot.

¹² Alēu ba pīr ē path tē cək yen la kälīk, kuəth ku cək aa thōj tēnē ya, jiēc ku n̄sōj aya, aa thōj.

¹³ Kuat kē ya looi ēbēn, aya looi riel ye Raan cī ləc ku dəc gām yen.

¹⁴ Ku apath apei yen wēt cī wek ya kony aterkiē yiic.

¹⁵ Wek kəc gen Pilipi aņieckē apath, lən wāār jiēl yen Mathedonia nīn tuenj wāār piöc Wēt Puəth Yam, wek aa we kəc cī gam ya kony. Wek aa we ye k̄söc kek yen kəpiathkiē ku kārackiē yiic.

¹⁶ Agut cī wāār cək yen rēer Thethalonika wek aaci kuənydun bēn aa tuəc yen ēmēn ku ēmēn.

¹⁷ Acie ku bāk ya muəc yen wiēc, ee d̄c ye yök tē muəc raan kəc yen awiēc ba juak yic.

¹⁸ Kək wiēc aaca yök, ku aa juēc apei. Kuat kək wiēc ēbēn aaci Epaprodituth bēi tēnē

ya. Aa cīt tol adōŋ n̄ir ye took luan̄ ē Nhialic,
ajuēr cī Nhialic gam ku cəl ye amit pušū.

¹⁹ Ku Nhialic abī we gām kāk wiēckē ē
kākken juēc yiic, kāk ye ke yök rin Raan cī lōc
ku dōc Jethu.

²⁰ Bī Nhialic Wāda aleec akōlakō!!
Yenakan.

Mušt ciēn

²¹ Miāthkē kōc cī gam, kōc Raan cī lōc ku
dōc Jethu. Miēthakāi rēēr kek γen aa we
muššth.

²² Kōc cī gam ēbēn ē tēnē agut kōc lui pan
Bēnyaknom Cithēr aa we muššth aya.

²³ Athiēi ē Bānyda Jethu raan cī lōc ku dōc,
abi ya rēēr kek we ēbēn.

Athör cī Paulo gät kōc gen Kolothia Wēt nom

Athör Paulo cī gät kōc gen Kolothia, agēt akut kōc cī gam pan Athia tō ciēen gen Epethuth. Akut kōc cī gam kēnē acie Paulo yen loi ye, ku aye yōk yepušu ke ye luōi dhil looi aya, cit lōn cī yen kacke tuōc gen Epethuth aya, yen gendit yen rēer raandit bēny apuruuk pan Athia thūn. Ēcī Paulo piŋ lōn ala kōc ē piōc kōk kōc cī gam gen Kolothia piōc bik dhēl la cōk pušl. Ku yekē lueel lōn raan adhil jak kōk atheek, nadē ke bi jal luōk ē kuat kē cit ŋušt, thēk lōŋ ku miēth ye cam.

Paulo agāt athör kēnē bī jai piōc rēeckā, ku ye piōc dhēl pēth ē yic Wēt Puoth Yam, yen gam. Kē tō thūn, ee lōn nadē ke Jethu Krītho alēu bī kōc luōk ē rot, ku kuat kāk cit kākā aa kōc thēl wei Jethu lōm. Rin Jethu Krītho Nhialic aci nhial ku piny ku kāk tō thūn cak. Ku rienke aya yen awic yen ye bī kōc dhušk yeyōu. Ee mēt bī kōc rōt mat kek Jethu Krītho yen ē ŋōth bī kōc luōk ē rot pinyhom. Acī Paulo lēk kōc aya lōn piōc kēnē ē kōc cī gam cōl aa pīr pīr path.

Dēt lēu bī ŋic ē lōn nadē ke raan cōl Tikikuth yen yēth athör gen Kolothia rin Paulo aa cath kek raan cōl Onethimuth, alony yen cī Paulo athör gōt rienke tēnē Pilemon.

Kāk tō thūn

Mušt tuen 1:1-14

Dit ē Raan cī lōc ku dōc 1:15-23

Luoi Paulo ke cit alony tēnē akut kōc cī gam 1:24-2:5

Pīr yam Raan cī lōc ku dōc yic 2:6-4:6

Mušt ciēen 4:7-18

¹ Ee yēn Paulo cī Nhialic looi ba ya atuny Jethu raan cī lōc ku dōc, yēn agāt athör kēnē yōk wāmāath cī gam Timothī.

² Tēnē wek kōc cī Nhialic gam gen Kolothia, kōc buōth Raan cī lōc ku dōc. Bī Nhialic we gām athiēi ku dōr.

³ Nhialic Wun Bānyda Jethu raan cī lōc ku dōc, ayeku leec akōlakōl tē rōōk yōk rienkun.

⁴ Rin gamdun tēnē Raan cī lōc ku dōc Jethu, ku nhiērdun tēnē kōc ē Nhialic aa cuk piŋ.

⁵ Wāar bīi Wēt Puoth Yam tēnē we tuen, wek aa we cī kēn la yic ŋōth piŋ Ku ē yen atō gam ku nhiērdun thūn, kāk ŋāthkē ke aaci tōsu apath tēnē we pan Nhialic.

⁶ Wēt Puoth Yam athiēi bēēi akōlakōl ku athiēi pinyhom ēbēn, cimēn wāar looi yen rot kēya kamkun tēwāar piŋ wek dhēēŋ ē Nhialic ku dētkē yic tō thūn.

⁷ Wek aaci dhēēŋ Nhialic piŋ tēnē Epaprath raandan nhiarku lui ē pušu ēbēn tēnē Raan cī lōc ku dōc, ee rienkua.

⁸ Acī yō lēk nhiēr cī Wēi Nhialic gām we.

⁹ Wēt kēnē yen aye yōk ke rōōk rienkun tēwāar piŋ yōk we. Nhialic ayeku lōŋ bī we cōl anjic ye, ku ŋiēc ē kāj ēbēn wic Nhialic ku dēt ē wēl aya ye Wēi Nhialic ke gām kōc.

¹⁰ Ee kēya, ke week abāk lēu bāk pīr ē pīr yen wic Bānyda, ku kēnē ye cōl amit pušu yen abāk aa looi akōlakōl. Piērdun abī ya kāpath kek ye bēēi, ku ŋiēc ŋic wek Nhialic abī rot juak.

¹¹⁻¹² Bī Nhialic we looi bāk riel, riel bēn dhēēŋ ē Nhialic, ku bāk lēu bāk kājuēc aa gōōk ke we duut wepuōth. Ku yakē Wāda leec ke we mit puōth, yen cī we gām riel bāk la abaj kāk Nhialic wāar cī tōu kacke ruel Bānyde yic tēyer.

¹³ Acī yō luāk bei riel jōŋrac yic, ku bīi yō ē bāny Wēnden nhiēr yic,

¹⁴ yen cī yō wēer bei, ku pēl adumuōmkua piny.

Dit ē Raan cī lōc ku dōc

¹⁵ Raan cī lōc ku dōc yen ye tūŋ ke thōŋ ke Nhialic cie tūŋ. Yen ē kaaide, ku yen atō tuen kāk cī cak ēbēn nhīm.

¹⁶ Rin ē yen aci Nhialic kariēc ēbēn cak, kāk nhial ku piny, kāk ye tūŋ ku kāk cie tūŋ, aci atuuic nhial ku kārīl kāk cie tūŋ la rieldit cak. Nhialic aci nhial ku piny cak ē yeen ku kāk tō thūn ēbēn aa kākke.

¹⁷ Raan cī lōc ku dōc a rēer thūn ke kāj ēbēn kēc cak, ku ē rienke yen aye kēriēc ēbēn rēer nyiēnde.

¹⁸ Yen ē bēny kōc cī gam. Yen aye kek piērdun yōk thūn. Yen ē Wēndit tuen wāar cī jōt bei raj yic rin bī a yen tō tuen kariēc ēbēn.

¹⁹ Rin ē Nhialic yen aci ye tak ē rot bī Wēnde ciēt yen Nhialic guōp alanden.

²⁰ Rin Wēnde yen aci Nhialic looi bī kāk tō nhial ku piny aa dōr kek ye. Thon Wēnde tim cī rīiu kōu yen aci yō cōl adōr kek Nhialic Wun.

²¹ Thēer wek aa we mec ke Nhialic, ku wek aa we kōc aterde rin tēktēk rac ku kārēc ke yakē ke looi ku takkē ke.

²² Ku ēmēn, rin cī Wēnden wāar cī ya raan cimēnda thou rienkua ēbēn, Nhialic aci we cōl aaye māthke bī we bēēi bāk aa kōc la cōk cīn gup awuōc yenhom.

²³ Wek aa dhil la cōk ku muōkkē rōt ē dil yenhom. Ku duōkkē rōt cōl aben thēl wei ē ŋōthdun cak yōk Wēt Puoth Yam yic wāar cak piŋ. Ee rin ē Wēt Puoth Yam kēnē yen aci yēn ya alony, Wēt Puoth Yam kēnē cī ya lēk raan ēbēn pinyhom.

Luai Paulo ke cit alony tenē akut koc ci gam

²⁴ Ku emēn yen aci puṣu miet rin ci piöcdiēn cā cōl agum we kony. Gumdiēn mēc yen kēnē, ee rin ba dhōl ci Raan ci lōc ku dōc guum thīn, kuṁny bī thāāp ē rin akut koc ci gam ebēn cit guṣp Jethu.

²⁵ Ku ē Nhialic yen acā looi ba ya alony akut koc ci gam. Yen acā gām luai ril kēnē, ba looi rin piathdun. Yen ē luai wētde ebēn nyuṁṁth.

²⁶ Ku yen ē kē ci moony tēthēer yōn tenē raan ebēn, ku emēn aci jāl nyuṁṁth kacke.

²⁷ Kē ci Nhialic guir ē lōn bī kē ci moony nyuṁṁth tenē kacke, kāpiathke ku dhēējden ci moony muk rin koc ebēn. Ku kē ci moony ē lōn nadē ke Raan ci lōc ku dōc arēēr wegup, ku wētde yic wek aabī duaar Nhialic rōm kek ye.

²⁸ Kēya, Raan ci lōc ku dōc ayeku lēk raan ebēn. Yōk aa koc lēk ku nyuthku ke kuat kēriēc ebēn njicu ē rin buk raan ebēn bēēi Nhialic nhom, ke cit raan la cōk ci mat kek Raan ci lōc ku dōc.

²⁹ Rin bī kēnē rot jal dhīel looi kēya, yen a ya ci buṣc apēi ē riel wāar ci Raan ci lōc ku dōc gām ya, riel yen lui yaguṣp.

2

¹ Awiēc ku bāk njic yen buṣcdit buṣc yen ba luui apēi rienkun, ku koc gen Lodikia ku koc kōk ebēn kuc ya.

² Yen a ya lui kēlā rin ba ke deēt puṁth, ku bīk rōt nhiaar kamken ku rēēr kē ē tōk. Kēya, ka bī rōt aa deet ku njickē kēn ciēn path bēēi kamken. Ku ē dhēlē, yen abī kek kē ci Nhialic muṁny ke njic, ku yen ē Raan ci lōc ku dōc guṣp.

³ Ee yen ē rot, yen ē yō kony buk wēt ril kēnē deet yic, wēt ci Nhialic jal cōl anjic emēn.

⁴ Wek alēk kēnē, duṣkkē rōt cōl amēth nyin wēl bī we thel wei bāk la kērac yic, tē cōk ke aa piṁj ke cit yith.

⁵ Na cōk amēn cīi yen rēēr ke we, ke piāndiē arēēr ke we, yen ē puṣu miet tē piṁj yen we ke we kāāc ē cōk gamdun yic tenē Raan ci lōc ku dōc.

Pir la cōk Raan ci lōc ku dōc nhom

⁶ Cit lōn ci wek ye gam lōn ye Raan ci lōc ku dōc Jethu Bēny, rēēr kē ke we ci weyiic mat kek ye.

⁷ Calkē aye yen ē mēcidun ku piērdun, bāk riel apēi ē gamdun yic cimēn wāar ci we piṁṁc. Ku bāk la lēcdit apēi.

⁸ Tiēēr kē nhīim lōn nadē ke cīn raan ben we thel lēn yic ē kāk lueth ye raan lueel yenhom ē path, wēl jak pinyinhom ku ciēn thēer ku acie kāk Raan ci lōc ku dōc.

⁹ Yeen nhom ē Nhialic alanden agut wāar rēēr yen pinyinhom, ku yeen ē raan aya.

¹⁰ Ku week aaci gām pīr alanden rin ci wek mat kek ye, rin ē yen bēny mac atuuc nhial ku jak kōk la riel.

¹¹ Wāar ci wek mat kek Raan ci lōc ku dōc, aci we njoot ku acie njūt dhie ye looi koc gup, ee njūt Raan ci lōc ku dōc yen ye looi wēi yiic, njūt ē koc wēēr bei adumuṁṁm yic, adumuṁṁm ye raan looi rin tē ci ye cak thīn.

¹² Rin wāar ci we muṁṁc nhīim, wek aa we cit koc ci thiṁk raṁj yic kek Raan ci lōc ku dōc. Ku miṁc nhom aci we bēn gām pīr ē yam cit koc ci jōt bei raṁj yic kek Jethu. Rin ci wek riel ci Nhialic Jethu jōt bei raṁj yic gam.

¹³ Yōn thēer wēikun aake ci thou rin adumuṁṁmkun, rin wek aa we ye koc cie koc Itharel, alei kuc Nhialic ku lōṁjke. Ku Nhialic emēn aci we bēēi pīr path yic kek Raan ci lōc ku dōc. Nhialic acā adumuṁṁmkua yōdhie pāl piny.

¹⁴ Aci kājuēc cuk wuṁṁc ci gōt rienkua, kek lōōṁj juēc la yiic kāk cīi ke lēu bī ke muk nhīim wuṁṁny wei. Acit lōn ci Nhialic ke piāāt tim ci rīiu kōu kek Jethu.

¹⁵ Ku ē tim ci rīiu kēnē kōu yen aci Raan ci lōc ku dōc lāūu nhom yōk tenē jak la riel, aaci ke cōl abuṁth yecōk bī raan ebēn ke tīṁj cimēn raan ril ci koc ater dōm tōṁj yic. Ku jōl yai cam rin ci yen riel.

¹⁶ Kēya, duṣkkē raan dēt cōl aye yen we lēk miēth yakē cam, tēdē kē yakē dek ku lōṁj wil ē pēei, ku lōṁj akōl cīi koc Itharel ē luui, ku akōlō kōk.

¹⁷ Kek lōōṁkā acin kē yekē nyuṁṁth, aake jam kē bī rot looi kēn yen ē yic ē Raan ci lōc ku dōc.

¹⁸ Duṣkkē raan dēt pāl bī we muṁr bāk arīṁpdun cīi yōk tenē Jethu. Raan ye lueel ke yen apath tenē koc kōk. Raan rot yōk ciēt yen ye Nhialic nyuṁṁth kāṁj. Koc rōt nyuṁṁth ciēt ke ye koc path ku keek aaci path acin. Koc ye lueel bā atuuc nhial aa door.

¹⁹ Raan cit kēnē aci rot mēec wei tenē Raan ci lōc ku dōc yen mac akut koc ci gam. Akut koc ci gam acit guṣp Raan ci lōc ku dōc. Yeen amac akut ku ē diēer ē ye. Ku ē kāk tō thīn cōl alui ē tōk rin bī akut riel, ku le tuenj dhōl yen wīc Nhialic.

Thuṁu ku pīr kek Raan ci lōc ku dōc

²⁰ Wek aaci thou kek Raan ci lōc ku dōc, ku wek ci wēēr bei tenē jōṁrac pinyinhom. Yenō kē dēt ye wek pīr abāk ciēt koc pinyinhom ē tēn? Yenō ye wek lōōṁkā theek?

²¹ “Duṣkkē kēnē ye muk,” “Duṣkkē kēnē ye bil,” “Duṣkkē dēt ye gōt?”

²² Lōōṁkā ebēn aacin kē yōk thīn rin aa jam kāk guṁ thōk, aa lōōṁj raan ē path kek piṁṁcden.

²³ Anjic raan ebën lön kəc ke loi löönkä aacit kəc njic kån. Ku ë lueth ë path. Ee dhël ye kek kəc mac thün, bï kek käk cie Nhialic aa door. Ku yekë röt col aaye kəc path. Ku löönken aa la yiic käkjuéc ril. Ku kärilkä aacie raan ë kony bï raan kë wïc guäpde lëu bï duut.

3

¹ Rin cï Nhialic Raan cï lóc ku dəc jət thou yic, yen ë landun aya, aci we gäm pïr ë yam. Këya, yakë ke wïc käk cï täu we pan Nhialic, të cï Raan cï lóc ku dəc nyuc thün ë kõnj cuéc ë Nhialic.

² Lak tuenj ke we tak kääkä yiic ke cie käk pinynhom ë tën.

³ Ku wek ci thou ke Jethu ku wek aa pïr ke ye ë Nhialic yic.

⁴ Pïr ë yic ë lön bäk aa tók kek Raan cï lóc ku dəc, rin të ben yen la bën ke week aya wek aabi duaarde röm kek ye.

Pïr Thëer ku Pïr ë Yam

⁵ Pälkë kuat käreec ye guöp raan wïc pinynhom cimën wïc wïc ë diäär. Ku luoi rëec käk, ku tuil tiñ raan dët, ku käk kəc col ayär gup, ku dit ë pušu. (Rin dit pušu acit lön ye raan jak door.)

⁶ Rin ë kääkä, riäj pušu ë Nhialic abi bën tënë kəc cï yen ë theek.

⁷ Wek aa we ë luui ë käreckä wäär kuc wek Nhialic, ku piërdun ëcï luoi ë kääkä rum.

⁸ Ku emën wek aa dhil luoi kääkä puöl, riääk ë pušu, ku kuith ku lumlum aa dhil ke puöl.

⁹ Duökkë röt ë jääm ë lueth, rin cï wek ciëenj theer puöl,

¹⁰ ku njek ë kamkun emën aci ya raan ë yam. Ku Nhialic aloi we bäk aa ciët yeen raan ë cak we, ku abäk jäl njic apath.

¹¹ Ku ë këya, Raan cï lóc ku dəc ë kəc ebën nhiaar kəc cie kəc Itharel ku kəc Itharel. Kəc cï njoot ku kəc këc ë njoot, kek kəc ye njoot, kəc cï kajuéc njic, raan kuat nhiaar tøj. Aloony ku kəc cie aloony, rin Raan cï lóc ku dəc yen ë këriëcc ebën, ku arëer kån yiic ebën.

¹² Wek aa kəc kam kəc akut nhieer Nhialic, ku aci we kuñy bei bäk aa kakke, wek aa dhil röt nyuwoth we ye kəc path la puöth, yerké puöth ku lierkë puöth ku yakë gum.

¹³ Yakë njic rëer ku yakë röt päl piny të le yen raan cï luoi kërac, tédë ke menhkui yen cï luoi awuöc. Yakë röt päl piny kamkun cimën ye Bëny kærackun päl piny.

¹⁴ Ku käk puöthkä ebën, matkë nhier thün, nhier yen kån mat yiic ku cok ke piny.

¹⁵ Döör yen ye Raan cï lóc ku dəc gäm we, yen ë we cok nhüim täktäkdun yic, rin döör yen aci Nhialic we caal akut kəc cï gam yic ebën rin bäk aa leec.

¹⁶ Wët Raan cï lóc ku dəc adhil rëer wepuöth apath, tatkë wët këné yic tënë kəc ebën, ku tatkë yic apath kamkun aya dhël la cok. Ketkë waak puöth Nhialic, waak alëec ye ke Nhialic door. Kietkë waak tënë Nhialic kek alëec Nhialic wepuöth.

¹⁷ Kuat käk yakë ke looi ebën, ku luëlkë ke, aa dhiëlkë ke looi këya rin Bányda Jethu, yen aye wek alëec yiëk Nhialic Wäda ë dhölde.

Bï raan rot muk këdë Pïr Yam yic

¹⁸ Wek diäär piënkë wël ye rözrkun lëk we, ku dhiëlkë looi këya rin ye wek kəc ë Bëny.

¹⁹ Wek röör aya, wek aa dhil diäärkun nhiaar ku duökkë ke ye kuöc ciëenj.

²⁰ Wek müth, wek aa dhil kəc ke dhiëth we aa theek aköläköl, rin yen ë Nhialic col amit puöu.

²¹ Wek kəc we dhiëth müth, duökkë ke ye nyieeny ë path, tédë ka bï dhör ë we.

²² Wek aloony, wek aa dhil kackun muk we theek ë kuat kajuéc yiic ebën. Ku acie nadë ke daai ë we, ke we lui tënë ke ku bäk alëec yök thün, acie këya, yakë luui puön cïn yic tieel rin theek wek Nhialic.

²³ Kuat käk yakë ke looi ebën, luoiëkë ke piändun ebën, cit ke luoiëkë ke Nhialic, ku acie raan yen luoiëkë ke.

²⁴ Dhiëlkë muk wenhüim lön Nhialic abi week gäm këpuöth cï täu kakke, rin Raan cï lóc ku dəc yen ë raan yakë luösi.

²⁵ Kuat raan cï kërac looi abi tëm awuöc rin käreec ye looi, rin Nhialic ë raan gäm awuöc thöj kek kë cï looi, tédë ye këpath aye kërac.

4

¹ Wek kəc ye luösi, dhiëlkë la cok apath tënë aluöonykun. Muökkë wenhüim lön wek aa la Bënydun mac we pan Nhialic aya.

Lëk

² Yakë dhiel röök aköläköl, dhiëlkë wepuöth aa tääu thün ke we lec Nhialic.

³ Yakë röök ë rienkua aya rin bï Nhialic col apuöl yic, ba Wët Puöth Yam rin Raan cï lóc ku dəc ë kuc theer a piöcc. Rin wët këné yen amec yen.

⁴ Röökkë, ba ya jam apëi dhël bï wët këné col adet yic apath.

⁵ Njiekë kån aa looi tënë kəc kuc wët Nhialic, ku lëkkë ke apath, kuat të cï wek röm thün ke ke.

⁶ Käk yakë luel aa dhil aa käk ye kəc kepuöth tääu thün, ku nhiarkë ke bïk ke pinj. Ku këya abäk njic yen të bï wek wël aa dhuök nhüim thün tënë kuat raan we thiëcc.

Muöth Ciëen

⁷Wämääth nhiaar cöl Tikikuth, raan la cök lui ke yo rin Bänyda, abī we lēk kuať kāk cī röt looi tēnē ya ēbēn.

⁸Ku yen ē wēt tuc yen ye we, rin bī we la deet puōth, ku lēk we kuať kāk loi röt tēnē yo aya.

⁹Yeen ala kek Onethimuth, wämääthdan la cök, ku yen ē raan akuōtdun. Ku keek aabi we lēk tē ciēñ yok thīn ē tēn.

¹⁰Arithtarkuth cī mac ke yen ē tēn ē we muōōth aya, ku Marko wēn mēnh ē Barnaba. (Wek aca lēk theer bāk Marko lor tē le yen yet tēnē we.)

¹¹Jocua, ku aye cöl Juthtuth aya, ee we muōōth. Keek kadiäk aa kek kōc Itharel cī gam kepēc lui kek yen rin wēt bāāny Nhialic, ku keek aacä kuony apeidit.

¹²Eparath ē we muōōth ku yen ē raan akuōtdun, ku ye raan lui tēnē Raan cī lōc ku dōc Jethu. Yeen ē rōōk rienkun akōlakōl ē piānde ēbēn, ke thiēc Nhialic bī we cöl aril puōth gamdun yic ke we njic kē wic Nhialic.

¹³Alēu ba lēk we apeī yen tē cī yen luui thīn rienkun bī Nhialic we kony, ku kōc gen Lodikia ku Yērapolith aya.

¹⁴Luka, akīmdan nhiarku apeī ku Demath aa we tuōc miāthden aya.

¹⁵Lēkkē miēthakāi rēēr Lodikia ku Nimpa ku akut kōc cī gam ē mat paande lōn aa yake muōōth apeidit.

¹⁶Tē cī wek athōr kēnē kueen, ke dhiełkē kuēn akut kōc cī gam rēēr Lodikia. Ku wek aa dhil athōr ca tuōc miēthakāi rēēr Lodikia kueen aya.

¹⁷Ku lēkkē Arkiputh elā, “Dhiel njic ba luoi ē Bēny wāār cī gām yi ba looi, dhieł thōl.”

¹⁸Ee ciēendiē ayic yen agāt yen muōth kēnē tēnē we, duōkkē nhīm mār wēt rēēr yen lōc. Bī dhēēñ ē Nhialic rēēr ke we.

Athör tueŋ cī Paulo gät kɔc cī gam Thethalonika Wēt nom

Thethalonika ē ye gendit pan Mathedonia mɛc kɔc Roma. Ee yen cī Paulo akut kɔc cī gam looi thīn wäär cī yen ke jāl Pilipi. Kaam thīn wäär cī ke akut looi, ke kɔc Itharel go tiɛɛl dɔm ku kueeckē, rin cī kek ye tūŋ ke kɔc cie kɔc Itharel wäär thek yanhdn cī yanhdn pušl, ku pinjē wēt ye Paulo piššc ku buothkē yic. Kēya, aaci Paulo bēn cop bī jāl Thethalonika ku le tueŋ gen Beria. Wäär cī Paulo dhuk pan Giriik gen Korinth, go Timothī wäär cī keny Thethalonika, lēk ye tē rēer kɔc cī gam Thethalonika thīn.

Ku jāl Paulo athör tueŋ kēnē gōt bī yen kɔc cī gam dɛet pušth. Ku leec Nhialic rin cī yen ke pinj ke rēer gamden yic ku nhiarkē rōt kamken, ku bī ke cal aa tak tēwäär ciēŋ kek thīn ke ke, ku bī thiēcdn cik bēēi nhial dhuk nom wēt bī Raan cī lɔc ku dɔc bēn la dhuk pinynhom. Yenō bī rot looi tēnē kɔc cī gam cī thou ē kaam kēnē tē le Jethu dhuk? Ku ye nen yen bī Raan cī lɔc ku dɔc bēn dhuk? Ku lēk Paulo ke bīk la tueŋ ke lui apath ke tit bēn Raan cī lɔc ku dɔc.

Kāk tō thīn

Muōth tueŋ 1:1

Alec 1:2-3;13

Lēk ē ciēŋ kɔc cī gam 4:1-12

Lēk wēt bēn Raan cī lɔc ku dɔc 4:13-5:11

Lēk ciēēn 5:12-22

Thōk ē wēl ku muōth ciēēn 5:23-28

¹ Athör kēnē aa yok yī Paulo ku Thilath ku jāl a Timothī aa yok cī ye tušc we, wek akut kɔc cī gam gen Thethalonika, ku yakē kɔc Nhialic Wāda, ku jāl a Bānyda Jethu raan cī lɔc ku dɔc. Bī dhēēŋ ku dōšr rēer ke we.

Pir ku gam kɔc Thethalonika

² Yok aa Nhialic leec rienkun ēbēn akōlakōl tē rōök yok.

³ Wek aa yeku tak akōlakōl tē rōök yok Nhialic Wāda rin luōidun bēn gam yic, ku week aaci luui apei rin nhiēer wek Jethu Kriho, ku rielkē pušth rin nōšth wek ye.

⁴ Anjicku miēthakua lōn nhiēer Nhialic we, ku aci we lɔc ku bāk aa kacke.

⁵ Rin yok aaci Wēt Puoth Yam bēēi tēnē we, acie wēt ē path, ee cath kek riel ku Wēi Nhialic ye nyuōath lōn ē yen yic alanden athēer. Anjickē yen tē cī yok ciēŋ thīn wäär rēer yok ke we, ee rin ku buk we kony.

⁶ Wek aaci rōt thōŋ yo ku Bānyda, rin na cak alōn cī wek gum apei, ke wek aaci wēt pinj ke miēt ē pušu bō tēnē Wēi ē Nhialic.

⁷ Ku kēya, tē cī wek ciēŋ thīn yen aci kɔc cī gam Mathedonia ku Akaya tūŋ.

⁸ Ku acie rin cī wek wēt Bānyda Jethu piššc tēnē kɔc Mathedonia ku Akaya ē rot, gamdun tēnē Nhialic aci kɔc pinynhom njic ēbēn. Ku acin kē lēuku buk bēn lueel.

⁹ Rin aa jam lōn cī wek yo njic nyuōšc wäär cī yok keny tēnē we, ku kē cī wek mušl thīn bāk jak cī ben aa theek, ku ye Nhialic ē yic pir yetōk yen yakē door.

¹⁰ Ku bāk Wēnde yen bī bēn pan Nhialic tiit, Wēnde Jethu yen cī jot thou yic, ku ē yen abī yo lušc tē luk Nhialic luk rin cī yen ke pušu riāak apei rin adiuuššmkua.

2

Kāk cī Paulo looi Thethalonika

¹ Miēthakua, anjickē kek week lōn kenyda tēnē we akēc nom tɛec piny.

² Anjickē yen tē cī yo lāat thīn, ku jōr yo Pilipi ke yo kēc yet tēnē we. Ku na cak alōn wäär cī kɔc juēc ye wic, ke Nhialic aci yo bēn dɛet pušth buk we lēk Wēt Puoth Yam bō tēnē ye.

³ Wäär ye yok we lēk Wēt Puoth Yam, wek aa we cuk ē lēk lueth, tēdē ke yo ye jam rin le yen kē buk yōk thīn, ku acin raan cuk wic ku buk ruēēny.

⁴ Kēya, aa yeku them buk aa jam tēcit tē wic Nhialic ye thīn rin cī yen yo lɔc, ku thōn yo luoi bī yok Wēt Puoth Yam aa piššc. Aa kēcku them ku buk aa looi kēn kɔc miēēt pušth, ee kēn wic Nhialic raan kē tō kɔc pušth njic.

⁵ Anjickē apath lōn yok aa kēc bēn buk we bēn wel nhiim wēl puoth yeku ke lueel, ku aa kēcku ke lueel buk rōt kum ē ke, bī la kē yōk tēnē we. Nhialic anjic kē tō yōpušth.

⁶ Akēcku wic ku bī la raan lec yo ē kamkun ku kɔc kāk,

⁷ ku cit lōn ye yok atuuc Raan cī lɔc ku dɔc, ee la kēn buk aa wic tēnē we. Wek aa we nhiarku, ku rēerku ke we cimēn ye man miēthke muk.

⁸ Rin nhiēer yok we apei acie Wēt Puoth Yam yen wicku buk lēk we ē rot, aa cuk gam buk thou rienkun aya. Wek aa we nhiarku apeidit.

⁹ Yeen adhielkē muk wenhiim wek miēthakua tē cī yok luui thīn apei. Yok aaci luui akōl ku wēer, rin ku bī ciēn kē yeku thiēec tēnē we tēwäär ye yok we piššc Wēt Puoth Yam ē Nhialic.

¹⁰ Wek aa njic kāk cuk looi, agut Nhialic anjic aya lōn yok aaci njic ceŋ kek wek kɔc cī gam, ku wek aa cuk ciēēŋ ē dhēl dhēēŋ la cōk cīn yic agāak.

¹¹ Anjickē yen tē cī yok we ciēēŋ thīn, acit tē ye raan ē dhiēth miēthke ciēēŋ thīn.

¹² Wek aa cuk cōl aril pušth, ku wek aa cuk nyuōšc pušth, ku lok tueŋ ke lēcku we

ku bāk pīr dhēl yen Nhialic cōl amit pušu, Nhialic yen we cōl ku bāk rōt mat bāānyde ku duarde yic.

¹³ Ku ala wēt dēt ye yok Nhialic leec akōlakōl. Wāār bīi yok wēt Nhialic tēnē we, aa cāk piŋ ku gamkē, ke ye wēt bō tēnē Nhialic, acie kē bō tēnē raan. Ku wēt Nhialic alui wepušt ke war piērdun yic wek kōc cī gam.

¹⁴ Miēthakua, kāk cī rōt looi tēnē we aa cīt kāk cī rōt looi tēnē akut kōc cī wēt Jethu Kritho gam Judia. Wek aaci kārec yok tēnē kackun cimēn wāār cī kōc cī gam Judia kārec yok tēnē kōc Itharel,

¹⁵ cī kōc kōk keyiic kōc kāk Nhialic tiŋ nōk, ku ben kōc kōk keyiic Bēny Jethu nōk. Ku kōcken kōk aaci yo cōl agum. Keek aaci Nhialic rac pušu apei. Keek aa kōc ater tēnē kōc ēbēn.

¹⁶ Acik them bik yo aa gēl buk kōc cie kōc Itharel lēk wēt bi ke lušk. Kēya, keek aacā adumušm yekē ke looi akōlakōl thōl thook. Ku ēmēn Nhialic aci pušu riāāk tēnē ke ku aabi tēm awušc.

Awi Paulo bi kōc Thethalonika ben la neem

¹⁷ Ku yok miēthakāi, tēwāār cī yo pušk yiic ē kaam koor, aa guāpkua kek aake cī jāl, ku wek aa we yeku tak tē cī yok we dak thiŋ, ku acuk them apei ku buk we ben tiŋ.

¹⁸ Acuk wic ku buk dhuk tēnē we. Yen nom aca them arak juēc ku ba dhuk, ku jōŋ ater ē Nhialic akēc yo pušl ku buk dhuk.

¹⁹ Cie week ē rōt wek ē nōth, ku miēt ē pušu. Ku cie wek ajōmdan bi yok nham Bānyda Jethu nom tē le yen dhuk?

²⁰ Wek aa diik ku miēt ē piānda.

3

Timothī aci la Thethalonika

¹ Acuk jāl yok lōn nadē, ke kē cīi yok we bi ben tiŋ, acuk ben guum. Ke yeen acuk tak buk dōŋ Athen warou,

² ku Timothī acuk tooc bi la tēnē we, ku ē wāmāathdan lui kek yo ē tōk tēnē Nhialic yok kōc kōc lēk Wēt Pušt Yam, rin Raan cī lōc ku dōc. Yen acuk tooc ku bi we la cōl aril pušt ku bi we kony gamdun yic,

³ rin ku bi ciēn raan tōk ē kamkun bi yenhom ben waar wēt guum wek. Week nhim anjēckē lōn gušm ē kē tōōŋ tō kam kāk cī Nhialic guiir tēnē yo.

⁴ Cimēn wāār jōŋ rēer yok ke we, acuk lēk we tuēŋ lōn yok yodhie yok aabi gum, ku yeen anjēckē apei, yen ē kē cī rot looi alanden.

⁵ Ku ē yen kē tooc yen Timothī. Yen acā lēu ku ba guum acin, ke yen aci yen ye tooc bi gamdun la tiŋ. Aduēr ayic alanden lōn nadē

ke jōŋrac aci we lōk ruēēny, ku luōidan cuk looi aci riāāk.

⁶ Ēmēn Timothī aci dhuk ciēn, ku yeen aci thoŋ path cī yo miēt pušt bēi lōn wek anjōt we muk gamdun ku nhiarkē rōt. Aci lēk yo lōn ye wek yo tak akōlakōl, ku awiēckē bāk yo ben tiŋ cimēn wic yok ye buk we la tiŋ.

⁷ Kēya, kārec gumku ke yiic, yok aaci gamdun dēt pušt miēthakua,

⁸ rin cī yok ye piŋ ēmēn lōn kēēc wek ē cōk gam yic, gam yo gām pīr yam.

⁹ Buk Nhialic leec apei kēdē rienkun, rin miēt pušu rēer ke yo Nhialic nom ē wēt dun?

¹⁰ Akōl ku wēer, Nhialic ayeku thiēc yopušt ēbēn ku buk we la tiŋ ku nyuthku we kē ŋuot kēckē ŋic gamdun yic.

¹¹ Bi Nhialic yen Wāda nom ku Bēnydan dīt Jethu dhēl guiir tēnē yo ku buk la tēnē we.

¹² Bi Bānyda nhiēr juak kamkun ku kōc kōk aya apei, cimēn nhiēr yok we.

¹³ Bi we cōl aril pušt, ku wek aabi ya kōc cīn gup adumušm Nhialic Wāda nom, tē le Bānyda Jethu bēn kek kōc ē kacke ēbēn.

4

Pīr Nhialic cōl amit pušu

¹ Kēya miēthakua, wek aa cuk lēk tē bi wek ŋiēc cien thiŋ bi Nhialic pušu miēt. Ku ē yen tē piŋr wek thiŋ alanden. Ku ēmēn wek aa yeku lōŋ ku yōōkku we rin Bānyda Jethu, bāk ciēŋ kēnē cuot tuēŋ.

² Wek aa ŋic kē cuk lēk we ē riel cuk yok tēnē Bēny Jethu.

³ Wek aa wic Nhialic bāk dhiel aa kōc path, ku cāk wepušt ye yiēk kāk ē bal.

⁴ Ŋek adhil yegušp tiit bi cien dhēl pušt Nhialic kek athēk,

⁵ ku cīi yepušu yik kāk ē bal cimēn raan cīn gam tēnē Nhialic.

⁶ Ku ē kēnē yic, acin raan loi kērac tēnē mēnhē dēt cī gam. Wek acuk lēk ē wēt kēnē, ku acuk tēt we aya lōn bi Nhialic kōc kārec kāk looi tēm awušc.

⁷ Acīi Nhialic wic buk yopušt aa yiēk kāk ē bal. Awi buk cien yo cīn gup adumušm.

⁸ Kēya, raan kucēc bi wēl cuk lēk week kāk cī piŋ, acie wēt da yen cī piŋ, ee wēt Nhialic, Nhialic we yiēk wēi.

⁹ Acin kēnē nadē ke benku lueel athōr kēnē yic bāk kōc kōk cī wēt Jethu gam nhiaar. Rin Nhialic gušp aci we pišc tē bi wek rōt aa nhiaar thiŋ kamkun.

¹⁰ Ku ē yic, wek aa nhiaar miēthakun Mathedonia yic ēbēn. Ku anjōt lēkku we, bāk nhiērdun juak yic.

¹¹ Tāāukē wenhiim ku bāk cien apath, bāk cī ē cien guēnyguēny, ku raan ē rot muk apath kam kōc ē kōŋde cimēn wāār cī yok ye lēk we.

¹² Na luoi kē ē kēnē ke wek aabi kōc kōk kēc wēt Jethu gam nhiaar ku thekkē we. Luoi kē rōt bī ciēn kē yakē wīc tēnē kōc kōk.

Akōl bēn ē Bēny

¹³ Miēthakua, awīcku bāk yic njic rin kōc cī thou ē kamkun, ku bāk cīi dhiau wepuōth cīmēn kōc kōk cīnkē yekē njōstth.

¹⁴ Ayeku gam lōn ci Jethu thou ku aci bēn pīr. Kēya, ŷook aya, ayeku gam lōn Nhialic abi kōc ke ci wēt Jethu gam ku thoukē, cōl aa bēn pīr ku dhukkē kek ye.

¹⁵ Kēn yen lēkku we ēmēn, ee kē cī Bēny piōcc tēnē ŷok kōc bī njot ŷo pīr. Akōl bī Bēny bēn, ŷok aaciū bī la tuēn tēnē kōc cī kanj thou.

¹⁶ Kōc ēbēn aabi rōl atunydit Nhialic piñ, ke koth kanj ē Nhialic lēk kōc, ku Bēny guōp abi bēn piny nhial. Ku kōc cī thou ke ci wēt Raan ci lōc ku đac gam, kek aabi kanj pīr.

¹⁷ Ku ŷok kōc bī njot ŷo pīr akōl kēnē, ŷok aabi kuōst yiic ke ke, ku ŷēth ŷo luāt yiic buk rōm kek Bēny aliir yic nhial, ku ŷok aabi rēēr ke Jethu akōlakōl.

¹⁸ Kēya, đeetkē wepuōth ē wēlkā.

5

Guierkē rōt ē rin bēn Bēny

¹ Acin kēn nadē ke bēnku lueel athōr kēnē yic buk akōl bī kākā rōt looi lēk we.

² Anjiekē kek we lōn Bēny abi bēn ke cīi njic, cīmēn dhie ye cuār bēn wakōu ke cīi njic.

³ Tē lueel ye ēlā, “Kēriēēc ēbēn apath acin kērac,” ke kēreec bī kōc gam thīn abi dhiel bēn ke cīn raan ye tak lōn bī yen rot looi cīmēn tiñ dhie rōp rem apeī. Ku acin kōc bī poth ē kēreec kēnē yic.

⁴ Ku wek miēthakāi, wek aaciū cīt kōc rēēr muōstth yic, rin wek aa njic Nhialic. Kēya, akōl kēnē aciū bī la ciel wegup cīmēn cuār ke kuōckē.

⁵ Week ēbēn, wek aa rēēr ruel yic rin njic wek Jethu. ŷok aaciū cīt kōc rēēr muōstth yic kuc Nhialic.

⁶ Na ye kēya, ke ŷok aaciū nin cīmēn kōc kōk, ŷok aa dhil nhūim tīr ku dukku ye wīeet māū.

⁷ Ee wakōu yen aye kōc nin, ku yen đēk kek thīn māū apeī.

⁸ Ku ŷok aa kōc ruel. Kēya, tīrku nhūim ku titku rōt ē gamda ku nhīērda bī jōnjrac ŷo cīi duōñ. Ku cōlku njōth rēēr ke ŷo lōn bī Jethu ŷo luōk, aye kōt.

⁹ Rin Nhialic akēc ŷo lōc ē tēn rin bī yen ŷo tēm awuōc akōl luñdit, aci looi kēya, bī ŷo luōk dhēl Bānyda Jethu Krītho.

¹⁰ Acī thou riēnkua rin bī ŷok pīr ŷodhie kek ye akōldā, tē pīr ŷok ayī tē cī ŷok thou.

¹¹ Yakē wepuōth đeet, ku kuōnykē rōt kamkun, cīmēn looi wek ye ēmēn.

Lēk ciēn ku muōstth

¹² Wek aa lēnku miēthakua ku bāk kōcdit wat wenhīim gam Bānyda yic, kōc luikā apeī kamkun theek, kōc we nyuōstth kē bāk looi pīr kōc cī gam yic.

¹³ Njiekē kōc ciēēñ apeidit ku nhiarkē ke rin kápwoth yekē ke looi. Ku njiekē ceñ kamkun.

¹⁴ Week aa ŷōōkku miēthakua, bāk kōc aa dak rōōt cie luui lēk, ku riēlkē kōc riōc gup nyīn, ku kuōnykē kōc wīc kuōny, ku yakē raan ēbēn jāām ke we cī wepuōstth pāl piny.

¹⁵ Dhīelkē njic lōn acin raan guur kērac kēreec đēt, ku yakē wīc wepuōstth bī ya kēpath yen yakē looi kamkun ku kōc ēbēn akōlakōl.

¹⁶ Yakē rēēr we mit puōstth akōlakōl,

¹⁷ ku yakē rēēr we rōōk,

¹⁸ yakē Nhialic leec, kuat kēriēēc rot looi tēnē we. Kēnē, yen awīc Nhialic tēnē we piērdun yic, ke we ye kōc cī mat kek Raan cī lōc ku đac, Jethu.

¹⁹ Duk Wēi Nhialic gēl nom.

²⁰ Ku duk wēl kōc ye lueel lōn ye kek kāk Nhialic tiñ, ye ŷōōñ yiic.

²¹ Kanjē deet yic, muōkkē wenhīim kēpath,

²² ku duōkkē rōt ye thiāk kuat kērac.

²³ Bī Nhialic ē ŷo yiēk đōōr, we looi bāk aa kōc path kēriēēc ēbēn yic, ku muk wēikun ku guāpkun ke cīn yic ajuēēc akōl bīi Bānyda Jethu Krītho.

²⁴ Ku yen raan we cōl ala gam ku abi looi.

²⁵ Rōōkkē aya riēnkua miēthakua.

²⁶ Miāthkē kōc cī gam puōu ēbēn.

²⁷ Wek aa ŷōōk rin Bānyda, bāk athōr kēnē kuen tēnē kōc cī gam ēbēn.

²⁸ Bī dhēēñ Bānyda Jethu Krītho rēēr ke we.

Athör ë rou cï Paulo gät kôc cï gam Thethalonika Wët nom

Athör tuer yic tënë akut kôc cï gam Thethalonika, êci Paulo gät lôn Raan cï loc ku dac abî ben dhuk pinyhom. Kënë êci kôc kôk liäp nhïim Thethalonika. Ku athörden yic tënë kôc Thethalonika aya, Paulo ë jam lôn aköl bi Bëny bën aci thiök. Rin ë wët kënë, kôc kôk aake cï kôsc ë luoi, ku rëerkë ë path ke tit bën Jethu raan cï loc ku dac. Ku Paulo ë wët kënë cök piny ku nyooth, lôn tuer ke Raan cï loc ku dac kéc dhuk, ke raan col "Raan Rac" apeî abî tuöl ku yeen abî yet nhial apeî luoi käreç.

Ku Paulo atuny Jethu, ee kôc cï gam leec rin gamden looi kek luoi pîr akölrîëëc ëbën, cök alôn rëer kek ke gum ke liëp kenhïim ëmën. Aaye dëst puöth bik kôsc ë cök ku buöthkë teden yen luui thïn yic, ku lek tuer ke loi kâpath.

Käk tã thïn

Muöth tuerj 1:1-2

Paulo adeet kôc cï gam puöth 1:3-12

Käk bi röt dhïel looi ke Jethu kéc dhuk 2:1-12

Kôc cï gam aa dhil kôsc ë cök 2:13-17

Röskkë rienkua 3:1-5

Kôc aa dhil luui 3:6-15

Muöth ciëen 3:16-18

¹ Yën Paulo ku Thilath ku jol a Timothï aa yok cï we tuöc athör wek akut kôc cï gam gen Thethalonika, ku yakë kôc Nhialic Wäda ku Bänyda Jethu Kritho.

² Bi Nhialic Wäda ku jol a Bänyda Jethu Kritho we yiëk dhëej ku döör.

Paulo adeet kôc cï gam puöth

³ Miëthakäi yok aa Nhialic dhïel leec akölaköl ë rienkun. Ku ë yic buk looi këya, rin gamdun ë rot juak akölaköl ku nhïer kamkun ë rot juak aya.

⁴ Ku ë yen rin ye yok jam ke yo nhiam ë rienkun akout kôc cï gam nhïim. Yok aa nhiam wët rëer wek ke we gum ku gamkë wët Nhialic, cök alôn ye wek rëer ke we jör.

⁵ Ku Nhialic aci jöör kënë looi bi yen tã le yen cök thïn nyuöth. Rin abî we looi bäk aa kôc bi mat bäandyde yic, rin bäandyde yen aguum wek.

⁶ Ku Nhialic abî kë la cök looi, rin abî kôc kek we jöör col aa gum aya.

⁷ Ku yen abî käk gumku nyaai tënë yo ku wek kôc gum ëmën, ku lok tën lön yodhie. Kënë abî rot looi tã le Bëny Jethu bën piny nhial kek rieldit apeî kek atuucken nhial.

⁸ Të bi Jethu, mac abî dëp, ku kôc cï jai wët Nhialic abî tëm awuöc, kek kôc cï jai bik cï pîr Wët Puöth Yam ë Jethu Bänyda.

⁹ Keek aabi tëm awuöc bi kek gum akölrîëëc ëbën, ku keek aabi gël wei tënë Bänyda Jethu, ku kâkken dit puöth bi ya käk kôc göi, yiic.

¹⁰ Të bi yen aköldä, ke yeen abî gäm alëçdüt apeî rin kë cï looi rin kacke. Ku kôc cï gam aabi gäi ku dorkë rin riel tã kek ye.

¹¹ Ku ë yen kë ye yok röök akölaköl rienkun. Yok aa Nhialicda thiëëc bi we bëei pîr cï yen we caal thïn yic, ku bi we tîj ke lëukë bäk met ë pîr kënë yic. Nhialic abî we yiëk riel ku bäk kâpuoth wiëckë bäk ke looi, aa looi. Ku bäk käk wiëc bäk ke looi aa looi dhël la cök rin cï wek Jethu gam.

¹² Të looi wek ë kënë ke wek abî Bänyda Jethu col aye leec, ku abî we col aye theek. Kënë abî rot looi rin dhëej Nhialicda ku Bänyda Jethu Kritho.

2

Käk bi rot dhïel looi ke Jethu kéc dhuk

¹ Miëthakäi, calkë röt aa benku lëk bën Bänyda Jethu Kritho, ku tã bi yok yonhïim mat thïn ku rëerku kek ye.

² Duökkë röt col aa liëp nhïim ku riääkkë puöth wël ye ke lueel lôn cï Bänyda Jethu bën. Tëdë alëukë bik lueel lôn cï Wëi Nhialic yo nyuöth ë kënë, tãdë ayekë lueel lôn cï yok kënë piösc tënë kôc, tãdë lôn cï yok ye göt ku tucku ke.

³ Duökkë röt col awëj nyin kuat dhöl yiic ëbën, rin aköl bi Bänyda bën ajuot, yet aköl bi kôc juëc keyiic jâl mat ku kueeckë wët Nhialic, ku Raan Rac, raan lööj dhöl yiic ëmën abî tic, raan ye pan mac këde.

⁴ Yeen abî jai kuat kë ye door ëbën, ku yeen abî rot tääu tuerj këriëëc ëbën nom ke ye door ke cït Nhialic. Abî rot yäth tuerj ku dhël Nhialic ku rëç käk ye Nhialic door ëbën. Ku yëth rot nhial ku tëu rot ciel luaj Nhialic.

⁵ Cäk kâkkä ye tak lôn cï yen ke lëk we wäär rëer yen ke we?

⁶ Ku ëmën anjickë alanden yen kë gël Raan Rac, raan lööj dhöl yiic bi cï bö. Ku yeen abî nyuöth tã le tãde bën.

⁷ Ku rielden ye kek kuc lööj ëbën alui piiny, ku yeen abî luui piiny këya yet tã bi raan ye gël nyaai.

⁸ Tëen ke Raan Rac, raan lööj dhöl yiic ëbën abî tic. Ku tã le Jethu Bänyda bën ka bi nök aliir thok ë path ku mër piny ë ruelde.

⁹ Raan lööj dhöl yiic abî bën ke riel jorjac. Ku abî käk cie yith ya looi, käk ruëeny ye tã ye luoi ke kôc göi.

¹⁰ Ku looi kuat kāk ye ke kōc ruēeny ēbēn tēnē kōc bī mää. Keek aabi mää rin cī kek kuc bīk yic cīi nhiar rin bī ke lušk.

¹¹ Ku aabi Nhialic looi bī ke ruēeny apaidīt bī ya kē cie yic yen yekē gam ē rot.

¹² Ku kē bī rot looi akīn, kuat raan kēc yic gam ku ye pušu miet luoi adumušm yic, abi lušk wei.

Kōc cī gam aa dhil kōc ē cōk

¹³ Miēthakāi, wek aa kōc nhiēr Bēny. Yok aabi Nhialic aa leec ē rienkun akōlakōl rin wek aaci Nhialic loē bāk tō kam kōc tuej bī kaŋ lušk yiic. Wek aaye lušk dhēl Wēi Nhialic we looi bāk aa kōc path, ku rin ye wek wēt yic gam.

¹⁴ Nhialic aci we cōl ē dhēl Wēt Puōth Yam yen yeku lēk we. Yeen aci we cōl ku bāk diik Bānyda Jethu Krītho rōm kek ye.

¹⁵ Kēya, miēthakāi duškkē wenhūim war, lak tuej ke we muk yic cuk pišc tēnē we wäär rēer yok ke we, tēdē ke cuk gōt athōr cuk tušc ye yic.

¹⁶ Nhialic Wāda anhiar yo, ku ē yo nyuŋth lier piānde. Ku ē yen cīi yen ye kōc deet yen yo deet puōth, ku cōl aŋicku lōn bī yok la pan Nhialic. Yok aa rōōk bī Nhialic kek Bānyda nhom, Jethu Krītho,

¹⁷ week deet puōth ku gēm we riel bī wek aa luui kāpath. Ku lēukē bāk kāpath aa luelē akōlakōl.

3

Rōškkē rienkua

¹ Ēmēn, tē jōl wētdiē wīik, wek aa yōšk miēthakāi bāk rōōk rienkua, rin bī wēt Bānyda lac thiēi piny ke diēekde cimēn cī yen rot looi kēya kamkun.

² Rōškkē aya bī Nhialic yo kony tēnē kōc rēc, rin acie raan ēbēn yen wēt gam.

³ Ku Bēny ē kē ye luelē tiēeŋ nhom, ku abi we deet puōth ku abi jōŋrac gēl bī ciēn kēreec lui we.

⁴ Ku Bēny yen ē ye cōl aŋicku alanden lōn looi wek kē yeku lēk we, ku lōn bī wek la tuej ke lušikē kēya.

⁵ Yēn ē rōōk bī Bēny we cōl aŋic nhiēr Nhialic apaidīt. Ku yīk we riel pušu cimēn riel piānde yen Krītho.

Kōc aa dhil luui

⁶ Miēthakāi, wek aa lēkku riel cī Bānyda Jethu Krītho gām yo bāk rōt mēec wei tēnē miēthakāi aa dak rōōt cie luui, cie kāk cuk lēk ke ye looi.

⁷ Week aŋieckē yen tē dhil wek yo kiēēt thīn, rin yok aa yo cie rōt ē dak wäär rēer yok ke ē tōk.

⁸ Acīn kēnē raan cuk kaŋ lōōm ke kēcku yōc, yok aa yo ye luui akōl ku wēer, ee rin bī ciēn raan kamkun tēu kēde piny bī yen yo kony.

⁹ Kēnē acuk looi, ku acie lōn cīn yok yic buk we thiēc ē miēth. Yok aaci luui, rin bāk yo kiēēt bāk pīr cimēnda aya.

¹⁰ Acuk lēk we wäär rēer yok ke ē tōk, “Na ye raan kuc bī cīi lui ke duškkē gēm kēcam.”

¹¹ Yok aa gāt athōr kēnē rin ayeku piŋ ēmēn lōn rēer kōc aa dak rōōt cie luui kamkun, kōc cie kākken ye looi, kōc rēer ke ciik rōt kāk kōc kōk yiic.

¹² Yok aa lēk kōckā riel Bānyda Jethu Krītho bīk pīr pīr path, ku yekē luui bīk rōt muk kākken.

¹³ Ku week, miēthakāi duškkē dhōr luoi kēpath.

¹⁴ Na le raan kuc bī wēt ca gōt athōr kēnē yic cīi gam, ke muškkē nhom ku yakē gōš, ee rin bī ŋic lōn yen kērac yen looi.

¹⁵ Ku duškkē ye ciēeŋ cimēn raan la ater ke we, lušikē cimēn menhkui dun wiēckē bī kaŋ ŋic.

Muōth ciēēn

¹⁶ Bī Bēny nhom guōp, raan yo gām dōšr we yiēk dōšr, kuat kēriēc ēbēn yic akōlakōl. Ku rēer ke we ēbēn.

¹⁷ Yēn Paulo, yēn agāt ē muōth kēnē ē ciēendiē, kēnē yen ē tē ye yēn rienkiē gāt thīn athōr ya gōt ēbēn cōk, kēnē yen ē tē ye yēn ye gāt thīn.

¹⁸ Bī dhēeŋ Bānyda Jethu Krītho rēer kek we.

Athör tuelj cî Paulo gät Timothî Wët nom

Timothî ë ye riënythii cî gam pan yen Turkia ëmën, wun ë raan Giriik ku man ke ye nyan Itharel. Ee ye cath kek Paulo ku kony ë piöoc. Athör kënë cî Paulo gät Timothî ë jam wël kadiäk.

Athör aci jöök yöök piöoc lueth tënë akut koc cî gam, cî liäap nhom kek piöoc koc Itharel ku koc cie koc Itharel. Piöoc kënë aye lueel lön käk pinyndhom aa rëc. Ku alëu raan bi kuöony yök ë ñiny käj cî moonny ë rot, ku luoi ye ke müith kök theek ku cii thiëk. Ku dët ye kek rou tã athöör yic aya, ee piöoc mäac akut koc cî gam ku duör Nhialic kek tã bi bäny koc cî gam ku jöl aa koc ke kuöony aa rëër thün. Ku kë ye kek diäk, Paulo ë Timothî wëët athör cök ciëen tã bi yen ya alony Jethu Kritho thün, ku jöl a luoi muk ke löj akuut juëc koc cî gam.

Käk tã thün

Muüth tuelj 1:1-2

Piöoc rin akut koc cî gam ku koc mac ke 1:3-3:16

Piöoc tënë Timothî rin luoside 4:1-6:21

¹ Ee yen Paulo atuny ë Jethu Kritho cî Nhialic yen yo luäk, ku Jethu Kritho yen ñäthda lëk ba ya atuuc.

² Ee yen tuc athöör manh cit manhdïë aye cî wët Nhialic gam cöl Timothî. Bi Nhialic Wäda ku Jethu Kritho Bänyda yin a ñuään ku yik yi dhëej ku döör.

Paulo aci Timothî lëk bi yenhom tiit piöoc ë lueth

³ Wäär cieth yen ya la Mathedonia, yin aca yöök ku ba rëër Epethuth, rin ba koc koc piöoc ë lueth yöök ku bik cii la tuelj ke piöoc wël lueth.

⁴ Lëk ke bik kööc anyikööl yekë ke lueel akölaköl. Ku jöl aa rin juëc wärkendit koc, ee rin ye koc rëër ke teer röt ë path, acin kë yekë juak käk cî Nhialic guir yüic. Rin wët Nhialic aye njic tã cî raan gam.

⁵ Wët lëk yi ë rin nhiër bën ke njic puön path, ku gam ë yic.

⁶ Koc kök aa cî kenhüm wël roor ku yekë jam wël cin kë kony koc thün.

⁷ Awickë ku bik koc piöoc lööj Nhialic, ku keek acie wëlken yekë lueel ë deet yüic, wël yekë ke lueel ke cî kepuüth töoj.

⁸ Anjicku yen lön puoth löj tã njic ye muk nhom apath.

⁹ Anjicku aya, lön löj acie looi rin koc path. Aye bëëi bei rin koc rëc. Ku aa koc löj dhäl yic, ku koc cî wët Nhialic dhäl yic. Ku koc

kärec looi, ku koc cie Nhialic ye röök ku cik thek. Ku rin koc ë koc ke dhiëth ke nök. Ku rin koc koc nök.

¹⁰ Ku tënë koc la gup akör ku koc kök ke lööm röör kök cit ke. Ku koc koc yaac, ku alueth, ku koc ë lueth lueel cak aa lön kuëej ke, ku jöl a këriëc ëbën cii thäany kek yith ye piöoc.

¹¹ Ku piöoc puoth kënë athöj kek Wët Puoth Yam path apei bõ tënë Nhialic la döc, ku ë yen aci thön ya ba piöoc.

Dhëej Bëny tënë Paulo

¹² Jethu Kritho Bänyda aba leec rin cî yen ya yiëk riel. Ku ñööth yapuüu ku looi ya ba luoside looi.

¹³ Cak alon cî yen ke kuëc aa jam wäthëer rin Jethu, ku ca koc cöl agum. Ku ya käk kök looi, ke yen aci Nhialic nyuüth lier piände, rin yen aci luui ke cin kë ë njac. Ku yen a ya këc wët Nhialic gam.

¹⁴ Ku Bänyda acä yiëk dhëejden dit apei kek nhiër, ku gam käk tã ë tök kek Jethu Kritho.

¹⁵ Wët yic yen lëu ba lueel, ku alëu bi gam akün, Jethu Kritho aci bën pinyndhom ku bi koc kärec looi bën luäk. Ku yen, ee yen raan wat koc rëc nhüm.

¹⁶ Ku Nhialic alir puüu tënë ya, ku ë rin ë wët kënë yen aci Jethu Kritho ya nyuüth lier piände dit apei, rin bi ya yen ye ke raan kärec looi apeidit nyuüth thün. Ku bi ya thön koc bi wëtde gam aköldä ku yökkë pir akölrüëc ëbën.

¹⁷ Tënë Nhialic Madhöl Bëny mëc akölrüëc cie tin, Nhialic tök ye theek ku lec akölrüëc ëbën. Yenakan.

Paulo aci Timothî yöök ku bi yepuüu deet

¹⁸ Timothî, wëndië, yin aba thön kënë ku bi wël cî lueel rienku thëer röt tïëj, rin na buoth keyiic ke yin abi luosidu njic looi,

¹⁹ tã muk yin gamdu apath ke njic puön path. Koc kök aa këc wël cî thön ke muk nhüm ku aaci gamden rac.

²⁰ Kam ë köckä aa yi Yëminath ku jöl aa Alekdhänder, koc kek ca thön jöjrac ku bi ke piöoc bik Nhialic cii ben dhäl.

2

Tã bi koc aa röök thün

¹ Tuelj, yin ayöök bäk aa röök ku yakë Nhialic thiëc. Ku yakë röök rin koc kök ku lëckë rin raan ëbën,

² cimën bänyjakhüm, ku koc kök tã riel kecin. Ku buk pir ke yo döör ke cin akëëk kam koc. Ku yeku kac tök kek Nhialic ku cinku gup acuöl.

³ Kënë ë këpath ku ë Nhialic cöl amit puüu,
⁴ yen wïc raan ëbën bi poth kërac yic ku bik wët yic njic.

⁵ Nhalic ë tøk ku jol aa raan tõj döör kóc ke Nhalic, Jethu Kritho,

⁶ yen cî rot gam bî nõk bî kóc ebën waar, ku wët kënë aci nyuaoth aköl cî lac.

⁷ Ku rin ë wët kënë yen aci ya kuany, ke ya atuuc ku ya raan piöoc tënë kóc cie kóc ltharel, ku ba gam ë yic luæel. Yen aci lueth luel, ee yic yen aluæel.

⁸ Yen awic röör wuöot thok ebën, ku bik kecin taar nhial ke rööc tënë Nhalic, ke cîn riäak ë puöu, ku agöth.

⁹ Yen awic diäär bik aa cienj alæth path. Ku cirkë kenhüm ye nai dhäl tuut kek kóc. Ku cik ye cienj miläj tïc ku alæth ku guët kök ye yöc wëü juéc apei.

¹⁰ Ku keek aa dhil röt col adhëj kãpuoath yekë ke looi, kák ye diäär cî gam looi bik Nhalic aa door.

¹¹ Tik adhil piöc lier guöp ku ye wët cî læk ye gam.

¹² Tik acá ye puöl ku bî ya piöoc tädë ke la riel tënë röör, aadhil rëer ke lir gup.

¹³ Rin Adam yen ë kaj cak, ku jol Eba ben cak.

¹⁴ Ee cie Adam yen cî wëj nyin ë ye tik yen ëci wet nyin, ku cî löj Nhalic thek.

¹⁵ Ku diäär aabi kony ku luäk keek dhiënh mïth yiic, tã le kek tuenj keye kóc cî gam, ku nhiër kepuöth, ku yekë kóc ë luui kãpath dhël athëk.

3

Bãny akut kóc cî gam

¹ Ku wët yic cîn yic lueth akin, na le raan wïc ye ku bî ya bëny kóc cî gam, ke luoi path nhiaar.

² Bëny adhil a raan cîn këreec ye looi. Yeen adhil la tiëj tøk, cî gam puöu ebën. Ku alir guöp ku cî kaj ye bãth ku athek yeguöp. Ku ë kóc bën tënë ye njec lor. Ku alëu ku bî kóc piöoc.

³ Yeen acie raan ë wiæet ë mäüu, tädë keye raan ë tõj. Adhil a raan njic cienj ke kóc. Ku acie raan nhiaar wëü apei.

⁴ Adhil paande njic mac apath bî miëthke col athek ye, ku yekë wëtde piñ.

⁵ Na kuc raan paande mac, ke lëu kädë ku bî kóc cî Nhalic gam njec aa guiir?

⁶ Yen adhil a raan cî nhom bak ë gam yic rin ku bî cî nhiam bî luäk wei aya cimën jöñrac.

⁷ Ku yeen adhil a raan ye kóc këc gam njec jam rienke, rin bî cî wäi wïn jöñrac bî guöp yär.

Kóc kóc kony luoi kák Nhalic

⁸ Kóc kóc kony luoi kák Nhalic aa dhil aa kóc path thek cîn kã yekë moony. Keek aacie kóc dek möu apei, tädë keye kóc kok wëü.

⁹ Keek aa dhil gam cî nyuöth ke muk kepuöth, ku mukkë puön yer.

¹⁰ Keek aa dhil them tuenj, ku na cik njec luui, ka jol puöl bik kóc aa kony luoi.

¹¹ Diäärken aya aa dhil gup la athëk ku cik ë lum kóc tör gup, keek aa dhil aa kóc lir gup, ku aacie kóc ye ruëeny këriëc ebën yic.

¹² Raan kóc kony luoi kák Nhalic adhil la tinj tõj cî gam puöu ebën, ku adhil miëthke ku paande njec mac apath.

¹³ Kóc kek kóc kony luoi, ku aa luoiden njec looi, aaye theek, ku alëukë bik aa jam kóc nhüm ke cîn riöoc guöp. Ku piirkë gamden yic tënë Jethu Kritho.

Këril nyuaoth

¹⁴ Cimën gët yen athör kënë tënë we, aya njöth wek aba la tinj.

¹⁵ Ku na le kë göu ya, ke athör kënë abi we col anjic tã lëu bî wek kák akut cî gam aa luoi thün, ku yen akut kóc cî gam ë Nhalic pïr, yen ë mën yen yic kuöny.

¹⁶ Acin raan lëu bî kë cî nyuaoth, këdan thekku ë yic, jai.

Yeen aci nyuaoth ke ye raan.

Acî Wëi Nhalic nyuaoth lon ee yen raan la cök.

Ku aci atuuc nhial tinj, ku læk wuöot ebën.

Ku kóc pinynhom aaci bën la gam tënë yeen, ku aci yãth nhial pan Nhalic.

4

Kóc piöoc aa wëej

¹ Aye Wëi Nhalic luuel ë gei lon kóc kök aabi gamden cî ben aa theek aköldä. Keek aabi kák bî jakreec ke aa wëj nyin aa gam, ku buoathkë piöoc jakreec yic.

² Piöoc cit ë kënë aye thiäi piny kóc aa lueth kóc wëj, kóc cîn kë njic piäthken.

³ Kóc cit kakkä, aa kóc yöök ka awuöc ku bî raan thiëk, ku cim müth kök yekë tak ka reec. Ku yen Nhalic aci müthkã cak ku bî kóc cî gam njic yic keek aa cam tã cî kek kaj röök.

⁴ Kuat këriëc ebën cî Nhalic cak apath, acin kë lëu bî kóc kuec, ku yen këriëc ebën aye cam ku rööc kóc bî Nhalic leec,

⁵ rin wët Nhalic ku röök ë miëth col apath.

Aluan Jethu Kritho

⁶ Tã piöoc yin wëlkä tënë miëthakua, ke yin abi ya raan luoi path ë Jethu Kritho cî njec muk ë dhäl gam yith ku piöoc path ca buoath yic.

⁷ Ku meec rot wei anyikööl cie yith ë Nhalic, anyikööl cîn wëtden yic cî path bî ke aa læk kóc. Lui apei ba rot piöoc ba pïr cit tã wët Nhalic ye thün.

⁸ Luoi ye raan looi ë guöp muk bî riel apath, ku luoi ye yin rot piöoc ba pïr cit tã wïc Nhalic ye thün anjuëen apei, rin ala kë ye

ņš3th thîin piîr ěměn yic, ku piîr pan Nhialic akôldâ.

⁹ Ku yic yen lěu ba lueel bi gam akîn.

¹⁰ Ÿok aabi bušc ku luuiku apei, rin Ÿok aa ŋšth Nhialic piîr, yen raan ěběn kony, ku tuěŋ aa kôc ci wětde gam.

¹¹ Yakě kôc yššk ku piššckě ke ě kâkkâ.

¹² Duškkě kôc cōl aaye we dhāl gup rin koor wek. Ku luwikě rōt bi kôc ci gam rōt aa thŋj we ě jamdun yic, ku piěrdun ku nhiěrdun ku gamdun ku lōn cĭn wek gup ajuěěc.

¹³ Agut tě bi Ÿen běn, yakě wěl ci gōt athōr Nhialic yic kuěn kôc. Ku yakě kôc lěk ku piššckě ke.

¹⁴ Duk yĭpušū wel wei kě ci yiěk yĭ yic ě rot, kěwâar ca yōk dhěl ci Nhialic lěk kôc ě riěnku wâar těŋu kôcdit akut, kôc ci gam kecin yĭnhom.

¹⁵ Tâau yĭpušū piny apath ba kâk Nhialic ŋěc looi, ku bi raan ěběn luōidu tiŋ tě le yen tuěŋ thĭn.

¹⁶ Tiŋ piěrdu cōk ku kâk ye piššc apath. Deet wětdu yic apath, rin na loi kěya ka bi yĭ lušk ku kôc wělku piŋ aya.

5

Kâk loi těně kôc ci gam

¹ Duškkě raandit ye kušc jâam, yakě jâam dhěl athěěk cĭměn wuurdun. Yakě riěnythii ŋěc jâam apath cĭměn mišthakun,

² ku yakě diâardit jâam kecit mârkun, ku diâarkor kecit nyĭerakun ke we cĭn pušth akuěěth.

³ Thekkě lěěr cĭn nhĭim kôc ke kony.

⁴ Ku na la lěěr miŋh, tědě ke ye miŋh mišthke, ke keek aa dhilkě kaŋ nyuōōth lōn ci kek gam ě dhāl muk kek kôc manyden thok thĭn. Ku kěya aabi kôc ke dhiěth ke, wârken dit ku mârken dit riōp rin wâar muk kek ke. Ku kěně yen ě Nhialic cōl amit pušū.

⁵ Lěěr rěěr ě rot ke cĭn raan muk ye ayic ě Nhialic ŋš3th, ku ye rōōk wěěr ku akōl, ke ye Nhialic thiěěc ku bi ye kony.

⁶ Ku lěěr ye yiěk yěpušū miět pušū ě rot, acĭt raan ci thou cōk alōn ŋuōt piîr yen.

⁷ Lěkkě kôckun ci gam ě wělkâ aya, rin ku bi ciěn raan gâk ke.

⁸ Ku na le raan cĭi kôc ruâai kek ye muk, nadě ke ye manyde thok, ka ci kucě ě gam, ku raan cĭn gam aŋuěěn těně ye.

⁹ Acĭn lěr met akut lěěr yic tě kěc rušnke thiârdâtem waan thok. Ku ě ye tiŋ path těně muōnyde.

¹⁰ Ku aye ŋěc rin wět kâpuōth ye looi, cĭměn lōn ŋěc yen miŋh muk, ku ě kôc gōŋj apath, ku ě kôc ci Nhialic gam luši kâpath, ku ye kôc la kě jōr ke kony, ku ye cool luōi kuat kěriěěc ěběn path.

¹¹ Duškkě lěěr kor ye mat akut lěěr yĭic, rin na lek rōōr tak, ka cōl rōt athiak, ku cĭk kepuōth ben yiěk wět Raan ci lac ku dōc.

¹² Ku kěya, ka cā awušc looi ě rin ci kek athōn wâar bik aa looi thoŋ kōu.

¹³ Keek aya aabi piōc rěěr piiny ě path ku yekě běěi kuany yĭic, ku dět rac aya, keek aabi aa kôc alop jōt ku yekě luup wěl cĭi path.

¹⁴ Ke yěen aya tak lōn puōth yen bi lěěr kor aa thiaak, ku bik la miŋh, ku mackě bāāiken apath, rin bi raan atera dhěl cĭi yōk bi ke aa jâam wěl rěc kegup.

¹⁵ Lěěr kōk ěměn aaci jai wět Jethu ku keek aaci jōŋrac buōōth cōk.

¹⁶ Ku na le tiŋ ci gam tō lěěr manyden thok, ka dhilke muk apath, ku cĭi ke pěl akut kôc ci gam bi ya yen muk ke, rin bi akut kôc ci gam yenhom yiěk muššk lěěr cĭn nhĭim kôc muk ke.

¹⁷ Bâny luoi akut kôc ci gam looi apath aaye theek ku riōp ke, rin ye kek kôc ě luui apei, kôc kek kôc lěk wět Nhialic ku yekě kôc piššc.

¹⁸ Aye athōr theěr wěl Nhialic lueel, “Duk muōar der thok tě luui yĭn ye bi rap kōōm.” Ku kěya, “Raan ě luoi adhil yiěk ariōpde.”*

¹⁹ Duškkě wět gōony raandit ye gam tě ci yen kôc karou ku diâk kek gōony yen.

²⁰ Tě le yen kôc ci kěrac looi ka dhil nyieeny kôc nhĭim, rin ku bi kôc kōk kěcĭt ě kěně cĭi ben looi.

²¹ Wek ayššk Nhialic nhom, ku Jethu Krĭtho ku jōl atuuc ci Nhialic lōc, thekkě wělkâ ke we cĭi kôc ye tek yĭic bi la raan dět yakě ŋuâan kuat kě luwikě yic.

²² Duškkě ye lōōc yen lōn kueny wek raan bi Nhialic luōši. Duškkě rōt mat luoi kârec yĭic, rěěrkě ke we lip gup.

²³ Duškkě piū ye dek kepěc, yakě mušn thĭn-nyōt dek, ku bi we kony bi thiōōr we cĭi ye lac piâar yĭic.

²⁴ Kârec ye kôc kōk looi aa la gei kôc nyĭn, ku aake wit nhĭim ě luk yic, ku kôc kōk aaye kâraken cak thiaan jâl ŋěc ěiěěn.

²⁵ Ku ě dhōl tōōŋ kěně, kâpuōth ye raan looi aa cie muōony, ku kâpuōth kōk ci thiaan aabi ŋěc akôldâ.

6

¹ Aloony ěběn aa dhil luui apei, ku yekě bānyken theek apei, rin bi ciěn raan kuc jam rin Nhialic, ku jōl aa piōōc ye Ÿok kôc piššc.

² Aloony kôc ci gam acĭk lěu ku bik kōcken ci ke loony dhāl gup, rin keek aa wāmāthakěn. Kě lěukě bik looi ě lōn bik luōiden aa looi apath, rin kôc la kě yekě yōk luoi yic, aa kôc ci gam nhiarkě ke. Aa kek kâk lěukě bāk ke piššc těně kôc, ku yakě ke deět puōth bik ke theek.

* 5:18 L.rou 25:4; Mt 10:10; Lk 10:7 (aliu ciěŋ Jĭěěŋ yic)

5:19 L.rou 17:6; 19:15

Piöoc ë yic ku piöoc ë lueth

³ Raan piöoc wët dët cie kën ë Nhialic ku acii thöŋ kek wël Bänyda Jethu Kritho ku jol aa piöocda rin Nhialic,

⁴ ke yeen anëk nhiam wei ku acin kë ŋic. Yeen ala kë wïc cie thök yepušu bi rot aa teer ku göth ke koc wël cie yith, ku kënë ë tiæel bæïi ku këk koc, ku læt koc röt, ku büi diu rac kam koc,

⁵ ku koc cin nhüm aa röt cool ë teer ku acin yiny tó ke ke. Ayekë tak lon yath ë dhël koc cal ajak.

⁶ Ee këya, yanh la cök ë raan cal ajak apeï, tã ci yen kák tó ke ye gam piände ëbën.

⁷ Rin yook acin kë cuk bæïi pinynhom, ku ka cin dët læuku buk nyaai thün.

⁸ Na lok kë camku ku kë ceŋku ka cin dët yiïku yopuöth.

⁹ Koc ye wïc bik jak, aaye piäthken thel käreç yiic, ku keek aa wëi kák kuckë ku käreç ye piäthken nhiaar, kák ke thel riääk yic ku rec ke.

¹⁰ Rin ku bi raan jieek nhiaar, ee koc miæet kuat kákjuëc rec yiic. Koc koc aaci kepuöth yiëk jieek apeï agut bik nhüm mää ë gam, ku keek aaci kajuëc ŋöŋ ë nyin bæïi kepuöth.

Timothî aci nyuöth luide

¹¹ Ku yin raan Nhialic mæc rot wei luoi käreç yiic, ku ye dhöl la cök yen muk cök. Ku ye luui kák Nhialic ke yi ŋöth Jethu ku ye koc nhiaar, ku ye gum, ku ye raan ŋic ciej ke koc.

¹² Thär kë yeku gam apath, ku muk pïr akölrïëc yen ë cöl Nhialic yi apath aya, këwäär ca gam ba lueel thuŋdu koc juëc nhüm.

¹³ Nhialic nhom, yen wëi yiëk këriëc ëbën, ku Jethu Kritho, yen ci ye lueel gai wäär Pilato nhom, yin aya yöök,

¹⁴ muk löŋkä nhüm apath ke cin kë wääc yet aköl bi Bänyda Jethu Kritho ben bën.

¹⁵ Lon bi yen ben bën abi rot looi aköl ci Nhialic tak yen raan ci döc, ku yen Bënyŋaknhom yetök, yen Bënyŋaknhom tó tueŋ bënyŋaknhüm, ku ye Bëny bëny.

¹⁶ Ee yeen yetök yen acie thou, ku yen aciëŋ ruel yic, ruel cin raan rot thiäk ye. Acin raan cii ye kaŋ tiŋ, ku acin raan læu ku bi ye tiŋ. Yen aaye theek, ku ala riældit tet akölrïëc ëbën. Yenakan.

¹⁷ Yöök koc ci jak kák pïr pinynhom bik cii nhiam, ku cik ŋäthden tæu kák cie yith yiic cimën jieek, ku ye Nhialic yen ŋsthkë, Nhialic ci yo yiëk këriëc ëbën ë biökruaalde ku buk puöth miæt.

¹⁸ Yöök ke bik kápath aa looi, bik aa abiökruæel, ku dhilkë kákken aa rom kek koc kók.

¹⁹ Këya, keek abi jieek la cök tósu ë riænken pan Nhialic. Ku ë yen abi ya këril diit bi ke

cök piny aköldä. Ku yen abi kek pïr la cök yök.

²⁰ Yin Timothî muk kë ci kuëi yi apath. Mæc rot wei ë jam rac cii thiääk ke Nhialic yic, ku ater cin yic kë kuany ye koc kók yiin jöŋny ë lueth ku luelkë ke ŋjæc ë kãŋ.

²¹ Rin aye koc kók lueel lon ŋic kek kãŋ, ku ë tæënë, keek aci mër wei dhöl gam yic.

Dhëëŋ Nhialic abi rëer ke we ëbën.

Athör ë rou cî Paulo gät Timothî Wët nhom

Athör ë rou cî Paulo gät Timothî ala yic wël wëët juëc. Rin cît Timothî manh koor ku ye raan ye kony ë luoi. Wëtdit athör yic, ee gum. Timothî aye yösk bi yepušu deet ke la tuej ke nyooth wët Jethu Kritho ke cî gam. Ku muk piöoc ë yic Wët Puoth Yam ku athör theer wël Nhialic. Ku ye luoi kecît raan ë piöoc ku ye raan koc lek wët ë Nhialic, ke cî riöc koc bi ye luc ku jekë wët luel.

Paulo aci Timothî lek athöör yic apeï ku bi rot cî met jam kanyiaap yic ku teer wël kuc nhîim. Wëlkä koc ke pin, aa kërac yök thîn.

Ku këne ëbën, Timothî aci bën lek pîr raan ë gät athöör, wët gamde, lier pušu, nhîer, riel ë pušu ku gum.

Käk tã thîn

- Muäth tuej 1:1-2
- Lec ku lek 1:3-2:13
- Wëët ku lek 2:14-4:5
- Pîr Paulo 4:6-18
- Thök ë wël 4:19-22

¹ Ee yen Paulo atuny Jethu Kritho cî tooc ba koc bën lek pîr cî thon rëer ke Jethu Kritho.

² Tënë Timothî, manhdiën nhiaar, bi Nhialic Wäda ku Jethu Kritho Bányda yî nuaän ku yik yî dhëej ku döör.

Timothî aci deet pušu bi gamde muk

³ Nhialic yen ya door pušn cîn yic diu, aya leec cimën wärkuan dit. Aya leec tã tek yen we tã röök yen aköl ku wëer.

⁴ Yon ci wek dhiau rin ci yok pušk aya tak, ku awiëc ku ba we ben tin, rin ba pušu miät.

⁵ Lon ye wek koc ci gam ë yic amuöc nhom, ku athöj kek təcît tã cî moordit Loith ku jol aa moor Yunith gem thîn aya. Aya yök yapušu lon ci yin gam aya.

⁶ Ee rin ë wët këne yen aye yen yî lek ba miöc wäär cî Nhialic yiëk yî, wäär tēju yen yacin yinhom ba yî döoc col arëer ke dep yipušu.

⁷ Wëi cî Nhialic yiëk yo acie yo col ariöc. Wëi Nhialic ë yo yiëk riel, ku nhiarku röt, ku ye raan rot muk apath bi kërac cî loi.

⁸ Duk rot ye yök ciët yî bi guöp yär tã lek yin koc wët Bányda, ku yeen aya, duk rot yök ke yî bi guöp yär rin ci ya mac wëtde. Mät rot ya ba gum rin Wët Puoth Yam, ku Nhialic abi yiëk riel ba luui rin wëtde.

⁹ Yeen aci yo kony ku aci yo koc buk aa kacke, ku acie rin këpuoth cuk looi, ee rin këden wic. Ku aci Nhialic giuir këya rin piathde. Ku tewardë këc piny guo cak, Nhialic ëcî Jethu Kritho giuir bi yo nyuöth piathde.

¹⁰ Ku ëmën Jethu Kritho aci koc ku döc, aluäjda aci riel thou tiaam, ku bi Wët Puoth Yam la gei cit ruel. Ku yik yo pîr akölrîëc ëbën.

¹¹ Nhialic aci ya kuany ba ya atuuc ku ya raan piöoc ba Wët Puoth Yam lek koc.

¹² Ee wët këne yen aguum yen kakkä ëmën. Yen not ya këc pušu pek wei, rin yen anjic raan ci yen wëtde gam, ku anjic alanden lon yeen ala riel, ku abi kë ci thon tiit apath agut cit aköl bi yen ben la dhuk.

¹³ Muk wël puoth yith ca piöoc tënë yî nhîim apath, ke cit käk ba buöth cök piërdü yic. Ku rëer ë gam ku nhîer yic, käk ye yök rin ye wek tök kek Jethu Kritho.

¹⁴ Muk këpuoth ci thön yî apath ë riel Wëi Nhialic rëer kek yo.

¹⁵ Yin anjic lon ci koc ke rëer kek yen ëbën pan Athia, agut Pigeluth ku Yermojinith, kuc piöocdië ku jielkë.

¹⁶ Bi Nhialic paan Onethiporuth döoc rin aci yen kony bi yen a muöc mieth, ku cî guöp riöc wët ci ya mac.

¹⁷ Ku nawën la yëët Roma akëc bën gääu, aci tã tã yen thîn bën yöpp apeï agut tã yök yen ya.

¹⁸ Yeen abi Bëny Jethu col ayök këpath aköl bi yen ben la dhuk. Ku yin anjic apath yen tã ci yen ya kuony thîn pan Epethuth.

2

Apuruk path tënë Jethu Kritho

¹ Ku tënë yî, yin wëndië, col rot aril pušu riel yen ba yok wët puoth Jethu Kritho, rin ye yok tök kek Jethu Kritho.

² Muk wël yon ca luel nhîim ke koc juëc tã thîn. Ku lek ke koc ca deet puöth bik ke muk nhîim, ku aa koc leu ku bik koc koc piöoc aya.

³ Gum kek yo cit ye apuruk path tënë Jethu Kritho.

⁴ Apuruk tã luoi yic aye wic ku bi bányde col amit pušu, ku acie rot la liäap wël cie käk apuruuk yiic bi pîr cimenden.

⁵ Raan wëer kek koc ë kat yic, acie ariöp ci yen koc wuär ë yök tã këc yen lööj buöth yiic apath.

⁶ Raan ë pur apeï, adhil duömde kan tem.

⁷ Tak yic apath yen kë lek yî, rin Bëny abi yî col adet kan yiic ëbën.

⁸ Muk yinhom Jethu Kritho, yen cî jöt bei ë ran yic, yeen ee raan many Debit, cit tã ci ye luel thîn ë Wët Puoth Yam ya piöoc.

⁹ Rin ye yen Wët Puoth Yam piöoc ë yen ye yen gum, ku ye ya rek ciët ya ye raan cä awuöcdit apeï looi. Ku Wët Puoth Yam akëc rek bi cî la tuej.

¹⁰ Ku ë wët këne, yen aye yen këriëc ëbën gum, rin koc cî Nhialic koc ku bi ke luök rin Jethu Kritho, ku bik la duaar akölrîëc ëbën.

¹¹ Kakkä aa wël yith,

“Tē cī yök thou kek yeen,
ke yok aabi pīir kek yeen.
12 Ku na lok tuen ke yō gum,
ke yok aa mēc kōc kek yeen.
Na jēiku, ka bī yook jai aya.
13 Ku na cuk ye kōc kē ye lueel loi,
ke yeen ee kē cī lueel looi,
rin acīi lēu ku bī rot jai ē rot.”

Raan luoi cī Nhalic gam

14 Bēn kacku tāk kēnē, ku jai ke apath
Nhalic nhom bik cīi ye gāth kamken wēl
yekē lueel. Acin kēpuōth ye yōk thīn, ku ē kōc
ke piŋ rac.

15 Them apeidit ku ba rot nyuōth tēnē
Nhalic lōn ye yīn raan luoi cī gam, raan luui
cie guōp ē riōōc, ku ē wēt Nhalic ē yic yen aye
piōōc apath.

16 Ye rot cōl amec tē ye kōc jam thīn wēl
cie wēl ē Nhalic, rin wēlkā aa kōc thēl wei.

17 Kāk bik aa piōōc aa wēl cīt tētōk cie dēm.
Kam ē kōckā aayī Yēminaith ku Piletuth.

18 Keek aaci wēt yic dhōŋ, ku keek aa rēc
kōc kōk cī gam nhiim, rin ye kek ye lueel lōn
jōn bī kōc rōt jōt thou yic aci rot looi thēer.

19 Ku yīny ril Nhalic cit kuur cie nyooŋ
cī thany kōu wēlkā, “Nhalic anjic kōc kek
kacke,” Ku, “Na le raan ye lueel ke raan ē
Jethu ka dhil luoi kārēc puōl.”

20 Pandit lāau yic ē yic la aduuk ku tōny,
cī kōk looi milāŋ tōc ku kōk milāŋ thith, ku
kōk aaci cuēēc ē tiōp. Aduuk kōk ku tōny kōk
aaye bēēi bei ē tōōu yic, bī kōc ke luui nīn ciēm
ke yai, ku aduuk kōk ē kuōot ku tōny kōk tiōp
aaye kōc luui ē path akōlakōl.

21 Kēya, tē le raan guōp wic bī kārēc cīi ye
looi, ka bī thōŋ kek aduuk ye kōc ke luui akōl
yai, rin cī yen yepuōu tāau luoi ē Bēny yic, ku
rēēr ke cī rot guīr bī kuat luoi path ya looi.

22 Duōkkē wēpuōth ye yiek kāk ē bal ku kāk
kōk cimēn riēnythii, wēlkē tūeŋ ē gam ku luoi
la cōk, ku nhiēr ku dōōr wedhie wek kōc yer
puōth bāk Jethu aa cōl ē kuōōny.

23 Ku calkē rōt amec tē ye kōc rōt tēer thīn
wēl cīn wētēn yic ku wēl kōc kuc kāŋ, rin
anjicē lōn ye teer tōŋ bēēi.

24 Aluaŋ Bēny acīi lēu ku bī thōr. Yeen
adhil aa raan path tēnē kōc ēbēn, raan piōōc
path līr puōu,

25 raan cie kōc aterde ye thaŋ gup tē cōk
yen kenhīm piny, tēdē aabi Nhalic lēu bik
kenhīm waar luoi kārēc yīc ku njicē yic.

26 Ku dhāŋkē dēp cī jōŋrac ke deep, ku looi
ke bik kākke aa looi.

3

Kārēc bī rōt looi nīn ciēēn yīc

1 Muk ē kēnē nhom! Tē le tēn bī Jethu
dhuk pinyinhom thōk, ka bī yic riēl tēnē yō
Krīthiaan buk pīr tēcīt tē wic Nhalic ye thīn.

2 Rin kōc ēbēn aabi rōt aa nhiaar ē rōt. Ku
aabi wēēu nhiaar apeī. Ku aabi kenhīm aa
lēc, aabi nhiam, aabi kōc aa lāāt. Ku aaci
wēēt bī kōc ke dhiēth ke aa wēēt ya gam.
Aaci puōth bī ya miet kārpuōth ye luoi ke. Ku
aaci Nhalic bī ya thēek.

3 Acin raan yekē nhiaar. Acin kē bik aa pāl
piny. Aabi ya luum. Ku aabi ya kōc cie rōt ye
duut kuat luoi kārēc. Ku aabi rēēc apeidit, ku
aabi kēpath ye looi aa maan.

4 Keek aabi kōc ya luom. Aabi ya kōc kuith.
Ku aabi nhiam ciēt kek path ē rōt. Keek aabi
kāk miet ē puōu aa nhiaar tēnē lōn nhieer kek
Nhalic.

5 Kōckā aabi rōt ya nyuōth ciēt yekē kōc
Nhalic. Ku kēnē yic aa kuēc riēl Nhalic lēu
ye bī piērden waar yic. Cōl rot amec tēnē ē
kōckā.

6 Kōc kōk keyiic aala bēēi yīc ciēt ke ye kōc
path, ku kē tō kepuōth ē lōn bik diāar ye lac
wel nhiim lēu, bik kē wickē ya looi. Diāar
aa adumuōōm looi arak juēc, ku dōōr aliu
kepuōth. Aa kāk wic piāthken kek aa yekē ke
looi.

7 Diāar ye them akōlakōl bik piōc ku acikkē
lēu bik yic njic.

8 Cimēn Janeth ku Jambrith aake cie wēt
Mothith ye gam, ku kōckā aake cie yic ye
gam, keek aa kōc cī nhiim kōōc ku aaci
Nhalic jai rin liiu kek ē gam yic.

9 Ku kē loikē acīi bī la tuēŋ apeī, rin raan
ēbēn abi ke tūŋ tē kuc kek kāŋ thīn, cīt mēn cī
yen rot looi tēnē Janeth ku Jambrith.

Lēk ciēēn tēnē Timothî

10 Yīn anjic kāk ca piōōc ēbēn tēnē yī. Ku tē
cī yēn pīir thīn. Ku kēn yen wiēc ku ba looi
ē piērēē yic. Aca deet yen yī, yen tē ye yēn
raan cī gam thīn. Ku lōn cī yēn ye raan tuc
guōp. Ku yēn anhiar kōc, ku lōn ye yēn kāŋ
guum.

11 Yēn aci luc arak juēc. Ku yēn aci gum
apeī. Yīn anjic kājuēc cī rōt looi tēnē ya Antiōk
Ikonia, ku Lithra. Luny cī ya luc apeī aca
guum. Ku Bēny aci ya kuōny bei kecin ēbēn.

12 Kōc wic ye ku bik pīir dhēl Nhalic akūōt
tōk yic kek Jethu Krītho, aabi dhieŋ gum.

13 Ku kōc luui kārēc ku yekē rōt nyuōth
ciēt keye kōc path aabi la tuēŋ ke loi kārēc
apeī, ku aa kōc tuōōr nyīn ku tuur ke nyīn
aya.

14 Ku tēnē yī, lōr tuēŋ ke yī loi yic yen cī
piōōc tēnē yī, ku aca gam piāndu ēbēn, rin yīn
anjic kōc kek ke piōōc yī.

15 Ku tēwāar ye yīn meth, yīn anjic wēl cī gōt
athōr Nhalic yic, lēu ku bik yīn cōl aye raan
njic kāŋ apath. Ku njiny kāŋ yen abi cōl aluāk
dhēl gam Jethu Krītho.

16 Athōr wēl Nhalic ēbēn aa wēl ye Nhalic
lēk kōc kākke tūŋ bik ke gōt, ku ē kōc kony bī

koc piöc ë yic, ee jai awuöc. Ku ee käreç ye looi cök piñy, ku ee koc nyuöth dhël la cök.

¹⁷ Rin bi raan ë luui tënë Nhialic, ye lëu apej ku guiri rot bi kuat luoi path ëbën ya looi.

4

¹ Yin adhiel lëk Nhialic nom ku Jethu Kritho yen bi luñ koc ëbën luk aköldä, koc pür ku koc ci thou rin bi yen bën kek bäänyde.

² Piöc koc Wët Puöth Yam, ku dæet ë kenhiim apath bik piñ tedë ke cik piñ. Ku cök kenhiim ku lëk ke bik kepuöth dæet ke piöc ke, ke yi ci rot päl piñy.

³ Ala aköl bi bën aköl cii koc bi bën piñ ë yic, ku aabi kækken nhiarkë aa buöth cök. Ku keek aabi koc piöc juëc aa mat nhiim, bik ke aa lëk kæk kek nhiarkë bik ke aa piñ.

⁴ Keek aabi kuc bik wët ë yic cii ye piñ, ku aa anyikööl kek yekë nhiaar.

⁵ Ku ye rot duut këriëc yic ëbën ku ye käreç guum, loi kë ye raan Wët Puöth Yam ë Nhialic piöc, ku ye luoidu looi ëbën ke yi aluarj Nhialic.

⁶ Wëikië acit ajuër ci juër Nhialic. Acii looi bi ke ye luösi. Ku ëmën, aköl bi yen thou aci yëët.

⁷ Yen aci luoidië looi apath, yen aci luoidië looi ëbën, cimën raan këc cie dhuk ciëën tñj yic, yen aci luoi ci Jethu yiëk yen thääp cimën raan ci koc wuör, yen aci rëer alanden ke ya ye raan ci gam.

⁸ Ëmën, ariöp bi yiëk yen ke ya ye raan ye Nhialic piërdië tñj ke la cök, ariöp yen ye Jethu, yen Bëny koc tæk yith, abi yiëk yen aköl luñdit, ku acie yen yatök, abi yiëk koc tit ye aya ke nhiaar aköl bi yen bën bën.

Athön Paulo

⁹ Them apej ëmën ku ba bën tënë ya.

¹⁰ Demath aci pür pinynhom nhiaar, ke yeen aci kat tënë ya, yeen aci la Thethalonika. Krithkinth aci la Galatia ku Tito aci la Dalmatia.

¹¹ Ee Luka yetök yen arëer kek yen. Cöl Marko ku häkkë tënë ya, rin yeen alëu ku bi ya kony ë luoi.

¹² Tikikuth aca tuöc Epethuth.

¹³ Të bi yin, ke yi luëth alanhdiën wiir ca nyääñ Troath tënë Karputh, bëxi athör aya, athör ci looi ë biöök.

¹⁴ Raan thöth cöl Alekdhandër aci yen luoi kërac apej, yeen abi Nhialic luoi kë thöñ kek kë ci looi.

¹⁵ Ba rot tiit ye apath, rin aci kuc wët yeku lueel ku ye wic bi thör.

¹⁶ Acin raan tök ci köc kek yen aköl tuenj yen yëth yen luk yic, raan ëbën ëci jäl yaköu. Acä wic ku bi Nhialic kuëen keköth.

¹⁷ Ku Nhialic aci yen bën kony ku yik ya riël, agut të bi yen wët Nhialic lëk koc cie koc Itharel ëbën ku bik piñ. Ku yen aci bën poth bi yen cii tëm ë nöök.

¹⁸ Ku Nhialic abi yen kuöny bei käreç jöñrac yic ëbën. Ku abi yen nyaai ke ya puöl guöp, bi ya yäth paande ë bäänyde yic. Yeen abi ya theek akölrëec ëbën! Yenakan.

Muöth Ciëen

¹⁹ Prithkila ku Akuila aa ya muöth, ku jöl aa miñ Onethiporuth.

²⁰ Eratuth arëer Korinth, ku Tropimuth aca nyääñ Miletuth rin ë tuany.

²¹ Them apej ku ba bën ke rut këc yëët. Week aaci Ebuluth, Pudenth, Linuth, ku Klaudia muöth, ku jöl aa wämäthkuan kök ci gam.

²² Bi Bëny Nhialic rëer ke wëikun. Dhëerj Nhialic abi rëer ke we ëbën.

Athör cī Paulo gät Tito Wēt nom

Athör kënë aci Paulo gät Tito riēnythii tō Kret raan ye ye kony, yen cī Paulo nyāān piny bī akut kōc cī gam lōk bišōk. Athör ē jam wēl kadiāk ril apei.

Wēt tuel, Tito a lēk bī tē ye kōc cī Nhialic gam luui thīn bī buōth yic, rin kōc juēc pan Kret aci path. Wēt dēt, ee wēēt Tito tē bī yen kōc juēc cī gam pan Kret ya pišōc thīn, rōōrdīt ku diāārdīt, ku riēnythii ku aloony aya. Ku jōl diāārdīt diāārkor ya pišōc. Wēt ciēn, Paulo ē Tito lēk tē bī kōc cī gam cien thīn, bīk rēēr ke mēt ku dōōr ke cīn agsth, ku cīn tiel bī kōc cī gam rēēr keye tōk.

Kāk tō thīn

Musth tuel 1:1-4

Luoi Tito pan Kret 1:5-16

Luoi akut kōc cī gam 2:1-15

Cieņ peth Krīthiaan 3:1-11

Musth ciēn 3:12-15

¹ Athör Paulo aluaņ Nhialic ku ye atuny Jethu Krītho cī tuōc Tito. Yen ēci kuany ku toc ya ba kōc cī Nhialic kuany bēēi gam yic bīk pīr akōlriēēc ēbēn yōk, ku ņickē yic kōc yāth tēnē Nhialic,

² yen tō ņth ē pīr akōlriēēc thīn. Nhialic cī lueth ye luel, aci yo thōn ē pīr kēnē wāthēr ke piny kēc cak.

³ Lōj ē pīr aci Nhialic nyooth ku tuuc yen ē rielde kek Aluāņda Jethu ba bēn lēk we.

⁴ Yin agāt athör Tito manhdīē Nhialic nom, cuk gam yodhie. Bī dōōr ku dhēēņ Nhialic Wāda kek Wēnde Jethu Krītho Aluāņda rēēr kek yī.

Luoi Tito pan Kret

⁵ Yin aca nyiāāņ pan Kret, ba kāk kēc rōt cōk wāār lōk cōk. Ku kuany kōcdīt bīk akuut kōc cī gam wat nhīim ē geeth pan Kret yiic ēbēn cīt tē cī yen ye lēk yī thīn.

⁶ Raandīt wat akut nom adhil a raan luoi akut kōc cī gam looi apath, ku aci thiēēk tieņ tōk. Ku miēthke aadhil aa kōc cī gam ku lek gup athēēk ku cīk nhīim ril.

⁷ Kēya, raan wat akut kōc cī gam nom yen ē raan luoi kāk ē Nhialic, adhil a raan path cīi nom ril, cīi pušu lac dak ku cīi ye wīēt ē māū ku cīn gušp akōk, ku cīi ye bath wēū.

⁸ Adhil aa biōkruāl ku nhīēr luoi kēpath, adhil a raan ē rot duut, la cōk ē Nhialic nom ku peth.

⁹ Ee raan dhīl wēt Nhialic mukpiānde ēbēn cīt tē cī ye pišōc thīn. Kēya, abi kōc kāk riel puōth wēt Nhialic cie lueth yic, ku nyuth kōc kuc ē wēt kēnē lōn ye pišōcde yic.

¹⁰ Rin kōc juēc aake cī kuc, ku alanden kōc Itharel cī gam bīk bēn Jethu cōk, aa kōc bēn liāāp nhīim ē lueth ye kek kōc wēņ nyīn.

¹¹ Anuēēn bī ke yōk bīk kōc ē jam, rin liēēp kek kōc nhīim bēēi yiic piōōcden rēēc kēnē wēt wic kek wēū ē path tēnē kōc yekē ke pišōc.

¹² Raan tōk pan Kret ē kam kōcken kāk Nhialic tieņ aci yic luel ēlā, “Kōckuan pan Kret aa lueth, aa lāāi, aa dak rōōt cie luui, aa kōōr ē miūth.”

¹³ Rin wēt kēnē adhil wek ke aa miēk nyīn thīn apei, bīk kepuōth waar bīk wēt Nhialic gam kepuōth ēbēn.

¹⁴ Ku cikē ben aa luui wēl kōc Itharel, wēl cīt anyikōōl, lōōņ kōc cī kuc ē wēt yic.

¹⁵ Tēnē kōc yer puōth ēbēn aa cīn yiic ajuēēc, ku tēnē kōc col puōth kāņ ēbēn aa la yiic ajuēēc rin aaci wēt nhīim ku piāthken aaci yith kuc.

¹⁶ Ku ayekē luel lōn ņic kek Nhialic, ku aye kāk yekē ke looi nyooth lōn cīi kek ye ņic. Acīn kē ye kek piath thīn, aa cīn gup athēēk ku acīn kēpeth yekē looi.

2

Kē la cōk dhīl pišōc

¹ Yin adhil kōc pišōc wēt Nhialic ē yic.

² Lēk kōcdīt bīk kegup aa theek ku yekē rōt tiit, ku gamkē Nhialic ē pušu ēbēn, ku nhiarkē rōt ku dhīlkē gum aya.

³ Lēk diāārdīt aya bīk aa diāār thek Nhialic. Ku cik wēl ye dhēēth, tēdē ke yīk rōt māū. Ku yekē diāārkor nyuōth kāpath.

⁴ Ku nyuuthkē diāārkor bīk rōōrken ku miēthken nhīaer.

⁵ Ku bīk rōt muk apath bī ciēn kāēc ye luel kegup. Ku thekkē rōōrken gup, bī ciēn raan rac dhāl wēt Nhialic yic riēnken.

⁶ Kēya, yīn adhil riēnythii aa dēet puōth aya bīk rōt aa muk apath.

⁷ Yīn aya, adhil nyooth lōn ye yīn raan athēēk path ye kiēēt ku ņic piōōc.

⁸ Ye jam wēl la cōk rin bī ciēn raan dhāl yīgušp, bī kōc aterdu ciēn nyīn yōkkē bī kek yo aa jāām gup.

⁹ Pišōc aloony bīk bānyken aa miēēt puōth kuat kāk yekē ke looi akōlakōl, ku cik wēlken ye jōōny,

¹⁰ ku cik ye cuēēr aya. Ku bīk nyooth lōn ye kek kōc path akōlakōl cīn kē ye ke diēu thīn, ku bīk nyooth aya lōn peth piōōc rin Nhialic Aluāņda kuat kāk yekē ke looi yiic.

¹¹ Rin Nhialic aci tē puōth yen thīn nyuōth, rin cī yen bēn bī raan ēbēn ben luōk pīr.

¹² Dhēēņde ē yo lēk buk pīr rac ku kāk pinyhom pušl. Ku buōthku pīr path yic, pīr lōj Nhialic pinyhom ē tēn,

¹³ ke ʔo tit aköl cī d̄əɔc yen n̄äthda, t̄ē bī diik Nhialic ril apeī ku Jethu Krītho Aluāṅda rot nyuəəth.

¹⁴ Bānyda Jethu aci rot gam bī n̄ək rin bī ʔook kony kuat kāreɔc ye raan ke looi yiic, ku cəl ʔo aaye kəɔc cī kegup wuṣṣny wei, ku yeku kacke yetök ku yeku nhiaar diät yeku looi kēpath.

¹⁵ Piṣṣc kākka riēldun t̄ə ke yī. Ku ye ke d̄eet puəth ku miək kəɔc piṑōc ke nyīn thīn. Ku duk raan tōk ē path pāl bī yī dhəl guəp.

3

Cieṅ peth Krīthiaan

¹ L̄ək kəɔc bīk ṅic lən ē luəiden bīk bāny baai ku lööṅ m̄eɔc baai theek ku loikē kāpath.

² L̄ək ke bīk kəɔc kək cīi ye lom ku yekē kəɔc ē kəɔc d̄öör, ku m̄ēəthkē kamken ku yekē röt nyuəəth akölaköl lən ye kek kəɔc path t̄enē raan ēb̄en.

³ ʔook th̄eər ʔok aa ʔo ye luui kāreɔc, acīn k̄enē ṅicku, ʔok aa ʔo cīn gup ath̄ēk, ku yeku aloony kāreɔc ye piäthkua wīc ēb̄en. ʔok aa ʔo la gup kuith ku tiēel ye ke ʔo maan kəɔc kək ku manku ke aya.

⁴ Naw̄en cī piath ku nhiēr Nhialic yen ʔo kony rot nyuəəth,

⁵ ke kony ʔo. Ku acie rin kāpath cuk looi, ee rin ʔer yen puəu. Acī ʔo kony ē l̄əkw̄ei cī ʔo ben dhiēəth riel Nhialic ē yic, ku ben ʔo cəl aaye yam dh̄ēṅ W̄ei Nhialic,

⁶ cī gām ʔo ē path rin Jethu Krītho Aluāṅda.

⁷ Ku bī dh̄ēṅde ʔo cək piny Nhialic nhom, ku buk pīr akölriēc ēb̄en yeku ṅöəth ʔök.

⁸ K̄enē yen ē w̄et yic, d̄ətkē yic apath, rin bī kəɔc r̄ēər ke cī Nhialic gam, aa r̄ēər ke loi kāpath ē raan ēb̄en kony.

⁹ Pälkē jam cīn kē ye kuṣny kəɔc rin wärkuan diät th̄eər. Ku ater ku agöth rin löṅ, rin kākka ēb̄en aa cīn kē ye ʔök thīn.

¹⁰ W̄ēēt raan rac k̄en yic tōk ku rou, ku pāl t̄ē cīi yen ye gam.

¹¹ ṅic lən ye raan cīt k̄enē raan rac, ku aye kākken r̄eɔc ye looi guə nyuəəth.

Muəth ciēn

¹² T̄ē le Artemath ku Tikikuth ʔet t̄enē yī, ke yī ləc b̄en t̄enē ʔa gen Nikapolith rin awīēc ba p̄ei rut thöl ē t̄ēēnē.

¹³ Luṣsi apath ba Dhenath raan lööṅ ku Apolo kony kenyden yic, yiək ke kuat kē wickē ē cāth yic.

¹⁴ Adhil kackua ṅiēc bīk cīi ye r̄ēər ke cīi lui, aa dhil aa luui kāpath wīc piērd̄en, acīk l̄eu bīk pīr pīr rac.

¹⁵ Kəɔc r̄ēər ke ʔen ēb̄en aa we muṣəth. Muəth kəɔc nhiaar ʔo miəthakua le ʔok gam tōk. Dh̄ēṅ Nhialic abī r̄ēər kek we ēb̄en.

Athör cī Paulo gät Pilemon Wēt nom

Pilemon aye raan ē lōc kam kōc cī gam gen Kolothia, ku ē ye raan akut kōc cī gam, ku ē la alony cōl Onethimuth. Alony kēnē ēcī kat tēnē ye. Nawēn ke la rōm kek Paulo yōn ē mēc ku wel Paulo nomhōm bī ya raan cī gam. Athör Paulo cī gät Pilemon ē tuc ye rin bī Pilemon dōōr kek aluonyde Onethimuth, ku lor ke cie wēt ye yen alony cī dhuk tēnē ye, ku ē wēt cī Onethimuth ya wāmēnh cī gam aya.

Kāk tō thīn

Muōth tueŋ 1-3

Alēc tēnē Pilemon 4-7

Bī Pilemon kē cī Onethimuth wuōōc pāl piny 8-22

Muōth ciēēn 23-25

¹ Paulo raan cī mac ē wēt Jethu raan cī lōc ku dōc, yen agāt athör tēnē wāmāāth ē gam yic Timothī ku māthda Pilemon raan luui yok,

² ku nyanakāida Apia ku māthdan dēt lui apēi cimēnda cōl Arkiputh ku tēnē kōc cī gam ē rōm paandu.

³ Bī dōōr ku dhēēŋ Nhialic ku Bēny Jethu raan cī lōc ku dōc, aa rēēr kek we.

Alēc tēnē Pilemon

⁴ Wāmāāth cī gam Pilemon, na rōōk akōlakōl ke yīn aya tak rōōkdiē yic ku lēc Nhialic rienku.

⁵ Rin yēn ē nhiērdun nhiēer yīn kōc ē Nhialic, ku gamdu tēnē Bēny Jethu, piŋ.

⁶ Rōōkkiē ē lōn bī piath bēēi kamkua buk athēei cuk yōk piērda yic tēnē Raan cī lōc ku dōc aa deet yic.

⁷ Nhiērdū acā cōl amit puō apēi ku deet yapuō rin cī yīn kōc cī Nhialic gam nyuōōth apath.

Paulo awic Onethimuth bī kony

⁸ Kēya, rin wēt kēnē, alēu ba yī yōōk ke ya cit wāmuuth rin Raan cī lōc ku dōc, kē wiēc ba looi,

⁹ ku rin nhiēr nhiaar yēn yī yen abī yēn yī thiēc. Kēnē aya looi rin ē yēn Paulo tit nyin Jethu raan cī lōc ku dōc yic, cī mac ēmēn wētde.

¹⁰ Yīn alāŋ rin Onethimuth cī jāl a man-hdiē rin Raan cī lōc ku dōc, rin cī yēn bēn ya wun wēike wāār mēc ya.

¹¹ Wāār tueŋ acīn kēn ye kony tēnē yī, ku ēmēn ala kē lēu bī kony tēnē yō yodhie, yīn ku yēn.

¹² Yēen atuōc ciēēn tēnē yī, cōk alōn cīi piāndiē ye wic.

¹³ Ee nhiaar bī lōk rēēr ke yēn tēthin-nyōōt, bī yēn kony nyiēndu mēnē lōk mac yēn rin piōōc ē wēt Nhialic.

¹⁴ Acā wic ba yī nāk kuōnydiē, awiēc ba kēdu tak ē rot. Acīn kē luōoi ke kēc ē gam.

¹⁵ Tēdē, wēt jiēl Onethimuth tēnē yī ē rin bī yen bēn dhuk bāk la rēēr ke we cīi bēn puōk rin cī gamdun a tōk.

¹⁶ Yēen adhuk tēnē yī rin ē yen aluonydu, ku ŋic lōn ye yen wāmuuth aya rin cī yen gam. Yēen anhiaar apēi ku aba nhiaar apēidit aya ke cit aluonydu, ku ye wāmuuth rin Bānyda.

¹⁷ Na luuiku ē tōk, ke yī lor Onethimuth cit lōn bī yīn ya lor.

¹⁸ Na le kēreec cī luōi yī, tēdē ke kōny ē wēēu, ku wic ke ke nyaai ke kākkiē yic.

¹⁹ Ee yēn Paulo yēn agāt kēnē ē ciēndiē. Yīn aba cuōōt. Ku duk nomhōm mār yīn acī pīr akōlriēc ēbēn yōk ē riēnkiē.

²⁰ Ke yīn manh ma, loi kēnē apath rin Bānyda. Ku ē wēt ca lim tēnē yī ke yō cit mīth ē tik rin Raan cī lōc ku dōc, dēet yapuō.

²¹ Anjic lōn bī yīn kē ca thiēc tēnē yī looi ku kājuēc kāk.

²² Ku dēt aya, guir tēn anīin tēnē ya, tēk ke Nhialic abī rōōkkun piŋ ku abā cōl adhuk tēnē we.

Muōth ciēēn

²³ Epaprath raan cī mac kek yēn rin wēt Jethu raan cī lōc ku dōc, ee we muōōth.

²⁴ Ku kōc lui kek ya, Marko ku Aritharkuth ku Demath ku Luka, aa week muōōth aya.

²⁵ Bī dhēēŋ Bānyda Jethu raan cī lōc ku dōc rēēr ke we ēbēn.

Athör cī gāt koc Itharel cī gam

Wēt nhom

Athör cī gāt koc Itharel, ee gēt tēnē akut koc cī gam wäär duēr gamden wai wei, ku dhukkē gamden theer yic, rin cīi koc juēc kē loikē nhar ku yekē ke kuōc ciēēŋ. Ku keek aake ye raan gāt athōōr ke dēet puōth ē gamden yic. Ku nyuth ke lon Jethu Kritho yen ē yic la cōk, ku ē yen aci Nhialic rot nyuōoth thīn. Wäär gēt yen athōōr ē wic bī yith kadiāk dēet kepuōth apēi. (1) Jethu yen ē Wēn Nhialic akōlriēēc ēbēn, ku yeen aci bēn gum bī tē yen Wun Nhialic theek thīn ŋic. Rin ye yen Wēn Nhialic, Jethu adīt tēnē koc kāk Nhialic tūŋ cī gāt athör theer wēl Nhialic yic. Ku adīt tēnē atuuc nhial ku tēnē Mothith aya. (2) Jethu aci Nhialic nyuōoth bī ya yen raandit kāk Nhialic akōlriēēc ēbēn, ku dīt tēnē koc kāk Nhialic tō athör theer wēl Nhialic yic. (3) Ku Jethu yen ē raandit kāk Nhialic. Ku ē yen pīr ē yic bēēi tēnē ŋo. Ku lāāi wäär ye koc Itharel ke nōk, ku tēwäär ye kek yanhdēn duōr thīn duēl yic, aa ye kūt yen aye kek pīr bī Jethu bēēi akōldā kiēt.

Ku cōkdīt 11 yic, raan gēt athōōr ē kājuēc rin gam koc theer cī gāt athör theer wēl Nhialic yic lēk koc bā athōōr kueen, bik kepuōth dēet gamden yic. Ku cōkdīt 12 aaye lēk bik la tueŋ ke gam yet tē thou raan ku cīk kekōth wēl Jethu. Ku gumkē kuat kārēc lui rōt ke, ku nāāk bī bēn tēnē ke aya.

Wēl juēc tō athör theer wēl Nhialic yic, aaye raan ē gāt athōr kēnē tēnē koc Itharel cī gam, lac mat thīn. Kek wēlkā aabī raan kuen athōōr ya yōk ciel kīt ŋāny ku kīt ē thōk yīc (“”) Athōōr ē thōk ē wēet ku lēk.

Kāk tō thīn

Wēt Nhialic aci Wēnde lēk koc 1:1-3

Jethu adīt ku aril tēnē atuuc nhial 1:4-14

Buōthku Jethu bī ŋo luōk la pan mac 2:1-4

Jethu aci bēn bī ŋo luōk 2:5-18

Jethu adīt apēi tēnē Mothith 3:1-6

Gamku wēt Jethu buk rēer ē duk 3:7-4:13

Jethu yen ē Raandan dīt apēi kāk Nhialic 4:14-6:12

Athōn Nhialic ē yic 6:13-20

Melkidhedek 7:1-14

Raan dēt kāk Nhialic cīt Melkidhedek 7:15-28

Jethu yen ē Raandan dīt kāk Nhialic 8:1-15

Tē ye Nhialic duōr thīn wāthēer 9:1-10:18

Bāk lok tēthiāk ke Nhialic 10:19-39

Gam 11:1-12:29

Tē ye Nhialic miēt puōu thīn 13:1-16

Thek kockun dīt wēl Nhialic 13:17-19

Rōok ciēēn 13:20-21

Wēl ciēēn 13:22-25

Wēt Nhialic aci Wēnde lēk koc

¹ Wāthēer Nhialic aci jam tēnē koc kākke tūŋ bik wētde lēk wārkuan dīt arak juēc dhōl juēc.

² Ku emēn, ee Wēnde yen ē kākā lēk koc. Yen aci Nhialic thōn kāriēēc ēbēn pinynhom, ku ē riel Wēnde yen ē looi yen kāriēēc ēbēn tō thīn.

³ Wēn Nhialic yen ē dhēēŋde nyuōoth. Ku yen aye Nhialic tūc yeguōp ayic. Ee riel wēt yen ē kāk tō nhial ku piny cōl alui cīt tē cī yen ke cak thīn. Ee yen aci thou ba adumuōmkua laak wei ŋogup, ku ler ku nyuuc Bāānyde yic nhial cuēny Wun Madhōl.

Jethu adīt ku aril tēnē atuuc nhial

⁴ Kēya, Jethu adīt ku aril apēi tēnē atuuc nhial, cimēn rin cī Nhialic gām ye bī ye a cōl ke, “Wēn Nhialic,” ye nyuōoth. Rinkā awār rin atuuc.

⁵ Rin aciŋ atuny cī Nhialic kaŋ lēk yeen ēlā, “Yīn ee Wēndiē, akōlē, ŋen aci ya Wuur.”

Ku aciŋ atuny cī Nhialic kaŋ lēk yeen aya ēlā,

“Ųen abi ya Wuur, ku yīn abi ya wēndiē.”

⁶ Ku wäär tuuc Nhialic Wēnden bī thōn kākke pinynhom aci lueel aya ēlā,

“Yen adhīl atuuc nhial door.”

⁷ Ku kē cī Nhialic lueel rin atuuc nhial akīn,

“Acā atuuc nhial cak ke puōl gup cimēn yom. Ku cimēn bir deŋ bik yeen lac aa luōōi.”

⁸ Ku lueel Nhialic tēnē Jethu ēlā,

“Bāānydu abi cien akōlriēēc ēbēn, ku yīn abi ŋiēc mac apath.

⁹ Yīn ee koc luui kāpath nhiaar, ku yīn ee koc luui kārēc lac tēm awuōc.

Ku ee yen kē cī Nhialic, yen Nhialicdu, yī tāau tueŋ koc nhīim rin cī yen yīin loc ku gēm yīin miēt puōu ēbēn.”

¹⁰ Ku wēl theer Nhialic cī gāt aa jam ēlā rin ē Jethu,

“Bēny wäär tueŋ cēk kaŋ yīn aci piny cak, ku nhial aya ee yīn aci yeen cak.

¹¹ Kākā ēbēn aabī liu akōldā, ku yīn abi tō thīn athēer.

Aabī dhiōp ku riēēkkē cimēn alath.

¹² Aaba ya mat yīc cimēn alanh cī riāāk ku cūet wei.

Ku war keek aya cimēn alēth.

Ku yīn guōp, yīn aciī rot bī kaŋ waar, ku yīn aciī bī dhiōp.”

¹³ Aciŋ atuny cī Nhialic kaŋ lēk yeen ēlā, “Nyuc kōŋdiēn cuēc ku ŋen abi koc aterdu guiir ku dhuōk keek ciēēn yīcōk.”

¹⁴ Na ye kēya, ya atuuc nhial kāŋō? Atuuc aa jak Nhialic luōōi ē path. Aaye tooc bik koc bī pīr akōlriēēc ēbēn yōk, aa kony.

2

Buothku Jethu bi ʔo lušk la pan mac

¹ Këya, ʔok aadhil ʔopuŋth tääu piny apeɪ ku piŋku wēt Jethu apath, buk cǐi mēr wei dhël la pan Nhialic yic.

² Wēt Nhialic wäär cǐ yen atuššcke tooc bik lõŋ lëk Mothith, rin bi Mothith ye lëk wärkuan dīt. Koc cǐ bën kuc bik wēt kënë cǐi piŋ aaci bën tēm awušc.

³ Këya, yeŋö bi ʔo gël bi ʔo cǐi tēm awušc aya, tē cǐi ʔok wēt bi ʔo kony ye Jethu lëk koc rin pír aköriëëc ëbën ye piŋ? Ee Jethu yen ë koŋ wēt pír lueel. Ku yen aci koc cǐ ye piŋ lëk ʔo lõn ye yen yic.

⁴ Ku aye Nhialic nyuəoth akölaköl lõn ye kakkä yith ë kakkith jäh gǐi röt looi yic. Ku mišc juëc riel ye Wëi Nhialic yiëk koc cǐ kakkä gam tēcīt tē wic yen ye thīn.

Jethu aci bën bi ʔo bën lušk

⁵ Nhialic acǐi atuuc nhial bi looi bi ya kek la riel piny yen wic bi ben guuir, piny yen jīem ʔok ëmën.

⁶ Aacie ke, rin aci Debit lueel tënë Nhialic ëlä theer athör waak yic,

“Raan yeŋö, ku manh raan yeŋö, ye yīn yīnhom yiëk ye apeɪ këlä?”

⁷ Wäär aca cöl atšou nhom ciëen kaam thin-nyəot tënë atuuc nhial, ku aŋot ca bën yiëk bäány ku tääu kəriëëc ëbën yecök.

⁸ Ku wën cǐ yīn kəriëëc ëbën tääu yecök.”

Acin kënë cǐ nyääh wei. Ku ëmën acuk tǐj lõn tš kəriëëc ëbën yecök.

⁹ Ku ʔok aa Jethu wäär ca tššou nhom ciëen tënë atuuc nhial tǐj ëmën ke ye yen cǐ yiëk bäány. ʔok aa Jethu tǐj ke cǐ ya bëny rin cǐ yen thou, bi raan ëbën lušk ë piath Nhialic.

¹⁰ Ku ë yic bi Nhialic yen cǐ kəriëëc ëbën cak, ku cöl ke aa ciëŋ cit tē cǐ yen ke cak thīn, Jethu cöl agum, rin wic yen ye bi koc juëc kony ku ʔeth ke bäányde yic pan Nhialic.

¹¹ Raan koc cöl ala cök, ku koc ye looi bik la cök aala Wunden. Ku yen acǐi Jethu gušp ye yär bi ke aa cöl wämāthakën.

¹² Acǐ lueel tënë Nhialic ëlä, “ʔen abǐ wämāthkië lëk kē ca looi, yīn aba leec amatden yic.”

¹³ Ku lueel aya,

“ʔen abǐ Nhialic ŋöšth.”

Ku ben lueel tënë Nhialic,

“ʔen akīn, ʔok mīth ca gām ʔen.”

¹⁴ Jethu aci ya raan cīmēnda. Rin na le thou, ke gök jōŋrac la riel ë thou.

¹⁵ Ku Jethu aci bën aya, bi koc ke cit aloony piërden yic akölaköl bën wëer bei rin riššc kek ë thou.

¹⁶ Këya, adhillku tääu ʔonhūm lõn Jethu akëc bën bä atuuc nhial bën kony. Aci bën bi ʔo bën lušk, ʔok koc cǐ gam cīmën Abaram.

¹⁷ Ku rin ë wēt kënë yen aci yen ciët ʔo, ʔok wämāthakën. Rin bi yen a Raan kāk Nhialic yer pušou luoi kāk Nhialic yic. Ku rin bi ye juaar tënë Nhialic ba adumuššm päl piny.

¹⁸ Aŋjcku lõn bi yen ʔo kony tē thöoc jōŋrac ʔo awušc yic, rin yeen aya, ëci jōŋrac them ku guum apeɪ.

3

Jethu adi apeɪ tënë Mothith

¹ Wek miëthakäi cǐ gam, wek koc cǐ Nhialic cöl aya cīmēndië, awiëc bāk Jethu raan cǐ Nhialic tuššc pinyinhom ke ye Raandan dīt apeɪ kāk Nhialic, bi ʔo bën piššc kǎpuoth wic Nhialic ke buk ke gam, tak apath.

² Jethu ëci wēt Nhialic yen tooc ye gam, ku looi piānde ëbën cīmën wäär cǐ Mothith wēt Nhialic gam, ku looi wäär cǐ Nhialic ye tääu kocken Itharel nhūm.

³ Raan mac cak nhom aye leec apeɪ tënë koc ë manyë. Ku këya, Jethu aye leec apeɪ tënë Mothith.

⁴ Mac ayǐ dhiëth ala raan ye cak nhom. Ku Nhialic yen ë cak kəriëëc ëbën.

⁵ Aŋjcku ëbën lõn cǐ Mothith wēt Nhialic gam ku looi apath wäär ye yen alony Nhialic, wäär cǐ Nhialic ye tääu koc Itharel nhūm. Ku lëk ke kāk bi röt looi aköldä.

⁶ Ku Raan cǐ loc ku doc aci wēt Nhialic gam ku mec manyde apath rin ye yen Wēnde. Ku ʔook koc cǐ gam ʔok aa many Nhialic. ʔok aa manyde tē le ʔok tuer ʔo deet ʔopuŋth, ku nhiemku ŋöthdan bi ʔo lušk aköldä.

Gamku wēt Jethu buk rëer ë duk

⁷⁻⁸ Këya, Wëi Nhialic ë ʔook yššc, “Tääükë wenhūm piny ku piŋkë wëtde ya aköl.

Ku duškkë wepuŋth wel wei tënë yeen, cīmën wäär cǐ koc Itharel kepuŋth wel wei tënë Nhialic

wäär them yen keek ror liëet, wäär jǐel kek pan Ijip.

⁹ Keek, aake cǐ kāk jäh gǐi cǐ Nhialic looi rin bi yen ke kony tǐj,

ku ŋot ke cǐi wēt Nhialic gam tēn ruššn thiärŋuan, bik ciët koc ke them Nhialic, ku bik tē lir yen pušou thīn tǐj.

¹⁰⁻¹¹ Nawën ke riäkä pušou tënë keek ku kuëŋ ku lueel,

‘Kockä acǐi wëtdië ben piŋ,

ku aacä bi pušl bik tē ca guier ke bi kek la rëer thīn ë duk, dööt.’ ”

¹² Miëthakäi, tietkë röt bi ciën raan tak kërac kamkun bi wēt dhöl yic, ku wel yepušou wei tënë Nhialic yen tšou kəriëëc ëbën yecin.

¹³ Yakë röt wëet ë kamkun, ku deetkë wepuŋth akölaköl, tē ŋot ye wek ye lëu bāk wepuŋth dhušk ciëen, cīmën wēt ye Nhialic

læk we bāk looi yakōl, “Pälkē luai adumušm, bī ciēn raan kuēeth jōṅrac wei, ku dhēl wēt Jethu yic.”

¹⁴ Rin na mukku gamda apeī akōlriēc ebēn, ku jōthku Nhalic cimēn wāär gem yok ye buk Jethu buōth, ke yok aa tōk kek Jethu.

¹⁵ Yok aabi dhēl Jethu buōth yic tē gam yok kē yeku kueen cī gāt athör theer wēl Nhalic yic, ye lueel buk cīi kuc, ku buk cīi cīt koc Itharel wāär cī kēn ē ye Nhalic læk ke ror liēet dhōl yic.

¹⁶ Njic koc ke cī wēt Nhalic piṅ ku dhālkē yic? Alēu ba njic lōn kockā aa wārkuan dīt, koc Itharel wāär wēt Mothith kenhūim wei lēṅ yic pan Ijij.

¹⁷ Ku keek kockā, cī Nhalic rac pušu tēnē rušm thiārṅuan, aye kērac yen aa cik looi. Kockā aaci bēn thou ku dōṅ guāpken ror liēet.

¹⁸ Ku kē cī kek nhūim riel bik wēt Nhalic cī piṅ, yen aci Nhalic pušu bēn riāāk ku kuc, ku kuēēṅ bī kockā tē cī guir bī kek la lōṅ thīn cī dōt.

¹⁹ Kēya, ayeku tūṅ lōn aa kēc Nhalic bēn pušl bik ē tēn dōot, rin kēc kek wētde gam.

4

¹ Adhielkē muk wenhūim lōn tēpuoth wāär cī Nhalic thōn ṅo bī yok la lōṅ thīn ke ye, aṅot tiit yen ṅo thīn. Kēya acīn raan kuc bī lōṅ wāär cī thōn ṅo cīi yok.

² Rin yok aaci Wēt Puōth Yam piṅ cimēnden. Ku keek aaci wēt piṅ ku akēc ke kony, rin wāär piṅ kek ye aa kēckē gam.

³ Ku yok koc cī gam, yok aa lōṅ cī Nhalic thōn yok, rin yok aaci cīt wārkuan dīt wāär cī wēt cī Nhalic thōn keek piṅ ku cik gam, go lueel ēlä, “Kēya, ṅen aci pušu riāāk ku kuēēṅ, ‘Lōn kockā aaci bī la tē bī kek la lōṅ thīn.’ ” Ku lōṅ ye Nhalic lueel ē tō thīn theer wāär cī yen piny cak.

⁴ Rin ayeku yok aya athör theer wēl Nhalic yiic lōn cī Nhalic lōṅ luōide yic akōl ye nin dhorou, tēwāär cī yen nhial ku piny cak ku kāk tō nhial ebēn thōl.

⁵⁻⁶ Cīt lōn cī Nhalic ye lueel, “Kockā aaci bī la tēn lōṅ.” Ku koc ke cī wēt kēnē kaṅ piṅ aa kēc bēn la tēn lōṅ rin cī kek wēt Nhalic dhōl yic.

⁷ Ku Nhalic ē cā akōl dēt looi. Ku ē yen akōlē yen cī yen jam tēnē Debit wāthēer, cīt tē cī ye gāt thīn athör theer wēl Nhalic, “Na piēṅkē Nhalic rōl ke cōt akōlē, ke duškkē kuc cimēn koc theer.”

⁸ Kēya, duškkē tak lōn cī wārkuan dīt, pan wāär cī Nhalic lueel bī kek la lōṅ thīn dōot wāär ṅeet kek pan kanaan, kek bānyden Jocua wāär cī bēn a bēny Mothith cōk. Duškkē tak, rin na ke cī pan cī Nhalic

luai ke dōot, ṅušt akēc Nhalic bēn lueel lōn le yen akōl dēt bī koc cī wētde gam, bī kek la lōṅ thīn ke ye, bēn.

⁹ Ee yic! Aṅicku lōn ṅot bī yen la lōṅ tēnē koc wēt Nhalic gam, cimēn wāär cī Nhalic lōṅ nin kadātem cōk wāär cek yen pinyṅhom.

¹⁰ Rin raan cī lōṅ cī Nhalic thōn yok, abī lōṅ luōide yic, cimēn wāär cī Nhalic lōṅ luōide yic.

¹¹ Kēya, luuiku apath buk lōṅ kēnē yok, rin bī ciēn raan tōk kamkua mār, cimēn wāär cī wārkuan dīt kuc bik wēt cīi gam.

¹² Wēt Nhalic arēer thīn ku alui piērda yic akōlakōl. Wētde aril apeī, ee lōōny koc puōth bī kāpath ku kārec tō ṅopuōth tek thook. Acīt tōṅ moth dhie riṅ teem bī yom la tek thook.

¹³ Acīn kē lēu bī thiaan tēnē Nhalic. Aṅic kē cī cak ku adaai kēriēc ebēn. Acīn kē lēu raan bī thiaan tēnē ye. Ku ē yen aye bēn læk kārec.

Jethu yen ē raandit apeī kāk Nhalic

¹⁴ Jethu Wēn Nhalic, yen ē raandit apeī kāk Nhalic rēer kek Nhalic. Na ye kēya, ke ṅo muk gamda apath.

¹⁵ Raandan dīt apeī kāk Nhalic acie yepušu ē pēn ṅo cōk alōn ye yok luui kārec. Rin yeen ēci jōṅrac them aya ē dhōl juēc yiic cimēnda. Ku acīn awuśc cī looi.

¹⁶ Lokku tēnē Nhalic cī nyuc thōnyden dhēēṅ nhom ke ṅo cīi riśc. Tēēn, yok aabi lier pušu yok, ku yōkku dhēṅ bī ṅo kony tē wic yok kuōny.

5

¹ Raandit kāk Nhalic theer ē ye kacke kuany bī ya jam tēnē Nhalic rin koc ebēn. Ku nek kāṅ bī yen ke Nhalic door rin bī Nhalic kākken rēc yekē looi pāl piny.

² Ku yeen aya, ee ye luui kārec akōlakōl rin ye yen raan. Ku kēya, alēu bī koc cī mār, ku koc cīn kē ṅickē ṅuāān.

³ Ku rin cīi bēny ye riel apeī wēt Nhalic yic, ee kāṅ nōk bī yen ke Nhalic door rin kārec ye kacke looi, ku rin kāraacke aya.

⁴ Acīn raandit kāk Nhalic rot kuany ē rot. Ee Nhalic ē rot yen ē raanden cī tak loc cimēn wāär loc yen Aron.

⁵ Kēya, Bānyda raan cī loc ku dōc ēcīi bāāny ye yen raandit kāk Nhalic rum. Ee Nhalic yen ē loc ye wāär lueel yen ye ēlä, “Yin ē Wēndiē, Ya akōlē, ṅen aci ya Wuur.”

⁶ Ku aci gāt athör theer wēl Nhalic yic lōn cī Nhalic ye lueel aya akōldēt ēlä, “Yin aci loc ba ya raan kāk Nhalic akōlriēc cimēn Melkidhedek.”

⁷ Wāär ciēṅ Jethu pinyṅhom, ēci rōōk apeī tēnē Nhalic, ku cōl Nhalic ke dhiau, Nhalic lēu ye bī kony thou yic. Ku yen aci

Nhialic bēn kony rin yen Jethu yök ke loi kēden wíc.

⁸Na cak alon ye Jethu Wēn Nhialic, ke yeen aci dhiel bēn gum bi kē wíc Nhialic yen bi looi dhiel njic bi wēt.

⁹Ku wēn cī yen jāl a raan la cök, cī luoidē lēu, aci bēn aa raan ye pīr akōlriēec ēbēn yök thīn ē koc wētde piñ ku loikē.

¹⁰Ku ē yen kē cī Nhialic ye bēn nyuōth koc ēbēn, lon ye Jethu Raandit apeī ē kāk Nhialic akōlriēec ēbēn cimēn Melkidhedek.

¹¹Ala wēl kōk ril kek ba lēk we ē wēlkā cök, ku aril yic ba ke teet yiic rin wek aacit koc la yith adōk, cī kāñ ye piñ.

¹²Na we cī wepuōth pāl piñ, nyuōt wek aa koc kōk piōoc wēt Nhialic ēmēn, rin tēn gam wek ye bāk aa koc cī gam aci mēc. Ku wek aaci dhuk ciēen, arēk nadē ke wek aa wíc koc ben we piōoc wēt tuenj Nhialic wāār cak kañ njic. Wek aacit mīth kor njot ke dhil muk ē ca, kēc guō dīt bik mīth mūth ril kōth.

¹³Ku raan njot cit manh koor muk ē ca, aye nyooth lon kēc yen wēt Nhialic deet apath. Anjot cit manh kuc kēpath ku kērac.

¹⁴Miēth ril kōu ee kēn koc cī dīt, koc cī rōt piōoc bik kēpath ku kārēc njic.

6

¹Lokku tuenj buk we piōoc wēl bi we cōl anjic kājuēc. Acā wíc ba we piōoc kāk wāār wiēckē bāk ke njic bāk aa koc cī gam. Acā wíc ba ben lēk we bāk wepuōth dhuōk ciēen rin adumuōōmkun ku bāk Nhialic gam. Kākkā aa njicckē ke theēr.

²Piōoc rin lōkwēi, ku piōoc bi cin tāau koc nhūm bi Wēi Nhialic lōōny koc gup. Ku jōl a piōoc bi Jethu kōcken cī thou bēn jōt bei thou yic akōl le yen dhuk pinynhom, bi luk bēn looi kam koc cī wētde gam, ku koc cī jai wētde. Piōoc cit kēnē acie yen path bi ya dhuōk yic tēnē we akōlakōl. Kek aa kāk ye ke piōoc jōck.

³Apath buk la tuenj buk kājuēc kōk njic rin Jethu. Ku ē yen kē buk looi tē pēl Nhialic ye.

⁴Rin aci rot lēu bi koc cī jāl gamden yic cōl aa ben kepuōth dhuōk ciēen. Keek aake cī yic kañ njic, ku njicckē pīr yam cik yök tēnē Raan cī lōc ku dōc, ku Wēi Nhialic.

⁵Ee cik njic lon puōth wēt Nhialic, ku tinjckē kāk jāñ gōi.

⁶Ku kāk loikē ke ēmēn, aa ben kek Wēn Nhialic piāt tim cī rīu kōu, ku rēckē guōp koc nhūm ēbēn.

⁷⁻⁸Raan cī wēt Nhialic gam piānde ēbēn athōj ke dom dhie la tōōm path, ee piū yiōi na tueny denj ku pur ke lok apath. Raan cit kēnē aye Nhialic puōu miēt tēnē ye, ku kony bi pīr akōlriēec ēbēn yök. Ku dom ye puur ku la kuōth cil thīn, aciit raan ye lēk wēt Nhialic

ku cī piñ. Raan cit kēnē aye Nhialic tēm awuōcdit bi yen rēēr pan mac akōlriēec.

⁹Na cak alon cī yen we gāt athör kēnē wek māthkiē, ka njic wek aa njot we la tuenj apath. Wek aa njot we kuany dhēl pīr akōlriēec ēbēn yic.

¹⁰Nhialic acie mītil nadē ke mār nhom kāpuōth cak looi, ku tē nhier wek ye thīn cak nyuōth ye kāk cak looi yic, ku kāk njot ke luōikē ke ēmēn rin kacke.

¹¹Ku wek aa wicku bi njec la tuenj ke loi kēpath cit kāpuōth theēr akōlakōl yet akōldā. Rin bi kē njōthkē yenhom tiēej.

¹²Awicku bāk rōt cī dak luoi kēpath yiic. Awicku bāk ciēt koc wāār cī gam, yet tē yök kek kēpuōth wāār cī Nhialic thōn ke.

Athōn Nhialic ē yic

¹³Wāār lueel Nhialic ye lon bi yen Abaram gām mīth juēc, aci rot kuēej rin cin yen raan dēt dīt tēnē yen bi ye kuēej ē rienke.

¹⁴Ku lueel, “Yin alēk yic! Yin aba dōoc ku gām yi mīth.”

¹⁵Go Abaram tūt ku njōth kē cī Nhialic rot kuēej yet tē cī kēnē yenhom bēn tiēej.

¹⁶Tē kuēej raan, ee kuēej rin raandit tēnē ye. Ku kuēejde aye gam.

¹⁷Ku ē wíc Nhialic bi cōl ala gei, lon bi yen kē cī thōn guōt nhom ke cī war yic. Ku kuēej bi wētde dhiel a yic.

¹⁸Nhialic aci yō lēk kāñ karou, athōn ku kuēej, lon bi yen wēlke muk nhūm. Ku rin ē kākkā karou, anjicku lon ye athōn yic. Keek aacie rōt ye waar ku Nhialic acie lueth ye lueel. Nhialic aci kēnē lueel bi yō deet puōth apeī lon bi njāthda tēnē Nhialic yenhom tiēej.

¹⁹Ku rin njāthda tēnē Jethu yen aye yök thōny Nhialic dōōt, tēwāār cī Jethu la thīn yonhūm tuenj bi la rōok ku lēñ Nhialic ē rienkua.

²⁰Njōth ye yök Nhialic njōth kāpuōth cī thōn yō rin wēikua yen ē yō muk puōth, rin Jethu aci yō wat nhūm pan Nhialic. Ku yeen aci jāl a raandit apeī kāk Nhialic cimēn Melkidhedek, akōlriēec.

7

Melkidhedek

¹Melkidhedek ē ye bēnydit gen cōl Thalam, ku yen aya ē ye raandit apeī kāk Nhialic Madhōl. Nayon akāl tōk ke piñ lon cī Abaram la dhuk tōñ yic ke cī tōñ bāny wuōt kañuan cop.

²Go Abaram Melkidhedek juēr tōñ thiāār kāk cī ke la peec tōñ yic. Melkidhedek, wētde yic, “Bēny la cök.” Ku ē ye bēny dōōr aya. Cimēn rin genden cōl Thalam, wētde yic, ee “Dōōr.”

³Acin wun ku man ku kuat. Ku tēn jōck piērde rot thīn ku le thōk aciit njic. Arēēr

ke ye raan kāk Nhialic akōlriēec cimēn Wēn Nhialic.

⁴ Jalkē tīj tē diit Melkidhedek thīn! Agut Abaram guōp, raandit wārkuan dit theer, aci tōj thiäär kākken wäär cik la peec tōj yic, juēr ye.

⁵ Alēu raan bī gam lōn ye kē cī Abaramajuēr gām Melkidhedek yic, tēn ye Melkidhedek raan Lebī, kuat Abaram kek kōc kāk Nhialic ē kōc Itharel wäär tōk thiäär yic juaar tēnē kacken cīt lōj Mothith.

⁶ Ku yen Melkidhedek acie raan kuat Lebī, ku acaajuēr bēn löm tēnē Abaram ku cuēt piū. Ku Abaram acā athōn Nhialic yōk.

⁷ Ku anjicku aya lōn raan yen kōc dōoc, awār raan bēn tēnē ye bī bēn dōoc.

⁸ Ku dēt aya, kōc kāk Nhialic wäärajuēr kuany, aake ye kōc ē path, aaci bēn thou cimēn bī yōk thou, ku aye athōr theer wēl Nhialic lēk yo lōn Melkidhedek apīr.

⁹ Alēu buk lueel lōn ye Melkidhedek raandit apeī kāk Nhialic tēnē kōc Lebī, kōc kāk Nhialic. Rin Abaram wundit kuat Lebī, yen aci tōj thiäär kāk wäär cik la peec tōj yic juēr Melkidhedek.

¹⁰ Kēya, alēu bī lueel lōn kōc Lebī aaci tōj thiäär juēr Melkidhedek aya, rin ye kek kōc riem Abaram.

¹¹ Na lēu kōc Lebī, kōc kāk Nhialic bik yo cōl aala cōk, ŋušt acin dēt ben raan dēt kāk Nhialic cimēn Melkidhedek bēn, raan cī cīt Aron, raandit kāk Nhialic wäär ē kuat Lebī. Ku kōc Lebī, kōc kāk Nhialic aake busth lōj Mothith yic.

¹² Ku aa kēc yo bēn cōl aala cōk. Ku kēya, acie raan dēt kāk Nhialic yen wicku ē rot, yōk aa wic lōj dēt yam aya.

¹³ Jethu Bānyda, raan jiem yōk rienke emēn, ee cie raan dhiēnh Lebī. Ku acin raan tōj kuatde cī kanj a raan kāk Nhialic, ee Nhialic door yik nhom.

¹⁴ Anjicku lōn Bānyda Jethu ē raan dhiēnh Juda. Ku akēc Mothith pušl bī kōc dhiēnh Juda ya kōc kāk Nhialic.

Raan dēt kāk Nhialic cīt Melkidhedek

¹⁵ Acī jāl la geī apeī emēn, tē le raandit dēt kāk Nhialic cīt Melkidhedek tuāl.

¹⁶ Raan kēc aa raandit kāk Nhialic cīt lōj cieŋj kōc pinyinhom, aci ya raandit kāk Nhialic cīn kē bī rielden pīr akōlriēec ebēn kanj rac.

¹⁷ Rin aye athōr theer wēl Nhialic lueel ēlā ē rienke, “Yin abī ya raan kāk Nhialic akōlriēec ebēn cimēn Melkidhedek.”

¹⁸ Ku lōj theer wäär aci pušl acī ril. Acie kōc ē kony.

¹⁹ Rin lōj Mothith acie kōc cōl aala cōk. Ke emēn yōk aala lōj yam yo cōl anjōth lōn bī yōk thišk kek Nhialic.

²⁰ Ku dēt, Nhialic ēcī kuēŋj aya kēde. Ku acin kōc kāk cī ya kōc kāk Nhialic cī yen kuēŋj kēden.

²¹ Ku Jethu aci ya raandit kāk Nhialic apeī rin cī Nhialic kuēŋj wētde wäär lueel yen ye ēlā, “Yen aci kuēŋj ku acā bī waar yic. Yin ē bēny akōlriēec ebēn.”

²² Rin ē kuēŋj kēnē yen aci yōk ye ŋic lōn lōj dōōr ē yam cī Nhialic looī ē Jethu, ya kēpath.

²³ Ku dēt cī kek thōj akīn. Kōc kāk Nhialic theer aake ye juēc, rin na cī raandit kāk Nhialic thou, ke raan dēt ala nyiende.

²⁴ Ku Jethu apīr akōlriēec ebēn, luoiden ē yen raandit kāk Nhialic acie rot ye waar.

²⁵ Jethu ala riēl dit bī kōc busth dhāldē yic kony ebēn, kōc wic ye bik la tēnē Nhialic. Rin ē rēer ke lōj Nhialic ē rienken.

²⁶ Jethu yen ē raandit kāk Nhialic cī kākkuā lēu. Arēer ke dhēŋj Nhialic, acin guōp adumušm, ku yen aci Nhialic tēk bei tēnē kōc kārēc looī, ku tēu kāk cī cak ŋhīm ebēn nhial.

²⁷ Yen acī thōj kek kōcdit kāk Nhialic wäär yōk nōk rušōn thok ebēn, rin bī adumušmken ku adumušm kacken pāl piny. Jethu acī thōj ke ke. Acī rot juaar arak tōk wäär thou yen tim cī riū kōu rin adumušm kōc ebēn.

²⁸ Kēya, alēuku buk ŋic lōn kōc kāk Nhialic wäär ē luūi dhōl lōj Mothith aake cī la cōk. Ku athōn Nhialic cī yen kuēŋj wäär lōj Mothith ebēn cōk, aci Wēnde looī bī ya raan la cōk akōlriēec ebēn.

8

Jethu yen ee raandan dīt kāk Nhialic

¹ Wēt ril yen wicku buk lēk we, ee lōn le yōk raandit kāk Nhialic cī nyuc lōj cuēc thōny Nhialic Madhōl nhom nhial.

² Jethu alui ke cīt raandit kāk Nhialic, tē rēer dhēŋj Nhialic thīn ayic tēn ē looī Bēny ke cie raan.

³ Ku cīt lōn ye raandit kāk Nhialic kuany bī kanj aa juaar ku nēk yōk tēnē Nhialic, ke raandan dīt kāk Nhialic aya adhīl la kē ye juēr Nhialic.

⁴ Ku na Jethu rēer pinyinhom, ŋušt akēc kanj a raan kāk Nhialic, rin kōc kāk Nhialic, ke ye Nhialic nāk yōk cīt tē ye lōj Mothith luēl ye aake tō thīn.

⁵ Ku luōi yekē looī kek kōc kāk Nhialic kā, ee ye kūt yen ē ye kek kāk ye looī nhial tē rēer dhēŋj Nhialic thīn kiēt. Ku yen athōj kek luōi Mothith. Rin wäär wic yen ye bī duēl looī ēcī Nhialic lēk ye ēlā, “Adhīl ŋic lōn yin adhīl kanj looī ebēn cīt tēden wäär ca nyušt yī ē gōt nhom.”

⁶ Ku Jethu emēn, raandit kāk Nhialic aci gām riēldit yen luūi wār rielden. Rin dōōr

yam cī looi kam Nhialic kek kacke anuēēn apei, rin dōōr yam aa rēer kāpuoth cī Nhialic thōn yo thīn.

⁷ Na lōōj dōōr tuenj wāār la cōk ŋuot acīn kē cī Nhialic lōōj dēt ben wīc.

⁸ Rin ēcī Nhialic yōk lōn lōōj dōōr tuenj ēcīī path tēnē kacke, go lueel ēlā, “Nīn aacī thišk, lueel Bēny, tē bī yen lōōj dōōr yam looi kek koc Itharel ku koc Juda.

⁹ Acīī bī cīēt dōōr tuenj wāār ca looi kek wārken dīt akōl

wāār nyēci yen keek pan Ijip.

Aake kēc lōōj dōōr ca looi ke keek muk nom apath,

guo kuc ē keek, lueel Nhialic.

¹⁰ Ēmēn, dōōr ba looi kek koc Itharel nīn bī bēn cōk akīn,

lueel Bēny.

Yen abī lōōjkiē tāāu kenhūim ku kepuōth.

Yen abī ya Nhialicden ku yekē kackiē.

¹¹ Acīn raan ē kamken bī miēthakēn ben piōōc,

nadē ke lēk kōcken ē baai, ‘Nīc Bēny.’

Rin keek aabā ŋic ēbēn, meth ku raan dīt.

¹² Yen abā adumuōōmken pāl piny, ku cā kāracken ben kuēēc nhūim.”

¹³ Jalkē tīj ēmēn, wēn lueel Nhialic yen ka bī lōōj dōōr yam looi, ee ŋic lōn cīī lōōj dōōr thēer path, ku anjicku aya, na cī kēdāōj riāāk apei ka cīn kē kuny koc.

9

Tē ye Nhialic duōōr thīn wāthēer

¹ Lōōj dōōr tuenj ē la tēden ye Nhialic duōōr thīn, ku tē ye Nhialic door thīn ēcī looi aya pinynhom tēn. Koc kāk Nhialic Lebī aake ye Nhialic door yōn cī puōl bī ke Nhialic ya door thīn, ku duēl aake tō pinynhom ē tēn.

² Duēl ye Nhialic door thīn ē ye looi ke ye yic rou. Yōn ye kanj yōk tē le koc duēl yic, ee col Tēyaath ē Nhialic. Ku lōōj kēnē, many adōk ē dēp ē ye tōōu thīn, ku agen ye ayum cī juēr Nhialic tāāu yenhom aya.

³ Ku yōn tō alanh cī duēl tek yic kōu, ee col yōn Yaath apeī ē Nhialic.

⁴ Ku ē yōn kēnē yen arēer agen thīn, agen cī tōc nom mīlāōj tōc ye raan kāk Nhialic Lebī adōōj ŋīr cī took tōōu yenhom, ku ē yōn kēnē aya yen arēer rōōndīt tet, ye col Rōōj Lōōj ē dōōr thīn. Ku yen arēer tōny mana thīn, ku wai Aron ē ye rēer thīn aya. Wai kēnē ēcī Nhialic col acil kōu ayōr ku looi yōōk cōk alōn ee yen tim thēer cī riel. Ku aleel dīt tet karou cī lōōōj Nhialic kathīāār gōt thīn, aa tō thīn aya.

⁵ Ku ē rōōj dōōr kēnē nom, atuuc nhial karou cī kiēt, col Kerubin ē diik aake tō thīn. Ku keek aake ye Nhialic nyuōōth. Aake la

kōth wuōk dīt rōk kum nom tēn yen ye col, “Pēl Piny Kārec.” Rin tēn, arak tōk ruōōn yic, raan dīt kāk Nhialic ē ye koc wiēth rim kē cī nōk tēnē Nhialic rin be adumuōōmke ku adumuōōm kacke pāl piny. Ku ēmēn acā wic ba kājuēc kōk ŋīec rin ee kēnē teet.

⁶ Kēya, koc kāk Nhialic aake ye Nhialic door cīt tē cī guēr ye. Aake ye la yōn tuenj bī kek Nhialic aa la door thīn.

⁷ Ku yōn yaath Nhialic, ee raandīt kāk Nhialic yen ē la thīn ē rot, bī la rōōk thīn arak tōk ruōōn tōk yic. Tē le yen yōt, ee riem wenj cī juēr Nhialic muk bī la wiēth yōt, bī Nhialic awācke ku awuōōc ye kacke looi ke kuckē pāl piny.

⁸ Aye Wēi Nhialic nyuōōth yo ē kēnē yic lōn nadē ke dhēl la yōn yaath Nhialic ē yic, anōt kēc ŋaany thok cīt lōn ŋot koc lui dhēl thēer.

⁹ Kē lēuku buk deet ē kēnē yic aya ēmēn, ee lōn nadē ke riem wenj cī juēr Nhialic ye wiēth koc, acie koc ē Nhialic door ye looi bīk puōth la cōk.

¹⁰ Kākkā ēbēn aa kāk lōōj thēer, lōōj ye kāōj nōk ku cuet ke ē path. Ku kājuēc kōk ye looi bī awuōōc laak wēi, aa koc gup path ayēer kek aaye lōok. Kākkā aa lōōōj ke rēer thīn thēer cīn kē yekē kony yet tē bī Nhialic dhēl yam, dhēl adumuōōm nyaai koc puōth guēr.

Lōōj yam cī Jethu thany ē riemde

¹¹ Jethu acī ya raan dīt kāk Nhialic. Kājuēc path cī bēn pinynhom rin cī yen la duēl dīt la cōk ē Nhialic yic, duēl cīī loi koc cīn pinynhom ē tēn.

¹² Wāār le Jethu duēl yic, ēcī la tē dhēōj apei arak tōk bī rēer thīn akōlriēēc ēbēn. Ku wāār le yen ē tēēn acie riem thōk ayī riem wenj yen cī la wiēth duēl yic. Ee riemde yen ēcī juēr Nhialic riēnkua bī yo luōk akōlriēēc ēbēn alanden.

¹³ Wāthēer koc kāk Nhialic aake ye riem thōk ku riem muōōr lōōm bī kek koc wiēth, rin bī awācken pāl piny. Ku keek aya aake ye manh wenj ē dōu nōk ku nyopkē abī ya col. Ku liōrkē ē piū ku wīth kek koc la gup adumuōōm rin bī adumuōōmken wuōōny wēi.

¹⁴ Na ye kēya, bī riem Raan cī lōc ku dōc yiēndē, cī adumuōōmkua bī laak wēi yopuōth, ku buk lēu buk Nhialic pīr ya luōōi? Ku riel Wēi Nhialic yen acī Raan cī lōc ku dōc rot juēr Nhialic ē riēnkua. Kēya, ajuēr la cōk cīn diu.

¹⁵ Ku rin ē wēt kēnē yen aye Jethu raan yen loi lōōj dōōr yam, rin bī koc wāār cī Nhialic thōn pīr akōlriēēc ēbēn, pīr yōōk. Kēnē abī rot lēu rin cī Jethu thou bī koc waar kārec yiic, kāk wāār cī looi lōōj dōōr tuenj yic.

16 Kënë athöj kek raan kække ciēen tē bi lək tək ke tē le yen thou. Ee kē bi ņək ē miēthke yiic lək lööm tē le yen thou than piny.

17 Ku acin raan kēdāŋ guo nyaai tē ņot pūr yen. Ku na le thou ke kăwēn cı dōŋ aaye ņek kē cı tək ye jăl nyaai.

18 Agut löj dōŋr theer aya, awic bi kēdāŋ kaŋ nək bi riem kuēr bi tē door Nhialic thın jăl la cök.

19 Mothith ē ye koc kaŋ lək lööŋ Nhialic ebēn. Ku jəl riem miöör ku thök cı nək liäap ē piu, ku wıth athör cı lööŋ gät thın ku koc.

20 Ku lueel, “Kënë ē riem löŋ dōŋr, löj cı Nhialic lək we bäk muk apath.”

21 Ku Mothith ē ye duēl ku käyaath ye tōŋu thın wiēth riem aya.

22 Kēya, cimēn löj theer, Ƴək aake ye nök bi riemden lööm bi koc kōc, ku na cın kē nək bi riem kuēr ka adumušm aacı päl piny.

23 Duēl ye Nhialic door thın ku kək tō thın ebēn, aake ye kək ye duēr ē yic tō pan Nhialic kiēt, rin ye kărec tō koc gup wušöny wei rin Ƴök ye nök ē path. Ku luoi ē yic nhial tēnē Nhialic, adhil wic ajuēr la cök,

24 Kēya, Raan cı koc ku dōc akēc la duēl ye Nhialic door thın yic, duēl looi raan pinynhom ē tēn kēcıt kiit ye ke kărec wušöny wei koc gup rim ē Ƴök. Yeen nhom gušp acı la pan Nhialic, ku arēer thın ke löj Nhialic emēn rienkua.

25 Raandit kək Nhialic kuat Lebi ē ye duēl la wiēth riem kē cı nök cie riemde arak tōk rušn thok ebēn. Ku Jethu akēc rot juaar arak juēc, acı rot gam arak tōk giŋj.

26 Ku emēn acı bēn arak tōk cıt tē cı Nhialic ye guēer thın bi rot bēn juēr Nhialic bā adumušm nyaai.

27 Cimēn ye raan thou arak tōk ku Ƴeth luk yic arak tōk Nhialic nhom,

28 Jethu acı gam bi thou arak tōk bi adumušm koc ebēn nyaai. Ku abi bēn dhuk ku acı bi bēn thou rin adumušm, ku ē rin bi yen koc ņöth ye bēn luək.

10

1 Löj theer Mothith, ee kiit yen ē ye kăpuoŋh bi röt looi aköldä kiēt. Ee cı thōŋ kek kăpuoŋh cı bēn kek Jethu raan cı koc ku dōc. Kək ke ye nək Nhialic rušn ebēn cıt tēn löj theer, aake cie koc ke ye Nhialic door cəl aala cök.

2 Na kək ke ye nək Nhialic koc cəl aala cök, ņušt koc akēc la tueŋ ke ye kăŋ nək Nhialic. Rin ņušt kăkkä aake bā adumušm koc Nhialic door wušöny wei arak tōk, ku cık ben ya tak lōn le kek gup adumušm.

3 Ku keek aake ye kək yekē nək Nhialic rušn thok ebēn, cəl aa takkē lōn le kek gup adumušm.

4 Rin acıi rim Ƴök ku rim thök ye nök lēu bik adumušm wušöny wei.

5 Kēya, eci Raan cı koc ku dōc lək Nhialic wäär bü yen pinynhom elä, “Yin acıi wic kək ke nök ku kək ye juēr yıin, rin cı yın ya gäm gušpdiēn bi juaar tēnē yıin.

6 Yin acie pušu ye miēt Ƴök ye nək yıin tēdē ke ye kək ye juēr yıin bik adumušm nyaai.

7 Ku lueel, yen akın ba kē wic looi Nhialic Madhəl, cimēn cı ye gät rienkiē athör löj theer yic.”

8 Emēn, täaukē wepušt piny ku takkē wēt cı Jethu lueel tueŋ elä, “Yin acıi wic, ku tēdē yin acie pušu ye miēt tēnē kək ye juaar, ku kək ye nək yıi bik adumušm nyaai.” Acı lueel kēlä cök alōn ye kək ye juaar looi cıt tē ye löj ye lueel thın.

9 Ku lueel, “Ƴen akın Nhialic Madhəl, ba kē wic ba looi, looi.” Kēya, Nhialic acı tētheer ye ye duōr thın pušl, ku wēen Raan cı koc ku dōc thın, bi riemde kuēr rin bi adumušm koc ebēn nyaai.

10 Jethu raan cı koc ku dōc acı kē wic Nhialic tēnē ye bi looi, looi. Ku rin cı yen rot juaar arak tōk theer, kăkkuan rec aacı wušöny wei ebēn.

11 Raan kək Nhialic Itharel, aye kăŋ nək wätheer akölaköl bi yen Nhialic door. Ku aaye kək tōŋ thōŋ juēr Nhialic arak juēc. Ku kək ye ke juaarkä aake cie adumušm ye nyaai.

12 Ku Raan cı koc ku dōc acı rot juaar arak tōk rin adumušm, ajuēr cı ye bēn lēu bā awäckua nyaai akölrüēc ebēn.

13 Ku emēn atit yet tē bi Nhialic koc aterde guir ku dhuk ke yecök ciēen.

14 Ku ajuēr cı looi arak tōk, acı koc cı adumušmken nyaai looi bik la cök akölrüēc.

15 Ku Wēi Nhialic ē jam tēnē yo ē wēt kēnē aya. Acı lueel elä,

16 “Löj dōŋr ba looi ke ke akın nın bi bēn cök, lueel Bēny. Ƴen abi löŋkiē täau kenhiim ku kepušt.”

17 Ku ben lueel, “Ƴen acıi adumušmken ku kărec yekē ke looi ben kuēc nhıim.”

18 Wek paan ē ma, kărackua aacı päl piny papot. Na ye kēya, le dēt ņot wic Ƴök băny bik Ƴök aa nök rin bi adumušmkua päl piny?

Bäk lok tēthiäk ke Nhialic

19 Kēya miēthakäi, Ƴök aacı nhıim lääu alanden buk la Ƴon Yaath apeı ē Nhialic tō nhial, rin cı Jethu rot juaar bi nök bi riemde kuēr.

20 Wäär thou yen tim cı riüu köu, acı kēn Ƴo gēl buk cıi la Ƴon Yaath apeı ē Nhialic bēn rac. Ku jöt rot raŋ yic, ku emēn arēer Ƴon Yaath apeı ē Nhialic ke lăŋ Nhialic rienkua.

21 Ku na cuk la raandit kāk Nhialic yen mac koc Nhialic,

22 cīt mēnē ye kākkuā yith, lokku tē rēer Nhialic thīn thōnyde nhom ē pušn yer ku gam cīn yic diu. Lokku kek pušthkuan yer cīn yīic luoi kāreċ rin cī ke lookriem Jethu. Ku rin cī ɣo muəoc nħīm bā adumušōmkua laak wei aya.

23 Kēya, mukku kē cī thōn ɣo piān tōk ke ɣo cie pušth ē rou, rin anjicku raan cī ɣo thōn ē wētde tīeɛɲ nhom.

24 Takku tē bī ɣok ɣopušt aa deet thīn, buk nhiēr ku luoi path aa nyuošt.

25 Dukku kē ye ɣok yonħīm mat ɣodhie pāl cimēn ye wāmāthkuan kōk ye looi. Lok tuel ɣo cī dhōr ɣo deet ɣopušt, buk rōt aa lēk buk aa bēn amat yic, anjicku Akōl bēn Bēny acī thišk.

26 Acīn kāk ye nāk Nhialic lēu bī adumušōm pāl piny, tē not le ɣok tuel ɣo loi kāreċ ke yic cī lēk ɣo.

27 Kēya, ɣok aa dhil tūt ɣo riōc rin akōl bēn Luñdit, ɣok koc cī wēt Nhialic dhāl yic, ɣok aabi tēm awuōc bī ɣok rēer pan mac akōlriēc ebēn.

28 Anjickē, wāthēer tē kueec raan bī lōɲ Mothith cī pīn, ku goony koc karou ayī koc kadiāk, ka dhil ɣāth ē kōcdit nħīm, ku biōōk aleel bī thou.

29 Jālkē thōšɲ, na ye raan cī lōɲ Mothith dhāl yic tēm awuōc cīt kēnē, ke ya awuōc yīndē bī Nhialic tēm koc cī kuec wēt Wēnde? Acīt lōn cī kek Jethu dhāl gušp, ku cuitkē, ku witkē piny ku kēckē yic. Ku acīt lōn cī kek dōšr cī Jethu looi riemde kamken yōšɲ yic. Ku acīt lōn cī kek Wēi Nhialic lāat wēl rec rem apēi, cak alon kony yen ke. Kōckā aabi dhil tēm awuōc thiek apēi.

30 Anjicku yen raan cī ye lueel thēer ēlā, “Piŋkē! Ee yen ala riel ba kāɲ gušōr.” Ku anjicku lōn cī yen ye lueel aya ēlā, “Bēny abi kacke tēm awuōc.”

31 Kēya, abi rēēc alanden tē ye yen Nhialic pīr akōlriēc ebēn yen tēm raan awuōc.

32 Miēthakāi, takkē tēn ye wek rēer thīn wāthēer. Wāar cī wek wēt Jethu gam, wek aa dhil gum ku wek aaci pušt bēn riel. Wek aakēc pušt bēn bath rin kāreċ cī we yōk.

33 Wek aa we ye lat ku bui we akōldēt. Ku akōldēt, wek aa we ē koc kōk kony tē tīɲ wek ke ke baɲ cimēndun.

34 Wek aaci gum kek koc cī mac, ku wek aakēc pušt riāk tē wāar ye kākku peec, rin ɲic wek yeen lōn wek aabi kāpath wār kākā la yōk pan Nhialic. Kāpušt cīn raan bī ke kaɲ nyaai tēnē we.

35 Duškkē pušt bath bāk wēt Jethu wai wei, rin wek aabi ariōpdit yōk pan Nhialic.

36 Apath bāk wepušt deet tē bēɲ we, rin ke wek aaci kē wīc Nhialic looi, ku yōkkē kē cī Nhialic thōn we.

37 Rin aye athōr thēer wēl Nhialic lēk ɣo ēlā, “Ee kaam thīn koor ku raan cī lueel ka bō acī bī gāūu, abi guō bēn.

38 Ku kōckīēn la cōk aabi rēer gam yic, ku yen acī pušū bī miēt tē cī kek kepušt bī deet.”

39 Ku ɣok aaci cīt koc guō dhōr bīk mār, ku ɣok aala gam bī ɣook lušk.

11

Gam

1 Gam yen ē ɣo cōl anjic kāk ɲōthku ke bī rōt looi. Ku yeen ē ɣo cōl anjic kāk cuk ye tīɲ.

2-3 Ee gam yen aye ɣok ye ɲic lōn ē cēk Nhialic piny ku nhial kek kāk tō thīn ebēn wēt lueel ē path. Ku kāk yeku ke tīɲ emēn acīn kēn cī Nhialic lōōm bī yen ke cak. Ku wāar le wārkuān dīt gam tēnē Nhialic, yen acī Nhialic ke bēn gam.

4 Ku gam yen acī Abel Nhialic bēn juēr kēpušt cī Nhialic bēn nhiaar apēi, wār kē cī Kain mēnhē juaar tēnē Nhialic. Ku gamde yen acī Nhialic pušū bēn miēt tēnē ye. Ku ɲic Nhialic lōn ē yen raan la cōk. Kēya, kē cī Abel looi cī yen Nhialic gam apēi anjot yeku yōk ɣopušt ke path emēn tē tek ɣok ye, cak alon cī yen thou thēer.

5 Ku raan dēt la gam ril cīt Abel aya, ee ye Enok. Gamde yen acī Nhialic ye bēn jat nhial ke kēc thou. Guāpde akēc bēn yōk rin cī Nhialic ye nyaai. Aye athōr thēer wēl Nhialic lueel lōn Enok ē ye Nhialic cōl amit pušū, wāar rēer yen pinyinhom.

6 Acīn raan lēu ye bī Nhialic cōl amit pušū tē cīn yen gam. Rin raan bēn tēnē Nhialic adhil gam lōn Nhialic atō thīn, ku ē koc ye thiēc gām kē wickē.

7 Ku gam yen acī Noa wēt Nhialic bēn pīɲ, wāar lēk Nhialic ye ye lōn bī aboardit bēn bī koc la gup adumušōm bēn tēm awuōc. Go Noa wēt Nhialic gam. Ku guɛɲ riāi ka aboor kēc bēn bī yen kacke kony. Ku gamde akēc yen kāreċ ye kocken kōk ke looi bēn nhiaar. Ku Noa acī Nhialic bēn cōl ala cōk rin gamde.

8 Ku ee gam aya yen acī Abaram agam kē cī Nhialic lēk ye. Ku ler pan cī Nhialic lēk ye cak alon awēn koc Abaram ē pan kēnē. Pan kēnē yen ēcī Nhialic lueel lōn bī yen ye gām miēthke akōldā.

9 Ku gam yen acī Abaram bēn cien ke ya alei pan wāar cī Nhialic thōn ye. Ku jōl ɲōšt lōn bī Nhialic piny kēnē gām miēthke akōldā. Ku jōl cien duēl yīic. Ku lōk Ithāk kek Jakop cien thīn aya, koc wāar cī Nhialic thōn lōn bī yen piny kēnē yīēk ke.

¹⁰ Abaram aci rēer ē pan kēnē ke tit gen cī Nhialic buth, yen cī Nhialic thōn ye cī cīt duēl.

¹¹ Ku ē gam cī Abaram Nhialic gam yen ē dhiēeth yen meth cōk alōn wāār cī yen dhiōp apeī. Ku tiēnde Thara ke cī dhiēth. Aci nōōth lōn bī Nhialic athōnde tiēēn nhom.

¹² Na cōk alōn awēn cī Abaram dhiōp apeī, bī raan ēbēn nīc lōn cī yen bī bēn dhiēth, ke yēen aci bēn a wundīt kōc juēc apeī cīt liēet, ku kuēl nhial cie kueen.

¹³ Kōckā ēbēn aaci gamden muk agut tē thou kek. Keek aake kēc kāk cī Nhialic thōn ke yōk. Ku aake yekē tīj tēme, ku gamkē ke ke mit puōth. Ku ē yekē lēk kōc lōn aa rēer kecīt jōōl pinynhom ē tēn, ke bī ber tē cī lēk ke.

¹⁴ Alēuku buk nīc ēmēn lōn kōc jam kēlā, aaye kē nyuōoth lōn wīc kek pan bī ya panden.

¹⁵ Na yekē tak lōn ye pan cik nyāān wei panden, njuōt aaci dhuk thīn.

¹⁶ Ku acik wīc kepuōth apeī bik ŷet pan path, pan tō nhial. Ku Nhialic acie guōp ye yār tē cōol ye, ke Nhialicden. Ku kēya, aci gen path guūr tēnē ke.

¹⁷⁻¹⁸ Ku gam yen ēcī Abaram rot guūr bī wēnde Ithāk nōk wāār them Nhialic ye. Yen Abaram raan cā athōn Nhialic yōk, ee wīc bī manhden tōj tō yenhom nōk, cōk alōn cī Nhialic ye lueel tēnē ye lōn ē Ithāk yen abī yīn mīth ca thōn yī yōk tēnē ye.

¹⁹ Aci Abaram tak lōn bī Nhialic Ithāk jōt akōldā. Ku kēya, Abaram aci Ithāk yōk ke cīt raan cī Nhialic cōl aben pīr.

²⁰ Ku gam yen aci Ithāk Jakop ku Ethau thōn dōc Nhialic rin kāk bik yōk akōldā.

²¹ Ku gam yen aci Jakop wēēt wēnde Jothep bēn dōc wāār cī yen thīōk ke thou. Ke kāac ke cī yenhom guōt waiden ē yen piny thany, ku rōōk Nhialic.

²² Ku gam yen aci Jothep ye nīc wāār cī thuōnde thīōk lōn bī kōc Itharel jāl pan Ijip. Ku lēk ke bik ŷuōmke cī nyiēēn pan Ijip akōldā le kek jāl.

²³ Ku gam yen aci kōc ke dhiēth Mothith ye bēn thiaan pēi kadiāk wāār cī ye dhiēeth. Ee cik tīj ke ye manh path apeī. Ku ke aake kēc riōōc wēt kēc kek lōj bēnyāknhom pan Ijip theek.

²⁴ Ku gam yen aci Mothith bēn kuec wāār cī yen dīt bī cī ye cōol ke manh nyan bēnyāknhom.

²⁵ Na cī wīc bī puōu ya miet, miet ē puōu cie cenj ē bēn luoi kārec yiic, njuōt aci rēer pan

bēnyāknhom. Ku aci bēn nhiaar bī rēer kek kacke bī gum ke ke.

²⁶ Aci yōk yepuōu lōn bī yen kāpath yōk thīn tē guum yen kuōc ciēēn rin ē kacke. Cimēn wāār cī Raan cī lōc ku dōc gum, tēn tē bī yen kājuēc path yōk pan Ijip. Rin ē nōōth ariōp bī yōk akōldā.

²⁷ Ku gam yen aci yen bēn jāl pan Ijip ke cī riōc riāāk puōu bēnyāknhom. Ku le tuēj ke gum ciēt cī Nhialic cie tīj, tīj.

²⁸ Ku gam yen aci Mothith wēt Nhialic bēn piñ. Ku guūr tē bī kōc Itharel jīēl thīn pan Ijip. Ku lēk ke bik thōk nōk. Ku rāthkē ŷōōtken thook riem, rin na la atuny Nhialic bī mīth rōōr ke kōj dhiēeth bēn nōk, ke cī mīth rōōr kai kōc Itharel met thīn.

²⁹ Ku gam yen aci kōc Itharel Wār Lual bēn teem ke ciēt cī dōu. Nawēn jōl wīc kōc Ijip bik ke buōōth, ke wār ben thiān ku mōukē.

³⁰ Ku gam yen aci kōc Itharel pāny gen Jeriko bēn gōōt nīn kadhorou abī wīk.

³¹ Ku gam yen akēc adējōn cōl Rayāp bēn nōk kek kōc gen Jeriko wāār nēk ke, rin cī kek jai ē Nhialic. Rin yen Rayāp nhom ē cā anēm kōc Itharel lor ku nyuuc ke paande.

³² Kōc kōk juēc aya aa la gam. Acā lēu ba we lēk kāk cī kōc kōk looi, cimēn yī Gidiōn, Barak, Thamthon, Jeptha, Debit, Thamuel ku kōc kāk Nhialic tīj.

³³ Ku gam yen aci kōc kōk bāny bēn cop. Ku yen nīc kōc kōk kōc mac. Ku yōk kōc kōk kē cī Nhialic thōn kōc. Ku ē yen aci kōc kōk kōōr bēn der thook.

³⁴ Kōc kōk kamken aaci mēc bēn nōk, ku rīckē rōt bei ē paal thook. Kōc kōk ke niōp aaci bēn riel apeī tōj yic. Ku copkē ŷōm apuruōk ē wuōt kōk.

³⁵ Rin gam yen aci Nhialic rōōk diāār bēn gam, ku cōl kōcken cī thou aa ben pīr. Ku kōc kōk aaci bēn aa gum ke cī kenhīm waar, rin bī ke jōt akōldā.

³⁶ Kōc kōk aya aake ye lāāt ku that ke. Ku kōc kōk aake ye rek ku mac ke.

³⁷ Ku kōc kōk aake ye biōōk aleel. Ku kōc kōk aake ye tēm kōth ē rou. Ku kōc kōk aake ye tēm rōt paal. Kōc kōk acīn kē yekē cienj, aa kōt kek aake yekē kuōm kekōth. Kōc kōk aake nōj, ku aake ye banj ku kuc ke ciēēn.

³⁸ Kōckā ēcī path bik cienj pinynhom. Aake ye piny kuany yic ē path roor liēet. Ku ciējgē adhuum yiic, ku kuōr yiic ku gat yiic.

³⁹ Ee nīc lōn le kōckā ēbēn gam. Ku acīn raan tōk kamken ca athōndīt Nhialic bēn yōk.

11:11 Cāk 18:11-14; 21:2 **11:12** Cāk 15:5; 22:17; 32:12
22:1-14; Cāk 21:12 **11:20** Cāk 27:27-29, 39-40 **11:21** Cāk 47:31; 48:20 **11:22** Cāk 50:24-25; B.bei 13:19 **11:23**
B.bei 2:2; 1:22 **11:24** B.bei 2:10-12 **11:27** B.bei 2:15 **11:28** B.bei 12:21-30 **11:29** B.bei 14:21-31 **11:30**
Joc 6:12-21 **11:31** Joc 2:1-21; 6:22-25 **11:32** Bāny 6:11-8:32; 4:6-5:31; 13:2-16:31; 11:1-12:7; 1Tha 16:1-1; 1Bñ 2:11;
1Tha 1:1-25:1 **11:33** Dan 6:1-27 **11:34** Dan 3:1-30 **11:35** 1Bñ 17:17-24; 2Bñ 4:25-37 **11:36** 1Bñ 22:26-27;
2Lēk 18:25-26; Jer 20:2; 37:15; 38:6 **11:37** 2Lēk 24:21

⁴⁰ Nhialic ëci këpath guier ke njic yo. Këya, bi ke nhüim ku yo looi buk la cök yodhie.

12

¹ Këya ëmën, yok aa njic koc juëc wäär ci gamden nyuooth tënë Nhialic. Ku rin ë wët këñë päluu kāk yo thel adumušm yic, adumušm yeku ke lac looi. Ku aa yo gël buk dhël Jethu buoath yic. Lok tuej yo wëer ke yo cii dhör buk kë ci Nhialic guier yo dööt.

² Yeku rëer yo dot Jethu raan ci yo nyuuth dhël ku gam la cök. Ku rin miët pušu bi yök, yen aci yen ye gam bi thou tim ci riüu kšu. Ku cii kuc bi kë looi cii pä, cak a wäär ye ke ye yšör gušp. Ku ëmën a rëer kõj cuëc thöny Nhialic.

³ Takkë tẽ ci Jethu guum thin tẽwäär ye koc këc wët Nhialic gam ye gaany thin akölaköl, rin bi wek cii dhör ku baathkë pušth.

⁴ Rin aņot cın raan ci nõk, ayi raan ci yiëk tẽtök kamkun koc cie wëtdun ye gam.

⁵ Cäk nhüim mää wëët puoth ye Nhialic we wëët ke we cit miëthke?

“Manhdië, cäk yipušu piny tẽ wëët Nhialic yüin,

ku duk col aye kërac tẽ nyieeny yen yüin.

⁶ Rin Nhialic ee koc nhiëer keek cök piny.

Ku ee kuat raan ci gam kecit manhde tẽm awušc.”

⁷ Gušmkë kärëc kecit wëët Nhialic tënë we, rin ë yen we col acit miëthke. Nadë cak kanj piņ le manh këc wun kanj that rin wic yen ye bi wëët?

⁸ Na cii Nhialic we yik awušc wëët yen we cımën adhie ye wun miith miëthke wëët, ke wek acie miëthke.

⁹ Cımën ye yok ŋot yo thek wärkua piny-nhom ë tẽn tẽ cak kek yo that, cuk bi lëu alanden buk röt thön Nhialic, wun wäikua ku pir tẽ wëët yen yo?

¹⁰ Wärkua aa yo wëët tẽ kor yok buk njic cieņ kam koc run lik piny-nhom ë tẽn, cit tẽ yekë yok ye ke path. Ku Nhialic ë yo wëët akölaköl rin kăpuoth buk yok buk dhëeņde ram kek ye.

¹¹ Wëët acie guo nhiaar nyin yic, aye yok ciët rëec. Na lä theer, ke koc ci tẽm awušc aa la cök ku yekë koc ë döör.

¹² Këya, duškkë rišc lak tuej ke we deet wepušt.

¹³ Biathkë dhël la cök yic, bi koc koor gam riel gamden yic. Ku cik mër wei wecök.

¹⁴ Miëthakāi, themkë bāk njic cieņ ke koc ëbën, bāk rëer dhëeņ Nhialic yic. Rin raan liiu dhëeņ Nhialic tënë ye acii bi kanj tiņ.

¹⁵ Muškkë wenhüim bi cıen raan cii dhëeņ Nhialic yok. Ku tiëerkë nhüim paan ë moor bi

cıen raan loi kërac met we wei ëbën. Anjieckë, ee dien tøk yen ë wär rac nyin.

¹⁶ Acii path bi raan yepušu ya yiëk bal. Ku cın raan loi rot bi yic pial cımën Ethau wäär päl diëtde tënë raan buoath ye, rin ci yen ye gäm mieth koor ë path.

¹⁷ Ku anjieckë wäär wic Ethau ye bi la tënë wun bi la döoc ku bi diëtde dhušk ciëen, ku akëc dšc bën yok tënë wun. Kënë akëc rot bën lëu bi waar yic cak a wäär ci yen dhiau piü ë nyin.

¹⁸ Wek aa këc bën we cit koc Itharel wäär ci la gon Thinaï cök. Ku tiņkë manydit apeï ke dëp. Nawën ke tiņ luäät aya ke ci gat paat piny ku looi mušthdüt, ku yomdit apeï. Ku ye bir yic ku mëer apeï abik riššc ëbën

¹⁹ Ku piņkë kanj yic ku röl la gei. Aaci Nhialic piņ ke jam röldüt apeï, nawën ke lëkkë Mothith bi Mothith Nhialic lāņ bi cii ben jam tënë ke.

²⁰ Ku aaci jāl bën riššc apeï tẽwën piņ kek Nhialic röl ke lëk ke ëlä, “Acin raan yëët ë gon këñë cök, na cak a lëi ku le nhial ye ka biöök aleel bi thou.”

²¹ Agut Mothith aci bën riššc aya apeï wën looi kakkä röt abi ya lueel, “Ÿen aye riššc lath.”

²² Wek aa këc bën gon Thinaï löm. Wek aaci bën gon Dhain löm, yen ci Jeruthalem ë yam gen Nhialic pir buth yenhom. Wek aaci bën yan miët pušu dit yic tš atuuc Nhialic juëc apeï thin.

²³ Wek aaci bën tënë Nhialic yen luk looi tënë koc ëbën. Ku tënë wëi koc path ci Nhialic looi bik la cök.

²⁴ Wek aaci bën tënë Jethu ci löņ döör ë yam looi. Aci riemde juar rin bi Nhialic adumušmkuua päl piny, rim cii thöņ kek rim Abel wäär thiëc ë guur.

²⁵ Wek aa yšök bāk cii kuc wët raan jam. Koc wäär ci kuc bik wëtdë cii gam piny-nhom tẽn aakëc bën pušl ke cii tẽm awušc. Na ye këya, buk poth këdë, yo cii tẽm awušc tẽ cii yok wët ci Nhialic jam tënë yo nhial piņ?

²⁶ Wäär rišde gon Thinaï ëci piny yäak. Ku ëmën aci koc lëk ëlä, “Acie piny-nhom rot yen ba yäak, yen abi nhial yäak aya.”

²⁷ Ku dët aya, kë ye wëlkä nyuooth ë lon kāk ci cak aabi röt yäak ku nyiëi ë keek. Ku döņ kāk cii lëu bi ke yäak.

²⁸ Këya, yok aa koc ci Nhialic yiëk pan cın kë bi ye yäak atheer. Lecku Nhialic ku dorku dhël ye col amit pušu, ku rëerku ke thekku ku riššcku ë ye.

²⁹ Rin ye Nhialic koc tẽm awušc thiek apeï, acit many adhie këriëc ëbën ruššc piny.

13*Tē ye Nhialic miēēt pušu thūn*

¹ Lak tueŋ we nħiar rōt akōlakōl ke we cīt mīth tik.

² Lor jōsl ē pušŋ Ƴer ku nyuōōc keek apath. Rin cī kōc kōk atuuc Nhialic kaŋ lor ke kuckē ke.

³ Duōkkē nhīm ye mār kōc mac ku kōc gum. Yakē ke kony ciēt we mac ku guōōmkē ke ke.

⁴ Thiēek adhil raan ēbēn theek, rōōr ku diār aa dhil rōt theek kamken bī ciēn raan dēek ŋek pušu. Nhialic abī kōc cī rot thiaak ē luui akōr tēm awuōc, ku kōc kēc thiēek luui kāk ē bal aya.

⁵ Duōkkē ye wīc wepuōth bāk la kājuēc apēi, ye kēdun muk yen ye yiēk yīpušu rot. Acī Nhialic lueel theer ēlā, “Wek aacā bī kaŋ pāl wei, ku wek aacā bī nyāāŋ wei.”

⁶ Na ye kēya, rēerku ē cōk ku ŋōthku Nhialic, ku yeku lueel ēlā, “Ee Nhialic yen ē Ƴen kony, acīn kē ben Ƴa riāāc. Le raan lēu ye ba luōi kērac?”

⁷ Duōkkē nhīm mār kōcdīt tueŋ wār we lēk wēl Nhialic. Takkē apath yen tē pūr kek thīn ayet tē thou kek. Luōōikē cīmēnden gam yic.

⁸ Jethu Krītho acie rot ye waar. Ee yen tōŋ akōl wār ku ya akōl ku akōlriēec ēbēn.

⁹ Duōkkē rōt cōl aa rēc ē nhīm piōōc juēc kōc gōi ye lueel lōn cī mīth kōk bī ya cam. Wek aa dhil wepuōth wēl dhēēŋ Nhialic ku acie mīth ye cam cīn kē yekē kuōny wēi kōc ke cam.

¹⁰ Ajuēr ye looi bī Ƴo awaar kārēc yiic, acīt ajuēr lōŋ dōōr wār ye looi bī adumuōōm pāl piny. Ku acīn raan ye puōl agut kōc kāŋ juaar tēnē Nhialic duēl yic bīk rīŋ lān cī nōk cuet.

¹¹ Rin raandīt kāk Nhialic ē ye riem lān cī juēr Nhialic Ƴāth tē yaath duēl yic rin bī adumuōōm pāl piny. Ku lān cī nōk ē ye nyop roor abi ya col.

¹² Ku Jethu aya, ee thou gēu kōu aƳeer Jeruthalem. Tēwēn nēk ye ēcī riemde kuēr rin bī adumuōōmkua pāl piny.

¹³ Kēya, dhilku biaath aƳeer aya gēu kōu buk Ƴār guōp wār cī guum la rōm kek ye.

¹⁴ Kēnē adhilku looi, rin pinynhom tē ciēŋ Ƴok thīn acie yen tē bī Ƴok ciēŋ thīn athēer. Ƴok aa tit gen yam yen bī bēn.

¹⁵ Kēya, cīt mēnē cī Ƴok Jethu gam, yeku Nhialic leec akōlakōl. Rin lēc ye Ƴok ye leec piāthkua ēbēn, yen ajuērdan ye nyuōōth lōn ye yen Bēny.

¹⁶ Duōkkē nhīm mār luoi kāpath, ku kē ye wek rōt kony kamkun, rin kākā kek ajuēr Nhialic cōl amit pušu.

¹⁷ Thek kōckun dīt wēl Nhialic, ku piŋ tē ye kek yī wēēt thīn, rin ye kek kōc tit wēiku. Ku anjickē lōn bī Nhialic ke thiēec akōldā tē cī kek wēi kōc tiēet thīn. Na thek ke ku gam wētēden, ka bī luōiden looi ke mit puōth. Ku na cī wētēden piŋ ka luui ke rem puōth. Ku na cik ŋic luui apath, ke la kē kuny kē yī?

¹⁸ Yakē rōōk riēnkua. Acīn kērēsc rēēr Ƴopuōth. Awīcku bī ya kēpath yen yeku looi akōlakōl.

¹⁹ Wek aa liem piāndiē ēbēn bāk rōōk bī Nhialic Ƴa cōl adhuk tēnē we ye nīnkā.

Rōōk ciēēn

²⁰ Ku ēmēn, bī Nhialic rēēr kek dōōr, yen cī Bānyda Jethu cōl aben pīr, week yiēk kāk wīckē ke bī wek kēden wīc looi. Ku bī luui wepuōth riel Jethu raan cī lac ku dōc,

²¹ bī wek kuat kāk ye miēēt pušu ya looi. Jethu yen abiōŋdīt rin cī yen lōŋ dōōr akōlriēec cī thany riemde looi. Bī dīik ya kēde akōlriēec ēbēn. Yenakan.

Wēl ciēēn

²² Miēthakāi piēŋkē wēl lik deet wepuōth ca lēk we apath. Rin athōr ca gāt we aciek.

²³ Awīec bāk ŋic aya lōn wāmāāthda Timothī acī lony ē nīnkā. Na lac bēn bā dōōt, ke Ƴok aabī cath ē tōk buk we la neem.

²⁴ Miāthkē kōckun dīt ku kōc kōk cī wēt Nhialic gam ē riēnkua. Wāmāthakua pan Italia aa we muōōth aya.

²⁵ Bī dhēēŋ Nhialic rēēr kek we ēbēn.

Thek kockun dīt wēl Nhialic

Athör Jemith Wët nom

Athör Jemith aa käk cī gät kōc cī Nhialic gam cī thiēi pinynhom ēbēn. Raan ē gät athör aci wēl juēc ē waal path gōt bī yen kōc lēk nīny ē kān, rin bī kōc cī gam, rōt tiit ku luoi path. Aci wēl juēc lueel tēnē kōc cī gam, wēl cimēn wēl ē jīeek, ku nōōn ku thēm ē jōnrac, ku luoi ku tiēel, ku gam kek ē luoi, ku liem path ku nīny ē kān, ku agōth ku nhiam ku piath, ku luk kōc kōk wei. Ku nyooth ē rot ke nhiam ku lier ē pušu ku rōok. Athör ē jam apeī bī gamda rot ya nyuōth luoida yic.

Käk tō thīn

- Muōth 1:1
- Thēm ku thōōc kērac yic 1:2-18
- Pīn ku luoi 1:19-27
- Duōkkē kōc ye tek yīc 2:1-13
- Gam ku luoi 2:14-26
- Dut liemdu 3:1-12
- Nīny kān bō tēnē Nhialic 3:13-18
- Thōnkē rōt Nhialic 4:1-10
- Duk mēnhkui nyieny 4:11-12
- Duōkkē ye tol 4:13-17
- Lēk tēnē Ajīeek 5:1-6
- Pēl rot piny ku Rōok 5:7-20

1 Athör Jemith, aluanj Nhialic ku Bānyda Jethu Krītho tēnē kōc cī gam, cī weer pinynhom. Ku muōōth ke.

Thēm ku thōōc kērac yic

- 2 Miēthakāi, calkē aye miet ē guōp tē teem kuat kēril rot ē dhēldun yic,
- 3 rin anjēckē akōl ye gamdun la tuenj kāril yīc, kēn bēn bei thīn ē riel ē pušu ater yic.
- 4 Calkē riel piānde ater yic ayēth we tuenj, yen abī wek kān njic ku bāk la cōk ke cīn diu.
- 5 Na le kē dhal we bāk cīi njic, ke we rōōk tēnē Nhialic yen la riel bī gām we, rin Nhialic ē njīēc kān gam ē path piānde tēnē raan ēbēn.
- 6 Ku na rōōkkē ka dhīelkē looi ē puōn cīn yic diu acīn, kuat raan ē diu acīt apuōōk wīir ye yom nyiāān bī yāth tuenj ku dhuk ciēēn.
- 7 Raan cīt kēnē cīi ye tak lōn le yen kē bī yōk tēnē Nhialic.
- 8 Ku yen raan kēnē ē puōu rou, ku kāk ye looi ēbēn aacie rōm.
- 9 Raan cī gam nōn adhīl puōu miet tēnē Nhialic, rin bī ye juak bī yāth nhial,
- 10 ku raan ajak adhīl puōu miet tē dhuk Nhialic ye piny, rin ajak abī lōōny wei cimēn yōōk tim.
- 11 Akōl ē ruel ku atuōnyde ē tim nyop, ku thou yōōk dhēēn wēn ēbēn ku lōōnykē wei. Ku riāāk dhēēnden puōth wēn. Yen ē kē bī rot looi tēnē raan ajak aya, abī mēr wei jaakde cōk.

12 Raan bī puōu miet ē raan bī kērac guum ku ruōt ril puōu ē gamde yic, tē lēu yen kēnē, ka bī pīr akōlriēēc ēbēn cī Nhialic guiri ke ya ariōp tēnē kōc nhiar ye yōk.

13 Na them raan ē kāk rēeckā, ke cīi raan luel yepuōu ēlā, “Athēm kēnē abō tēnē Nhialic.” Rin acīn raan lēu ye bī Nhialic cōl aloi kērac, ku yeen guōp acie raan ē them kērac.

14 Ku raan aye them kērac ye wīc yepuōu ye thēl wei ku deep.

15 Kēreec ye wīc yepuōu yen ē bēn rēēr kēya yet bī dhiēth adumuōōm, ku adumuōōm yen ē bēn dīt apeī yet bī thuoōu bēēi.

16 Miēthakāi nhiaar duōkkē rōt cōl aaye math nyīn,

17 kuat kāpath la cōk ye yōk, nadē ke gēm yī aa bēn nhial tēnē Nhialic, Aciēn cak kāk ē ruel nhial, ye ruelden rōt waar ku yeen acie rot waar.

18 Aci tak ē rot bī yō gām pīr ē yam dhēl wēt ē yic, ku buk rēēr tuenj kēriēēc nom ēbēn.

Pīn ku luoi

19 Muōkkē kēnē wenhīim miēthakāi nhiaar ke! Raan ēbēn adhīl kān lac apīn, ku cīi guō jam ē path, ku cīi puōu ē lac dak aya.

20 Riān ē puōu acīi pīr la cōk wīc Nhialic ye bēēi.

21 Kēya, pālke luoi kāk la bīth ē kōc yōōr gup, ku kuat luoi kērac ēbēn. Gamkē Nhialic piāthkun ēbēn, ku wēt puōth cī tāau wepuōth bī we lusk.

22 Na yakē wēt Nhialic pīn ku cak loi, ke wek aa rōt math. Kēya, luoi kē kecīt tēde.

23 Kuat raan ē wēt kēnē pīn ku cīi looi acīt raan rot tīn macar yic.

24 Ee guāpde njic tīn apath, ku na le jāl macar lōōm ke go nom mār tē cī ye cak thīn.

25 Ku raan ē lōn path tīn ku dōt yic yepuōu, lōn puōth Nhialic yō gēl buk karec cīi loi, acīi cīt kēnē, acīi ye pīn ē path ku mēr nom ye, ku looi kecīt tēde. Raan cīt kēnē abī Nhialic dōc kuat kāk ye looi yīic ēbēn.

26 Ye raan tak lōn theek yen yath? Na cīi raan liemde dut ka cīn yanh theek. Ku ē rot math ē rot.

27 Thēk puōth ye Nhialic Wāda gam akīn, kony abēer ku lēer ē njāānden yic, ku tiit rot kāk rēc ye tō pinynhom.

2

Duōkkē kōc ye tek yīc

1 Miēthakāi, kōc cī wēt Bānyda Jethu Krītho la dhēēndīt apeī gam, wek aadhīl kōc thōōn nhīim kuat ē kāk yakē ke looi yīic ēbēn.

2 Tēdē, tē bī raan cī njic rot apath tēnē amat, ku bō raan nōn cīenj alanh cī riāāk aya.

³ Na ye raan cî njec ruk yen njic tîj ë rot ku lëk ye ëlä, "Bäär nyuc tën tēpath," Ku lëk raan njōj nyin, "Lœr kääc tēēn," Nadë ke luel, "Lœr nyuc piiny tēēn yacök."

⁴ Ke yin ala guöp awuöc cî yin koc tek yiic, ba koc kök luök wei, ku kënë ë luoi cîi path.

⁵ Piejnkë miëthakäi nhaiar, Nhialic aci koc njōj nyin kuēny bei pinynhom bik ajieek ë gamden yic, ku ye bääny pan Nhialic këden, bääny cî Nhialic lueel lön bi ye gam koc nhiar ye.

⁶ Ku wek aaci koc njōj nyin dhäl gup. Ye yija, bi we thany nhüim piny ku thelkë we tēnë bēny luk? Ajieek!

⁷ Aa keek, kek aa koc jam wël rēc rin puoṭh raan cî wek wētde gam.

⁸ Abi ya këpath yen luoi kë tē theek wek löj bääny Nhialic ye yök athör thēer wël Nhialic yic, "Nhiar raandun akeu nhom cimēn nhiēer yin rot."

⁹ Ku na cäkkë koc ye thōj nhüim ë luaidun yic, ke wek aala gup awuöc, ku löj abi we tēm awuöc raan cî löj dhoj kōu.

¹⁰ Kuat raan ë löj tök dhoj kōu kam ë lööj, ee lööj dhoj kōth ëbēn.

¹¹ Ku yen tööj, yen ë ye lueel ëlä, "Duk tîj raandä kor," ku lueel aya, "Duk raan näk." Rin na cök alön këc yin tîj raandä kōor ku yin aci raan näk, ke yin aci löj dhoj kōu.

¹² Ye jam ku lui yî njic rot lön bi yî döm ë löj yo gël buk käre cîi löi.

¹³ Rin tē le Nhialic luk looi tēnë köckä, aci raan cie wēt ye päl piny bi nuaän. Ku päl piny wēt yen aril tēnë luk.

Gam ku luoi

¹⁴ Miëthakäi, ye këpiath nō tō thün bi raan aa lueel ka la gam, ku aaci kæk yeke looi ye nyuöth? Lëu gam kënë bi ye luök?

¹⁵ Na lo miëthakui cî gam ku aacin miëth camkë ku alëth cējkë ke.

¹⁶ Ye këpiath nō tō thün tē lëk yin ye ke ëlä, "Miëthkë ku bæk kueth, tēdë ke luel, ruökkë alëth dhil bi wiir we cîi näk!" Ku acin kæk ca gam ke kæk wickë ke ë piērden yic?

¹⁷ Këya, gam ë rot ku cîn yic luoi path, ka cîn yic pîr.

¹⁸ Ku abi raan ya lueel, "Raandët ala gam ku raandä ala luoi," Ku aba dhuk nhom ëlä, "Nyuöth ya raan cit kënë la gam ku cîn luoi? Yin aba nyuöth gamdië kækkiēn ya looi yiic."

¹⁹ Ye gam lön ye Nhialic tök? Apath. Aye jakrēc gam aya, ku lëth ke ke cî riöc.

²⁰ Yin raan ril nhom! Wic bi nyuöth yî lön gam cîn yic luoi acin koony?

²¹ Abaram Wädandit thēer, cî cök piny Nhialic nhom këdë? Ee luside yen ë cök ye piny, wäär juēer yen manhde Ithäk ariäk nhom tēnë Nhialic.

²² Këckë tîj gamde ku luside aaci luoi kedhie, ku gamde aci luside cöl ala cök.

²³ Ku kē cî lueel athör thēer wël Nhialic yic aci ya yic, "Abaram aci Nhialic gam, ku rin gamde yen aci Nhialic ye bēn tîj ke la cök yenhom." Ku ye Abaram cöl aye mäth ë Nhialic.

²⁴ Cäk tîj, ee rin luoi path yen ë raan cöl ala cök ë Nhialic nhom. Ku acie gam ë rot.

²⁵ Ku ë yen ë ye tēde kek adējöj cöl Rayäp wäär kony yen anēm koc Itharel. Wäär, lor yen ke paande, ku kony ke bik röt kwal ë dhël dät.

²⁶ Këya, cimēn guöp cîn yic wēi, ee kë cî thou, yen ë tēnë gam cîn yic luoi path, ee kë cî thou aya.

3

Dut liemdu

¹ Miëthakäi, aacie we ëbēn wek lëu ye bæk aa koc ë piöc. Tëcīt tē njieckë ye, yook koc ë piöc, luönda abi yic riēl apei tēnë luoj koc kök.

² Yook yodhie yök awuöc looi dhäl juēc yiic, ku na këc raan awuöc loi kæk ye lueel yiic, ka la cök ku alëu bi rot muk apath alandēn.

³ Yök a mathiäj njak thok luuj bi wētde gam, ku jolku kuaath tē wicku.

⁴ Tēdë ke yî tak riän rēer wiir, adit apei ku aye yom ril kuaath, ku alëu raan ye kuaath bi tim koor cit alau cök nhom, ku jol geer ke wel nhom tē wic piändē.

⁵ Yen ë tēde ke liep, akoor, ku alëu bi yenhom lec kākēn dit ril yen.

Thōj ror düttet lääu yic apei, ku aye liem many thiin koor yoot.

⁶ Ku liep acit mac. Yen ë kāj liäap ku bi riäk pinyndhom, arēer yögup ku ye kuat käre cëbēn thiäi ë guöp yic. Ee piērda dēep ë manyden bō kek ye pan mac.

⁷ Aci raan lëu bi lääi roor mac baai kek ye, cimēn lääi dit ku lääi kor ku diet ku kapieny ku rec.

⁸ Ku acin raan cie lëu bi liemde njec mac. Liep arac, acie lëu bi duut, ala yic kērēc koc näk.

⁹ Ayeku luösi bi yök Nhialic leec, ku lem yök miëthakäi kök cî Nhialic Wäda ke cak ke cit ye.

¹⁰ Wël alēc ku lēmlēm aa bēn bei ë thoj tööj yic. Miëthakäi peth bi rot looi këya?

¹¹ Acin yinh piu path ku piu rēc bēi bei ë tök kedhie.

¹² Miëthakäi tim cit njap, acie dhieth ë mith tim cöl Olip. Ku abiēc acie dhieth mith tim cit njap, tēdë ke yinh lēi piēuke bi piu path.

Niny ë kāj bō tēnë Nhialic

13 Le raan tók kamkun ñic kǎŋ ku ye wël deet yiic? Adhil nyuoŋth è piërde yic, ku luoi path cín yic nhaam rin ñjêc è kǎŋ.

14 Ku na ye tiel yí reem puŋu apeɪ ku ye rot nhiër kǎŋ è rot, ke yí duk yic dhāl ba jam è nhaam.

15 Njiny kǎŋ cit kënë acie bën pan Nhialic, ee kën pinyinhom è tēn, acin yic Wēi Nhialic, ee kën jɔŋrac.

16 Na rēer tiel ku kē ye yin rot nhiër kǎŋ è rot thīn, ke aliäap ku kušc luoi, ku kuat käreç ebën arēer thīn aya.

17 Ku njiny kǎŋ bō nhial, tuenj ala yic dšör ku ala yic dhēnj, ku gem rot tēnē Nhialic, athiānj è lier puŋu, ku aa kǎpath kek aaye yök thīn, acii kɔc ye tek yiic, ku aala cök.

18 Ku kɔc dšör looi, aa kāk la cök yök dšör yic.

4

Thōnkē rōt Nhialic

1 Ye tēnan yen ye akēk ku agōth è kamkun bën thīn? Aa bën tēnē kāk wiēckē ke thōr wepuŋth, kāk we col agōth è kamkun.

2 Wek aa wic kǎŋ, ku aa cāk è yök, wek aaci rōt guiir bāk nāk. Wek aa wic kǎŋ è riel ku na cāk kē ye yök, ke wek aa gōth ku thār kē, kē wiēckē acāk bī yök rin kēc wek Nhialic thiēc bī gām we.

3 Ku na thiēc kē, ka cāk yök, rin tē ye wek ye tak thīn tē wic wek ke, acii path. Ayakē thiēc è kāk kē rin miēt è piāthkun è rot.

4 Kɔc cī jai Nhialic! Kušckē lōn na yik raan yepuŋu kāk pinyinhom, ke raan è raan ater tēnē Nhialic. Kuat raan ye wic bī ke nhaar kāk è pinyinhom, ee ya raan ater tēnē Nhialic.

5 Duškkē ye tak lōn cín yen yic tō athōr thēer wël Nhialic yic ye luel elā, “Nhialic awic wēikua bīk aa kākke è rot.”

6 Ku dhēnj cī Nhialic gām yō adit alanden. Ku yen aye athōr thēer wël Nhialic luel, “Nhialic aman nhiam ku è dhēnj gām kɔc lir puŋth.”

7 Kēya, thōnkē rōt Nhialic. Yakē jɔŋrac thany wei bī kat welām.

8 Bākkē è Nhialic lōm ku abī thišk kek we. Miētēk wecin bei käreç yiic wek kɔc la gup adumušōm! Wušōnykē wepuŋth wei wek kɔc puŋth rou!

9 Riäakkē puŋth awušckun cāk looi yiic, dhiaaukē ku ñeerkē yiic. Calkē dol aye dhiiēu. Calkē miēt è piāndun aye riäak è puŋu!

10 Dhuškkē rōt piny è Nhialic nhom, ku abī we jat nhial.

Duk menhkui nyieny

11 Miēthakāi duškkē rōt ye nyieeny kamkun, kuat raan bī menhkēn nyieeny è

path, tēdē ke luk wei, ee lōnj yen aye dhāl ku luel ka cii path. Ku na luel kērac rin è lōnj ka cii thek, ku ye rot looi ciēt yin dīt tēnē lōnj.

12 Ee Nhialic rot yen è lōnj gām kɔc, ku è yen kɔc lušk wei. Yen ee raan kony ku nək aya. Ye tak ye yin è ŋa ba menhkui lušk wei?

Duškkē ye tol

13 Piēŋkē kē luel emēn, ayakē luel, “Ya akölē, tēdē keye nhiäk yok abī la keny è gen dēt yic, yok aabi la rēer è tēn è rušōn tók, ku lok luui buk wēeu juēc yök thīn.”

14 Yin akuc kē bī rot looi tēnē piēru nhiäk, yin acit tol è mac, è guo bën nhial kam thīn-nyoŋt ku go liu.

15 Kē lēu ba ya luel akīn, “Na wic Nhialic, ke yok aa pīr buk kēnē looi ku kēnē.”

16 Ku emēn wek aa nhiam ku yakē tol, nhiam dīt kēnē ebën arac.

17 Kēya, raan ñic kēpath bī looi, ku acii ye looi ala gušp awušc dīt tet.

5

Lēk tēnē Ajeek

1 Ku emēn, wek kɔc la kǎŋ, piēŋkē wētidiē! Ñeerkē yiic ku dhiaaukē è käreç bī bën weyiēth aköldä!

2 Jaakdun aci riäak, ku alāthkun aaci aruop cam.

3 Mišōŋkun tōc ku milšōnj thith aaci keth, ku keth kēnē yen abī dīt piāndun nyuoŋth aköldä, ku abī we nyop cimēn mac. Wek aaci kǎjuäac kušōt yiic è ninkä.

4 Wek aakēc kɔc lui dušmkun yiic riop. Piēŋkē kerōt. Dhiēn kɔc è rapkun tem aaci Nhialic Madhəl dööt.

5 Piērdun pinyinhom tēn, athiānj yic miēt piāndun è rōt. Wek aci cuai ciēt we bī nök aköl yai.

6 Wek aci kɔc cín gup awušc tēm awušc, ku näkkē ke ke kēc jai è wētun.

Päl rot piny ku Rōök

7 Miēthakāi, gušōmkē yet tē bī Bānyda bën. Tiēŋkē, raan pušr ee yepuŋu päl piny bī rapken wäär cī puur duomde tiit bīk luok apath. Ee tiit yet bī ruēl thōk bī denj bën tueny läkēer.

8 Ke week aya, wek aadhil rōt päl piny, ku kääckē è cök rin aköl bën è Bēny aci thišk.

9 Miēthakāi, duškkē rōt ye lom kamkun bī Nhialic we cii luk wei. Alušk luk aci thišk, abī guo yēet.

10 Miēthakāi, na cī käreç we yök, ke we päl rōt piny cimēn kɔc wäär è kāk Nhialic tiŋj è wël Nhialic lēk kɔc.

11 Cimēn ñic wek ye, aayeku col aaye kɔc cī dɔc è rin cī kek gum. Wek aa we cī tē cī Jop guum thīn ku deet yepuŋu piŋj, ku wek aaci kē cī Bēny bën looi tiŋj, Bēny la ñuēn ku nhiēr.

¹² Kë tuen miəthakäi, duškkë mël ye kuëəŋ rin pan Nhialic. Tëdë ë rin piny, tēdēt ë rin kök ë path. Luel, “Yëë,” Të cī yīn ye gam, ku luel, “Yei,” Të këc yīn ye gam. Na cāk loi këya ke wek aabi tēm awuəc.

¹³ Na le raan tōk kamkun rēər ater yic ka adhīl rōök. Na le raan tōöŋ mit puəu, ke cəl aket waak aləc.

¹⁴ Na le raan tuany ë we ka dhil kəcdīt akut kəc cī gam cəl bīk rōök rīenke, ku təckë ë miök.

¹⁵ Rōök kënë cī looi ku le yic gam ril, ka bī raan kony bī pial rin abī Bēny cəl apuəl, ku na le adumuəəm cī looi ka pəl piny.

¹⁶ Këya, lakkë adumuəəm cāk looi ë kamkun, ku ye ŋek rōök rin ë ŋek rin bī we kony. Rōök ë raan path cəl aril apeī bī kəc kony.

¹⁷ Elija raan kək Nhialic tīŋ a ye raan ë path cīt ɣo. Ee cī rōök apeī bī deŋ cī tueny. Ku deŋ akēc bēn tueny pinyinhom run kadiäk ku abak.

¹⁸ Na lä ke ben rōök bī deŋ tueny bī wal cil ku lok rap pinyinhom.

¹⁹ Miəthakäi, na päl raan tōk ë kamkun gam ë yic, ku dhuk raandēt ë raan kënë thīn,

²⁰ muškkë kënë nhom, kuat raan bī raan lä guəp adumuəəm dhuök ciēen bī kərəc ye ke looi puəl, ke yeen abī wēi kony thou yic. Ku abi pəl piny adumuəəm juēc bēi tēnē ye.

Athör tuenj cï Pïter göt Wët nom

Athör tuenj cï Pïter göt ëci gät koc cï gam, koc cï Nhialic kuany. Kockã aake cï thiëi wušt kók yiic pan Athia. Wët gët yen athöör ë rin bï yen koc bï ye kueen deet pušt bik gum, wët ye ke nök rin cï kek gam. Aaye Pïter lëk Wët Pušt Yam ë rin Jethu Krïtho, raan cï thuunde ku jôn rot ku këden cï thôn bõ, ke col anjãth.

Ku rin ë wët këne adhilkë gam bik kepušt deet ku guumkë rin ë gamden yen athem. Ku njickë lön bï ke riap aköl le Jethu raan cï loc ku doc dhuk.

Na cok alon ye Pïter ye lëk ke bik kepušt aa deet, tã yök kek kãrec, aye lëk ke aya, bik pir ke cit koc Raan cï loc ku doc.

Käk tã thïn

Mušt tuenj 1:1-2

Lëk rin kuöny Nhialic 1:3-12

Käk dhilkë looi rin Pir ë Yam 1:13-2:10

Kë ye koc cï gam kony riääk yic 2:11-4:19

Kuöny koc cï gam 5:1-11

Mušt ciëen 5:12-14

¹ Ẅen Pïter atuny Jethu Krïtho, Ẅen agët tënë koc cï Nhialic kuany, cï thiëi bëëi kók yiic pinyhom cimën Pontuth, Galatia, Kapadokia, Athia ku Bithinia.

² Wãda Nhialic aci we kuany rin yen këden wïc theer. Ku Wëi Nhialic aci we looi bák aa kacke, ku këya bák Jethu Krïtho theek, raan cï thou rin bï adumuöömkuon päl piny. Bï dhëej ku döördit rëer kek we.

Njãth akölrïëc ëbën

³ Ẅok aa dhil Nhialic Wun Bãnyda Jethu Krïtho leec. Ku rin lier piãnde tënë Ẅo, aci Ẅo yiëk pir ë yam, jôn cï yen Jethu Krïtho jot thou yic, ku këne ë Ẅo col anjãth.

⁴ Anjicku lön bï Ẅok kák ye Nhialic tãu kacke yök. Kãkkã aaye muk nhial paande apath ë rienkun. Aaye tãu tã cï kek bï dhiãth thïn, tã cïn kë bï ke rac ku cïn kë nyëei ke thïn.

⁵ Aa tãu ke ë rienkun, rin le wek gam bï we tiit ë riel Nhialic. Ku këya wek aabi luök aköldã cit tã cï Nhialic guier ye.

⁶ Mietkë pušt rin kë cï Nhialic looi, cok alon bï wek pušt aa riääk ëmën rin kãjuëc bák ke guum.

⁷ Ku kë ye wek gum, ee lön bák nyuöoθh lön ye gamdun yic. Agut mülãj tãc, ye raan lëu bï rac, aye kanj tãau meec bï them. Këya, gamdun tënë Nhialic wãr mülãj adhil them aya bï tijn lön bï wek pušt riel. Ku Nhialic abi we col ayök lec ku duaar aköl le Jethu Krïtho dhuk.

⁸ Na cok alon këc wek ye kanj tijn, ka nhiarkë. Cok alon cïi wek ye ye tijn ëmën ka ya ke gam. Ku acin wël pušt ye wek miët piãndun teet,

⁹ rin wek aa kuöny wëikun yök, këne yen ye yök gam yic tënë ye.

¹⁰ Koc kák Nhialic tijn cï we lëk rin dhëej Nhialic, acik wïc apei bik kuöny wëi këne njic.

¹¹ Ku Wëi Krïtho rëer kegup aci ke nyuøth tã bï Krïtho guum thïn, ku kãpuøth bï röt looi, ee këne cok. Ku acik them bik njic ye nen bï këne rot looi, ku yenö bï ye nyuøth.

¹² Aci Nhialic nyuøth koc kãkke tijn lön kák yekë ke lueel aacie kák ë kuönyden, aa kák kony ë we. Kák yakë ke piñ ëmën aaci atuuc ë Wët Pušt Yam jam riel Wëi Nhialic cï tuöoc nhial pinyhom. Kãkkã aaci atuuc nhial bën aa wïc aya bik ke deet yiic.

Pïr ë Yam

¹³ Këya, cãkkë röt piny rin ë luoi. Duökkë röt col amër dhäl kók. Nãthkë ke ye dãc bï Nhialic gãm we aköl le Jethu Krïtho bën.

¹⁴ Thekkë Nhialic, ku duökkë piërdun col acök kãkkun yakë ke wïc wepuøth, cimën wãar kuc wek Wët Pušt Yam.

¹⁵ Meecckë röt wei kuat kãrec yiic ëbën akölaköl, cimën cïi Nhialic raan cï we col rot ë thiäk kuat kãrac aya.

¹⁶ Aci gät athör theer wël Nhialic yic ëlä, “Meec rot wei kãrac yic cimën mec Ẅen kek kãrac.”

¹⁷ Tã röök wek tënë Nhialic, ayakë col, “Wãda.” Yen ë luk looi cok tënë koc ëbën, kë cï raan looi yen ë tã bï Nhialic luønde luök thïn nyooth. Këya, rëerkë ke we thek Nhialic piërdun yic pinyhom ë tën.

¹⁸ Rin wek aa njic kë cï we wëer bei pir wãar yic, pir cïn kë kuany thïn wãar cãk njic tënë wãrkun dit. Ku wek aa we këc waar kën yãi, cimën ye mülãj tãc ku mülãj thith yãi.

¹⁹ Ku wek aaci waar rin cï Krïtho rot gam bï nök, ku këne ajuër thiek yic apei, ee cit manh amãäl cïn kë diu yeguøp.

²⁰ Nhialic ëci Jethu loc ke piny ku nhial këc cak, ku col ajal njic ë ninkã rienkun.

²¹ Ku ë Jethu yen aci wek Nhialic gam, Nhialic ë jot ye ranj yic ku yik duaardit apei. Ku këya, wek aa la gam ku njøth tënë Nhialic.

²² Ku ëmën wek aaci la cok rin theek wek yic, ku bák miøthakun anhiaar ayic, nhiarkë röt kamkun apei piãthkun yic ëbën.

²³ Wek aa dhil röt nhiaar, ku rin wët den rëer thïn akölrïëc ëbën, aci Nhialic we col aa ben dhiëeth, dhiënh mïth raan cie thou cimën koc ke dhiëth Ẅo.

²⁴ Cimën ye athör theer wël Nhialic ye lueel ëlä,

“Raan ëbën acit noon ë riel, ku kuat këden path ëbën, acit yöök ë tãj.

25 Ku wēt cī Bēny luel ē ya yic akōlriēē ebēn.”

Wēt kēnē ē Wēt Puoth Yam ye atuuc lēk kōc.

2

Alel pīr ku kōc yam Nhalic

1 Kēya, pālkē luoi kāreēc ebēn, pālkē lueth ku ruēēny, ku duškkē wepuōth ye yiēk kēpēth kōc kōk. Ku duškkē kōc kōk ye lēk gup wēl rac ē path.

2 Luōikē rōt bāk ciēt mīthkor ye ciēk path ke muk. Yakē ciēk path wīc akōlakōl, ciēk ē wēikun ku bī wēikun dīt ke we njic Nhalic.

3 Rin aci gōt athōr thēer wēl Nhalic yic ēlā, “Acāk yōk ē rōt yen tē path Bēny thīn.”

4 Bākkē tēnē Bēny, Bēny yen cīt alel pīr wāār cī kōc jai, ku aci Nhalic kuany ke ye kēpath apeī.

5 Ku week aya, cīt aleel pīr, wek aa buh bāk aa luaj wēi. Ku bāk aa kōc la cōk lēu ye bāk kāk wēi cī Nhalic gam juēr ye rin Jethu Krītho.

6 Rin alēu raan bī kueen athōr thēer wēl Nhalic yic, ee yen ye luel thīn ēlā, “Yen acā alel ril path apeī kuēny bei aleel yiic,

ku tāāu Jeruthalem ē yam ke cīt mēn, ku raan bī njāthde tāāu alel kēnē kōu aci guōp bī yār.”

7 Alel kēnē apath apeī tēnē wek kōc cī gam, ku tēnē kōc kēc ye gam.

“Alel cī kōc ē buh kuc lōn cī yen path yen aci bēn alel path apeī tēnē aleel ebēn.”

8 Rin aci gōt abaj dēt yic athōr thēer wēl Nhalic yic ēlā,

“Kēnē yen alel bī kōc kecōk dēeny, ku ee yen kuur bī keek cōl awiēēk.”

Aa kecōk dēeny rin kēc kek wēt cī Nhalic lēk kōc gam. Ku kēnē yen ēcī Nhalic guiir tēnē ke.

9 Wek aa kōc cī Nhalic kuany ku wek aa kōc kāk Nhalic aya, yen bēnyjakhom, wun cī lōc bī Nhalic luōōi, kōc ē Nhalic. Nhalic aci we cōl bei muōōth yic ku bākkē yerdēn dhēj apeī yic. Rin bāk kākken puōth ye ke looi lēk kōc.

10 Wek aa we cie kōc Nhalic, ku emēn wek aa kacke. Wek aa we kuc nuēēn ē Nhalic, ku emēn wek aaci tē ye Nhalic kōc nūāān thīn njic.

11 Māthkiē, wek aa yōōk puōu ebēn, wek kōc pīr ke we cīt jōōl pinyinhom ē tēn. Duškkē wepuōth ē yiēk kāreēc ye guāpkun ke wīc, kāreēc thār kek wēikun.

12 Piēērkē ē pīr path kam kōc kuc Nhalic, ku na cōkkē ya luel lōn ye wek luui kāreēc,

ka bī kāpuōth yakē ke looi tūj bīk Nhalic leec akōl le yen bēn.

13 Rin bī wek kē cī Bēny looi buōōth yic, thekkē bāny mēc baai, bēnyjakhom yen dīt,

14 ku bāny kōk cī ke luōōi bīk kōc kāreēc looi aa tēm awuōc, ku leckē kōc kāpath looi.

15 Rin Nhalic awīc we ku bāk kōc we jāām gup rin kuc kek kān, cōl aabit tē tūj kek we ke we loī kāpath.

16 Wek aacie aloony ē kōc kōk. Ku duškkē kēnē cōl akum kāreēc yakē ke looi kōth. Wek aa loony ē Nhalic luōōi.

17 Thekkē cī gam thēer ebēn, ku nhiarkē mīthakun cī gam. Thekkē Nhalic ku thekkē bēnyjakhom.

Kē ye gum Jethu nyuōth yo

18 Kōc luoi aa dhil wēt ye bānyken lēk ke piņ, ku thekkē ke apeī. Luōikē kēnē tēnē ke ebēn, bāny njic we ciēēj ku bāny kuc we ciēēj aya.

19 Na gum arēem ke cie awuōcdun ca looi, ke yī njic Nhalic yīpuōu, ke yīn abī Nhalic dōōc.

20 Ye lēc nō tō thīn tē bej yī ku gum arēem rin awuōc ca looi? Ku na gum arēem rin kēpuōth ca looi, ke yīn abī Nhalic dōōc.

21 Ee gum kēnē yen ē cōl Nhalic yī, rin Krītho aci gum ē riēnkun, ku nyuth we tē bī wek guum thīn cimēnde, rin bī wek dhāldē buōōth yic.

22 Acīn awuōc cī kanj looi ku akēc lueth kanj luel ē thuoņde.

23 Wāār ye kek ye lāāt, akēc bēn adhuk nom ē wēl rēc. Ku wāār bej ye akēc kōc bēn riāac lōn bī yen kēde guōōr, aci rot bēn tāāu ē Nhalic cin yen luk looi ē cōk.

24 Krītho acā awuōc jot, awuōc kāreēc cuk ke looi, wāār reem ye tim cī rīu kōk, rin bī yōk luoi adumuōōm puōl ku pīrku ē pīr la cōk. Ku tētōōk juēc cī yiēk ye aaci we waar ē thou yic.

25 Wek aa we cīt amēl cī dhēl baai, ku emēn wek aaci dhuāk ciēēn, bāk raan diēer ē we cimēn ye abiōōk diēer amālke buōōth, raan wēikun tūt.

3

Diāār ku Rōōrken

1 Kēlā aya, wek diāār wek aa dhil rōt thōn rōōrkun. Rin na le raan tō kamken ke kēc wēt Nhalic gam, ka bī luōidun path cōl agēm, ke cīn wēt lēk ke.

2 Rin aabi pīrdun path ku tē theek wek ke thīn tūj.

3 Duškkē rōt loī bāk dhēj rin kājuēc ye ke tūj wegup ayeer kepēc. Cimēn tē ye wek wenhūm guiēer thīn. Ku ciēnkē mīlōōj tōc ku alēth path juēc kōk.

4 Duškkē ye luui kēya, ee kē rēēer yīpuōu alōnjthīn yen ē tē dhēēj yīn thīn nyuōōth,

dhëej la yic athëek ku lier ë pušu cie rot ë waar tē cok yin dhiap. Ku ee yen dhëej ye Nhialic tuj ke path apei.

⁵ Diäär theer wäär path Nhialic nhom ciënj ke njickë apei lon bi Nhialic kē cī thon dhiel looi, aake cī röt thön röören ku ee kënë yen ë ke col adhëej.

⁶ Thara acit ë diäärkä, ë ye kē cī Abaram lëk ye bi looi, looi. Ku tē jiejem yen tënë ye, aye lueel bënydië. Wek aa cīt Thara ëmën tē looi wek kãpath tënë koc kók, ke cín kē riööc wek.

⁷ Ku wek rööer aya wek aa dhil cienj apath kek diäärkun, ku njickë lon diäär aacii ril cimën rööer. Yakë ke njec ciëej ku thekkë ke rin keek aabi miöc path Nhialic yök aya cimëndun. Luoi kē kënë rin bi röökkun la cok.

Koc cī gam aa gum rin luoi kãpath

⁸ Ëmën awiëc ba wët lëk we wit. Njickë cienj kamkun, ku ye njek dieer kërec bi njek yök. Nhiarkë röt cimën njek ke wämënhë. Lier pušu tënë koc ëbën. Ku dhielkë röt dhuök piny.

⁹ Na lui koc kók yī kërac, ke duk col tënë ke kërec dët. Na ye raan dët yī wëi kërac, ke duk wëi kërac aya. Na loi koc kërec tënë yī ke yī thiëc Nhialic bi ke döc. Yen ee kën col Nhialic yī rin bi yin döcöc.

¹⁰ Cimën ye athör theer wël Nhialic ye lueel ëlä,

“Raan wic pír path ku wic bi pušu miet, ke cie jam wël rec ku cii lueth ye lueel.

¹¹ Ku adhíl luoi kërec puöl ku looi kãpath, adhíl them piände ëbën bi njec cienj apath kek koc kók.

¹² Rin Bëny ee koc path tiit ku ee rööcken pinj, ku Nhialic ee yenyin pën koc kërec looi.”

¹³ Yeja bi col agum tē wic yin ye yipušu ba kēpath looi?

¹⁴ Na col koc kók yī agum rin looi yin kãpath, ke kēpath yen aloi rot tënë yī. Duk riöc ë ke ku duk ye dieer,

¹⁵ Ku calkë Kritho aye Bëny piërdun yic. Rëer ke yī cī rot guir akólaköl ba koc yī thiëc tët kē yakë njöth tö wepuöth wek koc cī gam.

¹⁶ Ku duk koc ë thany riel bik gam, kuëc tëktëk raan dët nhom. Loi këya ba cii ye yök yipušu lon le yen awuöc ca looi, rin bi koc man tēpuöth cienj wek thün rin ye wek koc buath Kritho gup yär käk yekë ke lueel.

¹⁷ Anjüëen ba gum rin kēpuöth ca looi tē wic Nhialic ye ba gum, tën tē bi yin gum rin luoi kërac.

¹⁸ Kritho aci thou arak tök rin adumuömkua. Yeen ë cín awuöc cī looi, ku aci nök bi thou rienkua yök koc la gup adumuösm bi yo wat nhüim tënë Nhialic.

¹⁹ Ku yeen, aci jam wët Nhialic tënë wëi mac.

²⁰ Wëikä aa wëi koc wäär cī jai wäär tiit Nhialic ke bik kepuöth dhuök ciëen adumuösmken, wäär guir Noa riände. Koc lik ke cī la riäi yic, koc kabët, kek aaci Nhialic bën kony aboor yic.

²¹ Ku kënë acit miöc nhom, miöc nhom yen aye Nhialic yo kony ëmën, rin Jethu Kritho cī jöt ë thou yic. Tē jiejem yök miöc nhom, yök aacii jam rin acol ye laak wei koc gup, miöc nhom wëtde yic yök aa röt thön Nhialic ke puön yer.

²² Ku Jethu Kritho atö pan Nhialic ëmën ke rëer cuëny ë Nhialic. Ku yeen amec käk la riel ku atuuc nhial ëbën.

4

War pír yic

¹ Këya, Kritho ëci reem ku gum apei. Ke week, wek aa dhil röt guir bäk gum cimënde. Na rem raan ku gum, ka cī yepuöth wel wei adumuösm yic.

² Ku ëmën le tuenj wek adhíl pír tëcit tē wic Nhialic ye thün, ku acie tē wic piäthkun ye thün.

³ Wek aaci rëer tēbäär ke we loi käk ye koc këc Nhialic gam looi. Wek aa rëer ke we yik wepuöth käk bal ku dënj ë mäü, ku luoi kërec koc col ayär gup, ku duär jak cī kiëet cii ke wic.

⁴ Ku rin cii wek röt ye mät ke bäk aa luui kërec koc yöör gup aya, ee ke göi ku jiëmkë wegup apei wël lueth.

⁵ Ku keek aabi dhiel kööc Nhialic nhom yen luk looi tënë koc pír ku koc cī thou, bik tët ye lon puöth käk cik ke looi.

⁶ Raan cī löc ku döc aci Wët Puöth Yam lëk koc cī thou, koc wäär cī Nhialic luk looi tënë ke wäär pür kek, cimën ye yen luk looi tënë raan ëbën. Wët Puöth Yam ëci Jethulëk ke rin bi wëiken pír ë tök kek Nhialic.

⁷ Tē bi käk loi röt ëmën thök ëbën aci thiök. Cökkë wepuöth ku rëerkë ke we tür nhüim bäk lëu bäk rööc.

⁸ Këdit apei kariëc ëbën yiic ë nhiër bi njek njek anhiaar yepuöth apei, rin na nhiaar koc kók, ke yin abi kërec yekë ke looi tënë yī päl piny.

⁹ Lor raan bö paandu puön cín yic tiel.

¹⁰ Na njec miöc juëc Nhialic cī yiëk yī muk, ke yin adhíl miöckä luösi apath bi yin ke koc kók kony.

¹¹ Tē piööc raan ë kamkun, ka dhil koc aa lëk wët cī Nhialic lueel. Ku raan kony koc kók adhíl looi këya riel cī Nhialic gam ye rin ee luoi kënë. Kuat kē ye raan looi ëbën adhíl looi bi alëc gam Nhialic ë Jethu Kritho, raan la diik ku riel aköliëc ëbën. Yenakan.

Wek aa gum rin ye wek koc cī gam

¹² Mäthkië, duškkë gëi rin aræem them ë we gušmkë, duškkë tak lön kë loi rot kënë acie kë cï rot kaŋ looi.

¹³ Mietkë pušth, wek aa gum ë dhël tön thön kek tēwäär cï Kritho guum thün, rin yen abi ya miet piändun tē le yen bën ke diëkde.

¹⁴ Mietkë pušth tē ye we lat rin ye wek Kritho buəəth. Na loi kënë rot ke njeckë lön rëer Wëi diik Nhialic kek we.

¹⁵ Na le raan gum ke cï dhil gum rin awuəc cï looi ye yen näk ë kəc, nadë ke ye cuär, ku ye raan aliäap ku ye rot ciëk käk kəc kək yiic.

¹⁶ Këya, na gum rin ye yin raan cï gam, ke yï duk guəp riəc, lec Nhialic rin ye yin raan ë Jethu.

¹⁷ Luk abi Nhialic guə looi tənë kəc emën, ku Nhialic abi luk kaŋ looi tuen tənë kacke. Na jək Nhialic luk ë yo, ke luk abi dhil riel tənë kəc kəc Wëi Puəth Yam bə tənë Nhialic theek.

¹⁸ Cimën cï ye gət athör theer wël Nhialic yic ëlä,

“Käriil aabi röt kaŋ looi tənë kəc la cök ku bi keek jäl kony,

na ye këya, yenjö bi rot looi tənë kəc adumuəəm, kəc kuc Nhialic?”

¹⁹ Kəc gum rin yen kë wic Nhialic tənë ke, aa dhil röt thön Acieŋden kë cï lueel ka bi looi, dhil tiëŋ nhom. Ku dhilkë la tuen ke loi kəpath.

5

Wëet tənë kəcdit ku riënythii

¹ Yën ë raandit, ku yën alək kəcdit akut tə kamkun ë piändië ebën. Yën aci tē cï Kritho guum thün tün. Ku yën abi diik bi Nhialic nyuəəth rəm kek ye.

² Wek alək ë puəu ebën. Calkë röt aaye abiök kəc ë Nhialic cï yen ke we kuany bək ke kony. Wek aaci Nhialic wic bək luəi kënë looi ke cit luəi cï we mac thün. Duškkë luəi kony wek kəc cï gam ye looi rin ariöp ë rot. Luššikë rin wic wek ye bək ke kony.

³ Duk rot loi ba kəc cï Nhialic tääu yicök ba ke kony aa cieny ciët yin ë bëny mec ke. Loi rot bi kəc cï gam yin aa kiëët.

⁴ Ku tē le Abiöpdit bën ka bi we gäm ariöpdit diik cï ben kaŋ mää.

⁵ Ku wek riënythii yakë looi kë cï kəcdit lək we. Ku week ebën wek kəc cï gam, wek aa dhil pušth aa lier ku yakë röt dhuək piny bək kəc kək ya luəi, rin yen ë kë ye athör theer wël Nhialic lueel ëlä, “Nhialic aman nhiam ku ë dhëŋ gäm kəc lir pušth.”

⁶ Dhuəkkë röt piny Nhialic ril apei cök bi we kony. Ku abi we jat nhial aköl le yen ye tak.

⁷ Duškkë wenhüim ye yiek kək wiëckë ke apei, calkë alooi Nhialic, rin ee yen we tiit.

⁸ Pälkë röt piny ku tiëerkë nhüim. Raan aterdun, jəŋrac ë la tən, ku le tən, acit köör cï wäth wic raan ciem.

⁹ Rëerkë ke we ril ë gamdun yic. Duškkë wëtde gam, rin anjeckë miethakun cï wëtde gam pinyndhom ebën, aa gum aya cimëndun.

¹⁰ Ku tē cï wek gum tēthün-nyəət, ke Nhialic nhiar yo apei, yen cï we cəal bək diikden akölrüëc ebën rəm, rin ye wek tək kek Kritho, abi keriëc ebën cök tənë we. Ku abi we looi bək gamdun cï war ku cəl we aa ril pušth akölaköl.

¹¹ Bi Nhialic mec akölrüëc ebën. Yenakan.

Muəth ciëŋ

¹² Wek aa tuəc athör cï Thilath ya kony, wämääth path cï gam. Wek aa yəək bək riel gamdun yic, ku luəel lön kë ca gət ë dhëŋ Nhialic ayic, dhil wek rëer thün ë puəu la cök.

¹³ Akut kəc cï gam Babilon, akut kəckuan cï Nhialic kuany aya ke yo, ee we muəəth. Ku Marko, manhdien cï gam ë we muəəth aya.

¹⁴ Miäthkë röt muəth kəc cï gam. Yën ë röök bək rëer ke dšr ebën, wek kəc Kritho.

Athör ë rou cï Pïter göt Wët nom

Athör dët cï Pïter göt aci gät koc juëc cï gam pan Athia. Wëtdit ë gët yen athöör, ee lön bik röt tiit käreç ye koc kök piöcc, wël ë koc thël käk ë bal yiic. Ku kë bi ke kony atö wët Nhialic yic, wët cï koc cï Jethu Bänyda tïj ku piñkë wëtde piöcc.

Pïter ë gät athöör rin ye koc ye lueel lön cï Raan cï loc ku döc bi ben dhuk pinyhom. Aye Pïter lueel lön cï Raan cï loc ku döc bi lac dhuk ayic rin acin raan wic Nhialic bi mää, awic bi raan ëben luoi käreç puöl.

Käk tš thïn

Mušt tuelj 1:1-2

Koc cï gam aa dhil pïr ke cit cöt ë Nhialic 1:3-21

Koc piöcc e lueth 2:1-22

Bën ciëen Raan cï loc ku döc 3:1-18

¹ Yen Thaimon Pïter, alony ku ya atuny Jethu Krïtho, yen agët tënë we. Nhialicda raan luäk yo Jethu Krïtho, raan la cök path apeï, aci yo ku week yodhie gäm piöcc thöj ë rienke.

² Wek aabi Nhialic nyušt nhiërde apeï ku cöl we aala döör dit apeï, rin cï wek riel Nhialic ku Jethu Bänyda njic.

Koc cï gam aa dhil pïr tš cit cöt ë Nhialic

³ Jethu aci yo gäm käriëc ëben ë ciëkde, käk wicku ke bi yok ke pïr cit tš dhil koc cï gam piir thïn. Kënë aci rot lëu rin cï yok Nhialic njic. Ku ë yen aci yo cöl buk diekde ku piathde rom kek ye.

⁴ Ku këya, Nhialic aci yo gäm miöc juëc thiek yiic apeï wäär cï thön yo. Të luui wek ë ke, ke wek aa puut bei käjuëc ë koc rac ye koc kuc Nhialic yiëc kepušt, käk ke rac. Ku këya, wek aabi pïr ciëkde yic.

⁵ Rin cï Nhialic kakkä looi ë rienkua, themkë apeï bäk piath mat gamdun yic. Ku matkë njëc ë Nhialic piathdun yic.

⁶ Ku adhiëlkë them apeï bäk dušt ë rot ku gum mat thïn, ku piërkë cit tš wic Nhialic ye thïn.

⁷ Themkë apeï bäk koc kök nhiaar piäthkun ëben ku nhiaarkë Nhialic aya.

⁸ Kakkä kek aa käpuoth wic ke, ku na njieckë Bänyda Jethu Krïtho, ka bäk muk apeï wepušt. Ku këne acii we bi cöl acit adakrööt cie pierden ye kuëc nom.

⁹ Ku raan liiu käpuothkë tënë ye, athöj kek raan cï cöör cie daai, ku aci nom mää lön cï adumuömmke laak wei.

¹⁰ Këya, miëthakäi, themkë bäk pïr dhël ye nyuöth lön cï Nhialic ye loc ku cöl we

bäk aa kacke. Na luoi kë këya, ke wek aacii gamdun bi kan puöl.

¹¹ Ku këlä, Bänyda ku ye Aluända, Jethu Krïtho abi we yiëc yic dit apeï bäk la bänyden akölrüëc ëben yic.

¹² Këya, wek aaba ya täk nhüim aköläköl bäk kakkä aa tak cök alön njic wek ke, ku cök alön cï wël yith cï ke piöcc tënë we teem wenhüim aya.

¹³ Aya tak ë yic ba we ya täk nhüim tš njot piir yen.

¹⁴ Anjic lön bi yen guo liu pinyhom rin aci Bänyda Jethu Krïtho lëk ya ayic.

¹⁵ Aba them apeï ba dhöi bi wek kakkä lök aa tak, aköl le yen thou, looi.

Pïter ku atuuc kök aaci lec Jethu tïj

¹⁶ Acie anyiköl takku ë path, yen yeku lëk we wäär ye yok jam tënë we tš bi Bänyda Jethu Krïtho ben dhuk pinyhom kek rieldit apeï. Yok aaci rielden cï yen rot waan bi ruel bi la diardiar tïj ë nyienkua.

¹⁷ Yok aa yo tš thïn ë göt nom wäär leec Wäda Nhialic ye, ku looi bi rot waan bi yer apeï bi la diardiar. Tëwäär tš yok ë göt nom, yok aaci röl piñ, röl bš nhial tënë Nhialic ke lueel ëlä, "Kënë ë Wëndiën nhiaar, mit yen puöu tënë ye."

¹⁸ Yok nhüim guöp, yok aaci röl këne piñ ke bš nhial wäär reër yok kek ye ë gon Nhialic nom.

¹⁹ Këya, yok aacii diu wël cï göt theer, wëlke keye koc käk Nhialic tïj lëk koc. Wët këne athöj ke many dëp muösth yic. Ee dëp yet bi piny bak, ku ruel Krïtho ë dëp wepušt cimën ye ciëër bak piny ruel bëzi pinyhom. Ee këpath yen abäk looi tš tšëu wek wepušt käk keye kë ke piöcc.

²⁰ Kë lëukë bak deet yic apeï, ee lön acin raan lëu ye bi käk ye Nhialic nyuöth koc käkke tïj, käk cï ke göt athör theer yiic, teet yiic rieldë ë rot.

²¹ Rin acin raan käk Nhialic tïj cï wët Nhialic kan lëk koc rieldë ë rot. Ee Wëi Nhialic yen ë koc käk Nhialic tïj cök nhüim tš lueel kek wët bš tënë Nhialic.

2

Koc piöcc ë lueth

¹ Wäthëer koc aa lueth keye ye lueel lön ye kek koc käk Nhialic aake cï tuöl kam koc, ku këlä, koc piöcc ë lueth aabi tuöl kamkun aya. Aabi piöcc wël lueth bi gam rac koc pušt. Ku koc piöcc ë luethkä aabi kuc lön cï Raan cï loc ku döc ye Bënyden yen cï ke waar adumuömm ye. Ku luoiden, aabi kek kë rëc ke guo yok thïn.

² Këlä aya, koc juëc ë Nhialic aabi piöccden rëc këne buöth yic, ku rin käreç yekë ke looi, koc aabi kuöc aa jam dhël yic cï Nhialic nyuöth koc.

³ Rin wic kek wëu juéc tēnē we kek koc piöcc è luethkâ, aabi we muär anyikööl yekē keek tör. Ku tēthæryon agut emēn, Nhalic bi lušñden looi ku yen bi keek rac, arēer ke ci rot guir bi keek tēm awuśc.

⁴ Yæn aluel kēnē rin Nhalic akēc atuucken nhial pušl wäär looi kek adumušm. Aaci bēn piær mušth yic tēthuth mec yic apei ke ci ke rek, ke tit aköl bi yen luñdit looi tēnē ke.

⁵ Ku kēlä aya, Nhalic akēc koc thæer wäär kuc ye pinyhom bēn pušl. Acī piny bēn cöl abor bi kockâ mou ebēn. Ee Noa raan wäär koc lēk dhēl la cök yen aci bēn kony kek koc kōk kadhoro.

⁶ Ku Nhalic aya aci gen Thodom ku Gomora bēn tēm awuśc, ku cuēny ke bik aa col kek koc ku kāk tš thīn ebēn. Kēnē aci Nhalic looi bi koc nyušt kē bi rot looi aköldâ tēnē koc cī kuc è wētdē.

⁷ Ku yeen aci Lot bēn kony, rin ye Lot raan path man käreç ye koc kōk ke looi.

⁸ Tēwēn rēer raan puoth kēnē è kamken, ěcie pušu ye miēt akōlaköl tē tīñ yen käreç ye looi.

⁹ Cīt lōn cī Bāny kākâ looi, aye nyooth lōn aņic tē bi yen koc path kuony thīn kāk gumkē ke yiic, ku tēm koc rēç awuśc akōlaköl yet aköl luñdit,

¹⁰ koc ke looi kāk è bal la biñ ye guäpken ke wic ku kueeckē bāny Nhalic.

Koc piöcc è luethkâ aa ril nhīim ku aa pušt lac thōök, ku aacie jak pušt tš nhial ye theek, aa yekē ke läät.

¹¹ Na cök atuuc Nhalic la riēdit apei tēnē ke, aacie koc piöccâ ye läät Nhalic nhom.

¹² Koc piöcc luethkâ, aa kāk wic piäthken ke kek aa yekē ke looi è path cimēn lääi cie tak. Kēya, aa kāj dhōl yiic è path ke cīn yīny peth dhēl kek keyiic, ku cīk ke kōñ deet yiic. Ku kēya, aabi Nhalic nōk cimēn dhie ye raan lān tš thīn ye nōk dōm ku nēk.

¹³ Koc piöcc luethkâ käreç looi tēnē koc kōk, aabi luši käreç aya. Rin keek aa pušt miēt tē looi kek käreç. Ku miēt piānden ayekē yök tē miñ kek ku dēkkē ku loikē kāk bal cök aköl è path. Ku kēlä, aa yār gušp bēñ tēnē we tē looi kek käreçkâ ke we miñ è tōk ke ke.

¹⁴ Keek aa rēer ke wic diäär, ku aacie kōçc wicwic luoi käreç. Ku keek aa koc cī gamden ril tēnē Jethu mušr bik adumušm looi. Ku keek aaci dīt è pušu niēç. Ku keek aabi Nhalic tēm awuśc rin käreç yekē ke looi.

¹⁵ Aaci luoi kăpath pušl ku dhukkē dhēl jōñrac. Aaci tē ye Balaam wēn Biör luui thīn buoñth yic, raan wäär nħiar wëu ye ye riap bi käreç looi.

¹⁶ Ku Balaam aci Nhalic bēn māt apei rin käreç cī looi. Akajade aci bēn jam cimēn è

raan, ku pēen Balaam bi cīi è luui cimēn raan ci mušl.

¹⁷ Kockâ aa cīt wēr cī döu ku aa cīt athōšr, ye yom kuaath è path. Nhalic aci tēcol thuth yic tēn koc piöcc luethkâ looi tēnē ke.

¹⁸ Keek aa jam è nhiaam wēl cīn kē ye kuany thīn. Ku aa luui kāk è bal bi kek koc deep, koc puoc gam puoc jāl tēnē koc kēc wēt Nhalic gam.

¹⁹ Ayekē lēk kockâ lōn bi kek nhīim lääu lööñ juēc ye koc cī gam ke theek, ku keek nhīim aa loony käreç yekē ke looi, rin raan è ya alony käreç ye looi käreç cī ye rum pušu ye rac.

²⁰ Na koc cī kāk tš pinyhom, kāk koc cöl ayik kepušt luoi käreç pušl, rin cī kek wēt Bānyda ku ye Aluāñda Jethu Krītho ñic, ku na benkē luoi käreç dhušk è pinyhom, ka jol rēer apei abik tēwäär kēc kek Jethu ñic waan thok.

²¹ Ee bi ñuēñ apei tēnē ke tēnē kēc kek dhēl la cök kañ ñic, ku benkē kuc löñ cī Nhalic lēk ke.

²² Kē cī rot looi tēnē ke aye nyooth lōn wēl ye kēñ lueel èlä yith, “Jōñ è ñok dhušk,” Ku, “Dir baai cī deñ look è rot ben daal tišk yic.”

3

Jethu abi ben dhuk

¹ Kockiēn nhiaar, kēnē athör dēt ye athör rou ca bēn gät we. Athörkâ yiic ebēn, aca them ba we bēn lēk kāk ñicckē ke, rin bi wek wenhīim tääu thīn bāk aa tak apath.

² Awieç bāk wēl è Nhalic cī koc kāk Nhalic tīñ lueel wäthæer, ku kē cī Bānyda ku Aluāñda, cöl aye atuuc lēk koc, aa tak.

³ Wēt tuen bāk kañ deet yic è lōn tē le nīn aköl luñdit thišk, ke koc kōk rēç, koc ke looi kāk wic piäthken kepēc aabi tušl. Ku keek aabi we aa bui.

⁴ Ku luelkē, “Acī Jethu thōn lōn bi yen bēn ku luelkē, ye yic? Yen ako? Wārkuan dīt aaci thou wäthæer, ku keriēcc ebēn aņot cīt tēthæer wäär cek Nhalic piny.”

⁵ Ku aluelkē kēya rin cī kek nhīim riēl bik yic cī gam, yic cī Nhalic nhial ku piny cak wäthæer è wēt lueel è path. Wētden cī lueel aci piny col atul piu yiic,

⁶ ku Nhalic aci piu looi aya, piu aboor bi yen ke piny kēnē rac.

⁷ Ku nhial ku piny tš thīn emēn, aaci Nhalic wēt lueel aya lōn bi kek rēer thīn yet aköl bi yen ke rac. Ku ee mac yen abi ke rac. Aa mec ke rin aköl bi yen ke luk looi ku rēç koc cī wētdē ye gam.

⁸ Duškkē nhīim mār è kēnē kockiēn nhiaar. Acīn kēnē wäac tēktēk Nhalic yic è kam akāl tōk ku rušñn tiem tōk, aa thōñ kedħie karou tēnē ye.

⁹ Nhialic acie gääu bi kë ci thon bi looi col aloi rot cak alon ye koc kók ye tak këya. Alir pušu kek we, rin acin raan wic bi rac, awic bi koc ebën kepušth wel wei adumušmken yiic ku dhukkë tënë ye.

¹⁰ Ku Bëny abi bën aköl cin raan njic ye, cimën dhie ye cuär ye looi këya. Ku aköl kënë aršöldit apei abi rot looi, ku kák tš nhial aabi riääk, aabi mac rac, ku piny kek kák tš thin aabi dëp ebën bik liu.

¹¹ Ku cit lon bi käjuëckä ebën rac këya, ke we ye koc bi yiëndë emën? Wek dhil pir pir la cök ë Nhialic nhom,

¹² tš rëer wek ke we tit aköl bi Nhialic luk bën looi tënë koc ë pinynhom, ku luššikë apath bi aköl kënë lac bën. Aköl kënë yen aköl bi mac dëp ku rec nhial, ku atušc abi kák tš nhial lëej.

¹³ Ku yok koc ci gam, titku nhial ë yam, ku piny ë yam wäär ci Nhialic ke thon bi koc la cök, la pir thin tšcit tš wic Nhialic ye.

¹⁴ Këya kockien nhiaar, tš rëer wek ke we tit aköl bi Nhialic luk looi tënë koc pinynhom, wek aadhil luui apei bi week yok ke we ë koc la cök cin gup adumušm, ku lak dšör ke ye.

¹⁵ Tiäņkë lier pušu Bänyda ke cit dhël bi koc kony kák rec keek yiic. Yen ë kënë ci Paulo, raan nhiarku ci gam cimënda we gät ë njieč kãņ ci Nhialic yiëk ye.

¹⁶ Këlä aya, Paulo aci njieč gät rin ë kakkä athör yiic ebën ci tušc koc ci gam. Ku athörkä aala yiic kók ril yiic cie deet. Ku aaci koc ë piöoc, koc kuc kãņ koor gamden ye teet yiic apath, cimën ye kek wël koc theer ë Nhialic kušc piššc aya. Ku këlä, aa kë rec ke bëšš tënë ke ë röt.

¹⁷ Ku wek kockien nhiaar, wek aa njic ë kënë theer. Tietkë röt apath bi koc kuc yithkä we ci mär ë piöocden ë lueth, bäk jäl dhëldun la cök rëer wek thin.

¹⁸ Ku wek aa dhil la tuen akölaköl ke we njic nhiër ku lier ë pušu Bänyda ku ye Aluäņda, Jethu Kritho, ku juakkë njiečdun tënë ye. Bi ya leec emën ku akölrüeč. Yenakan.

Athör tuej cï Joon gõt Wët nom

Athör tuej cï Joon gõt ala yic wël dît karou kek ke gät yen athöör, tuej ë wët bi yen koc riæl pußt bik aa reër ë tök kek Nhialic ku Wënde Jethu Kritho. Ku dët, ee wïc Joon bi koc cï gam cöl atir nhüim piöoc ë lueth bi gam kënë rac. Piöoc kënë acie röm kek käk ë Jethu Wën ë Nhialic. Kuec ë piöoc kënë, yen aci Joon njec teet yic lön Jethu Kritho ë ye raan ayic, ku aci nyooth lön raan cï Jethu gam ku nhüer Nhialic, ka dhil koc nhaar ebën.

Käk tš thïn

Wët Nhom 1:1-4

Nhialic ee Ruel 1:5-2:29

Mith Nhialic ku mth jönrac 3:1-24

Yic ku lueth 4:1-6

Käk ye looi rin ë nhiër 4:7-21

Gam ril apeï 5:1-21

Wët ë Pïr

¹ Wek aa gät wët raan yen cï Wët Nhialic lëk koc, ku yen cï koc gam pïr akölrüëc ebën. Yen ë tš thïn thær kęc keriëc ebën cak. Ku emën yok aaci wëlke piñ, ku yeen acuk tïj nyienkua. Acuk tïj, käk cï looi aa cuk tïj ku acuk goot cïenkua.

² Aci Nhialic cöl aye raan. Acuk tïj ku wek aa lëkku yic cuk tïj. Alëkku we lön raan kënë yen ë pïr akölrüëc ebën yiëk koc, ee tš thïn wäthær ku yeen ë reër kek Nhialic Wäda, ku aci Nhialic nyuüth yo.

³ Këya, raan cuk tïj ku piñku wëlke, yen ë raan lëkku we, rin bäk röt mät yo aya bäk la gam tök kek yo. Ku gamda yodhie atš tënë Wun ku Wënde Jethu Kritho.

⁴ Wek aa gät käkka rin bäk röt mät yo gamda yic rin bi miet piända dît apeï.

Nhialic ee Ruel

⁵ Ku wët cï Jethu lëk yo ku yen lëkku we emën akïn. Nhialic apath, ala guöp wic, acit ruel, ku acin acuäl.

⁶ Na yeku lueel lön cï yok röt mät tënë Nhialic ku ñot yo ye luui käreç, ke wët luelku acie yic. Ku aye kakkuan yeku ke looi nyuüth lön cï yok kuec yiny Nhialic.

⁷ Ku na yeku luui käk wïc, ke yok aatš ruel yic cimën tš Nhialic ruel yic, ke yook aabi yoyiic mat, ku thon Wënde Jethu abä adumuümkua laak wei ebën yogup.

⁸ Na yeku lueel lön yok acin gup adumuüsm, ke meth yen aye yok röt math, ku yook aa kuc yiny cï Nhialic nyuüth yo.

⁹ Ku na lëkku Nhialic lön cï yok käreç looi, ka pël käreç cuk looi piny ku wuuny ke wei yogup buk ben aa koc path tënë ye, rin aci

lueel lön bi yen käreçkua aa päl piny, rin kë ye lueel aye dhiel looi akölaköl.

¹⁰ Ku na luelku lön kęc yok adumuüsm looi, ka yeku lueel lön ë Nhialic yen ë lueth lueel, ku yook aa kęc wëtde gam.

2

Raan cï loc ku dac ë yo kony

¹ Wët gät yen we athöör miethkië, ee wët bäk käreç cïi ye looi. Ku na le raan lui käreç kamkun, ke yok aala raan Nhialic thiëc ë rienkua bi käreçkua päl piny. Raan kënë ë Jethu Kritho cïn kë dak yeguöp ë Nhialic nyin.

² Yen ë raan cï thou rin bi adumuümkua päl piny. Acie adumuümkua ë röt kek ye Nhialic ke päl piny ë wëtde, aaye ke päl piny agut adumuüsm koc pinyhom ebën aya.

³ Dhël ye nyuüth lön njic yok Nhialic ayic, ee wët nadë ke yo thek löñke.

⁴ Na ye raan lueel ka njic Nhialic, ku acii löñken cï lëk koc thek, ke lueth yen aye lueel ku akuc käk ë yith tënë Nhialic.

⁵ Ku raan luui kë cï Nhialic lueel, ke nhiërde acii thok bi kan dak tënë Nhialic. Ee këya, kën yo nyuüth lön ye yok tök kek Nhialic akïn,

⁶ Na ye raan lueel ka cï yeyic mat ke Nhialic, ka dhil a luui cimën wäär ye Jethu luui.

Löj Yam

⁷ Ke week kockien nhaar, wët gät tënë we acie löj yam. Ee löj töj yon cak piñ yon jöök wek mat tënë Jethu.

⁸ Këya, löj gät we kënë ala yic wët ë yam, rin dhël cï Jethu pïr thïn aci nyuüth yo wët ë yen yam, ku aye piërdun nyuüth aya lön yen löj yam rin käreç aaci dhuk piny, rin ruel Nhialic aci nyuüth.

⁹ Na le raan ye lueel lön luui yen ruel Nhialic yic, ku ë kam awën, ke man raan cï gam, ke raan kënë anot reër muüth yic agut emën.

¹⁰ Koc ë koc cï gam nhaar kek aa koc pïr ruel Nhialic yic, ku abi ke cöl acin käreç loikë.

¹¹ Ku kuat raan man raan cï gam, acit raan tš muüth yic kuc tën le yen thïn. Rin cï muüth ye cöl acii piny tïj.

¹² Wek koc cï miethkië, wek aa gät athör kënë, rin anjicku Nhialic aci käreç päl piny tënë we, rin Raan cï loc ku dac.

¹³ Wek koc we kön gam, wek aa gät, rin wek aa njic raan tš thïn thær ke piny kęc cak.

Wek koc puoc gam, yen agët tënë we rin cï wek jönrac göök.

¹⁴ Wek aa koc cï miethkië, wek aa gät wëlkä rin cï wek aa koc cï Nhialic Wäda njic.

Wek kɔc we kɔŋ gam, wek aa gät rin wek aa njic raan tš thin theer ke piny këc cak. Wek kɔc we puɔc gam, wek aa gät ë rin cï wek wët Jethu gam apei, ku bï wët Nhalic arëer wepuŋth akölaköl, ku week aaci jɔŋrac göök.

Duŋkkë käk pinyndhom ye nhiaar

¹⁵ Duŋkkë ke ye nhiaar dhöl kɔc rɛc pïr tš pinyndhom, duŋkkë ke ye nhiaar käk pinyndhom. Rin raan nhiaar käk tš pinyndhom, acï lëu bï Wäda Nhalic nhiaar aya.

¹⁶ Dhöl rɛc kɔc tš pinyndhom cït ëmën ye kɔc luui kë nhiarkë wickë, ku yekë nhiaar kë cik tïj, ku yekë nhiam kajuëc tš tënë ke. Dhölkä aa dhöl pïr pinyndhom. Aacie bën tënë Nhalic Wäda.

¹⁷ Piny këne aya, acï Nhalic jɔck bï rac kek kocken nhiaar ye, ku raan kë wic Nhalic looi ë pïr akölrëëc ëbën.

Raan ater Raan cï löc ku döc

¹⁸ Miëthkië, thök ë piny acï thiäk. Acuk lëk we theer lön bï raan ater Raan cï löc ku döc tuc. Acäk tïj kɔc ater Raan cï löc ku döc juëc aaci tuöl. Wët këne, aye nyuöŋth ë yic lön cï thök piny thiäk.

¹⁹ Kockä, aake rëer ke yo ë tök, ku aaci jäl ëmën. Keek aake këc kepuŋth mäť yo ë yic alanden, diët aa njuť ke rëer kek yo. Jäldeñ ë ye nyuöŋth wët këc kek kepuŋth mäť yo.

²⁰ Ku wek aa kɔc ye Nhalic Wëike tääu wepuŋth, ku këya, yen acï wek käk yith njic wedhie.

²¹ Yen acï gët tënë we rin ye yɛn ye lueel lön cï wek yic Nhalic njic. Yen agët tënë we rin wek aa njic yiny ë Nhalic. Ku rin njic wek ye acïn luenh tš yiny ë Nhalic yic.

²² Ye raan yindë yen alueeth? Ee raan ye lueel, Jethu acie yen Raan cï löc ku döc. Raan cït këne, ee raan ater Raan cï löc ku döc, ku ë Nhalic Wäda kek Jethu Wënde kek aaci yen ke kuc.

²³ Na le raan töj kuc lön cï Jethu ye Wën Nhalic ka ril yic apei tënë ë raan këne bï mat kek Nhalic Wäda. Ku na cï gam lön ye Jethu Wën Nhalic, ka bï mat kek Nhalic Wäda.

²⁴ Yakë wët Nhalic wäär yen cak gam muk wepuŋth akölaköl. Na muŋkkë wët wäär cï lëk we wäär mëť wek röt Jethu, ke wek aabi pïr ke we ye tök kek Jethu ku Nhalic Wäda.

²⁵ Ke yook aabi pïr akölrëëc ëbën pan Nhalic cï Jethu yo thon bï yiëk yo.

²⁶ Wek aa gät rin wët kɔc we them bik we muŋr.

²⁷ Ku week aaci Jethu yiëk Wëi Nhalic, ku rin rëer Wëike ke we, ke wek aaci ben wic raan dët piöoc we. Ku Wëi Nhalic ë we piöc këriëc ëbën, ku piöoc we yiny cïn yic lueth. Këya, wek aaya yöck bäk aa mat ke Jethu tšcït tš cï Wëi Nhalic we lëk thin.

Mïth ë Nhalic

²⁸ Wek aaya yöck aya miëthkië, bäk aa rëer ke we mëť kek Jethu. Rin na ben la bën pinyndhom, ke yook aaci gup bï riöc buk röm kek ye.

²⁹ Ee këya, cït mëñ njic wek ye lön le Raan cï löc ku döc cök. Këya, anjicëkë aya na ye raan kë la cök looi, ka cï ya manh ë Nhalic.

3

¹ Takkë wenhïim yen kë cï Wäda Nhalic luŋi yo rin nhiërden rëer kek yo, ee kë nhiëer yen yo apei, abi yook col aaye miëthke, ku ë yic alanden yook aaci ya miëthke. Ku wët kuc than pinyndhom ye, lön ye yook mïth Nhalic, ee rin kuc kek Nhalic.

² Wek kockiën nhiaar ëmën, yook aaci ya mïth Nhalic. Ku anjot kucku tš bï yook yiëndë thin aköldä. Ku yeen anjicku, tš le Raan cï löc ku döc dhuk pinyndhom, ke yook aabi cïët ye, rin abuk tïj ë yic, ye yen ña.

³ Ku week, raan ye nšöth lön bï yen cïët Jethu, ka dhil yeguŋp wuöŋny wei adumuösmke bï rëer ke la wic, cimën Raan cï löc ku döc cie adumuösm ye looi.

⁴ Kwat raan la tuen ke loi awuöc Nhalic nyin, ee Nhalic ku löŋŋke kek aaye dhöl yiic.

⁵ Anjicëkë, këñ bï Raan cï löc ku döc pinyndhom, ee lön bï adumuösmkua bën wuöŋny wei yogup, ku yen nhom acie adumuösm ë looi acïn.

⁶ Këya, tš cï raan rot mat kek Jethu, ka cï adumuösm looi akölaköl, ku raan adumuösm looi akölaköl aye nyuöŋth lön kuc yen Raan cï löc ku döc alanden.

⁷ Wek miëthkië, tiëerkë nhïim, bï ciën raan ruëny we. Raan ye looi ë këpath ala cök cimën le Raan cï löc ku döc cök.

⁸ Ku raan awuöc looi akölaköl ë raan jɔŋrac, rin jɔŋrac acä awuöc looi tšwäär cikë ë piny. Ku Wën Nhalic acï bën pinyndhom bï kë cï jɔŋrac looi bën rac.

⁹ Acïn raan ya manh Nhalic ku njot ye luui kërec. Rin pïr Nhalic atš yeguŋp. Aacie awuöc looi akölaköl, rin ye yen manh Nhalic.

¹⁰ Ku këñ mïth Nhalic ku mïth jɔŋrac nyuöŋth akïn, kɔc cie luui këpath, ku kɔc cie miëthakën ye nhiaar, aacie mïth Nhalic.

Nhiarkë röt kamkun

¹¹ Kënë yen ë wët cak piñ nyin yic wäär mëť wek röt Raan cï löc ku döc, lön dhil yook röt aa nhiaar kamkua.

¹² Këya, duŋkkë röt thöj raan yon col Kain, raan luui käk jɔŋrac cï mëñh nök. Yenö këñ nök mëñh? Kën nök yen mëñh Abel ë wët ë mëñh luui käk la cök ku yeen ë luui kërec.

¹³ Këya, duŋkkë gëi miëthakäi tš mëñ kɔc ë pinyndhom we.

¹⁴ Anjicku alanden lön yok aa yo cit koc ci thou, ku emen yok aa reer pir aköriëc ebën yic, kënë ayeku njic rin emen yok anhiar wämäthakua koc ci gam. Na ye raan ci wämënhë nhiar ka njot reer ke cit raan ci thou.

¹⁵ Ku tènë Nhialic, raan man koc kók athöj kek raan ci raan dät nök, ku anjickë raan koc nök acin pir aköriëc ebën pan Nhialic tó kek ye ë yic.

¹⁶ Nhiër ayeku njic kälä, Jethu aci rot col anak rin bi yen yo waar adumuömkua yiic, aye nyuoöth lön nhiëer yen yo. Ku këya, yook aya yok aa dhil röt col anak rin miëthakäi kua.

¹⁷ Këya, cimën na ye raan la käj ku tij mënöhë dät cin käj ku kueec bi ci muoc, ka ci lëu bi lueel lön nhiëer yen Nhialic.

¹⁸ Wek miëthkië acuk bi ya lueel ë path yothook lön nhiëer yok röt kamkua, yok aa dhil röt kony kamkua käk yeku ke looi yiic.

¹⁹ Na cit nhiër nhiëer yok röt ë kënë, ka buk jal njic ayic lön yok aa koc Nhialic, ku cuk ben aa diëer.

²⁰ Na ye käk yeku ke looi yo col aaye koc rac, ka dhilku njic lön tëtëk Nhialic awär täktäka, anjic këriëc ebën ë cök.

²¹ Wek kackië, na ci käk yeku ke tak ye lëk yo lön ye yok koc rac, ke yok aaci gup bi ya riöc të rök yok tènë Nhialic.

²² Ku abi yo gam kuat käk cuk thiëc, rin ë kë ci lueel yen ayeku looi. Ku yok aa pir dhëlden miet puö yic.

²³ Kë ci Nhialic lëk yo ë lön buk la gam tènë Wënde Jethu Kritho, ku yok aa dhil röt nhiaar kamkua, cit tëwäär ci yen ye lëk yo thin.

²⁴ Kuat raan loi kë wic Nhialic aci rot mat kek Nhialic, ku Nhialic ë reer kek ye. Ku të ye yok ye njic thin lön ci Nhialic rot mat yo, ee Wëiken ci gam yo.

4

Wëi yic ku wëi lueth

¹ Wek kockiën nhiaar duökkë wët raan ye lueel lön le yen ke wëi ë guo gam, kanjë wëde tak yic apath bäk njic lön tó Wëi Nhialic yeguöpir alanden, rin ci alueth käj tij thiëi pinyhom ebën.

² Të lëu bi yin raan reer kek Wëi Nhialic njic thin akün. Ee raan ye lueel lön Jethu Kritho aci bën pinyhom ke cit raan, Wëi Nhialic arëer kek ye.

³ Kuat raan kuec kakkä aci reer kek Wëi Nhialic, ee riel jöj ater Raan ci löc ku döc yen arëer kek ye. Yen wäär cäk pinj lön bi yen bën, aci bën, arëer pinyhom emën.

⁴ Ku wek miëthkië, wek aa koc Nhialic, ku wek aaci jai piöc ë kockä. Wek aaci jai piöc kärec rin reer Wëi Nhialic kek we, ku

yen aril tènë jöjrac yen mac koc kuc Nhialic pinyhom.

⁵ Aluethkä aa kuc Nhialic. Käk yekë ke lueel aa käk ye koc kuc Nhialic ke lueel. Ku koc kuc Nhialic aa wët den gam.

⁶ Ke yook koc ci gam yok aa koc Nhialic. Ku kuat raan njic Nhialic ë piöcda gam, ku koc kuc Nhialic aacie piöcda ye gam. Ku ë yen të ye yok koc reer Wëi Nhialic kegup njic thin, ku koc reer jöjrac koc ruëeny kegup.

Nhialic ee Nhiër

⁷ Ke week kockiën nhiaar, yeku röt nhiaar ë kamkua, rin ë Nhialic yen yo col anhiar koc kök. Kuat raan koc kök nhiaar, aye nyuoöth wët ë yen manh Nhialic ë yic ku anjic Nhialic.

⁸ Ku raan ci koc kök ye nhiaar akuc Nhialic, rin Nhialic ë nhiër.

⁹ Ku Nhialic aci nhiërde nyuöth yo rin aci Wënden tök col abö pinyhom ë tèn, rin buk pir alanden ë riënke.

¹⁰ Nhiër ë yic acie wët bi yok Nhialic nhiaar, ee lön nhiëer Nhialic yo, ku kënë yen aci yen Wënde tuöc ë pinyhom bi bën thou rin bi adumuömkua päl piny.

¹¹ Ke wek kackië, na ye Nhialic kë nhiar yo api këlä, ke cie yic buk röt aa nhiaar kamkua?

¹² Acin raan ci Nhialic kanj tij, ku na nhiarku röt kamkua ke Nhialic abi ya mat kek yo, ku nhiërde abi rot a luöi yo tëcit të wic ye.

¹³ Yok aaci Nhialic yiëk Wëike, ku buk aa njic këya lön ci yok aa tök kek ye, ku yeen ë tök kek yo.

¹⁴ Ku acuk tij, ku yen ayeku lëk koc aya, lön ci Nhialic Wäda Wënde tuöc pinyhom bi raan ebën bën lök.

¹⁵ Na ye raan lueel lön ye Jethu Wën Nhialic, ke Nhialic aci mat kek ye ku aci mat kek Nhialic.

¹⁶ Ku nhiërde tènë yo acuk njic ku gamku.

Nhialic ee nhiër. Ku na ye raan Nhialic nhiaar ku koc kök, ka ci mat kek Nhialic, ku mët Nhialic kek ye.

¹⁷ Nhiërda ë la cök të ci yok gup ye riöc aköl luñdit, rin yok aa pir pinyhom tëcit tëwäär pür Jethu thin.

¹⁸ Kuat raan tó nhiër yepuö acin kë ye yen riöc. Rin nhiër ë yic, ee riöc cuöp wei. Koc aa riöc të ye kek ye tak lön bi ke tëm awuöc, ku raan ë riöc aci nhiërde la cök.

¹⁹ Kënë yo yiëk riel buk Nhialic nhiaar ku koc kök, ee rin ci yen yo kanj nhiaar.

²⁰ Ku na le raan ye lueel ka nhiar Nhialic, ku ë kam awën ke man menhkën ci gam, ke raan kënë ë lueth yen aye lueel. Rin aci lëu bi raan Nhialic nhiaar, Nhialic këc kanj tij, ku ci raan nhiar, raan ye tij akölaköl.

²¹ Ke yook, yok aa dhil koc nhiaar aya, rin yen kë ci Nhialic lëk yo buk aa looi. Aci lueel

kuat raan nhar Nhalic adhil kɔc nhiaar aya.

5

Gam tənē Manh ē Nhalic

¹ Kuat raan ye gam lɔn Jethu yen ē Raan cī lɔc ku dɔc, ke raan kənē ē manh Nhalic. Ku na yeku nhiaar raan yen Wāda, ke ʒook aa dhil miēthke nhiaar aya.

² Ayeku ŋic alanden lɔn nhiɛɛr ʒok mīth ē Nhalic, tē nhiɛɛr ʒok Nhalic ku yeku looi kuat kē ye lēk ʒo buk looi.

³ ʒen ē jam kēlā, rin na nhiarku Nhalic ayic, ke ʒok aa dhil kāk cī lēk ʒo looi. Kākkā acīi yiic ril buk ke looi.

⁴ Rin kuat manh Nhalic ala riel bī kuc dhāl kɔc kuc Nhalic, ku alēuku buk looi rin cī ʒok la gam tənē Jethu.

⁵ Acin raan dēt la riel bī kuc dhāl kɔc kuc Nhalic, aa kɔc la gam tənē Jethu kapēc lɔn ye yen Wēn Nhalic.

⁶ Ee yeen Jethu Krītho, yen acī bēn pinynhom, ku yeen acī Joon raan kɔc muɔɔc nhīm bēn muɔɔc nhom ē piu. Acie mišc nhom yen cī rot looi ē rot, yeen acī bēn nɔk rienkua. Ku aye Wēi Nhalic nyuōth ʒook lɔn ye wēlkā yith. Rin Wēi Nhalic yen ē kɔc nyuōth kēn yic akōlakōl.

⁷ Ala kāŋ kadiäk ye nyuōth ʒo ye Jethu ŋa.

⁸ Kākkā kadiäk, Wēi Nhalic, mišc ē nhom, ku nāäkde, keek kadiäk ēbēn ē tɔk yen ayekē nyuōth.

⁹ Na ye kɔc jam kāk cik tīŋ ku gamku wēt luelkē, yenō cīi ʒok kāk cī Nhalic nyuōth ʒookkā ye gam? Aa dhil ē gam, rin kāk ye Nhalic ke lueel aa dīt apēi tənē kāk ye raan ke lueel, ku wēt jīɛm yen kēnē, ee Wēnde yen aye yen jam tənē ʒo.

¹⁰ Kēya, na ye raan cī gam, ka dhiel ŋic ē cɔk lɔn ye Jethu Wēn Nhalic, ku adhil ŋic alanden lɔn kāk cī Nhalic nyuōthkā aa yith. Ku raan cie kē cī Nhalic lueel ye gam, ka ye lueel lɔn ye Nhalic alueeth. Rin akēc wēt cī Nhalic lueel rin Wēnde gam.

¹¹ Kēnē ye cɔl anjicku lɔn kē cī Nhalic lēk ʒo ē yic, ee rin cī yen ʒo yiēk pīr akōlriēc. Ku pīr kēnē ayeku ʒok tənē Wēnde.

¹² Ee kēya, kuat raan cī mat kek Wēnde ka bī pīr akōlriēc ʒok. Ku raan cī jai Wēn Nhalic, ka cīi pīr akōlriēc ēbēn bī kan ʒok.

Thök ē wēl

¹³ Wek aa gāt, wek kɔc cī riel Jethu gam, ke ye Wēn Nhalic ku bāk ŋic lɔn le wek pīr akōlriēc ēbēn.

¹⁴ Ku ē kēya, acin kē lēu bī ʒo riāac gup tē ye ʒok Nhalic door, rin kuat kē buk aa thiēc ye, kēn ye miēt pušu abuk ya ʒok.

¹⁵ Ke week tēcīt tē ŋicku ye, akēc kan kuc kē wīcku. Yeku thiēc kē wīcku, ku ŋicku lɔn bī yen ye gām ʒo.

¹⁶ Ke yeen, na tīŋ raan menhkēn cī gam ke looi awuōc, awuōc ē dhie cie raan ē tēk bei tēnē Nhalic akōlriēc ēbēn, ka dhil rōök tēnē Nhalic bī raan kony. Ku Nhalic abī pīr ē raan cɔl ala cɔk. Ala adumušm raan tēk bei tēnē Nhalic akōlriēc. Ku ʒen acīi jam bāk aa rōök rin adumušmke.

¹⁷ Kārec ye looi ēbēn, adumušm, ku ala adumušm kɔk cie kɔc ye tek wei tēnē Nhalic akōlriēc ēbēn.

¹⁸ Anjicku lɔn raan cī ya manh Nhalic acie awuōc ē looi akōlakōl, aye Jethu Wēn ē Nhalic tiit ʒuōp, acīi jɔŋrac ye muōr acin.

¹⁹ Anjicku lɔn ye ʒok mīth ē Nhalic, ku lɔn yen jɔŋrac yen mac kɔc kuc Nhalic.

²⁰ Anjicku aya lɔn Wēn Nhalic acī bēn pinynhom ē tēn. Ku ē yen acī ʒo cɔl anjicku Nhalic ē yic, yen acī ʒo cɔl amat ʒoyiic kek Nhalic, ee rin cī ʒok mat kek Wēnde Jethu Krītho. Acin Nhalic dēt ee Nhalic tōŋ. Ee yen ē rot yen ē pīr akōlriēc ēbēn bēi.

²¹ Ke week miēthkiē tiēkē nhīm bāk piōoc rac cīi gam.

Athör ë rou cï Joon gõt Wët nom

Athör ë rou eci Joon gõt tēnē akut kōc cï gam tēdēt. Wäär gēt yen athöör, Joon ë rot cōl raandit, ku cōl akut kōc cï gam aye tik ke miēthke. Athör ciek kēnē ë jam nhiēr kam kōc cï gam, ku bī kōc yōsk bik rōt tiit tēnē kōc aa lueth ku pišōcden.

Käk tō thīn

Mušth tueŋ 1-3

Yic ku nhiēr 4-6

Lēk rin piōōc ë lueth 7-11

Mušth ciēen 12-13

¹ Ee ŷen raandit akut kōc cï gam, ŷen agēt athör kēnē tēnē akut kōc cï gam cï Nhialic loc bī rēer keyiic ke cīt miēthke. Wek aa nhiaar piändiē ēbēn, ku acie ŷen rot ŷen nhiaar we, aa kōc ēbēn ŋic yic cï Nhialic nyušth ke, kek aa nhiaar we piānden yic aya.

² Wek anhiaar ke rin ŷook ēbēn, ŷok aa ŋic yic cï Nhialic nyuōth. Ku yic kucku abuk aa ŋic akōlakōl.

³ Bī Nhialic kek Wēnde Jethu Krītho ŷo dōoc ku pēlkē kāraackua piny, ku bik ŷo cōl arēēr ë duk dōōrden yic, tē rēer ŷok dhēl yic cik nyušth ŷo, ke ŷo nhiaar rōt kamkua.

Yic ku nhiēr

⁴ ŷen a ŷa cï pušu miēt apeidit wäär piŋ ŷen ye, lōn kōc kōk weyiic aake lui tēcīt tē cï Nhialic ye nyušth ŷo, yen ë kē cï lēk ŷo buk ya looi.

⁵ Kēya, wek kōc cï gam alēk we lōn ŷok aa dhil rōt nhiaar ë kamkua. Ku kēnē acie lōŋ yam, ee lōŋ thēer ŋicku tēwäär buōth ŷok Jethu.

⁶ Na nhiarku rōt ayic, ke ŷok aa dhil kē cï Nhialic lēk ŷo buk looi, looi, rin wäär tueŋ gem ŷok wēt Jethu, kēn cī lēk ŷo buk aa looi ë lōn buk rōt aa nhiaar kamkua.

Lēk rin piōōc ë lueth

⁷ ŷen aluel kēnē rin kōc kōk ë kōc wēŋ nyīn aatō thīn, aa kōc pišōc lueth ë path. Ayekē lueel lōn Jethu Krītho akēc bēn pinyhom kecīt raan. Raan ye lueel kēlā, ee kōc wēŋ wei, ku athōŋ kek raan ater ë Jethu.

⁸ Tiēēr kē nhūim bī kōckā we cīi wēŋ, bī kākku puōth cāk looi tēnē Nhialic cīi mār ë path. Tietkē wenhūim apeī bī Nhialic we gām arišpdun ēbēn.

⁹ Alēk we, na ye raan juēk kēde thīn kāwäär cī Jethu pišōc yiic, ka cīi kōŋ mat kek Nhialic. Ku na cīi raan wēt cī Jethu pišōc juak ë wēlke ë rot, ka bī mat kek Jethu ku Nhialic Wun.

¹⁰ Ku na bō raan tēnē we ku ye ke pišōc kāk cīi thōŋ kek kāk cī Jethu pišōc, ke duškkē cōl

abō pandun bī bēn rēer kek we. Ayī mušth aya duškkē mušth.

¹¹ Kēnē alēk we, na ye raan mušth raan kēnē bī ciēt raan cī gam, ka cī rot māt ye. Ku aloi kēreec ye looi aya.

Mušth ciēen

¹² Kājuēc apeī aake ba lēk we, ku acā wīc ba ke gōt athör yic ēmēn. Kē wiēc ba looi, ku anjāāth aya, ee lōn bī ŷen la keny tēnē we, buk la rōm ku jīemku rōt ë kamkua, ku ŷok aabi pušth jal la yum ŷodhie.

¹³ Akut kōc cï gam ë tēnē ë we mušōth.

Athör ë diäk cī Joon gōt

Wēt nom

Athör ë diäk ë gēt Joon tēnē raan tō akut kōc cī gam nom cōl Gaiōth. Acī Gaiōth leec thīn wēt ë yen kōc cī gam kony, ku yōōk ke bik rōt tiit ë mony cōl Diōtrepeth.

Kāk tō thīn

Muōth tuen 1-4

Joon acī Gaiōth leec 5-8

Joon acī Diōtrepeth nyieeny 9-10

Joon acī Demetriōth leec 11-12

Muōth ciēn 13-14

¹ Ee yen raandit akut kōc cī gam, yen acī yī gāt athör kēnē yīn Gaiōth raan nhiaar piāndiē ēbēn.

² Māthdiē, anjāath yapuōu lōn puōl yīn guōp, ku lōn le yīn tuen kek luōidu apath, cīmēn pīr wēiku ë Nhialic nom.

³ Yen acī puōu bēn miet apeī wāār bīī kōc kōk cī gam tēnē yī, ku lēkkē ya lōn yīn apīr dhēl ë Nhialic yic akōlakōl.

⁴ Na piēn lōn mīthkiēn cī gam cīmēndu aa pīr tēcīt tē cī Nhialic ye nyuōth yo thīn, ke ya cōl amit puōu apeidit.

Gaiōth acī leec

⁵ Māthdiē yīn acī kajuēc looi kāk cī kōc cī gam kony, kōc cī gam ë cath ke piōōc wēt Jethu, agut kōc cie kōc pandun. Kēnē, acī nyuōth ya lōn yīn ë raan path cī wēt Jethu gam.

⁶ Acī kōc ca konykā lēk yo, yok kōc cī gam tēn yen tē nhiēer yīn ke thīn. Ku ēmēn alēk yī ba not yī la tuen ke yī kony ë kōckā, tē jiēl kek tēnē yī. Kēnē adhiēlkē looi dhēl nhiēer Nhialic.

⁷ Rin kōckā aa cath ë baai yic, rin aa kōc lui rin Jethu. Acin kē yekē thiēēc, nadē ke lōmkē tēnē kōc cie kōc cī gam bī kek rōt kony.

⁸ Kēya, yok kōc cī gam, yok aa dhil kōckā gām kuat kāk wickē ke, rin buk aa kac tōk lui yok ke yiny Nhialic yen yekē lēk kōc.

Diōtrepeth ku Demetriōth

⁹ Wek aaca kan gāt athōōr thēer, wek kōc cī gam ë tēn. Ku Diōtrepeth acī bēn jai ë wētdiē, rin awic bī ya yen wat akut nom.

¹⁰ Tē le yen yet pandun, acin kē ba moony tēnē kōc, ee kāk ye Diōtrepeth looi yiic ēbēn, aa kāk lueth kek aye luel yaguōp. Ku yeen aya aloi dēt wār kēnē, akuec bī kōckuan cī gam lor, kōc ë cath ke piōōc wēt Jethu, ku ë jai aya bī kōc puōl bik wāmāthakēn cī gamkā aa lor, ku ë kōc ë kōc lor cuōp wei akut yic.

¹¹ Yīn māthdiē duk kōckā rēec luōiden ye kiēt, dhil ë kiēt kēpath ye kōc path looi. Na loi raan kāpath, ke kēpuōth cī looi aye nyuōth lōn raan kēnē ë manh Nhialic, ku

raan ë luui kārēc, kārēc ye looi aaye nyuōth lōn raan kēnē akuc Nhialic.

¹² Kuat raan ēbēn kōc cī gam yiic, aye luel lōn raan cōl Demetriōth ë raan path. Ee kē cī Nhialic lēk yo buk aa looi yen aye looi. Yen alēk yī lōn yeen ë raan path, ku anjic aya, kuat kē ya luel rin raan ēbēn, ee ya yic.

Muōth ciēn

¹³ Kajuēc apeī aake nhiaar ba ke lēk yī, ku acā wic ba kek gāt athör yic.

¹⁴ Kē wiēc ku anjāath, ee lōn bī yen la keny tēnē we ēmēn, ku ë tēēn yok abi la yok ku jicmku rōt kamkua yodhie. Nhialic abī we cōl arēēr ke dōōrde.

¹⁵ Wāmāthakun cī gam rēēr ë tēn aa yī muōth. Miāthkē kōc cī gam rēēr ke we ë rienkiē ēbēn.

Athör Jut Wët nom

Athör Jut aci gät bi kōc lēk bik nhūm tūr kōc piöōc ē lueth, kōc ye lueel lōn ye kek kōc cī gam. Kē tō athör cie kēnē yic, yen athōr kek athōr rou ē Pīter, raan ē kōc bi ye kuen deet puōth, bik nōt ke la tuen kek gam wāär cī Nhialic gām kacken cī wētde gam.

Kāk tō thūn

Muōth 1-2

Awuōc bi kōc piōōc ē lueth yōk 3-16

Riel ē puōu gam yic 17-23

Rōök 24-25

¹ Ee yen Jut, yen alony Jethu Krītho. Ku ya mėnhē Jemith.

Yen agēt kōc cī Nhialic ke cōl, kōc pīr ē nhīer Nhialic Wāda. Ku tit Jethu Krītho ke.

² Calkē dōōr ku nhīer ku pēl piny ē wēl arēer kek we athēer.

Kōc piöōc ē lueth

³ Wek kōckiēn nhiaar, aca them apēi ba we gāt tē cī Jethu Krītho yo kuony thūn yodhie. Ku kē ca tak ē kē bi yen we gāt nyin yic emēn. Ku ba ye deet puōth, bāk la tuen kek gam wāär cī Nhialic gām kacke bi rēer ke ke.

⁴ Rin cī kōc rēc kuc Nhialic rōt kuēl yoyiic ke kucku ke. Ku rēckē wēt puōth ē Nhialic bi kek dhōlken rēc thiaan kōth thūn. Ku jēikē Jethu Krītho ku ye Bānyda. Ku athōr thēer wēl Nhialic acā awuōc bik yōk thūn nyuōōth wāthēer.

⁵ Na cōk alōn njic wek kākā ēbēn, ka wiēc ba bēn tāk we, yen tēyon cī Nhialic kōc Itharel luāk thūn tēnē kōc pan Ijip. Ku tē cī yen kōc kōk kamken ke cī jai ē wētde bēn rac thūn.

⁶ Ku takkē aya, lōn atuuc nhial wāär cī luōiden bar nyin ku kueckē bik rēer tēden cī tēk ke, aa rēer ke ke der akōlakōl ē muōōth yic piiny. Tē muk Nhialic ke thūn yet akōl lundit bi ke jal tēm awuōc thiek.

⁷ Ku muōkkē wenhūm aya yen kēwāär cī rot looi tēnē Thodom ku Gomora, ku bēēi thišk ke ke. Wāär cī kōc ke rēer ē gēethkā yiic luui cimēn atuuc nhialkā, kōc wāär cī kepuōth yiēk bal. Ku kuat kārēc kōk ye kek rōt lōōm. Ku emēn aaci tēm awuōc cī ke cuat many akōlriēēc ēbēn yic. Ku bi nyuōōth raan ēbēn yen awuōc ye gām kōc cī luui kārēc.

⁸ Ku kōc rēc cī rōt kuēl yoyiic kā, aa la kākken ke nyuōōth ke kēya bik awuōc aa looi kegup ē rōt. Aaci riel Nhialic dhōl yic ku lueelkē kārēc atuuc nhial gup.

⁹ Na cōk aa tunydit atuuc nhial nhūm cōl Maikel ka kēc looi. Wāär gōth yen kek jōnrac,

yon teer kek ye, yēna bi guōp Mothith nyaai, yen Maikel nhom akēc jōnrac bēn lat, aci bēn lueel ēlā, “Nhialic abi yi tēm awuōc!”

¹⁰ Ku kōckā aa kōc māt ku lēētkē kōc kē kēc deet yic, ku kāk njickē ke cik ye tak yiic, cimēn lāāi ē path, luoi ē kākā abi Nhialic ke nōk.

¹¹ Abi rēēc apēi tēnē ke! Ee dhēl Kain yen acik buōōth yic. Ee rin wēū ē path yen aye kek awuōc wāär cī Balaam looi, looi aya. Aaci kēēc wei tēnē Nhialic cimēn Kora, ku aabi Nhialic nōk cimēn wāär nēk yen Kora.

¹² Ku keek aa yār guōp bēēi tēnē we, tē looi kek kārēcā ke cī gup riēc, tē mith wek ke ke akuōōdun yic. Ayekē nhiaar kē la guāpden yic kepēc. Aa cit luāāt ye yom kuaath ku cū tueny. Aa cit tiim cie luak tē cōk yen a rut, tiim cī meiken nyuān bei. Kōckā aa thou arak rou ē luoi adumuōōm, ku kākken rēc yekē ke looi cōk alōn ye kek kōc cī gam.

¹³ Aa rōt jat nhial cimēn apuōōk ē wārdit yic, bik tēden rēēc kek thūn nyuōōth. Aacit kuēl cī yiic dhēlden yekē buōōth yic, ē rin cī Nhialic tēcōl bi yen ke cuat thūn looi tēnē ke akōlriēēc ēbēn.

¹⁴ Enok, raan kāk Nhialic tūj, manh ye kuat Adam yic dhorou yen ēci ye lueel thēer ē rienken ēlā, “Nhialic abi bēn kek atuucken juēc apēi cū kuen,

¹⁵ bik luk bēn looi tēnē kōc. Ku kōc la gup adumuōōm cī kuec ye, aabi tēm awuōc rin kārēc juēc cik looi. Ku kārēc cik lueel yeguōp!”

¹⁶ Kōckā aa Nhialic gōk akōlakōl ke nyiiny kōc kōk. Ee luoi ē dhōlken rēc kek ayekē ke buōōth yiic. Aa jam ē nhiam rienken ē rōt. Ku yekē kōc kōk math nyin bik ke buōōth cōk.

Tir ē nhom ku lēk

¹⁷ Ku yeen muōkkē wenhūm wek kōckiēn nhiaar, yen kēwāär cī atuuc Bānyda Jethu Krītho lēk we.

¹⁸ Acik lēk we ēlā, “Tē le akōl lundit thišk, ke kōc kōk rēc, kōc ke looi kāk wic piāthken kepēc aabi tuōl. Ku keek aabi we aa bui.”

¹⁹ Kōckā kek aa kōc tēēk yiic, kōc ye buōōth yic dhōl kōc ē path, keek aa cīn gup Wēi Nhialic.

²⁰ Ku week kōckiēn nhiaar lak tuen gam-dun yic apath cimēn ye Wēi Nhialic we kony bāk aa rōök.

²¹ Ku muōkkē rōt ē nhīer Nhialic yic, ke we tit Bānyda Jethu Krītho, bi we bēn nyuōōth tē nhīer yen we thūn ku gām we pīr akōlriēēc ēbēn.

²² Yakē kōc nōt ke diu nyuōōth piāthdun.

²³ Kuonykē kōc kōk bik cī la mēc. Ku nyuōōthkē piāthdun tēnē kōc kōk, ke we tit rōt ē ke bik we cī riōp acōl kārācen yiic, ku bāk cī la dhōlken yiic, dhōl adumuōōm.

Röök

²⁴Tënë Nhialic, raan lëu ye bi we muk bāk
 cii lööny wei. Ku bii we, ku cəl we akääc
 yenhom diεkde yic ke we mit puōth, ke cīn
 kēεεc rēēr ke we,

²⁵tënë Nhialic, yen Nhialic tōŋ tō thīn, yen
 yō kony, rin Jethu Krītho Bānyda, bī ya leec,
 ee diētde, ee riεl, ku bāānyde, akölē, ku theεr,
 ku akölrīēc ebēn! Yenakan.

Nyuuth tēnē Joon Wēt nom

Athōr kēnē anyuth tēnē Joon cī gōt wāār guum kōc cī gam, rin cī kek la gam tēnē Jethu Krītho ke ye Bēny. Wētdīt wīc raan gāt athōōr, ee wēt bū kōc bī ye kuen rīēēl puōth bīk la nōth, bīk rēēr ke nōth akōōl kārec ke gum.

Abanđīt athōr kēnē yīc atō kājuēc wat kekōōth kāk cī nyuōōth, ku kāk cī tīj cī ke kiēt wēl yīc, kāk ye kōc thēr wāār cī gam ke deet yīc. Ku alēukē bīk rēēr ke cī moonny tēnē kōc kōk ēbēn. Athōr kēnē acī guīr ke cīt dhōl waak, yen aye ke wēl lueel ku ben ke ber yīc dhōl juāāc cī thōj, cīt tē cī ke wat kōōth thīn.

Na cōk alōn cī tāk ye rōm kek tēcīt tē ye ke deet yīc thīn athōōr yīc. Ke wēt cīel yīc ala geī, dhēi Krītho Bānyda, yen Nhialic. Abī kōc aterde tiaam alanden akōl ciēēn agut Bēny jakrec. Akōl le tiām kēnē thāāp, ke kōc cī gam aabī dōc. Ku rīōp ke pīny ē yam, nhial ē yam.

Kāk tō thīn

Wēt Nhom 1:1-8

Jōk ē nyuuth ku athōr cī gāt akuut kōc kadhōrou 1:9-3:22

Athōōr kek adōk kadhōrou 4:1-8:1

Kerj kadhōrou 8:2-11:19

Jōjrāc ku lāāi karou 12:1-13:18

Anyuth kōk juēc 14:1-15:8

Riāāk puōu ē Nhialic 16:1-21

Riāj Babilon ku tiām cī kōc ater Nhialic tiaam 17:1-20:10

Luñđīt 20:11-15

Nhial ku pīny ku Jeruthalem ē yam 21:1-22:5

Thōk ē Wēl 22:6-21

Wēl tuēj

¹ A athōr kēnē yīc Joon acī kāj gāt pīny, kāk cī Jethu Krītho nyuōōth. Acī Nhialic looi bī kākkā tīj, rin bī kacke cōl anjic kāk bī rōt looi nīn thīōkkā yīc. Raan cī lōc ku dōc acā atunyden nhial tuōc aluōnyde bī lēk athōn kēnē.

² Joon acī kāk cī tīj ēbēn luēl. Yeen acā athōn bō tēnē Nhialic gāt pīny, ku kāk cī Jethu Krītho nyuōōth ye.

³ Raan mit puōu ē raan bā athōn kēnē kuēn kōc cī gam, athōn bō tēnē Nhialic. Ku kōc mit puōth, aa kōc bī ye pīny ku thekkē kē ye luēl, rin tē bī Nhialic kākkā cōl aloi rōt acī thīōk.

Muōth tēnē akuut kōc cī gam kadhōrou

⁴ Ee Ƴen Joon, Ƴen agēt tēnē akuut kōc cī gam ē bēēi Athia yīc.

Ƴen arōōk lōn bī wek nhiēr ku dōōr yōk tēnē Nhialic. Yen tō thīn ēmēn, ku arēēr thīn tēthēryōn, ku yen bī bēn. Wek aabī nhiēr ku dōōr yōk tēnē wēi kadhōrou ē thōny Nhialic nom,

⁵ Ku tēnē Jethu Krītho, raan yen nyooth yīc rin Nhialic. Yen ē ye raan tuēj cī rot jōt ē thou yīc, ee yen amac bānyaknhīim ēbēn pīnyinhom aya.

Yeen anhiar Ƴo, ku ajuērden cī yen rot juaar bī thou, ēcī yen Ƴo wēēr bei adumuōōmkua yīc,

⁶ Ku looi Ƴo buk aa kōc luui Nhialicde ku ye Wun, diik ku rīel aa kākke akōlriēēc ēbēn. Yenakan.

⁷ Tiēnkē, yen abō pial yīc. Abī raan ēbēn tīj, agut kōc wāār nāk ye. Kōc pīnyinhom ēbēn aabī dhīau ē rīenke. Kēya abī ciēt kēnē! Yenakan.

⁸ Aye Bēny Nhialic luēl ēlā, “Ee Ƴen jōk ē cōk ku Ƴen thōk ē kāj.” Nhialic Madhōl tō thīn ēmēn, ku arēēr tēthēryōn, ku yen bī bēn.

Tīj Raan cī lōc ku dōc

⁹ Ee Ƴen Joon menhkui dun, week ēbēn wek kōc tuōc athōr kēnē, ke Ƴa ye raan cī wēt Jethu gam cīmēndun. Ku rin ē kēnē yōk aa tōk, ku Ƴen agum aya cīmēndun. Ku Ƴen abī rēēr ē bāāny Nhialic yīc kek we aya, ku Ƴen alir puōu cīmēndun. Ƴen a Ƴa mac golgol Patmoth nom, golgol rēēr Adēkdiēt yīc, rin cī Ƴen wēt Nhialic, ku yīny Jethu nyuōōth.

¹⁰ Wēi Nhialic aake cī bēn Ƴaguōp akōl Nhialic. Guō rōldīt la wīc cīt kanj pīj ke jam Ƴakōu ciēēn.

¹¹ Ku luēl, “Gāt kē ye tīj athōōr yīc ēbēn, ku tuōc athōōr tēnē akuut kōc cī gam ē bēēi kadhōrou yīc, Epethuth, Thimīrna, Pergamum, Thiatīra Thardīth, Piladelpia ku Lodīkia.”

¹² Guō rot wel ba raan jam tīj, nawēn wel Ƴanhom, ke Ƴa tīj kāk ye many adōk took kēnhīim cī looi mīlāj tōc kadhōrou, ke kāāc.

¹³ Ku kēcīt manh raan ke kāāc keciel yīc, ku a cienj alanh dīit ye paat kōc kōōth ē pīny kuaar yet yecōk, kek karkar dīit cī looi mīlāj tōc yepēēm.

¹⁴ Nhīmken ē nom aake Ƴer ka cīt gai tueny dej, ku adēp nyin cīmēn mac.

¹⁵ Ku cōk ala diardiār cīt ban cī coth kōu, ku akōk yīc apeī cīt lōōr puōc kōc.

¹⁶ Yen wēn amuk kuēl kadhōrou ciinden cuēc, ku amuk pal dīit moth ē thok kedhie bō bei yethok. Ku dēp nyin cīt ruēl akōl cīel yīc.

¹⁷ Wēn tīj Ƴen ye, ke Ƴa wīēk pīny yecōk ciēt Ƴa cī thou. Go Ƴa thany nom ciinden cuēc ku luēl, “Duk rīōc. Ee Ƴen jōk ē cōk ku Ƴen thōk ē kāj.

¹⁸ Ƴen ē pīr, Ƴen a Ƴa cī thou ku emēn Ƴen acī bēn pīr akōlriēēc ēbēn. Ƴen amuk wēnh riēt Ƴōōt ē thou ku Ƴōōt pīr aya.

¹⁹ “Ƴin adhil kākā gōt ēbēn, kāk ye tīj emēn ku kāk bī rōt looi akōldā.

²⁰ Ku kuēl kadhōrou, ca tīj kōndiēn cuēc, wētden Ƴic, atuuc nhial kadhōrou, tēnē akuut kōc cī gam kadhōrou. Ku kāk kākē kāk ye many adōk took kenhūim akuut kōc cī gam kadhōrou.”

2

Athōn tēnē kōc cī gam Epethuth

¹ “Ƴin awiēc ba athōōr gāt akut kōc cī gam gen Epethuth, raan muk kuēl kadhōrou ci-inden cuēc ku ciēth kam kāj kadhōrou ye many adōk took kenhūim, aye lueel tēnē we ēlā.

² Anjiec yen tē cī wek pūr thīn ē piērdun Ƴic. Anjiec yen tēril cī wek luui thīn ke we kōc cī gam, ku tē cī wek kāril Ƴiic gōōk thīn. Anjiec lōn cīi wek ye bī lēu bāk kōc ē luui kārec puōl bik ke ya looi welēm. Wek aaci kōc ye lueel lōn ye kek atuuc Jethu them, ku acāk bēn yōk lōn ye kek alueth ē path.

³ Anjiec lōn guum wek rienkiē we lir puōth, ku wek kēc puōth bath.

⁴ Ku kē maan tēnē we akīn, wek acīi Ƴen nhīar emēn cimēn thēer wāār puōc wek gam.

⁵ Kēya, muōkkē wenhūim yen tē cāk dōōt luoi kārec Ƴiic! Pālkē luoi kārec, ku piēērkē cīt tēthēer wāār puōc wek wēt ca lēk we gam. Na lak tuēj ke we lui kārec, ke Ƴen abī la tēnē we, ku la we tēm awuōc bī Ƴen kēdun ye wek many adōk took yenhom nyaai tēden kēēc yen thīn.

⁶ Ku wek ya leec rin mēen wek kāk ye kōc Nikolauth looi cimēn mēen Ƴen ke aya.

⁷ “Na lakkē Ƴiith, ke we piŋ kē ye Wēi Nhialic lēk akuut kōc cī gam. Ƴen abī kōc cī jōŋrac tiaam gām Ƴic bik mīth tim ē pīr cam, tim rēēr gōr ē Nhialic Ƴic!

Athōn tēnē kōc cī gam Thimirna

⁸ “Ƴin awiēc ba athōōr gāt tēnē akut kōc cī gam gen Thimirna ēlā, kēnē ē wet raan kāj cōl ajōk rōt ku cōl ke aa thōk, raan cī thou ku ben pīr aya, aye lueel,

⁹ Ƴen anjic kāril rēēr wek thīn, anjiec lōn wek aa ŋōj ku wek ajīēek wepuōth. Ƴen anjic kārec ye lueel wegup kōc ye lueel ka kōc cī Nhialic lōc, ku ē lueth ē path. Ku keek aa kōc akut jōŋrac.

¹⁰ Duōkkē riōc gum bī wek gum emēn. Piēŋkē! Jōŋrac acī thiōk kek tē bī yen kōc kāk kamkun mac rin bī yen gamdun them. Wek abī rēēr ater Ƴic nīn kathīāār ku duōkkē puōth go bath wētdiē Ƴic cak alōn nēk we, rin

wek aaba gām pīr akōlriēēc ēbēn ke ye yen ariōp.

¹¹ “Na lakkē Ƴiith, ke we piŋ kē ye Wēi Nhialic lēk akuut kōc cī gam. Ku raan bī jōŋrac tiaam, acīn kēreēc bī ye yōk alanyōn ē thon Ƴic rou.

Athōn tēnē kōc cī gam Pergamum

¹² “Ƴin awiēc bā athōōr gāt tēnē akut kōc cī gam gen Pergamum, kēnē athōn bō tēnē raan muk pal cī ther thok kedhie.

¹³ Ƴen anjic tē rēēr wek thīn gen mēc jōŋrac. Wek aa kōc wētdiē ē cōk, ku wek akēc puōth dhōr gamdun Ƴic tēnē ya. Wek akēc gamdun waar Ƴic, agut wāār cōk Antipāth raan ye nyuōth kāk ye looi Ƴiic lōn ee yen raandiē nōk gēdun ē tēēn, gen mēc jōŋrac.

¹⁴ Ku ala kāthii maan tēnē we, kōc kōk weƳiic aa piōōc Balaam buōth Ƴic, Balaam wāār nyuth Balak tē bī yen kōc Itharel cōl aloi adumuōm thīn. Ku lēu bik riŋ cuet, riŋ lān cī nāk jak, ku loikē kāk bal.

¹⁵ Ku kēlā aya, kōc kōk weƳiic aa piōōc kōc Nikolauth buōth Ƴic.

¹⁶ Pālkē luoi kārec! Na cāk pāl ke Ƴen abī bēn kek ē pal bēn bei Ƴathok bī Ƴen kōckā tēm awuōc.

¹⁷ Na lakkē Ƴiith, ke we piŋ kē ye Wēi Nhialic lēk akuut kōc cī gam. Ƴen abī raan cī jōŋrac tiaam gām abāj ayum nhial cī Nhialic tōō, ku gām alel Ƴer, alel cī rin Ƴam cīn raan ŋic ke gōt yekōu, na cie raan cī gām ye.

Athōn tēnē kōc cī gam Thiatora

¹⁸ “Ƴin awiēc ba athōōr gāt akut kōc cī gam gen Thiatora ēlā, kākā aa wēl bō tēnē Wēn Nhialic raan nyīn dēp cīt mac, ku le cōk diardiār cīt ban cī coth kōu.

¹⁹ Ƴen anjic kāk yakē ke looi. Anjiec lōn wek aanhiār rōt kamkun, ku wek aa muk gamdun. Anjiec yen tē cī wek rōt kuōny thīn kamkun, ku tē guum wek thīn, anjiec lōn wek aaloi kājuēc wār kāk wāār tuēj.

²⁰ Ku Ƴen ala kēthiīn maan tēnē we, wek aaci tik puōl tīj cōl Jedhebel ye lueel ke raan kāk Nhialic tīj. Ku piōōcde ē kackiē thēl luoi kāk bal Ƴiic, ku camkē miēth cī juēr jak cī kiēēt.

²¹ Aca lēk bī yepuōu dhuōk ciēēn adumuōmke Ƴiic, ku aci jai bī yepuōu dhuōk ciēēn.

²² Ku kēya, aba cōl atuany ku kōc kāk bal looi kek ye aabī gum apeī tē cīi kek kepuōth dhuk ciēēn, ku pālkē kārec yekē ke looi kek ye.

²³ Kōc cī piōōcde gam aa ba nōk, ku aabī akuut kōc cī gam ēbēn jal ŋic lōn Ƴen ē raan ē kē tō raan puōu ēbēn ŋic, ku ŋiec kuat kē

wic. Ku kuat raan ēbēn aba tēm awuśc cīt kē cī looi.

24 “Ku ēmēn aba lēk kōc abēk kamkun gen Thiatira, kōc kēc piōōc rēc ē tīn buōōth yic, ku wek aakēc luui kē ye kacke cōl, ‘Aye kē cī thiaan apeī cī jōnrac moony.’ Aya lēk we lōn wek acā bī mēc dēt ril yic.

25 Wek aadhil la tuenj ke we gam wētdiē, yet tē bī yēn bēn.

26 Yēn abī kōc cī jōnrac tiaam, kulek tuenj ke loi wētdiē yet tē bī yēn dhuk gām riel bīk pinynhom mac.

27 Aabī pinynhom mac riel ke cīn anuān, ku abīk thuūr piny ku thorkē ke cīmēn tōny cī looi ē tiōp.

28 Rielden abī thōj kek riel ca yōk tēnē Wā. Aaba gām ciēer aya, ciēer bī ke nyuōth tiām cī kek tiam.

29 Na lakkē yīth, ke we piñj kē cī Wēi Nhialic lēk akuut kōc cī gam.

3

Athōn tēnē kōc cī gam gen Thardith

1 “Yīn awiēc ba athōōr gāt tēnē akut kōc cī gam gen Thardith ēlā, raan mac wēi kadhorou thōny Nhialic nhom, ku amuk kuēl kadhorou, ee we tuōc wēt kēnē,

Yēn anjic kuat kāk cāk looi ēbēn, anjic lōn ye wek ye tak lōn piūr wek cōk alōn cī wek thou.

2 Aca yōk lōn piērdun ke we ye kōc cī gam acīi thōj kek tē cī Nhialic ye guēer thīn. Kēya, pāäckē nīn yic, ku dhuškkē riel yam ē piūr kōc cī gam yic ke we kēc guō thou ē gīm.

3 Muškkē yith wāār cī piōōc tēnē we nhīim, ku thekkē ke. Pālkē luoi kārec ku dhuškkē wepuōth ciēēn adumuōōmkun yīic. Pāäckē ba rot cīi kuēl wegup ciēt ya ye cuār ē bēn baai wakōu. Ku acīi bī njic ba bēn nēn.

4 Ku na cōk a kēya ke wek anōt we la kōc lik Thardith, kōc kēc luui kārec. Keek aabī cath kek ya ke cienj alēth yer, rin aala yic bīk looi kēya.

5 Raan bī riel jōnrac tiaam cīmēn ē kek abā alēth yer cienj. Ku rienke acā bī nyaai athōr piūr yic. Tē le yēn kōōc Wā nhom kek atuucken nhial ye luōōi, aba lueel yenhom lōn njic yēn ē raan kēnē.

6 Na lakkē yīth, ke we piñj kē ye Wēi Nhialic lēk akuut kōc cī gam.

Athōn tēnē kōc cī gam gen Piladelpia

7 “Yīn awiēc ba athōōr gāt tēnē akut kōc cī gam gen Piladelpia ēlā, raan la guōp Wēi Nhialic ku yic, yen la riel bī kōc Nhialic mac nyin bēnyōnakhom Debit. Ku tē njeny yen yōt thok ka cīn raan lēu ye bī thiōōk. Ku tē thiōōk yen yōt thok ka cīn raan lēu ye bī njany.

8 Yēn anjic kāk yakē ke looi, anjic lōn le wek riel koor, ku wek aa nōt we buōth piōōcdiē yic ku thekkē ya. Tiēnjē yōt aca njany thok wenhīim, ku acīn raan lēu ye bī bēn thiōōk thok.

9 Tiēnjē, yēn abī kōc kek kōc jōnrac, alueth ye lueel lōn ye kek kōc cī Nhialic lac looi bīk tō wecōk, ku bīk deet yic lōn nhīer yēn we.

10 Wek acī gum riel ē thok cīt tēwāār cī yēn we lēk thīn. Kēya, wek aba kony aya tē le nīn thōk, nīn bī yēn kōc piūr ēbēn them pinynhom.

11 Yēn abō ēmēn, muškkē kē cāk yōk apath, bī ciēn raan rum kēpeth cāk yōk rin cī wek tiam.

12 Raan bī riel jōnrac gōōk aba looi ke ye thel ril yōn ye Nhialic door thīn, Nhialic yen ya luōōi. Raan kēnē acīi bī kanj jāl ē tēēn. Aba gāt kōu rin Nhialicdiē ku rin Jeruthalem yam, yen rin gen ē Nhialicdiē bī bēn bei tēnē Nhialic nhial. Aba gōt kōu aya rinkiēn yam.

13 “Na lakkē yīth, ke we piñj kē ye Wēi Nhialic lēk akuut kōc cī gam.

Athōn tēnē kōc cī gam gen Lodikia

14 “Yīn awiēc ba athōōr gāt tēnē akut kōc cī gam gen Lodikia ēlā, raan yen Yenakan. Yen cī yiny Nhialic nyuōōth ē cōk, ku ē yen acī kēriēēc ēbēn cī Nhialic jōk cōk cak, aye lueel ēlā,

15 Yēn anjic kāk cāk looi ēbēn, wek aa kēc yēn jai, tēdē wek aa kēc yēn lor piāthkun ēbēn, na we ye rōt mat abak, diēt apath yapuōu.

16 Ku rin kēc piāthkun rōt mat abak, yēn abī jai ē we.

17 Yīin aye lueel, ‘Yēn ajak! Acīn kē njōj ya, acīn kē bēn wic.’ Ku acīi njic yen tē ye yīn laanj anjāj thīn. Yīn anjāj ē cath ke cīn kē cenj, ku yīn ē cōr.

18 Rin ē kēnē, yīn alēk bī ya milāj tōc la wic yen yōc tēnē ya, bī yīn jīēk yōk thīn. Yīn adhīl alēth yer yōōc aya ba ke tāāu yīkōu, ku bī kēwāār yīn cath yīkōu path ke cīn alanh cienj liu ba guōp cīi bēn riōōc ē kōc, ku yōc kē ye kōc kenyīn tōc ba tāāu yīnyin rin bī yīn daai.

19 Kōc nhiaar aa ya māt ku tēm ke awuśc, kēya rēērēkē apath ku pālkē luoi kārec bāk puōth miēt.

20 Pālkē weyīth piny, yēn ē yarōl tunj yōndun thok. Na le raan piñj yarōl ku njeny yōt thok ke yēn ala thīn, ku laar ku mēāth kek ye.

21 Yēn abī raan cī riel jōnrac gōōk gām yic bī nyuc ē thōōc nhom yalōōm. Kēnē abī ciēt ēmēn cī yēn riel jōnrac gōōk ku nyuōōc ē thōōc nhom Wā lōōm.

²² “Na lakkē yīth, ke we piŋ kē ye Wēi Nhalic lēk akuut kōc cī gam.”

4

Thōny pan Nhalic

¹ Tēwēn cī yēn kākā ēbēn tiŋ, ke ya ben nyuōsth aya, ku tiēŋ yōt thok ke ŋaany pan Nhalic. Ku kē ca piŋ tueŋ ē raan jam tēnē ya rōldīt la wic cīt kaŋ ke ye lueel, “Bäär nhal tēn ku yīn aba cōl atīŋ kāk bī rōt looi ye kēnē cōk.”

² Nyin yic ē tēēn ke Wēi Nhalic la yaguōp. Ku tiēŋ thōōc ē tēēn pan Nhalic ku raan ke cī nyuc yenhom.

³ Raan cī nyuc ē thōōc adēp nyin bilbil cīt kuur yēr dhēŋ, ku kēdīt cīt miit ke cī thōōc gōōl piny, ke dēp birbir.

⁴ Ku alōŋthīn kēwēn cī thōōc gōōl piny yic, thōōc kōk kathiārou ku ŋuan aake kāk thīn, ku kōcdīt kathiārou ku ŋuan aake cī nyuc kenhiim. Ku keek aake cieŋ alēth yēr ku ajōm ē bāny kenhiim.

⁵ Thōōc abier ku mēēr nhal cīēt ye deŋ. Thōōc nom tueŋ meē adōk kadhorou aake dēp thīn, kākā aake ye Wēi Nhalic kadhorou.

⁶ Aya, thōōc nom tueŋ, ala ke dīit cīt baar ē wār cī looi macar dēp la bilbil. Ku thōōc kōu tēn ku tēn, lāāi kaŋuan la nyīn juēc kenhiim ku kekōsth aya aake tō thīn.

⁷ Lān tueŋ acīt kōōr, ku lān ye kek rou acīt muōr ē weŋ, ku lān ye kek diāk acīt nom raan, ku lān ye kek ŋuan acīt lienh tōŋ pār nhal.

⁸ Keek ēbēn ŋek ē la wuōk kadātem la nyīn juēc keyiic ku kekōth ayeer. Aa waak ket akōl ku wēēr ēlā, “Aleec, aleec, aleec tēnē Bēny Nhalic Madhōl tō thīn ēmēn ku arēēr tēthēryon, ku yen bī bēn.”

⁹ Lāāi kaŋuan aa diēt ket tēnē raan cī nyuc thōōc nom, pīr akōlriēc ēbēn. Aa ket waak leec kek ye lōn ril yen ku le diikdīt. Tē looi kek ye kēya,

¹⁰ Kōcdīt kathiārou ku ŋuan aa kenhiol guōt piny raan cī nyuc ē thōōc nom cōk, ku dorkē raan pīr akōlriēc ēbēn. Ku cuetkē ajōmken piny ē thōōc nom, ku luelkē,

¹¹ “Yīn ala yic, buk yīn a door Bānyda Nhalic, ku gēmku yīn aleec rin le yīn riel ku diik. Rin yīn aci kēriēc ēbēn cak, ku rienku yen aci yīn kēriēc ēbēn cak ku pūrēkē.”

5

Athōōr ku Manh Amāāl

¹ Ku tiēŋ athōōr ke muk raan cī nyuc thōōc nom ciinden cuēc. Athōōr aci gōt yic ku yekōu aya, ku aci nuet thok theny kadhorou.

² Ku tiēŋ atuny Nhalic ril apeī, ke thiēc rōldīt, “Yeŋa la yic bī thaany kuem athōōr thok ku liep athōōr yic?”

³ Ku acīn raan pan Nhalic, nadē ke ye pinyinhom ku piiny tiōp yic la riel bī athōōr pet yic ku kueen.

⁴ Guō dhiau apeī rin cīn yen raan cī yōk ke la cōk bī looi kēya.

⁵ Go raan tōk kōcdīt lēk ya, “Pāl dhiēēu! Tiŋ kōōr, raan kuat Juda wundīt Debit wāār ē bēnyŋaknom yen aci ŋōrac tiaam, kēya yen alēu ye bī theny kadhorou kuem ku pet athōōr yic.”

⁶ Ku tiēŋ Manh Amāāl ē thōn ke kāk ē thōny bēnyŋaknom ciel yic. Yeēn aci lāāi pīr kaŋuan ku kōcdīt gōōm piny. Ku Manh Amāāl aca tiŋ ke cīēt cī nōk. Ku ala tuŋ kadhorou ku nyīn kadhorou kek Wēi Nhalic kadhorou cī tuōōc pinyinhom ēbēn.

⁷ Go Manh Amāāl la ku lōōm athōr tō ciin cuēc tēnē ye cī nyuc thōōc nom.

⁸ Tēwēn cī yen ye lōōm, ke lāāi pīr kaŋuan ku kōcdīt kathiārou ku ŋuan, gut kenhiol piny yenhom, ku kōcdīt aake muk thoom ku aduuk cī looi milōōŋ tōc cī thiēŋ adōŋ ŋīr, yen tō nyin rōōk kōc ē Nhalic luōōi.

⁹ Ku ketkē waak ē yam ēlā, “Yīn ala yic ba athōōr lōōm ku kuem theny yethok.

Rin cī kōc yī nōk ku riemdu yen aci yīn kōc pinyinhom,

dhiēth ku wuōt ku thok ēbēn yōōc bīk aa kōc ē Nhalic ēmēn.

¹⁰ Yīn aci keek cōl aaye kōc Nhalicda luōōi. Ku aabī pinyinhom mac.”

¹¹ Ku ben daai, ku piēŋ rōl atuuc nhal juēc apeidīt cī kuen ke kāk ke cī thōōc gōōm piny, ku lāāi pīr kaŋuan ku kōcdīt,

¹² aake kēt waak rōldīt apeī, “Manh Amāāl wāār cī nōk yen ala yic.

Adhil leec rin rielden tō kek yeen, ku jīek ku ŋiny kāŋ, ku diik, aa dhil athēkēdīt apeī yōk thīn.”

¹³ Ku piēŋ kuat kē pīr ēbēn tō pan Nhalic ku pinyinhom, ku piiny tiōp yic ku wēr yīc ēbēn ke kēt ēlā,

“Tēnē yeēn cī nyuc thōōc nom ku tēnē Manh Amāāl,

bī aleec ku athēkē ku diik ku riel aa kākke akōlriēc ēbēn!”

¹⁴ Ku gem lāāi pīr kaŋuan, “Yenakan.” Ku gut kōcdīt kenhiol piny ku dorkē.

6

Thery

1 Guō Manh Amāäl tīj ke kuem thaany tuelj kam theny kadhorou, ku piēj lān tōk kam lāāi kaŋuan pīr ke luelē rōldīt apeī cīt mār ē den, “Bäär!”

2 Ku tiēj piny, go ya mathiāŋ yer yen tiēj, ku raan cath ē ye amuk dhanj ke wieth, ku gēm ajōm ē bēny bī tāāu yenhom. Ku jiēl bī la pinyhom, cīt kēny cī tāj dhoj ku cop kōc ater.

3 Ku kuem Manh Amāäl thaany ē rou thok, ku piēj lān pīr ē rou ke jam rōldīt ēlā, “Bäär!”

4 Ku bō mathiāŋ thith bei tēwēn. Ku raan cath ē yeen aci gām riel bī kōc col aathār pinyhom, ku bī kōc rōt nōk ē rōt. Ku gēm paldīt ye kōc thār.

5 Ku ben Manh Amāäl thaany ē diāk kuem, ku piēj rōl ē diāk lān pīr ke luelē, “Bäär!” Ku tiēj piny, go ya mathiāŋ col yen tiēj ku raan cath ē ye amuk wēnh ye kāj them yecin.

6 Guō kē cīt rōl raan piŋ ke jam kam lāāi kaŋuan pīr yiic ku luelē, “Aduj abik yen ariōp akāl tōk, ku aduuk kadiāk ayiēēr kek ariōp akāl tōk. Ku duškkē tiim ye miōk yōk thīn ku tiim ye cam rec.”

7 Ku ben Manh Amāäl thaany ē ŋuan kuem thok, ku piēj rōl lān ē ŋuan pīr ku luelē, “Bäär!”

8 Ku tiēj mathiāŋ cīn kīt la gei, ku raan cath ē ye ala rin, “Thou,” Ku rin kōk col, “Piny ē Thou,” Ke buōth cōk ke cīi yiic mec. Keek aake cī gām riel bīk tēcīt aban ŋuan kōc pinyhom yiic nōk ē tōj ku cōk, ku tuaany, ku lāāi roor.

9 Ku ben Manh Amāäl thaany ē dhiēc kuem thok, ku tiēj wēi kōc wāār cī nōk ariāk cōk rin cī kek wēt Nhialic gam puōu ēbēn, ku yekē luelē.

10 Go wēi kiu rōldīt apeī ku luelkē, “Bēny yīn ala cōk ku yīn ē yic! Ye nen bī yen rot jāl looi ba kōc pinyhom tēm awuōc rin cī kek yo nōk?”

11 Go ŋek kamken aa gām alanh yer, ku lēk ke bīk tīt tēthin-nyōt yet tē bī akuēn kōc lui ke ke, ku miēthakēn kek ke bī nōk ēbēn cimēnden, jāl tuōōm.

12 Ku tiēj Manh Amāäl ke kuem thaany ē dātem thok. Ku ya ayiēkyiēk pinydīt tet yen loi rot, ku loi akāl rot bī cuōl cīt alanh col, ku wel pēi yenyin bī ya malual cīt riēm.

13 Ku lōōny kuel piny nhial cimēn ŋam cī luok ye yom tēj piny tē yiēk yen tim.

14 Ku dol nhial rot cīēt ye athōōr ku mār, ku nyēi kuōr ku golgol tō wīr rōt ē nyiēnken yiic.

6:2 Dhāk 1:8; 6:3, 6 6:4 Dhāk 1:8; 6:2 6:5 Dhāk 6:2, 6 6:8 Edhe 14:21 6:12 Ny 11:13; 16:18; Ith 13:10; Juel 2:10, 31; 3:15; Mt 24:29; Mk 13:24-25; Lk 21:25 6:13 Ith 34:4 6:14 Ny 16:20 6:15 Ith 2:19, 21 6:16 Yōth 10:8; Lk 23:30 6:17 Juel 2:11; Mal 3:2 7:1 Jer 49:36; Dan 7:2; Dhāk 6:5 7:3 Edhe 9:4, 6 7:14 Dan 12:1; Mt 24:21; Mk 13:19

7

Kōc 144,000 Itharel

1 Ku ben atuuc nhial kaŋuan tīj ke kāac guōk ē piny kaŋuan yiic, ke ke jāc yom ē bēn guōk kaŋuan yiic nhom, bī cīēn yom ben buok ē pinyhom, tēdē wēr yiic, tēdē kuat tim nhom.

2 Ku tiēj atuny dēt ke bō bei tē ye akāl nyin bēn thīn, ke muk thaany Nhialic pīr, ku col atuny kēnē rōldīt atuuc nhial kaŋuan wāār cī gām riel bīk pinyhom agut cī wēr.

3 Ku luelē, “Duškkē piny ku wēr ku tiim rec, yet tē bī yōk kōc cī Nhialic gam ēbēn yiēk nhīm kīt kenhīm tuelj.”

4 Ku lēk raandā yēn, lōn akuēn kōc la nhīm thaany ē Nhialic kōc Itharel yiic aa kōc 144,000 ē kuat thiār ku rou Itharel yiic,

5-8 tim thiār ku rou kuat Itharel tōk yic, Juda, Ruben, Gat, Acer, Naptali, Manathe, Thimaan, Lebī, Ithakar, Dhebulun, Jothep, ku Benjamin.

Kōc juēc kāac pan Nhialic

9 Ku diēl yanyin piny, ke ya tīj kōc juēc cīi lēu bī ke kueen. Keek akuut kam kuat dhiēth, ku wuōt, ku thok kōc rēēr pinyhom ēbēn. Ku keek aake kāac ē thōōc nhom tuelj ku jōl a Manh Amāäl, ku aake ciēj alēth yer ku keek ēbēn aake muk wuōk agēp kecin.

10 Ku kiiukē rōldīt apeī ku luelkē, “Nhialicdan rēēr thōōc nhom ku Manh Amāäl kek aa yook luōk.”

11 Ku atuuc ēbēn aake kāac ke cī thōōc, ku kōcdīt, ku jōl aa lāāi pīr kaŋuan gōōm, ku gutkē kenhial piny ē thōōc nhom tuelj ku dorkē Nhialic,

12 ku luelkē, “Yenakan! Bī aleec, ku diik, ku ŋjny kāj ku gam riel, ku athēk, ku riēldīt apeī ku lēc aa kāk Nhialicda akōlriēēc ēbēn. Yenakan.”

13 Go raan tōk kam kōcdīt wēn ya thiēēc ku luelē, “Ye yīŋa kōc ciēj alēth yerkā, ku bīk tēnen?”

14 Guō dhuk nhom, “Aa kuōc ke, bēny. Ee yīn aŋic ke.” Go luelē, “Kekkā aa kōc cī tēk

kāril yīic ku guumkē. Aacā alāthken loak riem Manh Amāäl bi ke looi bik yer.

¹⁵ Ku ē yen aye kek kōoc thōny Nhialic nhom ku yekē lušši akōl ku wēer luanje, ku yen cī nyuc ē thōoc nhom abī ke aa kony ē rēerde thīn.

¹⁶ Keek aacī rou ku cək bi bēn nək acīn, tēdē ke ya akōl tuc yen ben ke nyop gup,

¹⁷ rin Manh Amāäl yen rēer thōoc yic ciel abī ya abišnēden. Ku abī ke la dēek nyīn piū ē pīr, ku aabī Nhialic weec nyīn ē piū wāär dhīeεu kek.”

8

Thaany ē dhorou

¹ Nawēn ŋany Manh Amāäl thaany ē dhorou thok, kam wēn ke piny la bit tēthin-nyoot koor.

² Ku tiēŋ atuuc kadhrou ke kāac Nhialic nhom ku ŋek ke cī yiēk kaŋ.

³ Ku bō atuny dēt, ku kēec ariāk lōom ke muk kē ye adōŋ ŋir took thīn cī looi milāŋ tōc. Ku yeen ēcī gām adōk juēc ŋir apeī, bī ke juaar kek rōok kōc ē Nhialic ariāk cī looi milāŋ tōc nhom, rēer ē thōoc lōom.

⁴ Ku la tol adōŋ ŋir cī took nhial, kek rōok kōc ē Nhialic muk atuny nhial kāac Nhialic nhom.

⁵ Go atuny kē ye adōk took thīn lōom, ku muoc yic many rēer ariāk nhom ku cuet piny. Ku piŋ kē cīt mār ē deŋ ku bir, ku loi ayiēkyiēk rot.

Keŋ

⁶ Go atuuc kadhrou la keŋ kadhrou rōt guir bik ke kooth.

⁷ Go atuny tueŋ kaŋde kooth yic, go ya goi ku many cī liāap kek riem kek lōony pinyhom. Go mac tōōŋ ē diāk tiim ku wal cī cil pinyhom nyop.

⁸ Go atuny ē rou kaŋde kooth yic, go ya kēdiit cīt kuur ē mac yen piir rot adēkdiēet yic. Go tōōŋ ē diāk rot waar bī ya riem.

⁹ Go tōōŋ ē diāk kāk pīr adēkdiēet thou, ku rec tōōŋ ē diāk riēth.

¹⁰ Ku koth atuny ē diāk kaŋde. Go ya kueldit apeī dēp yen lōony tōōŋ ē diāk wēr ku nyīn piū ye dek yic.

¹¹ Ku rin ē kuel kēnē acōl kēkec yor. Go piū rōt wel bik kec, ku kōc juēc ke cī dek thīn aacī bēn thou rin cī piū kec.

¹² Go atuny ē ŋuan kaŋde kooth. Go tōōŋ ē diāk akōl ku pēl ku kuel rac abī tōōŋ ē diāk ruelden yic liū. Ku cīn ruel tōōŋ ē diāk akōl ku wēer.

¹³ Ku jal jat yanyīn, ke ye acu yen tiēŋ ke pār nhial, ku piēŋ ke cōt rōldit apeī ku luel,

“Ye kēreec ē dā! Ye kēreec ē dā tēnē kōc ē pinyhom rin aabī kārec yōk, tē le atuuc kōk kadiāk keŋ kooth yic.”

9

¹ Ku koth atuny ē dhiēc kaŋde. Guo kuel cī lōony ē pinyhom tiŋ, ku yeen acī gām wēnh ē riēt bī yen tēthuth mec yic apeī ŋaany nhom.

² Go tēthuth mec yic apeī ŋaany nhom. Go toldit apeī bēn bei tēthuth, tol cīt tol manydit dēp apeī, ku pat tol akōl nyin ku nhial ku looi piŋy bī cuōl.

³ Ku ye koryom yen bō bei tol yic bī la pinyhom, ku gēm riel cīt riel ē kith.

⁴ Go lēk ke bik wal kek tiim ku kākōk cil pinyhom cī rec, ku ye kōc cīn gup kīn Nhialic kenhūim tueŋ kepeec kek recēk ke.

⁵ Keek aake cī Nhialic pušl bik kōc aa yiēk tērem apeī tēn pēi kadhiēc ku cīk kōc nāk. Ku areem yekē yiēk kōc acit arem dhie cī kieth raan moc.

⁶ Ye pēikā kadhiēc yic abīk wīc bik thou, ku thuōu abī mec ke ke.

⁷ Koryom juēcā aake cīt mīthiōōŋ cī guir bik la tōŋ yic. Ku aake ceŋ kacit ajōm cī looi milāŋ tōc kenhūim, ku aake cīt nyīn kōc.

⁸ Ku nhīm tō kenhūim aa bār cīmēn nhīm ē diāar, ku aala thook lec cīt lec ē kōor.

⁹ Ku aala pem kē cīt wēnh dhie ye kōc kepušth gēēŋ tōŋ yic. Ku duōot ye wuōkken looi tē pēer kek, acit duōot riēth dhie ye mīthiōōŋ juēc thel looi, tē le kek tōŋ yic.

¹⁰ Ku yälken aa cīt yäl ē kith, ku kē cīt kek yäl kākā yen ale kek riel bik kōc ya gām tē rem ye pēikā kadhiēc yic.

¹¹ Ku keek aala bēnyaknhom mac ke, yen atuny tēthuth mec yic, ku riencie acōl riāāk, tēdē ka cōl raan ē kār rac.

¹² Kēreec tueŋ acī thōk. Ku ye cōk ciēēn kārec kōk karou thiēk apeī aabō.

¹³ Ku koth atuny ē dātem kaŋde, guo rōl piŋ ke bō kam guōk kaŋuan yic ariāk cī looi milāŋ tōc kāac ē Nhialic nhom.

¹⁴ Ku luel rōl tēnē atuny ē dātem wēn muk kaŋ yecin ēlā, “Lony atuuc kaŋuan wāär cī duōot piny wārdit Yuparet yic.”

¹⁵ Go atuny ē dātem atuuckā kaŋuan jal lony bik tōōŋ ē diāk ē kōc pinyhom nāk. Aake cī Nhialic tāu akōldeen alanden.

¹⁶ Go lēk yen lan apuruuk aa timtim buot karou.

¹⁷ Ku tiēŋ mīthiōōŋ ku kōc cath ē ke nyuūth yic. Ku kōckā aala pem kēcīt wēnh dhie ye kōc kepušth gēēŋ tōŋ yic, ku wēthkā aa thith cīmēn mac, ku aa mīŋōk ku mīkēth aya. Ku nhīm mīthiōōŋ aa thōŋ ke nhīm kōr. Ku

mac ku tol ku kēdēt mac col adēp ē bēn bei kethook.

¹⁸ Kākkā kadiāk, tol, ku mac ku ban mac col adēp bēn bei mīthiōōn thook, aci tōōn ē diāk kōc pinyinhom bēn nōk.

¹⁹ Rin riel mīthiōōn atō kethook ku keyāl aya, rin yālken aake cīt kāpieny kenhūim ye kek kōc gām yōntōōk.

²⁰ Abēk kōc ē pinyinhom kēc kājuēc rēc kōc nōkkā ke nōk, aake kēc luoi kārēc puōl acin, luoi ye kek jakrēc door, jak cī kiēt ē wēth ku aleel ku tiim cie daai, ku cik ye piñ ku cik ye cath.

²¹ Kōckā aakēc luoi kārēc puōl, cīt nāāk ē rōt, luoi kāk jakrēc, ku luoi ē bal, wīny diāār ku cuēēr.

10

Atuuc ē Nhialic ku athōr koor

¹ Ku bēn atuny dēt ril apei tūn ke bō bei pan Nhialic ke bō ē pinyinhom. Ee cī luāt kum ku mūt yenhom nhial, ku adēp nyin cimēn akōl, ku diērke kecīt liem ē mac.

² Atuny kēnē amuk athōr thiin koor ŋaany yic yecin, ku cōkden cuēc ēcī tāau adēkdiēt nhom, ku cōkden ē cam pinyinhom,

³ ku cōōt rōldīt cīt dhiēn kōōr. Nawēn cī cōōt ke kēcīt mār ē deñ gam yerōl arak dhorou nhial.

⁴ Wēn jīēm kacīt mār deñ kadhorou, ku wēn duēr kāk cik lueel gāt piny, ke ya piñ rōl pan Nhialic ke lueel, “Duk kāk cī kacīt mār deñ kadhorou lueel lēk kōc kōk, ku duk ke gēt piny.”

⁵ Go atuny wāār ca tūn ke kāāc adēkdiēt nhom ku pinyinhom ayeer, ciinden cuēc jat nhial.

⁶ Ku kuēēn rin Nhialic cie thou, ku yen cī nhial ku piny ku wēr, ku kāk tō keyiic ēbēn cak ku lueel, “Nhialic aci bī tūt apei ēmēn, bī kē cī guiri cī loi tēcīt tē bī yen rot luōi thiin!

⁷ Ku tē le atuny ē dhorou kanje kooth, ke Nhialic abi kēden cī thiaan thāāp cimēn wāār cī yen ye lēk aluōnyke, kōc kākke tūn.”

⁸ Go rōl wēn ca piñ ke jam nhial ŷen yōōk, “Lōr lōm athōr koor ŋaany yic muk atuny kāāc adēkdiēt nhom ku pinyinhom ayeer.”

⁹ Guō la tēnē atuny nhial ku thiēēc bā gām athōr. Go gām ŷen ku lueel, “Lōm ku cam. Abi miēt yithok ciēt ye kiēc ku abi rot la wel bī wac yīyāc.”

¹⁰ Guō athōr lōm ku cam, go miēt yathok ciēt ye kiēc. Nawēn yet ŷayāc ke wel rot bī wac bī ciēt cuēēl.

¹¹ Ku lēk ŷa ēlā, “Yin adhil kē cī Nhialic guiri tēnē kōc ē pinyinhom ēbēn

nyuōōth ēmēn, kōc jam ē thok juāac ku bānyñaknhūim.”

11

Kōc wēt Nhialic lēk kōc

¹ Go ŷen gām wai, wai ē duēr ciēt tim dhie ye kāñ them, ku lēk ŷa, “Lōr them luanñ Nhialic ku ariāk tō thiin, ku kuen kōc ē rōōk thiin tēnē ŷa.

² Ku duk kal yic tō luak kōu them rin lōñ kēnē aci gām kōc kēc wētdiē gam. Ku keek aabi gendiē kuany kōu ke rēc kāñ pēi kathiārñan ku rou.

³ Ku ŷen abi kackiē karou tuōc bik wēt ē yic la lueel. Aabā alēth col, alēth ē lēēñ cien, ku aabi wētdiē la lēk kōc ē nīn tim ku buōt karou ku thiārdātem yīic.”

⁴ Kōckā karou wēt Nhialic nyuōōth, kek aa tiim karou ye miēthken looi ē miōk, ku kāk ye mēc adōk karou took kenhūim ē kōōc Nhialic nhom bēny pinyinhom.

⁵ Na le raan them ye bī kōckā karou yīēk tērem, ke mac abō bei kethook ku nyuōp kōc ater ēbēn. Kēya raan wīc ye bī looi kēya abi Nhialic nōk.

⁶ Aaci Nhialic gām riel bī kek deñ pēēn bī cī tueny nīn bī kek wētdē nyuōōth. Aaci gām riel aya bī kek piū waar bik aa rīem, ku cōlkē kuat kērac ēbēn abō pinyinhom. Kēnē alēukē bik aa looi akōlakōl tēcīt tē wīckē ye.

⁷ Nawēn cī kōckā karou wēt jal nyuōōth ēbēn, ke lān rōr rac apei bō bei tēthuth mec yic, aabi thōr ke ke ku aabi lān ke nōk,

⁸ ku guāpken aabi cuat ē gēk yic gendīt wāār cī kek bēny ē kōckā karou piāāt thiin tim cī rīou kōu. Gen kēnē acik gām rin cīt rin pan Thodom ku ljiip.

⁹ Kuat dhiēth, wuōt ku thok pinyinhom ēbēn aabi guāpken aa tūn piiny ē gēk yic nīn kadiāk ku abak, ku acin raan bī puōl bī ke thiōk.

¹⁰ Kōc pinyinhom ēbēn aabi puōth miēt rin cī ē kōckā karou thou. Aabi yai looi ku gēmēk rōt kāpath kamken, rin cī kōckā karou kōc pinyinhom col agum apei.

¹¹ Tēwēn cī nīn kadiāk ku abak thōk, ke Wēi Nhialic la ē kōc wēn cī thou gup ku jōtkē rōt. Go kōc ŷic ke cī ke tūn riōōc apei dīt.

¹² Ku piñ kōckā karou rōl ke cōt pan Nhialic, “Bāk tēn.” Gokē la nhial ke kōc aterken daai, ke ke cath ē piōōl yic.

¹³ Kaam wēn cōk ka ayiēkyiēk dīt tet loi rot. Go tōōn ē thiāār ē gēu wīik, ku thou raan tiim kadhorou. Ku jōl kōc cī pīr riōōc ku leckē dīt Nhialic tō nhial.

¹⁴ Kēnē, yen ē thōk kērēc ye kek rou, kērēc dēt ye kek diāk abō ēmēn!

Kaṅ ē Dhorou

¹⁵ Go atuny ē dhorou kaṅde kooth yic, guo atuuc nhial piṅ rōt ke jam rōldit pan Nhialic ku luelkē,

“Nhialicda ku Raan cī dōoc ku lōc aacī bāāny pinyhom ya kēden, ku Nhialic abī mac akōlriēec ēbēn.”

¹⁶ Go kōcdit kathiārou ku ṅuan cī nyuc ē thōny Nhialic lōōm wūk ke gut kenhial piny, ku dorkē Nhialic,

¹⁷ ku luelkē,
“Bēny Nhialic Madhəl yen rēer thīn theer ku yen tō thīn ēmēn.

Yīn yeku leec rin cī yīn riēdu nyuōth yook ku yīn aci määcdu jōok cōk!

¹⁸ Ku kōc kuc yīn aake cī puōth riāāk rin tēn riāj ē piāndu

aci bēn tē bī kōc cī thou yāth luk yic, ku tē bī kōc ariōpden yōk yīn luōōi, ku kōc kāk Nhialic tiṅ, ku kacku ēbēn kōc yī door;

kōckor ku kōcdit ēbēn aaci bēn. Tē bī kōc cī pinyhom rac nōk aci bēn.”

¹⁹ Go luaj Nhialic nhial ṅaany thok, ku rōṅdit lōṅ ē dōōr ē tō alōṅthīn. Go kāk cīt bir ē deṅ ku ayiēkyiēk, ku mār ē deṅ ku tueny ē gei, rōt looi.

12

Tik ku kēdūt cīt jakanuaan

¹ Ku loi kēdūt kōc gōi rot nhial. Tik ē tō thīn ke cī akōl gōōm piny ku pēei yecōk, ku cien ajōm la kōu kuēl kathiāār ku rou.

² Yeen ē tiṅ liac, nawēn cī thiōk ke dhiēth, ke rōp ku rem abī dhiau apei.

³ Ku ben dēt bēn bei nhial kēdūt kōc gōi, ku kēdūt thith cīt jakanuaan la nhūim kadhrou ku tuṅ kathiāār ku ajōm kadhrou kenhūim.

⁴ Ku thēl tōōṅ ē diāk kuēl bei nhial yeyōl ku piir ke pinyhom, ku bīi ku kēec tiṅ wēn dhiēth nhom bī manh dhiēth tiit bī dhiēeth bī cam.

⁵ Go tik manh ē moc dhiēeth, yen bī kōc pinyhom mac ke cin aṅuān. Go atuny nhial bēn ku rum meth man cin ku yēth nhial tēnē Nhialic thōnyde nhom.

⁶ Go tik riṅ roor tē cīi ceṅ, tē cī Nhialic guiri tēnē ye bī yen la rēer thīn, bī la muk ē nīn tim ku buot karou ku thiārdātem.

⁷ Go tōṅ rot looi pan Nhialic. Atuny col Maikel ku atuuc kōk aaci bēn thōr kek kēdūt wēn cīt jakanuaan ku atuōocke.

⁸ Ku kēdūt kēnē aci bēn tiaam, ku aci bēn cuōp wei pan Nhialic.

⁹ Maikel kek atuōocke aaci kēdūt kēnē kek atuōocke bēn cuōp wei pan Nhialic. Kēnē yen ē Bēny jakrec dūt wāar ye luel ka col kēpiiny,

yen raan ēbēn col aloi awuōc. Acik bēn cuat pinyhom kek atuōocke ēbēn.

¹⁰ Ku piēṅ rōldit ke cōt pan Nhialic ku luel,

“Ēmēn, tē bī Nhialic kōc luōk aci bēn! Ēmēn, Nhialic aci riēlden yen bēnyjakhom nyuōth! Ēmēn, Raanden cī lōc ku dōoc aci riēlde nyuōth! Rin raan wāār ē kōōc Nhialic nhom ku gōony miēthakua akōl ku wēer, aci cuōp wei pan Nhialic.

¹¹ Miēthakua aaci jōṅrac tiaam rin cī Manh Amāāl rot juaar bī nōk rienkua ku rin cī kek wēt yic lēk raan ēbēn, ku keek aa kēc wēiken nhiaar bīk riōōc ē thou.

¹² Week ēbēn, wek kōc rēer pan ē Nhialic miētē puōth, ku kuat kē rēer ē pinyhom ku wār abī gum apei dīt. Rin jōṅrac aci cuōp ē pinyhom tēnē ke, ku yen aci puōu mac rin acin nīn juēc cī pāl ye bī yen luui.”

¹³ Nawēn le kēdūt cīt jakanuaan ṅic lōn cī ye cuat pinyhom, ke cop tiṅ wēn cī manh moc dhiēeth bī dōm.

¹⁴ Go tik gām wuōk cīt wuōk acu ku bī col apēer tēden wāār roor tē cīi cien. Ku bī yen la tiit thīn run kadiāk ku abak, ku akēc jōṅrac bēn lēu bī yiēk tētōk.

¹⁵ Ku ṅōk kēpiiny piēu dīt cīt aboor yethok rin bī tik mou.

¹⁶ Go tiām pinyhom tik kony, rin cī yaardit apei piny dai yic, ku wēt piū thīn yōyōr.

¹⁷ Go kēdūt cīt jakanuaan puōu riāāk tēnē tik apei ku le thōr kek miēthen kōk cī lōōṅ Nhialic theek, ku mukkē wēt yic cī Jethu nyuōth.

¹⁸ Ku la jōṅrac kōōc ē wār nhom.

13

Lāi karou

¹ Ku tiēṅ lān roor rac apei ke bō bei adēkdiēt yic. Ku ala nhūim kadhrou ku tuṅ thiāār la nhūim ajōm kathiāār. Ku kenhūim ēbēn rin aaci gōt rin ē Nhialic tōon guōp.

² Lān wēn ca tiṅ aci kuac, ku adit cōk kek riōōp bēer la kōth nhim, ku aci thok kōōr. Aci kēdūt cīt jakanuaan gām riēlde bī nyuc ē thōoc nhom cīt bēnyjakhom la ye cōk.

³ Nhuōm tōk, nhūim ē lān kēnē ala yic piāār cīt piāār tētōk dīt apei ku jol dem. Kōc ē pinyhom ēbēn aake cī gāi ē lān kēnē ku buothkē.

⁴ Keek ēbēn aake ye jōṅrac door rin cī yen lēi gām riēl, keek aya aake ye lēi door, ku luelkē, “Acin kēril cit ē lān kēnē. Acin raan lēu bī thōr kek ye.”

11:15 B.bei 15:18; Dan 2:44; 7:14, 27 11:18 Wk 2:5; 110:5; 115:13 11:19 Ny 8:5; 16:18, 21 12:3 Dan 7:7 12:4 Dan 8:10 12:5 Ith 66:7; Wk 2:9 12:7 Dan 10:13, 21; 12:1; Jut 9 12:9 Cāk 3:1; Lk 10:18 12:10 Jop 1:9-11; Dhāk 3:1 12:14 Dan 7:25; 12:7 13:1 Dan 7:3; Ny 17:3, 7-12 13:2 Dan 7:4-6

⁵ Go lēi pušl bī jal nhiam apeī, ku ye Nhialic lat. Go Nhialic pāl riel kēnē tēnē pēi kathiarņuan ku rou.

⁶ Ku jōl lēi jam ku lēēt Nhialic kek kōcken rēēr nhial paande.

⁷ Acī Nhialic pušl bī thōr kek kōc Nhialic ku tiēm ke. Ku ēcī gām riel kōc pinyhom nhūm ēbēn.

⁸ Kwat raan rēēr pinyhom ēbēn abī ye adoor, kōc cūi ye bī ya door aa kōc cī rienken gōt athōr pīr yic, ke piny kēc guo cak. Athōr kēnē ē kēn Manh Amāäl wāär cī nōk.

⁹ Na lakkē yīth, ke we piņ apath,

¹⁰ “Kwat kē cī Nhialic guiri bī rot luši yī abī rot dhiel looi kēya. Raan bī mac, raan bī teem rōl ē pal abī teem rōl. Wēt kēnē ē lōn bī kōc cī gam dhiel gum ku rilkkē pušt gamden yic.”

¹¹ Ku tiēņ lān dēt ke bō bei piiny, ke la tuņ karou cīt tuņ jōņrac.

¹² Yeen alui riel cīt riel lān tuēņ ke ņic lān tuēņ, ku thēny kōc ē pinyhom thūn bīk lān tuēņ aa door, lān wāär cī tētōk dem yenhom.

¹³ Ku looi kākđit jāņ gōi. Ee ye mac cōl alōōny piny nhial ke kōc ēbēn daai ē ye.

¹⁴ Lān ciēēn kēnē acī pušl bī kākđit jāņ gōi aa looi ke lān tuēņ daai thūn. Rin ē kākka yen acī yen kōc pinyhom wēņ bīk la yecōk. Aaci bēn yōōk bīk kēdāņ buth bī kek lān tuēņ kiēt ku yekē door, lān wāär cī nōk ē pal ku ben pīr.

¹⁵ Lān ciēēn kēnē acī pušl bī wēi yāth kēwēn cī lān tuēņ kiēt yic, rin bī ya jam ku cōl kōc cūi ye ye door anāk.

¹⁶ Ku yōōk lān ciēēn kōc ēbēn, bēny ku kīc, ajak ku raan ņōņ, alony ku raan lāūu nhom, bī raan ēbēn kīt tāāu kōņden cuēc, tēdē ke tēēu yenhom tuēņ.

¹⁷ Acīn raan cī pušl bī kēde yaac, tēdē ke yōōc ke cīn nhom kīt kek rin, tēdē ke ye akuēn rienke nyuōth.

¹⁸ Yīn adhil kāņ ņic apath ba kēnē jāl deet yic. Raan la kē ņic adhil kēnē dōt yic, bī akuēn ē lān ņic, rin akuēn akāāc nyin rin ē raan, akuēn ē buōt kadātem ku thiārdātem ku dātem.

14

Manh Amāäl ku kacke

¹ Ku jōl lā diēl ya nyin piny, ke ye Manh Amāäl yen tiēņ ke kāāc gōt nhom Jeruthalem, kek kacke tim buōt ku thiārņuan ku ņuan cī rin Manh Amāäl ku rin Wun gōt kenhūm tuēņ.

² Ku piēņ rōl nhial kecit arōsl ē piū kat apeī. Aye piņ kecit mār deņ thiek apeī, tēdē ke ye thoom juēc gut.

³ Ku kāāc kōc tim buōt thiārņuan ku ņuan ē thōōc nhom tuēņ, ke ket waak yam lāāi pīr kaņuan ku kōcđit nhūm. Waakkā acīn raan lēu bī ke ket, aa keek kek kōc cī Nhialic luōk ē rōt.

⁴ Keek aa kōc cī rōt tiit cie wīc ē diāär. Keek aa kōc la cōk. Ee Manh Amāäl yen aye kē buōth cōk kwat tē le yen thūn. Kōckā kek aaci luōk kam kōc ēbēn, aa kōc ē Nhialic ku Manh Amāäl, aa cīt rap ē yam dhie ye juēr Nhialic.

⁵ Ku keek aa kēc lueth kaņ lueel. Ku acīn kēreec cik kaņ looi.

Atuuc nhial kadiäk

⁶ Ku tiēņ atuny dēt ke pār aliir yic nhial ke muk athōr Wēt Puōth Yam, wēt pīr akōlriēc ēbēn tēnē kwat dhiēth ku wušt ku thok pinyhom ēbēn.

⁷ Ku lueel rōldīt, “Thekkē Nhialic ku lēckē rin dūt yen apeī. Rin nīn aaci thōk, nīn bī yen kōc ē pinyhom yāth ē luk yic. Duōrkē rin yen aa cak nhial ku piny ku wērđit ku nyīn ē piū.”

⁸ Ku buōth atuny rou atuny tuēņ cōk, ke ye lueel ē rōldīt, “Gendīt Babilon acī rac ēbēn. Babilon ē ye kōc pinyhom cōl adek mušn kec apeī, mušn ke cōl aloi kāk ē bal cī Nhialic bēn rac pušu.”

⁹ Ku buōth atuny ē diäk atuuc tuēņ wēn karou cōk, ke ye lueel rōldīt, “Raan lān kēnē door kek kēden cī kiēt, raan la kīn ē lān kēnē yenhom tuēņ, tēdē ke ye yecin.

¹⁰ Abī mušn riāņ pušu ē Nhialic dhiel dek, mušn kēnē ē kē cī Nhialic pušk ē bīny riāņ piānde yic. Kōckā aabī dēp many bēn bei kuur yic tuc apeī, ka atuuc nhial ku Manh Amāäl daai thūn.

¹¹ Many bī ke nyop kēnē abī ke reem akōlriēc ēbēn. Kōc ē lēi ku kēden cī kiēt ku kwat raan la kīn ē rienke, acīi bī kaņ lāņ acīn akōl ku wēēr.”

¹² Kēnē wētde yic ē lōn bī kōc ē Nhialic kepuōth dēt, kōc lōōņ ē Nhialic theek ku lek gam tēnē Jethu.

¹³ Ku piēņ rōl nhial ke cōt ku lueel, “Dhil gōt, kōc mit gup aa kōc thou ēmēn rin cī kek wēt Bēny gam.” Ku lueel Wēi Nhialic, “Ee yic Alanden! Keek acīi bī ben gum athēer. Kāk cik looi aabī cath ke ke.”

Tēmtem pinyhom

¹⁴ Ku lā daai nhial, ke ye luāät yer yen tiēņ ku kēcīt Manh raan ke cī nyuc ē piōōl nhom, ku ala nhom ajōm cī looi mūlāņ tōc, ku amuk pal moth thok yecin.

¹⁵ Ku bō atuny dēt bei luāņ Nhialic ku jiēm rōldīt tēnē raan cī nyuc ē piōōl nhom, “Jok luōi cōk ye pal kēnē, kāk tem pinyhom aaci luōk, ku akōlden bī ke tem acī bēn.”

¹⁶ Go raan wēn cī nyuc ē piōōl nhom palde met yic ku ler luaiḁe yic, ku kēya, kēriēēc ēbēn pinyinhom aci tem.

¹⁷ Ku tiēḅ atuny dēt ke bō bei nhial luanj Nhialic ke muk palden moth aya.

¹⁸ Ku bō atuny wēn muk riel ē mac bei ariāk lōōm. Ku cōal atuny wēn muk pal moth rōldīt ku lueel, “Lōm paldu ku tem abiēc dom yic pinyinhom rin abiēc aci luōk.”

¹⁹ Ku jōl atuuc palde met yic ku jōl abiēc tem piny, ku kuut keyiic ku yēth ke tē bī ke la nhiaç yūic thūn, rin riāḅdīt pušu Nhialic.

²⁰ Abiēc ēcī nhiaç guu kōu ayeer, go ya riem yen loi kuēer, abī riem lōl bār kōu apeī ku thuuth yic looi.

15

Kādīt rēc bī atuuc nhial bēēi

¹ Ku tiēḅ kēdīt dēt kōc gōi nhial. Kēnē, aake ya atuuc kadhorou la riel bīk kārēc apeī kadhorou gām kōc, ke ye kek awuōōc ciēēn bī Nhialic tēm kōc rēc, rin kek aabi riāḅ ē piānde jāl thōk.

² Ku tiēḅ kēcīt adēkdiēt le piū nyīn kīr thūn cī liāp kek kēcīt mac. Ku tiēḅ kōc wāār cī lēi kek kīnden cī ye kiēt tīaaom aya, agut lān wāār ye riēnke ḅic akuēn. Keek aake kāāc adēkdiēt le piū nyīn kīr yōu ke muk thom cī Nhialic gām ke,

³ ku ketkē waak Mothith alony ē Nhialic, ku waak Manh Amāāl ēlā,

“Yīn Nhialic, yīn aril acīn kē thōḅ ke yīn, kāk ye looi aa path ku aa kōc gōi!

Ee yīn amac pinyinhom ēbēn,

kuat kāk ye looi ēbēn aala cōk ku aa yith.

⁴ Raan ēbēn abī riōōc ē yīn Bēny! Ku rienku abī leec athēr!

Ee yīn ē rot yīn Nhialic ē yic.

Kōc ē pinyinhom aabi ya bēn ku dorkē yīn.

Raan ēbēn aci tēpeth ye yīn luui thūn tiḅ.”

⁵ Nawēn ē kēnē cōk, ke ya tiḅ luanj Nhialic ke ḅaany thok, kek duēl Nhialic nyuōōth alōḅthūn.

⁶ Ku bō atuuc nhial kadhorou, wāār muk kādīt rēc apeī kadhorou bei luanj ē Nhialic. Keek ēbēn aake ciēḅ alēth yer la diardiār, ku karkar cī looi milāḅ tōc aa cik kaar kepuōth.

⁷ Go lān tōk uam lāāi wāār pīr kaḅuan, atuōny tōk ya atuuckā gām aduj milāḅ tōc la yic awuōōc thiek bō tēnē Nhialic pīr akōlriēēc ēbēn, bī gām kōc ē pinyinhom.

⁸ Duēl ē Nhialic ēcī tol paat yic piny, tol bō diik ku riel Nhialic yic. Ku acīn raan lēu ye bī la thūn, yet tē bī kārēc dīt apeī kadhorou wāār muk atuuc nhial ku bīi ke pinyinhom, kaḅ thōk.

16

Kārēc dīt apeī ciēēn kadhorou

¹ Guō rōldīt apeī piḅ ke cōt luanj pan Nhialic yic, ke ye lueel ētūuc nhial kadhorou ēlā, “Lak pinyinhom ku gamkē kādīt rēc ciēēnkā kadhorou, kārēc riāḅ pušu ē Nhialic.”

² Go atuny tuēḅ kērēec cī Nhialic lēk ye bī gām kōc ē pinyinhom gam. Go ya yōntōōk rēc rem apeī kek tul kōc la gup kīn lēi gup, ku kōc kēden cī kiēt door aya.

³ Go atuny ē rou kērēec cī Nhialic gām ye bī gām kōc pinyinhom gam. Go ya piū adēkdiēt kek wel rōt bīk ya riem, ku thou kāk pīr rēēr piū yīc ēbēn.

⁴ Go atuny ē diāk kārēec cī Nhialic gām ye bī gām kōc pinyinhom gam. Go ya piū wēr yīth ye dek kek wel rōt bīk ya riem.

⁵ Guō atuny yen muk piū pinyinhom piḅ ke lēk Nhialic, “Yīn aci yic tēk kōc ē kārēckā yīc, tēdu kan ēmēn ku tēthēr yōn, ee yīn apath yītōk rin le luōḅdu cōk.

⁶ Kōc rēc wāār cī kacku ku kōc kākku tiḅ nōk aaca gām riem bīk dek, yen kēpath ke ke.”

⁷ Ku piēḅ raan rōl ke dhiau tēn ariāk ku lueel, “Ee tēde Bēny Nhialic Madhōl, kārēc ca gam aa yīth ku aa la cōk, luk aca ḅiēc looi!”

⁸ Go atuny ē ḅuan kērēec cī Nhialic gām ye bī gām kōc pinyinhom gam. Go akōl tuōc apeī, ee cī Nhialic puōl bī kōc nyop atuōc.

⁹ Kōc aake cī atuny akōl nyop apeī abī ke gām gup yōntōōk. Gokē Nhialic lat guōp, Nhialic yen bīi kārēckā, ku cik luoi kārēc pāl ku cik Nhialic ye leec.

¹⁰ Ku gēm atuny ē dhiēc kērēec cī Nhialic gām ye ku ler ku tēū thōny lān rac nhom. Go ya muōōth yen kum kōc mec lēi piny arēk abīk kethook aa kac rin arēm,

¹¹ ku yekē kārēc apeī lueel ē Nhialic guōp rin arēm ku yōntōōk rēēr kegup, ku cik luoi kārēc pāl.

¹² Go atuny ē dātem kērēec muk gam, go ya wārdīt Yuparet yen dōu, bī bānyaknhīm lōḅ ciēēn puōl bīk tem kek apuruōōkken.

¹³ Ku tiēḅ wēi jakrēc ē cath ke loi kāk kōc. Keek aake bō bei kēdīt cīt jakanuaan thok, ku lān rac thok, ku thōḅ lān wāār aya bō kek wēt ē lueth yen kōc wēḅ nyīn.

¹⁴ Keek aa wēi jakrēc ē cath ke loi kāk kōc gōi. Wēi jakrēckā kadiāk aa bāny pinyinhom ēbēn kuōōt nhīm bī ke yāth tōḅ yic. Tōḅ kēnē ē tōḅ bī rot looi luḅdīt bī Nhialic Madhōl luk looi tēnē kōc pinyinhom ēbēn.

¹⁵ Aye Bēny lueel, “Piēḅkē! Yēn abō cīt ya ye cuār wakōu. Raan mit guōp ē raan ba yōk ke kēc nin, ciēḅ alāthke, rin bī cīi cath ke cīn alanh ciēḅ bī guōp yār tē tiḅ ye.”

¹⁶ Ku jol wēi jakrečkä bānyņaknhīim kušōt nhīim tē ye koc Itharel cōl, Amagedon.

¹⁷ Ku jol atuny ē dhorou kēreec muk pāl aliir yic. Go Nhialic jam rōldit nhial ē thōōc nhom luanđe ku lueel, “Kuat kēkith ēbēn aci luōi tōcīt tēde.”

¹⁸ Ku bier deņ apei, ku mēēr ē mār thiek ku looi ayiēēkyiēēk rot abī koc rišōc ēbēn. Acīn kēdit cīt kēnē cī rot kaņ looi tēnē cək ke raan pinynhom, ayiēēkyiēēk rec piny cīt kēnē.

¹⁹ Go gendīt Babilon yeyic tek ē diāk, ku wit ayiēēkyiēēk geeth ē pinynhom juēc, ku kēya, ke Nhialic tēm gen Babilon awušč thiek apei rin riāņ piānde.

²⁰ Tēwēn le piny rot yāāk ke yōn thōny wīir mār, ku la gat đir piny ēbēn.

²¹ Go gođit thiek apei lōōny piny nhial ē koc nhīim. Ku kēya, ke koc lēēt Nhialic rin cī yen deņ cōl atueny goi thiek apei cī piny bēn rac.

17

Tiņ rac adējōōk

¹ Go atušny tōk atuuč wāār bō nhial kadhōrou muk kārēc kadhōrou bēn tēnē ya ku lueel ēlā, “Bāār ba yī nyušt tē bi Nhialic ē tiņ reec adējōōk tēm awušč thīn, yen tiņ rēēr wēr yōth.*

² Bānyņaknhīim ē pinynhom aaci kārēc apei, kāk ē bal looi kek ye, ku koc ē pinynhom aake ye miānde dek bīk wišet, ku tē cī kek wišet ka jol kārēc apei kāk ē bal looi kek ye.”

³ Go Wēi Nhialic la yagušp, ku nyiēi atuny Nhialic ya ku yēth ya roor tē cī cieņ. Ee tēēn ke ya tiņ tiņ cī nyuc lān thith kōu, lān la nhīim kadhōrou ku tuņ kathiāār cī gušp thiāņ rin ē Nhialic lat gušp.

⁴ Tik a cieņ alanh thith ku alanh mathiāņ. Ku aci mīlāņ tōc ku kākōk la diardiār ku guēt dhēņ thiāņ yegušp. Ku amuk aduņ cī looi mīlāņ tōc cī thiāņ kāracken ē bal ye looi.

⁵ Ku yenhom tuēņ aci rin gōt thīn rin cie deet yiic. Rin ye lueel ēlā, “EE ƳEN BABILONDIT, ƳEN E MAN DIĀĀR REC EBĒN, ƳEN AYE KĀREC JĀL THĪN KĀREC E PINYNHOM EBĒN.”

⁶ Ku tiēņ tiņ wēn ke cī wišet riēm ē koc Nhialic wāār cī ke nāk, rin cī kek wēt Jethu gam.

Ku wēn tiņ Ƴen ye, guō gāi apei.

⁷ Go atuny nhial ya thiēc, “Yeņō cī gōi? Yīn aba lēk wēde yic yen kēnē, ku lān cieth yen la nhīim kadhōrou ku tuņ thiāār.

⁸ Lān yen ca tiņ ēmēn aci kaņ pīr theer, ku aci ben pīr ēmēn rin abi bēn bei piiny tēthuth mec yic akōldā, ku abi jal la rōm ke riāāk. Koc pīr ē pinynhom kēc Nhialic gāt

athōrde yic, athōr ē pīr theer kēc piny cak, aabi gāi tē tiņ kek ē lān kēnē. Acī kaņ pīr, ku aci ben pīr ya akōlē, ku abi ben dhuk pinynhom.”

⁹ Go atuny nhial lēk yā, “Kēnē awīc raan ņic tak. Nhīim kadhōrou aa rēēr nyīn kušr kadhōrou kek cī tik nyuc kenhīim.

¹⁰ Kek aa bānyņaknhīim kadhōrou aya. Bāny kadhiēc kamken aaci liu. Raan tōk aņot ye bēnyņaknhom ēmēn ku đēt aņot kēc bēn, ku na le bēn ka bi rēēr ē bāāny yic kam koor.

¹¹ Ku lān bi bēn bei tēthuth, yen abi ya bēnyņaknhom ye kek bēt. Ku yen ē raan kam bānyņaknhīim kadhōrou, ku yeen abi rōm ke riāāk.

¹² “Tuņ kathiāār ye ke tiņkā, aa rēēr nyīn bānyņaknhīim kathiāār kēc baai guō mac, ku aabi riel dhiel yōk bīk baai mac kek lēi kam thīn koor.

¹³ Wētdeņ ē tōk, abīk gam kedhie bīk bāānyden thōn lēi.

¹⁴ Bānyņaknhīim kathiāār ku lēi aabi keyiic mat ku thērķē kek Manh Amāāl. Ku keek aabi Manh Amāāl kek kacke ke tiaam, rin Manh Amāāl yen ē bēnyđit ē bāny, ku bānyņaknhīim ku kacke kek aa koc cī Nhialic kuany ku cōl ke, ku kek aa koc cī wēde gam.”

¹⁵ Go atuuč lēk yā, “Pīu ye tiņ cī tik nyuc kenhīim, aa rēēr nyīn koc ē pinynhom ēbēn.

¹⁶ Lēi ku bānyņaknhīim kathiāār ca tiņ aabi kenhīim wēl adējōņ kēnē. Abīk đōm ku thatķē ku retķē kōu, ku pālķē ke cīn kē cieņ. Aabi guāpde cuet. Abīk rac ku yot abāņ cī đōņ ē mac.

¹⁷ Bānyņaknhīim kathiāārķā aabi ē kēnē looi, rin cī Nhialic ye tāau kepušt bīk bāānyden gām lēi, rin wīc Nhialic ye kēya. Aabi lāai theek yet tē bi kē wīc Nhialic thōk.”

¹⁸ Go atuny nhial lēk yā, “Tiņ ca tiņ kēnē ē gendīt yen mac bāny pinynhom ēbēn.”

18

Nhialic aci Babilon rac

¹ Nawēn ē kēnē cōk ke ya ben atuny nhial đēt tiņ ke bō bei nhial pan Nhialic, ku atuny kēnē ala riēldit apei. Ruēl điit yeer wēn bō bei tēnē yen aci pinynhom ēbēn bēn looi bī Ƴer.

² Ku cōt rōldit apei, “Gendīt Babilon aci riāāk. Koc aaci kat thīn ēbēn.

Acīn raan cī đōņ thīn, aa jakreč ku diet rec cīt awuļooņ.

³ Kārēc ē bal ye looi gen Babilon aaci yen ke pinynhom ēbēn liāāp, bī bāny pinynhom keek aa looi kāk ē bal, ciēt ke cī muōn kec apei dek.

16:18 Ny 8:5; 11:13, 19 16:19 Ith 51:17 16:20 Ny 6:14 16:21 B.bei 9:23; Ny 11:19 * 17:1 Wēde yic gen Babilon. (Jer 51:13) 17:2 Ith 23:17; Jer 51:7 17:3 Ny 13:1 17:4 Jer 51:7 17:8 Dan 7:7; Ny 11:7; Wk 69:28 17:12 Dan 7:24 18:2 Ith 13:21; 21:9; Jer 50:39; 51:8; Ny 14:8 18:3 Ith 23:17; Jer 51:7

Ku tēn yen aci Nhalic rac pušu yegušp.
Ku kōc ē pinynhom aake ye Ʒōc thīn ku loikē
kārec Nhalic rac pušu.”

⁴ Ku piņj rōdēt ke jam nhial ku lueel,
“Kackiē jalkē geeu!
Ku bī week cī met awušc looi keek yiic kā,
ku bī Nhalic we cī yīk kādīt rec apeī
cīmēnden.

⁵ Awušcken cik looi aaci juēc nawēn
ke la nhial abik Nhalic dōōt bīk la rac pušu.
Go Nhalic awušckā yōk ēbēn, ku aacī bī
kaņ pušl ke cī tēm awušc.

⁶ Dhielkē luši kārec cīt kāwāār cī kaņ aa luši
week.

Dhielkē kārec wāār cī looi cool kāk wār kāk
wāār cī kaņ luši kōc kōk.

Adhielkē gām mušn kec apeī bī wiēet cīt
tēwāār ye luši kōc kōk.

⁷ Ee nhiam rielden dīt rēer ke yeen,
ku pīrden rēer yen kāpath yiic.

Adhielkē gām kē rem yegušp thōj kek miēt ē
pušu dīt rēer yen thīn.

Rin ye yen rot leec ēlā,
‘Ʒen tiņ dīt nakhom mac paandiē ē riel cīn
ke tem Ʒanhom,

Ʒen acīn mony bī thou ku ba dhuur.’

⁸ Rin ye Babilon jīem kanhiaam kēya,
ee kaam thīn koor ku abī Nhalic kādīt rec
apeī cōl aabō tēnē yeen cīmēn tuaany, ku
caņdīt apeī ku thuōu.

Abī Ʒōt mac bī nyop ēbēn, rin Bēny Nhalic
yen bī ye tēm awušc,
ala riēldīt apeī.

⁹ “Bāny ē pinynhom wāār cī kārec looi kek
ye aabi dhiau ku lōōnykē pušth tēnē ye, tē tiņ
kek tol many cī ye Ʒōt nhom tēmec.

¹⁰ Aabi kōc tēmec, rin cī kek rišōc ciēt ke
bī gām awušc thiek cīt kēn cī gām Babilon,
rin wāār cī kek kārec looi aya kek ye. Abik
aa lueel,

‘Ye kērec ē dē, gendīt Babilon, gen ril yen cī
guō riāāk ye kam thīn yic!’

¹¹ “Kōc ē Ʒōc pinynhom aa dhiau rin Ba-
bilon, rin acīn raan bī kākken ben lōk Ʒōc.

¹² Milšōjken tōc, ku alēth path, alēth cī
looi milāņ thīth ku guēt path ku kāpuōth kōk
cie lac yōk ku tuņ aa kōn, ku kušr path la
diardiar, acīn raan bī keek ben lōk Ʒōc tēnē
ke.

¹³ Miōk nīr, māāu ku abīik, ku Ʒōk ku thōk,
ku mīthišōj ku lāāi kāk baai ku tiim path ku
aloony, acīn raan bī ke lōk Ʒōc.

¹⁴ Abī kōc Ʒōc aa lueel tēnē Babilon ēlā,
‘Kuat kāpath wāār ye ke cam, ku kāpuōth
wāār ye ke cieņ aaci rac, ku aacī bī ben yōk
acīn.’

¹⁵ Kōc ē Ʒōc wāār cī jak rin ye kek kākken
Ʒōc ye aabi dhiau tē tiņ kek ye ke dēp. Aabi
ya kōc tēmec rin wāār cī kek mat kek ye ciēt
ke bī mat ē riāāk yic aya.

¹⁶ Abik aa lueel,
‘Ye kērec ē dē tēnē gendīt cīt kēnē,
gen dīt dhēj cīt raan ceņ milšōj tōc ku guēt
path yeyeth!’

¹⁷ Rin kākā aaci guō ben määer nyin yic.’
“Kōc ē riāth geer adēkdiēet yic, ku kōc la
kākken yekē keek la yaac riāth yiic, kāk ye
kek pīr thīn aabi kōc tēmec,

¹⁸ ku dhiēukē tē tiņ kek tol nhom ke dēp
geeu kek kāk tō thīn ēbēn, ku jōlkē ya lueel,
‘Makei! Acīn gendīt cī kaņ ciēt ē gen!’

¹⁹ Ku jōlkē kenhīim pot ē neth bīk nyuōoth
lōn cī kek pušth lōny ku dhiēukē apeī ku
luelkē,

‘Makei! Cī gendīt riāāk kēya?
Gendīt wāār ye kōc la riāth jīcek la yōk thīn,
yen cī guō riāāk ye kaam thīn yic kek kāk tō
thīn ēbēn!’

²⁰ Kōc rēer pan Nhalic miētkē pušth rin cī
Nhalic Babilon rac.

Miētkē pušth kōc ē Nhalic ku atuuc ē Raan
cī lōc ku dōc,

ku kōc kāk Nhalic tiņ rin cī Nhalic Babilon
tēm awušc tēcīt tēn kārec wāār cī keek
luši week.”

²¹ Ku tiņj atuny Nhalic ril cī kuurdīt thiek
kuany ku pīr wīir adēkdiēet yic ke lueel,
“Kēnē yen ee tē bī gendīt Babilon rac thīn,
ku acī ben tiņ acīn.

²² Yin Babilon acīn lāār bī ben piņ yiic tēdu,
ku acīn kēēt bī ben piņ rōt ke gut thom, tēdē
ke ye keņ kooth yiic.

Kōckun atētē ēbēn aabi määer,
ku wēthkun ye rap guur abi cīēn rap ben
guur thīn.

²³ Ku mēc acī bī kaņ ben tiņ nyīn ke dēp,
ku acīn ruēi bī ben looi,
rin kōckun ē Ʒōc kek aake ye kōcdīt pinyn-
hom,

ē pinynhom cam tēbāār ē ruēeny.”

²⁴ Nhalic acī Babilon tēm awušc rin le yen
gušp awušc cī yen kōc kāk Nhalic tiņ nōk,
ku kōc juēc kōk ē Nhalic, Babilon ala gušp
awušc cī yen kōc juēc ē pinynhom ēbēn nōk.

19

Riāņ ē Babilon ē kōc Nhalic miēēt pušth

¹ Tēwēn cī atuny ril thōk ē jam, ke Ʒa piņ
kōc rōt nhial ke loī kieu apeī ku luelkē,
“Lecku Nhalic! Nhalic yen aci Ʒo lušōk, diik
ku riel aa kāk Nhalicda kedhie.

² Lušņde ee yic ku ala cōk.

Yen aci tiŋ adējōök wäär ηיע tēm awuōc thōŋ
kek kāk cī luōi kōc ē pinyŋhom.
Babilon cī pinyŋhom rac, rin rim kōc
Nhhialic atō yecin.”

³ Ku ben thān awēn loi kiεeu yai cam,
“Lecku Nhhialic!
Babilon abi dēp ku many nyop ye abi tol ya
la nhial akōlriēēc ēbēn.”

⁴ Ku tiēŋ kōcdit kathiārou ku ŋuan, ku lāai
pīr kaŋjan ke gut kenhiōl piny ē Nhhialic
nhom ku dorkē ke cī nyuc thōnyde nhom,
“Yenakan, Lecku Nhhialic!”

Yan thiēŋ Manh Amāäl

⁵ Ku piēŋ rōl ke cōt thōōc lōōm ku lueel,
“Wek aa dhil Nhhialicda leec, week ēbēn,
kōc ril ku kōc niōp, wek kōc thek yeen ēbēn
ye door.”

⁶ Ku piēŋ kōc juēc ke loi kiεeu nhial apēi,
ke loi arōōl cīt arōōl ē piu kat apēi, ku cīt mār
deŋ ku luelkē,
“Lecku Nhhialic! Rin Bānyda, Nhhialic Madhōl
ee Bēnyŋaknhom!

⁷ Jōlku puōth miēt ku lecku Nhhialic,
rin cī nīn thiēŋ Manh Amāäl thōk, ku nyan
thiak aci rot guiri bī lor.

⁸ Aci Nhhialic ruōk alēth path cīn gup acuōl bī
keek cien.”

Alēth path aatō nyin kāpath ye raan luōi
Nhhialic.

⁹ Go atuuc lēk ya, “Gāt wēlkā, kōc mit puōth
aa kōc cī cōl ē yan thiēŋ Manh Amāäl yic.”
Ku met thīn ēlā, “Wēlkā aa wēl ē yith bō tēnē
Nhhialic.”

¹⁰ Guō ŋanhiaal guōt piny yenhom ba
door. Go lēk ya, “Duk loi kēya! Ee Nhhialic yen
aya luōōi cīmēn ye yīn ku miēthakun cī gam,
kōc cī yic cī Jethu nyuōth, buōth yic. Ee
Nhhialic ē rot yen aye door.” Rin yic cī Jethu
nyuōth yen ē kōc cōl agam wēt ē Nhhialic.

Raan cath mathiāŋ yer

¹¹ Ku tiēŋ pan Nhhialic ke ŋaany thok, go ya
mathiāŋ yer yen tiēŋ thīn kek raan cath ē ye.
Ee yen raan ē Nhhialic luōōi ē puōn yer, kuat
kāk ye looi ēbēn aaya yith, tē looi yen luk tēdē
ke ye tōŋ, ka la cōk ēbēn.

¹² Yen adēp nyin cīmēn mac, ku acienj aōōm
juēc yenhom. Aci gāt kōu rin, ku ē yen anjic
rienke ē rot.

¹³ Ku acienj alanh bār yekōu cī kōu thiāŋ ē
riēm. Ku rienke aa, “Wēt ē Nhhialic.”

¹⁴ Abuōth apuruuk Nhhialic ke cienj alēth
yer, ku aake cath mīthiōōŋ yer.

¹⁵ Ku pal moth ē bēn bei yethok bī yen kōc
ē pinyŋhom tōk. Abi kōc pinyŋhom mac ke
cīn aŋuān, aabi nhiaac yiic cīmēn mōn nhiēc
bei athuāāi yic, bīk riāŋ puōu ē Nhhialic yōk
kegup.

¹⁶ Ku alanhde kōu ku yeyām, rin aci
gōt thīn ēlā, “Bēnyŋaknhom ē Bānyŋaknhōm,
Bēnydīt ē Bānydīt ēbēn.”

¹⁷ Guō atuny nhial kāāc akōl nyin tiŋ, ke cōl
diēt pār aliir yic ēbēn ku lueel rōldīt, “Bāk tēn,
bāk bēn mīth dūt ē thēi cī Nhhialic guiri!

¹⁸ Bāk ŋuetkē gup bānyŋaknhōm, kōcdit
apuruuk, kōcdit ril, gup mīthiōōŋken ku kōc
cath ē ke, gup kōc ēbēn, kōc aloony ku kōc cie
aloony, kōcdit ku kōc kor!”

¹⁹ Ku tiēŋ lēi ku bānyŋaknhōm ē pinyŋ-
hom kek apuruōōkken, ke kuut kenhōm
ēbēn bīk la thōr kek raan cath mathiāŋ ku
apuruōōkke.

²⁰ Go lēi dōm, kek raan wēt lueth wēŋ yen
kōc nyin lueel, raan kāk kōc gōi looi, bī kōc la
nhōm kīn lēi kenhōm tuēŋ muōr rin kākken
kā ku dorkē kēden cī kiēēt. Go keek ēbēn
karou piēer manydit tuc apēi bēn bei kuur
yic ke pīr.

²¹ Ku nāk apuruōōkken ēbēn ē pal bēn bei
raan cath mathiāŋ thok. Ku guāpken aci
diēt bēn ŋueet.

20

Ruōōn tiēm tōk

¹ Ku tiēŋ atuny nhial ke bō piny, ke muk
wēnh ye tēthuth mec yic tuer thok, ku luŋ
arēk dīt thiek apēi.

² Ku dōm atuny nhial kēdīt cīt jakanuaan,
kēpiiny thēer yen jōŋrac dīt ē pinyŋhom, ku
rek ē ruōōn tiēm tōk.

³ Ku piir tēthuth mec yic apēi, ku riit thīn
ku thiōōk thīn ē thaany. Ku abi rēēr ē tēēn
ē ruōōn tiēm tōk. Ku kēya aci bī lēu bī kōc
pinyŋhom bēn tuōōr nyin. Ku na la runkā
thōk ke yeen abi pāl ayeer ē kaam koor.

⁴ Ku tiēŋ kōc ke cī nyuc ē thōc nhōm, ku
tiēŋ wēi kōc wāār cī tēm rōt rin cī kek wēt
Jethu Krītho ku yen wēt Nhhialic gam. Kōckā
aake nāk ke rin kēc kek wēt lēi gam ku dorkē,
ku aacīn gup kīn ē lēi kenhōm tuēŋ ku kecin.
Aaci bēn pīr ku nyuuckē ē thōc nhōm, rin cī
Nhhialic ke gām riēl bīk mac. Ku jōlkē mac kek
Raan cī lōc ku dōc ē ruōōn tiēm tōk.

⁵ Na cī runkā thōk, ke kōc kōk cī thou, kōc
cī gam ku kōc ē pinyŋhom aabi bēn pīr, ku ē
yen jōn rot tuēŋ bī gup kōc cī thou rōt jōt.

⁶ Ku Nhhialic abi kōckā dōc, ku keek aabi
ya kacke rin ye kek kōc cī kaŋ pīr, rin cī ke
kaŋ jōt thou yic. Ku keek aaci bī thou thon
ē rou, ku aabi ya kōc Nhhialic luōōi ku Jethu
Krītho, ku aabi mac kek ye ke ye Bāny ē tōk
ruōōn tiēm tōk.

Jōŋrac aci tiaam

⁷ Tē le ruōōn tiēm tōk thōk, ke jōŋrac abi
lony tēwāār cī ye mac thīn.

⁸ Ku abī ben bēn ē pinyinhom bī kōc kōk bēn wēnēn nīn, kōc cī thiēi ē bēēi pinyinhom yiic cal Gok ku Magok. Aabī jōnrac mat yiic ku yēth ke tōn yic. Ku keek aa juēc ka cīt liēet agōr.

⁹ Ku weerkē pinyinhom ēbēn, ku goolkē gen nhiēer Nhialic piny, gen rēer kacke thīn. Go Nhialic mac tuōōc piny nhial bī ke nōk ēbēn.

¹⁰ Ku cuet jōnrac wāar ke wēnē manydīt tuc apēi bēn bei kuur yic, tēwāar cī lēi ku kōc tōr lueth kaŋ cuat thīn. Ku keek aabī reem akōl ku wēer ē tēēn akōlriēec ēbēn.

Luŋ thōk ē piny

¹¹ Ku tiēn thōnydīt yer apēi kek raan cī nyuc yenhom. Go piny ku nhial mār yenhom tuen ku cīn raan ben ke tīn acīn.

¹² Ku tiēn kōc cī thou ēbēn kōcdīt ku kōckor ē pinyinhom ēbēn ke kāac thōōc lōōm. Ku jōl athōr ŋaany yiic, ku athōr cī kāk cī kōc pinyinhom looi gōt thīn, ku jōl athōr dēt yen athōr pīr ŋaany yic aya. Ku kōc ēbēn aake ye tēm awuōc thōŋ kek kē cī ŋek looi pinyinhom, cī gōt rīenke thook athōōr yic.

¹³ Ku jōl kōc ke thou wēn bēn ku kēēckē Nhialic nom luk yic, ku jōl kōc cī thou rēer guāpken piiny rēn yiic rōt jōt aya, ku kēēckē Nhialic nom luk yic. Ku keek aacī bēn tēm awuōc thōŋ kek kāk ke cīk looi pinyinhom.

¹⁴ Go thou nom guōp cuat manydīt dēp apēi yic. Manydīt dēp kēnē yen ē thon ē rou.

¹⁵ Kwat raan liu rīenke athōr ē pīr yic, acī cuat baau mac dēp kēnē yic.

21

Pinyinhom ku nhial ē yam

¹ Ku jal pinyinhom ku nhial ē yam tīn, rin cī piny ku nhial theer mār, ku cīn wērdīt kōk ben rēer thīn.

² Ku tiēn gen Nhialic yen Jeruthalem ē yam, ke bō piny nhial pan Nhialic bī bēn pinyinhom. Gen ē Nhialic acī guir cimēn nyan cī guir bī gām moc.

³ Ku piēn raan ke cōt rōldīt apēi ē thōōc lōōm ku lueel, “Ēmēn pan Nhialic arēer kek raan! Ku keek aabī ya kacke, ku Nhialic nom guōp abī rēer ke ke ku abī ya Nhialicden.

⁴ Abī piū wēec wei ken yīn. Ku acīn raan bī ben thou acīn. Acīn raan bī puōu ben riāāk ku dhīeēu, tēdē ke ben tērem yōk yeguōp cimēn theer, rin kān aacī rōt waar.”

⁵ Ku lueel raan cī nyuc thōōc nom ēlā, “Tiēn kēl! Kān ēbēn aluōōi bīk aa yam!” Ku lueel aya ēlā tēnē ya, “Gāt kēnē, alēu ba gam yen kē lueel rin wēlkā aa yith.

⁶ “Kwat kākkith ēbēn ēcī luōōi tēcīt tēde. Ee yen jōk ē cōk ku yen thōk ē kān. Yen abī raan nēk rou gām piū dek, aba gām piū ē pīr, ku aba gām ye ē path.

⁷ Kwat raan cī tiām abī kākkā yōk tēnē ya. Aba gām ē kākkā ēbēn, ku yen abī ya Nhialic ku yeen abī ya manhdīē.

⁸ Ku kōc rīōc, ku kōc cī gamden puōl ku kōc cā adumuōōm looi, kōc cī kōc nōk, kōc ē luui kārec, kōc ē jōnrac, kōc jakrec door, ku kōc alueth, kōckā ēbēn aabī cuat manydīt tuc bēn bei kuur yic, ku yen ē thon ē rou.”

Jeruthalem ē yam

⁹ Go atuōny tōk kam atuuc kadhōrou wāar muk kērac apēi ciēēn bēn ku cōl ya, “Bār lokku ba yī la nyuōth nyan bī ya tīn Manh Amāāl.”

¹⁰ Go Wēi Nhialic la yaguōp ku yēth atuuc ya ē kuurdīt bār nom. Ee tēēn ke nyuth ya Jeruthalem gen ē Nhialic ke bō piny nhial pan Nhialic.

¹¹ Ee dēp diardiari ke diik Nhialic. A dēp cīt kuur cī guān bī la lēŋlēŋ.

¹² Ku acī gōōl piny kal ril bār, ku ala thok kathiāar ku rou, ku thokkā ēbēn aaye atuuc kōōc thīn. Ku thokkā aacī rin kwat Itharel kathiāar ku rou gōt thīn.

¹³ Ku kal cī geu gōōl piny ē la guōk kaŋuan, ku guōŋ tōk ē la thok kadiāk.

¹⁴ Kal cī ke geu gōōl piny aacī buth aleeldīt kathiāar ku rou nhīm. Ku rin atuuc Manh Amāāl kathiāar ku rou aake cī gāt aleelkā kōōth.

¹⁵ Ku atuny wāar yen jam ke ya, amuk wai cī looi milān tōc bī yen geu athem, pānyde ku thuōkke.

¹⁶ Geu ala guōk kaŋuan thōŋ thook. Ku them atuny nhial geu waiden wēn muk, ku yōk ke cīt meel tiēm tōk ku buōt kadhiēc bēr ē kōu, ku lāau yic kek bēr la nhial ē cīt kēnē aya.

¹⁷ Ku them atuuc la nhial ē kal ku dīt ē kōude aya, ku yōk ke ye akāāth thiārdātem. Kāk ke ye atuuc them aake cīt kāk ke kōc them ē path.

¹⁸ Pāny cī geu looi, aacī buth kuur yer dhēn ku geu nom ēcī looi milān tōc la gei cīt macar.

¹⁹ Puōōny ē geu aake cī jōk cōk kwat aleel la diardiari. Aleel ke cī puōōny jōk cōk aya aake yiic thiāar ku rou. Kōk aake thīth, ku kōk aa yer ku kōk aa maŋōk, kōk aa mīthiōōn, kōk aa mīkēth, kōk aa miyēn, kōk aa milōōth, kōk aa maliik, ku kōk aa mamer.

²⁰ Ku kīt ēbēn aake ye thiāar ku rou.

²¹ Thok kathiāar ku rou ē genē aake cī looi aleel yer kathiāar ku rou, thuōŋ tōk ē ye looi

alēl yer tōk, ku gēēk ē gēu yic aacī looi milāṅ tōc la diardiar cīt macar.

²² Yēn akēc luanṅ Nhialic ye kōc rōōk thīn tīṅ, ee gen kēnē yic, rin Bēny Nhialic Madhōl ku Manh Amāäl kek aa luanṅ Nhialic.

²³ Gen kēnē ēcī wīc ruēl akōl, tēdē ke ye pēēi, rin ala ruēlde ē rot, rin ruēldīt Nhialic yen aye ye mer yic, ku Manh Amāäl yen aye ye mer yic cīmēn many adōk.

²⁴ Ku ruēl ē gen yen aye kōc cath thīn, ku bāny pinyinhom aabī ya bēn bīk jaakden bēēi thīn.

²⁵ Kal aabī ya rēēr ke ṅaany thook akōl ku wēēr, rin piny acī ben a cuōl.

²⁶ Kōc wuōt ēbēn aabī bēn ē gen yic rin bī kek Nhialic bēn aa door ku leckē.

²⁷ Acīn kōc la gup adumuōōm bī puōl bīk la geeu, ayī kōc ē luui kāk kōc cōl ayār gup ku kōc tōr lueth. Kōc bī puōl bīk la geeu aa kōc cī rienken gōt athōr ē pīr Manh Amāäl yic.

22

¹ Ku ben atuny nhial ya nyuōth wār cī thiāṅ piū ē pīr la kīrkīr apei bō tēnē thōny Nhialic ku Manh Amāäl,

² ke kuēēr geeu gēk cīēl yic. Agōr ē wār lōṅ ku lōṅ, akēēc tim ē pīr thīn, tim luōk ē pēēi thok ēbēn ruōōn tōk yic, ku kōc wuōt ēbēn aa yīēthke lōōm bī kek yōntōōk aa cōl adem, ku tuēny kāk aya.

³ Acīn dēt mēēn Nhialic bī rēēr ye gen kēnē yic. Kōc Nhialic ku thōny Nhialic kek thōny Manh Amāäl kek aa rēēr thīn, ku kōc ē Nhialic kek aabī ye aa door.

⁴ Kōckā aabī Nhialic aa tīṅ ku rin Nhialic abī gāt kēnhīim tuēṅ.

⁵ Abī cīēn cuōl ē piny ye gen yic. Kōc ē rēēr thīn aacī bī wīc ruēl akōl, tēdē ke ye many bī piny mer yen wīckē. Rin Nhialic yen abī ya ruēlden. Aabī rēēr thīn ke ye bāny akōlriēēc ēbēn.

Bēn ē Jethu

⁶ Go atuuc lēk ya, “Kuat kāk ca tīṅ ku piṅ ke aa yīth ēbēn. Ku Bēny Nhialic yen Wēike yāth ē kōc kāk Nhialic tīṅ gup, yen acā atuōnyde tuōōc bī kacke nyuōth kāk bī rōt looi ye nīnkā.”

⁷ Aye Jethu lueel ēlā, “Dhiēlkē piṅ apath! Yēn abō ēmēn! Kōc mīt puōth aa kōc thek kāk cī lueel athōr kēnē yic ēbēn!”

⁸ Ee yēn Joon yēn a ya piṅ ku tīēṅ kākā. Tēwēn cī yēn ke piṅ ku tīēṅ ke, ke ya gut yanhīōl piny yecōk ku duōōr atuny wēn nyuuth yēn kākā.

⁹ Go jal lēk ya, “Duk loi kēya! Yēn alony cīmēndu, ku miēthakui kōc kāk Nhialic tīṅ, ku kōc ēbēn kāk tō athōr yic theek. Dor Nhialic!”

¹⁰ Ku lēk ya, “Duk kāk cī gōt athōr kāk Nhialic kēnē yic thian tēnē kōc, rin cī piny thiēk ke thōk.

¹¹ Ku kōc kārēc looi aabī ṅot ke la tuēṅ ke looi kārēc, ku kōc cī wēt Jōṅrac gam aabī ṅot loikē kēya. Ku kōc ē luui kāpath aabī ya luui kāpath. Ku kōc Nhialic aabī la tuēṅ ke luui Nhialic.”

¹² Aye Jethu lueel ēlā, “Piēṅkē apath yēn abō ēmēn thīn, yēn abō ba kōc bēn rīōp, tēdē ke ya tēm kōc awuōc thōṅ kek kē cī ṅēk looi thēēr wāār.

¹³ Ee yēn jōk ē cōk ku yēn thōk ē kāṅ.

¹⁴ “Kōc mīt gup aa kōc cā alāthken lōōk riēm Manh Amāäl, rin aabī la yic bīk mīth tim piūr cam, ku aala yic aya bīk la gen Nhialic ē yam.

¹⁵ Kōc tō geu kōu aa kōc pan mac, kōc cī kegup yīēk acual rin theek kek jōṅrac, kōc nāk ē kōc, ku kōc ē jam lueth, ku kōc luui kāk bal aacī kōṅ la ē gen kēnē yic acīn.

¹⁶ “Aye Jethu lueel ēlā, Yēn acā atuōnydiē tooc bī kākā bēn lēk we, wēk akuut cī gam. Yēn ē kuat dhiēnh bēnyṅaknhom Debit, ee cīēēr bak piny ē ruēl bēēi.”

¹⁷ Aye Wēi Nhialic ku kōc Nhialic kek cīt nyan thiak ē Manh Amāäl lueel, “Bāk!” Ku kuat raan piṅ ē kēnē adhīl lueel aya, “Bāk!” Na le raan nēk rou ke bō, kuat raan nēk rou abī dek piū piūr ē path.

Thōk ē wēl

¹⁸ Yēn Joon, yēn alēk kuat raan piṅ ē wēt kēnē puōu ēbēn, na le raan juēk kēde thīn ka bī Nhialic tuōc kārēc cī gōt athōr kēnē yic.

¹⁹ Ku na le raan nyēēi wēt tōk kam wēl tō athōr wēl cī nyuōth yēn yic, ke Nhialic abī yinynden bī tēk ye mīth tim ē piūr yic, ku la gen yam, cī ke gōt athōr kēnē yic, nyaai tēnē ye.

²⁰ Ku Jethu raan lēk kōc kākā ēbēn aye lueel, “Yēē-yēē! Yēn abō ēmēn!” Kēya, ee tēdē. Bāār Bēny Jethu!

²¹ Bī dhēēṅ Bēny Jethu rēēr kek kōc ē Nhialic. Yenakan.